

Deuxu Rybe  
Tyyriti



New Testament in Karajá (BR:kpj:Karajá)

**Deuxu Rybe Tyyriti**  
**New Testament in Karajá (BR:kpj:Karajá)**

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Karajá

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files dated 29 Jan 2022

55ce0bcd-101e-52a3-984e-847027efe150

## Contents

MATEU . . . . .	1
MARKU . . . . .	50
LUKA . . . . .	76
JOAÕ . . . . .	123
AÕHEBO ROTÿÿNYRE . . . . .	158
ROMA-Ò . . . . .	206
1 ORITXI-Ò . . . . .	227
2 ORITXI-Ò . . . . .	245
ALATXIA-Ò . . . . .	258
EFESU-Ò . . . . .	265
FILIPÌ-Ò . . . . .	272
OLÒSÒ-Ò . . . . .	277
1 TESALONIA-Ò . . . . .	282
2 TESALONIA-Ò . . . . .	286
1 TXIMÒTXI-Ò . . . . .	289
2 TXIMÒTXI-Ò . . . . .	295
TXITU-Ò . . . . .	299
FILEMO-Ò . . . . .	302
HEBREU-Ò . . . . .	304
Txiau . . . . .	319
1 PEDRO . . . . .	325
2 PEDRO . . . . .	330
1 JUAÕ . . . . .	333
2 JUAÕ . . . . .	338
3 JUAÕ . . . . .	339
JUDAS . . . . .	340
APOCALIPSE . . . . .	342

## **Mateu** **Deuxu Rybe Wihikỹ Tỹmyra, Mateu Tyyritidỹỹdu**

<sup>1</sup> Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

<sup>2</sup> Ibutumy ilabiebohonimy arelyykre. Juhuu tybynimy arelyykre idi iriòrenimy: Abraõ, Ijai, Ijaò,

<sup>3</sup> Juda, Peresi, (Peresi seriòre tahe Zera inire. Isereny tahe Tamara inire.) Esraõ,

<sup>4</sup> Araõ, Aminadabe, Nasaõ, Salmaõ,

<sup>5</sup> Boasi, (Raabe, Boasise rare.) Obede, Rute, Ijese, Kie.

<sup>6</sup> Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriòre rare. Tii heka Roaboaõ tyby rare.

<sup>7</sup> Idi Abia reare.

<sup>8</sup> Idi Asa, Josafa, Joraõ,

<sup>9</sup> Uzia, Jòtaõ, Aka, Ezekia,

<sup>10</sup> Ezekia, Manase, Amo,

<sup>11</sup> Josia, Jekonia, taseriòre-wana.

<sup>12</sup> Babilonia-ribi rohonyreu tahe tiiboho reare, Jekonia riòre wahe: Salatieli (Tii Babilonia-ki reare.) Zorobabe,

<sup>13</sup> Abiude, Eliaki, Azo,

<sup>14</sup> Sadòki, Aki, Eliude,

<sup>15</sup> Eliaza, Matỹ, Ijaò,

<sup>16</sup> Ijaò tahe Jyje tyby rare, Jyje tahe Marie hãbu. Jesuisi tahe Kristu Deuxu deòdỹỹna rare.

<sup>17</sup> Kia labiehekỹ sõwe tahe 14my rare, Abraõ-ribi Davi-ò wahe. Tule labieboho 14my rasõwerenyre Davi-ribi Babilonia hãwã-ò ridyreny ixideewimy aõkõ ròte-ò. Ixyby 14my rasõwerenyre. Iribi tahe Jesuisi reare.

<sup>18</sup> Kawese heka Jesuisi Kristu reare. Juhuu Marie Jyje-wana roikremy rare. Tii ijadòmaule tahe Deuxu Tyytybytyhy ribòtònyre.

<sup>19</sup> Jyje hãbu òbiti rare. Tai tahe riixãwididỹỹnykemy rõhõtinyre. Kia õmo-ò rarybeòlere tuu.

<sup>20</sup> Kiau ýju tamy rarybere tarasina-ki: –Jyje, Davi riòre riòre. Ahãwyy, Marie, biteònyõke. Tuu bexihãwyynykre. Iriòre dori Deuxu Tyytybytyhy riòre rare.

<sup>21</sup> Jesuisimy raninykre. Kiani tahe irybereny rare: tarasadu. Ibutumy iny dori iòraruna-ribi ritakre.

<sup>22</sup> Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

<sup>23</sup> –Ijadòma rabòtònykre. Iriòreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

<sup>24</sup> Iribi tahe Jyje dexixade tarasina-ribi. Iwese Inynyrỹreny tuu tamy rarybere wesemy heka tii riwinyre. Tii-wana ratxiòre. Tii aõhe risỹnyòre.

<sup>25</sup> Uladu reare xiery tii aõhe rira. Tamy niõ riwahinyre, Jesuisi wahe.

## **2**

<sup>1</sup> Belẽ hãwã-ki Jesuisi reare, Judeia bedẽ-ki wahe. Iòlò Herodi iòlòmỹ raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iòlò mahãduõ doidenyde biura-ribi Jerusalẽ hãwã-ò.

<sup>2</sup> Tiiboho rỹřraxirenyre: —Iule judeu mahãdu iòlò aõbo kaki reare. Jiarỹboho itainamy rabirenyre tahe nadoidenyde riwowydnyrenykemy. Kaiboho teerytenyte aõbo titxibo ratxireri?

<sup>3</sup> Tahe inyõ Herodiko relyyrenyre. Herodi kia roholareu sõwemy riòtiinyre. Tule ibutumy Jerusalẽ hãwã mahãdu riòtiinyrenyre.

<sup>4</sup> Tahe Herodi ibutumy dinodu mahãdu ributumy: Xiwena wahidỹřdu dinodu, bedewina tyyriti erydu mahãdu tule. Tahe tamyreny rỹřraxire: —Titxibo Kristu reakemy timybo tyyriti-ki ròritidỹřmy roire?

<sup>5</sup> Tiiboho tamy rarybere: —Judeia bedeki, Belẽ hãwã-ki wahe. Kia tahe ihetxiu rybedu riritinyre.

<sup>6</sup> —Kai Belẽ hãwã mahãdu. Judeia bedeki hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikỹre. Aribi dori dinoduõ ròhònykre. Wamahãdu iòlòmorynykre. Idinodumy rarekre, judeu mahãdu dinodu wahe.

<sup>7</sup> Tahe Herodi heka biura mahãdu ributumy ibutumy iny-ribi wasimy. Tamy rỹřraxire: —Tiutxubo taina ròhònyre? Tahe rirawyònyre.

<sup>8</sup> Tamyreny rarybere: —Kaiboho boibenyke Belẽ hãwã-ò. Idi tahe uladu-ki mahabenykre. Iu wadee manarybebedenykre. Jiarỹ tule tamy arakre ariwowydnykemy.

<sup>9</sup> Biura Hãbu Erytyhy mahãdu roholarenyre. Tahe roirenyre. Ryki ixityre tainamy robirenyre. Uladu tyrehekỹle ritoosònyre.

<sup>10</sup> Iu tahe sõwemy reysarenyre.

<sup>11</sup> Heto-ò rehemynyre. Tahe ralorenyre. Uladu rare Marie-wana. Tahe tatiowotimyre reserenyre riwowydnykemy. Isaureny riraynyre tamy riwahinykemy: womati tỹřrỹhỹkỹ, hee aderòna, aderònatyhy wana.

<sup>12</sup> Idi tahe Biura Hãbu Erytyhy mahãdu rarasinyre. Deuxu tamy rarybere: —Kaiboho Herodi-ò bòðsebenyõke. Tai tahe rywixira-di tasubedereny-ò ròðserenyre.

<sup>13</sup> Biura mahãdu tahe ròireny rahudi tahe Inynyrỹ řju nade Jyje-ò rybemy, irasina-ki tamy rarybere: —Ariòre, ise-wana bidyke Egito bedeki-ò. Herodi dori uladu rubudỹřmy ratxireri. Adeeriu ararybekreule kaò bòðòseke.

<sup>14</sup> Tai Jyeboho rummy rahenyrenyre Egito bedeki-ò.

<sup>15</sup> Herodi rubusỹtybmy tahe dòðsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe:

—Wariòre Egito bedeki-ribi nadidyde.

<sup>16</sup> Herodi reburere. Biura Hãbu Erytyhy mahãdu dori tii riitxenanyre. Tai ibutumy uladu rirubunyre Belẽ hãwã-ki, tule ijõ iòhò hãwã-ki. Ibutumy howỹtòdu rirubunyre inataõ beòra ijõdikeki tahe rirubunyõre. Tai Jesuisi rirubunykeny risỹnyre, iwese tii rareu Biura Hãbu Erytyhy mahãdu tamy rarybere.

<sup>17</sup> Kiamy ta rỹire iwese Deuxu rybedu rarybere wese, Jeremia wahe:

<sup>18</sup> —Rama hãwã-ribi ibru-ò iny roholamyhỹre. Rakeli rare. Tii robumyhỹre. Ibutumy iriòre ituere. Tai robumyhỹre. Inyõ riteysanyõtyhy iriòre rurureki.

<sup>19</sup> Herodi tahe rurureu, Inynyrỹ řju heka Jyje rasina-ki tamy nade.

<sup>20</sup> Tamy rarybere: —Bòðsebenyke judeu bedeki-ò. Uladu ise-wana bidyke. Kia rirubunykemy risỹnymyhỹré tahe, rurure.

<sup>21</sup> Tahe Jyeboho ròirenyre judeu bedeki-ò.

<sup>22</sup> Akelau tahe Herodi riòre ronyre iòlòmory, tyby deròwmy. Tai kowa-ò Jyje ròirenyõre sỹmy. Rasina-ki rybeõ rieryre Kalileia-ò ròirenykeny. Tai tahe ròirenyre kowa-ò.

<sup>23</sup> Nazare hãwã-ki rasỹnyrenyre. Kia tahe riwinyre iwese Inynyrỹ rybedu ihetxiu rarybere wese: —Nazare ludu tii rarekre.

### 3

<sup>1</sup> Kiau Judeia bederahy-ki Joaõ Sebedỹỹdu heka iny-ò rarybemyhỹre:

<sup>2</sup> –Deuxu Iòlòna bededỹỹnana iòhòmý ratxireri. Aòraruna-ribi biixãwibenyke, bexirãhĩke!

<sup>3</sup> Joaõmy heka Isaia ihetxiu riritinyre kawese:

Inyõ bederahy-ki ryrereri: –Inynyrỹ dee ryòbiti biwinyke. Biwinyke ryõ tamy kanakemy.

<sup>4</sup> Joaõ kamelo radetyy ityy rare. Iròdutyw iwereysanare. Seihikỹle bidi-wana irỹsỹna rare.

<sup>5</sup> Ibutumy iny tamy ròirenyre irybe-ò roholakemy iòhò hãwã-ribi, Jerusalẽ, Judeia, Jordaõ bero-ribi wahe.

<sup>6</sup> Tamy òrarunamy relyyrenyrene rabadewomy tamy relyyrenyrene. Tai tahe Joaõ heka bero Jordaõ-ki tii riratysebenyrene.

<sup>7</sup> Fariseu mahãdu, saduseu mahãdu doide tamy riratysebenykeny. Kiau Joaõ tamyreny rarybere: –Hemylala mahãdu! Deuxu aõhõkỹmydỹỹnana-ribi mahenybenyõtyhy. Aõhe inatyhy?

<sup>8</sup> Juhuu aõwiwihikỹ widỹỹna biwinybeny. Tai tahe iny rierykre kaiboho aòraru-ribi inatyhymy texihutenyete.

<sup>9</sup> Fariseu mahãdu, kaiboho tahõtinytenyete: Abraõ heka inylabiehekỹreny rare. Rikirãhĩõtyhy. Deuxu-ò kia aõ aõkõ rare. Tamy wikeki mana-ribi Deuxu heka Abraõ riòkõreõ riwinykre.

<sup>10</sup> Woma tahe òwòru-ribi iòhòmý rỹira. Òwòru bederaty wiwihikỹ ihoõkeki, kedeseke. Rasõkre. Woma heka Deuxu aõhõkỹmydỹỹnana wese rare.

<sup>11</sup> Jiarỹ bedi araratisebedỹỹnyra aòraruna-ribi texirãhĩteki. Jesuisi tahe Deuxu Tyytybytyhy-di ròratisebedỹỹkre heòty-wana riratysebenykre. Tii waratyre awityhymy ratxireri. Jiarỹ riwaixỹrunymy watxireri iwa ariwykeki.

<sup>12</sup> Tii maixõmo risykre. Maixõmo ributunyre tahyna-ò. Irỹnysi heòty-di riworonykre. Heòty itueõna heka rare.

<sup>13</sup> Idi tahe Kalileia bede-ribi Jesuisi nade bero Jordaõ-ò. Tii Joaõ-ò nade riratysebenykeny.

<sup>14</sup> Joaõ aõkõmy rarybere: –Jiarỹ tahe aõ aõkõ rare. Kai biwaratysebenyke.

<sup>15</sup> Jesuisi tahe tamy rarybere: –Deuxu deewina heka kia rare. Rikiwinykre. Tahe Joaõ riratisebedỹỹre.

<sup>16</sup> Ròratisebenymy rahudi tahe Jesuisi ròtuòra. Biuwetyy rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeõ biu-ribi narybede:

<sup>17</sup> –Kia heka Wariòre rare. Jiarỹ heka sõwemy tukure. Idi wadeysareri.

### 4

<sup>1</sup> Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyrene.

<sup>2</sup> Jesuisi heka 40 txumy, 40 rummy heka aõ rirỹsỹõhy bede idi rỹire. Sõwemy heka rama risamy tai raremyhỹ.

<sup>3</sup> Taile Satanasi tamy nade. Tahe iurihiximy tamy rarybere:

–Kai inatyhy Deuxu Riòre ahãte wana heka mana-di orotxumy biwitxiranymy biwinyke ahinamy.

<sup>4</sup> Tahe Jesuisi dirawyònyde: Deuxu Ritidỹỹna-ki kiamy roire: –Iny heka orotxudile aõkõ irumy rỹirakre. Ibutumy Deuxu rybedile iny irumy rỹirakre.

<sup>5</sup> Idi Satanasi heka Jesuisi ridyre Jerusalẽ hãwã-ò. Templo heto ratyre tahe ritidire.

<sup>6</sup> Tahe tamy rarybere:

–Kai inatyhy Deuxu Riòre ahâte wana heka katyry-ribi ixi-di behukre bede-ò. Buruõtyhy heka besekeki. Deuxu taÿju kiditeònykre aramykemy. Bede-ò aõkõ beseke.

Ijõ tyyriti rarybere:

–Deuxu araywinykre taÿju-di. Tii ÿju kiditeònykre tebò-di ariijekemy. Awa ritõmonyõtyhy manatyre-ki.

<sup>7</sup> Jesuisi rirawyònyre: –Tyyriti tule rarybere:

–Deuxu uritere biurihiõke.

<sup>8</sup> Iribi Diabo heka Jesuisi ridyre hãwãlò-ò. Tamy ibutumy bede iòlòna riteòsinyre.

<sup>9</sup> Tahe tamy Satanasi rarybere: –Beseke atiowotimy tahe biwawowydynykeki, adee kia ibutumy iòlòna wiihikÿ ariwahinykre.

<sup>10</sup> –Make Satanasi, Jesuisi rarybere: –Tyyriti rarybere:

–Deuxu-ò sohojile deàlana, wowydyna biwahinyke. Tiile bityhynykre. Deòdu tamy sohojile mabeke.

<sup>11</sup> Satanasi tahe Jesuisi-ribi rexitare. ÿju mahãdu rehemynyre iyrubudÿÿmy.

<sup>12</sup> Joaõ òludu heka ròtenawo-ki ritidira. Kia Jesuisi roholareu, Kalileia bede-ò ròsere.

<sup>13</sup> Nazare-ribi rare Kafanaõ hãwã-ki rasÿnykremy rare. Tii aho-ki iòhòre, Kalileia aho wahe. Zebulõ bede, Natali bede tahe inatxi hãwã ibiòwa rare.

<sup>14</sup> Kia tahe Isaia Tyyriti rarybere wese:

<sup>15</sup> –Zebulõ bede, Natali bede, Jordaõ bero kowawe-ribi ijà-ò. Ahohokÿry-ki. Kai judeukõdu mahãdu bede rare, Kalileia wahe.

<sup>16</sup> Iny kowasÿ mahãdu bede luru-ki rasÿnymyhÿre. Tahe tiiboho loosònahakÿmy ro-birenyre. Bede lurusÿ mahãdu-ki tahe Deuxu loosòna ritoosònyre.

<sup>17</sup> Iribi tahe Jesuisi ritelenyre Deuxu rybe ritÿnykemy. Tii rarybere: –Aòraruna-ribi bexirãhÿke. Deuxu Iòlòna bededÿÿnana dori iòhòmÿ ratxireri.

<sup>18</sup> Kalileia aho ijàti-ki Jesuisi rariamy ratximyhÿ. Tahe inatxi waxidu seriòremy robire, Simaõ Pedro, tule Andre ijõre. Rià-di utura rimymyhÿreny.

<sup>19</sup> Jesuisi tamyreny rarybere: –Bodoike wahemy. Iny wadee bimykre. Iwese araerynanykremy bimykre.

<sup>20</sup> Aõwesele tahe tarià ririrenyre. Jesuisi-wana roirenyre.

<sup>21</sup> Roirenyre tahe inatxi ijõ seriòre-ki Jesuisi robire. Txiau ijõni rare. Joaõ ijõre. Tiiboho Zebedeu riòre roire. Tiiboho talawo-ki ronyrenyri rià riywinyreny. Jesuisi tamyreny rarybere: –Wahemy bòdòike.

<sup>22</sup> Tai tahe tybyreny ririrenyre. Jesuisi hemy ròirenyre.

<sup>23</sup> Ibutumy Kalileia bedey-ki Jesuisi rariamyhÿre. Tii judeu dohodÿÿna heto-ki rarybemyhÿre. Deuxu Iòlònamy ritÿnynymyhÿre, Rybe Wihikÿ Tÿmyra wahe. Sõwemy webinadu mahãdu riteytenyre.

<sup>24</sup> Jesuisimy iny relyyre ibutumy hãwã hãwã-ki Siria bede ibutumy. Tai tahe sõwemy webinadu mahãdu didydenyde tamy, iny tyytybybina-di, iny iumy imyremyrehekÿ wahe. Jesuisi ibutumy iny riteytenyre.

<sup>25</sup> Iny sõwehekÿ riheludunyre, Kalileia bede-ribi, Debòwiò hãwã-ribi, Jerusalẽ-ribi, Judeia bede-ribi, tule Jordaõ bero kowa-ribi.

## 5

<sup>1-2</sup> Jesuisi inymy sõwemy robireu, raòwònyre hãwãlò ratya-ò, Ierydÿÿna mahãdu tamy doidenyde. Taile rierynadÿÿnymy ronymyhÿre.

<sup>3</sup> Deuxuko-ki iny ibinamy rÿimyhÿre. Kia iny tuu rexierymyhÿre, teysatyhy rare. Tii deysana sõwemy tai ratximyhÿre, Deuxu Iòlòna heka ihòròrenyri rarekre.

<sup>4</sup> Robumy rÿirakeki teysamy heka rÿirake. Ibedewona wiòhedÿÿna rybe-di heka tamy kanakre.



<sup>5</sup> Kia inytyhy-di widee ratxireri, tii heka teysahyymy ratximyhÿre. Ibutumy heka iny ihôrôlehekÿle rÿirakre. Bede bede heka ihôrômy rarekre teysamy rarekre.

<sup>6</sup> Inyô-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

<sup>7</sup> Inyô ruxetòena-di ratxireri. Deuxu heka tamy ruxetòena-di rarekre.

<sup>8</sup> Inyô irayky òbitimy ratxikeki tii heka teysamy rarekre. Tii dori Deuxumy robikre.

<sup>9</sup> Inyô ywina-di wiwana rÿirake teysamy rarekre. Ywinaô-di rarekré, teysamy rarekre. Tii dori rarinikre: Deuxu riòremy.

<sup>10</sup> Inyô aôhökÿmy dÿÿnana reuròkeki, tii dori òbitimy rurukeki, tii tulesÿ teysamy rarekre. Deuxu Iòlòna dori ihôrômy rarekre.

<sup>11-12</sup> Inyô umyreny relyykeki uritere hekÿle. Ruirybe-di umyreny relyykeki, aôhökÿmydÿÿnana adee riwahinykre wana, tai tahe beysakre. Awimy mohòtinykre. Kai dori biu-ò mahenykre. Tai tahe beysakre kai awimy nohòtykre. Uritere nohòti rosarenyômy. Kia wese tule Deuxu rybemy rybedu aôhökÿmy rotÿÿnyre.

<sup>13</sup> Kaiboho heka saawesemy atximahãtenyete, jyyra wesemy wahe bede mahãdu iny-ò, kai dori kiamy bede mahãdu tewiòhenanyete. Auri tahe urihimyo biònonykeki tahe aurihixina heka urihimyo òlemy releke. Kaa jyyra urile idi adehu rÿikre iny ityre rariakremy. Awiohedÿÿna biònonykeki tahe aôma aôkô beleke.

<sup>14-15</sup> Kai loosòna wesemy atximahãte kabede mahãdu iny-ò. Hãwã hãwãlò ratyy-ki roikeki, tiu heka rexiwòòtyhy itÿnyhy roimyhÿke. Loosònaô iny ritoosònykeki, tule heka tiu heka hyna rawoô-ki roiòtyhy roosòmy. Aôma roosònanymyhÿre ibutu heto jurajuramy heka ibutu ritxuxanymyhÿre. Aôma tamana-ki rÿimyhÿreki wahe.

<sup>16</sup> Kaiboho tule amahãdureny awiwihikÿmy robikeki tahe Deuxu-ò wowydyna riwahinykre.

<sup>17</sup> Jiarÿ heka anaôde bede ywina tuededÿÿmy. Anade aô Deuxu dee rybedu tuededÿÿmy aôkô heka anade. Anade ibutumy aômybo rarybere widÿÿmy. Timybo rarybere wese heka ibutumy tuu rotÿÿnymy rarekre.

<sup>18</sup> Inatyhymy adeeremy ararybekre bede ywina tyyritiy-ribi tiu ijô iòòtyhy ijô sohoji ritiwedena yreô reseòhykre. Ibutumy roikre aôhebo rotÿÿnymyhÿreò bede konanako-txi.

<sup>19</sup> Inyô tòhòti urihimyo bede ywina rosakeki rexidelenymyhÿre iny ribedeerynyòkemy iny ritohonyòmyhÿkemy. Hãbu tahe iyjamy Deuxuko-ò rarekre, Deuxuko-txi. Inyô rityhynymyhÿre irybe iny rybedeerynymyhÿre. Tii tahe Deuxu Iòlòna-ò nihikÿmy rarekre.

<sup>20</sup> Kaiboho aôma fariseu mahãdu-ribi awityhymy ixi-di mohòtinybenykeki. Tiu heka Deuxu Iòlòna-ò aròterenyômy. Kaiboho heka awi toite aôma fariseu mahãdu judeu mahãdu wedu ratyre heka awi boibeke. Kia aôkôkeki tahe malòbenyòtyhy.

<sup>21</sup> Ihetxiu bede ywina Tyyriti kawesemy rare:

—Kai inyô birubunykeki heka iòwynamy iny akanarubunyke. Kia heka bede ywina heka rare.

<sup>22</sup> Tahe warybe urihimyo iwitxira bede ywina-ribi. Kai inyô-ò maraykynykeki. Tai tahe brebunahakÿ-ki tate. Abiòwa-ò bininikeki itxÿtemy. Tamy kai marybekeki: — Kai aôki awiòre. Tai tahe akÿnadykre heka aôma ywisidÿÿduko-ò araòwynykre. Inyô-ò kai makyaranykeki kai brebuna-ki texilòromy tate. Kai inyô deramy mabekeki uriteremy nodu tamy marybekeki, tai brebuna-ki tate. Inyô òsÿny aradykre wisidÿÿdu mahãdu-ò. Inydee ratyhymy mabeke wana aôkô raremy marybekeki, heòty kônana bede-ò make lau brebuna-ki tate. Iòhãrure kai heòty bede-ò makemy.

<sup>23</sup> Kaki aôma nieru xiwena wahidÿÿna-ò behemynykeki inyô-wana aôhe widee botÿÿnykeki òhòti rosaòlemy ahãte wana.



<sup>24</sup> Deuxu heka axiwena tewahinyõhyymyhyte aõma xiwena bire-ki heka birike. Tahe biijeke aseriõre juhuhu. Aõma wana biõbitinybenyke widee marybebenyke. Iribi tahe tamy bedehemynyke xiwena wahidyõna-ò wahe tadevenymy atximahãte wana hãbuõ-ò.

<sup>25</sup> Aõma tai tahe iõraru-ki aõludumy relera wana. Tamy behemynyke aõma timybo tii-wana widi biywinykemy timybo adeve biõwynykemy tamy heka bitobiny õrale heka aõma rieryke urenana. Aradyhemy aõma ywisidyõna ube-ò, idi ywisidyõna mahãdu, idi soldado. Tai tahe bitobinyke bede rierykemy.

<sup>26</sup> Inatyhy heka adee ararybekre rõtenawo-ki malõkeki. Tiu heka aõlõkõmy aõma iõwy mahumy adi rõhõtinkyre. Idi mohõtinkyre xiery heka bõhõnyke.

<sup>27</sup> Juhuhu ihetxiu heka kaweselemy Tyyriti-ki rarybere:

—Òtaõmy!

(Bede ywina tyyriti-ki wahe.) Kawesemy heka jiarõ rebedeerynywãhãre.

<sup>28</sup> Òtamy rõhõtinkyeki hãwyy-ò retehekeki òtamy rexinohõtinkyeki. Tai heka tii òta õraru riwinymyhyre. Iwese iwitxira hãwyy-wana roireri yrubule taheka òta õraru riwinymyhyre.

<sup>29</sup> Arueõ õraruna-txi araatykeki, bitake. Awityhymy biu-ki malõke kawesekile heka awire, Deuxusõ-ò malõke wahe. Arue wiõmy tahe awiõmy biu-txi arue yremy heõty bede-ò make tahe ibinatyhyre.

<sup>30</sup> Tule eraõ bitake iurelemy era-di make biu-txi. Aumy ibutuhukõlemy heõty bede-ò rakehãrele tahe awiõre.

<sup>31</sup> Bede ywina heka kawesemy rõhõnyre iny-ò juhuhu wahe:

—Inyõ tahãwyy ixi-ribi riteõnykeki rixãwididyõnyra tamy tyyritiõ riritinymyhyre.

<sup>32</sup> Iwitxira rybe-di jiarõ arukile tahe hãbu tahãwyy riatorya. Inyõ uritere òta òtana õraru-ki ixi-ribi tahãwyy riteõnymyhyre. Tai tahe hãwyy roimyhõre hãbu wixira hãbuõ-wana. Tai tahe òta òtadumy kia hãwyy rininire. Adõõwe õraru-ò riteõnyre tahãwyy riteõnyre uritere õhyynaõle. Tai tahe tii adõõwe õrarunaõle heka riteõnyre. Taile heka hãwyy hãbu wixiramy heka roimyhõre ahãbuõ tahãwyy uritere hyynaõle riteõnymyhyre mahãdu hãbu heka. Tii heka tule òtadumy relemyhõre hãwyy òta òtaduõ heka roireki wahe.

<sup>33</sup> Juhuhu heka ihetxiu kia wesemy Deuxu tamyreny kia rarybere:

—Taholatenyete kiamy Deuxu heka uritere ruiõmy atximahãbenyke Deuxu-ò biwinybenykemy marybemy bimyekeki biwinybenyke.

<sup>34</sup> Tahe jiarõ heka kiamy adeereny ararybekre. Aõwidõõmy ixi-di nohõtirenyõmy ryberenyõmy iwidõõmy. Ixinohõtidyõmy ryberenyõmy ariwinykre biwawiohenanyke wana biu-ribi wawiohenanykre wana. Uritere heka tuu ryberenyõmykre kia wesemy biubrò-ki aõkõ biu dori Deuxu rynana rare.

<sup>35</sup> Kiamy uritere rybeõmy bedebrò-ki aõkõ aõ biwinykemy aõmy mabekemy. Bede dori Deuxu idi ratximyhõre rare. Deuxu waa elehyna dori bede rare. Jerusalẽ hãwãbrò-ki tule aõkõ, tii dori Iõlõtyhy hãwã rare.

<sup>36</sup> Tule arade-di widõõmy uritere dori rybeõmy kai dori awitxiranyõtyhy arade iura-ò ilyby-ò urile araykywydynakile tuu ratxike.

<sup>37</sup> Aõma araykywydynakile heka tuu riwitxiranykemy idi tahõtinyinmyhyte. Kiamy heka tarybemahãte iwidõõny teuremy tarybemyhyte: —Kohe, kiale ariwinykremy marybeke ada aõkõre, ariwinyõtyhymy aõbo. Kiamy marybekeki iratylemy kohe, aõkõre myõ aõbo. Sõwemy marybekeki tahe aõbina binahakõle heka rõhõnykre.

<sup>38</sup> Ihetxiu bede ywina rõhõnyre.

Inyõ wixira rueõ ribinadõõnykeki, iny wixira tule iwesele riwinyke. Kia widõõdu rue heka ribinadõõnyke. Rue heka wilemy raõwynyre rueõwilemy. Juhu tasõ õjuõlemy raõwynyre. Jiarõ tahe rebedeerynyre kawesemy.

<sup>39</sup> Inyõ aõbinamy adee riwinykeki, aõ aõkõ tamy biwinyke. Inyõ aõsõny rihetenykeki, tule iwyõ-di beake rehetenykemy.

<sup>40</sup> Uritere aòludu-ò ixidòwydỹỹõmy. Aõma ijõ atyy ritakeki heka tule tamy arahana biwahinyke. Inyõ sohoji urixinamy adee ixidinomy reake wana. Inatximy heka tii-wana beake.

<sup>41</sup> Inyõ xitòedỹỹõmy aõ aribi riwykeki tamy biwahinyke tule inyõ aribi aõ huòtemy riwyke wana.

<sup>42</sup> Abròrò itue-di tamy òkeseõmyke iwòde-ki ihuòtemy biwahinyke.

<sup>43</sup> Ihetxiu heka taholatenyete kawesemy:

—Kai heka aõ hãwã ludu mahãdu luomy heka madònymyhỹke.

Aòludumy aki ratxike wana tukumy atxike teramy atximahãke.

<sup>44-46</sup> Tahe iwitxiramy ararybekre. Aòludu heka arabedeerynyke. Tukumy mabekemy inyõ aõhòkỹmydỹỹnana rotỹỹnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu riòlòdỹỹnymyhỹre inybina tyre-ki wahe. Tule iny wiwihikỹ tule-ki aõma biu heka tule riteònymyhỹre. Aõma iny òbitikõdu mahãdu tule-ò. Tule òbiti mahãdu tule riteònymyhỹre. Aõma tukumy ahãte sohoji ratximyhỹre sohojile kai itukukeki. Kia heka awi aõkõ rare ibutumy òraru mahãdu heka tule riwinyremyhỹre kia wese. Aõma urile rybedỹỹ azry mahãdu, Aseriòre mahãdu.

<sup>47</sup> Tulesỹ kia aõma aõkõ rare aõma tule heka judeukõdu mahãdu dori tule riwinyke, tii Deuxu rierykõre.

<sup>48</sup> Òbitityhymy kaiboho boibeke. Aõma jiarỹ heka arabedeerynyrenyreri biu-ki inytybyreny ratximyhỹre dori òbitityhy rare.

## 6

<sup>1</sup> Wahisidỹỹna wiwihikỹ kai hãburu-ki iwahisidỹỹõmy iny-ò. Kai itxerenaõnamy biwahinymyhỹ. Aõkõkeki tiu inytybyreny-ribi bitaòtyhy aòwy awahisidỹỹna.

<sup>2-4</sup> Kai biwahinykeu iny adee aõmybo rurumyhỹreó. Uritere ibutumy iny itxerenamy iwahidỹỹõmyhỹ. Inyõ-ò òbiti mahãdumy riwisỹnymyhỹre mahãdu, kia wesemy heka tii riwinymyhỹre heka. Dohodỹỹmy heto-ki tuu riwinymyhỹre kia wesemy tule ibutumy hãwãhãkỹ ruetyawetyamy tuu riwinyrerimy ihỹre. Inatyhy dori adee rarybereri: —Aõma wahisidỹỹnattyhymy heka adee rarybereri: —Wahisidỹỹnaõ ixidee ritamyhỹre. Aõbo Deuxu wahisidỹỹnaõ heka adee riwahinyòtyhy. Tai heka Deuxu wahisidỹỹnattyhy riwahinyòtyhy tamyreny. Iny-ò aõ biwahinykeki, abiòatyhy-ò belyyõke. Wasilemy tamyreny awiòhedỹỹna biwahinyke. Iny tybyreny dori ibutumy aõna aõna ròtena rieryre aõwahisidỹỹna adee kidiwahinykre.

<sup>5</sup> Iwese budu mahãdu riwinymyhỹre wese uritere iwidỹỹõmyke. Kia wesemy aõkõ heka bexitòenyke. Ibuturu-ò rexitòenymyhỹre dohodỹỹna hetowo-ki heka lamamy rexitòenymyhỹre. Hãwãy-ki dori rexitòenymyhỹre ibutu itxerenakemy. Inatyhymy heka adee rarybere: —Atarasana ibutumy ritare.

<sup>6</sup> Inatyhy dori ritare.

—Bexitòenykeu malòke aheto jurawo-ò. Ixi-di biijòtòbònyke. Ierykõnamy boo ratximyhỹreò heka bexitòenymy myike. Ibutumy heka boo aõbo wasimy iny riwinyriwinymyhỹremy robimyhỹre. Tai-ki tahe bede ywina wihikỹ heka adee kidiwahinykre.

<sup>7</sup> Tule rexitòenymyhỹreu uritere irehemy idi lamaõmy uritere ixityre ixityremy tamy xitòedỹỹõmy wiwesewesehyyle. Judeukõdu mahãdu dori kawesemy riwinymyhỹre. Kiamy heka rarakywydynanymyhỹre aõma rexitòenyre ehehekỹkeki heka roholatyhykemy rohòtinymyhỹreny uritere widỹỹõmy iwese tii riwinymyhỹre wesemy.

<sup>8</sup> Inytybyreny dori rierymyhỹre aõmybo iny raraykynymyhỹré. Inyboho heka rexitòenymyhỹreu rierymyhỹre aõmybo inyboho rurumyhỹreny. Iny sòwemy rarybemyhỹrele aõkõ heka tii roholamyhỹre. Aõmybo iny rurumyhỹreny, heka bexitòenybenyke. Kia wese:

9 Wahareny, biu-ki atximahâte. Anityhy iny ibutumy rityhynykemy idi rierykemy watzireri.

10 Aiòlòna heka wymy kanake. Iny adeewile riwinykemy iwese biu-ki relemyhÿre wese.

11 Wadeereny txuõ txuõ rÿsÿna bidiwahinyke.

12 Waðrarunareny òhõtì-ribi bitosadÿÿnyke. Iwese jiarÿ inyõ òraruna wanohõtì iribi aritosadÿÿnymyhÿre wese.

13 Isiratyhy urihixina-ribi heka biwayrubunyke, òraruna-txi reseke lau. Aõna aõna bina-ò bidiwaijebenyke. Iòlòna, ruru, loosòna heka ahòròhy rare. Kie.

14-15 –Inyõ ariixãwidinykeki iaõbina-ribi. Tule inytybyreny riwaiixãwididÿÿnyke. Deuxu iòraruna-ribi riixãwididÿÿnyke. Beinareheke wana.

16 Uritere aòsÿny bedètiidÿÿõmy iwese budu mahãdu rÿira wesemy. Tai heka byreõmy iny-di txuu rÿimyhÿremy widi retehemyhÿre. Wiji òhõtireny reake. Heka raòwynyra inarehena irareny.

17 Tai narehereheu tainarehenyete. Atarina-di ahâtemy beake aòsÿny bisuhòke.

18 Inywitzira heka anaeryõtÿhy kai tenarehemy atxiteri. Inytybyreny sohojile heka rierymyhÿre. Inyõ tuu robiõtÿhy. Tii tahe ibutumy aõna aõnamy robimy wasimy rÿiramy. Iribi tahe tii araòwynyrenyke.

19 Aõna aõna butudÿÿõmy tyy, nieru, aõna aõna wiwihikÿ butudÿÿõmy kabede-ki. Txudòera dori ibutumy kabede-ki tuu riroxike aõna aõnamy. Aõma rararÿÿnyke iaõmydÿÿna ibutumy rararÿÿnyke rahuke. Wasidu tamy ralòke. Iaõmydÿÿna-ò sòweò wyremy rasinyke iaõmydÿÿna-di.

20 Kaki ibutudÿÿylemy heka biu-ò bibutunyke. Tai heka txudòera aõ riròõtÿhy tule rararyõtÿhy. Tule wasidu aòkò rare.

21 Titxibo aõmydÿÿnana ratxireri iwesele taheka arayky ratximyhÿre. Biu-ki aõbo ada bedeki aõbo. Aõma bedeki araykywydyna ratxireri wana heka kakile taraykywydynanyte. Biu-ki araykywydyna ratxireri wana heka biu-ki heka arayky aõmydÿÿna butuna raykywydyna ratximyhÿre.

22 Arue heka loosòna wesemy rare. Aumy dee itÿnykeki heka aumy ibutumy loosòna-di tÿximy rarekre.

23 Aumy ibinakeki tahe bedeki loro-ki matxike. Aumy bedeki lorohokÿ-ki ratxikeki ibinatyhymy matxike aõma butunale-di iny ròhòtinykeki heka tiu Deuxu iny riwiòhenyõtÿhy. Deòdumy heka releõtÿhy.

24 Inatxi wedu-ki dori inyõ rityynyõtÿhy. Tule heka tii roholamyhÿre ijò-ribi tahe tòhòti rosamyhÿre. Inyõ Deuxu deòdumy releõtÿhy tii aõna aõna butunadile ròhòtinymyhÿreki.

25 Tai heka tuu rarybereri adeereny. Uritere nohòtiyreõmy arÿsÿnamy tule atyymy, idi matykynykemy. Aumy dori rÿsÿna ratyre aõnityhymy ratximyhÿre. Tule aumy tyky ratyre aõnimy ratximyhÿre.

26 Nawii-di inihe betehibenyke. Tiiboho heka aòòworumy aòkò ròbròmymyhÿreny. Aramyre heka aõma tarÿsÿna wydymy bederahymy tarÿsÿna riyrubunyòhyymyhÿre heto nihikÿ-ò. Deuxu biu-ki ratximyhÿré heka nawii riyrubunymyhÿre irÿsÿna tamy riwahinymyhÿre. Kaiboho tahe iratyretyhy toite, Deuxu-ki wahe.

27 Sòwetyhymy maraykywydynanykeki aòbohe, arumy aõbo arirarehemy mariake. Aòkòre.

28 Uritere nohòtiyreõmyke atyymy. Betehemyhÿ inihe noijasa-di. Aõma tiiboho heka raaòmysÿdÿÿòhykymyhÿre. Tai tyky wihikÿ-di rexitynyke. Tyy ixidee riwinyõtÿhy. Ihãre tahe Deuxu rityynywihikÿre heka tyy wihikÿ tamy riwahinyreri.

29 Salomaõ heka itykynihikÿra. Ihãre tahe ityky heka awityhy aòkò rare. Noijasa heka iratyre ityky wityhyre.

<sup>30</sup> Deuxu heka noijasa ritykynymyhÿre aõma noijasa heka wijilemy idi ihÿre. Biurasõmy tahe ixãwilemy reamyhÿre, risõra. Tii heka tyky adee kidiwahinykre. Nohõtiyreõmy tahe. Tii dori adee kidiwahinykre tykyõ. Aityhyna dori ibutetyhyre heka.

<sup>31</sup> Tahe raykyõmy nohõtiõmy titxiribibo arÿsÿna bidiwykré, atyky amona.

<sup>32</sup> Tyhydÿÿdukõdu mahãdu heka kiaõle heka ritõhõtidÿÿnymyhÿre. Inytybyreny heka rierymyhÿre aõmybo tarumahãte. Ibutumy heka araerymyhÿre aõmybo taruterimahãte.

<sup>33</sup> Tii Deuxu aõma dÿÿnana sohojidile. Manaykynykeki heka tii ibutumy adee riwahinykre.

<sup>34</sup> Uritere nohõtiyreõmy aõbo biurasõ kia aõmydÿÿnana-õ. Rÿire dori sõwemy wiji biaõmysÿdÿnanykremy biwinykré. Iwitxiramy bidiwinykre iwitxira aõmydÿÿnanaõ.

## 7

<sup>1</sup> Iny wixira wixira-di ywisidÿÿõkeki. Aywisidÿÿna wesemy heka Deuxu ruxetõena-di ywisidÿÿmy araywinykre.

<sup>2</sup> Iny teywinyamahãte wesemy heka Deuxu araywinykre.

<sup>3</sup> Kai heka õwõru nihikÿereõ arue-ki ijõdikeki, aõherekibo bederarasi sõmo-di inywixira rue-ribi bitakemy atxiteri.

<sup>4</sup> Tai heka kai bobiõtyhy itarasa-ki wahe. Arue-ki dori õwõruere ijõdireki heka bobiõtyhy. Õwõru ere dori aõraruna sõwemy rÿire wesemy heka atximahãte.

<sup>5</sup> Kai texibõnyteri. Aõraruna-ribi juhUU bexiõbitinykre. Idi tahe aseriõre õraruna-ki biwiõhenanykre. Aõraruny-di rierymy idi õbitimy betehekre iõraruna-ribi iixitarasadÿÿmy biwiõhenanykemy.

<sup>6</sup> Inyõ heka utura rati mana wiwihikÿ-di rehuõtyhy aõma ixÿni herina-txi. Ixÿni dori ityre rariake tahe riõnonyke adee heka kanakemy wahe. Iwese tule heka ijõrõsa-õ biwahinydÿÿõmyke. Rybewiwihikÿ hãbu õrarudutyhy-õ iwahisidÿÿõmyke.

<sup>7-9</sup> Rexitõenykeki tahe bitake kia. Biekeki tahe tai mahake. Bihetenyekeki heka iny adee riraynyke ijõtõbõna. Inyõ heka Tyby-õ rÿsÿnaõmy rexitõenykeki, mana heka tyby tamy riwahinyõtyhy.

<sup>10</sup> Uturaõmy rexitõenykeki tahe hemylala binahakÿ tamy tiu riwahinyõtyhy.

<sup>11</sup> Kai aõna aõna wiwihikÿ biwahinyke heka teerymyhÿte auladu-õ wahe, hãbu õrarudu hãrele wahe. Aõbo heka tule Deuxu inytybyreny inydeereny riwahinyke aõna aõnaõ wihikÿõ. Rexitõenykeki tahe tamy ariwahinyke. Inytybyreny heka tamy riwahinyke. Iwese iny wixira teyrubunymahãte wesele heka iny araywinymy ixi-di tahõtinymahãte wese.

<sup>12</sup> Tule kai aõwiwi inyõ ixidee aõhebo rotÿÿnymyhÿkemy taruteri, kiaweselemy tamy botÿÿnymahãke. Kia heka Moisesi bedede ywina tyyriti-ki roire. Kiale Deuxumy rybedu mahãdu ribedeerynyre.

<sup>13</sup> Biu bedede wiwihikÿ kia ryÿijõhÿtÿdile malokre. Heõty ijõ bederyijõ heka nihikÿ rare. Iny kia ryhykÿ irumy rakre heka isirare iny ibute kowa ralore.

<sup>14</sup> Irumy nonona ijõ tahe ihÿtÿre. Ryy heka ihÿtÿre heka ibutere iny ryhÿtÿ-di ròtedu timy bedede erydÿÿkõdu-õ.

<sup>15</sup> Bexiijebenyke kia mahãdu lau Deuxu rybe rybedu mahãdu tyhymy aõkõ lau wahe. Budoeni wese ratximyhÿre inytyhy wesemy. Tawo-ki tahe inatyhy rare ahola debore wesemy heka ratximyhÿre.

<sup>16</sup> Teeryte wesemy ibederaty-õ betehেকেki. Hede-õ heka uvamy figomy tule tiu iratyõna. Iaõmydÿÿna-õ bierybenyke tibo roiré.

<sup>17-18</sup> Tii heka bierybenyke aõhebo rotÿÿnyre wana teerytenyete. Tii heka riitxenanyõtyhy kia aõma matyty matynimy heka tiu biitxenanyõtyhy. Tule betehেকেki, bierybenyke aõwesele heka õwõruõ bierybenyke. Aõma bederatyõ birÿsÿkeki tiu heka bederaty wihikÿõ arÿsÿõna õwõru raty-õ, bederatybinahakÿ tule rierykre.



19 Òwòruõ bederaty wihikỹmy raratynyõkeki heka hemy raòròròke rokoke.

20-21 Kia weselemy heka iny teerytenyete. Aõhebo iny rotỹỹnyke wahe. Tai tahe terytenyete heka, tetehtenyterikile wahe. Òbiti mahãdu wesemy rarybemyhỹre. Tahe òbitimy aõkõre ihỹre. Sõwemy heka iny tawedumy riwaninire. Ihãrele tahe biu-ò ralòõtyhy. Deuxu tyhydỹỹdule tahe ralokre. Ywisidỹỹnatxu heka kawesemy wadee rarybekre.

22 Sõwemy iny wahe: –Wanyrỹ, Wanyrỹ, jiarỹ hewa iny iwitxira sõwemy aijyy rarybemy rare wahe. Tule heka tyytybybina reteònymy rarewãhã. Tule deytana wiwihikỹ heka ani-di rewinyhỹre.

23 Tai tahe jiarỹ tamy ararybekre heka: –Kõrehe, kaiboho aõ wamahãdumy aõkõ atximahãte. Umy reerykõre. Waribi bexitake. Aðraruna dori sõwere.

24 Kawesemy heka iny bede eryna ratximyhỹre. Warybe-ò roholamyhỹreu heka aõwesele riywinymy rityhynymyhỹre. Kia hãbu hetowidỹỹdu wesemy heka rare. Iheto heka manatyre-ki riwinyre. Tii heka ibedeery sõwemy ihỹre.

25 Biu heka beòra heka rariamyhỹre. Iu tahe biu rejuxunymyhỹre, yhy rebonyre. Tahe tiu reseõtyhy manatyre-ki dori riwinyre.

26 Warybe ijohonadu tahe iwitxiramy ihỹre. Hãbu itxỹte tahe warybe-ribi aõwesele tõhõtireny rosamy reamyhỹre. Kaiboho aõbedeeryhykỹ aõkõre roire. Tii heka iwese hãbu ãnarakile heto riwinymyhỹ wese rare.

27 Biu risebenykeu, beòra rareareu, yhy rebonyre tahe iheto reseke, ibutumy iõre, rahura.

28-29 Ibutumy heka Jesuisi rybe erysydỹỹna-ò bede riòtiinyre. Tii heka hãbu erysydỹỹdu wesemy tii ribedeerymyhỹre. Aõ judeu wedu wesemy aõkõ ribedeerynyre.

## 8

1 Tiu hãwãlò-ribi dobehedeu, sõwemy heka iny ihemy doidemyde webinadu, tybina heka tamy nade.

2 Wowydyna rybe-di heka tamy rarybere: –Adee wikeki heka kai biwateytenyke. Jesuisi dirawyònyde:

3 –Wadee awire, arateytenykre. Tahe tamy tebò ritytere tamy reerimy. Ityybinana riteytenyre.

4 Tahe Jesuisi tamy rarybere: –Boholakre, iny-ò uritere rybeõmy.

Kai tahe makre xiwena wahidỹỹdu-ò xiwenaõ biwahinykre. Idi tahe Moisesi bede ywina raryberewesemy xiwenaõ biwahinykre. Kai tahe iny rierykemy heka yteny ratximyhỹre.

5 Jesuisi Kafanaõ hãwã-ò rehemynyre heka hãbu soldado weduõ tamy rehemynyre. Tii tahe Jesuisi-ò rexitòenyre:

6 –Wadeòdu biteytenyke raterenymy ratxireri waheto-ki. Sõwemy aõhõkõmy rotỹỹnyreri. Ibinatyhymy roireri rexisiranymy raratykõhykylemy.

7 Tai tahe Jesuisi tamy rarybere: –Rakakre, tai ariteytenykre.

8 Idi soldado wedu rariwyònyre: –Aõkõre, Kai hãbu wiwihikỹ tate. Jiarỹ tahe hãbu aõ aõkõmy jiarỹ watxiwãhãre. Waheto-ò manalòõtyhy. Karibile marybekre tamy taile taile tahe wadeòdu reytekre.

9 Jiarỹ dori reyryre. Jiarỹ heka tule hãbu weduõmy watxiwãhãre. Soldado heka sõwemy riwatyhynymyhỹre. Iny sohoji-ò aõma rakremy rarybemyhỹré heka, ramymyhỹre. Tule ijõ dee rarybemyhỹre: –Manake, tai tahe namyhỹde. Ijõ dee rarybemyhỹre wana: –Kai biwinyke, idi riwinymyhỹre.

10-11 Tai tahe Jesuisi ribedeòtiidỹỹnyre irybe-ki wahe. Tahe rarybere erydỹỹna mahãdu-ò: –Judeu mahãduy-ki tai rahaõre ijõ-ki kahãbu wesemy inatyhynana sõwereki. Sõwemy heka judeukõdu mahãdu ritynykre kia weselemy. Ijõ txu aõ wiji aõkõ

heka riroxirenyke: Abraõ, Ijai, Ijaò-wana biu-ki heka riroxirenyke bede ludu iny mahãdu-wana.

<sup>12</sup> Judeu mahãduõ ròiirenyõkre tamy. Tule kaibohoõ tahe aõhetykrebo. Ijõ mahãdu dori bede lorohokỹ-txi resekre. Taiki tahe irynamy rurykre aõkõmydỹñana-õ.

<sup>13</sup> Taita Jesuisi soldado dinodu-ò rarybere: –Makre, timybo wiji tahõtynymy tetyhynyte wesemy heka rarekre. Iurele teòdu reytere.

<sup>14</sup> Iribi tahe Jesuisi Pedro heto-ò ralòre. Iriòre lahi heka aõma rubuna nihikỹ roimyhỹ.

<sup>15</sup> Tahe Jesuisi rimyre tebò-di tamy rerire. Idi tahe irubuna iribi ròhònnyre. Tai tahe tii ronyre. Ronymy tahe rỹsỹna riwinymyhỹ tamyreny.

<sup>16</sup> Txiorotyhyomy inyõ didyde aõma tyytybybina nihikỹ-di ratximyhỹõ. Iu Jesuisi sohoji rybeõmy rarybereu tahe aõwesele iribi ròhònnyre. Kia webinadu didyde, tule reytere.

<sup>17</sup> Iwese ihetxiu Isaia ryberiti rarybere wesemy heka tule riwinyre: Jesuisi riwinyre. Kiamy wahe. Wabinanareny waribireny riwyre. Inatyhyre.

<sup>18</sup> Iny sõwemy ributunyreu. Tai tahe taerydỹñna mahãdu-ò tii rarybere: –Rokoirenyhe kanawe-ribi ijã-ò.

<sup>19</sup> Tai judeu mahãdu, bede ywina bederydỹñduõ tamy rarybere: –Awana arakre titxibo makreu heka ahekile anakre.

<sup>20</sup> Tahe Jesuisi dirawyõnyde tamy heka rarybereri: –Ijòrò heka ihãloo dire, ibỹtỹ dire, nawii bỹtỹ isỹ dire. Tahe jiarỹ, Deuxu Riòre Hãbutyhyhykỹ wahe, wahetoõre, waherinaõre.

<sup>21</sup> Ka ijõ iheludu mahãduõ tamy rarybere: –Wanyrỹ, waha heka rurura. Tai heka juhuu arituunykre.

<sup>22</sup> Tamy rarybere: –Manake, wijile biwaheludunyke. Rubuõmy rỹira, rubu mahãdu heka rituunykyemy idi ratxireri.

<sup>23</sup> Jesuisi hãworo-ki ronyre tahe reurore. Ieryredỹñna mahãdu riheludunyrenyre kia lawokile.

<sup>24</sup> Ahobetya-ki tahe yhy debore nihikỹ tamyreny rehemynyre. Tahe òbò nihikỹmy resemyhỹre. Uritereribile yhyhykỹ bee riòbònnyra hãwò rilỹmynyke iòhòtyhyre. Jesuisi tahe ròrõmy roimyhỹ iu.

<sup>25</sup> Tai tahe ierydỹñna mahãdu heka riixixadỹñnyre. Tamy raryberenyre: –Biwayrubunyke, Wanyrỹ. Aõkõkeki, rukururenykre.

<sup>26</sup> Jesuisi tamyreny rarybere: –Aõherekibo kaiboho taberutenyteri? Aityhyna sõwe aõkõ atxitenyteri. Jesuisi tahe rỹimy reare. Yhy debure-ò, òbò-ò rarybere: –Biyryke, bede binahakỹ. Tahe aõwesele ibutumy riyyrya.

<sup>27</sup> Ierydỹñna mahãdu urile ribedeòtiinyre. Tiiboho raryberenyre: –Aõhãbubo tii ihỹre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

<sup>28</sup> Kalileia aho ijõ weribi ijana-ò ritehemynyre. Kowa bede heka Kadara inire. Tule hãbu inatxi heka tyytybybina-di tai rasỹnyrenyre wabedewo-ki. Kiary-ki tahe ibutumy iny ruberure. Iribi tahe ròhònnyre reare.

<sup>29</sup> Aõwesele heka ryrymy roirenyre Jesuisi-ò rarybekremy: –Aõwe wadireny tate, Deuxu Riòre? Kai aõbina binahakỹmy wahòròdỹñnykre.

<sup>30</sup> Tahe kowa-ki ixỹni juramy riroximy rỹimyhỹ.

<sup>31</sup> Tyytybybina tahe Jesuisi-ò rexitòenyre: –Biwatòenybenykeki, ixỹni jurawomy aralorenkyemy biwateònyke.

<sup>32</sup> Tahe Jesuisi rarybere: –Bòibenyke hãbuwo-ribi. Tahe ròirenyre ixỹniwo-ò. Ixỹni jura tahe ibutumy rejuxunyre ijòtira-ribi. Berawo-txi tahe rabòròròre.

<sup>33</sup> Ixỹni-di itxeredu mahãdu tahe hãwã-ò roirenyre iyyymy.

<sup>34</sup> Kia hãwã ludu mahãdu tahe roirenyre Jesuisi-ò itxeremy. Tai tahe tamy rarybere ibede-ribi ròhònnykemy.

## 9

<sup>1</sup> Ribererenyre aõma hãwò nihikÿro-ò reuròrenenykremy kanawe-ribi ijà-ò. Tai tahe Jesuisi tahãwã-ò rehemynyre.

<sup>2</sup> Tai tahe didydenyde weryrybòò byre-di idi betyky-di ramyremyrenymy roimyhÿre. Tahe hãbu mahãdu inatyhyna Jesuisi rieryreu heka hãbu dee rarybere: –Waexi, beysake, aòraruna dori reixãwididÿÿnyra.

<sup>3</sup> Tai tahe ritidÿÿna bederydÿÿdu mahãdu retehereri. Ixideele heka rarybemahã: –Kia heka ibinamy Deuxumy rarybereri.

<sup>4</sup> Iyky Jesuisi rieryre tahe tamyreny rarybere: –Kai aõbo ibinamy waki tahateri arayky-ki.

<sup>5</sup> Timybo heka kaiboho tahõtinyteri. Aõma iòraruna ariixãwidinyke aõbo ada iumy ariteytenyke aõbo? Aõbohe isiratyhyre wadee tahõtinyte wahe.

<sup>6</sup> Deuxu-ribi waruru dire. Kabede-ki heka òraruna ariixãwididÿÿnyke jiarÿ heka Deuxu Riòre Hãbu tyhyhykÿ rareki wahe. Tamy rarybekre: –Myike, abyre bimykre ta mariakre asÿ-ò.

<sup>7</sup> Tai tahe hãbu aõwesele rÿimy reare. Tahe taheto-ò rare.

<sup>8</sup> Tahe bede inysòwetyhy heka ribedeòtiidÿÿnyre. Deuxu heka wowydyna riwahinyre. Tii iny-ò ruru riwahinyreki wahe.

<sup>9</sup> Jesuisi iribi rariamy rare. Tai tahe tii Mateu-wana heka witxi reare ryki: –Jiarÿ heka nieru butudÿÿna heto-ki ranymahã. Jiarÿ rebutunymahã aõma inyòwydÿÿna heka rebutunymyhÿre. Iu Jesuisi wadee rarybere: –Manake waerydÿÿnaõmy heka beleke. Tai tahe jiarÿ tii-wana heka rare aõwesele heka ihemy rare.

<sup>10</sup> Tai jiarÿ retobinyre kanakemy waheto-ò. Waheto-ki riroxikemy taerydÿÿna mahãdu-wana. Tai tahe sòwemy heka iny waery mahãdu dòidenyde, òrarudu nihikÿ mahãdu wahe.

<sup>11</sup> Tule heka fariseu mahãduõ tai ratximyhÿ. Tahe Jesuisi erydÿÿna mahãduõ kiaõ-ò heka rarybere: –Aõherekibo Jesuisi òrarudu nihikÿ mahãdu-wana riroxireri?

<sup>12-13</sup> Tai Jesuisi roholarehe tamy rarybere: –Aõma òhotibedu heka, webinadu mahãdulemy aõnityhymy rarumahãre. Òhotibedu-ò kanakemy. Binadu mahãdu-ò tahe tiu ararariòwyòtyhy aõma òbiti widÿÿdu mahãduòle heka anade. Warurumy rurumyhÿle mahãdu ariwiòhenanykemy anade. Aõ awihikÿmy ixi-di ròhõtinyrerìò aõkõ wahe. Deuxu Ryberiti-ki tahe kaweselemy roire:

Ixiwe heka wadee awiõre aruxetòena wadee awire.  
Kaiboho bierybenyke aõbo katyriti rare.

<sup>14</sup> Tahe Jesuisi-ò rarybere Joaõ eryna mahãdu: –Aõherekibo Joaõ Sebedeÿÿdu kia erydÿÿna mahãdu renarehemyhÿre rexitòenykreu. Fariseu mahãdu erydÿÿna heka tule heka renarehemyhÿre. Ihãrele taheka aõherekibo abedeerydÿÿna mahãdu heka tiu iwesemy riwinymyhÿre. Aõherekibo ka.

<sup>15</sup> Taita Jesuisi dirawyònyde: –Iu iny inyhãwyy my roimyhÿreu heka iny reysamyhÿre. Aõma kia weryrybò hãwyy kialina heka teysamy ratxirerimy ihÿre. Tiu rirubunyòhymyhÿre teti-ò. Tahe aòutxumy tahe weryrybò hãwyy my heridu heka inyò ritakremy ratximyhÿre. Iu tahe renarehekre heka.

<sup>16</sup> Uritere inyõ deratyby ritòbònyòtyhy tyytÿmyra-di. Inyõ itòbòna tÿmyra-di ritòbònykeki, raykake heka iura ranihikÿke. Aõma iwesele rare aõma vÿi tÿmyra iròdutyy tÿmyrahakÿle ritidikre. Aõma itÿmyra-ò heka iròdutyy itÿmyrahakÿle raykake.

<sup>17</sup> Aõhe tiu vÿi tÿmyra iròdutyy tyby-ò rihynyòtyhy. Inyõ kia wesemy riwinykeki taheka raykake heka rejuxunykre irube. Ihyna heka rabinake. Vÿi wihikÿ taheka aõma iròdutyy tÿmyra hyynawo-ki ka awimy rÿike.



<sup>18</sup> Iu dohodỹ̃du hetoõ bede erydỹ̃duõ heka Jesuisi-ò nade tariòre rurureki wahe. Tai ta Jesuisimy reàlære tamy heka rarybere: –Aõma wariòre rarurura wahirari wahe. Kai waheto-ò manake wariòre ruru-ribi biixixanykremy.

<sup>19</sup> Tahe Jesuisi taerydỹ̃na mahãdu-wana roirenyre tii wana wahe.

<sup>20-21</sup> Tahe hãwyy rõhõtinyre heka: –Jikarỹ heka ityky reroti-kò karirikrekule karekytekre.

Tii dori ihãlubu rihyõhyy raremyhỹre waò inatxi reurò beòramy. Iòhòmy iribi reare. Ireroti wereysanakile rimymy resere.

<sup>22</sup> Taita Jesuisi ròðemy reare. Tuu robire tamy rỹraxire: –Lerỹ, awi heka rare. Aityhyna heka arateyteynyre. Inatyhymy teyteta. Tai tahe hãwyy aõwesele reytemy reare.

<sup>23</sup> Idi tahe aõwesele rehemynymy reare. Judeu wiuna bedeerydỹ̃du heto-ò rehemynyre. Tai heka hãwyy sõwemy robumy rỹimyhỹ rubura-ki rawiunymy rỹimyhỹ.

<sup>24</sup> Tai tahe Jesuisi tamyreny rarybereri: –Bòibenye hewahe. Hirarihikỹ heka ruruõhyky roireri. Urile heka rõrõmy roireri. Tahe iny rutxuenyre.

<sup>25</sup> Tai iny sõwemy ròhònyre iribi. Tahe Jesuisi ralòre titxibo hirarihikỹ roireriò. Debò-ki rimyre tahe riteytenyre. Rexixare ixyby.

<sup>26</sup> Ibutu bede bedemyhe inina-ò roholare. Kia deytana riwinyraò.

<sup>27</sup> Tahe hãbu ruetà inatxi Jesuisi riheludunyre heka. Kia hetoy-ribi wahe. Tamy heka raryberenyre: –Kai heka iòlò Davi riokore tate. Tai tahe ruxetòena-di biwawotòenyke.

<sup>28</sup> Idi tahe Jesuisi taheto-ò ralore tai rasỹnymy ratximyhỹò. Iny mahãdu ihewomy rare tahe ralòre. Tamy rarybere: –Inatyhymy aõbo tetyhynytenyte, ixyby arãitxeredỹ̃nykeò. Tiiboho raryberenyre: –Kohe Wanyrỹ, retyhynyre.

<sup>29</sup> Jesuisi rarybere: –Ainytyhnadireki arue tabita. Aõwesele robirenyre.

<sup>30-31</sup> Jesuisi heka rarybere tarurumy tamyreny uritere ijyyõmykremy. Tai tahe aõma ròirenyre ibutuko relyyrenyre.

<sup>32</sup> Idita tako-ò rexidorunymy reareki tasỹ kia hãbuõ-txi reare tyytybybina-di ratximyhỹò.

<sup>33</sup> Tahe Jesuisi-ò didydenyde hãbu irybeõna kia tyytybybina òraru-ki wahe. Jesuisi tuu òlòdỹ̃nyre iribi. Iule tahe hãbu aõwesele heka rarybere iroo-ki. Kia iny ibutumy ribedeòtiidỹ̃nyre. Timy heka rarybeõhyyre iko-ki juhoo raremyhỹu. Tuu rabiõhe iwesedỹ̃nadumy.

<sup>34</sup> Idi tahe fariseu mahãdu rarybere: –Tyytybybina-di ratximyhỹre. Tai heka tyytybybinahakỹ reteònymyhỹre iny-ribi. Ihãrele heka Satanasi-di ihỹre. Tyytybybinatyhy wedu heka ratximyhỹre.

<sup>35-36</sup> Idi tahe ibutumy hãwã hãwã-di Jesuisi rariamy rare ròbedeerydỹ̃my. Judeu mahãdu dohodỹ̃na heto-ki relyymyhỹre, Rybewihikỹmy. Tai Iòlòna kia ritỹnynymy tuu relyymy. Ibutumy iny bina bina kia heka riteytenyre. Iny nade ihewo-ribi. Sõwemy heka iny aõna aõna bina binahakỹ riwinymyhỹre idi rỹimyhỹ. Titxibo rakre heka rieryõhykymyhỹre ta aõna aõna òraru-ki idinoduõreki wahe. Tai tahe Jesuisi riwotòenymyhỹre ibutumy tiiboho dori budoeni wese ratximyhỹre, itxeredu ihoõreki.

<sup>37</sup> Tai tahe taerydỹ̃nana mahãdu-ò Jesuisi rarybereri: –Iny heka maixõmo sõwehekỹ rỹira wese heka iny ratximyhỹre. Aõma ibutelemy heka arixidu rỹira.

<sup>38</sup> Bexitòenyke Deuxu-ò. Tii heka bederomy maixõmo rỹira wedu rare. Bexitòenyke tamy aõbo maixõmo arixidu-ò kiditeònykemy. Irybe-di heka raaõmysỹdỹ̃kre ibedero-ki. Ibutu bedero-ki heka idi raaõmysỹdỹ̃kre.

## 10

<sup>1</sup> Ributunyre Jesuisi aõma tawa-ò inatxi reurò kia bede erydỹ̃na mahãdu. Tamy heka ruru riwahinyre. Aõma tyytybybina riteònykemy. Tule tamy riwahinyre ibutu binana deytana heka riwahinyre tamy.

<sup>2</sup> Kia heka tadeòdỹmahãdurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijõ. Tii heka Pedro seriòre rare. Txiau, Joaõ-wana heka Zebedeu riòre rare:

<sup>3</sup> Filipi tasỹ ijõ rare. Idi tahe Bartolomeu ijõre. Tome ijõre. Mateu ijõre, jiarỹ wahe. Jiarỹ nieru tarasaduõ rare, imposto tarasadu wahe. Ijõ Txiau tasỹ Afeu riòre rare. Tadeu ijõre.

<sup>4</sup> Simaõ ijõre. Tii Kana bede luduõ rare. Judasi Isariò ijõre. Tii heka Jesuisi tyhedỹdu rare.

<sup>5</sup> Jesuisi taerydỹna mahãdu waòinatxi reruòmỹ riteònỹre. Tamyreny rarybere: —Judeukõdu mahãdu-ò aõkõkre reteònỹre. Aõma Samaria mahãdu hãwã heka ralòohyymỹre.

<sup>6</sup> Kaiboho heka bòibenyke judeu mahãdu-ò sohojile. Tiiboho Israeli riokore mahãduõ ihỹre. Aõma budoeni reòsamyhỹre mahadu wesemy tiiboho ratximyhỹreny.

<sup>7</sup> Aõma tamy marybebenyke: —Deuxu Iòlòna biu-ki heka aõwesele kedehemynykemy ihỹre.

<sup>8</sup> Webinadu mahãdu heka biteytenyke. Aõma iny rubu-wana witxi beakeki, biixix-adỹnyke rubu-ribi. Tykybina yjy jyhykỹ-ribi iny biteytenyke. Tyytybybina inywo-ribi biteònỹke. Iwese aõ tetate wese iòwykõ heka ijõ-ò biwahinymahãke, iòwykõ wahe.

<sup>9</sup> Uritere nieru wydyòmỹ, womati tỹrỹrỹhỹkỹ nieru aõkõ, prata womati nieru aõkõ, cobre womati nieru aõkõ wahe.

<sup>10</sup> Aõma anieru hyna nihikỹ wydyòmỹ, awa ijõ wydyòmỹ, ijõ dera wydyòmỹ. Aõma òwòru arirana wiòhedỹna wydyòmỹ. Aõmysỹdỹdu taòwy riwykre. Kia òbitire.

<sup>11</sup> Hetoõ malòke. Kia heka arayrubunykre. Adee riwahinykre ibutumy aõmybo rarumyhỹkre. Iu hãwã-ò malokreu, hãbu ityhydỹdu mahãduõ biijekre. Taihyy bonykrehyy tahe iwitxira hãwã-ò iribihyymy makre.

<sup>12</sup> Iu hetoõ-ò malòkeu Deuxu ywina tamy marybekre, Deuxu deysanamy wahe.

<sup>13</sup> Kai awimy ityhydỹdu hetomy rỹike wana, biwahinyke aalàna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahidỹòmỹ.

<sup>14</sup> Aõma tii arybe-ò roholaõkeki, kai hãwã-ribi bexitake taheto-ribi wahe. Tahe iribi bòhònỹkeu tahe awabrybyxi biubỹtỹnynimy bòhònỹke. Tii tahe tamyreny rioimyhỹre. Aõma tamyreny ibinatyhykre.

<sup>15</sup> Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isiraõkre aõhõkỹmy dỹnana wahe. Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhõkỹmy rotỹnykre. Ywisidỹna txu heka rỹekreu wahe.

<sup>16</sup> Iwese budoeni ijòrò aholay-ki rỹikre wese heka kaiboho boibekre. Hemyllala erydỹna wesemy heka maraykynykre. Idi tahe sòwemy aõma ywina-di maraykynybenykre bòtòewesena-di.

<sup>17-18</sup> Uritere inatyhy heka aramykre araròtenykre dohodỹna hetowo-ò adi ralokre. Waòraru-ki heka bede dinodu mahãdu heka araywisidỹnynakre. Judeukõdu mahãduko Rybewihikỹ Tỹmyra rarybekre. Tiiboho arahãtenykre.

<sup>19</sup> Aõ heka belyyke ikoreny ibutumy roholakemy. Aramykeu heka uritere nohõtĩòmỹke aõmybo marybekremy ywisidỹna-ki wahe. Bede heka ariwahinykre rybe ibededỹnanau. Rybeòmỹke, urile rybeòmỹke.

<sup>20</sup> Kai ixiwanaale aõkõ marybeke. Aõma Deuxu Tyytybytyhy arãwiòhenanymyhỹreny.

<sup>21</sup> Inyõ heka taseriòre rityhenykre. Tybyõ tule tariòre rityhenykre. Aõma iriòre tasỹ tyby-ò icky reakre idi rirubunykre.

<sup>22</sup> Ihyy ibyrymy heka aluu aõkõkre waòraru-ki. Ibutumy iny deramy rarehyyke waòraru-ki: Inyõ tule òbitimy rarekreki, ikonanatxu-u, Deuxu Iòlòna-ò ralokre.

<sup>23</sup> Tahe anatakre. Aõma hãwãhãkỹõ-ki atxikeki mahenykre ijõ hãwã-ò. Ihewoludu ikonana hãwã hãwãhãkỹ-ribi behemynyke-ribi tahe adòòsekre. Judeu hãwãhãkỹõ-ò behemynykre kòule tahe adòòsekre, jiarỹ Hãbutyhyhykỹ wahe.

<sup>24-25</sup> Aõma bederydỹdu mahãdu tahe aõma ierydỹna mahãdu ratyre rare. Tule iwedu deòdu ratyre heka ihỹre. Iwesereny tahe boibebenykre. Tahe awedu tate. Inyõ tahe riwarinimyhỹre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe.

<sup>26-28</sup> Jiarỹ adee wiji relyreri. Biurasòmý heka tuu bedelyykre ibutu ijohonanamy adeereny relyreri. Wasimý wijirumý adeereny relyyre. Biurasòmý tahe ibutu ijohonanamy tuu belyybenykre. Uritere ilau brebuòmý. Aõbo wasimý rỹre heka ibutumý ratỹnykre. Uritere ilau brebuòmýke. Adeelekre rirubunykre atyytyby ta rirubunyõtýhy. Iruruõre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bede luru heòty-txi heka adi rehuke. Bityhynyke idile maraykynyke. Hãbu lau brebuòmý hãbu aõbina bina riwinimyhỹre lau brebuòmý.

<sup>29</sup> Nawiiõ iny riwimyhỹre womati nieru iyja-di, iòwy riðre iny heka riwimyhỹre. Ibutumý heka Deuxu nawii rieryre sohoji sohojimy. Tiu heka Deuxu rieryõhyimyhỹre nawii sõmo rurumyhỹreu heka tiu rieryrykòmý idi reteheòtyhy. Kiawese aõbo tahõtínymahãte. Aõkõre, inatyhymý idi retehemyhỹre. Ijõ rurumyhỹreu heka tuu robimyhỹre. Aõma Deuxu heka anaerymyhỹre nawii sõmo ratyre heka aumý rierymyhỹ.

<sup>30</sup> Ara erymy heka aõma arati-ki tiwesebo radeti rỹimyhỹre heka rierymyhỹre.

<sup>31</sup> Breburenykòmýke, kaiboho dori nawii ratyre Deuxu-ò toite.

<sup>32-33</sup> Kai marybeke: –Jiarỹ retyhynyre dori tahe umý arelyyke. Jiarỹ heka umý ararybeke inynyrỹ dee biu-ki wahe. Iny sõwehekỹy-ki riwatxiõnykeki tule aratxiõnyke jiarỹ Wahako-ò. Jiarỹ heka suò anade.

<sup>34</sup> Aõ ywina wydumý aõkõre heka anade. Jiarỹ heka ywina aõkõre diwyde. Bedejeijeidỹmy anade iribi wadee wou rỹikremý. Hãbu heka tybe òludumý rarekre.

<sup>35</sup> Tule hãwyy tadi òludumý arisynykre. Tule iriokorese tariðrelahi òludumý arisynykre. Aõma inyõ òludu heka tasỹ mahãdu òludumý rarekre.

<sup>36</sup> Boluu adireny boreny heka boibekre. Kia lumý heka boibekre. Tai tahe iratyremý boibekre aõkõkeki tahe waluuõkeki tahe wahõrõ mahãdumý aõkõ boibeke.

<sup>37-39</sup> Kaweselemy boibeõkeki. Tai tahe kai wahõrõ mahãdumý aõkõhe mabekre. Aõma biyrurubunutyhykeki tahe kai ihãrele aõkre. Aõma kai waðraru-ki aõhõkỹmy botỹnykeki wadee waaõmysỹdỹ òraru-ki inyõ anarubunykeki aõhe adee rutỹnykeki. Tai tahe aumý ròhònykre inyõ tasỹ-ò aradykeki iwese tii tasỹ-ò riwadyra wesele heka aradykre.

<sup>40</sup> Tii riwadyra wana Deuxu heka ridymyhỹre riwateònyreki wahe.

<sup>41</sup> Deuxu rybeduõ bidybenykeki. Tii Deuxu-ò arãwahinykre. Deuxu adee uriiõno kadiwahinykre. Adeereny kidiwahinykre. Wahisidỹna ritakre wese heka tule kai bitakre. Adeereny ararybekre. Deuxu hõrõ mahãdu heka bimymahãbenyke. Aheto-ò bidybenyke hãbuwi ihỹreny. Tiiboho dori wese uriiõno ritarenykre wesele kaiboho bitabenyke.

<sup>42</sup> Kai uladu-ò bemonã biwahinykeki bedi imonamy. Tai tahe kanakre inatyhymý adee aõ kidiwahinykre. Kai waðraru-ki ityhydỹdu-ò bee biwahinykeki, inatyhymý heka aõwy adee kanakre.

## 11

<sup>1</sup> Jesuisi heka rexihure aõma taerydỹna mahãdu waðinatxi bederydỹna-ribi. Kia bede ywina tamýreny riwahinyre. Rexihureu tahe rare ròhònyre iribi hãwã-di. Aõma rybe ritỹnydỹmy rakremý hãwã hãwã-ò.

<sup>2</sup> Idi tahe ròtenywokile heka iu Joaõ roimyhỹ. Aõbo Jesuisi tahe iu aõna aõna wiwihikỹ ritxienymyhỹreu heka Joaõ tamy roholare. Ròtenywo-ki roimyhỹ-ribi. Idi tahe Joaõ taerydỹỹna mahãdu riteònyre Jesuisi-ò dỹỹraximy:

<sup>3</sup> –Kohe, anaraòdenyde tate. Aõma Deuxu deòdỹỹna wahe kanakre aõbo ihewo-ribi. Ariraòrenykre aõbo urihimyò.

<sup>4</sup> Tai Jesuisi rirawònyre: –Aõma bòòsebenyke ixybyle Joaõ-ò. Belyybenykre ikò aõna aõna wiwihikỹ rewinyre arureny-ki tule tabite wamyreny.

<sup>5</sup> Aõma iruetàhàkỹ heka. Reruedỹỹnymy rare wahe. Itiere tasỹ retinywãhãre dinoduhukỹ ityy reytemyhỹre. Aõma ijõ Rybewihikỹ Tỹmyra roholaõhyymyhỹre tasỹ tule rei-johonadỹỹnyre. Aõma rubu tule rubu-ribi reixixadỹỹnyre. Rybewihikỹ Tỹmyramy heka retỹnydỹỹnyre ibutu iny-ò wahe, iny aõkõ mahãdu-ò wahe. Tule Joaõ-ò marybebenyke kaweselemy wahe.

<sup>6</sup> Maratyhybenykeki, beysabenyke.

<sup>7</sup> Iribi ròhònyreu tahe Jesuisi heka rarybere Joaõ bededỹỹnanamy. Aõmybo wahe Joaõ-di rõhòtinyreny aõmy tuu bedi nohòtinyreny tamy itxereny bederahy ròirenyreki wahe. Otxirarade wese yhy-ki tahòtinyteri.

<sup>8-9</sup> Ada aõma hãbu urimynodutyhymy aõbo idi rõhòtinyreny. Aõma butòre wesemy idi rõhòtinyreny. Ada iwitxiramy aõbo idi tahòtinytenyete hãbu tyywihikỹdiremy idi rahòtinytenyete. Iòlò taheto wihikỹ-ki ratximyhỹre. Aõkõre, kia iny heka aõ Deuxu rybeduõmybo tahòtinytenyete. Inatyhy tii kia rare.

<sup>10</sup> Iratyre heka tii rare. Aõma dori Tyyriti-ki rarybemyhỹre:

–Tii heka wako-ki kadehemynykremy ratximyhỹre, wamy relyykemy, wary riy-winyryhỹre.

<sup>11-14</sup> Inatyhy heka rare. Tii heka ibutu hãbu ratyre ratximyhỹre. Ihãrele tahe heka Deuxu Iòlòna-ki heka ijõ iny iratyre ratximyhỹre. Hãbu binahakỹ heka Deuxu Iòlòna-ò raaõbinanymyhỹre. Joaõ rexideleny rybe itỹnydỹỹmy rexidelenyreuhyyle heka ritelemy ralore. Tule wiji nalòmehỹde sòwemy. Iu Joaõ rehemynykõle heka tuu rarybemyhỹre ibutu Deuxu rybedu mahãdu heka tuu rarybemy raremyhỹ. Tule Moisesi bede ywina kia rarybere. Tii Eliasi wesele ihỹre. Tetyhynytenyete aõbo. Iwese Deuxu rarybereri wesemy heka tii nade.

<sup>15</sup> Inyõ ierysomy rurukeki, roholake wiji. Aõmybo ararybekre kainymy tiwesebo rỹimyhỹremy.

<sup>16</sup> Tiiboho heka iwese weryry uladu risinymyhỹre wesemy ihỹreny. Kiamy heka tiinamahãdu-ò rarybemyhỹre:

<sup>17</sup> –Jiarỹboho heka aõma wiunawihikỹ-di rawinyryhỹreny. Idi tahe teysatenyõhyymãhãtenyete. Tahe wiuna bederarysyna-di heka rawiunymyhỹreny. Ta bedewoõhyymahãtenyeteri.

<sup>18</sup> Joaõ Sebedỹỹdu heka riroxiõre. Vỹmy riõõre. Inywesereny tai tarybetenyete: –Tii raitxỹtemy ihỹre. Tyytybybina-di ihỹre.

<sup>19</sup> –Jiarỹ Deuxu Riòre heka rehemynyre Hãbutyhyhykỹ wahe. Jiarỹ reroximyhỹre. Reõmyhỹre tahe kiaboho heka waluu aõkõ heka toite. Urile heka wamy tarybemyhỹtenyete wabyre nihikỹremy wabemomohõkỹremy. Aõma òrarudu kia liinatyhy heka jiarỹ rare. Aõ ikõkõlemy heka taraykynymyhỹtenyete ihãrele taheka òbitilemy ixi-di tanohòtimyhỹtenyete.

<sup>20</sup> Jesuisi heka sòwemy aõwiwihikỹmy riwinymy raremy. Ihãrele heka imahãdu rityhynyõhyymyhỹre heka. Kia Jesuisi heka rarybere kia hãwã mahãdumy.

<sup>21-22</sup> Orasi hãwã aõ heka adee binatyhymy kanakre amahãdu-ò wahe. Besaida hãwã mahãdu, kaiboho aõna aõna wiwihikỹmy tabitenyete ahãwãreny-ki. Tiu heka ixi-txi õhòtirenny reaõhykymyhỹre. Jiarỹ aõma Tiro hãwã-ki Sidõ hãwã-ki aõna aõna wiwihikỹ ariwinyre wana inihe heka ixi-txi tõhòtirenny reare iniheka saumy tyky rexitynyre tule



brybysi ixityrereny heka rexihumy. Sidō hāwā Tiro hāwā heka urihimyò adeereny isirakre.

<sup>23-24</sup> Kafanaō hāwā mahādu! Kaiboho heka tule ixitxireny òhōtirenny reaōhykyre. Aōma kaiboho heka awireny ixidireny tahoōtinymahātenyete, awityhyremy. Kaiboho heka òhōtenamy bekoabenykre bedebina heōtyhykỹ-ò dori besebenykre. Sōwemy dori aōwiwihikỹmy kaiboho tabitenyete. Deysana wiwihikỹ-di wahe. Tiu heka ixi-txi òhōtirenny reaōhykymy aōrarurenny-txi. Aō wiwihikỹ Sodoma hāwā-ki rewinyre wana wahe. Tiu heka rabinaōhyyre inihe heka wiji-ò. Aōkō botỹỹbenykre aōma Sodoma hāwā ratyre heka aōhōkỹmy botỹỹnybenykre, Deuxu ywisidỹnatxu.

<sup>25</sup> Tahe Jesuisi rexitòenyre Deuxu-ò: —Waha, biu bede-wana iwedu atximahāte. Kai uladu-ò aōna aōna tetỹnynyte. Tewōmahāte heka kia ibedeeryhykỹ lau heka tewōmahāte. Kai ixi-di bedeeryhykỹmy rōhōtinymyhỹre lau wahe.

<sup>26</sup> Tii heka adeewinare.

<sup>27</sup> Ibutumy heka Waha wadee riwahinyre tii heka riwaeryre. Jiarỹ tule tii reeryre. Aōma ixidee wikeki inydee ariteòsinyke. Tĩmybo Waha rare.

<sup>28</sup> Elehydỹỹmy buruke aōbo? Manake wadee. Jiarỹ heka araelehykyre.

<sup>29</sup> Walòtityreherina ixidee bitidibenyke. Tai tahe wawana maaōmysỹdỹỹbenyke. Arabederynykre heka ywina-di. Aritidiōtyhy heka aō utxiehekỹ atyrereny. Elehyna adeereny ariwahinykre awo araykyrenny-ò.

<sup>30</sup> Aaōmysỹdỹỹna adeereny rewahinymyhỹre isiraōre heka. Iutxiemy aōkō rare.

## 12

<sup>1</sup> Sabado txuu, judeu elehynatxu Jesuisi rariamy ròirenyre maixōmoni oworu-ki. Tahe rekoarennyre aōma maixōmoni oworuro-di heka irenyre. Kia heka tahe Jesuisi taerydỹỹna mahādu heka riarimyhỹre aōma riyrennykremy rama rahuraki.

<sup>2</sup> Iu-ki tahe fariseu mahāduō retehemy ratximyhỹre. Tiiboho tahe rarybere kia Jesuisi-ò rarybere: —Kia hewa brebuna rare aōma sabadotxu riwinymyhỹré: —Aōherekibo aerydỹỹna mahādu iu riwinyrereri.

<sup>3</sup> Tahe Jesuisi tamy rỹỹraxire aōma ijyymy ikoreny relyyre iwese Davi riwinyre wesemy heka riwinyreri ramy rahureu.

<sup>4</sup> Davi riki heka ralòre Deuxu dohodỹỹna hetowo-ò heka ralore. Tai tahe rirỹsỹmyhỹ kia aōma xiwena-ki heka riymy. Kia orotxu heka aōma xiwena-ò hidỹỹna mahāduòle rỹimy. Tahe ihārele heka riyrennyre heka. Taijoi mahādu-ò riwahinyre.

<sup>5</sup> Kia wesemy aōma tariakōte bede ywina tyyriti-ki wahe. Aōma xiwena wahidỹỹdu heka rityynyōhyymyhỹre. Aōma sabadotxu kia wahisidỹỹna. Xiwena bede ywina wahe. Iu dohodỹỹna hetowo-ki ratximyhỹu. Tii heka sabadotxu bede ywina rityhynyōhyymyhỹre. Tahe heka aōbina bina riwinyrennyōhyymyhỹre. Kia tahe heka tule heka bede ywina tyyriti heka ritidỹỹna roire. Idi tariatenyōte.

<sup>6</sup> Inatyhymy heka adee ararybekre. Inyō kaki ratxikeki jiarỹ heka kaki heka inyō ratximyhỹre aōma dohodỹỹnahakỹ heto-ki wahe. Dohodỹỹdu mahādu ratyre heka watximahāre jiarỹ wahe.

<sup>7</sup> Kiamy heka ritidỹỹna rỹimyhỹre. Jiarỹ heka xiwena luure ihāre tahe sōwemy heka iratyre ruxetòena luure. Jiarỹ aōma xiwena luure ihāre tahe iratyre heka aōma ruxetòena luure sỹ. Kaiboho terytenyete wana. Aōma heka ibinamy tarybehynnyhỹte inyō teòsamy ratxikeò. Aōma aō riwinyrennykōhyyre. Kiamy wahe.

<sup>8</sup> Jiarỹ dori Deuxu Rìore Hābu watximyhỹre. Jiarỹ tule aōma sabadotxu wedu wāhāre.

<sup>9</sup> Tai tahe Jesuisi nade heka ixyby aōma tohodỹỹnarenny heto-ò. Ralòre heka sabadotxu.

<sup>10</sup> Hābuō ratximyhỹre debò binare. Debò rayjayja ihỹmyhỹre. Tahe fariseu mahādu heka Jesuisi-di mynamy ratximyhỹre. Aō rybebinamy rarybeke òraru-ki rimykyre. Tai tahe rỹỹraxire Jesuisi-ò: —Tĩmyrebohe brebuna aōbo sabadotxu deytedyỹ ada aōkōre aōbo.

11 Tai ta Jesuisi rirariwònyre: —Kaweselemy ròkòhòtynyrenyke. Kai heka aõmy abu-doeni sohojilere. Sabadotxu heka reseke hãlooro-txi aribi. Timybo mohòtynyke aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra.

12 Hãbu heka budoeni ratyre heka iòwy rare. Aõma sabadotxu aõwaxinyre heka reyteke.

13 Tai hãbu-ò rarybere Jesuisi: —Ebò biditytyke. Debò ritytyra ta wiwesele debò relere awimy.

14 Fariseu mahãdu heka wii ributunyre, iribi ròhòrenyreu wahe. Widee raryberenyre: —Aõma timybo rikisỹnyrenykre rikimyrenykre rikirubunyrenykre.

15 Tahe Jesuisi rierymyhỹ kiamy rarybermyhỹreny heka roholamyhỹ. Tahe Jesuisi rierymy heka. Iribi irehemy ratximyhỹreny hãrele, rierymy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sõwemy heka webinadu ihemy rare. Ibutumy riteyteny.

16 Teyteydỹna mahãdu-ò rarybere: —Uritere itỹnydỹỹõmykremy tuu ijyyõmykremy inyko-ò.

17 Ihexiu Isaia tyyriti-ki heka kawesemy rỹimyhỹre. Tii heka Deuxu rybeduõ rare.

18 —Kaheka Wadeòdu rare. Tuure heka jiarỹ, tii heka retare. Rehixinyre. Tii heka deysana wadee riwahinymyhỹre Tatytybytyhy tamy ariwahinykre. Ywisidỹna txuu heka ibutuko-ò relyykre.

19 Tii heka rryrõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-ò roholaõtyhy.

20 Aõma bõtòreõ irybòhòmy roiikeki. Tii raòròõtyhy. Txuheòtyjurà loosòna urihimyòkeki heka tiu ruriõtyhy eleti-di. Tii ritakre iaõbinana, inatyhynaõ binana wahe.

21 Ibutumy heka iraròsòna iribi ritakre.

22 Hãbu rybeõ ruetàõ heka iny didydenyde Jesuisi-ò wahe ralòmehỹreki wahe. Tii tyytybybina iwo-ò ralòmehỹreki wahe. Jesuisi tyytybybina riteònyre. Tai irue heka awimy relere rarybere.

23 Ibutu iny sõwe heka heka ribedeòtiidỹnyre. Widee tahe raryberenyre: —Ka heka Davi riore riore òsana rare, Deuxu deòdỹna wahe.

24 Tahe fariseu mahãdu-ò roholare. Tahe rarybere Jesusimy: —Tii inatyhymy tyytybybina riteònymyhỹre inywo-ribi. Aõma tyytybybina wedu ruru-di heka riteònymyhỹre. Belisibu ruru-di wahe.

25 Jesuisi heka rieryre iraykyreny. Tai tahe tamy rarybere: —Ijyymy heka tamy rarybere. Iòlòna mahãdu wiribi ibutumy rexihixinykeki tahe rexihukre ibutumy wiribireny. Tahe hãwã mahãdu taijoiy-ribi rexihixinykeki, awi aõkõ rare tai wahe.

26 Wiribi rexihixinyke wana. Tule awi aõkõ rare tai wahe. Aõma Satanasi rexideònykeki tahe tayreny-ribi rexitake.

27 Belisibu ruru-di tyytybybina ariteònyke wana aõdibohe aheludu mahãdu riteònykemy ratximyhỹre. Tiiboho heka aywisidỹỹdurenymy ratximyhỹre.

28 Jiarỹ Tyytybytyhy ruru-di ariteònykeki heka kaiboho arurunareny Deuxu-ribi nade. Iòlòna adeereny rehemynreri.

29 Inyõ heka hãbu rurutere hetowo-txi ralòõtyhy wasimy wahe. Tai rawasinymy ratximyhỹkeki tahe urile juhoo hãbu ritaataake. Idi tahe iheto-ribi aõdibo rawasinyke.

30 Inyõ wabiòwamy aõkõ ihỹre wana heka, waòludu rare. Inyõ wawana ibutumy ratxiõmyhỹre wana tahe raybàtàmehỹre.

31 Inatyhymy jiarỹ adee anarybekre. Ibutu òraruna kanaixãwididỹke. Hãbu aõtxile aõbina bina rarybemehỹre. Sohojile taruxãwidỹõtyhy. Aõtxile inyõ aõbina binamy Deuxu Tyytybytyhy rarybekeki. Tii aòraru rataõtyhy. Kia heka òraruna tiiehyymy rarekemy ihỹre.

<sup>32</sup> Hābutyhyhykỹ heka Deuxu riòremy aõbina binamy iny rarybekeki, wamy wahe, tii tahe ixāwidina dire. Deuxu Tyytybytyhyhymy rarybekeki, tii tahe iixāwidinyõhyyre. Tiehy kia òraruna-di rareke.

<sup>33</sup> Jesuisi rawesenanyre iny òwòru wese rare. Òwòru awimy rỹike wana, tai heka iratywihikỹõ-ki iny rahake. Ruru rasunymyhỹre raruburerimy ihỹre. Kia tasỹ iratywimy aõkõ rỹike ibinamy. Aõma òwòru iny rierymyhỹre aõbo iribi iraty dejuxunymyhỹde òraru-ki iny rierymyhỹre, awire.

<sup>34-35</sup> Kaiboho heka hemylala mahādu wesemy atximyhỹtenynte. Kaiboho heka abinatyhymy ahātenynte. Timybo heka kaiboho aõwihikỹmy marybebenyke. Arayky aõbina bina hakỹlemy tõhõtinyteri wana. Tai taheka ary tuu rõhònyke ary tuu rarybeke. Aõma hābu wihikỹõ ratxiremyhỹre wana aõnana wihikỹle tarayky-ki riyrubunymyhỹre. Tii heka rarybemyhỹre. Hābu bina tahe tarayky-ribi ibinalemmy rarybemyhỹre.

<sup>36</sup> Ibutumy aõmybo iny rarybemyhỹre heka ywisidỹỹna txu tuu rarybemyhỹre rierymy timykibo tuu rarybere wahe.

<sup>37</sup> Òrarukibo rarybere: —Arybe òraru-ki heka ywisidỹỹna-ki atxiteri. Bitakemy aõbo ada aõkõre aõbo.

<sup>38</sup> Bedeerydỹỹdu mahādumy heka fariseu mahāduõ tamy rarybereri: —Erydỹỹdu, wadeereny biteòsinyke awiwihikỹõ.

<sup>39</sup> Jesuisi dirawyònyde: —Iny kamahādu heka ibinatyhy rare aõ awiwihikỹ rexitòenymyhỹre. Abina binale wahe. Aõ wihikỹle bobiõtyhy. Tahe sohoji aõwihikỹõmy heka mohõtinyke. Jonasi widỹỹna wahe.

<sup>40</sup> Jonasi Deuxu rybeduõ widỹỹna wahe. Tii inataõ txu inataõ rummy uturahakỹ wona-ki ihỹmyhỹwesemy. Iwese Deuxu Riòre Hābutyhyhykỹ bede-ki rarekremyhỹ wesemy inataõ txummy inataõ rummy.

<sup>41</sup> Ninive hāwā mahādu heka roholarenytxi tõhõtireny reare. Iu Jonasi rybe ritỹnydỹỹreu wahe. Tahe inyõ kaiboho tamy taholatenynte. Sõwemy heka iny Jonasi ratyremy ihỹre. Ihỹrele kaiboho ixitxireny õhõtireny reaõre. Ninive tamahādu tahe ibinany adeereny rarybekre. Ywisidỹỹnatxu wahe.

<sup>42</sup> Iòlò Hāwyyõ heka ibòò irehe-ribi nade. Aõma Salomaõ bede erydỹỹna-ò roholakemy. Kaiboho heka inyõ-ò taholatenynte. Salomaõ ratyre heka sõwe inihikỹ ihỹre. Ihārele ta ixitxi nohõtireny reaõre. Ywisidỹỹnatxu heka Iòlò hāwyy ibinanamy kỹnarybekre umyreny wahe. Ywisidỹỹnatxu.

<sup>43</sup> Aõma tyytybybina hābu-ribi rõhònykreu tahe elehyydỹỹna riijekre. Aõma bedebina tòtehekỹ tahe tuu reakre. Ihỹre tahe tai rahaõhykre elehyna-ki wahe.

<sup>44</sup> Tai tahe ixidee rybekre: —Aròðekre kỹhe. Iribi ranywỹhỹreò anakre. Tai tahe kia hābu-ki rahara. Tyyrahakỹmy iwo-ki iruxeramy.

<sup>45</sup> Tai tahe ijõ-txi reare. Debò inatxi reurò tyytybybina-txi iratyre tyhy wahe ibinare. Tai tahe ridyke tahābu-ki rasỹnyrenykeny. Kia hābu heka iwese juhu raremyhỹre ratyre ibinamy ratximyhỹre. Kaiboho heka kia tyytybybina wese atximyhỹtenynte.

<sup>46</sup> Jesuisi tahe ijõ-ò rarybere ijõ ijoi-ò, tai tahe ise rehemynyre, iseriòreboho-wana. Sõwemy iny mahādu-ò heka rarybere.

<sup>47</sup> Inyõ tamy rarybere: —Inyõ heka arāijereri adi ahelỹỹna. Kie heka rehemynyneri adee rarybekemy adi ratxireri.

<sup>48</sup> Jesuisi dirawyònyde: —Mota heka nadireri, mota heka waseriòrereri?

<sup>49</sup> Tai tahe tebòhe riteòsiriteòsinyre taerydỹỹna mahāduõ-ò. Ka heka nadi rare. Ka heka waseriòrere. Ka ijõ heka waseriòre.

<sup>50</sup> Wahadeewi riwinymyhỹreki tahe, tii heka nadi rare. Waseriòre rare. Waha dori biu-ki ratximyhỹre.



## 13

<sup>1</sup> Itxu taheka Jesuisi rare heto-ribi Kalileia aho ijà-ò. Tahe tai ronyre. Tahe rexiterenyre Jesuisi iny ribedeerynymy.

<sup>2</sup> Tai ibututyhymy heka iny wirotyre. Tai tahe Jesuisi rexitareny urihimyò hãworo-ò ronymy rexitaranyre. Iny sòwehekỹ mahãdu tahe aho ijàkile heka roholamy rỹimyhỹre.

<sup>3</sup> Tii heka relyymyhỹre aõma ijyyõ relyyre: –Aõna aõna wese ijyy rawesenanyre. Hãbu alòbòròmý rara. Tii heka alòbòròna dehudu rare.

<sup>4</sup> Ijõ heka idi rehumyhỹu heka ijõ ryro-txi resere. Nawii heka riròmýhỹre riore heka.

<sup>5-6</sup> Ijõ tahe rejuxunyre aõma manarutysu-txi. Tii tahe raumynyre aõwesele. Iraruxiõlemy heka rỹimyhỹ suu ibutureki. Idi bedetòtee rimoedỹỹnyre. Idi tahe rurure.

<sup>7</sup> Òwòrudỹỹ resere edey-txi. Idi ta ruhunyre edewanale. Idi tahe ede riòdesedỹỹnymyhỹre. Tai heka raratynyõlemyhỹre.

<sup>8</sup> Ijõ tahe resere suwitxirawihikỹ-txi. Tai tahe sòwemy raratynyre. Sohoji òwòrutý-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre.

<sup>9</sup> Tahe Jesuisi heka rarybere: –Kia bohولاتyhymy bonyke. Òhõtirenydikeki boholabenyke.

<sup>10</sup> Tai tahe ierydỹỹna mahãdu Jesuisi ritỹỹraxinyre: –Aõherekibo kai ijyy-di bierynanykemy atxiteri, rawesenanyreri wahe.

<sup>11</sup> Tai tahe dirawyònyde: –Kaiboho aõmybo Deuxu reerynanyre kaiboho bierybenyke. Ijõ mahãdu tiu ijyy rieryòtyhy. Kaiboho dori Deuxu Òlòna teerytenyete.

<sup>12</sup> Hãbuõ iaõdikeki ijõ heka iratyre tamy ariwahinyke. Tai tahe sòwemy tamy rauhenyke. Tahe hãbu ihoõkeki ibutelemy ijõdikeki heka kiale iribi ibutumy aritakre.

<sup>13</sup> Reteheemy ihãre tahe robiõhyymyhỹrenyre tahe ririõhyymyhỹre. Tai heka ijyy-di reerynanymy watxireri.

<sup>14</sup> Iwese Isaia tyyriti-ki roire wese heka tiiboho ihỹrenyre: –Roholamyhỹre, roholamyhỹre ihãre tahe rieryõhyymyhỹre. Reteheemy ihãre tahe tiu robiõhykymyhỹre.

<sup>15</sup> –Irayky tererenyrekí wahe rieryõre heka. Òhõtireny heka ritòbònymyhỹre ta ijohonana-ribi. Tarue ribrenymyhỹre robike lau. Tahe wadee ròòseõtyhy. Aõkõre heka ariteytenykemy idi watximyhỹre. Tibo heka terareny aõkõre.

<sup>16</sup> Jesuisi ijõ relyymyhỹre tamyreny: –Kaiboho heka eysamy atxitenyteri. Kaiboho heka bobibenyke tahe bierybenyke. Aõmybo kaiboho tabitenyteri heka, taholatenyteri wahe.

<sup>17</sup> Ihetxiu mahãdu, hỹỹna mahãdu wahe, tuu lobiximy riwisỹnymyhỹre. Aõma aõwobo kaiboho taholamyhỹtenyeteò heka roholakemy riwisỹnymyhỹre tahe roholaõhyymyhỹre.

<sup>18</sup> Tahe bohólake heka adee aritỹnynyke aõbo ijyy rare.

<sup>19</sup> Òwòrutý ryro-txi resemýhỹre heka iny ijoireny wesemy ihỹre. Ijohona tuuwesemy wahe. Tibo roholamyreny ihỹre tahe rieryõhyymyreny. Aõma Satanasi heka nade tai tahe warybe heka iribireny ritamýhỹre.

<sup>20</sup> Ijõ manarutysu-txi resemýhỹ mahãdu tahe ijõ ijohonadu wesemy heka roire. Tiiboho heka deysana-di roholamyhỹrenyre.

<sup>21-22</sup> Tai tahe urihimyòle rityhynymyhỹrenyre aõhòkỹmy dỹỹnana kanakeu tahe aõwesele riatyke ririmy reake. Kia edey-txi resera tasỹ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhymy idi rõhõtínymyhỹrenyre nierudíle. Tai tahe rexibedewonymyhỹrenyre. Tiu heka Deuxu aõmydỹỹna riwinyõhyymyhỹre, Deuxu Rybe riwiòhenanyrenyre.

<sup>23</sup> Kia suwitxira wihikỹ-txi resera wana tahe iwitxira ijohonadu mahãdu wesemy heka rare. Tiiboho heka roholamyhỹrenyre rityhynymyhỹre sòwemy Deuxu dee roholamyhỹreny heka. Ijõ 100my wesemy raratynyre. Ijõ 60my raratynyre ijõ 30my raratynyre. Iny sohoji sohojiõ heka Deuxu-ò aõ riwinyrerimy ihỹre.

<sup>24</sup> Idi tahe iwitxira ijyymy relyyre Jesuisi tamyreny: –Deuxu Iòlòna heka kia wesemy ihÿre. Oworudu heka aõma alòbòròna wihikÿõ ritòbrònymyhÿre taoworuro-ò.

<sup>25-28</sup> Tahe iòluduõ rummy heka tamy nade. Tahe iu ibutumy iny ròròmyhÿreu, asibinaty-di tamy rehure. Tai tahe alòbòròna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijyy-di nade tuu ijyymy. Idinodu rarybere: –Aõma waòludu heka kia riwinyre wadee. Idi oworudu narybede: –Aõhebohe arotÿÿnyrenykre? Ta idile aõbohe arisiherenykre araxirenyre. Tai tahe rirawyònyre:

<sup>29-30</sup> –Aõkõre wahe, kia ibutumy alòbòròna rirarutxinykre. Ixinamy heka ratybi-enykre tii-wana wiurilemy kia maixõmo arixina bededÿÿnamy bede relerekeu tahe iribi raarike. Ararybekre heka tamy kia aõma oworu-di raaõmysÿdÿÿkreò. Juhu delemy asi arisykre. Tahe ritoonykre. Idi tahe maixõmo heka riarikre kia maixõmo hetowo-ò riyrubunykre.

<sup>31</sup> Tahe Jesuisi ijõ ijyy wixiramy relyymyhÿre: –Aõma Deuxu Iòlòna heka aõma alòbòròna sõmo sõmo wesemy ratximyhÿre.

<sup>32</sup> Aõma raumynyreri heka aõma òwòru iyjatyhymy ibutumy òwòruty-ribi rariwesele relemyhÿre.

Taiki tahe kia nawiile tuu rÿtÿnymyhÿre kia òwòru-ò.

<sup>33</sup> Uri paõ uri ixiòlòdÿÿna heka Deuxu Iòlòna wesemy heka kia ihÿre. Hãwyy heka paõ riwinymyhÿreu, riurinymyhÿreu tahe ibutumy raubÿtÿmyhÿre kia ibemy.

<sup>34</sup> Tai tahe rexiòlònymyhÿre Jesuisi heka sòwemy tuu relyymy raremyhÿ. Iu iny ribedeernymy raremyhÿu. Tiiemy heka Jesuisi relyyhy raremyhÿ iu ròbedeerydÿÿmy raremyhÿu.

<sup>35</sup> Deuxu rybedu dori ihetxiu rarybere:

–Jiarÿ ijyy-di rebedeernymyhÿre. Aõma tuu relyymyhÿre heka ierykõna rare. Tiuhe rieryõhymyhÿre. Iu bede rexideelenyrauhyyle.

<sup>36</sup> Idi tahe Jesuisi rexitare iny sòwey-ribi rexitare. Hetoõ-ò heka ralore. Tai tahe aõmybohe wakoreny inihe bedelyyke. Aòludu inybo arasÿnyremy. Kia ijyy heka aõma hãbu ede-di rehure ioworu-ò, taòludu oworu-ò. Kia inihe wadee bitÿnynyke aõbo rare wahe. Kia ijyy telyyté.

<sup>37</sup> Tai tahe Jesuisi tii dirawyònyde: –Kia hãbu alòbòròna wihikÿ ribòrònyre heka Deuxu Riòre Hãbutyhyhykÿ, rare wahe.

<sup>38-39</sup> Ioworu heka ibutu bede heka roimyhÿ wesemy roimyhÿre. Aõma alòbòròna wihikÿre heka ityhydÿÿdu iwese rÿirawesemy rÿira. Asi tahe kia ityhydÿÿdukõdu mahãdu wesemy heka ihÿre. Aõma kia iòludumy rarybereri tahe kia Satanasile heka ihÿre. Kia iyresynamy rarybereri aõbo bedekonana heka tuu rininimy heka tuu rarybereri. Kia ÿju heka iyresydumyhÿ tuu rarybereri. Kia rimumy ede riorokremy rarybereri heka aõma ityhydÿÿdukõdu mahãdu heka tuu rininimy rarybereri.

<sup>40</sup> Ritakre heka rihitxinykre. Heòty bedehékÿ heka idi rehukre risòkre iu wahe. Iwesele taheka bedekonana heka rarakre.

<sup>41</sup> Deuxu Riòre, Hãbutyhyhykÿ heka aõma ÿju riteònykre ibutu iny ributunykremy.

Ityhydÿÿdukõdu mahãdu ijõ iny òraruna-txi rityhedÿÿdu mahãdu heka ibutumy ributunykre widee. Ibutumy aõbina bina widÿÿdu wahe.

<sup>42</sup> Idi tii rihukre. Tai tahe ryykre aõkÿmy rotÿÿnykre tai. Robumyhÿre taju.

<sup>43</sup> Kiau aõma

Deuxu hõrõ mahãdu tahe Waha Iòlòmý ronymyhÿre kie ronykre. Tiiboho loosòny wesemy heka ritoosònanykre txuu loosòna wesemy.

Õhõtirenidykeki ibutumy heka boholabenyke.

44 Deuxu Iòlòna tahe nieru wesemy ratximyhÿre. Aõma nieru heka hynaõ-ki rahara nieru-di tÿximy aõma surawo-ki idi hãbu ixyby riwore. Tai tahe tii reysatyhymy ròsere. Kia ibutumy taaõmydÿÿna-di heka rohonyre. Kia bedero riwykremy.

45-46 Ijõ tahe tule Deuxu Iòlòna wesemy ka ratximyhÿre. Iwese ixiura wydydu ihÿre wesemy heka Deuxu Iòlòna ihÿre. Iwydydu heka iijese iijesemy riwymyhÿre. Aõwi riererimy riererimy heka tai rahamyhÿre iruxera-ki tii tahe riwymyhÿre. Kiau tahe tai rahare aõ òwyhykÿõ-ki heka rahare. Tii idi tahe rohonyre ibutumy taaõmydÿÿna-di idi tahe kia iwydymy idi ratxireriò riwyre.

47 Riàõ wese heka tule Deuxu òlòna ihÿre. Aõma rià-di iny rehumyhÿre wana heka ibutumy utura rimymyhÿre.

48 Kia aõma idi tahe idi raixÿnymyhÿre riarimyhÿre iky-ribi. Aõma awi-di awihe riarirerimy iky-ribi. Ibinare rihitxiny my iribi.

49 Kia bedekonana tahe iweselemy heka rarekre. Kia aõma ÿju heka riarikre awi heka ibinau-ribi riarikre.

50 Rehukre heòty bedebinakÿ-ò wahe. Tai ki tahe rirajuamyhÿkre ta aõhõkÿmy rotÿÿnymyhÿkre. Txuu rikyiny myhÿkre

51 Tahe Jesuisi tamy rÿÿraxire: –Kiamy ibutumy teerymyhÿtenyete? Tiiboho ri-raòwònyreny: –Kohe, reerymyhÿreny.

52 Idi Jesuisi rarybere: –Inyõ bede ywina bedeerydÿÿna heka rityhynyreu, waheludu rarekreu wahe. Tii tahe iwese hãbu butudÿÿdumy ratximyhÿre wese heka ronymyhÿre. Tii heka ibatudÿÿna heto-ribi ritamyhÿre, tasÿ mahãdu-ò riwahinykemy. Aõ tyby aõ tÿmyra. Ibutumy heka ritamyhÿre.

53 Tahe iribi Jesuisi rexitareu,

54 tahe tahãwã-ò ròsere. Judeu dohodÿÿna heto-ki ribedeerynyre. Tahe ibutumy ribedeòtiidÿÿnyre. Tiribibo heka tii bedeeryna rierymyhÿre: –Timyrekibohe aõwiwihikÿ rierymyhÿre. Tii kÿny heka aõma òwòru besedÿÿwidÿÿdu riòre heka rare.

55 Jyje riòre wahe. Marie heka tule rare ise wahe. Txiau, Simaõ, Jyje, Judasi-wana iseriòre ihÿre tule wahe inatyhy?

56 –Iseriòre hãwy heka tule kaki rasÿnymyhÿre inatyhy. Timyrakibohe aõna aõna ikõkõ rierymyhÿre.

57 Tahe rityhynyõhymyhÿre heka tai wahe. Jesuisi tamyreny rarybere: –Deuxu Riòre Hãbutyhykÿ heka tiu tauludu wijirana hãwã-ki inyõ rityhynyõtyhy rybeduõ ihetomy ijirana-ki.

58 Tai tahe aõna aõna wiwihikÿ heka tai riwinyõhyre, rityhynyõmyhÿreki.

## 14

1 Kia bedeu tahe Herodi, Kalileia iòlò, Jesusini-ò roholare. Aõikõkõ heka riwinymyhÿre.

2 My heka rarybere teòdu mahãdu-ò: –Kia Joaõ Sebedÿÿdule aõbohe rubu-ribi riixix-adÿÿnyre. Tai tahe tii aõikõkõ riwinymyhÿre.

3 Herodi tahe juhoo Joaõ ròtenawo-ki riteònyre. Tii taseriòre hãwy òraru-ki kia wesemy riwinyre, Herodia òraru-ki wahe. Herodia heka Filipi hãwy rare.

4 Juhoo Joaõ Herodi-ò rarybere: –Awi aõkõ rare. Kai dori aseriòre hãwy-wana atxiteri. Uritere heriõmyke.

5 Tai tahe Herodi heka Joaõ rubudÿÿmy riwisÿnyre. Urile ruberumy judeu mahãdu lau. Tamyreny Deuxu rybeduõmy rÿiramy Joaõ Sebedÿÿdu rare.

6 Herodi kai beòramy bede reareu tahe worana bedehesi ritxienyreny. Herodia riòre ijadõma heka iko-ò resemyhÿre. Iixe-ki tahe awimy Herodi rahare, Ijadõma luure wahe.

7 Tii tahe tamy rarybere kanakemy. Aõmybo wadee bexitòenykre. Inatyhymy adee ibutumy ariwahinykre.

<sup>8</sup> Tai ise ijadòma-ò rarybere: —Aõma bexitòenykre: Sebedỹkỹdu ratilemy tamy bexitòenykre. Tai tahe ijadòma tamy rexitòenyre: —Wadeke bidiwyke Joaõ Sebedỹkỹdu rati, pratoro-ki.

<sup>9</sup> Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke rỹire.

<sup>10</sup> Tahe ihãrele iòlò heka soldadoõ riteònyre ròtenawo-ò kia Joaõ rati resymy.

<sup>11</sup> Inyõ diwyde pratoro-ki. Ijadòma-ò heka riwahinyre. Tahe tii tadi-ò idi rare. Riwahinyre.

<sup>12</sup> Idi tahe Joaõ erydỹỹna mahãdu dioryde iumy, riwykremy, rituunykremy. Iribi tahe roirenyre Jesusiko relyyre.

<sup>13</sup> Kia roholareu tahe Jesuisi ròhònyre ixisohojilemy bederahu-txi. Hãwò-di rexitaranyre rare. Iny sòwemy bededi ròirenyre ihemy titxibo iru-ki rakemy.

<sup>14</sup> Rehemynyreu tahe iny sòwehekỹmy Jesuisi robire. Tai tahe Jesuisi riwotòenyre. Ibutumy riteytenyre webinadu mahãdu.

<sup>15</sup> Tahe ratxioronyre. Tahe ierydỹỹna mahãdu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteònykre hãwãõ-ò tai rỹsỹna ixidee riwykemy.

<sup>16</sup> Tahe Jesuisi rirawyònyre: —Aõkõre, ariteònyõtyhy jiarỹ. Kaibohole tahe aõ tamy bidiwahinybedenyke.

<sup>17</sup> Jiarỹboho kỹny diwatxiõnyreri iruyre orotxu-di, utura inatxire.

<sup>18</sup> Tai tahe Jesuisi narybede: —Bidiwahiny wadee.

<sup>19</sup> Jesuisi tahe ibutumy iny asityre-ki ronykemy risỹnyre. Orotxu inaubiòwa, utura inatxi rỹire, utura-wana rimyre tahe ritehere biu-txi àlàna Deuxu-ò riwahinyre. Idi tahe paõ riyreyrenymyhỹre teòdu mahãdu-ò riwahinyre. Idi rare iny sòwehekỹ-ò.

<sup>20</sup> Ibutumy iny riroxirenyre ihãre rihydyre. Kia iuhe-di ierydỹỹna mahãdu 12 weriri ritỹxinyre.

<sup>21</sup> Hãbumy 5000 òsana rỹimyhỹre. Ihãre tahe uladu-di rariaõhyre hãwyyboho-di.

<sup>22</sup> Tahe Jesuisi taerydỹỹna mahãdu riteònyre aho kanawe-ribi ijà-ò reuròrenykemy hãwò-di. Jesuisi tahe rarire iny sòwehekỹ mahãdu rirybedỹỹmy.

<sup>23</sup> Jesuisi heka iny tahetoreny-ò riteònyremy rahudi tahe tii raòwònyre hãwãlò ratyy-ò ixitòedỹỹmy. Taihyyle idi bede roronyre ixi sohojihyyle.

<sup>24</sup> Kiaule hãwò ahotya-ki rare. Òbò nihikỹy-txi ixinalemy ratximyhỹre. Tiò tiò òbò riwelòrò riwelòròmmy idi rehumyhỹ. Yhy deade txura-ribi.

<sup>25</sup> Rudile tahe Jesuisi biura-di heka rare taerydỹỹna mahãdu-ò, beratyredile heka rare.

<sup>26</sup> Iu Jesuisile betyredile tamy rarau tahe, tiiboho heka ruberurenyre. Rirajuarenyre: —Worỹsỹ òsana inydee rareri.

<sup>27</sup> Tai tahe Jesuisi rarybere: —Aworeny bitamadỹỹnybenyke. Jiarỹle watxireri.

<sup>28</sup> Tahe Pedro rarybere: —Wanyrỹ, inatyhymy kai atxiteriwana heka wadee manyarybeke betyre-ki arariakemy.

<sup>29</sup> Tahe Jesuisi tamy rarybere: —Manake wahe. Aõwesele tahe Pedro hãwò-ribi ròhònymy reare, Jesuisi-ò rakemy. Betyre-ki rariare.

<sup>30</sup> Yhylemy tahe robure. Tii urile ruberure. Tai ijirahakỹlemy riwisỹnyra berahatxi-ò. Tai tahe Pedro rarybere: —Biwatakewa Wanyrỹ.

<sup>31</sup> Tahe Jesuisi rimyre: —Ainatyhynakỹny ibutelemy atxiteri. Aõherekibo heka tiwatyhynyõteri.

<sup>32</sup> Idi hãworo-ò wiwana rorukurenyre. Yhy ruhure.

<sup>33</sup> Ierydỹỹna mahãdu Jesuisimy reàlàre. Inatyhymy heka kai Deuxu Riòretyhy tate.

<sup>34</sup> Tai tahe reuròrenyre Kenesare bede-ò.

<sup>35</sup> Ibutumy iny kowa Jesuisi rieryrenyre. Ti ibutumy webinadu mahādu-ò relyyrenyre Jesuisimy. Tahe hāwā ikōkō-ribi ritelenymy didydenyde.

<sup>36</sup> Tahe Jesuisi-ò rarybere. Ixinamy watyky-ò rerike, awimy relerenykemy. Ibutumy tamy rerire heka reytere.

## 15

<sup>1</sup> Jerusalē hāwā-ribi bede ywina bede erydŷŷna mahāduō dehemynyde Jesuisi-wana rarybekemy. Tiiboho-wana tule fariseu mahāduō dehemynyde. Tiiboho heka Jesuisi-ò rŷŷraxirenyre:

<sup>2</sup>—Aōherekibo aerydŷŷna mahādu tebōreny risuhōkōreri roxiko-ki. Inydeereny kia bede ywina rare. Aōherekibo rityhynyōreri ihetxiu lahi rybe.

<sup>3</sup> Jesuisi rirawyōnyre ŷŷraxina-di: —Aōherekibo kaiboho Deuxu rybe tetyhynyōteri kaiboho lahirybele tetyhynytenyte.

<sup>4</sup> Deuxu bede ywina kawesemy rarybere:

—Boo adi-wana ibutumy heka bityhynybenyke. Inyō rybebina tadi-ò tyby-ò rarybekeki. Tii tahe ruruke, tuu bede ywina rybe wahe.

<sup>5</sup> Kaiboho tahe kawesemy tebedeerynytemy tewitxiranyte: Inyō tadimy tybymy rarybekeki Wanieru Deuxu-ò wahisidŷŷnamy.

<sup>6</sup> Tai tahe inieru-ei tyby tadi-wana riwiōhenanyōre kia bede ywina witxira tewinymahāte. Deuxu bede ywina rityhynyōreki.

<sup>7</sup> Kaiboho itxerenadu mahādu atxitenyteri. Isaia inatyhymy umy rarybereu:

<sup>8</sup> —Kia mahādu wadee rybe-di riwadeālānanyrenyre. Wowydyna wadee riwahinymyhŷrenyre. Inatyhymy aōkō heka kai tarybemahāte. Arayky dori Deuxu-ribi irehemy ratximyhŷre. Teerytyhyōlemy heka atximahāte.

<sup>9</sup> Iwowydyna heka wadee aō aōkō rare. Wabede ywina ribedeerynyōtyhy. Tex-ibedeerynymahātenyte abede ywinarenydile.

<sup>10</sup> Jesuísí rexidelenymy ribedeerynyre: —Boholabeny warybe-ò.

<sup>11</sup> Brebuna roxina-di biroxibenykeki, aō adeereny ibinaōtyhy aō aryrenymy ralōmyhŷre aōkō heka ibinare. Ryribi ròhōmyhŷre heka ibinare, arybe wahe.

<sup>12</sup> Tai tahe Jesuisi erydŷŷna mahādu Jesuisiko rarybere: —Fariseu mahādu kŷny tamy awiōre kia wiji tuu tarybeta wahe.

<sup>13</sup> Tahe Jesuisi rarybere: —Aōhere aōkō rare. Timyre aōkō rare. Ixinamy tuu raryberenyre. Iorutere-di nohōtirenymy. Kia fariseu bedeeryna lòbòròna wese rare. Waha ribòrònyōre. Ibutumy waha ribòrònyōre suribi mahādu ritakre.

<sup>14</sup> Inatxi hābu ruetà widee ryò ritŷnynymyhŷre wese. Hāwāry-ribi wiwanale hāloo-txi resekre. Tiiboho ixinamy biribenyke.

<sup>15</sup> Tahe Pedro Jesuisi-ò rŷŷraxire: —Wakoreny inihe biditynynyke, roxina brebuna ijyy wahe.

<sup>16</sup> Kaiboho ibutu wese atxitenyteri. Teeryōtenyte.

<sup>17</sup> Ibutumy iny aō rirŷsŷmyhŷre weryri-di ramyhŷre tahe ròhōnymyhŷre.

<sup>18</sup> Tahe inyō rybebinamy rarybemyhŷre. Tii iwo ibinare, irayky ibutumy ibinare tai wahe.

<sup>19</sup> Raykywydyna binahakŷ-ribi heka òtaòtana, rubuna, wasina, ruina ujōmo inyry-ribi ròhōnymyhŷre.

<sup>20</sup> Kia aōmydŷŷnana iny risurisumyhŷre, inydee ibinare. Tahe roxinako-ki iny tebò risuhōmyhŷré, kia tahe aō aōkō rare, ibina aōkō rare.

<sup>21</sup> Iribi tahe kia-ribi ròhōnyreu tahe Jesuisi rare irehetytymy Tiro hāwā-ò Sidō hāwā-ò.

<sup>22</sup> Kana bede hāwyyō tamy nade. Tahe tamy rexitōenyre: —Wahī, Davi riòkòre, biwaruxetoenyke hewa. Waritxòre heka tykytyby bina-di iwoku-ki ratximyhŷre. Anohōkŷmy heka idi rotŷkŷnymyhŷre.



<sup>23</sup> Tahe Jesuisi aõmy rarybeõhyyre tamy. Taerydỹña mahãdu tahe rarybere: – Biteõnyke hewa. Inyboho dori riixiranyrenyneri.

<sup>24</sup> Jesuisi tahe rarybere: –Jiarỹ Deuxu riwateõnyre judeu mahãduõle, tabudoeni mahãdu iõre mahãdu wese wahe.

<sup>25</sup> Hãwyy ixityre nade. Tatiowotimy resere. TAhe ixityre tamy rarybere: – Biwawikõhenanyke hewa, Wahĩ.

<sup>26</sup> Jesuisi rirawyõnyre: –Awiõhedỹña kia wese rare aõma hãbuõ tariõre-ribi rỹsỹna riwyrta tahe idi rehura ijõrsaõle. Kiawese rarekre, jiarỹ arawiõhenanykeki.

<sup>27</sup> Hãwyy rarybere: –Inatyhy rare. Kuladu-ribi ano rỹsỹna resemyhỹre bedexi, tiki tahe itxõrsa ritxõre idi riwymy reakamy rirõmyhỹre.

<sup>28</sup> Inatyhymy Jesuisi rirawyõnyre: –Kai ainatyhyna sõwere. Adee ariwinykre aõmybo textitõnyteri. Iule iriõre reytemy rare.

<sup>29</sup> Tahe Jesuisi rõsere ixityre Kalileia ahohokỹ-õ. Raõwõnymy rare hãwãlõ-õ. Iratytyre ronyre.

<sup>30</sup> Sõwemy heka iny webinadu didyde: itiere mahãdu, iruetã mahãdu, irybeõ mahãdu, aõ ikõkõ heka bina bina wixira wixira idi rare. Jesuisiko-õ heka ritidirenyreki ibutumy riteytenyre.

<sup>31</sup> Iny ruetã rỹira mahãdu itxeretyhymy riwinyre. Rarybekõmy rỹira mahãdu, rarybemy rỹimyhỹ teysamy. Itiere rỹira mahãdu, rariamy rỹimyhỹ. Tai ibutumy iny ribedeõtiidỹnyre heka tahe judeu mahãdu Deuxu-õ wowydyna riwahinyre.

<sup>32</sup> Jesuisi rarybere taerydỹña mahãdu-õ kanakemy. Tahe tamyreny rarybere: – Jiarỹ kỹny rewotõnyneri kainy mahãdu rỹireridi. Inataõ txumy bedexi riera waki. Aõ heka ihokõre rirỹsỹrenykeny. Iõwedỹkõlemy ariteõnykeki heka ijõ reseke ryrowetyakile. Rama riatyke.

<sup>33</sup> Tai tahe ierydỹña mahãdu rarybere: –Inyboho bederahy-ki, titxibo heka rỹsỹna arimykre iny sõwehekỹ-õ ariwahinyrenykeny?

<sup>34</sup> Tahe Jesuisi tamyreny ritỹraxinyre: –Tiwesebo roxina-di atxitenyteri. Tahe rirawyõnyre: –Debõ inatxi reurõ orotxu sõmo sõmomy idi watxireri utura deyre ijõ rare.

<sup>35</sup> Jesuisi rarybere ibutumy iny ronykeny.

<sup>36</sup> Tahe tíi rexitõnyre Deuxumy reãlãre. Orotxu, utura-wana riereerenyre tahe taerydỹña mahãdu-õ riwahinyre idi rakremy.

<sup>37</sup> Ibutumy riroxire heka kia iny sõwehekỹ ta rihydyre. Tabyre rahudi tahe riarire ierydỹña mahãdu. Tai tahe rahure tỹxihikỹlemy. Debõ inatxi reurõ weririmy heka ritỹxinyrenyre.

<sup>38</sup> Tahe 4000 hãbumy riõwenyrene, kia txuu wahe. Uladu, hãwyy-di rariaõhyyre.

<sup>39</sup> TAhe Jesuisi iny-õ rarybere tasỹ-õ rõsekemy ixiby. Iribi tahe Jesuisi hãwõ-di reurõmy rare Magadã hãwã-õ.

## 16

<sup>1</sup> Fariseu mahãdu saduseu mahãdu nade Jesuisi-õ iurihixidỹmy riitxenanyrenykeny: –Aõbedeerydỹnabo heka biu-ki iribi rexitõnyre. Biwateõsinyke heka aõwiwihikỹ-di biu-õ jiarỹboho arieyrenykre, kai inatyhy tate wahe.

<sup>2</sup> Idi tahe Jesuisi rarybere: –Kaiboho heka awirenyre biuwetyky erysy-ki. Jesuisi rarybere: –Kia rybe tarybemahãte. Txiorotxumy heka biuwetyy isõhõkỹra-ki, biurasõmy tahe awimy txu kedekre.

<sup>3</sup> Biurasou ibede lyby lybymy txu-di kedekreki tahe biu rãahyyhy bedexi rariakre. Myhe tarybemahãte. Kaiboho heka iwixira aõhebo rotỹnykre heka teerytenykõlemahãteny.

<sup>4</sup> Iny kamahãdu heka ibutumy ibina binare. Tiu heka rityhynyõhyymyhÿrenyre. Rexitõenymyhÿrenyre heka biu-ò rityhynykemy. Tahe riwahinyõtyhy heka aõma bedeerynaõ. Kia Jonasi-ò bedeeryna rareõle tahe tamy rakre heka. Tahe Jesuisi rexitamy rare iribireny.

<sup>5</sup> Idi tahe aho weribijà-ò reurõrenyreu tahe, tõhõtireny rosare tarÿsÿnareny-ribi.

<sup>6</sup> Jesuisi tamy rarybere: –Fariseu mahãdu, saduseu mahãdu iurina-ò bexiebenyke.

<sup>7</sup> Ierydÿÿna mahãdu tahe widee rarybere: –Tii kia rarybere iny orotxu diwyõdeki.

<sup>8</sup> Jesuisi roholare aõmybo raryberenyre tahe tamyreny rarybere: –Aityhynareny urihimyõre. Aõherekibo orotxumy jiarÿ rarybererimy tahõtinytenyte?

<sup>9</sup> Tiu kaiboho bierybenyõtyhy. Iruyre orotxumy remyre. Idi 5000 hãbumy reõwenyre. Ihãre tahe weriri txÿxi tÿxihikÿlemy rÿimyhÿre rauhenyre. Itxi aõbo õhõtireny reakõmyhÿre.

<sup>10</sup> Ixityreu tasÿ 4000my reõwenyre, debò inatxi reurõ orotxu-di. Ixiyrubule rauhenyre.

<sup>11</sup> Jiarÿ orotxumy rarybeõre. Fariseu mahãdu, saduseu mahãdu urina-ribi bexiebenyke.

<sup>12</sup> Tai ierydÿÿna mahãdu rieryrenyre aõmybo rarybemyhÿmy Jesuisi heka fariseu saduseu bedeerydÿÿnamy rarybereri.

<sup>13</sup> Idi tahe Sesaria Filipi hãwã iõhõmy rehemynyre. Jesuisi rÿÿraxire taerydÿÿna mahãdu-ò: –Iny wamy rarybereri. Mobo heka jiarÿ raremy heka wadi rÿireri. Jiarÿ Hãbutyhyhykÿ rare, Deuxu Riõre wahe.

<sup>14</sup> Ijõ kÿny rarybemy rÿireri: –Kai riki heka Joaõ Sebedÿÿdu atxiteri. Ijõ riki Elia atxiterimy adi rÿireri. Ijõ tahe Jeremiamy adi rÿireri. Ijõ heka Deuxu rybeduõ riki heka atxiterimy adi rÿireri.

<sup>15</sup> Tai tahe Jesuisi rÿÿraxire taerydÿÿna mahãdu-ò: –Mowexe watzirerimy wexe wadi tahõtinytenyteri.

<sup>16</sup> Simaõ Pedro heka rarybere: –Kai Kristu atxiteri Deuxu deõdÿÿna heka tate. Kai heka Deuxu Riõre tate.

<sup>17-18</sup> Tahe Jesuisi rirawyõnyre Pedro-ò: –Inatyhymy Pedro tate, Waha, biu-ki Mana ani rare. Boholake, ratximyhÿrele kia adee riteõsinyre. Iny aõkõ kia adee riteõsinyre. Wadohodÿÿna mahãdu kia mana tyre-ò ariwinykre. Rubu dori heka tiu ituedeõna.

<sup>19</sup> Waiõlõna rayna heka adee ariwahinykre. Kabede-ki aõwidÿÿ adee binakeki tule biu-ki ariijõnykre. Aõtxiletixibo aõwidÿÿmy burukre tasÿ biu-ki tule adee ariwinykre.

<sup>20</sup> Jiarÿ inatyhymy Deuxu deõdÿÿna rare. Tuu ijyyrenyõmyke.

<sup>21</sup> Iribi tahe Jesuisi itÿny relymy taerydÿÿna mahãdu-ò. Rurukremy heka relyyre: –Arakre heka Jerusalê-ò. Tai heka matuari mahãdu, õnosõna bedeeryna mahãdu, xiwena wahidÿÿdu mahãdu-wana riwarubunykre. Inataõ txu-di tahe ixyby rubu-ribi adexiakre.

<sup>22</sup> Idi tahe Pedro heka Jesuisi ridyre ijõ erydÿÿna-ribi tahe tamy rarybere: –Aõkõre, Wanyrÿ, tiu heka tiiboho ararubunyrenyõtyhy.

<sup>23</sup> Tahe Jesuisi rarybere Pedro-ò: –Waribi bexihitxinyke. Kai heka Satanasi weselemy atximahãte. Iwese kai taraykynmahãte heka aõ Deuxu deewinamy aõkõ tuu tahõtinyamahãte hãbudeewile rare.

<sup>24</sup> Idi tahe Jesuisi rarybere taerydÿÿna mahãdu-ò: –Inyõ wawananyomy rurukeki, ixi-ribi heka tõhõti rosake. Nomy rurukeki heka taitxeõ rimyke idi tahe wahemy kanake.

<sup>25</sup> Inyõ wahemy rariakemy ixi-di rõhõtinyhyke wana heka irumy inonana irehemy ixi-di ratxikeki heka tii ihãrele ruruke. Inyõ taumy riõnonykeki waõraru-ki tai tahe tii rõtake.

<sup>26</sup> Inyõ heka ibutumy aõna aõna bede-ki ributunykeki. Tahe ihãrele heka tii ruruke. Tule umytuedeõna riõnonyre. Aõ tarasana tamy aõ aõkõ rare. Iny iruna riõwinyõhyymyhÿre, ixiyby tamy kanake wahe.



<sup>27</sup> Jiarỹ, Deuxu Riòre, Hãbutyhyhykỹ dori kanakre wana aõwesele. Taỹju loosõna-ki tii kanake.

Iny ibutumy ariòwinykre bibutunymy aõbo iny riwinymyhỹre heka aõwiwihikỹ aõbina bina.

<sup>28</sup> Iu jiarỹ, Deuxu Riòre, Hãbutyhyhykỹ, kanakeu tahe inyõ kaiboheõ tuu robikre, Iòlòmỹ kanakreu.

## 17

<sup>1</sup> Reare heka debò sohoji reurò txumy. Tahe Jesuisi ridyre Pedro, Txiau, Joaõ-wana. Joaõ tahe Txiau seriòre rare. Tahe raòwònyre tiiboho-wana hãwãlò ratòhòkỹ ratyy-ò. Inyõ heka tii wana raõhyre.

<sup>2</sup> Ikoreny-ki tahe Jesuisi rexiwixiranyre. Iòsana heka roosòre. Txuwesehekỹle relere iòsana heka ratỹrỹrỹnyre. Ityky tasỹ rauranyhỹkỹre. Tahe roosõna itoosònadihikỹre.

<sup>3</sup> Iu tahe tuu robire Moisesi rubu, Elia rubu, Jesuisi-wana widee rarybemyhỹreny.

<sup>4</sup> Tahe Pedro tamy rarybere: –Awire, Wanyrỹ, kawese wataxirenyreri kaki. Adee wikeki hetomy ariwinyrenykre ijõ adeekre, ijõ ta Moisesiòkre, ijõ Eliaòkre.

<sup>5</sup> Iu Pedro rarybereriule tahe biuwetyky urahakỹ relere. Iyribile rybeõ narybede: –Kia heka Wariòre waluu heka rare. Boholabeny irybe-ò.

<sup>6</sup> Idi tahe ierydỹỹna tamy roholareu, tahe ruberure. Tahe reserenyre iòsanareny bede-ò.

<sup>7</sup> Jesuisi tamyreny nade: –Breburenyõmyke hewa bodorukubedenyke heka.

<sup>8</sup> Reteherenyre tahe Jesuisi sohojile tai rỹire.

<sup>9</sup> Iribi tahe diberenydenyde hãwãlò ratyy-ribi, Jesuisi narybede: –Uritere waijyyõmyke inyko wiji tuu tabitimy. Iu jiarỹ, Deuxu Riòre Hãbutyhyhykỹ, rubu-ribi riixix-anykreu tahe tuu belyyke.

<sup>10</sup> Tahe ierydỹỹna mahãdu Jesuisi-ò rỹỹraxire: –Aõherekibo tarybetenyteri –Elia juhoo kanakemy ako-ò juhoo kanakemy.

<sup>11</sup> Jesuisi rirawyònyre: –Inatyhy rare tii juhoo kanakre. Ibutumy heka bede riywinykre.

<sup>12</sup> Tule ararybekre kiamy: –Elia nade tahe ihãrele heka iny rieryõhyre. Aõhòkỹmy risỹnyre. Iwese Elia aõhòkỹmy risỹnyre wesele tahe Deuxu Riòre Hãbu heka aõhòkỹmy risinykre, jiarỹ wahe.

<sup>13</sup> Tai tahe Jesuisi erydỹỹna mahãdu rieryrenyre aõmybo Eliamy tii raryberemy Joaõ Sebedỹỹdule tahe Jesuisi rarybere.

<sup>14</sup> Iribi tahe dòsedenyde iny sòwemy riraõmy rỹimyhỹre. Hãbu-ò nade Jesusiko-ò tatiowomy resere:

<sup>15</sup> –Wanyrỹ, ruxetòena wariòre-di biwahinyke. Irayky awimy aõkõ ratximyhỹre. Bera-txi resemyhỹre. Heòtyru-txi resemyhỹre. Ibutumy aõna aõna riwinyrerimy ihỹre.

<sup>16</sup> Aerydỹỹna mahãdu-ò heka adidyde tahe tiu riteytenyõtyhy.

<sup>17</sup> Jesuisi rirawyònyre tamyreny: –Kaibohe isira mahãdu atxitenyteri. Aõ heka inatyhyna heka akireny ijòkõre. Tiwese bede dỹỹnana bohe araòludunyrenykre. Bedese inihe bididy uladu wadee.

<sup>18</sup> Tahe Jesuisi rarybere kia uladuwo-ki ratximyhỹò: –Iribi wa bohonyke! Tahe uladu reytemy reare.

<sup>19</sup> Idi ierydỹỹna mahãdu Jesuisiòle rarybere: –Aõherekibohe jiarỹbohe tyytybybina iribi reteònykõreri?

<sup>20</sup> Aõmareki kiehe ainatyhyna ibutetyhyreki òwòruty sòmowesele ainatyhyna dikeki heka kai aõwiwihikỹ biwinyke. Kai hãwãlò-ò marybeke: –Iribi bexitake! Tai tahe hãwãlò rexitake iwitxira suò. Aõ aõkõ adee isirake, ainatyhyna direki wahe.

<sup>21</sup> Kia tyytyby bina iwitxira rare. Isiratyhyre heka. Kaibohe bexitòenybenykeki, binarehebenykeki, ixiery tyytybybina biteònybenykeki.

22-23 Kalileia bedeki Jesuisi taerydỹna mahādu-wana ributunyre. Tai Jesuisi rarybere tamy: —Jiarỹ, Deuxu Riòre Hābu, rare. Tai inyõ riwahinykre hābubinaõ-ò warubudỹmy. Inataõ txu-di tahe rubu-ribi adexixakre. Tai tahe ierydỹna mahādu radedewo nihikỹre.

24 Iu tiiboho heka Kafanaõ hāwā-ò ritehemynyreu, inyõ Pedro-ò nade. Tii dohodỹna òwy butudỹdu rare. Tahe rarybere: —Awedu aõbohe tii rexiòwinykekõ.

25 Pedro rirawyònyre: —Tii riòwinyhỹre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iòlò rexitòenymyhỹre òwydỹnamy. Mynydu mahādu-ribi aõbo ada ta taijoiribile aõbohe rotamyhỹre.

26 Pedro tahe rirawyònyre: —Mynydu mahāduòle rexitòenymyhỹre. —Inatyhy rare, Jesuisi rarybere. Ijoi mahādu òsana riòwinyòhykymyhỹre. Jesuisi rarybere: —Ihāre tahe ròkòòwydỹkre.

27 Òbitimy rakaòwònyrenykre. Kia Templo heto òwymy. Ibinamy kia iny-ò ariwinyòtyhy. Kai heka makre ahohokỹ-ò awaxi-di behukre. Juhu utura kanakrele heka bidimykre. Idi iry biraynykre. Tai nieruõ-ki mahake. Iribi bidityamy tahe makre iny òwydỹmy.

## 18

1 Iule tahe Jesuisi erydỹna mahādu tamy rehemynyre rỹraxyre: —Mobohe Deuxu Iòlòna-ki nihikỹmy rarekre.

2 Jesuisi heka ratximyhỹ uladuõ ibire-ki.

3 Idi tamy rarybere: —Kai uladu weseleõmy mabeõkeki, Deuxu Iòlòna-ò malòbenyòtyhy

4 Uladu wese maraykynybenykeki heka, tii tahe Deuxu Iòlòna-ki inatyhymy rỹrakre.

5 Kai waòraru-ki uladu kawesemy biwiòhenanykeki tiwawiòhenanymahāte

6 Kai uladuõ òraruna-txi resekemy risỹnykeki, kai abinatyhymy atximahāte. Inyõ òy ritakamy reroti-di aratakemy heka inyõ adi rehuke bera-txi. Tii tahe awityhyre adee.

7 Sòwemy heka aõna aõna rỹira wary-ribi iny riatykemy. Tii adee ibinatyhyre. Tiiemy heka tuhy rarekre. Inydee heka ibinakre heka. Wary-ribi riòlòdỹnymyhỹre heka tamy ibinakre.

8 Ebò òraru-ki tahe wainatyhyry-ribi bexitakeki, ebò biòròmmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiõre heka.

9 Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikỹ-ò malòke tahe awire heka arueyremy.

10 Iny nihikỹ ityhy iny yja mahādu heka tuuõre. Uritere heka iweserenyõmy atxibenyke kaiboho bexiijebenyke tamy. Iny aõkõ mahādu dori tii iỹju dire heka. Iỹjurenny heka Deuxuko tii ibutumy relyymyhỹre turenny. Idi òhõtirenny-ribi bosabenyõke.

11 Jiarỹ Hābutyhyhykỹ rare, Deuxu Riòre wahe. Ityhydỹdukõdu mahādu ibutumy aritakemy anade.

12 Rakawesenanykre heka kaijyy wesemy. Rakarybekre heka kahābu 100 budoeni ijõdire wesemy. Sohoji heka iõre iy-ribi. Kia hābu idi itxeredu tahe iy-ribi iõre rakre ijesemy. Iuhe tahe hāwālò-ki riroximy ririre.

13 Tai rahakre wana heka teysamy ratxikre. Kia sohoji òrarukile reysakre.

14 Iwesetyhylemy taheka inyõ iõòtyhy Waha-ribi. Tamy dori kia ibinare.

15 Inyõ adee rexiòrarunyekeki tahe tamy makre rybemy. Uritere inywitxirako-txi rybeõmy tuu. Tahe tamyhyylemy marybeke. Aityhydỹdu seriòre heka arybe-ò roholakeki, tahe ixi-txi tōhõtiti reake wana, ixi dee ibinamy rōhõtinyra wana, tai tahe kai ixyby tii-wana ityhydỹdu seriòre biòwamy beleke.

16 Aõhe wana tahe arybe-ò roholaòhykre, tahe ixityre make inyõ wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodỹna-ki rarybekreu, tai tasỹ tii rarybeke teòsamy aõkõ ratximyhỹrelemy rarybeke.

<sup>17</sup> Tii irybereny-ò roholaõkeki, tai tahe dohodỹna mahãdu-ò belyyke. Tii irybereny-ò roholaõkeki, tai tahe biteònyke. Tii iwese òrarudu mahãdu heka adee rarekre, bede dinodu-ò nieru wydydu wese wahe.

<sup>18</sup> Iwese kaiboho waityhydỹdu mahãdu kabede-ki rõhõtynyre wesele, tule araykywese-tyhyle Deuxu biu-ki rõhõtynyre. Aõbo adee kabede-ki aõwidỹ ibinare ada awire heka tule biu-ki ibinamy rarekre, awimy rarekre. Arybe riwitziranyõtyhy kowa biu bede-ki.

<sup>19</sup> Iwitziraõmy adeereny ararybekre: —Ijõ titxibo inatxi ada inataõ ityhydỹdu seriõre wiweselemy raraykynykre. Waha-ò rexitòenymyhỹreki iwese rexitòenyre wesele heka tamy riwinykre biu-ki.

<sup>20</sup> Titxibo waniòraru-ki inatxi, inataõ wii ributunykre heka, jiarỹ taile watzireri.

<sup>21</sup> Tahe Pedro rỹraxyre Jesuisi-ò: —Bede erydỹdu! Waityhydỹdu seriõre heka wadee rexiòrarunykeki, tiwesebo sõwe ariixãwididỹnykre ixi-ribi debò inatxi reurò, my aõbo?

<sup>22</sup> Jesuisi rirawyònyre: —Aõkõre, debòinatximy aõkõre, 490 wesemy wahe. Ixityre ixityre biixãwididỹnykre.

<sup>23</sup> Deuxu Iòlõna kawesemy rare: —Iòlõ heka teòdu mahãdu kia contamy robikemy idi ratzireri. Tiwesebo inieru-di rasiranyre wesemy wahe.

<sup>24</sup> Sohoji teòdu juhoo dehemynyde. Sõwemy heka tevedỹna ratximyhỹre, 1000,000 womati tỹrỹrỹhỹkỹ nieru wahe.

<sup>25</sup> Inieruõre heka iòwydỹna wahe. Idi rohonykemy heka iwedu riteònyre deòdu mahãdu wesemy. Tariõre-wana tahãwyy-wana ibutumy deòdumy roirekemy. Aõbo tai rỹimyhỹ heka ibutumy idi rohonyre.

<sup>26</sup> Tai kia deòdu heka tatiowotimy resere kia iòlõko-txi: —Waiòlõreny, txioinihe biwaraòkre ariòwinykre ibutumy.

<sup>27</sup> Tai tahe iòlõ riwotòenyre aõma ixinahykylemy ritusanyre.

<sup>28</sup> Tai tahe kia hãbu he rare kia urihimyo tamy radevenymyhỹò heka rexi-nohõtಿದỹnyre. Tai tahe hãbu lòtikile rimyre. Rierenymy resere ribòtòrarytxynyre: —Bidiwaòwinykre kỹnyhe wijityhyle.

<sup>29</sup> Tai tahe tatiowomy resere, rarybere: —Txiokre inihe ariòwinykre ibutulemy.

<sup>30</sup> Tai tahe rirutyre ròtenawo-ò idi riòtenyre. Riwotòenyreõhyre.

<sup>31</sup> Itxeredu mahãdu heka rabadewore tai tahe ibutumy relyyre iòlõko.

<sup>32</sup> Tai tahe ixityre tamy rarariòwyre tamy rarybere: —Aõherewe, deòdu binahakỹ, jiarỹ araxãwididỹnyre ibutumy inatyhy? Kai dori ixitòedỹna wadee tewinyta.

<sup>33</sup> Aõherekibohe aleina kia adee nadevenymyhỹde kia teixãwidinyõta, iwese jiarỹ araxãwidinyre wese.

<sup>34</sup> Tai tahe tii rimyre reburere itere iòlõ, tai imynomy riteònyre rotenawo-ò riòwinykre xiery riòlòdỹnykremy. Tai aõhõkỹmy rotỹnyymyhỹre.

<sup>35</sup> Jesuisi rexihura narybede: —Kiawesele heka adeereny rarekre. Ityhydỹdu seriõre taseriõre riixãwidinyõkeki heka iwesele heka waha adi riwisỹnykre.

## 19

<sup>1</sup> Jesuisi ibedeerydỹna-ribi rexihureu, Kalileia bede-ribi ròhònyre. Bero Jordaõ weribijà-ò reurore, Judeia hãwã bede kanawe-ribi ijà-ò rehemynyre.

<sup>2</sup> Tai tahe sõwemy iny webinadu mahãdu rỹire. Idi tahe ihemy rare. Ibutumy riteytenyre.

<sup>3</sup> Fariseu mahãdu imynomy idi riwisỹnyymyhỹre aõbinamy rarybekeki rimykemy. Tai tahe tamy dỹraxyimy namyhỹde aõsirahakỹmybo: —Iny bede ywinareny tahãwyy riteònymyhỹre urirybelemy, wiribi resekemy.

<sup>4</sup> Jesuisi dirawyònyde: –Ritidỹĩnamy aõbo tariaõmyhỹte idi?

–Deuxu ibutu widỹĩdu heka juhuu hãbu hãwyy-wana riwinyre.

<sup>5</sup> Idi tahe rarybere:

–Hãbu heka tybyboho-wana tadiboho-wana wiribi rexihitxinymyhỹre tai tahe tahãwyywanale wii ributunymy rỹira.

<sup>6</sup> Inatxi heka sohoji weselemy rarekre, hãbu tahãwyy-wana. Deuxu heka hãbu tahãwyy-wana ributunyre, inyõ heka tiu rihitxinỹõtyhy.

<sup>7</sup> Tahe ijõmy fariseu mahãdu ritỹĩraxinyre: –Aõherekibo Moisesi kawesemy juhuu rarybere:

–Hãbu tahãwyy riteònykeki juhuu urile tyyriti tamy riwahinyke riteònykekeki.

<sup>8</sup> Tahe Jesuisi kawesemy rarybere: –Kaiboho heka ieryna urihimỹòlereki aõ isirareki heka kia riwinyre. Juhuu tahe kawese aõkõ rỹire.

<sup>9</sup> Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi.

<sup>10</sup> Tai tahe ierydỹĩna mahãdu rarybere Jesuisi-ò: –Tahe kiawesekeki heka uritere heriõmy hãwyyõmy, hãbuõmy.

<sup>11</sup> Jesuisi tahe dirawyònyde: –Kaa bede eryna heka aõ ibutuhukỹ-ò aõkõ tureri aõma Deuxu bede eryna tamy riwahinymyhỹreòle heka tureri.

<sup>12</sup> Aõtxi-ki tahe tuu hãbuõ rỹira hãwyyemy heridumy aõkõ rỹira. Ijõ hãbuõ tahe tiemy tunodumy rỹirerimy ihỹre. Iwixira hãbu-ò rexiwahinymy rỹireriki heka tuu rỹirerimy ihỹre. Ijõ tahe tuu rỹirerimy ihỹre aõma Deuxu aõmysỹdỹĩna òraru-ki wahe. Kaa rybe tahe inyõ tahe rityhynykeki tii inatyhymy rityhynyke.

<sup>13</sup> Inyõ didyde uladuõ Jesuisi-ò tamy rexitònykemy tebò iraty tyre-ki roirerilemy. Ierydỹĩna mahãdu tahe uritere iixiradỹĩõmyke.

<sup>14</sup> Tahe Jesuisi rarybere: –Ixinamy kanamyhỹke uladu wadee. Uritere itinysỹrenyõmy. Uladu wesemy dori Deuxu Iòlòna ròtedu mahãdu ratximyhỹre.

<sup>15</sup> Jesuisi tahe iratytyre tebò ritidire tamy rexitònyre. Idi tahe Jesuisi rare.

<sup>16</sup> Aõu tahe hãbuõ Jesuisi-ò nade: –Erydỹĩdu, aõhebo arotỹĩnykre. Aõma, timykibo umytuedeõna aritakemy wahe. Aõwidỹĩ wiwihikỹbo ariwinykemy.

<sup>17</sup> Jesuisi rarybere: –Aõherekibo wadee aõwiwihikỹmy widỹĩ tỹĩraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeõna hakỹ-ò molokre.

<sup>18</sup> Aõbedeywinabo arityhynykre? Tahe Jesuisi rirawyònyre:

–Rubudỹĩõmy, Òta òta widỹĩõmy, wasiõmy, ruiõmy,

<sup>19</sup> Adi boo-wana bityhynyke, iwese ixiluure wese heka abireludu mahãdu luuke.

<sup>20</sup> Hãbu rarybere: –Kia heka aõu aõu jiarỹ retyhynyre. Aõijõmybo arotỹĩnykre?

<sup>21</sup> Jesuisi rirawyònyre: –Kai òbitimy mabekekile aõmydỹĩna-di ibutumy. Kia idi bohonyke òwy tahe biwahinyke urimynodu mahãdu-ò. Tai sõwemy aõna aõna biu-ki ahõrõmykre. Iribi tahe biwaheludunyeke.

<sup>22</sup> Iu hãbu kia roholareu tahe rabadewonihikỹre inieru sõwerekiki heka rabadewore.

<sup>23</sup> Tai tahe Jesuisi taerydỹĩna mahãdu ribedeerynyre: –Isiratyhyre heka biu bede-ò ralòke aõma ityhy nihikỹkeki.

<sup>24</sup> Isirare heka aõma kamelo tyy rurena òtumy ralòke heka isirare, inatyhy? Tai tahe aõma ityhy mahãdu ralòke tarasanamy reake heka isirare.

<sup>25</sup> Jesuisi erydỹĩna mahãdu ribedeòtiinyre kai-ò roholareu. Tai tahe rõhõtinyre: –Aõkõre isiratyhyre tuu ròte. Inyõ tarasanamy reaõtyhy.

<sup>26</sup> Jesuisi tamyreny retehere tahe rarybere: –Inatyhy rare hãbu-ò isirare. Deuxu dee tahe isiraõle rare.

<sup>27</sup> Tai tahe Pedro rarybere: –Jiarỹboho ibutumy aõmydỹĩnareny adiridenyde. Araheludunymy watxiwãhãre. Aõma ritarenynykre?



<sup>28</sup> Jesuisi tahe dirawyònyde: —Kiamy heka adee ararybekre. Jiarỹ Deuxu Riòre Hãbu tyhyhykỹ wahe. Kaiboho heka tule borukubenyke aiòlònaryna-ki iu ibutumy ratỹmyrakreu. Kaiboho iny sohoji sohojimy judeu ijoio biywisidỹnanybenykre, waijoi waòinatxi reurò mahãduò wahe.

<sup>29</sup> Inyò kia ibutumy aòbo waòraru-ki ririmyhỹre iwese taheto ririmyhỹre waòraru-ki, taseriòre, tadi, tyby, uladu, taoworu, ririmyhỹre. Kia sohoji sohoji-ribi heka aò sohoji sohoji òwomy 100 ritakre. Tule umytuedeòna ijòmy ritakre.

<sup>30</sup> Inyò nihikỹmy ityhymy ratxirerimy ihỹre, tii iyjalemy relekre, aòma aòkò tai relekre. Tule iyja nihikỹmy relekre. Sòwemy urimynodu kaki rỹirerimy ihỹre tahe biu-ki inihikỹmy rarekre.

## 20

<sup>1</sup> Jesuisi tasỹ riteòsinyreri ijyyò timyrebo Deuxu Iòlòna. Hãbu aòmaysỹdỹỹdu heka oworu widỹmy heka riteranymy tamy rarybemyhỹre:

<sup>2</sup> —Aòmamy araòwynykre, sohoji prata womati nieru, iwese ibutumy raòwynymyhỹre wese, sohoji txuòwy wahe. Tai tahe tii raaòmaysỹdỹỹre uva oworu-di raaòmaysỹdỹỹmyhỹ.

<sup>3-4</sup> Idi tahe tii reare 9 horau tule, txutyeyu tule, titxibo iaòmaysỹdỹỹna rỹireri titxibo hãbu teaòmaysỹdỹỹmyhỹò. Tahe tuu robire urile ratximyhỹmyhe idi retehemyhỹ. Tai tahe tamy rarybere: —Maaòmaysỹdỹỹke hewa, waoworu-ki. Ikonana txu heka òbitihyky araòwynykemy adi watxireri.

<sup>5</sup> Tiiboho raaòmaysỹdỹỹre tule. Txutyeyu tasỹ ixiryubule ijò riteranyre aòma iwese kia juhuu ijò-ò rarybera wesele.

<sup>6</sup> Txuinyòbira-ò ijò rimyre, tule ijò txiorotxure.

<sup>7</sup> Iruyre hora-ò ijò tasỹ riteònyre.

<sup>8</sup> Tahe txiorotxumy ròhònyra tahe kia iòwydỹỹdu tamy ryyre.

<sup>9</sup> Tahe 1 womati nieru tamy riwahinyre, sohoji hora raaòmaysỹdỹỹre mahãdu wahe.

<sup>10</sup> Tahe txusohojimy raaòmaysỹdỹỹre tahe iratyre ròtakremy ixi-di ròhòtynyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe.

<sup>11</sup> Tai tahe rimyre nieru urile tamy rexibinanymy rarybere:

<sup>12</sup> —Kowa heka sohoji horale raaòmaysỹdỹỹhãrele heka 1 teòwynyta. Jiarỹ boho tahe txuhyy raaòmaysỹdỹỹra, bedede tòtee-ki wahe.

<sup>13</sup> Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora.

<sup>14</sup> Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese.

<sup>15</sup> Hora sohojilemy raaòmaysỹdỹỹraò sohojimy wanieru ariòwynykre inatyhy. Tamy wanieru ariwahinykemy ixideewimy, aòhe inatyhy? Aòherekibo tebureteri? Jiarỹ urihimyo raaòmaysỹdỹỹraò wawiremy tarybetenyteri wahe.

<sup>16</sup> Jesuisi tahe rexihure kia rybe-di, kiamykre bedede: —Ikoludu heka ihewoludu-ò resekre. Ihewoludu tasỹ iko-ò resekre.

<sup>17</sup> Tai tahe Jesuisi ròwònyre Jerusalẽ hãwã-ò. Iny-ribi tawaò inatxi reurò mahãdu rihitxinyre. Tamy relyyre timybo aòhebo rotỹnykremy Jerusalẽ hãwã-ki:

<sup>18</sup> —Jiarỹ, Hãbutyhyhykỹ adee ararybekre: —Inyò riwawahinykre aòma-ò Xiwenahahidỹỹdu wedu mahãdu-ò. Tule diwatyhenykre judeu wedu mahãdu-ò. Tahe riwarubunykemy heka tiiboho wamy rarybekre ijò iny-ò.

<sup>19</sup> Tii heka riwamykre tahe riwawahinykre Roma iòlò-ò, judeukòdu mahãdu iòlò wahe. Ibinatyhymy aòhebo riwasỹnymy riwahetenyrene. Itxeò nihikỹ-ò riwatamadỹnykre. Tahe txu inataò-di rubu-ribi areixixanykre.

<sup>20</sup> Zebedeu riòrese Jesuisi-ò nade. Tatiowotimy resere tahe rexitòenyre aòmoybo Jesuisi-ò tariòre-wana nade.

<sup>21</sup> Jesuisi tamy rarybere: –Aõbo rare hãwyy rarybere: –Waritxòre inatxi hãbu rare. Tikiboho kÿnyhe, aikòlònykuna rynana-ki ronykre awana. Ijõ aruruna-txi, ijõ ahywe-txi wahe, kai aikòlòkuna-kò malokreku wahe.

<sup>22</sup> Jesuisi heka iriòre-ò rarybere: –Kaiboho aõmybo textiònyteri teerykòleter. Kai Txiau, kai Joaõ, teerytenyte aõbo aõhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: –Tulekre.

<sup>23</sup> Tahe Jesuisi rarybere: –Inatyhy rare kaiboho tule aõhòkÿmy botÿÿnybenykre. Tahe mobo warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre.

<sup>24</sup> Idi tahe debòwiò ierydÿÿna mahãdu kia rieryre aõmybo Txiaaku Joaõboho rexitiònyrenyrá. Tai tahe tiiboho rakyarananyrenyre.

<sup>25</sup> Tahe Jesuisi ibutumy taerydÿÿna mahãdu tamy kanakemy rarybere: –Iny iòlò iruru dire. Ibutumy dinodu tahe kia weselere –taijoi mahãdu riteònymyhÿre. Teòdu mahãdu riteònymyhÿre.

<sup>26</sup> Tahe aõ tuukre aõkõ heka rare ayreny-ki. Inyõ dinodumy ixidikre heka deòdumy rarekre.

<sup>27</sup> Kia iny nihikÿmy ixi-di rexinohòtinyreri tasÿ aõ aõkõ tii rarekre.

<sup>28</sup> Iwese jiarÿ riwinyre wesemy heka rarekre. Hãbutyhykyÿ aõ dinodumy aõkõ anade. Iwese deòdu rÿira wesemy heka nade waumy riwahinykremy rubu-ò kabede-ki. Tai sòwemy iny ritakre.

<sup>29</sup> Iu Ijeriò hãwã-ribi ròirenyreu, tahe sòwemy iny riheludunyre.

<sup>30</sup> Inatxi iruetàm y heka rononymhÿ iu Jesuisi ibire-di rareu. Tiiboho roholarenyre kia Jesuisi raremy. Rexidelenyre ryryre Jesuisi-ò: –Davi riokore, wadee hewa ruxetòena biwahinyke.

<sup>31</sup> Tai tahe iòhòm y iny iribi rÿimyhÿ rarybere: –Txioke inihe, biyryke! Ixityre ryryre tarurutyhy: –Inynyrÿ Davi riokore, Biwawotòenyke hewa.

<sup>32</sup> Jesuisi tamy rarybere: –Aõwexe adeereny ariwinykre.

<sup>33</sup> –Wanyrÿ, Kai wa bidiwaruenykre warue biraynykremy.

<sup>34</sup> Tahe Jesuisi riwotòenyre iruebymy reare tebò-di. Aõwesele tahe ruòm y reare. Tai tahe Jesuisihe riheludunyre.

## 21

<sup>1</sup> Jesuisiboho tahe rehemynyrenyre Jerusalē hãwã iòhòm y. Betabaji hãwã-ò heka rehemynyre. Kia Oliveira hãwãlò-ribi irehemy aõkõ ihÿre. Tahe Jesuisi inatxi iny riteònyre hãwã-ò, taerydÿÿna mahãdu wahe. Tamy rarybere:

<sup>2</sup> –Juhu hãwã dele-ò malokreule aõma bobikre, jumenta tariòre-wana. Tahe bitaanalawekre ta bididykre kaò.

<sup>3</sup> Inyõ aratyÿraxinykre wana, tai tahe kiamy bisÿnykre aõma: –Wawedu hewa idi ratxikemy ròhòtinyreri. Tai ki tahe ahemy kiditeònykre.

<sup>4</sup> Kia ihetxiu ritidÿÿna tuheka relemy roimyhÿre. Kamy rarybere:

<sup>5</sup> –Marybeke heka Jerusalē hãwã-ò:

–Deuxu Iòlòna heka kanakre adeereny wahe. Tii inihikÿ wesemy aõkõ kedehemynymy, jumenta tyre-ki heka kedehemynykre.

<sup>6</sup> Tahe ierydÿÿna mahãdu riwinyre iwese Jesuisi rarybere weselemy.

<sup>7</sup> Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare.

<sup>8</sup> Tahe inyõ sòwemy-ribi tahetyreny-di rehumyhÿre iryko-txi idi rariakemy ityre-di. Ijõ tasÿ hereru-di iryko-txi rehure iryube hetymy ityre-di rariakemy.

<sup>9</sup> Sòwemy tai iny rirajuamy rÿimyhÿ iko-ò, ihewo-ò:

—Iòlò Davi riokore heka sòwemy iny wowydyna tamy iny riwahinyreri. Tii Deuxu Riòre Hābu rare. Deuxu deysana heka tamy biwahinyke!

<sup>10</sup> Jesuisi hāwāy-ki rehemynyreu, ibutumy iny ribedeòtiidỹnyre: —Mohābuwe kia ralòreri Jerusalē hāwā-ki wahe?

<sup>11</sup> Tai tahe iny mahādu rarybere: —Aòkòre, kia Deuxu rybeduò rare. Jesuisi inire Kalileia bederibi Nazare hāwā-ribi dehemynyde.

<sup>12</sup> Tahe ralore Deuxu dohodỹna heto-ò. Tai kia aōna aōna-di rohonyreri heka riteònyre. Kia aōma nieru wiuròna iòwòruwebese tahe riatyre. Kia aōma bòtòe dohodỹdu ryna ibutumy ritxiwire riatyre.

<sup>13</sup> Tahe Jesuisi rarybere: —Deuxu Tyyriti rarybere:

—Dohodỹna heto heka waha heto rare, ixitòedỹna heto rare.

—Kaiboho heka inywasidu mahādu-di tetỹxinytenyta.

<sup>14</sup> Sòwemy iny itiere, iruetà, nade Jesuisi-ò dohodỹna heto-ò. Jesuisi taile riteytenyre.

<sup>15</sup> Tahe xiwena wahidỹdu wedu tuu robire. Tule judeu bede ywina bede eryna mahādu robireu tahe, aōma uladu templo-ki ryrymy rỹimyhỹ aōma: —Davi riokore heka Deuxudeewina rare. Tai tahe kia rybe-ò reburerenyre.

<sup>16</sup> Tiiboho tahe raryberenyre Jesuisi-ò: —Kai aōbo taholate aōbo rarybereri. Jesuisi rirawyònyre: —Kohe, raholare. Kaiboho teeryòtenyte:

—Uladu dori wowydyna tamy riwahinykre. Tiu aōbo tariatenyòhyymahāte kia Tyyriti-ki.

<sup>17</sup> Tahe Jesuisi iribi ròhònyre Betỹnia hāwā-ò. Taile tahe ruu idi rỹire.

<sup>18</sup> Biurasò txumy tahe tii dòòsede Jerusalē-ò. Tahe rama risare iu.

<sup>19</sup> Òwòruò tai rỹire. Tai tahe diaride figoraty-ò. Tahe iratyòre, txirule rỹire. Tai Jesuisi rarybere òwòru-ò: —Tiu heka kai maratynyòtyhy aòwesele tahe irade rairuxỹrure.

<sup>20</sup> Tai tahe ierydỹna mahādu heka ribedeòtiidỹnyre: —Timykibo heka aòwesele rairumyròmy reareri.

<sup>21</sup> Tahe Jesuisi tamy rarybere: —Kai ainatyhyna ijòdikeki heka iwesele biwinyke. Iratyre biwinyke. Kaiboho heka bitxiònyòkeki kaa hāwālò-ò dori marybekre kiamy: —Iribi bexitake tahe aho-ò boikre. Tai hāwālò-ò aòwesele heka ahoro-ò roikre.

<sup>22</sup> Aòtxile kai bexitòenykre heka adee ijò rỹikre. Bityhynytyhykeki, tahe ibutumy bitake.

<sup>23</sup> Tai Jesuisi dehemynyde Deuxu dohodỹna heto-ò. Tai tahe ròbedeerydỹmy ratximyhỹ. Tahe xiwena wahidỹdu mahādu, tule judeu bede ywina erydỹna mahādu tule tamy dỹraxyimy nade. Tai tahe Jesuisi-ò rỹraxyire: —Morurudibo heka kai aòmydỹnana tewinymahāte? Mobo heka arateranyre kia biwinykemy.

<sup>24</sup> Tai tahe Jesuisi tamy rarybere: —Kai aōbo myraxyikeki wadee tai ako tuu arelyykre. Kai dỹraxyinaòmy bidiwatỹnynykeki tahe, adee tuu arelyykre.

<sup>25</sup> —Joaò Sebedỹdu heka morurudibo nade morybekibo tuu tadiwinymahāte wemy. Morybekibo Joaò iny risebenymyhỹre. Deuxu Rybe-ki aōbo ada iny rybe-ki aōbo. Tai tahe widee rarybe raryberenyre: —Aōma Deuxu Rybe-ki tuu ròsebedỹmyhỹre. Mykeki rakarybenykre taheka: —Aòherekibo tetyhynytenyòte myle tii risỹnykre.

<sup>26</sup> Aòmamy rikisỹnyrenykeki: —Iny rybekile tii tahe nade. Myỹ rikisỹnyrenykeki tasỹ kia ijoi inydeereny rakyarananyke. Joaò Sebedỹdu dori ibutumy iny rityhynyrenyre moma tii Deuxu deòduò ratximyhỹre heka. Rakarybenyòkre tahe.

<sup>27</sup> Tai tahe Jesuisi-ò raryberenyre: —Aòkòre, reeryrenyòre heka irawyòdỹ titxiribibo iruru nade. Tahe Jesuisi rirawyònyre: —Tule jiarỹ rỹraxyina adeereny aritỹnyrenyòtyhy.

<sup>28</sup> Ijò Jesuisi relyre: —Timybo maraykynybenykre ka ijyymy arelyykre. Hābuò heka inatximy iriòre raremyhỹ. Tariòre dela-ò rarybere: —Dàà, maaòmysỹdỹkre waoworu-ki, wiji wahe.

<sup>29</sup> Tahe tamy dirawyònyde: —Waha, araòkre hewa. Ihārele tahe tawo rirahòrere rakremy. Tahe rare.



<sup>30</sup> Idi tahe tyby rarybere helỹna-ò: —Kai tule makre waaõmysỹdỹỹna biwinykremy: —Dei wahe, arakre araaõmysỹdỹỹkre. Ihãrele tahe tii raõhyyre.

<sup>31</sup> Adeereny inihe araỹraxikre. —Tibohe weryrybò aõma tybyrybe rityhynyre? Tai tahe dirawyõnyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede ròtena-ò. Ihãrele tahe kaiboho birònybenyõtyhy.

<sup>32</sup> Joaõ Sebedỹỹdu dori adeereny rarybere. Ihãrele tahe kaiboho ixitxireny aòrarureny-txi õhõtireny reakemy Deuxu bityhynykemy. Kaiboho heka teramy tekoamahãte tahe sòwemy òrarudu mahãdu wydena mahãdu rityhynyreny. Kaiboho tuu tabitenyete ihãrele teerytenykoete.

<sup>33</sup> Ijõ ijyymy arelyykre:

—Hãbuõ heka uva oworuhukỹle ritòbrònyre. Tahe òtityna riwinyre. Tai tahe utà riwinyre yrubudỹỹdu mahãdu itxerenamy.

Tai tahe rihuòtere oworu wahe hãbu mahãdu-ò. Tii tahe rabetetỹiny my rare taheto-ribi.

<sup>34</sup> Iu uva bederaty kia siredenamy bede reareu, riherehe txuramy ixidee ritxuakemy wahe.

<sup>35</sup> Tai tahe huòtedu mahãdumy heka teòdu mahãdulemy raòhòtere. Ijõ tahe rirubunyre ijõ manadile tamy rehunanymy rỹimyhỹ.

<sup>36</sup> Iribi tasỹ teòdu mahãduõ didyde sòwetyhymy juhuna ludu ratyre. Tahe ixbybyle tuu raòhòtere juhoo iwese tuu rotỹỹnyra wesele.

<sup>37</sup> Tahe iwedytyhy ròhòtynyre: —Aõma wariòrele kòri ariteònykre. Tai tahe wariòre rityhynykre heka. Tahe tariòre diteònyde.

<sup>38</sup> Tahe huòtedu mahãdu weryrybòm y robireu, tahe wideereny rarybere: —Kaa heka iwedu riòrele rare. Aõma iwedu rurukreu iaõna aõna, ioworu heka ixideereny rikimyrenykre.

<sup>39</sup> Tahe rirubunyreny iumy-di rehuren yre oworuro-ribi.

<sup>40</sup> Tahe Jesuisi rarybere: —Adeereny araỹraxikre aõbo iwedu tamyreny riwinykre huòtedu mahãdu-ò iu tii rehemynykre wahe. Timybohe tii riwinykre?

<sup>41</sup> Tiiboho dirawyõnydenyde: —Kia rirubunykre ibutumy hãbu bina. Inywitzira-ò huòtenamy ele elemy wijuramy riatykre-ò riwahynykre.

<sup>42</sup> Tahe Jesuisi tamy rỹỹraxire: —Kaiboho aõbo Ryberiti-di tariaõletenyteri:

—Mana-di heka heto widỹỹdu rehumyhỹre kia manale heto hàtxi-ki ritidimy roimyhỹre. Jiarỹ kia mana wese rare. Inyryỹ Deuxu kia riwahynyre. Tai awi heka rare. Ijõ riwiòhenanyre, mana wahe.

<sup>43</sup> Tahe Jesuisi tamyreny rarybere: —Tule jiarỹ adeereny ararybekre: —Deuxu Iòlòna heka aribi ritakre. Tahe inywitzira-ò aribi riwahynykre. Inyõ txura wylemy riwahynykremy Deuxu-ò.

<sup>44</sup> Kia iny mana tyre resemyhỹkre heka tii heka wiòròm y ixòdumy rare. Mana inytyre resekeki tasỹ iny risurusurunya.

<sup>45</sup> Inyõ roholakeki kia aõbo aõma xiwena wahidỹỹdu mahãdu roholamy rỹimyhỹ tule fariseu mahãdu. Tule rexierymyhỹreny teiiboho Jesuisi turenyle rarybereri heka rierymyhỹreny.

<sup>46</sup> Tai heka tii mahãdu rimykyre idi riwisỹnymyhỹ tahe iny sòwehekỹ lau ru-berumyhỹreny. Iny mahãdu dori idi ròhòtyny tii Deuxu rybeduõ ratximyhỹremy.

## 22

<sup>1</sup> Jesuisi heka rexideleny iyyymy relyykre:

<sup>2</sup> —Timybo Deuxu Iòlòna rare ijyymy heka relyykre. —Iòlòõ heka tariòre herinamy worana bedehesi riwinyre.

<sup>3</sup> Iaõmydỹnana ròrarukõmy rỹidi tahe teòdu mahãdu iòrysomy roire. Rexihumy rỹireriki iaõmydỹnana, kanakremy wahe. Tahe òrysyna noderamy reare.

<sup>4</sup> Ijõ riteònyre teòduõ iny ritobinykremy. Aõhere tahaka, wabroreni kỹnyhe rerubunyre heka. Ibutumy heka waaõmydỹna rehumy rỹireri. Tahe kedeake kedeake heka kòdòidenyke heka.

<sup>5</sup> Tahe timy heka irybe rityhynyrenyõhyyre. Iny sohoji sohoji tatyresy-di ijohona-ò, ijõ taaõmysỹdỹna-ò rea reare, ijõ taoworu-ò reare.

<sup>6</sup> Ijõ lobidỹna reburere teòdu mahãdu dee. Tii teòdu dee heka rawobinare. Ijõ aõbina bina heka ritxienyre ijõ rirubunyre dori.

<sup>7</sup> Tai tahe iòlò reburere lobidỹdỹna mahãdumy bina bina raòhòtedỹnyre, rirubunyre. Ihãwã ritoonyre.

<sup>8</sup> Tai iòlò rarybere teòduboho-ò: –Waworana bedehesi rexihumy rỹireri ibutumy. Kia iny mahãdu ijoi juhoo retobinyra heka aõ ibina heka roire. Urile riòmysanymyhỹre.

<sup>9</sup> Tai tahe ibutumy boibenykre hãwã-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedeake kedeakremy.

<sup>10</sup> Tai tahe didyde iny wiwihikỹ, iny ityhy iny bina mahãdu. Hetowo tahe ritỹxire tỹmyra mahãdu-di.

<sup>11</sup> Tahe iòlò ralore hetowo-ò kia iny mahãdu dee rybemy. Tahe tii robire hãbuõmy kia worana bedehesi kia tykyõmy ratxirerimy.

<sup>12</sup> Tai tahe tamy iòlò rarybere: –Waliiny, aõherekiwe worana bedehesi kia tyky-di aõkõ atxiteri? Kia tahe hãbu rybeõmy riijere.

<sup>13</sup> Tai tahe iòlò aõma rarybere teòdu mahãdu-ò: –Bimybenyke kaa hãbu. Waa bitaataabenyke imy behubenyke tahe idi diòlòdỹmy idi rehukre luruhukỹ-ò. Tai Aõhõkỹmy dỹnana-ki tai txuraruti rikyikyiny. Tai rahinykre.

<sup>14</sup> Tai tahe Jesuisi rarybere: –Sõwemy iny heka kidirahukre tahe ibutemy kanaarikre.

<sup>15</sup> Tai tahe fariseu mahãdu ròhònyre wii rotyre. Aõbinamy Jesuisi rarybekeule heka rinykemy idi rỹimyhỹ.

<sup>16</sup> Kia aõma fariseu ijoiõ heka riteònyre Jesuisi-ò. Tule Herodi ijoi mahãdu riteònyre. Rỹraxyre Jesuisi-ò: –Erydỹdu, kai heka hãbuwi tate, hãbu òbiti. Kai heka tòbedeerydỹmahãte Deuxu deewinamy. Awire aõbo ariòwynyrenykre Roma hãwã mahãdu dinodu-ò.

<sup>17</sup> Kai heka ixinamy aõma adee iny rarybererimy ihỹre. Timybo iny raraykynyreerimy ihỹre. Iny bede ywinareny aõbohe ixinamy nieru aõna aõna òwydỹnyamy ròhònyke aõbohe awire?

<sup>18</sup> Tai Jesuisi heka rierymyhỹ aõma awimy aõkõ tai rahareri heka rexierymyhỹre: –Kaiboho òbitimy aõkõ toite. Aõherekibo heka kai biwaitxenanybenykemy wamynymy wadi atxitenyteri?

<sup>19</sup> Timybohe nieru-ki rakaharenykre aõna aõna òwydỹnyamy. Biditeòsinyke kia-ò arierykremy. Tai tahe tamy riteòsinyre womati nieruõ.

<sup>20</sup> Tahe Jesuisi ritỹraxyre: –Motyytybybo koa rỹire. Monibo ityre-ki koa roire?

<sup>21</sup> Tai tahe rirawyònyre: –Roma hãwã iòlònile tai roire. Tai tahe Jesuisi rarybere: –Tibo Roma hãwã iòlò nierubo heka tamy biwahinykre. Tibo Deuxu nierule tasỹ tamy biwahinykre.

<sup>22</sup> Tai tahe urile ribedeòtiidỹnyre. Tai ririrenyre ròirenyre.

<sup>23</sup> Tahe kia txule saduseu mahãduõ heka dòidenyde Jesuisi-ò. Rityhynyõhyymyhỹre kia aõma rubu-bibi ixixana heka rityhynyõhyymyhỹre, saduseu mahãdu wahe.

<sup>24</sup> Tamy rarybere: –Erydỹdu, Moisesi tyriti heka kawesemy ribedeerynyre: –Aõma hãbumy hãwyy heridumy roikeki aõbohe timykibo hãwyy uladu-di ratxikeki. Hãbuõ iriòrekõ-di rurukeki tai tahe iseriòre heka iriòrese tyby-wana roike. Tai heka kia hãbu rubuweleu, kia deròwymy heka uladu ritybinyke.

25 Aõu heka debò inatxi seriòremy kaki rasÿnomy raremyhÿ. Telareny heka roire hãwyymy tahe iriòrekõlemy rurure. Tahe ihãwyytybyhe kia iseriòrewanale roire.

26 Ihelÿÿna sÿ tule rurure. Kia heka ibutumy debò inatxi reurò tii-wana roihyyre iriòrekõule.

27 Tahe hãwyy heka tule rurure.

28 Tai tahe kia ruru-ribi rexixakreu tahe, tiwexe ihãbukre? Ibutumy dorihe tii-wana heka roilehekÿlera.

29 Tai tahe Jesuisi rirawyònyre: —Kaiboho teerytenykõlemahãtenyte timybo Tyyriti-ki roimyhÿre. Deuxu ruru tule teeryòte.

30 Tiu iny rubu-ribi rexixakreu iwitxiramy rexixakre. ÿju wesemy ronykre. Timy heka hãbumy hãwyymy roiòtyhy.

31 Kaiboho heka tetyhynytenyõhyymahãtenyte rubu-ribi ixixana. Idi heka tari-atenyõhyymahãtenyte timybo Deuxu rarybere?

32 Kiamy heka rarybere: —Jiarÿ heka Abraõ Deuxu rare. Ijai Deuxu rare. Ijaò Deuxu jiarÿ rare. Tii heka iru mahãdu Deuxu heka tii ihÿre rubu mahãdu Deuxu aõkõ wahe.

33 Iu iny sõwe ribedeerynyreu, tahe urile iny ribedeòtiidÿÿnyre.

34 Fariseu mahãdu doidenyde Jesuisi-ò wii rotyrenyde. Roholareki wahe aõma saduceu mahãdu ribedeòtiidÿÿnyrenyde.

35 Bede ywina erydÿÿna mahãduõ rÿÿraxire heka aõmybo Jesuisi-ò. Tii rimyky heka idi riwisÿnomy kia rybebinaõmy rirawyònykeki rimyky.

36 Tahe rÿÿraxire: —Erydÿÿdu, tibohe aõbo bede ywina kia-ribi aõnityhymyhewe bededeòtiidÿÿnamy ratximyhÿre. Wakoreny inihe tuu bedelyykre. Tibo kidiòtiidÿÿnamy ihÿre.

37 Tahe Jesuisi dirawyònyde: —Iny Deuxureny iny iòlòreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka.

38 Tii heka inatyhy bededeòtiidÿÿna tyhymy ratximyhÿre ibutu bede ywina-ribi.

39 Ijõ ihelÿÿna tahe iwesele heka rare: Iwese ixiluure wese heka ibutu luuke.

40 Ibutumy Moisesi bede ywina heka juhoo rare. Tule Deuxu rybedu mahãdu erydÿÿna heka iribile rare. Kia bede ywina inatxi-ribi heka ibutumy iny bede eryna ròhònyre. Kia inatxi bityhynomy bohonykeki iuhe heka tetyhynymahãte.

41 Iu fariseu mahãdu iweroramy rÿimyhÿò tahe rÿÿraxire Jesuisi tamy:

42 —Mobo Deuxu deòdÿÿnamy ihÿre, Kristu wahe? Moriòrebo tii ihÿre. Tai tahe tiiboho rirawyònyrenyde: —Moma Davi riokore òsana. Tahe ijõ Jesuisi rÿÿraxire:

43 —Tai tahe aõherekibo Davi heka Wanyrÿmy rininire Deuxu Tyytybytyhy irybe riwiòhenanyreu wahe. Davi dori kawesemy rarybere:

44 Deuxu wawedu-ò rarybere.

—Bodonyke warurunawe-ribi, jiarÿ heka aòludu mahãdu-di arawo-txi.

45 Davi tawedumy Kristu rininirehãre, timykibo Kristu iriokore riokorekre.

46 Tahe inyõ heka Jesuisi rirawyònyõhyyre. Tai tahe ruberumyhÿre tamy rÿÿraxike lau.

## 23

1 Jesuisi heka iny sõwe nihikÿ ribedeerynymyhÿ taerydÿÿna mahãdu-wana. Tii rarybere:

2 —Judeu bederydÿÿdu mahãdu heka Moisesi bede ywina bede erydÿÿna mahãduõ rare. fariseu mahãdu tule bede ywina riwinymyhÿrenyde.

3 Iwese ribedeerynyre wese tahe bityhynykre. Uritere iwese tii riwinymyhÿre wese uritere iwidÿÿõmy. Aõwidÿÿmy rarybemyhÿrenyrehãre tahe aõwitxira heka riwinymyhÿrenyde.

4 Tiiboho heka atyreremy riòdònynihikÿmyhÿre bede ywina. Ihãre tahe rityhynyrenyõhyymahãrenyde.

<sup>5</sup> Aõma òbitimy ratxike sÿny heka iny tamy roholamyhÿre ixi-di ratxirerimy ihÿre. Aõma walabu riðreõ heka rÿimyhÿre axiò-ki bede ywina heka ritidimy roimyhÿre ityky ijeti retydyna bede ywina-txi tõhõti reakemy tuu riwinyrenyre. Sõwemy heka iretydyna riwinyrenyre.

<sup>6</sup> Ronymyhÿreu heka ikoòhòkÿle ronymyhÿre, worana bedehesina rÿi-wana wahe. Dohodÿÿna heto-ki heka tule ronymyhÿre, iko-ò tuu rexisÿnymyhÿ.

<sup>7</sup> Hãwã-ki iny tamy ryrymyhÿre: —Waerydÿÿdu, Habimy, kia tahe irybe-ki bede erydÿÿdu rare. Tii tahe tamyreny awire.

<sup>8</sup> Tai tahe Jesuisi tamyreny rarybere: —Kaiboho heka uritere Habimy inyõ adeereny irykõmy ihÿke. Deuxu sohojile bede erydÿÿdu heka rare. Ibutumy kaiboho seriðre wesemy atximahãtenyte.

<sup>9</sup> Kasu-ki taheka inyõ heka tiu wahamy inyõ widee rarybeõtyhy Deuxu biu-ki ratx-imyhÿrele tuu bininibenyke heka.

<sup>10</sup> Uritere Wawedu myÿ inyõ kia nidÿÿõmy. Deuxu deòdÿÿnale heka awedu ratx-imyhÿre Mesia wahe.

<sup>11</sup> Anihikÿmy ixi-di mohõtinykeki tahe, kia iny biwiòhenanyke.

<sup>12</sup> Kia ityhy rare ixi-di rõhõtinyinymyhÿre, tii heka ihewo-ribi rabadewokre. Ihewo-ribi tahe aõma aõkõ relekre. Kia iaõkõmy ixi-di rõhõtinykre tahe nihikÿmy heka relekre.

<sup>13</sup> Belàhàxe! Kaiboho itxenadÿÿluku. Ibina adeereny kanakre, kai bede erydÿÿna mahãdu, fariseu mahãdu. Kaiboho uritere iny ròtedÿÿrenyõmy Deuxu Iòlòna-ò. Kaiboho birònybenyõtyhy tule iny ròtedÿÿ-ò biebenyke. Kaiboho bexisÿnybenyke òbitinamy.

<sup>14</sup> Aixitòedÿÿna rehereheki wahe hãwã ube-ki. Kaiboho urile iny teitxenanymahãtenyte. Aõma wytese urimynodu heka iheto-ribi teteònymahãtenyte kaiboho heka abinarenyre. Tai heka kaiboho yla aõkõ aõhòkÿmy botÿÿnybenyke.

<sup>15</sup> Belàhàxe! Kaiboho ibutumy iny aratyhynyrenykemy ixi-di tahõtinyinmahãtenyte. Tai heka iny tesÿnymahãtenyte òrarudutyhymy wahe ixiratyre heka teijiradÿÿnymahãtenyte. Aòraru-ki heka aõhòkÿmy botÿÿnybenyke. Iny-di atxikemy heka tahõtinyinmahãte.

<sup>16</sup> Kaiboho ruetà mahãdu wesemy kai ahãte. Kaiboho heka kia wesemy tebedeerynytenyte. Inyõ heka Deuxu bede eryna heto riwawiòhenanykeki heka aõna aõna ariwinykre. Myÿ marybebenykeki, heka aõ aõkõ heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynyhy. Ibutumy heka kia bede ywina òta òta tewinymahãtenyte.

<sup>17</sup> Kaiboho heka bede erydÿÿdu bede erytyhykõ mahãdu atxitenyteri dohodÿÿna heto kia-ò ralòkeki. Aõbo bedeòtiidÿÿna tyhyre womati tÿrÿrÿhÿkÿ aõbo ada dohodÿÿna hetole aõbo teeryõte, Deuxu Dohodÿÿna heto wahe.

<sup>18</sup> Kaiboho tule tebedeerynyte kawesemy. Inyõ tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyõkeki, awira. Tahe tii xiwena wahidÿÿna tyre-ki rarybekeki tahe, tii òbitimy heka rarybeke.

<sup>19</sup> Kaiboho ruetà mahãdu wese, kaiboho heka erydÿÿnakõdu mahãdumy toite. Aõbo awityhyre? Xiwena wahidÿÿna aõbo ada ityre-ki wahidÿÿna roimyhÿre aõbo?

<sup>20</sup> Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiõre wana wahe heka aõ aõkõ rare. Xiwena utàle heka rierymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri.

<sup>21</sup> Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri hãre tahe Deuxu iwo-ki ratxirerilemy tuu tarybeteri.

<sup>22</sup> Biu òraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri.

<sup>23</sup> —Belàhàxe! fariseu mahãdu! Kaiboho heka itxenadÿÿdu mahãduõ toite. Tule bede ywina bede erydÿÿdu mahãdu. Adeereny heka ibinamy ratxikre. Arÿsÿna uri juraõ heka



kai Deuxu-ò tewahinyte, hortelã, erva-doce, cominho wahe. Kaiboho heka aõninihikỹ tetyhynytenyõhyymahãtenyete. Iwese òbitina, ruxetòena, inatyhyna kia-ribi heka õhõti losamyhỹre ibutumy. Aõmydỹỹna jura wahisidỹỹna heka awi rare. Tahe tule uritere õhõti losaõmyke aõwixira-ribi wahe. Aõbo bededõtidỹỹnare bededõ ywina-ki. Kaiboho heka bededõ erydỹỹdu toite hãre tahe teerytenyõte.

<sup>24</sup> Belãhãxe! Kai hãbuõ wese rare. Tiiboho imona berareny-ribi ohoruxõmo riarimahãre. Ihãrele tahe tiiboho irõdu nihikỹ rirỹsỹmyhỹre. Iwesele kaiboho tule terỹsỹmyhỹtenyete.

<sup>25</sup> —Belãhãxe fariseu mahãdu, bededõ ywina bededõ erydỹỹna mahãdu. Amona deoreny tesuhõmahãtenyete iwe. Iwo tahe ka isuhukỹlemy rỹimyhỹre. Itxenadỹỹna rỹire. Aõma aumy weselemy heka kia ratximyhỹre. Aõma aumy heka webòròsityy tyrare heka. Araykywo-ki tahe ibutu itxenadỹỹ heka tai rỹimyhỹre.

<sup>26</sup> Belãhãxe fariseu mahãdu! Kaiboho taruetã mahãdu. Kai mona hynawo bisuhòke heka biòtinyke. Aõma bisuhòke ihỹre tahe arayky bityranykre. Tahe ibutumy heka aumy ryranykre.

<sup>27-28</sup> —Belãhãxe fariseu mahãdu! Kaiboho heka koityhyxenyteri. Rubu heto wihikỹ ixideereny tewinymahãtenyete. Kaiboho heka iwesetyhylemy toite. Aõma webòròsitylydu heka iruxeramy idi toite. Aõma aworeny-ki tahe aõma iny rubu idi ròhòkỹdileka atxitenyteri mahãtenyete. Ibutumy aõbina bina awo-ki arayky-ki idi atxiteri mahãtenyete. Aumyreny-ki heka tykywihikỹ textykyny mahãtenyete. Aõma hãbu wihikỹwesemy. Hãbu òbitimy matxibenyke myheka iny adi ròhõtirenykemy heka tuu textykynymahãtenyete. Araykywo-ki tahe arimyrenywo-ki tahe ibutu itxenadỹỹna-di heka toite, òrarudu mahãdu toite.

<sup>29</sup> Belãhãxe! Tai heka kaiboho Deuxu rybedu mahãduõ rirubunyre. Kaa nohõti ijaranamy tuu tewinymahãtenyete. Awabederenywo-ki heka noijasa ruxerahakỹle te-tidite.

<sup>30</sup> Kaiboho heka tarybemahãtenyete. —Tiu wahareny riwinyre wese heka ariwinyrenyõtyhy.

<sup>31</sup> Kiamy tarybeteu heka hãbu bina riòremy texininite. Bowesele toite. Iriòre toite.

<sup>32</sup> Iwese juhoo ibinamy riwinyre wese heka iwesetyhyle aõhebo tatỹỹnymahãtenyete.

<sup>33</sup> Iwese hemylala deborehekỹ wesemy heka kaiboho atximahãtenyete. Boreny tule iweselere. Timybo heka kaiboho heòty bededõ-ribi mahenybenyke? Kaiboho heòty bededõ-ò boibenyke.

<sup>34</sup> Adeereny aritedõnykre aõma Deuxu rybeduõ hãbu erydu, tyyriti erydu wahe. Kaiboho bidirubunybedenykre. Ohodỹỹna heto-ki ijõ bidihetenybedenykre awaru hetenaõ-di. Itxeòtyre-ki ijõ bidirubunybedenykre. Ijõ heka biheludumykre hãwã hãwã-ò tamy ibinamy riwinykre. Aõhòkỹmy dỹỹnana heka tamy biwahinybenykre ijõ hãwã-ò rakreu.

<sup>35-36</sup> Kia heka hãbu ibutumy rurure tyby òraru-ki wahe. Dohodỹỹna hetowokile rirubunyrenyre. Kaiboho Abeli juhoo terubunytenyete ikonana tahe Zacaria, Barakia riòre wahe. Òbitityhy juratya-ki heka tuu tewinytenyete. Wijinabòdu mahãdu tai aõhòkỹmy rotỹỹnykre. Ibutumy ibinamy kai atyre-ò kedesekre.

<sup>37</sup> Jesuisi ikonana tahe rarybere: —Jerusalẽ hãwã mahãdu, kaiboho heka terubunytenyete Deuxu rybemy rybedu mahãdu. Jiarỹ heka aramykemy adi rewisỹnyreri wariòre wesemy tahe waderarenyre kaiboho. Iwese hãnieõ iriòre ridyre wese idewo-ki.

<sup>38</sup> Aheto heka ixisohojilemy rỹimyhỹre.

<sup>39</sup> Kaheka ararybekre adeereny: —Wamy heka bobiòtyhy ixityre. Kai heka Deuxu deòdỹỹna bidykreule wamy bobikre. Iu rarybereu, Deuxu deysanamy, wamy bobikre.



## 24

<sup>1</sup> Iu Jesuisi ròhònyreu dohodỹna-ribi, ierydỹna mahādu tamy rarybere dohodỹna heto itxeremy ròikemy, eleri-ò wahe. Tai tahe Jesuisi dirawyònyde:

<sup>2</sup>—Inatyhy rare, awi heka rare. Urile tahe kidiixāwididỹnykre heka. Timy heka manaõ wityre-ki roiõhyykre. Ibutumy bede-ò idi rehukre.

<sup>3</sup> Iribi tahe Jesuisi rehemynyre Oliveira hāwālò-ò heka ronyre. Tai tahe erydỹna mahādu tii ritỹraxinyre iny sōwe-ribi: —Tiubohe ibutumy kedeixixāwididỹnykre. Tiuboho ibutumy bede konanadỹnamy reakre. Timybohe rikieryrenykre kai bedehemynyke aõma bede ibutumy rexihukre.

<sup>4</sup> Tahe Jesuisi tamy rarybere: —Uritere inyõ aitzxenadỹõmykre.

<sup>5</sup> Sōwemyhe iny itxenadỹnamy rỹirakre. Jiarỹ Kristu rare, Deuxu deòdỹna heka jiarỹ rare, myheka adee kanarybekre.

<sup>6</sup> Kaiboho heka boholamy mabekre iny aõbina ròhònymyhỹkre: boholamahākre. Ihāre tahe iny rarybekre aõma: —Karibi heka aõbina urihimyò ròhònykre. Myhe rarybe-mahākre. Ihārele tahe kòdòòseõkre aõma ikonana urihimyò. Ibutumy heka kia wesemy relekre.

<sup>7</sup> Aõma kia wesemy heka bede roimyhỹ rarekre aõbo iny witxira witxira heka ibutumy iòlòna heka riteranymyhỹkre. Aõbinamy. Tai heka raaõbinanymy rỹirakre. Aõma rama ijara reakre. Bede ibutumy ramytatakre hāwāõ-ki.

<sup>8</sup> Kia heka iwese hāwyy uladu dese wesemy robumyhỹre wese tukre.

<sup>9</sup> Adeereny heka aõhõkỹmydỹnana tiuboho riwahinykre aõma wani òraru-ki wahe. Ijõ kaibohoõ heka ararubunyrenykre.

<sup>10</sup> Sōwemy heka iny riatymyhỹkre wary-ribi heka riatymy ririmyhỹkre. Wii rityhenymyhỹkre. Widee rakyarananymyhỹkre.

<sup>11</sup> Rybebina rybeduõ heka sōwemy kedehemynykre tahe kia heka sōwemy iny riitxenanymyhỹkre.

<sup>12</sup> Iu heka òraru nihikỹ iu ròhònykremy roimyhỹre. Sōwemy heka luuna-di rỹiramyhỹ katahe wiji ixāwikre heka ihomy aõkõ relekre.

<sup>13</sup> Kia idi hyy rỹirakre ikonana-ò. Tii mahādu tahe tarasanamy reakremy rỹira.

<sup>14</sup> Ibutumyhe kia iny-ò rybe tỹnydỹnamy reakremy rỹira, Deuxu Rybewihikỹ Tỹmyra wahe. Ibutu iny witxira witxira heka roholakre rybe wihikỹ-ò. Kia rahudi hikỹle heka taheka kedehemynykre heka ikonana.

<sup>15</sup> Aõbinahakỹ tyhybohe ibinatyhy rỹikre. Tii heka rỹikre heka aõma Deuxu ubetyre-ki, Deuxu isỹ-ki, kiaweselemy heka rỹikre. Bieryke aõbo kia rare. Bieryke aõbo kia rare Danieli heka Deuxu rybeduõ ihetxiu kiamy heka rarybere:

<sup>16</sup> —Judeia mahādu bede-ribi tahe kia bihenybenyke. Ibutumy heka bõibenykre hāwālò bede-ò biòturònykre.

<sup>17</sup> —Kia bededỹnanau heka tiu aõ bimyoõtyhy aheto-ribi. Tiiemy heka ròhònyhykylere akre aõwesele wahe.

<sup>18</sup> Iu bedero raaõmysỹdỹkrey heka tiu kòdòòseõtyhy tatyky itxemy.

<sup>19</sup> Tule aõma hāwyy bõtomy rỹira kia bedeu aõhõkỹmy rotỹnykremy rỹira. Kia tohouā-di ratxireri tahe tamy isirakre heka itybiedỹ idi rakeò heka isirakre.

<sup>20</sup> Bedejutytykõkemy heka bexitòenyke ahena mahenykeu. Tule sabado txu aõkõkemy bexitòenyke.

<sup>21</sup> Tiu heka aõhõkỹmy dỹnana iny rotỹnyõhyymyhỹre kaa aõhõkỹmy dỹnana nihikỹmy. Tule tiu tuu robiõhyymyhỹre.

<sup>22</sup> Kia Deuxu irokorehemynykre wana heka ibutumy iny ituekre. Kaa urihimyòlekre wana tahe kai Deuxu hõrõ mahādule tuukre.

<sup>23</sup> —Aõma Mesia heka kowa-ò rehemynyra, Deuxu deòdỹna wahe. Ihāre tahe kai heka inyõ adee rarybekeki tahe tetyhynyõhyte heka.

24 Kia iu kedehemynykreu tahe aõ Kristu tyhy aõkõ heka rarekre. Aõma rybedu itxenadỹydu heka tule aõna aõna wiwihikỹ riwinykre. Aõma ityhydỹydu dori riitxenykemy idi riwisỹnykre:

25 Boholake, juhUU dori adee relyreri ibutumy aõhebo rotỹnykre.

26 –Aõma arateòwarinyre dori tuu. Kia Mesia, Deuxu Deòdỹna heka ròòsereri. Beteheke bederahy-ki, tule hetowo-ki. Iu tahe timy heka tamy itxeremy raõtyhy inatyhy aõkõreki.

27 Iu jiarỹ Deuxu Riòre Hãbutyhyhykỹ arehemynykreu ibutumy heka rierykre loosõna delaana wesele heka wadehemynyna heka rarekre biu ibutumy ritỹxinykre.

28 Iwese aõ rubu roimyhỹre, rara heka tamy rabutumyhỹre. Kaiboho rierykre iu rehemynykreu.

29 Iu kia bede dỹnanamy reakre tahe txulyby heka kòdòhònykre. Ahãdu tule rybinykre. Taina tule ixewesehekỹle kanakre. Ibutumy ramytatakre biu-ki.

30 Iule tahe kia wadehemynynamy iny robikre. Sõwemy heka hinana ibrunana bede bedemy rỹirakre. Ibutumy heka iny robikre wadehemynynamy biuwetyky-ki, jiarỹ dori, Deuxu Riòre, Hãbutyhyhykỹ rare. Loosõna ruruna sõwekre, tahe arehemynykre.

31 Tule wajurõna-di, j̃ju aditeònykre iu, ajurõna wodỹhỹkỹ-di. Tahe ibutumy wahõrõ mahãdu he ixidee aributunykre bede bede-ribi, ibutu rehetyhy-ribi wahe.

32 Jesuisi tule relyyre: –Ijyyõmy heka ako arelyykre. Kai heka ibede erynamy bimykre. Iu kia figueira òwòru hãbu wiji tybiehekỹ. Kia aõma iruru tỹmyra rurunymyhỹré. Tule aõma txirubò tỹmyra ròhònykre. Tiu tahe bierykre. Kai iòhòra bohe wyra. Myhe tamy besekre.

33 Iwesetyhyle taheka kai heka bierykre. Aõma wadehemynyna ròhòny relekre wahe aòbitikre wadehemynyna iu, aõhõkỹmydỹnana wahe.

34 Tiu kia bededỹnanaule heka bedekõnyna rexihukre.

35 Biu heka bede-wana ituekre warybe tahe aõu aõu heka rỹihyymy rarekre.

36 Inyõ heka rieryõhyymyhỹre. Tiubo txuu ruu kai konany rỹimyhỹre wahe j̃ju dori tiu rieryõhyymyhỹre. Aõma, jiarỹ Deuxu Riòre dori rieryõre. Aõma Waha Deuxule tahe rierymyhỹre.

37 Noe bededỹnana wesemy heka rỹimyhỹkre iny risinykre kia bedeu.

38 Ibutumy heka worana bedehesi rỹikre kiau. Lisisò tahe rỹikre. Herina lisina aõma hãwyymy herina.

39 Tahe Noe bededỹnana wesemy heka reakre. Iu heka beòra rariare. Tahe rityy-hynyõhyre tiiboho. Tahe heka raòwònyre rariare ibutumy ituere. Iwesele tii heka rarekre heka, wadehemynyna Deuxu Riòre Hãbutyhyhykỹ wahe.

40 Inatxi hãbu heka oworu-ki raaõmysỹdỹkỹkre. Ijõ heka rakre dynamy reakre. Ijõ tahe rarikre.

41 Tule inatxi hãwyy heka raaõmysỹdỹkỹkre heto-ki ratxikre mai risyrenykre. Ijõ heka dynamy reakre ijõ heka rarikre.

42 Tai heka iny rexiywinymy rỹimyhỹkemy rybe roimyhỹre awedureny kanakreki. Tiubo rehemynykre, teeryõte.

43 Aõma hãbuõ kanakeki heka tiu aõma hãbuõ itxeredumy ronykeki heka, tiu hãbuõ iribi rawasinyõtyhy.

44 Bexiywinymy heka wadehemynyna biijemy bonyke, jiarỹ Deuxu Riòre Hãbutyhyhykỹ wahe.

45 Ijõ Jesuisi relyyre: –Inyõ tadinodu deòdutyhymy ratxikeki, tii aõmysỹdỹna riwinyhy ronymyhỹke tamy. Iheto riywinyhyke. Teòdu mahãdu txuõ txuõlemy riywinymahãke.

46 Kia riwinykeki, deysamy rarekre teòdu rehemynykreu.

47 Inatyhymy ararybekre: –Kia deòdu tadinodu aõmydỹnana ibutumy idi riywinykre, riyrubunykre. Tii ibutu wedu rarekre.

48-49 Ibinamy tahe tii rōhōtinykeki, kiawesemy riwinykre: Deòdumy raòhòtemyhỹ, lisilemy rononymyhỹ, riroximyhỹ momodu mahādu-wana riōmyhỹ. Tii ixidee rarybekre: —Wawedu kedehemynyōtyhy, aōtxile ariwinykre.

50 Iu rehemynyōkremy rōhōtinyreu, iwedu kiaule rehemynykre.

51 Tai tahe raòhòtebinakre. Heòty bedè-ò riteònykre, Iwese itxena mahādu tii riteònykre wese. Kia-ò rahinykre, robukre, txuraruti rikyikyinyomy aōhōkỹmy dỹỹnana òraru-ki.

## 25

1 Jesuisi ijō relyyre: —Kia txu heka Deuxu Iòlòna ka ijyy wesemy rarekre. Debòwiò ijadòma heka hābumy herina riraòmyhỹrenyre. Iny sohoji sohoji heka toosòna riwyre iximynamyna.

2-4 Iruyrelu tahe tōhōti reare aōma adỹỹ-di ritỹxinykemy. Ihony tahe tōhōti rosare iruyre wasỹ, ijō tule ihyna-ki riwykemy.

5 Weryrybò rehemynyōre, tai tahe ijadòma mahādu ele rihynomy rỹimyhỹ tehemyynyna riiraòmyhỹrenyre. Iny sohoji sohoji heka toosòna riwyre iximynamyna.

6 Tai tahe rarybera: —Tỹmyra mahādu-ò wahe rehemynyre. Birybenybenyke ruwetya.

7 Tai tahe ijadòma mahādu he rituranomy rỹimyhỹre. Toosò itỹnytyhymy rookemy.

8 Kia ijō tahe tōhōti rosare mahādu tahe uritere riijere. Itoodỹỹmy idi riwisỹnomyhỹ. Aōma widee he rexitòenyre: —Urihimykò inihe wahōrō-kò biditxiwike karihukòtekre.

9 Tai tahe kialemy risỹnyre: —Anokōre wadehunale dokuri rỹire. Bikòryke tahe ijō itxe tahe. Maa.

10 Idi tahe ròireny iōbradỹỹmy. Tai titxi tai rohonomyhỹreò. Iòrysomy iōbradỹỹmy ròirenyra rookile tahe dehemynyde kia tỹmyra mahādu wahe. Tahe rironyrenyre ibutomy riroxikemy. Riratòbònyrenyre.

11 Tai tahe kia iruyre ijadòma iōbradỹỹmy rare tahe dehemynyde: —Wahĩ, itxòtòbòna wadeke bidirakynybedenyke!

12 Tai tahe kialemy rirawyònyre: —Jiarỹ umyreny reeryōre. Kie riki ijyy.

13 Tahe Jesuisi rarybere: —Tai kaiboho bexiywinomy ahābenyke wadehemynyna biijebeny. Teerytenykòte dori tiubo adòòsekre.

14 Tii ijō rarybere: —Ijō ijyy my adeereny arabedeerynykre timybo Deuxu Iòlòna raremy. Inyō heka rakemy ratximyhỹre ijō bedè-ò ratỹinykemy. Tii tahe taaōmysỹdỹỹnana ririre teòdu mahādu-ki.

15 Tanieru tahe tamy riwahinyre timykibo isiraōmy nieru ritamyhỹre myheka tamy riwahinyre. Ijō-ò 5000 riwahinyre. Ijō-ò 2000 riwahinyre. Ijō-ò 1000 riwahinyre. Idi tahe tii rare tabede tỹinamy.

16 Kia iruyre ritara heka aōna aōna riōbranomyhỹre. Diwymyhỹre tasỹ idi rohonyrerimy ihỹre. Tai wylemy heka inieru rabuture. Ijō ixityre iruyremy ritxienyre iratyretyhy.

17 Kia ijō inatximy tamy riwahinyre tasỹ tulere aōwesele raaōmysỹdỹỹre ta ròtare tule ijō inatximy ixityre.

18 Kia sohojimy tamy riwahinyre tahe urile riyrubunyre inieru hāloole riare tamy tahe riyrubunykre heka riare.

19 Sōwemy rabededỹỹnana-ribi tahe iwedureny dehemynyde. Tahe tamyreny rarariòwyre takòtareny riòbitinykremy.

20 Iruyre riwyre heka debòwiò diwyde: —Beteheiny wawedu ijō iruyre anieru tyre rebutunyre.

21 Tai tawedu sōwemy riwowydnyre iaōmysỹdỹỹna wiwihikỹmy ròhònyraki wahe. Kiamy heka tamy rarybere: —Òbitimy idi taaōmysỹdỹỹteki heka. Sōwemy heka adee ariwahinykre riywinykemy. Aōwaxinyhe bitelenykre aōmysỹdỹỹna. Kai heka wawana beysanihikỹkre.

<sup>22</sup> Idi tahe kia inatximy ròtaré s̄y dehemynyde: –Beteheke, inatxi tas̄y inaubiòwa ixityre adee rewinyra.

<sup>23</sup> Tahe iwedu rarybere: –Awityhymyhe taaõmys̄d̄ȳta! Kai heka deòdu wihik̄y tate. Kai ibutedile s̄owemy tewinyte tahe s̄owemy ixityre adee ariwahinykre riwahinykemy. Kai heka wawana beysanihik̄ykre.

<sup>24</sup> Kia sohojimy tamy riwahinyre tahe rarybemyhe retximyh̄y: –Kai heka h̄abu nieru tarasaery heka tate. Aõ taaõmys̄d̄ȳteri-ribi aõk̄õ heka nieru tetamah̄te.

<sup>25</sup> Tai heka jiar̄y raberumah̄ alau watxireri. Tai heka rewore iny lau. Tahe tii sohojidile ratxireri.

<sup>26</sup> Iwedu rarybere: –Kai heka eoruxerere, awi aõk̄õ heka tate! Inyõ tehuòtekõta heka idi urihimyo ityre ròtakelemy wahe. Kai tiwaeryte wahe.

<sup>27</sup> Aõherekibo banco-ki aõk̄õ tetidite. Kia huòteòwy wanieru-ribi ritarerimy ih̄yre.

<sup>28</sup> Bitabohe kia nieru-di atxitere, tahe kia debòwiò ritaraò wahe biwahinykre.

<sup>29</sup> Kia òbitimy raaõmys̄d̄ȳra heka s̄owetyhymy ròtakre. Kia òbitimy raaõmys̄d̄ȳõmyh̄yre kia heka ròõnod̄ȳkre.

<sup>30</sup> Kia deòdu bimbyenye. Tii dorihe ibinatyhyre inihe bede luruhuk̄y-ò idi behubenykre. Tai heka tii aõhõk̄ymy rot̄ȳnykre rahinykre.

<sup>31</sup> Jesuisi tahe ikonana rarybere: –Iu jiar̄y, Deuxu Riòre H̄abutyhyh̄y, arehemynykreu heka Waiòlònary-ò aronykre. Arehemynykre wāju mah̄adu-wana.

<sup>32</sup> Ibutumy heka bede iny mah̄adu wako-ki ributunykre. Iwese budoeni itxeredu heka tabudoeni, budòe-wana wiribi rihitxinymyh̄yre wese heka bede iny mah̄adu wiribi arihitxinykre.

<sup>33</sup> Wabudoeni heka warurunawe-ribi aris̄ynykre. Budòe tahe wahywe-ribi arihitxinykre.

<sup>34</sup> Idi tahe waruruna ludu-ò ararybere: –Manake hewa, beysabenyke. Waha Iòlòna-ò rokonykre. Myheka tamy ararybekre. Juhuu bedeu ihetxiu heka ywimy adireny kia r̄ymyh̄yre.

<sup>35</sup> Rama tahe riwasanyreu r̄ys̄na wadee tewahinytenyete. Iu bemy rarureu, wadee tewahinytenyete. Jiar̄y heka tori rare as̄y-ò tiwadytenyete.

<sup>36</sup> Jiar̄y heka watykyhoho aõk̄õu, kaibohole wadee tewahinytenyete. Binamy r̄imy rarew̄h̄a, waroramy taddòitenyete ròtenawo-ò.

<sup>37</sup> Tai tahe òbiti mah̄adu rarybekre: –Wanyr̄y, tiu taheka ramamy heka wadeereny teate –Adee rewahinyrenyete? Tiubo heka bemy tarumy tatemah̄a adee rewahinyrenyete?

<sup>38</sup> Tiubo heka kai torimyo tatemah̄a idi wahetoreny-ò aradyrenyete. Tiubo atykyõmy tatemah̄a-di, tyky adee rewahinyrenyete.

<sup>39</sup> Tiubo ròtena-ki t̄ymyo tatemah̄a-ò ada webinadumy tatemah̄a-ò, aroramy ròirenyete. Wanohõti atxi reaõhyymyh̄yre.

<sup>40</sup> Tai Jesuisi rarybere: –Jiar̄y, Iòlò, tamy ararybekre: –Iu kaiboho waityhyd̄ȳdu seriòre mah̄adureny-ò waòraru-ki tewinymyo toitemah̄au, wadeele tuu tewinytenyete.

<sup>41</sup> Idi tahe kia wahywenawe-ribi ludu tamy ararybekre: –Boibenyke karibi kaiboho heka abinarenye heòty bede-ò ihyymyo boibenykre ixi-di ariteònykre. Diabo tatytybybinas̄y-ò idi boibenykre. Deuxu is̄y tamy riwinyre.

<sup>42</sup> Tiu rama riwasareu r̄ys̄na kaiboho wadee tewahinytenyõhyyete. Iu bemy rarureu heka ijõ wadee tewahinytenyõhyyete.

<sup>43</sup> Torimyo rarewah̄au, tiu tiwatobinytenyõhyyete. Tykyõ wadee tewahinytenyõhyyete. Binamy r̄imyo rarew̄h̄a ròtenawo-ki wororana webinadumy tahe tòiõhyyete.

<sup>44</sup> Tai tahe kiamy rarybekre: –Wanyr̄y, tiubohe tuu rewinyrenyõkre. Wanohõti heka reaõhyymyh̄yre aramamy rubuna-txi, abemy rubuna-txi, torimyo tatemah̄au, atykyõmy tatemah̄au, ròtenawo-ki webinadumy tatemah̄au wahe.

<sup>45</sup> Tahe jiarỹ Iòlò tamy ararybekre: —Kaiboho heka waityhydỹdu seriòreõ tewiòhenanyõmahãtenyete tai heka tiwawiòhenanytenyõte.

<sup>46</sup> Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aõhõkỹmydỹnana-ò. Òbiti mahãdu heka umytuedeõna-ò rakre.

## 26

<sup>1</sup> Kia taijyy rahudi tahe Jesuisi taerymahãdu-ò rarybere:

<sup>2</sup> —Ixityre inatxi txu-di tasỹ aõma Pascoa worana bedehesimy rỹikre. Kaiboho tahe kia teerytenyete. Iu iny riwatyhenykre Deuxu Riòre Hãbu wahe. Irahu-di tahe itxeònihikỹ-ò riwatamadỹnykre.

<sup>3</sup> Tahe aõwesele heka xiwena wahidỹdu wedu mahãdu ributunyre heka judeu wedu mahãdu-wana wahe. Kaifa heto wii rotyre. Xiwena wahidỹdu mahãdu wedu wahe.

<sup>4</sup> Wiwana heka raryberenyre: —Timybohe Jesuisi aõhebo rikisỹnyrenykre aõma teburyemy ijiranakõnahakỹle. Timybo rikisiraõnyrenykre, rikimyrenykre, rikirubunynenykre. Urile iny tuu rierykõre.

<sup>5</sup> Pascoa worana bedehesi rỹireu tahe aõkõlemy idi rỹire. Kia worana bedehesiko-ki iny raaõbinanykeki dori ibutuhukỹlemy heka raaõbinanyke.

<sup>6</sup> Jesuisi heka rare Betỹnia hãwã-ò hãbu tykybinaõ-wana heka isỹ-ò rare, Simaõ heto-ò wahe.

<sup>7</sup> Iu iheto-ki riroximyhỹreu tahe hãwyyõ tamy rare aderõna lỹnyrehekỹõ-di manaurahyna-ki. Tai tahe Jesuisi tyre ritxiwire, iratityre.

<sup>8</sup> Ierydỹna mahãdu heka urihimyò heka rebure riòre iòraru-ki.

<sup>9</sup> Iòwy nihikỹtyhyre dorihe. Tai heka tanieru uriterehekỹle rahuraki heka tai rawobinamy. Idi rohonykewile heka rare aõma iòwy tahe iny aõkõ mahãdu-ò riwahinykewihikỹle tii rõhõtinyre.

<sup>10</sup> Tahe Jesuisi rierytyhymy aõmybo tuu raryberenyrerimy: —Aõherekibo kaiboho ibinamy tarybetenyteri hãwyy-ò. Aõwidỹnana wihikỹ wadee riwinyreri.

<sup>11</sup> Aõma kaiboho heka urimynodu mahãdu-wana ihyymy boibekre. Ibutulemy awanareny jiarỹ watxiwãhãde.

<sup>12</sup> Tii heka wahãloodỹna riwaywinyra aderõna watyre ritxiwireu. Kia tahe wadee riwinyre.

<sup>13</sup> Boholake, iny itxi tõhõti reahyy rỹirakre iòraru-ki. Rybewihikỹ Tỹmyramy ritỹnydỹmyhỹkre heka rierymyhỹkre bede bedemy wahe.

<sup>14</sup> Iribi tahe Judasi Isariò, tii waò inatxi reuròõ rare, tii heka ròhònyre ierydỹna mahãduy-ribi. Tahe rare xiwena wahidỹdu mahãdu wedu-ò. Tahe tamy rarybere:

<sup>15</sup> —Adeereny Jesuisi ariwahikre wana heka tiwesebo biwaòwynybenykre? Kiamy tahe 30 prata womati nieru myhe tamy riwahinyre.

<sup>16</sup> Judasi kia ribile rarunymy raremyhỹ dohodỹnaõmy Jesuisi tamy riwahinykremy.

<sup>17</sup> Pascoa worana bedehesi rỹireule rexidelenyre, Paõ iuridỹkõ, kia txu rỹimyhỹ wahe. Jesuisi erydỹna mahãdu tai ritỹraxyre: —Titxiwexe rikirỹsỹkre Pascoa worana bedehesi jiarỹboho dori ariwinyrenykemy?

<sup>18</sup> Tahe Jesuisi rirawyònyre: —Hãbuõ hãwãhãkỹ-ki ratximyhỹre tii riwaeryre. Tahe tamy marybekre: —Wawedu kỹny rarybereri aõma aheto-ki heka Pascoa worana bedehesina rirỹsỹkremy taerydỹna mahãdu-wana. Ibededỹna dori iòhòre riki.

<sup>19</sup> Tai tahe taerydỹna mahãdu kia riwinyre idi kowa worana bedehesi rỹsỹna riwinyre.

<sup>20</sup> Bedesòmny tahe tai riroximy rorukumyhỹreny, taerydỹna waò inatxi reurò mahãdu-wana wahe.

<sup>21</sup> Aõma inyõ heka riwatyhenykremy ratximyhỹre. Jesuisi heka tuu rarybere:



22 —Mowexe tii rarekre. Tiiboho rabadewomy roire, tai tahe widee rarybere: —Jiarỹ kãaõboka.

23 Tahe Jesuisi rarybere: —Kia wawana pratoro tebò rearerile taheka tiikre.

24 Iwese Deuxu Tyyriti-ki Rybe roire wese heka arurukremy jiarỹ Deuxu Riòre Hãbutyhyhykỹ watxiwãhãre. Kia hãbu riwatyhenykre tahe tamy heka ibinatyhykre. Ratybieny kõre wana inihe awityhyre.

25 Tai tahe Judasi ityhedyỹdu rarybere: —Erydỹdu, jiarỹ aõbohe rare? Tahe Jesuisi tamy rarybere: —Kaityhy wahe tate. Kaile tarybeta.

26 Tai tahe Jesuisi orotxu sohojiõ rimyre ibutumy riroxireu, tahe riyreyrenymyhỹre tahe insohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri.

27-28 Idi vỹ monahynaõ rimymy rexitòenyre Deuxu-ò. Idi tahe tamy riwahinyre iribi sohoji sohoji riõrenykemy. —Biõrenyke kaa dori wahãlubu wesemy ratxireri. Tai sõwemy iny biu-ò rahenykre Deuxu dee. Ibutumy òraruna ixãwididỹmy heka tuu ròhònyra. Wahãlubu heka Deuxu, iny-wana wii riwoàxinykre rare.

29 Tahe bohólake warybe-ò. Awanareny heka ixityre vỹ monamy ariõõtyhy. Kia Waha Iòlòna-ò dehemynahykyle tahe awanareny ixyby tuu ariõkre.

30 Idi tahe wiuõ rawiunyrenyre idi tahe Oliveira hãwãlò-ò ròirenyre.

31 Jesuisi tamyreny rarybere: —Wijiru heka ibutumy kaiboho biwaribenykre. Tyyriti-ki heka roire kiawesemy:

Budoeni-di itxeredu rirubunykre. Ibutumy budoeni raubỹtỹkre bede bedemy.

32 —Waixixana kỹnykrey tahe Kalileia bedeki awanareny aratxikre.

33 Pedro tahe rarybere: —Ibutumy ararirenykre wana tahe jiarỹ aõkõre. Ararirenyõtyhy.

34 Tai Jesuisi heka Pedro-ò rarybere: —Kai heka hãnie dele robukõdile biwatxiõ-ribi bexihukre, inataõmy wahe. Tuu wijiru rarekre.

35 Pedro dirawyõnyde: —Aõkõre wa, arurukre heka tahe urile aratxiõnyõtyhy. Tule ibutumy ijõ ierydỹna tule Pedro wesele rarybere.

36 Tahe Jesuisi ridyrenyre bederaty oworuõ-ò, aõma Kesemani ninadu-ò ridyre: —Kakile bonykre arakre dori ixitòedỹmy kowa-ò.

37 Tahe Jesuisi heka Pedro ridyre ixi-wana. Tule Zebedeu riòre wiwana ridyrenyre. Tahe Jesuisi rabadetiidỹre aõhõkỹmy rotỹnyre bedetiidỹ òrarukile.

38 Tii tahe tamy rarybere: —Kaki wawanale atxibekre. Watyytyby heka tỹxihikỹlemy bedetiidỹ-di ratxireri. Waki bexiebekre.

39 Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake adeewikeki. Aõkõkeki tahe ariõkre, arurukre adeewilemy aõhebo arotỹnykre.

40 Idi tahe dòõsede kia ierydỹna inataõ tai rõrõmyhỹò heka ixyby dòõsemy nade. Jesuisi rarybere: —Pedro! Kai heka timy sohoji horamy adi bede rỹiõtyhy wawana.

41 Bexixaruhy atxibeke bexitòenymy. Aõkõkeki tahe òraruna kanamykre. Kai heka òbitimy matxikemy tahõtinyinmahãte. Aumy tahe ibinare heka arurukõre wahe.

42 Ixityre rare rexitòenykemy. Tahe Jesuisi rarybere: —Waha, adeewinale ariwinykre. Aõhõkỹmydỹnana monamy heka ariõkre. Kia mona waribi bitaõkeki ihãrele heka arurukre.

43 Tai dòõsede tai rõrõmyhỹrenyòle heka nade. Tiiboho ixixamy rỹiõhyre.

44 Tahe ròõsere ixybyle ikonanamy. Iweselemy rexitòenyre tyby-ò.

45-46 Idi tahe dòõsede taerydỹna mahãdu-ò rarybere: —Bexielehynybeny. Watyhedyỹdu naderi. Rexihumyhe rare. Hãubina mahãdu rehemynyre. Jiarỹ Deuxu Riòre Hãbutyhyhykỹ, wahe. Bexixabeny, rakakre watyhedyỹdu dori rehemynyre.

<sup>47</sup> Tahe Judasi dehemynyde waðinatxi reuròð wahe. Jesuisi rarybereu, tii nade sòwemy hãbu-di mayrehe-di, òhòte-di tònori-di widotyde. Judeu mahãdu wedu tahe iteòdÿÿdure xiwena wahidÿÿdu wedu wana wahe.

<sup>48</sup> Juhuu Judasi tamyreny bede riywinyre. Kamy rexirybenymy: —Iòsÿny-ò aru-wokrele heka tiikre. Tiile bimybenykre.

<sup>49</sup> Tahe Judasi rarybere: —Rareri, Wawedu. Iòsÿny-ò ruwore.

<sup>50</sup> Tahe Jesuisi rarybere Judasi-ò: —Iò, aòwaxiny aòbo biwinykre iwidÿÿmy tateri. Tahe Jesuisi imahãdu rimyre. Ritaataare.

<sup>51</sup> Tahe Jesuisi mahãduò mayrehe-di rimymy resere. Tai hãbuò-ò reare. Tai tahe tòhòtile rikòromy idi reare, xiwena wahidÿÿdu wedu deòduò wahe.

<sup>52</sup> Tahe Jesuisi tamy rarybere. Aòkòre amayrehe birutyke irasirahanawomy. Kia dori inyò maydese rimymy resekre heka tule rurukre maydeselemy.

<sup>53</sup> Karibi ixitarasamy arurukeki dori wahaòle ararybekre. Tai tahe waha sòwemy ÿju kiditeònyke, 12 aòbinadu ijoi mahãdu wahe. Kia teeryòtenyete.

<sup>54</sup> Ihãrele tahe ibutumy tuu bededÿÿnana relekre iwese ritidÿÿna-ki roimyhÿre wese.

<sup>55</sup> Tahe Jesuisi rÿÿraxire tamyreny: —Aòbo jiarÿ raremy wadi tahòtinytenyteri. Wasidu aòbo. Kai dori waòrysomy tehemynyte maydese-di, tònori-di. Aòherekibo wahe. Jiarÿ heka arabedeerynyreny txuò txuòlemy wahe Deuxu dohodÿÿna heto-ki. Aòherekibo taile tiwamytenykòte kowa watxiwãhãure.

<sup>56</sup> Kia ibutumy Deuxu Ritidÿÿna-ki roimyhÿre. Tai tahe tuu bededÿÿnana relekre iwese Deuxu rybedu mahãdu rarybere. Ibutumy aòna aònamy rotÿÿnymy raremyhÿ. Tai tahe taryberahu-di. Ibutumy iery mahãdu iribi tahe robÿÿÿre.

<sup>57</sup> Tiiboho heka Jesuisi ridyrenyre Kaifa heto-ò, xiwena wahidÿÿdu wedu wahe. Tai ibutumy judeu mahãdu wedu ributunyre bede ywina erydu mahãdu tule wahe.

<sup>58</sup> Pedro irehetyty-ribi riheludunyre. Iheto ube-ki tahe ronyre yrubu dÿÿdu-wana. Tahe rehere aòhebo rotÿÿnykremy.

<sup>59</sup> Xiwena dinodu mahãdu tahe ributunyre Jesuisimy raruikremy heka riijemy. Aòma rirubunykre òbirele heka tuu rarybemyhÿ.

<sup>60</sup> Tahe inyò-ki heka rahaòhyyre turybedu wahe. Iny sòwemy tahe relyyre. Ihãrele rirubunyòhyyre. Iroona-ribi tahe inatxi hãbu dehemynyde.

<sup>61</sup> Tai tahe kiamyhe tuu relyyre: —Aòma Jesuisi rarybere: —Aòwesele heka Deuxu dohodÿÿna heto ariatymy idi areake. Inataò txudi tasÿ ixityre aditamadÿÿke, ibutumy adiwinyke.

<sup>62</sup> Tai tahe xiwena dinodu heka Jesuisi-ò ryyraxire: —Aòbo marybekre kia umy ijyy rohonyreriki?

<sup>63</sup> Jesuisi tahe rybeòlemy ronyre roholare. Ixityre tamy rÿÿraxire: —Kai heka inatyhy tyhymy Deuxu Riòremy kai atximahãte. Mesia aòbohe kai tate? Deuxu riwaeryre inatyhymy rarybereri.

<sup>64</sup> Jesuisi dirawyònyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre

Deuxu Riòre Hãbutyhyhykÿmy, jiarÿle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarÿle wahe tiire.

<sup>65</sup> Tai tahe xiwena dinodu tatyky riykare. Reburere kie: —Aòhere tahaka. Deuxumy heka ibinatyhylemy tarybemahãte. Ijò iny-ò aroholaòkre, rexihura!

<sup>66</sup> Ibutumy kaiboho irybe-ò taholatenyteri, inatyhy? Aòbo rikiwinykre tii ibinatyhyre dori, rikirubunyrenykre tahe.

<sup>67</sup> Tahe iòsÿny-ò rarybexinyre. Rihetenyre.

<sup>68</sup> Tamy ihetedÿÿdu rarybere: —Marybeke Kristu, mobo arahetenyra inihe.

<sup>69</sup> Pedro tahe ube-ki ronymyhÿ. Tahe ijadòma heka deòduò tamy rehemynyre: —Kai anòbo Jesuisi Kalileia ludu-wana atximahã. Kumymy rabire.

<sup>70</sup> Iny ibutuko Pedro rarybere: —Aõkõre, aõmybo arybe reeryõhykyreri.

<sup>71</sup> Tai tahe rare ijò-ò. Ijõ ijadòma deòduõ rarybere kamahãduko: —Inatyhymy heka tiki Jesuisi Nazareludu mahãduno tiki rare.

<sup>72</sup> Ixityrele Pedro ritxiõnyre: —Reerykõre wahe hãbu. Tiu heka rabiõwãhãre. Inatyhy rare.

<sup>73</sup> Idi hãbuõ heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe.

<sup>74</sup> Tahe Pedro rarybere: —Jiarỹ reerykõreri, tuu heka rabiõwãhãre. Deuxu riwaeryre inatyhymy rarybereri. Iule taheka hãnie hãbu robumy reare.

<sup>75</sup> Tahe Pedro tõhõti itxi reare. Jesuisi rarybere weselemy heka tii riwinyra. Ritxiõnyre. Tai tahe Pedro rõhõnymy reare heka rahinyhyre.

## 27

<sup>1</sup> Ijõ biurasò ruidile tahe rỹire. Xiwena wahidỹỹdu wedu ributunyre judeu mahãdu wedu-wana. Timywexe aõhe rikisỹnyrenykre. Rikirubunyrenykemy heka idi watxiwãhãre.

<sup>2</sup> Roma dinodu-ò òsana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

<sup>3</sup> Judasi heka rieryre. Tai tahe tii rabadewonihikỹre rityhenyreki wahe. Tai tahe raraykynyre tawo-ò raòhòrere. Tahe nieru òkesedỹỹmy idi rõhõtynyre. Tahe nieru diwyde, 30 prata womati nieru tahe riòkesedỹỹnykremy judeu wedu mahãdu-ò, Xiwena wahidỹỹdu mahãdu-ò.

<sup>4</sup> Tahe Judasi rarybere: —Ixãwirahe, jiarỹ raòrarunyra hãbu òbitityhymy ratximyhỹrele rityhenyre heka. Tahe judeu mahãdu dinodu rarybere: —Jiarỹboho, kia aõ aõkõ rare.

<sup>5</sup> Tahe Judasi nieru-di bedetyrele rihure. Tahe rõhõnyre iribi. Tahe rare. Rerotihikỹ-di rexibòtòtaare. Rexirubunyre.

<sup>6</sup> Tai tahe xiwena wahidỹỹdu wedu riwyre nieru bede-ribi: —Aõwexe kanieru rikiwinyrenykre? Dohodỹỹna hetowo-ò rikirutyrenyke heka aõkõre. Aõma dori rare rubuòwymy iwahidỹỹ heka rare.

<sup>7</sup> Urile suõle rikiwinyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aõma butxi widỹỹna subede heka riwinyrenyre. Kia heka inire suni wahe.

<sup>8</sup> Kia bedero tahe rininire aõma Hãlubu Bederomy heka rininire. Wiji tule ini rare.

<sup>9-10</sup> Iwese Jeremia tyyriti-ki roire wesele heka tii riwinyre:

Tahe 30 —Womati nieruõ-di heka bedero riwyre butxiwidỹỹdu-ribi. Iwese kai riwa-teònyre wese. Kia iòwy rare judeu mahãdu-ò tamy riwahinyre wahe. Txiõdỹỹna òwy wahe.

<sup>11</sup> Jesuisi heka Pilato, bede dinodusỹ-ki ratximyhỹ. Pilato tahe tamy rỹỹraxire: —Kai aõbo judeu mahãdu iòlò atxiteri? Jesuisi dirawyònyde: —Kai tuu tarybeta.

<sup>12</sup> Xiwena wahidỹỹdu wedu heka tamy rarybere: —Jesuisi rirawyònyõhyre. Judeu mahãdu wedu-ò tule rirawyònyõre.

<sup>13</sup> Pilato tahe tamy rarybere: —Kai aõbohe rybe-ò taholate.

<sup>14</sup> Tule tamy Jesuisi dirawyònyõhyde. Byy! Urile Pilato ribedeòtiidỹỹnyre.

<sup>15</sup> Pascoa worana bedehesi bededỹỹnana tikiemy tuure. Ròtenawo-ribi heka sohoji beòra beòrahyyle ixinamy inyõ rexideònymyhỹ, inysõwe rybe òraru-ki wahe.

<sup>16</sup> Kia beòra tahe hãbu ibinatytyre rõtenawo-ki rỹire. Baraba inire. Ibutumy iny tuu rieryre.

<sup>17</sup> Aõma Pascoa worana bedehesi rỹireu ibutumy iny ributunyre. Tahe Pilato ritỹỹraxinyre: —Tibohe ixinamy ariteònykre Jesuisi Kristu aõbo ada Baraba aõbo?

<sup>18</sup> Tahe iny heka ibutumy urile Jesuisi Kristu luure heka. Tai tahe judeu dohodỹỹdu wedu mahãdu tahe aõkõ tamy waritimy rityhenyrenyre. Pilato kia rieryre.

19 Iu tabede ywina dohodỹna-ki Pilato rỹireu, ihãwyy tamy tyyriti riwahinyre. Kawese heka rarybere aõma: —Ixinamy Jesuisi bitekònykre. Anobinatytymybo dokuri rarasino txu wadi reakareri. Jikarỹ anohòkỹmy dỹkỹnana sòwemy ratỹkỹnyre Jesuisi kòraru-ki wahe.

20 Iny sòwehekỹ-ò heka xiwena wahidỹỹdu mahãdu wedu rarybere: —Kaiboho marary-bebenyke: —Baraba ixinamy bitekònykre. Tiiboho dirawyònyde: —Jesuisi birubunykre.

21 Iribi Pilato rarybere: —Tiwexe ixinamy aritekònykre? Tiiboho dirawyònyde: —Baraba bitekònykre.

22 Pilato tahe rỹỹraxire: —Aõhebo tahe arotỹỹnykre Jesuisi-di, Kristu-di? —Itxeò nihikỹ-ki bitamadỹỹnykre. Birubunykre.

23 Pilato tamy rỹỹraxire: —Aõbinahakỹ aõbo riwinyraki? Tai tahe ibutumy iny rirajuamy rỹimyhỹ: —Birubunyke kia bitamadỹỹnykre.

24 Pilato iny sòwe-di aõ riwinyòhyre aõbinatyhy òsana ròhònykremy idi ròhòtinyre, tai tahe inyò rarybere: —Bee kidiwykremy baciaro-ki. Tahe tebò risuhore iny sòwehekỹko-ki. Tamy rarybere: —Jiarỹ kỹny waòraru-ki aòkò heka rurukre. Kaiboho heka irubudỹỹ erydumyhe boibekre.

25 Tahe ibutumy iny rarybere: —Awire, inyboho heka irubudỹỹdu erydumy rokoirekre, tule wariòreneny òraru-ki wahe ihãlubu rejuxunykre. Soldado ridyre itxeò nihikỹ-ò ritamadỹỹnykremy rirubunykre.

26 Tai tahe Pilato heka Baraba ritekònyre ixinalemy. Iribi tahe Jesuisimy raòhòtere.

27 Pilato soldado mahãdu urile idi juhu risinyre, soldado tyamy ritidire. Pilato heto-ò ridyre.

28 Ityky iribi ritare tahe aõma tykysò-di ritidire heka juhu rihetyntyre.

29 Iòdỹỹmy tahe idi ede lòrilòrihikỹ irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòtyhy.

30 Ityre rarybexinyre. Òwòru rimyre tahe iratimy tuu raòhòtere.

31 Iribi ritarenenyre ihòrò itykyle ixityre rirutyre ityre-ki. Idi tahe ryò ròirenyre.

32 Iu ròhònyreu, hãbuò Sireni bede luduò-wana witxi reare. Tamyhe rarybere Jesuisi itxeò riwykemy.

33 Tahe Kòkòta hãwãlò-ò rehemynyre. Aõma, rubu ratityby wesemy heka rare. Tai tahe Kòkòtamy heka rininimyhỹrenyre.

34 Tii vỹ riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

35 Tahe itxeò nihikỹ-ki ritamadỹỹnyre. Irahu-di tahe ity heka ritxuatxuarenyre wimy rarudeòsanyre tibo iwydydukemy.

36 Idi tahe retehemy rorukumyhỹrenyre.

37 Irati tyre-ki tahe ritidỹỹnaò roire:

—Kia Heka Jesuisi Rare, judeu Iòlò Mahãdu.

38 Tule wasidu brebunahakỹ tii-wana ritamadỹỹnyrenyre itxeò hòkỹ-ki, ijò iruru-ribi, ijò ihywe-ribi.

39 Iny ibire-di reamyhỹ idi risinymyhỹ kamy rexirybenymy:

40 —Kai inihe bexitake, kai Deuxu Riòre tateki. Bodobeheke itxeò nihikỹ-ribi.

41 Kai heka arurudiremy iximy tarybemahãte. Dohodỹỹna biatykemy heka iximy tarybete tahe inataòtxu-di heka biwinykemy tarybeta. Tule xiwena wahidỹỹdu wedu mahãdu idi risinyre. Tii tahe rarybere:

42 —Tii heka iny iwitxira witxira aõbina bina-ribi ritamyhỹre ihãre tahe taaõbina bina-ribi rexitaòtyhy. Tii heka aõ judeu mahãdu iòlò aòkò rare. Myheka tuu rarybemyhỹ. Kia itxeòhòkỹ-ribi kedexiberesedỹỹnykekile tahe rikityhynyrenykre inatyhymy.

43 Tii heka iximy rarybemyhỹre Deuxu Riòre raremy, Deuxu rityhynymyhỹremy. Reketeherenykre inihe aõbo Deuxu riwiòhenanykremy wahe.

<sup>44</sup> Wasidu mahādu kia itxeò nihikỹ rỹire iwesele heka tamy rarybere.

<sup>45</sup> Txutyeyu tahe bedede luruhukỹ bedede reare, txioro tirehehekỹule bedede kamy reare.

<sup>46</sup> Kiaule tahe bedede ratỹnyre Jesuisi iu ryryre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

<sup>47</sup> Tai tahe iny sõwe mahādu irybe-ò doholade. Ijõ kiamy narybede: —Eliasi-ò hòwa ryrereri.

<sup>48</sup> Kia ele elemy riwinyre noseõ. Idi tahe vĩõ riryry tamy idi riteònyre. Teòrehemy riwinyre bemy rimonykremy.

<sup>49</sup> Ijõhe raryberenyre: —Txioke inihe inatyhymy aõbo reketeherenykre inatyhymy aõbo Eliasi iwiòhenadỹỹmy kanakremy aõbo inihe.

<sup>50</sup> Jesuisi ixityre rirajuare. Rurure.

<sup>51</sup> Kia dohodỹỹna heto-ki heka ixiwòtenaõ rỹimyhỹre ierykõna. Tahe urile idi ixiwanale ruamy reare iratyre-ribi bedede-ò. Suuhe ramytatare. Mana rabòhòbòhònyre.

<sup>52</sup> Wabede hālooõ heka riraynyre. Deuxu hõrõ mahādu sõwemy rubu-ribi riixixanyre.

<sup>53</sup> Wabede-ribi ròhònyrenyryre. Iu Jesuisi rubu-ribi riixixareu tahe Jerusalẽ-ò ròirenyre. Tai tahe sõwemyhe iny tuu robire.

<sup>54</sup> Tai heka soldado dinoduõ ratximyhỹ idi retehemy. Tule soldado mahāduõ tii-wana ratximyhỹre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riòre heka rare.

<sup>55</sup> Hāwyyõ tule retehemy ratximyhỹre irehe-ribi idi. Aõma hāwyy Jesuisi riwiòhenanymy raremyhỹ heka idi retehemyhỹre. Tiiboho Kalileia bedede-ribi doide.

<sup>56</sup> Marie Madalena, Marie Txiause Jyrese, Zebedeu riòrese tule tai ratximyhỹ.

<sup>57</sup> Bedesòmny Jyrese rehemynyre. Tii ityhy heka rare Arimatea hāwã luduõ ratximyhỹre. Tii Jesuisi tyhydỹỹduõ ratximyhỹ.

<sup>58</sup> Tai Jesuisi umy rexitònyre Pilato-ribi. Tai tahe Pilato rarybere: —Tamy biwahinykre.

<sup>59-60</sup> Tahe Jyrese linho tyky rirahananymy. Tai tahe aõma wabede tỹmyrahakỹ riamy roireriò heka rituunykremy idi rara. Idi mana nihikỹ ritidire txiò. Idi ròirenyre.

<sup>61</sup> Marie Madalena ijõ Marie-wana taile retehemy ronyre wabede-ki.

<sup>62</sup> Ijõ txu tahe fariseu mahādu wedu tule xiwena wahidỹỹdu wedu heka Pilato-ò sexta feira rahudi tahe, judeu mahādu elehyna txu wahe ituere.

<sup>63</sup> —Jesuisi irumy raremyhỹu tii rarybere:

—Rubu-ribi heka ariixixanykre inataõ txu-di.

<sup>64</sup> Ruimy rare tahe ihārele tahe biyrubunykre iwabede. Aõkõkre-wana tahe ierydỹỹna mahādu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre.

<sup>65</sup> Tai tahe Pilato riteònyre soldado mahāduõ txiò-ki. Tamy rarybere: —Awimy biyrubunykre!

<sup>66</sup> Kia bedede erynaõ heka tamy ritidire. Txìò-ribi resekreule heka rieryrenykre. Tahe soldado mahādu riyrubunymyhỹre.

## 28

<sup>1</sup> Ijõ txu rudile tahe Marie Madalena, Marieõ-wana rare ihāloona-ò itxeremy, domingo, nobiutxu wahe.

<sup>2</sup> Aõwesele tahe iu suu ramytatare. Wanyrỹ ÿju heka dobehede biu-ribi iu. Tahe hāloo ijò-ribi mana ritamy ityre ronyre.

<sup>3</sup> Iòsỹny heka urile ritoosònyhỹkỹre. Ityky tasỹ iurahakỹre.

<sup>4</sup> Idi itxeredu mahādu heka aõma ruberunihikỹnyre. Urile rõhõtiberemy reserenyryre.



<sup>5</sup> Ŷju rarybere hãwyy-ò: —Uritere berebuõmyrenyke. Kai aõbo Jesuisi teijeteri, inatyhy? Aõma itxeõ ritamadŷŷnyrenyrene wahe. Reeryre kia.

<sup>6</sup> Aõkõre kaki aõkõ heka ratxireri. Tii dori rubu-ribi rexiixixanyrene iwese tii iximy rarybere wese wahe. Beteheke inihe iherina tyby-ò tai juhu roimyhŷò.

<sup>7</sup> Make karibi ele elemy ierydŷŷnako belyykre tii rubu-ribi rexiixixanyraki. Tii heka rara Kalileia-ò tamy wirotyreriò. Matahe, relyyra dorihe adeereny.

<sup>8</sup> Tai tahe rakòrunyrenyrene, hãwyyboho. Ruberumy ròirenyrene tasŷ reysamy ròirenyrene. Ierydŷŷna mahãdu-ò heka riijemyhŷre aõma ŷju rybemy ikoreny relyykemy.

<sup>9</sup> Iu rakòrunyrenyraule tahe wii reòbynyra. Jesuisiwanale heka itxi rekoare. Idi tamy rehemynyrene iòhòmy. Iwa rimonyrenyrene tahe riwowydynyrene. Jesuisi tamy rarybere: — Toiteri aõbo!

<sup>10</sup> Uritere breburenyõmyke. Boibeny tahe ijyymy waityhydŷŷdu mahãdu seriòre-ò heka Kalileia-ò aròirenykemy. Tai tiiboho-wana wii areòbynyrenykre.

<sup>11</sup> Tai tahe tiiboho ròirenyrene. Kiaule tahe wabede soldado itxeredu rehemynyrene xiwena wahidŷŷdu wedu-ò wahe. Tahe ibutumy relyyre iko.

<sup>12</sup> Tai tahe nieruõ riwahinyrene ruiõmy relyykemy.

<sup>13</sup> Tamyreny raryberenyrene: —Ierydŷŷna mahãdu heka ridyra watŷireny reòbylemy.

<sup>14</sup> Tai tahe bede dinodu rierykreu heka aõ adee beleõtyhy aõbinahakŷõ.

<sup>15</sup> Tai tahe nieru sõwemy riwyrenymy tahe tuu ròirenyrene ruimy. Wiji dori tuu ijy rŷira. Ibutumy judeu mahãdu kia rybe-ò rityhynymyhŷre.

<sup>16</sup> Idi tahe ierydŷŷna mahãdu ròirenyrene Kalileia-ò. Tiobo Jesuisi riteònyrenyremy juhutyhy.

<sup>17</sup> Jesuisimy robirenyreu tahe tiiboho bede-ò reserenyrene tahe riwowydynyrenyrene. Ijõ mahãduõ riseõnylemy idi rõhõtynymyhŷre.

<sup>18</sup> Tai tahe Jesuisi iòhòtyhymy tamyreny relere kiamy tamy rarybere: —Waruruna heka ibutu ratyre ratximyhŷre kabede-ki tule, biu-ki tule.

<sup>19</sup> Tai kaiboho waha deòdumy boibenyke ibutumy iny bede bede mahãdu-ò, bede bede konananahakŷ mahãdu-ò ihyy behemynybenyke. Waityhydŷŷdumy heka bitxienybenyke. Wahamany, tule Deuxu Riòrenimy, tule Deuxu Tyytybytyhynimy, tahe bòratisebedŷŷnybenyke wadeòdurenymy, Waha, Ityytybytyhy, Iriòre kaboho deròwymy wahe.

<sup>20</sup> Ibutumy aõbo wabede ywina adee rewahinyredi bibedeerykre. Uritere nohõti losarenyõmy awanarenhyhy dori ararekre bededŷŷnanahy rekehemynykre.

## Marku Deuxu Rybe Wihikỹ Tỹmyra, Marku Tyyritidỹdu

<sup>1</sup> Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riðre rare.]

<sup>2</sup> Myheka Isaia tyyriti-ki kia rybe rỹire:

Deuxu rarybere: –Boholake, waðwàdàdu ariteònykre akomy. Tii ary riwinykre.

<sup>3</sup> Tii ryrymyhỹ bederahy-ki: –Kai biwinykre rywihikỹ Wanyrỹ dee. Òbiti tamy biwinyke.

<sup>4</sup> Joaõ Sebedỹdu bederahy-txi taile ihỹmyhỹ rybe tyyriti ritỹnynymyhỹ. Tii sebenaõmy riòbitinymyhỹ. Kia riwinykemy ixi-txi tõhõti reakemy taðraru-txi kia Deuxu ritakemy.

<sup>5</sup> Ibutumy Judeia bede ludu mahãdu Jerusalẽ hãwã mahãdu-wana rare bederahy-ò. Taðrarumy relyymy rahudi tahe, Joaõ risebenyrene bero Jordaõ-ò.

<sup>6</sup> Joaõ rexityynyrene kamelo rade tyy-di, tule iròdutyy wereysana iwetya-ki roimyhỹre. Irỹsỹna raremyhỹ, seihikỹle bidi-wana.

<sup>7</sup> Joaõ rybe tyyriti ritỹnynydyỹmy rarybemyhỹ: –Jiarỹ aõ aõkõ rare, waruru-di aõkõ. Inyõ wahewomy kanakre tahe iruru waruru ratyredỹỹnadu rare. Waratyrene awityhyke. Jiarỹ riwaixỹrunumy watxireri iwataana ese-ki.

<sup>8</sup> Jiarỹ bedi arãsebenyrene. Tii heka Deuxu Tyytybytyhy-di arãsebenykre.

<sup>9</sup> Kiatxu Jesuisi nade Nazare Kalileia bede ludu-ribi. Joaõ tii risebenyrene Jordaõ bero-ò.

<sup>10</sup> Tii bera-ribi dotuodeu biuwetyky rarayrene. Deuxu Tyytybytyhy heka bõtòe wese tamy dobehede.

<sup>11</sup> Deuxu rybe-ò roholare biu-ribi: –Kai heka Wariðre waluu tate. Adi wadeysawihikỹreri.

<sup>12</sup> Aõwesele Deuxu Tyytybytyhy heka Jesuisi riteònyrene bederahy-ò.

<sup>13</sup> Tii bederahy-ki 40 txumy bede idi rỹire. Satanasi aõhõkỹmy risỹnymy Jesuisi raremyhỹ. Iròdu deborehekỹ tai rỹiramyhỹ. Yjureny iyrubudỹỹmy rehemynyrene.

<sup>14</sup> Joaõ rare ròtenawo-ò, idita Jesuisi Rybe Wihikỹ ritỹnynykremy dehemynyde Kalileia-ò. Jesuisi heka Rybe Wihikỹ ritỹnynydyỹre: –Deuxu Iòlõna bede-ò wahe.

<sup>15</sup> Jesuisi rarybera: –Bededỹỹnanahere bede reara. Deuxu Iòlõna bedehere iòhõra. Kai-boho ixi-txi õhõtireny reake aðrarureny-txi bityhynybenyke Deuxu Rybe Wihikỹ.

<sup>16</sup> Jesuisi aho ijàti-ki rariamy ihỹmyhỹ. Tii robira tuureny taseriðre-wana ihỹmyhỹ-ò, Simaõ Pedro, Andre-wana. Tiiboho rehumy ihỹmyhỹreny rià-di. Tiiboho heka waxidu roire.

<sup>17</sup> Jesuisi rarybera tamyreny: –Kaiboho bodoibedenyke wahemy. Tai tahe araerynanyrenyrene iny rimykemy utura temyta wese.

<sup>18</sup> Tahe aõwesele rià ririrenyrene. Roire Jesuisi-wana.

<sup>19</sup> Iko roire Joaõ, Txiau, taseriðre-wana. Tiiboho heka Zebedeu riðre roire. Tiiboho hãworo-ki ratximyhỹreny rià riywinymyhỹrenyrene.

<sup>20</sup> Jesuisi tamyreny rarybera: –Wahemy bòdòike. Tahe aõwesele tybyreny ririrenyrene teòdu-wana. Tahe tiiboho roire Jesuisi-wana ierydyỹnamy roirekemy.

<sup>21</sup> Tiiboho rirònyrenyrene Kafanaõ hãwã-ò. Judeu mahãdu aõmysdyỹna txu aõkõ. Jesuisi ralore judeu mahãdu dohodỹỹna heto-ò erydyỹmy.

<sup>22</sup> Kowa mahãdu urile bede riòtiinyrene irybe-ki. Tii heka irurutyhy-di rierynanyrene, ierydyỹdu mahãdu wese aõkõ rohodỹỹnanymyhỹre.

<sup>23</sup> Kia bedeu heka hãbu tyytybybina-di ratximyhỹre dohodỹỹna heto-ki. Tyytybybina hãbuwo-ribi rarybere:

24—Aõhebo wadi botỹỹnykre Jesuisi Nazare ludu. Biwahubenykre aõbo? Jiarỹ araeryre mobo kai tatehe, kai heka hãbuõtyhy inatyhy Deuxu-ribi kai tate.

25 Jesuisi tarurumy rarybere: —Kai rybeõmyke. Iribi bõhõnyke tyytybybina.

26 Tyytybybina hãbu riatyre riworỹsỹworỹsỹnylemy. Tyytybybina ryryre rybe iteremy, idi rõhõnyre.

27 Ibutumy iny ribedeòtiinyre. Ritỹỹraxinyre ijõ: —Aõwexe ratxireri, aõerydỹỹnatỹmyrabo ratxireri. Tii riteònyre tyytybybina. Tyytybybina Jesuisi rityhynyre.

28 Ityhynina Kalileia bedede bedemy reare.

29 Tahe dohodỹỹna heto-ribi rõhõnyrenyrene. Jesuisi, Txiau, Joaõ-wana roirenyre Simaõ, Andreboho heto-ò.

30 Simaõ riòre lahi roimyhỹ rubunamy. Tahe aõwesele tuu relyyre Jesusiko.

31 Jesuisi rimyre tebò-ki, tahe, aõwesele irubuna ixãwira. Idi tahe hãwyy tamyreny bedede redere.

32 Txu ralòmymy rahudi, ibutumy tamy didydenyde inybina bina. Tule iny tyytybybina tamy didydenyde.

33 Ibutumy iny hãwã ludu iheto ijò wirotyre.

34 Tii ibutumy binana òta òta riywinyre. Sõwemy tyytybybina riòlòdỹỹnyre. Tyytybybina Jesuisi rierymyhỹre. Tai tahe Jesuisi riijõnyre tyytybybina rarybekeò.

35 Rudile Jesuisi rare bederahy-txi rexitòenykremy.

36 Simaõ, ijõ mahãdu-wana Jesuisi ijesityhymy roire.

37 Tiiboho Jesuisi raharenyre. Tamy rarybere: —Ibutumy iny arãijereri.

38 Jesuisi tamyreny rarybere: —Rokoikehe rekexinoranyrenyke hãwã wixira-ò. Jiarỹ tamyreny rybe tyyriti aritỹnykremy. Iurenana tahe jiarỹ anade.

39 Jesuisi rare ibutumy Kalileia bedede-ò. Tyytybybina iny-ribi riteònyre. Tule dohodỹỹna heto-ki tii rybe tyyriti ritỹnyre.

40 Hãbu tyybina mahãduõ Jesuisi-ò nade. Tii tatiowotimy resere Jesusiko-ò. Tahe Jesuisi-ò hãbu rarybere: —Adee awikeki tahe, biwateytenyke.

41 Jesuisi juhu urile riwotòenyre. Tii hãbu ritorunyrene. Tahe rarybere: —Wadee awire, atyy awimyy relekre.

42 Tahe aõwesele ityybina reytera.

43 Jesuisi hãbu riteònyre. Rarybere: —Kai tahe inyõdee rybeõmykre.

44 Kai bexiteòsinykre Deuxu aõmysỹdỹỹdu-ò. Iwese Moisesi ròerynadỹỹnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atximahãtemy.

45 Tahe hãbu rare ibutumy inyko relyyra. Kia heka Jesuisi tahe uritere hãwãhãkỹõ-ò ralòõhyre. Tahe bederahykile rarire. Ibutumy iny tamy rare ibutumy bedede-ribi.

## 2

1 Tiutxuõmybo Jesuisi dòòsede Kafanaõ-ò. Idi tahe rybe reare rehemynymy ratximyhỹ heto-ki.

2 Tahe iny, aõriòre aõkõ, tamy wirotyre heto ijò-ò. Tahe Jesuisi relyymyhỹ Deuxu rybemy.

3 Hãbu inaubiòwa heka hãubina-di tamy detydenyde. Kia hãbu rawòronyrene taumy-ki.

4 Jesuisi-ò rehemynyõhykylere iny sõwerekiki. Tahe raòwònyrenyrene idi heto ratyytyre-ò. Hetotyrene riraynyrenyrene tahe reru-di diberesedỹỹnydenyde byretyre-ki Jesusiko-ò.

5 Jesuisi rieryrene hãbu rityhynyrenyrene, tai rarybere hãubina-ò: —Waexi aòraru-ribi araixitarasadỹỹnyrene.

6 Bede ywina erydỹỹ mahãdu rorukurenryreri, ixideele rarybemy rỹimyhỹre:

7 —Aõherekibo hãbu kiawese rarybereri. Tii iòwe òwelemy rarybereri. Deuxu dee aõbina binalemy rarybereri. Mobo tahe òraru-ribi iny ritake. Deuxule òraru-ribi iny ritake.

<sup>8</sup> Jesusile roholaõlere ihãrele rieryre aõmybo raryberenyre. Tai tahe Jesusi tamyreny rarybere: –Aõherekibo kiawese tarybetenyteri.

<sup>9</sup> Tibohe isiraõtyhyre, tuu ararybeke: –Aõraru-ribi anaixitarasadỹnyre ada myike, abyre bimyke, mariake.

<sup>10</sup> Kaiboho bierykemy Deuxu Riõre Hãbutyhyhykỹ irurudire iny õraru-ribi iny ritakemy.

<sup>11</sup> Tahe hãbubina-ò rarybere: –Boholake, myike, abyre bimyke tahe makre aheto-ò.

<sup>12</sup> Tahe hãbu rỹire, tabyre rimymy tahe rare ibutumy inyru-ò. Ibutumy bede riõtiinyre tahe reãlare Deuxumy. Ibutumy rarybere: –Tiu heka aõmy kawese rabiõhyymyhỹre.

<sup>13</sup> Jesusi rare ahohokỹ ijà-ò. Ibutumy tamy doide. Tii iny ribedeerynyre.

<sup>14</sup> Levi, Afeu riõre, ronymyhỹ nierumynydu hetowo-ki. Jesusi ibire-di rareò, tii robira. Jesusi heka Levi-ò rarybere: –Waijoimy mynake. Tahe rỹimy reare Jesusi ijoi-ò ralore.

<sup>15</sup> Jesusi taerydỹna-wana rorukure Levi hetowo-ki. Tule nierumynydu mahãduõ ronymyhỹre õrarudu-wana. Ibutumy riroximyhỹreny. Sõwemy heka kia iny mahãdu Jesusi riheludunyreny.

<sup>16</sup> Bede ywina erydỹ mahãdu, lahi rybe-di erydỹna mahãdu tuu robirenyra. Idi raryberenyre Jesusi erydỹna mahãdu-ò –Aõherekibo tii riroxireri õrarudu-wana, nierumynydu-wana.

<sup>17</sup> Jesusi roholareu, tamyreny rarybere: –Iny ibinaõkeki tahe luaaidu tamy kanaõtyhy. Tahe iny ibinakeki, tamy kanake bina-ò. Òbiti mahãdu itxemy aõkõ anade. Tahe õrarudu mahãdu itxemy anade.

<sup>18</sup> Joaõ erydỹna mahãdu, lahi rybe-di erydỹdu mahãdu-wana byreõhyky txuu tutyhyle rỹimyhỹreny. Tahe roire Jesusi dỹraxidỹmy. Inyõ Jesusi ritỹraxyre: –Aõherekibo Joaõ erydỹna mahãdu byreõmy rỹiõmyhỹre.

<sup>19</sup> Jesusi rirawyõnyre: –Heriduõ, itxeredu-wana ratxireriu, byreõmy rỹiõtyhy tutyhylemy.

<sup>20</sup> Tiutxulemybo tahe heridu iribi kanatakre, tai tahe byreõmy kỹnykre tutyhylemy.

<sup>21</sup> Moheka tyytỹmyra dõbõna ritidikre tyytyby-ò. Idi inatyhymy dõbõna rayjakre tahe tyytyby sõwemy raykake.

<sup>22</sup> Moheka õteti bederatyrube tỹmyra rihynymyhỹre irõdutyy walabuutybywo-ò. Idi tahe raberyrõnymyhỹreu, urile irõdutyy walabuu raykake tahe irube rejujuke. Tule irõdutyy walabuu ribinadỹnymyhỹre. Irubetỹmyra awire heka irõdutyy walabuu tỹmyrarokile.

<sup>23</sup> Judeu elehydỹnareny txu Jesusiboho ririranymyhỹreny maixõmo wesena oworomy, tai ierydỹna riõrõmyhỹreny riroxirenykemy.

<sup>24</sup> Tahe lahi rybe-di erydỹdu mahãdu rarybere Jesusi-ò: –Aõherekibo aerydỹna mahãdu riwinyreri aõwidỹna aõkõ karare sabado txu.

<sup>25</sup> Tahe Jesusi tamy rarybere: –Kaiboho aõbo teriranyõletenyta tyyriti-di. Iwese Daviboho-wana aõhebo rotỹnyreri aõmy rekoarenymahãu, rama rahumyhỹreny.

<sup>26</sup> Tii ralore hetotyhy-ò. Tai tahe orotxu sira ybina riyre, tule tamahãdu-ò riwahinyre. Kia tahe Deuxu deõdule rirỹsỹmyhỹre. Kia Davi aõhebo rotỹnyre Abiata heka Deuxu deõdu wedurau.

<sup>27</sup> Jesusi tamyreny rarybere: –Sabado txu heka rawidỹre inydee, iny tahe rawidỹõre sabado txu dee.

<sup>28</sup> Deuxu Riõre Hãbutyhyhykỹ tahe sabado txu wedu rare.

### 3

<sup>1</sup> Ixityre Jesusi ralore dohodỹna hetowo-ò. Hãbu debò binahakỹõ tai ratximyhỹ.

<sup>2</sup> Lahi rybe-di erydỹdu mahãdu Jesusi retehemyhỹreny. Jesusi sabado txuule riteytenykeki, tiiboho rarybekemy aõbinabinakibo raharenykemy Jesusi.

<sup>3</sup> Jesuisi heka hãbubina-ò rarybere: –Manake.

<sup>4</sup> Tahe Jesuisi ijõ mahãdu-ò rarybere: –Aõwihikỹwidỹ awire ada aõbinalemy widỹ awire. Tibohe awire, itarasa-ki aõbo ada rubu-ki aõbo. Hãbu mahãdu urile riyryre.

<sup>5</sup> Jesuisi tamyreny retehere raõbinamy. Tii heka iaõna aõna riwotõenyrenymhỹ. Jesuisi hãbu debò bina-ò rarybera: –Ebò biterenyke. Tai tebò riterenyreu, aõwesele awimy relere.

<sup>6</sup> Lahi rybe-di erydỹdu mahãdu rara Iòlò Herodi mahãdu-ò. Tiiboho raryberenyre timybo tahe Jesuisi rirubunynyre.

<sup>7</sup> Jesuisi rexitare taerydỹna mahãdu wana aho-ò. Tahe sõwemy iny Judeia mahãdu, Kalileia mahãdu riheludunyre.

<sup>8</sup> Ibutumy aõna aõna roholare Jesuisi riwinyreò. Tahe sõwemy tamy nade: Jerusalẽ hãwã mahãdu, Idumeia hãwã mahãdu. Iny Jordaõ bero ijà-ribi tule nade. Tule iny Tiro hãwã, Sidõ beà hãwã-ribi iòhòmy tamy nade.

<sup>9</sup> Tahe Jesuisi taery mahãdu-ò rarybere: –Walawò bidiwykre. Iny sõwemy dori rehemynreri. Kidiwawotõmonykre òsana.

<sup>10</sup> Ibutumy bina mahãdu ibymy tebò reareri ixideytedỹmy. Urile iny sõwemy riywinyre dori.

<sup>11</sup> Tyytybybina Jesuisi reteherenyreu, urile iko-txi resere ryryreri: –Kai Deuxu Riòre tate.

<sup>12</sup> Tai tahe Jesuisi rarybere tyytybybina-ò, uritere iteòsidỹõmykemy.

<sup>13</sup> Tii raòwònyre bederatòomy. Tahe taerydỹna-ò ryryre tibo tamy reòbykemy. Tahe tamy nade.

<sup>14</sup> Tahe ierydỹna waòinatxi reuròmy rarunyre tii-wana rarekemy, rybe ritỹnynydỹkemy.

<sup>15</sup> Tule iruru-di rarekemy inybina riteytenykemy. Tule irurudikemy tyytybybina riteònykemy.

<sup>16</sup> Kie ierydỹnanirenyre: Simaõ, (tii tahe Jesuisi ijõni riwahinyre, Pedromy)

<sup>17</sup> Txiau ijõ, tii Zebedeu riòre rare. Kia seriòre Jesuisi rininirenyre, Boanejimy, inireny. Kia heka irybereny rare, Biunytxy riòreneny.

<sup>18</sup> Ijõ heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijõ Simaõ iwitxira, (tii brebuõmy rybe-ki, tasubedeluudu wahe.)

<sup>19</sup> Judasi Isariò ijõre, kia heka Jesuisi riwahinyre iòludu-ò.

<sup>20</sup> Tahe Jesuisi nalode taheto-ò. Ixityre iny sõwemy tamy nade. Tai tahe Jesuisi taerydỹna-wana riroxiòhyre.

<sup>21</sup> Idi tahe Jesuisi leinarenny itxỹtesana roholarennyre, riòryrennyre. Tiiboho raryberenyre: –Jesuisi itxỹte iòhòlere.

<sup>22</sup> Bede ywina erydỹ mahãdu doide Jerusalẽ-ribi rarybemyhỹrennyre: –Belisibu idi ratximyhỹre. Tyytyby wedu ruru-di tyytybybina iny-ribi riteònyreri.

<sup>23</sup> Jesuisi inyko ijyymy relyyre: –Timy taheka Satanasi rexiteònykre Satanasi.

<sup>24</sup> Iòlòna wiribi rexihitxinykeki tahe, rexihukre ibutumy wiludu.

<sup>25</sup> Tahe sỹro luduõ wiribi rahitxikeki, rỹiòtyhy.

<sup>26</sup> Satanasi rỹikeki reburemy, tii ixiòbitile rexirubunnye.

<sup>27</sup> Inyõ heka hãbu rurutere hetowo-txi ralòòtyhy. Tai rawasinykeki, urile iny ri-taataake. Urile hãbu rataataakeki, iròòbymy iny rawasinyke.

<sup>28</sup> Inatyhy jiarỹ adee ararybereri, ibutumy òraru heka kanaixãwidinykre hãbu dee aõtxile aõbina binamy rarybemyhỹre.

<sup>29</sup> Kia inyõ aõtxile aõbina binamy Deuxu Tyytybytyhymy rarybekeki, tiu heka iòraru rataòtyhy. Kia òraru riwinyre tiiehyymy rarekemy.

<sup>30</sup> Jesuisimy kiamy narybedenye: –Tii heka tyytybybina dire.



<sup>31</sup> Tadi tahelÿÿna-wana nade. Tahe ahanakile ritamanyre. Tamy riteònyrenyre iòrysmy.

<sup>32</sup> Iny sòwemy iwerora-di ronyre. Tahe Jesusise-ò rarybere: —Adi aseriòre-wana ahanakile nyide, araijereri.

<sup>33</sup> Jesuisi rarybere: —Mowe nadi rare, waseriòreboho rare.

<sup>34</sup> Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite.

<sup>35</sup> Inyò aõna aõna riwinymyhÿkeki, Deuxu dee awira. Kia heka nadi, waseriòre roire.

## 4

<sup>1</sup> Jesuisi ròòsera ahobero ijà-ò iny dohodÿÿmy. Sòwemy iny wirotyre. Tai Jesuisi ronyre hãworo-ò tahe rexitaranyre ahoro-ò. Aho ijà-ò iny wirotyre ijohonamy.

<sup>2</sup> Tii aõna aõna sòwemy roerydÿÿnanyre ijyytyhydile. Kaa ijyymy tii relyyre:

<sup>3</sup> —Boholake, alòbòròna-di dehuu rara alòbòrònamy.

<sup>4</sup> Alòbòròna-di rehumyhÿu, ijõ ryro-txi resere. Tahe nawiixõmo rirore.

<sup>5</sup> Ijõ rejure manarutàs-u-txi. Tahe aõwesele raumynyre iraruxiòlemy su dori ibutere.

<sup>6</sup> Irauxiòreki, bede tòtee alòbòròna rimoenyre idi rurura.

<sup>7</sup> Ijõ oworuty resere edehu-txi idi ruhunyre edewanale. Tai tahe ede-ò riòdesenyre tai raratynyòlere.

<sup>8</sup> Ijõ resere su wixira wihikÿ-txi. Kia tahe raumynyre. Tahe sohoji oworutyò 30my iraty raratynyre. Ijõ oworuty 60my raratynyre. Ijõ tahe 100my raratynyre.

<sup>9</sup> Tii rarybera: —Kaiboho aõbo òhòtidirenyre, inatyhymy warybe-ò boholake. Adee awikeki, bierybenyke.

<sup>10</sup> Iny robÿtÿreu, ijõ rarilere ierydÿÿna mahãdu-wana. Tiiboho rÿÿraxire Jesuisi-ò: —Aõhekemybo telyyta ijyymy.

<sup>11</sup> Jesuisi tamyreny rarybera: —Deuxu Iòlòna rybemy Deuxu araerynanykre. Kia heka tuu teeryòmahãte. Kowaboho-ò jiarÿ urile ijyymy relyyra.

<sup>12</sup> Tai tahe kia wesele relyyra.

Iny retehemyhÿkemy tahe robiòhyymyhÿre. Roholamyhÿre ta, rieryòhyymyhÿre. Tai tahe ralòkemy aõkõ, taòraru riixãwididÿÿnakemy aõkõ.

<sup>13</sup> Tii tamy rarybere: —Kaiboho aõbo teeryòhyylytenyteri ijyy. Ihãre tahe timykibo bierybenyke ijyy ibutumy.

<sup>14</sup> Aloborodu rehumyhÿ alòbòròna-di. Kia oworuty heka rybe wese rare.

<sup>15</sup> Oworuty ryjãti ludu heka iwese uriiohonadu wese heka rare. Rybe-ò roholarenyreu, Satanasi nade rybe iwo-ribi ritakremy.

<sup>16</sup> Manarutàs-u ludu iwese iny reysamy roholareri.

<sup>17</sup> Iny urihimyoòle rarorehenymyhÿre iraruxi sòweòreki. Idihe rasirara irybe. Tule iny ralahatxinamyreki, ihyyle tahe riixãwidinyra.

<sup>18</sup> Ede rawo ludu iwese iny wixira roholareri.

<sup>19</sup> Tiiboho taaòmydÿÿnadile ròhòtinymyhÿre. Sòwemy nieru-di ratxikemy rexinohòtinymyhÿre ta nieru riitxenanyymyhÿre. Ijõ aõna aõnadile rexinohòtinymyhÿre. Kia aõna aõna rybe rirarutxinymyhÿre. Tai tahe rybe raratynyòmyhÿre.

<sup>20</sup> Suwihikÿ ludu iwese iny wixira roholareri. Kia inatyhymy rÿireri heka raratynyre alòbòròna raratynyre wese. Ijõ raratynyre 30my, ijõ tahe 60my raratynyre. Ijõ tahe 100my raratynyre.

<sup>21</sup> Tii rarybera tamyreny-ò: —Uritere loosòna ideòmyke butxi worawo-txi ada herina raworawoò-txi aõbo. Loosòna bidekre bedewiò-ò.

<sup>22</sup> Inyò iwòteòmy aõna aõna tiiehyymy. Tiutxulemybo ratÿnykemy ihÿre. Iwòteòmy atximahãbenyke aõu bodobikemy atximahãtenyete.

<sup>23</sup> Kaiboho aõbo òhòtidirenyre, inatyhymy boholake.

<sup>24</sup> Tahe Jesuisi tamyreny rarybera: –Kaiboho inatyhymy boholabeny tamy taholamahātenyete. Urihixina iwese teōteri wesele, kai biwykre. Ihāre tahe biwykre ijō teōta-ribi ritamy.

<sup>25</sup> Hābuō ijōdikeki tamyle rawahidỹỹke, tahe hābuō ijōōkeki iribi ratatyhyke.

<sup>26</sup> Jesuisi relyyra kia ijyymy: –Deuxu Iòlòna kia ijyy wese rare. Hābu rehumyhỹre alòbòròna-di suò.

<sup>27</sup> Hābu rummy rōrōmyhỹre txulemy rexixamyhỹre. Tii rieryōlemyhỹre timybo alòbòròna ratybienymyhỹre.

<sup>28</sup> Suu ixii dee sohojile raratymyra. Juhuu iòle ramyhỹre. Idi tahe raratynymyhỹre, ihewonau, tahe, iraty rasònymyhỹre.

<sup>29</sup> Bederaty rasònymyhỹreu, iyresydu riteònymyhỹre. Mayrabu-di riòròkemy bederatsò butudỹỹna dori rexihumyhỹre.

<sup>30</sup> Tii rarybera, Deuxu Iòlòna wexe aōwesere. Aō-ò wexe rikioirenykre. Tiwexe ijyy kawesere.

<sup>31</sup> Kia heka mostardaty wesere. Tii heka iylatyhymy ratximyhỹre kabede-ki.

<sup>32</sup> Tahe tii raumynymyhỹre wana, ireitòbòròdỹỹ ratyre rarurururunymyhỹre. Tahe nawii tamyle rasỹnymyhỹre. Iubòròrò rawolemy taheto riwinyre.

<sup>33</sup> Tahe Jesuisi Deuxu rybemy rierynanymyhỹre. Kia ijyy wese sōwemy ijyy rierynanymyhỹre. Kialemy iny-ò Jesuisi relyymyhỹ ibutumy tamy reny ritynynynyhỹreki.

<sup>34</sup> Kia-ò riòbitinyòlere ijyyò. Tahe iny-ribi irehemy taerydỹỹna-ò riòbitinyre.

<sup>35</sup> Iu txu txiorolemy Jesuisi rarybere taerydỹỹna-ò: –Rikiòhòrenyke kowa weribi ijà-ò.

<sup>36</sup> Sōwemy iny rarire aho ijà-ki. Tahe taerydỹỹna tamy ralore. Roire hāwò-di. Tahe ijō hāwò idi ratximyhỹre.

<sup>37</sup> Tahe bede binahakỹ rexidelenyre yhymy. Tahe òbò hāwò rihātenymyhỹ tai ritỹmynykemy ritelenyre.

<sup>38</sup> Tai tahe Jesuisi rōrōmy roimyhỹ tòro-ki irati tarahynatyre-ki. Tai tahe riixixanyre. Ijō rarybere: –Waerydỹỹdu, adeehe awimy aōbo iny ituerenykre.

<sup>39</sup> Rexixamy Jesuisi. Tii yhy riixāwididỹỹnyre. Tii ahohokỹ-ò rarybere: –Biyryke! Tai bede ruhuwihikỹre.

<sup>40</sup> Tamyreny rarybere: –Aōherekibo kaiboho taberutenyteri? Deuxu aōbo tetyhynyōmahātenyete?

<sup>41</sup> Tai tahe tiiboho bede riòtiinyrenyra. Tahe widee raryberenyre: –Mowexe tuu yhy ahohokỹ-wana irybe riywinyke.

## 5

<sup>1</sup> Ritehemynyrenyre ijō berohokỹ weribi ijàna-ò. Kowa heka ibutumy hāwāhākỹ Kadarena inirenyre.

<sup>2</sup> Jesuisi hāworo-ribi resereu, hābu tyytybybina-di robire ròhònyreri wabede-ribi.

<sup>3</sup> Kia heka tiemy rasỹnomy raremyhỹ wabede-ki. Katahe wiji moheka womati reroti-di rataataaōtyhy.

<sup>4</sup> Aōdorihe òhòre tebò iwa rataataare womati reroti-di. Tiiemy heka rimoenymyhỹ. Teòrutu ludu tawararu ludu tule ritòtynymyhỹre iyresymy. Moheka iruruòre iny erydỹỹmy.

<sup>5</sup> Txuu ruu-wana heka tii rasỹnyre wabedewo-ki. Tii rariamyhỹre bederatòòmy. Tule rirajuamy tai rexihātenyre mana-di.

<sup>6</sup> Tai tahe Jesuisimy robireu, tii raijaranyre Jesuisi-ò. Resere tatiowotimy Jesuisiko-ò.

<sup>7-8</sup> Jesuisi tyytybybina-ò rarybere: –Iribi bòhònyke. Tahe tyytybybina rarybera: –Aōwe wadi tate. Kai, Jesuisi, ibutumy inyò dee inyratyre tate. Kai Deuxu Riòre tate. Lāhāmy lāhā, uritere aōbina binahakỹmy wahōrōdỹỹōmykre.

9 Jesuisi ritỹřraxyre: –Mobohe anire. Tyytybybina rirawyònyre: –Wanireny sòwetyhyre wasòwerynyreki.

10 Urile karibi wateòdỹřrenyòmykre.

11 Tahe kowa-ki ixỹni juramy riroximy rỹimyhỹ bederatòò-ki.

12 Ibutumy tyytybybina rexitòenyrenyre: –Biwateònybenyke ixỹni jurawomy aralòrenykemy.

13 Tahe Jesuisi riteònyre. Tyytybybina aòwesele ròhònyre tahe ixỹniwomy ralore. Ixỹni jura tahe raòrunyre rejuxunyre ijòtira-ribi. Berawo-txi tahe rabòròròre ahohokỹ-ki. Inatxi mil ixỹni rabòròròre.

14 Ixỹni-di itxeredu reare ijyymy ibutumy hãwã hãwãmy relyyrenyre. Tahe iny dirahude tamy itxeremy.

15 Tiiboho Jesuisi-ò doideu, tuu robirenyra hãbu tyytybybina-di raremyhỹ. Tii rexitynymy ronymyhỹre. Tii heka òbitimy ròhòtinymyhỹre. Tai iny mahãdu rabe-deòtiidỹřnyre.

16 Tiiboho tuu robirenyre, ijò-ò relyyrenyre ixỹni ijyymy, timybo aòhebo rotỹřnyremy hãbu tyytybybina-di ratximyhỹre. Tule relyyrenyre timybo rotỹřnyre ixỹni jura.

17 Iny rexitòenyre Jesuisi-ò rexitakremy isureny-ribi.

18 Jesuisi hãworo-ò ralore. Tahe hãbu tyytybybina-di ratximyhỹre, rexitòenyre Jesuisi-wana rakemy.

19 Tahe Jesuisi idy derare. Tamy rarybera: –Mahe asỹ-ò, aijoi-ò belyyke aõna aõna Deuxu adee riwinyremy, iwese tii araruxetòenymyhỹre wese.

20 Tahe hãbu rare Debòwiò hãwãreny-ò. Ibutumy Jesuisi aõna aõnamy ixidee riwinyremy relyyre. Ibutumy iny ribedeòtiidỹřnymyhỹre.

21 Ixityre Jesuisi rare ahohokỹ weribi ijà-ò. Ixidee iny sòwemy ributunyre. Tii heka ihỹmyhỹ ahohokỹ ijà-ki.

22 Tahe dehemynde tamy dohodỹřna heto weduò. Ijairu inire. Tii Jesuisi robireu, resere tatiowotimy iko-txi.

23 Ijairu rarybere Jesuisi-ò: –Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy.

24 Tahe Jesuisi tii-wana rare. Iny sòwemy tule rare iòhòkile tamy rỹire.

25 Kia heka hãwyyò binamy ramyhỹre. Ihãlubu rejuxunymy raremyhỹ. Beòra waòinatxi reuròmny rejuxunymyhỹre, rihuòhyy raremyhỹ.

26 Tii aòhòkỹmy rotỹřnymyhỹre sòwemy òhotibedu mahãdu-di. Tahe awimy rotỹřòlemyhỹre. Urile tanieru ibutumy rahure òhotibedu mahãdu-ki. Awimy releòlemy, ire bede-ò resere.

27 Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki.

28 Hãwyy ixidee rarybemyhỹre: –Krile itykynora-ki karimykeki, karekyteke.

29 Tahe aòwesele ihãlubu ijera ixãwire. Ixidee awimy ròhòtinyre.

30 Jesuisi rieryre iruru iribi ròhònyremy, tai rarybere: –Mobo watyynora rimyra.

31 Tahe ierydỹřna raryberenyra aòherekibo tuu tarybeta ibutumy taheka iny abirelemy rỹireri.

32 Jesuisi retehemyhỹre urile mobo rarekemy.

33 Hãwyy rierymyhỹ aòhebo rotỹřnyre. Tii ruberumy Jesusiko-ò resere relyykemy iko.

34 Jesuisi rarybera: –Lerỹ, atyhydỹřna kỹnyhe aratara. Mahe, kai dori texiywinyta.

35 Tii rarybemyhỹò, dohodỹřna wedu deòdu rehemynyrenyneri. Tiiboho raryberenyra: –Wawedu, Ijairu, ariòre rurumy roireri. Aòmybo tahe Erydỹřdu-di atxiteri.

36 Jesuisi kia-ò roholara tahe rarybera dohodỹřna wedu-ò: –Brebuòmny, urile bityhnykre.

<sup>37</sup> Jesuisi-wana roire, Pedro, ijõ Txiau, ijõ Joaõ. Joaõ heka Txiau seriõre rare. Kaòle heka reòbyre tii-wana rakemy.

<sup>38</sup> Dohodỹỹna wedu heto-ò dehemynydeu, ixiyjadỹỹ-ò roholara, robureriò, rira-juareriò.

<sup>39</sup> Jesuisi ralore tahe rarybera: –Aõherekibo tabutenyteri. Hiraririkỹ rurumy aõkõ roireri. Tii urile rõrõreri.

<sup>40</sup> Juhu urile tai rutxuenyrenyra Jesuisi-ki. Tahe Jesuisi ibutumy iny riòlòdỹỹnyra het-owo-ribi. Tahe ise, tybyle, ixidee rimyrenyra ratxirenykemy. Tahe tamy rirònyrenyre tai hiraririkỹ roimyhõ.

<sup>41</sup> Jesuisi hiraririkỹ debò rimyre tahe rarybera: –Talita kumi. (Katahe iwitxira rybemy rarybera. Kiamyneri heka, mynyikemy.)

<sup>42</sup> Aõwesele hiraririkỹ rỹimy reara. Tahe rariara aõmyreki iwyrwa waòinatxi reuròmmy iwyrwamy. Tahe urile bede riòtiinyrenyre.

<sup>43</sup> Jesuisi riteranyre moõ rierydỹỹkemy aõkõ. Jesuisi tule rarybere: –Rỹsỹna tamy biwahinykre.

## 6

<sup>1</sup> Jesuisi dexitade kowa bede-ribi. Tahe tauladu tybiena hãwã-ò dehemynyde. Taery-dỹỹna mahãdu riheludunyre.

<sup>2</sup> Sabado txumy rierynanyre dohodỹỹna heto-ki. Sõwemy iny roholamy rỹimyhỹ bede riòtiinymy. Tahe rarybere: –Tiribibo kia hãbu aõna aõna bede rieryre. Aõbedeeryhykỹbo ratximyhỹre. Timyta heka bedeòby riwinyre.

<sup>3</sup> Kia aõbohe aõwidỹỹdule ratxireri, Marie riòrele. Tiiboho aõbohe Txiau, Jyje, Judasi, Simaõ, seriõrebohole ratxirenyreri. Terỹboho aõbohe tule kakile ratxireri. Ibutumy iny heka Jesuisi derarenyre. Irybe rityhynyõre.

<sup>4</sup> Jesuisi rarybere tamyreny: –Deuxu rybedỹỹdu heka tyhydỹỹna ritaõlekre tahãwãreny-ribi, taijoi-ribi, tasỹ-ribi.

<sup>5</sup> Tahe Jesuisi kowa-ki bedeòby riwinyõlere. Urile tebò ritidire inybina bina tyre, taile riteytenyre.

<sup>6</sup> Jesuisi urile bede idireny riòtiinyre rityhynyõlemyhỹrenyreki. Tahe Jesuisi reurore hãwã hãwã-di erydỹỹmy.

<sup>7</sup> Tii ixidee ributumy tawaòinatxi erydỹỹna mahãdu. Tii riteònyre inatxi inatxi iubỹtỹnyre. Tamyreny taruru-ribi riwahinyre tyytybybina deòdỹỹki.

<sup>8</sup> Jesuisi tuu rarybere: –Urile biwykre adebõna. Uritere orotxu aõkõ, nieruhyna aõkõ, nieru wereysanawo-ki aõkõ, iwydysyrenyõmykre.

<sup>9</sup> Uritere waubehetyõmy noõmykre. Uritere inatximy wirawomy tyy-di ixityy-dỹỹõmykre.

<sup>10</sup> Hãwã-txi malòkeki, tiemy taile bonykre tiubedemybo iribihyyle bòhònykre.

<sup>11</sup> Titxi behemynybenykeki, uritere iny erarenymy reakeki, roholaõkeki, txiòrare, urileta awareny bitòtynykre bede erynamy.

<sup>12</sup> Tahe tiiboho roire. Rybe ritỹnydỹỹmyhỹre iny ixidee rexirahĩrenykeny.

<sup>13</sup> Tyytybybina irehemy iny-ribi ririradỹỹnykemy. Sõwemy inybina tyre òlỹre ritxiwire. Tai tahe riteytenyre.

<sup>14</sup> Kia heka iòlò Herodi roholara. Jesuisini dori erynatyhymy raremyhỹ. Tahe ijõboho rarybemyhỹreny: –Joaõ Sebedỹỹdu rexixara rubu-ribi. Ijõ rarybemyhỹreny: –Eliale ratxireri.

<sup>15</sup> Ijõ rarybera: –Deuxu rybedỹỹdu ratxireri. Deuxu rybedỹỹduõ wese heka ratxireri.

<sup>16</sup> Herodi roholareu aõbo Jesuisi riwinyreu, rarybera: –Kia hãbu Joaõ ratxireri. Kia heka irati reore heka rare.

<sup>17</sup> Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hãwyi òraru-ki kia riwinyre. Filipi iseriòreni rare. Iseriòre hãwyyni Herodia rare. Herodi, Herodia-wana roire iseriòre riòrese-wana.

<sup>18</sup> Juhuule Joaõ rarybere Herodi-ò: —Kai aõkõre aseriòre hãwyi-di mabeõtyhy.

<sup>19</sup> Herodia tamy iky reamyhỹ rirubunyky ratximyhỹ tahe aõkõhyylere.

<sup>20</sup> Herodi tahe Joaõ rityhynyre. Tii rierymyhỹre Joaõ hãbu wihikỹõ ratximyhỹ. Tai riyrubunyre ròtenawo-ki. Herodi Joaõ roholareu, urile bede riòtiinyre urile roholawihikỹre.

<sup>21</sup> Kia txuu ibeòra reare Herodi lisina berenamy riwinyre. Tahe ibutumy hãwã dinodu, soldado wedu mahãdu, tule ibutumy hãbu ninihikỹ Kalileia mahãdu-ribi rihuòtere.

<sup>22</sup> Ijadòma ralore resere, Herodia riòre. Herodi, iny huòtedu mahãdu-wana tamyreny awire. Iòlò ijadòma-ò rarybera: —Aõtxile aõma wadee bexitòenyke, adee ariwahinykre.

<sup>23</sup> Inatyhymy adee ararybekre. Waaõna aõna iweeremy bexitòenykeki, adee ariwahinykre.

<sup>24</sup> Ijadòma tadi ritỹraxyinyre aõmybo tahe tamy rexitòenykre. Ise rarybera: —Joaõ Sebedỹkỹdu rati kai bexitòenykre.

<sup>25</sup> Tahe ijadòma ròsere iòlò-ò. Tahe ijadòma rarybera: —Joaõ Sebedỹkỹdu rati kai biwahinykre hyna tyre-ki.

<sup>26</sup> Iòlò sòwemy rabadewore irybe-ki. Rexitxiõnyõlere iny dori sòwemy ibire-ki.

<sup>27</sup> Iòlò soldado rariare Joaõ rati òrysmy. Tahe irati riorore ròtena-ki.

<sup>28</sup> Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre.

<sup>29</sup> Joaõ erydỹna rieryreu tahe, nade iumy òrysmy. Tahe iumy riwyre wabede-ò.

<sup>30</sup> Jesuisi erydỹna mahãdu ròserenyre Jesuisi-ò. Tahe relyyrenyra ibutumy aõmydỹnana tule ibutumy rierynanymyhỹre.

<sup>31</sup> Jesuisi tamy rarybere: —Inyboho sohojile rokoireny bederahy-txi ixielehydỹmy. Tii dori rarybera tamy heka byrena iòhòtyhyõlere tamy roxina raòhòõlere. Iny sòwemy tamy wii reutydynyri.

<sup>32</sup> Tahe tiiboho sohojile hãwò-di roire bederahy-txi inyõ-ò.

<sup>33</sup> Iny sòwemy tuu robira ròhònyrerimy. Tahe iny ibutumy hãwã hãwã ludu raijaranyre tòròsòna-ò. Tiibohole juhu rehemynyre iko-ki.

<sup>34</sup> Jesuisi rororeu, tahe inymy sòwemy robire, riraòreriò. Jesuisi tamy ratòenymyhỹre. Tiiboho dori iwese budoeni idi itxereduõmy rỹireri wesemy.

<sup>35</sup> Txuu raloreu, ierydỹna mahãdu Jesuisi-ò roire. Tiiboho rarybere: —Ka kỹnyhe bederahy roire txuuke rexihura.

<sup>36</sup> Kai tahe iny biteònykre hãwã hãwã mahãdu-ò rỹsỹna ixideereny õbradỹmy.

<sup>37</sup> Jesuisi tamyreny rarybera: —Kaiboho tamy rỹsỹna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiõbranyrenykre. Timy wexe tamyreny rỹsỹna rikiwahinyrenykre. Jesuisi tamyreny rarybera:

<sup>38</sup> —Tiwese orotxu bohe rỹire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi.

<sup>39</sup> Idi tahe Jesuisi iny rabòròhòkỹ asityre rorukukremy.

<sup>40</sup> Idi tahe iny rabòròhòkỹ wii rirareare, ijõ sīwētamy, ijõ 100my.

<sup>41</sup> Jesuisi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròròre. Riwahinyre taerydỹna mahãdu-ò riwykremy iny-ò. Tule utura inatxi wirarea riwahinyre iny mahãdu dee.

<sup>42</sup> Ibutumy iny riroxire. Rihydymy rỹimyhỹ.

<sup>43</sup> Idi tahe ritỹxinyre waòinatxi reurò weririmy orotxu yre yre utura-wana rauhenyredi.

<sup>44</sup> Kia heka rerỹsỹre 5000 inymy rỹsỹna-di.



45 Juhu Jesuisi riteònyre taerydÿÿna mahãdu ixiko-ò kanaijõwe-ribi ijà-ò, Besaida hãwã-ò. Tii tahe ririre iny riteònykremy.

46 Tahe riteònyreu, tii rare ixitòedÿÿmy bedede ratòòhòkÿ-ò.

47 Txioro bedesou hãwò ahotya-ki ratximyhÿre. Jesuisi suki ratximyhÿre ixisohojile.

48 Tahe yhy rebònymyhÿ iutedereny-ribi. Hãwò rariaõlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyrereny wese rariakre.

49 Tahe tuu robireu, betyre-di rariareriò, tiiboho unisÿna ròhòtynyreny, rira-juarenyre.

50 Tahe ibutumy tuu robira ibutumy ruberurenyre. Jesuisi aõwesele rarybere: —Urile beysabeny, breburenÿmy. Jiarÿle watxireri.

51 Tii ralore tamyreny hãworo-ò. Yhy urile ixãwire. Ierydÿÿnaboho bedede riòtiynyreny.

52 Tiiboho ruberurenyre, orotxu bededeòbyna dori rierykõrenyre.

53 Tiiboho riòhòrenyre, ritehemynyre Kenesare-ò. Kia-ki hãwò ritisarenyra.

54 Tahe hãworo-ribi ròtuòreriu, ibutumy iny Jesuisi rieryra.

55 Juhu raòrunyrenyre bina bina mahãdu òrysmy. Idi tahe didydenyde roholarenyre titxibo tai Jesuisi ratximyhÿò.

56 Tii raloreu iny hãwã-ò aõbo ada hãwãhãkÿ-ò aõbo ada bedero-ò aõbo, tiemy iny bina bina mahãdu iryko-txi ritidire. Tai tamy rexitòenihikÿre tamy debò reakemy ityynora-ò. Ibutumy tamy debò reareu, tahe riteytenyre.

## 7

1 Jesuisi-ò ributunyre fariseu mahãdu lahi rybe-di erydÿÿdu mahãdu wahe. Tule bedede ywina erydÿÿ mahãduributunyre. Jerusalẽ-ribi ritehemynyreri.

2-5 Jesuisi erydÿÿna mahãdu tebò risuhòõmy riroxireri. Fariseu mahãdu, Bedede ywina erydÿÿ mahãdu-wana Jesuisi-ò ritÿÿraxinyrenyre: —Aõherekibo aerydÿÿna tebò risuhòõmy riroximyhÿrenyre. Aõherekibo ihetxiu bedede ywidÿÿnana rityhynyõreri. Lahi rybe-di erydÿÿdu mahãdu judeu mahãdu-wana ihetxiu iwidÿÿnana riwinymyhÿrenyre. Tii heka tebò tiu suròduõmy riroxiõmyhÿre. Tiiboho aõna aõna wydyna heto-ribi dòõsemahãdeu, tiu heka ròhòdile riroxiõmyhÿre. Sòwemy iwidÿÿnareny rityhynymyhÿre. Bemona butxi, womati bese-wana risuhòrenyre.

6 Jesuisi tamy dirawyònyde: —Isaia juhuule rarybere tiwesebo kaiboho toite. Kaiboho itxenadÿÿdu toite. Riritinymy rÿire:

—Kaiboho riwawowydynymyhÿre tary-di. Tahe awo-ribi waluuõlemyhÿre.

7 Kaiboho riwawowydynyre tahe watxi nohòti ijeraõlerenymy. Kai teerynanyteri erydÿÿna-di iny nohòti-ribi namyhÿdeòle.

8 Kai Deuxu erydÿÿna tyhydÿÿõmy. Iny erydÿÿnale tetyhynytenyte.

9 Tii tamyreny rarybera: —Kaiboho aõbo ijõ bihòrõnybenyleke, biaõmysÿnybenyke. Deuxu rybe bedede ywina kaiboho tetyhynyõlemyhÿtenyte. Arybe bedede ywinala tetyhynyõlemyhÿtenyte.

10 Moisesi rarybera:

—Kaiboho biytyhynybenyke adirybe-ò, tybyrybe-ò. Inyò tadimy tybymy iehehemy rarybekeki, aõtaxiny ruruke.

11 Kaiboho teerynanyteri hãbuò-ò tadi tybywana-ò rarybekemy: —Wanieru waribi bitaõke. Ariwahiny dori Deuxu-ò. Wanieru heka korbÿ rare. (Korbÿ heka uri wahidÿÿna rare, iwitxira rybe wahe.)

12 Jesuisi rarybehyemy rare: —Kiawese rierynanymy raremyhÿ, kaiboho uritere hãbuò tadiboho-ò aõmydÿÿõmy rarekemy.

13 Kawese ityhydÿÿrenyõmy Deuxu rybe, aerydÿÿna òraru-ki. Sòwemy aõna aõna kawese tatÿÿnytenyte.

14 Tahe Jesuisi ixityre rarybera inysõwe-ò: —Bodoholabenyke, ibutumy bierybenykemy.

15 Aõbo iny-ò ralòmhyhÿre, kia tahe iny risunyõlemyhÿre, inywo-ribi tahe namyhÿde kia tahe iny risunymyhÿre.

16 Inyõ bierybenykeki, bohola-wibenyke.

17 Tahe iny-ribi rõhònyreu, heto-ò raloreu, ierydÿÿna mahãdu tahe tamy rÿÿraxire ijyymy.

18 Tii tamyreny rarybere: –Kaiboho tule aõbo teeryõmahãtenyete. Aõbo iny-ò ralòmhyhÿre, kia iny risÿnyõlemyhÿre.

19 Tawotyhy-ò dori ralõõlemyhÿre. Urile weryri-ò ralòmhyhÿre idi umy-ribi rõhònymyhÿre. (Ibutumy rÿsÿna tahe awire riki.)

20 Tule rarybere: –Aõbo iny-ribi namyhÿde, kia risurisyunymyhÿre.

21 Inywo-ribi tahe rõhònymyhÿre ibutumy nohõtina binahakÿ. Kia heka rare nohõtina binahakÿ: òta òtalemy, wasilemy, rubudÿÿlemy, ijõ hãbu riõrese ridymy,

22 ibutumy aõna aõna wedu iny ratyrekemy, binamy rõhõtinyinymyhÿre, ruilemy, aõbina binaõle, itxeredu, aõbina binalemy rybedu, tule itxÿtelemy.

23 Kia heka ibutumy bina bina inywo-ribi namyhÿde. Kia heka iny rexisunymyhÿre.

24 Jesuisi rexitare. Tahe r re Tiro hãwãreny-ò, Sidõ beà hãwã hãwã-ò. Tahe tii ralore hetowo-txi tahe moõ rierykõdi ixidire hetowo-txi. Ralõrau tahe, rexiwòke aõkõ.

25 Jesuisi tyhynina-ò hãwyy roholare, tahe tamy nade, tatiowotimy resere. Iriõre-riki tyytybybina dire.

26 Kia heka hãwyy Grego mahãdu rare. Ilahinanire heka Siru Senisia. Tii Jesuisi-ò rÿÿraxire tyytybybina iriõre-ribi deòdÿÿmy.

27 Tahe Jesuisi tamy rarybere: –Txioiny, juhu inihe uladu mahãdu riroxikre. Wadee awiõre uladu-ribi rÿsÿna ritake ijõrõsa-ò.

28 Hãwyy rirawyõnyra: –Inatyhy rare, Wãhĩ. Kurile rÿsÿna kyre kyre rejujumahãre. Kòwòruku bese-ribi, kuladu-ribi. Kiamy heka itxoòrõsa rirakuximyhÿre.

29 Tahe Jesuisi tamy rarybera: –Kia rybe òraru-ki heka kaa tarybeta tyytybybina ariõre-ribi rohonyra. Kia bõðsekre aheto-ò.

30 Hãwyy taheto-ki rehemynyreu, iriõre-ki rahara byretyre-ki roire. Hãwyy rieryre tyytybybina iribi rõhònyre.

31 Tai tahe Jesuisi ixityre rexitare Tiro hãwãreny-ribi, Sidõ beà hãwã reny-ò rara Kalileia aho-ò. Tii raremyhÿu, Debòwiò hãwã hãwã reny ririre.

32 Tahe tamy didydenyde hãbuõ nohõtityõ. Tii roholaõlemyhÿre. Tule awimy rarybeõhyylemyhÿre. Tahe rexitòenyrenyra Jesuisi-ò, tebò ityre ritidikemy.

33 Jesuisi tii ritare inysõwehekÿ-ribi tahe tebò ritidire tõhõti-ò. Tahe rarybexinyre tahe idi tòròtòbymy reare.

34 Tahe Jesuisi tarue ruwyyre biu-txi, ele-di reare. Tahe rarybere: –Ebata. (Kia heka rybe riwiuròsòdÿÿmy rare, –Biraynyke.)

35 Aõwesele tõhõti riraynyre. Tòròtò riykoykonyre. Tii aõwesele awimy rarybere.

36 Jesuisi rarybere: –Uritere iny-ò ijyõmykremy. Ihãrele tahe ibutumy kiamy iny-ò relyymyhÿre.

37 Idi bede riòtiinyrenyre. Tahe raryberenyre: –Ibutumy tii riteytenymyhÿre. Tii nohõtity aõwesele roholamyhÿre. Hãbu rybeõ aõwesele rirybedÿÿnymyhÿre.

## 8

1 Kia txuu ixityre iny sõwemy ributumy. Kiau tule aõrÿsÿnamy ijõõhyylere. Jesuisi taerydÿÿna mahãdu ixidee ributumy. Tahe tamyreny rarybere:

2 –Jiarÿ inysõwe rewotònyreri. Tiiboho txuu inataõ waki rÿireri byreõlemy.

3 Jiarÿ byreõlemy ariteònyrenykeki, ryrowetyakile reserenykre iòderawyrinymy. Tule, iny sõwemy irehe-ribi nade.

4 Ierydÿÿna tamy dirawyònyde: –Timytaka inyboho tamyreny orotxu rikiwahinyrenykre kabederahy-ki.

<sup>5</sup> Tii ritỹĩraxinyre: –Tiwesebo orotxu kai ijõdire. Tiiboho rarybere: –Debò inatxi reuròm̃y.

<sup>6</sup> Jesuisi iny sõwemy risỹdỹĩnykremy sutyre-ò. Tii orotxu debòinatxi reuròm̃y rimyra. Tii rexitòenyreu tahe riorore. Tahe riwahinyre taerydỹĩna mahãdu-ò riwykemy iny sõwe-ò.

<sup>7</sup> Tule utura ibutemy rỹimyhỹ. Tahe rexitòenymy rahudi tahe taerydỹĩna-ò rarybere: –Kaa tule biwybenyke iny sõwe-ò.

<sup>8</sup> Tiiboho roroxirenyremy tahe rihydymy ratximyhỹ. Iyre yre rauhenyrene riwyrenyrene weriri debò inatxi reuròm̃y riwyrenyrene rỹĩximy.

<sup>9</sup> Inaubiòwa mil iny iòhòm̃y rỹimyhỹ. Tahe Jesuisi rexideòwarinyrene iny sõwe-ò.

<sup>10</sup> Tii ralore hãworo-ò taerydỹĩna-wana. Tiiboho roire Damanuta hãwãreny-ò.

<sup>11</sup> Lahi rybe-di erydỹĩdu mahãdu nade fariseu mahãdu wahe. Tiiboho tamy nade rybe òbitidỹĩmy. Tiiboho rỹĩraxirenyra bede erydỹĩnaõ kiditeòsinykremy. Lahi rybe mahãdu rierykemy tii inatyhy rare urenana.

<sup>12</sup> Tii raelewesenanyrene tawo-ki rarybere: –Aõherekibo kaa iny mahãdu rỹĩraximyhỹre bede erydỹĩnamy. Inatyhymy jiarỹ ararybekre: –Bede erydỹĩna heka tamy rawahidỹĩõtyhy.

<sup>13</sup> Tahe idi Jesuisi rexitare. Hãworo-ò ralore. Idi rohorere kanawe-ribi ijà-ò.

<sup>14</sup> Ierydỹĩnaboho tahe tõhõti rosare orotxu wydysy-ribi. Sohojityhyle heka orotxu roimyhỹ hãworo-ki.

<sup>15</sup> Jesuisi tamy ribedeerynyrene: –Beteheiny, biyrubuny, lahi rybe mahãdu, Herodi mahãdu-wana wirỹsỹna uri-ribi.

<sup>16</sup> Jesuisi erydỹĩna mahãdu ixideele rarybere: –Aõherekibo Jesuisi kia rarybereri. Inyboho iorotxurenyõreriki òsana.

<sup>17</sup> Jesuisi heka rieryra tahe rarybera: –Aõherekibo raryberemy orotxu ijõõremy. Kaiboho aõbo teerytenyõte. Kaiboho aõbo arawoxierynyrenyõre.

<sup>18</sup> Kaiboho aõbo arueõrenyrene. Tabiõletenyteri. Kaiboho aõbo itxi õhõtireny reaõlereri.

<sup>19</sup> Jiarỹ 5000my iny-ò orotxu reareareu, tiwesebo weririmy orotxu yre yre-di ritỹxinyrene. Tahe tiiboho rirawyònyrene: –Waõinatxi reurò weririmy.

<sup>20</sup> Tahe debòinatxi reurò orotxumy reòròra 4000 inymy, tiwesebo weriri orotxu yre yre-di ritỹxinyrene. Tiiboho rirawyònyrene: –Debòinatxi reuròm̃y.

<sup>21</sup> Tahe tamyreny rarybere: –Timyrekibo tahe teerytenyõte.

<sup>22</sup> Dehemynynde Besaida hãwã-ò. Tahe hãbu ruetà-di tamy didydenyde. Rex-itòenyrenyrene tamy debò reakemy.

<sup>23</sup> Jesuisi tebòm̃y rimyre tahe ridyre hãwã-ribi bederahy-ò. Iruetyrene rarybexinyrene. Tebòm̃y tamy reare. Tahe ritỹĩraxinyrene: –Aõmybo aõbo tabiteri.

<sup>24</sup> Hãbu tahe biu-txi tarue riukora, tahe rarybera: –Hãbumy rabira, òwòru wese rỹireriò, rariareri.

<sup>25</sup> Ixityrele Jesuisi tebò reare irue-ò. Hãbu heka irue reyteramy òbitilemy retehereri. Robire irehetyhy-ò itỹnyhỹkỹlemy.

<sup>26</sup> Tahe Jesuisi riteònyrene isỹ-ò urile ihãwã-ribi ròðseõmykre.

<sup>27</sup> Jesuisi taerydỹĩna mahãdu-wana ròhònyrenyrene Sesaria Filipi hãwãreny-ò. Ryki taerydỹĩnareny-ò ritỹĩraxinyrene: –Mowe hãbureny wamy raryberenyra jiarỹ raremy.

<sup>28</sup> Tiiboho rirawyònyra: –Joaõ Sebedỹĩdu riki, ijõ Eliasi riki, ijõ riki Deuxu rybedỹĩduõ.

<sup>29</sup> Tahe Jesuisi tamyreny ritỹĩraxinyra: –Kaiboho, mobo tarybetenyte jiarỹ raremy. Tahe Pedro rirawyònyrene: –Kai Kristu atximahãte.

<sup>30</sup> Tii raraybinihikỹmy ixi-ki rarybera: –Inyko wamy ijyyõmykre.

<sup>31</sup> Jesuisi rexiranyrene erydỹĩmy: –Deuxu Riòre Hãbutyhyhykỹ heka aõna aõnamy aõhõkỹmy rotỹĩnynihikỹkre. Matuari mahãdu heka ixideramy ryanakre. Tule Deuxu aõmysỹdỹĩdu wedu, Bede ywina erydỹĩ mahãdu ixideramy ryanakre. Jesuisi kudurukre idi tahe txu inataõ rỹidi kedexixakre rubu-ribi.

<sup>32</sup> Idi tahe iòrurehekỹlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeõmyreke.

<sup>33</sup> Jesuisi ròõsemy reare, retehemyhỹ taerydỹỹna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aõkõ atximahãte. Kai hãbu ijoi tate.

<sup>34</sup> Jesuisi ributunyre iny sõwehekỹ, taerydỹỹna-wana tahe rarybere: —Inyõ wahemy kanakeki, ixideele rexirahĩke, tahe taitxeò rimyke riwaheludunykeny.

<sup>35</sup> Mobo taumy tarasamy rurukeki, riononykre. Tahe aõtxile iny waluukeki, Rybewihikỹ luukeki, taumy wadee riononykeki, kia heka taumy ritakre.

<sup>36</sup> Aõbo tahe awire, ibutumy aõna aõna bitake tai aumy biononyke.

<sup>37</sup> Aõbo tahe iny riwahinykre taumy wydyna òkesena aõbo.

<sup>38</sup> Kai wijinabòdu òrarudu mahãdu rare, òta òtadu rare. Aõtxile iny walau warybe lau raixỹrukeki, tule Deuxu Riòre Hãbutyhyhykỹ ilau kanaixỹrukre tii nadeu ýjuwihikỹ-di boo wowydyna-ò.

## 9

<sup>1</sup> Tii tamyreny rarybere: —Inatyhymy adeereny ararybekre. Ijõõ kaki ratximyhỹre ruruõtyhy Deuxu Iòlõnau taruru-di kedehemynykreu.

<sup>2</sup> Tahe debò sohoji txuu rỹidi, Pedro, Txiau, Joaõ-wana Jesuisi ridyre. Tiiboho sohojile bederatò-ò roire. Jesuisi tamyreny rexiwixiranyre.

<sup>3</sup> Ityy heka urile rabòtòranyre. Iurahakỹmy relere suròna ratyre heka rauranymy ritoosõnyre.

<sup>4</sup> Tahe tamyreny dexitỹnynyde Eliasi, Moisesi-wana tahe rarybemyhỹre Jesuisi-wana.

<sup>5</sup> Pedro rarybere Jesuisi-ò: —Wawedu, awityhymy inihe kaki ratxirenyreri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò.

<sup>6</sup> Pedro rieryõlemyhỹre aõmybo rarybekemy ruberumyhỹremy.

<sup>7</sup> Nonoe dobehede iubòròna bedede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamy bohoholabenyke.

<sup>8</sup> Tiiboho reteherenyre tahe inyõ robiõlerenyre. Jesuisilemy robirenyre.

<sup>9</sup> Dohedeu tahe inydee Jesuisi rarybere: —Uritere inyõ-ò tuu ijyyõmykre aõmybo tobitemy. Uritere Deuxu Riòre Hãbutyhyhykỹ rubu-ribi rexixareu, tai tahe tuu belyybenykre.

<sup>10</sup> Kia rybe wasimy riworenyre. Ixideerenyle wii ritỹỹraxinyreny: —Aõmybo rarybereri, rubu-ribi rexixamy nade.

<sup>11</sup> Tiiboho tamy rỹỹaxirenyre: —Aõherekibo bedede ywina erydỹỹ mahãdu rarybere Eliasi juhu kanakremy.

<sup>12</sup> Tii rirawyònyre: —Inatyhymy, Eliasi juhu nade. Ibutumy aõna aõna riywinykremy. Tewesebo raritananymy rỹireri: —Deuxu Riòre Hãbutyhyhykỹ aõna aõnany aõhõkỹmy rotỹỹnynihikỹre. Tahe tii inydee awiõhykỹre.

<sup>13</sup> Adeereny ararybekre: —Eliasi nade. Tule iny ixideewilemy tamy riwinyreny. Kaheka iaõmydỹỹnana riritinanymy rỹire.

<sup>14-15</sup> Jesuisi dehemynydeu taerydỹỹna mahãdu-ò, tahe robire iny sõwehekỹmy tahe bedede ywina erydỹỹ mahãdu taerydỹỹna-wana ritxiõnymyhỹre. Tahe Jesuisimy robireu, tahe tiiboho riumysaõnyreny. Raòrunyreny irybedỹỹmy.

<sup>16</sup> Tamy rỹỹraxire: —Aõmybo tamyreny tatỹỹraxinyteri.

<sup>17</sup> Inyõ rirawyònyre: —Erydỹỹdu, wariòre adee redyreri. Tii tyytybybina rybeõhõkỹ-di ratxireri.

<sup>18</sup> Tyytybybina rimyreu tahe riatyre bedede-ò. Idi tahe urile txuu riyiyinyre. Tahe tii rubureriwesele roire. Aerydỹỹna-ò jiarỹ rarybera tyytybybina riteranykremy, tahe tiiboho iruruõhyymyhỹ.

19 Jesuisi tamyreny rarybere: –Tiwesebededỹnanabo wijinabòdu ityhyòlemu rỹira. Tiwesebededỹnanabo awanareny ariijekemy. Wadee uladu bididyke.

20 Tahe didydenyde Jesuisi-ò. Jesuisimy robireu tahe tyytybybina urile raitxỹteitxỹteny resere. Idi tahe urile bede-ki rara òhòremy raratymyhỹ rybexi irywomy ròhònymyhỹ.

21 Jesuisi rỹraxire uladutyby-ò tiubedemybo taheka kaa binana tamy dehemynyde. Tii rarybere: –Uladuylale idi ròrarunyre.

22 Tiwese wese aòkò idi rehure bera-ò, heòty-ò rahukemy. Aò biwinykeki, jiarỹboho biwawiòhenanyke wijile. Kai biwaruxetòenybenyke.

23 Jesuisi rarybere: –Kai bityhynykeki, ibutumy aòna aòna rỹimyhỹre.

24 Aòwesele uladutyby rryryre idi tahe rarybere: –Jiarỹ retyhynyre, biwiòhenanykre aòbo rauhenyre.

25 Jesuisi iny sòwemy robire wii rotyrerimy, tahe riteranyre tyytybybina-ò: –Kai tyytyby rybeò tule roholaò iribi bòhònykre, tiu ixityre malòòtyhy.

26 Tyytybybina rryryre. Uladu ritxỹtenyre idi tahe ròhònyre. Uladu rubuwesele roire herimy. Tahe iny sòwemy rarybere: –Tii rurura.

27 Jesuisi rimyre tebò ritamadỹnyremy tahe uladu rỹire lamamy.

28 Heto ralorenreure ierydỹna mahādu tamy rỹraxirenyre: –Aòherekibo jiarỹboho tyytybybina riteònyòrenyra.

29 Tamyreny rarybere: –Kaiboho bexitòenybenykeki byreòna-di bonybenykeki, kiawesele heka ròhònyke.

30 Iribi ròhònyreure, Kalileia lowysy-di roirenyre. Jesuisi heka inyerydỹderamyhỹ tai ratximyhỹki.

31 Taerydỹna mahādu Jesuisi rierynanyemyhỹre. Jesuisi tamyreny rarybere: –Deuxu Riòre Hābutyhyhykỹ heka rawahidỹkre hāburenỹ-ò. Tii hāburenỹ rirubunykre. Idi tahe txu inataò txuu rỹidi tahe kedexixakre rubu-ribi.

32 Tiiboho rierykòlere tahe ruberurenyre tỹraxidỹki.

33 Idi tahe rehemynyre Kafanaò-ò. Ralore heto-ò. Jesuisi tamyreny rỹraxire: –Aòmywe widee tarybetenyteri ryro-ki.

34 Tiiboho urile roholarenyre rybeòlemy. Ryro-ki dori rarybemyhỹ mowexe wiribi aònimy ròhònykre.

35 Tahe Jesuisi ronyrenyredi, Jesuisi taerydỹna mahādu ributumy erydỹmy: –Inyò juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy.

36 Tahe Jesuisi uladuò rimyre risỹnyre iubetya-txi tahe taerydỹna-ò rarybere:

37 –Moò uladu kawese wadee riwiòhenanykeki, riwawiòhenanyre. Moò riwawiòhenanykeki, tule wateòdỹdule riwiòhenanyre.

38 Joaò tamy rarybere: –Erydỹdu, jiarỹboho tuu rabirenryra inyò tyytybybina-di ani-ò rehureriò. Tahe iny mahādurenỹ aòkò rare. Tahe jiarỹboho tamy reijònyrenyre iny mahādurenỹ dori aòkò rare.

39 Tahe Jesuisi rarybere: –Biijònybenyòkre. Inyò wani-di bedeòby riwinykeki, wanimy heka ibinamy rarybeòtyhy.

40 Iny òluduòkeki, tii heka iny ijoi rare.

41 Inyò beò adeereny waninamy riwahinykre-wana, kai waerydỹna dori tate, inatyhymy adee ararybekre. Tii tawahidỹna ritakre.

42 Inyò kaa uladu ityhydỹdu riatykre òraruna-txi, kia heka tamy awire tòti-ki myna ritaamy idi bera-txi rehure.

43 Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehekỹ-ò ralòkeki debò inatxi-di.

44 [Tai mohò ruruòtyhy. Heòty ruruòtyhy.]



<sup>45</sup> Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiõre heka heòtytòteehekỹ-ò ralokre awa inatxi-di.

<sup>46</sup> [Tai mohõ ruruõtyhy. Heòty ruruõtyhy.]

<sup>47</sup> Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiõre heòtytòteehekỹ-ò ralokre arue inatxi-di.

<sup>48</sup> Tai mohõ ruruõtyhy. Heòty ruruõtyhy.

<sup>49</sup> Ibutumy iny heka heòty-di rijyyranykre.

<sup>50</sup> Jyyra heka awire, saa wahe. Urile taruru riononykeki, tiwesebo tarỹsỹna uri ixybyle tawo-ki bitidikre. Kaiboho ibutumy widee eysarenylere.

## 10

<sup>1</sup> Jesuisi iribi rexitare. Tahe rare Judeia bedede-ò, tule Jordaõ kanawe-ribi ijà-ò. Iny sòwemy tamy ributunyre, tahe tiiboho Jesuisi riernanyre. Tii reòarimy tuu ratximyhỹre.

<sup>2</sup> Tamy lahi rybe-di erydỹỹdu mahãdu dehemynydenyde irutaadỹỹrenymy. Tahe tamy rỹỹraxinyre: —Hãbu aõbo tahãwyy ririleke, awire aõbo ibinare aõbo.

<sup>3</sup> Tahe Jesuisi tamyreny rirawyònyre: —Aõrybe bedede ywina-di Moisesi riernanyre.

<sup>4</sup> Tahe tiiboho Jesuisi-ò dirawyònydenyde: —Tii riernanyre iny tahãwyy ririkemy. Urile juhuu hãwyy bedede erydỹỹna rybe tyyriti riwinykemy, idi tahe tahãwyy ririkemy.

<sup>5</sup> Jesuisi tamyreny rarybere: —Òhõtixyre dori Moisesi kia rybe bedede ywina adee riwahinyre.

<sup>6</sup> Juhu bedeu Deuxu riwinyre hãbu, hãwyy-wana.

<sup>7</sup> Iurenana tahe hãbu tadibohosỹ-ribi ròhònymyhỹre tai roimyhỹre hãwyy-wana.

<sup>8</sup> Hãbu inatyhy hãwyy-wana roimyhỹreu, sohoji tyhylemy radenymyhỹre. Iny inatxi inymy aõkõ rỹimyhỹre, sohoji tyhylemy rỹimyhỹre.

<sup>9</sup> Hãbu hãwyy-wana Deuxu ributunyre, iny iwitxira wiribi ritòhòrarienyõtyhy.

<sup>10</sup> Hetowo-ki tahe ierydỹỹna ritỹỹraxinyre kia rybe-ki.

<sup>11</sup> Jesuisi tamyreny rarybere: —Aõtxile hãbuõ tahãwyy ririkeki tahe ijõ-wana roiikeki, kia heka òtadu rare.

<sup>12</sup> Hãwyy tahãbu ririkeki tahe ijõ hãbu-wana roiikeki, kia heka wedena rare.

<sup>13</sup> Tiiboho tamy didydenyde uladu tamy debò reakemy. Tahe ierydỹỹna riononymy rarybere tamy idyrenyõmykre.

<sup>14</sup> Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare.

<sup>15</sup> Inatyhymy ararybekre: —Moõ heka uladuwesemy Deuxu Iòlòna ralòõkeki, kia heka Deuxu Iòlòna-ò ralòõtyhy.

<sup>16</sup> Tahe Jesuisi rexiranyre uladu manamy taaxiò-ò rimyre. Tahe tebò iratyytyre ritidimy tamyreny rarybewihikỹre.

<sup>17</sup> Tahe Jesuisi rydi raloreu, hãbuõ tamy reare. Tahe hãbu iko-txi resere tatiowotimy. Rarybere: —Erydỹỹdu wihikỹ, aõwexe ariwinykre biu-ò hena aritakremy tiiehyymy umywihikỹ-di ararekremy.

<sup>18</sup> Jesuisi tamy rarybere: —Aõherekibo wihikỹmy wadee tarybeta. Hãbu awiõre. Deuxu sohojile tahe awire.

<sup>19</sup> Bede ywina kai teeryte: rubudỹỹõmykemy, tule òta òtaõmykemy, wasiõmykemy, tule ruiõmykemy, iny wii itxenadỹỹõmykemy, adi bityhynkemy, boo tule.

<sup>20</sup> Hãbu tamy rarybere: —Erydỹỹdu, kia bedede ywina rewinyhyylere, uladuule wiji-ò.

<sup>21</sup> Jesuisi tamy retehere tuu reòarire tahe rarybere: —Kai sohoji aõmydỹỹnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmydỹỹnadikre biu-txi. Tahe manakre biwaheludunykre.

22 Kia rybe-ki heka hãbu rabedewore. Rexitare ibedewomy urile iaõna aõna sõwetyhyreki.

23 Jesuisi retehemy iwerura-di tahe rarybera taerydÿÿna-ò: –Kia iny iaõna aõna sõwemy rÿireri, tamy Deuxu Iòlòna-ò ralòke isirare.

24 Ierydÿÿna mahãdu bededeòtiinyrenyre irybe-ki. Jesuisi ixityre rarybere: –Waexiboho, isiratyhy rare Deuxu Iòlòna-ò ralòkemy.

25 Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlòna-ò.

26 Tiiboho bedede ratiinyre sõwemy. Widee rarybere: –Mobo tahe iòraru-ribi iny ritakre.

27 Jesuisi iwerora-di retehere tahe rarybera: –Inatyhymy kãaõboka hãbu-ò isiratyhyre. Deuxu-ò tahe ibutumy aõna aõna isiraõre.

28 Pedro rexiranyre rarybere: –Boholake, jiarÿboho ibutumy rerirenyra araheludunykremy.

29 Jesuisi rarybere tamy: –Inatyhymy adeeremy ararybekre. Moõ waluukeki, rybewihikÿ luukeki, kia heka ririkre: heto, taseriõre, tyby tadi-wana, tariõre, tabede, ibutumy ririkre.

30 Wijile itarasamy rarekre: 100 sÿmy, 100 seriõre, 100 tybyboho, 100 tadiboho, 100 tariõreboho, 100 tabede. Iny tamy rarybebinanykre tule. Ijõ bedede kanakre tahe taumy tÿmyra-di tiemy rarekre.

31 Tahe sõwere juhu ludu ihewomy ròhònykre. Ihewo ludu ijõ iko-ò ròhònykre.

32 Tiiboho rydi raòwònyrenyre Jerusalẽ hãwã-ò. Jesuisi heka rare ikorenymy. Ierydÿÿna mahãdu bededeòtiinyre. Tiiboho Jesuisi riheludunymy ihewo-ribi. Tahe Jesuisi reraòmyhÿ idi rare waòinatxi reurò taerydÿÿna mahãdu-wana. Tii relyyre ixityre aõbo ixidee kÿnyikremy.

33 Boholabenyke inyboho roirenyreri Jerusalẽ-ò. Kowa, jiarÿ Deuxu Riõre Hãbutyhyhykÿ, inyõ riwawahinykre Deuxu aõmysÿdÿÿdu mahãdu wedu-ò, bedede ywina erydÿÿ mahãdu-ò. Kia warubudÿÿmy riwawahinykre tori-ò.

34 Tiiboho kidiwalahikre. Watyre kanarybexinykre. Òhòte-di kidiwahãtenykre. Idi tahe kidiwarubunykre inataõ txu-di. Tahe rubu-ribi adexixakre.

35 Joaõ, ijõ Txiau, wii Zebedeu riõre, tamy nade. Tahe rarybere: –Erydÿÿdu, kai aõma aõ wadeeremy biwahinykre.

36 Jesuisi rarybere: –Aõbohe jiarÿ adeeremy ariwahinykre.

37 Tahe tamy rarybere: –Kai, aiòlònasÿ-ò kedehemynykreu, aruruwe-ribi aronykre, waseriõre ahywewe-ribi ronykre.

38 Tahe Jesuisi rarybere: –Kaiboho teeryõlemahãte aõmybo textiõenyteri. Kaiboho aõbohe wabemona-di biõbenyke idi Jerusalẽ-ò adiòkremy wahãredi. Kaiboho aõbohe wasebena-di mohõlebenyke idi jiarÿ anohòkremy wãhãredi.

39 Tiiboho dirawyònyde: –Kohe tulekre. Jesuisi tamyreny rarybere: –Bemona-di ariòkre kaiboho tule idi biõbenykre. Sebena-di jiarÿ adohòkremy, kaiboho tule idi mohõbenykre.

40 Tahe mobo wabire ronykre ruruwe-ribi hywewe-ribi kia heka jiarÿle ariwahinyòkre. Kia tahe iyrubudÿÿmy rÿireri Deuxule kidiwahinykremy.

41 Tai debòwiò erydÿÿna mahãdu heka Joaõ-ò, Txiau-ò tamyreny iky reare.

42 Jesuisi tamyreny ryryre tamy kanakemy, tahe rarybere: –Kaiboho teerytenyete toriwedu irurusõwe dire. Iny nihikÿ heka inymy deòdu luure.

43 Jesuisi kiamy rarybere: –Kia wese tahe aworeny-ki aòkòkre. Kaiboho aõtxile mobo bòityhynyhykre, ijõ iny deòdumy rarekre.

44 Mobo juhutyhy rarelekre, deòdumy rarekre.

45 Deuxu Riõre Hãbutyhyhykÿ nade teòdu sõwekemy aòkò tahe ixilemy reòdunykemy. Nade taumy wahidÿÿmy sõwemy iny tarasamy.

<sup>46</sup> Idi tahe roire Ijeriò hãwã-ò. Jesuisi taerydỹna-wana iny sõwehekỹ-wana ròhònyrenyra. Tahe rahare Bartimeu ruetàhàkỹ-ki. Bartimeu tahe Timeu riòre rare. Tii ronyre rywe-ribi aõna aõnamy rexitòenyneri.

<sup>47</sup> Tii roholare Jesuisi Nazare ludu kia rare tahe tamy ryryra: –Jesuisi, Davi riòre, wadee maruxetòekre.

<sup>48</sup> Sõwemy tamy rarybere: –Rybeõmyke. Tahe aõhe-wana tii rarybemyhỹre: –Davi riòre wadi mawotòeke.

<sup>49</sup> Jesuisi riyyre tahe rarybere: –Tamy byryke wadee kodoikemy.

<sup>50</sup> Tahe rexitareu rỹire, wylemy nade Jesuisi-ò.

<sup>51</sup> Jesuisi tamy rarybere: –Aõmybo kai taruteri adee ariwahinykremy. Tahe hãbu ruetàhàkỹ tamy rarybere: –Wawedu, ixityre arobikremy.

<sup>52</sup> Jesuisi tamy rarybere: –Makre, atyhydỹna kai arateytenyra. Kialehe rare. Aõwesele ixityre tii robire. Tahe Jesuisihemy rare, ryki.

## 11

<sup>1</sup> Jerusalẽ iòhòmý ritehemynyrenyreu, tahe inatxi taerydỹna riteònyra hãwã-ò. Inatxi hãwã-ò iòhòmý, Betabaji, Betỹnia-wana. Kia-ò Oliveira hãwãlò roire.

<sup>2</sup> Jesuisi rarybere: –Kaiboho boikre kowa hãwã-ò. Kowa-ò birònykreu jumentinho mahabenykre. Moheka ityre rariaõlemy ratximyhỹre. Bieseke, wadee bididyke.

<sup>3</sup> Inyõ adeereny rarybekeki: –Aõhekremybo idi atxitenyteri. Tahe tamy marybebenykre: –Wanyrỹ tuu rurureri. Ixityre kaò kidiòkesedỹnykre.

<sup>4</sup> Tahe hãbu roire. Jumentinho ryro hetoijó-ki ritisanymy rỹimyhỹ. Tai riesere.

<sup>5</sup> Kia hãwã mahãdu rarybere: –Aõherekibo jumentinho kaiboho tetatenyta.

<sup>6</sup> Tai tiiboho Jesuisi rybe tamy riwahinyra. Tai hãwã mahãdu jumentinho riwahinyre.

<sup>7</sup> Tahe ridyrenyre jumentinho Jesuisi-ò. Tiiboho tatyreny ritidirenyre jumentinho tyremy. Tiiboho risỹnyrenyre Jesuisi ityre-ò.

<sup>8</sup> Ijõboho tahe horerule ritidire ryromy, ijõ tahe tauwòhi ryromy ritidire ityre rariakemy.

<sup>9-10</sup> Ihewo ludu, iko ludu rawyhyrarònyneri, tule ryryreri: –Tii heka wowydyna rare. Tii heka Wanyrỹ niwesekey naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

<sup>11</sup> Kia wese Jesuisi ralore Jerusalẽ-ò. Dohodỹna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

<sup>12</sup> Ijõ txu biòwamy tahe Betỹnia-ribi rexitarenyreu tahe tii rama rahure.

<sup>13</sup> Òwòru figueira rademy robirenymy irehe-ribi. Tahe tamy ritehemynyreu iraty-ki raharenyòlere, aõmyreki figueira raty bededỹnanamy aõkõ bede rỹimyhỹre urenana.

<sup>14</sup> Òwòru figueira-ò Jesuisi rarybere: –Tiu heka moõ araty ritòõtyhy. Tahe ierydỹna roholare.

<sup>15</sup> Tahe ritehemynyrenyre Jerusalẽ hãwã-ò. Tahe Jesuisi dohodỹna hetowo-ò ralore. Tahe kia-ribi aõna aõna-di rohonymyhỹre mahãdu, õbradu mahãdu diteònyde. Tahe nieru wibydydu mahãdu, òwòrubesedyỹ-di Jesuisi rehure. Bòtòe dinodu mahãdu rynana-di Jesuisi rehure.

<sup>16</sup> Inyõ heka ritxydyỹnyòlere dohodỹna hetowo-ki.

<sup>17</sup> Rierynanymyhỹre tahe tamy rarybere: –Raritidyỹòlemy aõbo rỹireri: Waheto kõaõboka inatyhymy ibutumy iny witxira witxira dee ixitòedỹna hetomy rỹirakre. Waheto tewinytenyte wasidu hetowesele.

<sup>18</sup> Bede ywina erydyỹ mahãdu, Deuxu aõmysdyỹdu wedu mahãdu roholarenyreu, ròhòtinyrenyre: –Timybo inyboho Jesuisi rubudyỹmy rokiwisỹnykre. Tiiboho ruberumyhỹrenyre iny sõwemy dori bede riòtiinymyhỹ ibedeerydyỹnareny-ki.

<sup>19</sup> Txioromy dehemynydeu, tiiboho rexitarenymyhỹre hãwãhãkỹ-ribi.

<sup>20</sup> Txu ròhòny-di, rehemynyrenyrene òwòru figueira-ò. Tiiboho robirenyre rarubumy r̃yireriò, taru-wana, tararoti-wana.

<sup>21</sup> Pedro ixi-txi tōhōti reare tahe rarybere: –Eryd̃ỹdu, betehe inihe aōma òwòru figueira rarubumy r̃yire arybebina-di tamy tarybetaki.

<sup>22</sup> Jesuisi dirawyònyde: –Kaiboho Deuxu bityhynymyh̃beny.

<sup>23</sup> Inyō rarybekeki kaa bedede ratòòhòk̃y-ki: –Kai myike, adi adehu r̃yikre berohok̃y-ki. Tahe irybe heka kedelekre. Tai inyō rityhynykeki, tummy heka kedelekre. Tahe uritere iseòd̃ỹomykre urile bityhynykre, irybe heka kedelekre.

<sup>24</sup> Iurenana adee ararybekre: –Aòtxile aō bexitòenykre, kia heka bitakre. Bityhynykeki, inatyhymy bitake.

<sup>25</sup> Kaiboho textòenytenyteri wana aōbo inydee aky reamyh̃re kia biix̃awidid̃ỹnymyh̃ke ratximyh̃re, Deuxu dori riix̃awidid̃ỹnyke aòrarureny-ribi.

<sup>26</sup> Kai iny witxira òraru biix̃awidid̃ỹnyōkeki, boo biu-ki ratximyh̃re aòraru riix̃awidid̃ỹnyōkre.

<sup>27</sup> Tiiboho ixityre doide Jerusalē h̃awā-ò. Ririranymyh̃renyreu dohod̃ỹna hetowo-ki, bede ywina eryd̃ỹ mah̃adu, Deuxu aòm̃ys̃d̃ỹdu wedu mah̃adu, matuari mah̃adu tamy doide.

<sup>28</sup> Tiiboho tamy rit̃ỹraxirenyre: –Mowe ateòd̃ỹdu kia aōna aōnamy tat̃ỹnymyh̃te.

<sup>29</sup> Jesuisi dirawyònyde: –Adeereny tule ar̃ỹraxikre. Kaiboho bidiwawyònykeki, tahe jiar̃ỹ akoreny ỹraxina arelyykre, aòrurudibo aōna aōna rewinymyh̃re.

<sup>30</sup> Tahe Jesuisi rit̃ỹraxinyre: –Ratysebed̃ỹna, Joaō h̃òrò, kia heka tiribibo nade, biu-ribi ada h̃abu mah̃adu-ribi. Kia manarybeke.

<sup>31</sup> Tiiboho widee rarybera: –Biu-ribi inyboho raryberenykeki, tai tii rarybekre: –Aòh̃erekibo tahe tii tetyhynytenyòte.

<sup>32</sup> H̃abu-ribi inyboho raryberenykeki, iny aruberumyh̃renykre. Ibutumy iny rityhynyre Joaō heka Deuxu rybedu raremyh̃.

<sup>33</sup> Tai tahe tiiboho raryberenyre: –Inyboho reeryòrenyrene. Tai tahe Jesuisi rarybera: –Hebo, jiar̃ỹ adee arelyyòtyhy modeòd̃ỹd̃ubo jiar̃ỹ watxireri.

## 12

<sup>1</sup> Iribi tahe Jesuisi tamyreny ijyy-di riernanymyh̃re: –H̃abu uva oworuō wese ròbròre. Tahe riòtitynyre. Tahe h̃aloo riare oworuubetya-ki, rũỹd̃ỹnymy. Tahe utò riwinyre. Idi tahe rihuòtere h̃abu mah̃adu-ò. Tahe rexitare tas̃y-ribi ijō bede-ò.

<sup>2</sup> Tahe bederatsiredemy beded̃ỹnana rehemynyreu, iwedu teòdu riteònyre bederaty ritakemy.

<sup>3</sup> Huòtedu mah̃adu teòdu rimyrenyrene, rihetenyrene tahe riteònyre ixihyykemy.

<sup>4</sup> Ixityre oworuwedu teòduō riteònyre. Kia heka irati rihetenyrene ta tamy rawobinarybenyrene.

<sup>5</sup> Ijō riteònyre. Kia heka rirubunyrenyrene.

<sup>6</sup> Tahe oworuwedu iriòre sohojilere, tahe iluumy raremyh̃ ihewomy tii riteònyre. tahe wedu rarybere: –Wariòrele heka tiiboho rityhynyrenykre.

<sup>7</sup> Kia huòtedu mah̃adu widee raryberenyrene: –Kia heka wedu aōna aōna tarasadu rare. Rikirubunykre tahe iaōna aōna inydeerenykre.

<sup>8</sup> Tahe rimyrenyrene idi rirubunyrene tahe idi rehurennyrene oworu-ribi.

<sup>9</sup> Jesuisi rit̃ỹraxinyrene: –Aòhebo tahe oworuwedu rot̃ỹnykre. Tii kodoikre huòtedu mah̃adu hudumy, tai tahe oworu riwahinykre inywitxira-ò.

<sup>10-11</sup> Ritina-di aōbo tariaòletenyte kia ryberiti:

–Mana-di hetowid̃ỹdu rehura. Kia mana heka hetoh̃atxi-ki ritidimy doide. Kia heka Wanyr̃ỹ riwinyrene kia iny ruerenyrene dee aōna aōna nihik̃y rare.

12 Tai ijohonadu mahādu Jesuisi mynomy ratximyhỹ tii dori rieryre ixidee lau Jesuisi ijyymy relyymyhỹre. Tiiboho ruberurenre iny sōwehekỹ lau. Tahe rexitarenre, rexixāwidinyre.

13 Idi riteōnyrenre Lahi rybe-di erydỹdu mahādu, Herodi mahādu-wana tamy imy-namy irybe-ki.

14 Tiiboho rarybere Jesuisi-ò: —Erydỹdu, jiarỹboho araerymy adi watxiwāhārenre kai inatyhy hābu tate. Iny ibutumy adee wiwese wiweselere. Inatyhymy iny-ò Deuxurymy teerynanyamahāte. Tahe tiiboho ritỹraxyrenre: —Awire aōbo ada ibinare aōbo nieru rawahinyhỹre bede dinodu-ò.

15 Timybo tahe, rikiōwiny aōbo ada aōkōre aōbo. Jesuisi rierymyhỹre tōhōtinanarenre, tahe ritỹraxyra: —Aōherekibo kaiboho tiwaurihitenyteri. Wadee womati nieruō bidiwy waitxerenamy.

16 Tahe tamy diwydenyde. Tahe tii ixityre ritỹraxyra: —Kawe moō tyytarasana rare, katahe moō tyyritina rare. Tiiboho dirawyōnyde: —Kiahe bede dinoduhōrō rare.

17 Jesuisi rarybere: —Hỹdebo, bede dinoduhōrō tahe tamy biwahinybeny tule tahe Deuxu aōna aōnahōrō tamy biwahinybeny. Tiiboho bede riōtiinyrenre.

18 Saduseu mahādu tamy nade. Kia heka iny rubu-ribi rexixamy aōkōre-riki riery-nanyhỹre. Tiiboho ritỹraxyrenre Jesuisi:

19 —Erydỹdu, Moisesi raritinyra bede ywina-di: —Hābuō rurukeki, tahāwyy iriōre ijōdiōkeki, tahe kia hāwyy tahābu seriōre-wana roike. Iriōredikre taseriōre rubuōwymy roikre.

20 Seriōre debōinatxi reurōmy raremyhỹ. Juhuu ijō roire hāwyy-wana. Tahe tii rurure iriōreōlemy.

21 Tahe ihewo ludu iseriōre wytese-wana roire. Tii rurure iriōreōlemy.

22 Ihewoludutyhy tule ibutumy roire wytese-wana, tahe ituerenre iriōreōlemy. Iròòbymy tahe hāwyy tule rurure.

23 Ixixanau tahe mohābubo tuu rarekre. Ibutumy dori wytese-wana roire.

24 Tai tahe Jesuisi tamyreny rarybere: —Kaki kaiboho teōsamy toite aōma ritina teeryōtenyteki. Tule Deuxururu teeryōtenyte.

25 Ixixanau heka moō roiōtyhy. Ibutumy iny yju wese rarekre biu bede-txi.

26 Kaiboho aōbo tatyrytinitynyōta iny rubu-ribi kedexixakremy. Kia heka raritinyryre Moisesi tyyriti-ki, òwōrusōmo ijyy-ki rỹimyhỹ. Iwese Deuxu rarybere Moisesi-ò: —Jiarỹ heka Abraō Deuxu rare. Ijai Deuxu rare. Ijaō Deuxu jiarỹ rare.

27 Jiarỹ heka rubu mahādu Deuxu aōkō rare, tahe iru mahādu Deuxu jiarỹ rare. Kaiboho teōsamy toite.

28 Bede ywina erydỹ mahāduō nade ijohonamy. Tahe tiiboho widee raryberenyry roholareu, Jesuisi tamyreny rirawyōnywihikỹreu, tahe tii Jesuisi-ò ritỹraxyrenre: —Tibo rybe bede ywina juhuure.

29 Jesuisi rirawyōnyre: —Ka heka juhu ludu rare: —Boholake Israeli mahādu, judeu ijoi mahādu wahe. Wanyrỹ, iny Deuxu sohojile rare.

30 Kia aDeuxu luuke ibutumy awo-ribi, aumytytyby-ribi, ibutumy aruru-ribi.

31 Ka heka ihewo ludu rare: —Kai abireluduluuke iwese ixiluuke wese. Ijō bede ywina heka ka ratyreōre.

32 Tahe Bede ywina erydỹ mahāduō rarybere: —Inatyhymy kai tarybeta. Deuxu heka sohojile ratximyhỹre.

33 Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahādu luukemy. Kia heka ibutumy iròduxiwelloo ratyre rare. Ibutumy wahidỹnaloodỹna ratyre rare.

34 Jesuisi rieryre kia hābu rirawyōnywihikỹre tai tamy rarybere: —Kai heka Deuxu Iòlòna-ribi irehemy aōkō. Tai tahe ibutumy ilau ruberure tỹraxydỹki.



<sup>35</sup> Jesuisi dohodÿÿna heto-ki rierynanyhÿreu, rarybere: –Timybo Bede ywina erydÿÿ mahãdu rarybemyhÿre Kristu Davi riòre raremy.

<sup>36</sup> Davi rarybere aõmybo Deuxu Tyytybytyhy tamy narybedemy: –Wanyrÿ rarybere Wanyrÿ-ò: –Bodony warurunawe-ribi. Txiòhe rare, aòludu awarawo-txi aritidikre.

<sup>37</sup> Tahe Davile Wanyrÿ rininire. Timybo tahe Davi iriòremykre. Tahe iny sõwemy deysana-di roholarenyre.

<sup>38</sup> Tii rierynanyhÿreu, rarybera: –Bexiemyhÿbeny bede ywina erydÿÿ mahãdu lau. Tiiboho heka tyyrehe-di riraluurenyre. Tiiboho heka rybedÿÿluurenyre hãwãhãkÿ riranaki.

<sup>39</sup> Dohodÿÿna heto-ki juhuryana luurenyre. Tule ta anarÿÿ rÿiwana, juhu ryanadile tamyreny awire.

<sup>40</sup> Tiiboho tule wytese urimynydu aõna aõna ritarenyre. Ixitòedÿÿna rehehekÿ rex-itòenymyhyrenyre. Tiiboho heka aõnihikÿmy aõhòkÿmy dÿÿnana riòwynyrenykre.

<sup>41</sup> Jesuisi retehemy rÿimyhÿ dohodÿÿna heto nieruhyna ratya-txi. Tii retehere timybo iny sõwemy tanieru-di tamy rehumyhÿ. Tahe ityhynihikÿ tamy sõwemy nieru-di rehure.

<sup>42</sup> Tahe nade wytese iaòkòdu mahãduò tii rare. Tii inatxi nieru sõmo-di rehure. Tanieru tahe nierukonana rare.

<sup>43</sup> Jesuisi ryryre taerydÿÿna-ò: –Inatyhymy adee araybekre. Kowa heka wytese nieru-di rehure ibutumy iny wixira ratyre.

<sup>44</sup> Kaa mahãdu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

## 13

<sup>1</sup> Dohodÿÿna heto-ribi ròhònyreu, ierydÿÿna tamy rarybere: –Erydÿÿdu, beteheke inihe mana nihikÿ-ò, hetohokÿ-ò.

<sup>2</sup> Jesuisi rirawyònyre rarybere: –Kaiboho betehebennykre heto nihikÿ-ò. Kia heka mana ijò wityre-ki rÿiòtyhy, ibutumy heka kedejuxunykre.

<sup>3</sup> Oliveira bederatòhòkÿ-ki tii ronyreu dohodÿÿna hetoko-txi, tahe Pedro, Txiau, Joaõ, ibutumy tamy doide rÿÿraximy iny-ribi irehemy.

<sup>4</sup> Wakoreny bedelyyke, tiubo kia kÿnyikre. Ibutumy aõna aõna kÿnyikre wana tibo iny bedeerynyrenykre.

<sup>5</sup> Jesuisi rexiranyre tamyreny rarybere: –Kaiboho anaitxenanydenyheny lau bex-iebennyke.

<sup>6</sup> Sõwemy dori roikre wanimy rarybemy rarekre: –Jiarÿ dori Kristu rare. Tahe iny sõwemy anaitxenanykre.

<sup>7</sup> Kaiboho wounarybe-ò, aõbinarybe-ò, boholakreu, breburenyõmykre. Kia heka kanakremy ratximyhÿre. Urile bededÿÿnana ikonany aõkòhyylemyhÿre.

<sup>8</sup> Uritere inylahinarenny, ijòlahinarenny-wana wii kidiaõbinanykre. Tule iòlòna mahãdu ijò iòlòna mahãdu-wana wii kidiaõbinanykre. Bede bedesu ijò hãwã-ki kanamytatakre. Tahe aõkòre rama kedeakre. Kia heka juhu aõhòkÿmydÿÿnana rarekre.

<sup>9</sup> Kai bexiekre anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodÿÿna hetowo-ki. Kiabohoko-txi wadee kaiboho kedelyykre inatyhymy aõna aõna rÿiremy.

<sup>10</sup> Rybewihikÿ juhuru ibutumy bede hãwã hãwã-ò kikitÿnydÿÿnykre.

<sup>11</sup> Tiubo aradyrenykeu, urile nohòtiõmy aõbo kaiboho marybebennykre. Kiautyhyle aõmybo rarybekremy bierykre. Kia tahe marybekre. Kai dori aõkò tarybemahãte, Deuxu Tyytybytyhy tahe rarybemyhÿre.

<sup>12</sup> Seriòre seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre.

<sup>13</sup> Ibutumy heka iny iy kedeakre wani òraru-ki. Kia heka ikonana-ò riijekreu, taumy tarasanakre.

<sup>14</sup> Aõna aõna binahakỹ kanakreu, ibutumy rahukemy. Tiibohe kanakeu itxi-nonana-txi aõkõ rarekemy, kaibohe mahenybenykre bederatòhòkỹ-ò, Judeia hãwã hãwã-ki ratxikeki, mahenybenykre.

<sup>15</sup> Inyõ hetotyre-ki ratxikeki, urile ròteõmy aõna aõna wydysymy.

<sup>16</sup> Inyõ bedero-ki ratxirekeki, uritere òkeseõmy tyy òrysymy.

<sup>17</sup> Kobexe heny hãwyy bòtòmý rỹira, tule hãwyy tariòre ritònomy rỹira.

<sup>18</sup> Bexitòenykre kia kanaheny bededỹñana sirau.

<sup>19</sup> Aõhòkỹmydỹñana kanakre tiu heka tuuõre. Juhule Deuxu bede riwinyreule wiji tuu yrubule bede roimyhỹre. Tiu heka kiamy bede roiõtyhy aõhòkỹmydỹñanamy.

<sup>20</sup> Deuxu bede iòhòmý rirawetyyòròkeki, moheka irumy ròhònýõtyhy.

<sup>21</sup> Inyõ adee rarybekeki: –Kaki heka Kristu ratxireri. Kowa-ki ratxireri. Uritere ityhydỹõmy.

<sup>22</sup> Sõwemy Kristu kanakre, urile Kristu inatyhy aõkõ rarekre. Tule Deuxu rybedỹñdu kanakre. Kia Deuxu rybedỹñdu inatyhy aõkõ rarekre. Tiibohe heka bedeòby riwinykre tule bede eryna. Deuxu hõrõ riitxenanykemy inatyhymy kãaõboka.

<sup>23</sup> Kaibohe warybe biyrubunykre. Adee ibutumy juhuule reòbitinyre.

<sup>24</sup> Idi webòhòna rỹira txuu, aõhòkỹmydỹñana itue-di, txuu heka rurunykre. Ahãdu tule rurunykre.

<sup>25</sup> Taina heka kedejuxunykre biu-ribi. Biururu raòweòwenykre.

<sup>26</sup> Iny retehekre Deuxu Rìòre dehemyryna-di. Biurawetyky-ribi kodobehekre. Kia heka lobixina kanabòtòranykre.

<sup>27</sup> Tahe taỹju kiditeònykre tawedu ijoihõrõ butudỹñmy.

Kidibutunykre ibutu bede bede konana-ribi, tule ibutu biukonana-ribi.

<sup>28</sup> Tahe figueira òwòru-ribi erydỹñna bierybenykre. Tahe iruru raixinykreu tahe, txiru ròhònnykre, tai tahe bierybenykre wyra iòhòreri.

<sup>29</sup> Tule kia aõna aõnamy bobibenykreu, tii iòhòlereri. Ijòkile wese nyide.

<sup>30</sup> Inatyhymy adee ararybekre, kia wijinabòdu itueõtyhy aõna aõna rỹikre hãrele.

<sup>31</sup> Biu, bede-wana ituekre, tahe warybe itueõtyhy.

<sup>32</sup> Moõ heka rieryõtyhy tiubededỹñnanamybo tii kòdòòsekre. Tule ÿju biutxile rieryõre. Tule iriòre rieryõre. Tule tyby sohojile rieryre.

<sup>33</sup> Kaibohe bexieke, beteheke. Kai dori teeryõtenyete tiubededỹñnanamybo kòdòòsekre.

<sup>34</sup> Kedehemyrykremy dori iwese hãbu tỹimý rarewese tii rexitareu, ririre tadeòdu. Tadeòdulemy tule ridyre itxeredu retehemyhỹkemy.

<sup>35</sup> Tahe betehe inihe teeryõteri dori tiubo kanakre heto wedu, txioromy ada ruwetya aõbo, ada hãnie hãbu rryry-di aõbo, ada txumy aõbo.

<sup>36</sup> Betehe inihe iny araraòlemy tii rehemynyreri aki rahakre atỹi-ò.

<sup>37</sup> Aõna aõnamy jiarỹ rarybemyhỹre, rarybera ibutu-ò: –Biijebeny.

## 14

<sup>1</sup> Kia-ribi inatxi txumy riuhenymy ratxireri anarỹỹ kodohònnykremy. Kia anarỹỹ wehityhynamy heka iny ratya-di reare. Tule orotxu anarỹỹ kia ròhònnyre. Tule Deuxu aõmysỹdỹñdu wedu mahãdu tule bede erydỹñdu mahãdu Jesuisi rimykykre ratxireri idi rirubunykemy.

<sup>2</sup> Tiibohe rarybemyhỹrenyre: –Kiahe aõkõre anarỹỹ rỹireriu, iny sõwemy inydeereny kana aõbinanyheny.

<sup>3</sup> Jesuisi Betỹnia hãwã-ki ratximyhỹu, Simaõ tyybina heto-ki ratximyhỹre. Jesuisi òwòru besedỹñbire-ki roimyhỹ. Tahe hãwyy aderòna òwynihikỹ-di lỹnyrena wihikỹ-di nade. Tai ihyna riwebòhònnyra tahe Jesuisi ratityre-ò ritxiwira.

<sup>4</sup> Inyõreny rexiykaranyke. Tahe widee rarybera: –Aõherekibo aderõna rahura.

<sup>5</sup> Inywitzira tahe iõwynykewi sõwemy nierumy kia-ò. Kia nieru-di tahe iny aõkõdu-ò rawahidỹnykre. Tahe tiiboho rexibynyreri hãwyy dee.

<sup>6</sup> Tahe Jesuisi rarybere: –Txiõhe rare, uritere ixibydỹõmyke. Tii heka aõwihikỹbo wadee riwinyra.

<sup>7</sup> Kiamy aõu aõu iny aõkõdu rỹikremy. Aõule heka tamy aõwihikỹ biwinybenyke. Jiarỹ tahe, aki aõu aõu aõkõlekre.

<sup>8</sup> Tii heka rexikonanany my ròwidỹre. Aderõna-di watyre ritxiwire wabede-ò jiarỹ raõule.

<sup>9</sup> Inatyhymy adeeremy ararybekre. Aõtxile Deuxu Rybewihikỹ iny relyykre. Kia-ò kahãwyy ijyymy relyykre, ibutumy iny idi rõhõtynykre aõbo riwinyredi.

<sup>10</sup> Tahe Judasi Isariò Deuxu aõmysdỹdu-ò rara Jesuisi tamy rawahidỹkemy.

<sup>11</sup> Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi riijemyhỹre aõu aõu bedewihikỹ tamyreny riwahidỹnykemy.

<sup>12</sup> Juhu orotxu anarỹtxure budoeni xiweloo rirubuny rahudi tahe Jesuisi erydỹna mahãdu tamy rarybere: –Titxibo anarỹ rỹsỹnamy biroxikemy atxiteri. Jiarỹboho kowa-ò aroikre.

<sup>13</sup> Tahe Jesuisi tamy rarybere: –Kaiboho boikre hãwãhãkỹ-ò. Tahe hãbu-wana wii biõbynykre butxi-di riwyreriò. Tahe tii biheludunybeny.

<sup>14</sup> Aõtxile hetoõ-txi ralòke, kaiboho marybebenyke hetowedu-ò: –Waerydỹdu rarybera: –Titxiwexe anarỹ rỹsỹna arirỹsỹkre waerydỹna-wana.

<sup>15</sup> Tii heka adee kiditeòsinykre hetowowitziraõ biu-txi. Ibutumy rexihumy rỹire inydeeremy. Kowa rỹsỹna inydeeremy biwinykre.

<sup>16</sup> Tahe ierydỹna rexitare. Roire hãwãhãkỹ-ò. Tahe ròhõnyre iwese Jesuisi relyyre wese. Tahe ibutumy rexihurenyre anarỹ-ò.

<sup>17</sup> Txiorou Jesuisi nade taerydỹna waõinatxi reurò-wana.

<sup>18</sup> Tiiboho õworubesedỹ riroximahãu, Jesuisi rarybere: –Kaiboho wawana teroxitenyteri sohojiõ biwawahinykre.

<sup>19</sup> Tahe urihimyo rexiranyre rabadewomy. Tahe widee raryberenyre: –Jiarỹle heka ariwahinykre.

<sup>20</sup> Tii rirawyõnyre: –Kaiboho, waõinatxi reurò mahãdu sohojiõ. Kia mahãduõ orotxu-di wawana rebenymyhỹ besero-ki.

<sup>21</sup> Inatyhymy Deuxu Riòre Hãbutyhyhykỹ rakre iwese iritina rỹirewesele. Kobexeheny kowa hãbu heka kidiwahinykre. Tamy iny awire kedeaõlede.

<sup>22</sup> Tiiboho riroxireriu, Jesuisi orotxu rimyre, raorore, rexitõnyre, tahe tamyreny riwahinyre. Rarybere: –Ãhãxe, kia heka waumy wese rare.

<sup>23</sup> Tahe vỹhynamona rimyre, rexitõnyre, tahe tamyreny riwahinyre. Ibutumy ibute bute iribi tuu riõrenyre.

<sup>24</sup> Tamyreny rarybere: –Kia wãhãlubu wese rare. Kia hãlubu heka rybe tỹmyra ywidỹna hãlubu rare. Kia inyboho kidinohõtijuadenykre. Wahãlubu heka kedeljuxunykre iny rabòrõnihikỹ dee.

<sup>25</sup> Inatyhymy ararybekre: –Ariõõtyhy heka õtetibederatyrupe tỹmyra ihyy tahe tiutxumybo Deuxu Iòlõna-ki ariõkre.

<sup>26</sup> Deuxuwimy rawinyrenyre, tahe rexitarenyre Oliveira bederatòhòkỹ-ò.

<sup>27</sup> Jesuisi tamyreny rarybere: –Kaiboho ibutumy wijirumy biwaribenykre. Kia heka iritina rỹire.

Itxeredu tahe rirõrenykeki, budoeni rahenykre.

<sup>28</sup> Tahe rubu-ribi adexixakreu, arakre akomy Kalileia-ò.

<sup>29</sup> Pedro rarybera Jesuisi-ò: –Ibutumy ararikeki, arariõtyhy.

<sup>30</sup> Jesuisi tamy rarybera: —Inatyhymy ararybekre. Wijirumy hãniehãbu inatxi ky-dyrykreule, kai iny wixira-ò biwatxiõnykre inataõ bedemy.

<sup>31</sup> Tahe Pedro rarybera tarurutyhymy: —Aõkõre, aratxiõnyõtyhy, ihãrele tahe awanale arurukre. Ijõ mahãdu tule kia wese rarybera.

<sup>32</sup> Tahe roire Kesemani hãwãmy ninadu-ò. Taerydÿÿna-ò rarybera: —Biwaraðmy bonykre kakile. Kowa-ò arexitðenykre.

<sup>33</sup> Tii ridyrenyre Pedro, Txiau, Joaõ-wana. Jesuisi rexiranyre rabadewomy ihyy rexitðenyre.

<sup>34</sup> Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre biijemy.

<sup>35</sup> Tahe iko-txi urihimyò rareu, resere. Rexitðenyre: —Waha, adee arexitðenykre. Adee awikeki, kia òraule tiu warðteõna.

<sup>36</sup> Tii rarybere: —Waha, adee ibutumy isiraõre. Kia bemona inyhe waròbi bitake inihe. Tahe wadeewi wadeewi-ki aõkõ watxireri, tahe adeewi-ki.

<sup>37</sup> Tii rehemynyre tai rahare rõrõrenymy roireriò. Rarybere Pedro-ò: —Simaõ, Tarõteri aõbo. Biijeõtyhy sohoji òramy bededÿÿnana.

<sup>38</sup> Biijebenykre, bexitðenykre, uritere rutaanamy ròteõmykre inatyhymy atyytyby irurudire tahe ade iruruõre.

<sup>39</sup> Tahe Jesuisi ixityre rare rexitðenyre ixiwesele.

<sup>40</sup> Ròsereu, ijõ-ki rahare rõrõmy ixiwesele, irurureny rautxienymyhÿ dori. Tiiboho rierykõre idi rirawyðnyrenyre.

<sup>41</sup> Tahe ixbyle ròsere tahe rarybere: —Morõbeny bexielehynybeny. Òra iòhòreri. Kia heka Deuxu Riòre Hãbutyhyhykÿ kanawahidÿÿkre òrarudu mahãdu-ò.

<sup>42</sup> Bitÿmynybenyke, rokoireny, walòsedÿÿdu iòhòmy rareri.

<sup>43</sup> Tii rarybereriu, aõwesele Judasi nade. Kia heka waðinatxi reurò mahãduõ rare. Tii-wana doide hãbu mahãdu mayrehe-di, òhòtemy debòna. Kia heka hãbu mahãdu doide matuari mahãdu-ribi, Bede ywina erydÿÿ mahãdu-ribi, Deuxu aõmysÿdÿÿdu wedu-ribi.

<sup>44</sup> Lòsedu tamyreny juhUU bede eryna riwahinyre. Kawese heka rarybere: —Kowa heka inyõ-ò aruwokre, tii heka hãbu rare. Bimybenykre, birarenybenywihihikÿkre.

<sup>45</sup> Judasi rehemynyrenyre, tahe rarybere: —Wedu, wedu. Tahe tamy ruwore.

<sup>46</sup> Juda ijoi Jesuisi rimyra.

<sup>47</sup> Kia ijoiõ mayrehe ritare tahe Deuxu aõmysÿdÿÿdu wedu deòdu nohõti riorore.

<sup>48</sup> Tahe Jesuisi dirawyðnyde: —Kaiboho mayrehe-di tiwaðrynyteri wasidu-wesemy aõmy, òhòte-di.

<sup>49</sup> Jiarÿ tahe dohodÿÿna heto-ki watximyhÿ txuõ txuõlemy adeereny araery-nanywãhãdenyde. Kowa-ki heka tiwamyõlemyhÿtenyte. Tahe aõbo iritina-ki rÿireri, kia heka kÿnyikremy.

<sup>50</sup> Ibutumy ierydÿÿna mahãdu ririrenyre, rihenyrenyre.

<sup>51</sup> Kia heka hãbuõ riheludunymyhÿ tyy tayredile rexitÿynymy tiiboho ridyrenyre.

<sup>52</sup> Tii tahe tyy ririre tahe rahenyre tadelemy.

<sup>53</sup> Deuxu aõmysÿdÿÿdu wedu-ò tiiboho Jesuisi ridyre. Bede ywina erydÿÿ mahãdu, matuari mahãdu-wana ributunyre.

<sup>54</sup> Pedro riheludunyre irehetyhytyhymy. Rehemynyre Deuxu aõmysÿdÿÿdu wedu heto-ò. Tai tahe ixitðeenymy heòtywera-ò rorukumyhÿ heto itxeredu mahãdu-wana.

<sup>55</sup> Deuxu aõmysÿdÿÿdu mahãdu wedu, tule dohodÿÿdu mahãdu alobixidu riijemyhÿre aõlemy Jesuisi òludu relyymyhÿre, Kia òraru-ki rirubunyrenykemy. Rahaõre.

<sup>56</sup> Sõwemy iny ruimy relyymy rÿimyhÿ. Iruinareny wiribi hitxi hitxilera.

<sup>57</sup> Ijõ mahãdu rÿimyhÿre relyrehãre ruimy rarybere:

<sup>58</sup> —Inyboho irybe-ò roholarenymy: Jiarÿ heka dohodÿÿna heto ariixãwididÿÿnykre kia heka hãbu iwidÿÿna rare. Txu inataõ-di ijõ ariwinykre iwidÿÿnaweseõre.

<sup>59</sup> Kia heka aõmybo tuu relyyrenyremy irybe wiribi hitxi hitxire.

<sup>60</sup> Deuxu aõmys̄d̄ȳdu mahādu r̄yire inys̄owetya-txi. Tii Jesuisi rit̄ȳraxinyre: —Kai aõbo biwarawyõnykre aõmybo relyyrenyneri adee òludumy.

<sup>61</sup> Tii rerawyõnyõlere ixyby tahe Deuxu aõmys̄d̄ȳdu mahādu rit̄ȳraxinyre: —Kai aõbo Kristu tate, Deuxu wityhy riõre.

<sup>62</sup> Jesuisi rarybera: —Jiar̄ȳ heka. Kaiboho betehbenykre Deuxu Riõre Hābutyhyhyk̄ȳ Deuxu rurunaweribi-ò ronyneri. Kaiboho tii betehbenykre Deuxu Riõre Hābutyhyhyk̄ȳ biuwetyky-ribi naderi.

<sup>63</sup> Deuxu aõmys̄d̄ȳdu wedu ityy riykara idi rarybera: —Aõherekibo ijõ alobixidumy iny rururenryeri.

<sup>64</sup> Kaiboho taholatenyta aõbina binalemy rarybereriò aõmybohe kaiboho tahõtinymyh̄tenyete. Ibutumy heka tawo riraõhõrenyrya rubudukremy.

<sup>65</sup> Tahe ijõ ityre rybeximy rarutaara rexiruehetynyre tahe tule rihetenyre. Tahe rarybere: —Mota làhà arahātenyrya. Idi tahe heto itxeredu tule rihetenyre.

<sup>66</sup> Pedro heka ratximyh̄ȳ bedeube-ki tahe ijadõma dehemynyde, Deuxu aõmys̄d̄ȳdu deòdu.

<sup>67</sup> Pedro rexitõteenymyh̄ȳ heòtywera-ò tahe ijadõma tamy retehere. Tahe rarybera: —Kai tule Jesuisi Nazare ludu-wana atximahāte.

<sup>68</sup> Tahe tii rexitxiõnyre: —Jiar̄ȳ reeryõre aõmybo kai tarybeteri. Tahe Pedro hetowo-ribi ròhõnyre.

<sup>69</sup> Ijadõma ixyby ixyby itxeremy rarybere kowa ijoi-ò: —Kowa heka tii mahāduõ rare.

<sup>70</sup> Tahe tii ixityre rexitxiõnyre. Ixybyle kowa ijoiõ Pedro-ò rarybera: —Inatyhymy kai ijõ mahāduõle tate. Kai dori Kalileia mahādu tate.

<sup>71</sup> Tii inatyhytyhyrybemy rarybera: —Jiar̄ȳ reerykõre hābumy tarybetenyteri.

<sup>72</sup> Tahe hānie hābu ryryra, inatxi hewoludumy. Ta Jesuisi rybe-txi Pedro tōhõti reare. Iwese Jesuisi rarybere: —Inatxi hānie ryrykredi, ihewoludukomy ryrykre, wadee bedexitxiõnykre inataõmy. Pedro tahe iribi rexitareu, rahinyre.

## 15

<sup>1</sup> Txuu reareu, Deuxu aõmys̄d̄ȳdu wedu, matuari mahādu, Bede ywina eryd̄ȳ mahādu ibutumy ributumyryre. Tahe Jesuisi ritaataare tahe ridyrenyrye Pilato-ò.

<sup>2</sup> Pilato Jesuisi-ò rit̄ȳraxinyre: —Kai aõbo judeu iòlò tate. Tii rirawyõnyre: —Kai ka tuu tarybeta.

<sup>3</sup> Deuxu aõmys̄d̄ȳdu mahādu wedu rarybere Jesuisi aõna aõna awimy aõkõ riwinyre. Tahe Jesuisi riwawyõnyõhyllere.

<sup>4</sup> Pilato ixybyle r̄ȳraxire: —Kai birawyõnyõtyhy aõbo. Kai aõbo taholaleteri aõmybo tiiboho autedé-ò raryberenyneri.

<sup>5</sup> Tahe Jesuisi rarybeõhyllere tahe Pilato urile bede riòtiinymyh̄ȳre.

<sup>6</sup> Kia heka juhū iny deòwarixina rare hābu ròteduõ ritakemy anar̄ȳtxuu. Aõtxile iny tamy rexitõenyke.

<sup>7</sup> Ròtenawo-ki raremyh̄ȳ inyõ Barabamy ninadu-ki. Tii tahe inywitxira aõbinadu mahādu-wana ratximyh̄ȳ. Kiamy inydinodu òraru-ki aõbina r̄yireki, tii iny rirubunyrye.

<sup>8</sup> Iny s̄owehek̄yky-ki doide, tahe rexiranyre ixitõed̄ȳmy: iny deòwarixina kòdõhõnykre.

<sup>9</sup> Pilato dirawyõnyde: —Adeereny ariòlòd̄ȳnykekõ aõbo ka judeu iòlò.

<sup>10</sup> Tii rieryre dori Deuxu aõmys̄d̄ȳdu mahādu wedu tamy Jesuisi ridyrenyrye iwobinarenry lau.

<sup>11</sup> Deuxu aõmys̄d̄ȳdu wedu inys̄owe riixitõed̄ȳnyre Baraba riòlòd̄ȳnykemy.

<sup>12</sup> Pilato rit̄ȳraxinyre ixybyle: —Aõhebo tahe idi arot̄ȳnykre. Kaiboho tuu teninimyh̄tenyete judeu iòlòm̄y.

<sup>13</sup> Tiiboho rirajuarenryre: —Bitamad̄ȳnyke itxeò nihik̄ȳ-ò.



14 Ta Pilato tamyreny ritỹraxyre: —Aõbina taka riwinyre. Aõhe-wana ixityre rira-juamyhỹreny: —Bitamadỹnyke itxeònihikỹ-ò.

15 Pilato inydee aõ riwahinykemy rõhõtynyra, tai ta Baraba riòlòdỹnyre. Idi tahe Jesuisi riyhytanymy rahudi, riteònyre itxeònihikỹ-ò riukòrenykremy.

16 Soldado ridyrenyre heto woube-ò. Tai tahe ibutumy soldado ributumy.

17 Tahe tyysòborehekỹ-di rityynyreny. Tahe ede rataana ritidire ira-ò.

18 Tahe rirybenyreny: —Adee nihikỹre judeu iòlò.

19 Tahe rihetenyre bòtòre-di irati-ò, tahe ityre rarybexinyre tahe rỹire tatiowotimy rityhynykemy.

20 Tahe tyysòbore iribi ritara, tahe ityyle tamy ritidira. Inatyhymy ridyreny itxeònihikỹ-ò riukòrenykremy.

21 Kowa-di rekoarenyre hãbuõ. Simaõ Sireni inire. Kia heka Alexỹdre, Rufu-wana tyby rare. Tii nade bedero-ribi. Tiiboho tahe riitxydyỹnyre itxe-ò-di retyykemy.

22 Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare.

23 Tiiboho vỹ riurinyre òwòruburu-wana. Tahe tii tuu riõõlera.

24 Itxeònihikỹ-ò raukòrenymy rahudi tahe ity wirarea riatyre, tahe ityy-di rarudeòsanyre tibo iny sohoji sohoji ity riwykremy.

25 Biurasò txu Jesuisi itxe-ò-ki raukore.

26 Iratya-ki tahe ritina rỹire: JUDEU IÒLÒ. Kia heka iny tuu rarybemyhỹreny.

27 Tahe tii-wana inatxi wasidu itxeònihikỹ-ò riherinanyre, ijõ ruruweribi-ò, ijõ hyweweribi-ò.

28 Tahe rotỹnyre aõbo Deuxu ritina-ki rỹire wese: Tii ratximyhỹ òrarudu mahãdu-wana.

29 Iny reareare tara riohowimy rarybere aõbina binamy: —Kobe, kai korihe dohodỹna heto biatykemy inataõ txudile tahe ixityre bidiwinykre.

30 Kaile inyhe bexitakre itxe-ò-ribi.

31 Iwesehyyle Deuxu aõmysỹdỹdu wedu, bede ywina erydỹ mahãdu-wana widee raryberenyre. Jesuisinimy raujõmorenyreri: —Tii iny witxira ritare, tiile tahe rexitaõtyhy.

32 Kristu, judeu Iòlò, bodobeheke itxe-ò-ribi jiarỹboho arobirenykremy, tai tahe aratyhynyrenykremy. Tule wasidu tii-wana raukòreny itxe-ò-ki Jesuisimy raujõmorenyre.

33 Txutyeyu ibutumy bede rurunyre. Tahe roire txu kaò resemy.

34 Kiaule tahe Jesuisi rarybeterenyre: —Elòi, Elòi, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite.

35 Ijoiõ heka tamy roholareu, rarybere: —Tii heka Eliasi-ò rryreri.

36 Hãbuõ reare bexi ritỹxinyre vỹ juberere-di idi tahe ritidire tabòtòrejura-ò. Ri-wahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aõbo inyhe itarasamy.

37 Jesuisi rryre irariemy idi rurure.

38 Dohodỹna hetowetty raykare inatxi weryna tyymy, biu-ribi, bede-ò.

39 Soldado dinodu Jesuisiko-txi ratximyhỹre. Tahe rurureu, irubumy robire. Tahe rarybere: —Ka heka inatyhymy Deuxu riòre rare.

40 Tule hãwyy mahãduõ retehemy rỹimyhỹ irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihỹre ijõ-wana.

41 Kia heka Jesuisi Kalileia raremyhỹ, tiiboho tahe sòwemy iny-wana doide Jerusalẽ-ò.

42 Txioromyhe dehemynyde. Wirareasanatxu rare. Kia heka sabadotxukokile rare.

43 Jyje Arimatea hãwã ludu dohodỹdu nihikỹõ rare. Tule heka tii riraòmy ratximyhỹ Deuxu Iòlòna. Tii ruberuõlemy rare Pilato-ò Jesuisiumymy ixitòedỹmy.

<sup>44</sup> Pilato rabedeòtiidỹỹnanyre Jesuisi rurumy roimyhỹdi tai ryryre soldado dinodu-ò. Tai Pilato ritỹỹraxinyre, Jesuisi rurumy roimyhỹdi.

<sup>45</sup> Soldado rarybereu Jesuisi rurumy roiremy tahe Pilato riteònyre Jesusiumy Jyje-ò iwahidỹỹmy,

<sup>46</sup> Jyje ritare itxeònihikỹ-ribi tahe ritỹtenyry tyyurahãkỹ-di. Idi tahe ritidirenyre mana hãloo wabedewo-ò. Tahe mananihikỹ-di riijòtòbònyra.

<sup>47</sup> Marie Madalena, ijõ Marie Jyrese reteherenyre titxibo tii ritidirenyreò.

## 16

<sup>1</sup> Tahe nobiutxu, Marie Madalena, ijõ Marie-wana ihewoludu Marie, Txiause, Salomese-wana rare. Tiiboho lỹnyrena riõbranyrenyry. Tahe roire Jesusibymy idi rekoakremy lỹnyrena-di.

<sup>2</sup> Juhutxu semana bededỹỹnanau txuu deadeule roire wabede-ò.

<sup>3</sup> Widee raryberenyre: –Mowexe mana ritakre ijò-ribi.

<sup>4</sup> Tahe tuu robirenyre. Mana nihikỹ ritamy rỹire.

<sup>5</sup> Wabede-ò rirònyrenyry, robirenyre weryrybòweselemy rononymhỹ ruruweribi-ò. Ityy urahakỹmy rononymhỹ. Tahe tiiboho bede riòtiinyrenyry ruberurenymy.

<sup>6</sup> Tii tamyreny rarybera: –Uritere breburenyõmy. Kaiboho aõbo teòrytenyta Jesuisi Nazare ludu. Kia itxeò-ki rurure. Tii aõkõ kaki ratxireri. Rexixara rubu-ribi. Betehebeny inihe tai ritidiraò.

<sup>7</sup> Makre. Marybekre ierydỹỹna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy.

<sup>8</sup> Tahe tiiboho rihenyrenyry wylemy wabede-ribi ruberumy. Tiiboho moõ heka rarybeõhylyrenyry ruberumyhỹrenyry.

<sup>9</sup> Juhutxu semana bededỹỹnau Jesuisi rubu-ribi rexixare. Idi tahe juhuu àsitereribile rexitỹnyry Marie Madalena dee. Kia-ribi heka juhuule ritare debò inatxi reurò tyytybybinamy.

<sup>10</sup> Tii rare Jesuisi-wana raremyhỹ mahãdu-ò. Tiiboho rabedewomy ratximyhỹreny, rahinymyhỹreny.

<sup>11</sup> Tamyreny relyyreu iwese Jesuisi tamy rexitỹnyry wese Jesuisi irulemy ratximyhỹmy tuu robireke, rityhynyõlerenyry.

<sup>12</sup> Jesuisi rexixamy rahudi tahe, iwitxiramy rexisỹnymy inatxi erydỹỹna-ò. Tiiboho heka roimyhỹrenyry bedero-ò.

<sup>13</sup> Tahe dòõsede relyyrenyry tajjoi-ò, tahe tule rityhynyõlerenyry.

<sup>14</sup> Tahe waòsohoji reurò erydỹỹna-ò Jesuisi àsitereribile rexitỹnyry. Tiiboho riroximyhỹrenyò rexitỹnyry. Tahe Jesuisi tamyreny rarybera: –Aõherekibo kaiboho iny wamy robira mahãdu tetyhynyõteri.

<sup>15</sup> Kaiboho boibenyke ibutumy bede bede-ò Rybewihikỹ bitỹnyrykremy.

<sup>16</sup> Inyõ Rybewihikỹ rityhynykeki, idi kidisebenykeki, tii Deuxu ritake. Inyõ rityhynyõkeki, Deuxu ixi-ribi riteònykre iòraru-ki.

<sup>17</sup> Kia bede eryna ityhydỹỹdu kidiheludunykre. Tiiboho tyytybybina kiditeònykre wani-ki. Tule heka tiiboho itỹmyra rybe kanarybedenykre.

<sup>18</sup> Hemyllala rimyrenyreu, aõhe rotỹỹnyõlere tule rubuna monamy riõkeki, rotỹỹnyõlere. Tiiboho tebò ritidirenykre bina mahãdu-ò tahe riteytenykre.

<sup>19</sup> Idi tahe Jesuisi tarybe rahuredi, Deuxu ridyry biu-ò. Tahe ronyre Deuxu ruruweribi-ò.

<sup>20</sup> Tahe tiiboho roire ibutumy bede bedemy tai bede ritỹnyryrenyry. Wanyrỹ riwìohenanyrenyry tahe bede eryna-di irybe ixidee rimyrenyry ihelududỹỹdu mahãdu-ò.

## Luka Deuxu Rybe Wihikỹ Tỹmyra, Luka Tyyritidỹỹdu

1-3 Wyla, Teòfilo. Adee heka watyyriti ariwahinykre timybo Kristu rotỹỹnyre. Tuu lobixidu mahãdu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinytyhyre, waiòlò, iwese ibutumy reeryrenyrehu bededỹỹna-ribi. Aõma inatyhymy kia rotỹỹnyny rare wahe.

4 Kia wese wahe. Iwese iny adee relyyre wese, jiarỹ adee arelyyre inatyhymy aõbo rotỹỹnyre.

5 Zacaria heka Deuxu xiwe wahidỹỹdu rare, Abia ijoiõ wahe. Iriòrese Isabeli tahe tule xiwe wahidỹỹdu riokore mahãduõ rare. Kiau heka Herodi judeu bedesỹ iòlòmny raremyhỹ, Araõ riokore mahãduõ wahe.

6 Wiwanale heka awirenyre Deuxuru-ò. Òbitihyy heka ratximyhỹrenyrehu ibutumy Deuxu bededỹỹnanako-ò.

7 Tiiboho iriòreõhyyre. Ihãwyy Isabeli heka rasenadunyrehu, uladu herina dori awiõre. Ihãbu tule ramatuarinyre.

8 Aõutxumy tahe Zacaria raaõmysỹdỹỹnynyrehu aõma templo-wa-ki. Kiatxu heka iròtenatxumy bede rỹimyhỹre templo-wa-ò. Tahe iwo-ki ratximyhỹre.

9 Hewydysi lỹnywi ritoonynyhỹ Deuxu kia deàlànany, iwese riwinynyhỹrewesehyyle.

10 Iu ahana-ki tahe sõwemy iny rexitòenynyhỹ.

11 Iu Zacaria xiwena ruruwe-ribi loosòna-ò rỹireu, hewydysi lỹnywi ritoonynyhỹre. Tahe aõwesele ýjuõ rexitỹnyre Zacariako-ò.

12 Tii tuu robireu heka rexiraòmny ruberumy reare.

13 Ýju rarybere: –Brebuõmykre, Zacaria. Deuxu roholare aixitòedỹỹna-ò. Tai heka adee ijyymy rareri. Ahãwyy Isabeli rariòrenykre. Kai heka Joaõmy bininikre.

14 Tai kaiboho heka iura heka beysabenyke sõwemy; ijõ iny tule reysakre iòraru-ki.

15 Tii heka hãbutyhyhykỹmy rarekre Deuxu dee tiu heka wĩ riòõtyhy mona hàrihikỹ riòõtyhy. Deuxu Tyytybytyhy. Juaõtykymy ralokre tii reareu.

16 Sõwemy heka aõma Israeli mahãdu Deuxu rityhynykre iòraru-ki wahe.

17 Tii heka hãbutyhyhykỹmy rarekre Deuxu rybedumy Elia wesemy. Tii heka aõma Deuxu deòdỹỹna juhuhu rehemynyny reakre ikòlemy iny ywisidỹỹnakre rehemynykre juhuhu, aõma Deuxu Tyytybytyhy dehemynyna riijemy tuu rehemynyny rakre. Tii bede ywina riòbitinykre inyy-ki. Tyby tariòre-wana wii riwoxinykremy. Tii heka iny ribedeerynykre aõma òbitimy rỹirakremy. Deuxu luumy rỹirakre aõma ilahireny rỹira wesemy juhuhu.

18 Zacaria rarybere ýju-ò: –Jiarỹ ramatuarinyre timykre heka? Hãwyy tule rase-nadunyrehu ihãrele òsana tukre.

19 Ýju rarybere: –Jiarỹ Gabrieli watzireri, Deuxu deòdutyhy wahe. Tii heka diwa-teònyde kaò adee rybemy wahe.

20 Kai tetyhynyõhytyeri tai kai marybeõkre uladu reakre xiery tahe marybekre. Kaa adee rarybereri dori òbitimy rarybereri warybemynany ibutumy rỹikre.

21 Iny riraòmny rỹimyhỹ Zacaria òlòna, tahe raroorehenynyhỹ. Iroorehena riryõhyymyhỹreny. Dòhònydeu ta, rybe-ki rexisiranyny rarybeõhyyre.

22 Tii rehemynyrehu tamy rybeõhykyre rahòra. Idi tebò-di raramynyre urile rybe riwisỹnyny rarybeõhykymyhỹre aõma timybo aõhebo rotỹỹnyrá heka riòbitinykemy heka rarybeõhyymyhe timyrabo.

23 Tahe taaõmysỹdỹỹna rihudi, taheto-ò ròòsere ixbyby.

24 Idi tahe Isabeli rabòtònyre iruwyre ahãdumy bede riijere rexiwòmny.

25 Isabeli rarybere: —Deuxu awi heka rare, riwatare waix̄runa-ribi. Kuladu wadeke riwahinyreri.

26 Ijō ahādu tahe Deuxu Gabrieli riteònyre Nazare hāwā-ò Kalileia bede-ò.

27 Ŷjuō heka rybe-di ijadòma-ò. Kia ijadòma heka wii ritobinymy r̄ireri tybyboho iseboho Jyje-wana roikremy. Jyje heka iòlò Davi kia mahāduō rare. Ijadòma tahe Marie inire.

28 Ŷju heka kiamy rarybere: —Beysakre Marie! Inynyr̄ heka awana ratxireri. Bedeòbyhyk̄y adee kidiwahinykre. Tii arāwowydynreri.

29 Kia rybe-di tahe Marie rexiraykynyre. Tii rieryōmy aōmybo rare.

30 Tahe Ŷju tamy rarybere: —Marie, Brebuōmy! Deuxu teteysanyte. Kai awi heka rare. Tii aōwihik̄ybo adee kidiwahinykre.

31 Kai heka mariòekre, uladu heka Jesusimy raninikre.

32 Tii heka hābu nihik̄y rarekre. Tii Deuxu riòremy raninikre. Deuxu heka tii iòlòmy ris̄nykre, iwese Davi alabiehek̄yreny ronyre wese, tii ronykre.

33 Tii heka ibutu Ijaò mahādu iòlòmy rarekre. Iòlòna heka tiu itueōtyhy.

34 Tai tahe Marie Ŷju-ò rarybere: —Jikar̄y heka ijadòkòmatyhy watxireri. Timykibohe krabòtònykre.

35 Tahe Ŷju rirawyònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre.

36 Nohōti lusaōmy anymy-ribi Isabeli riki bòtòkōmy rareke-ribi tahe bòtòmy ratxireri. Debò sohoji reurò ahādumy iahādu.

37 Deuxu dee heka tiu aō isiraōre.

38 Marie rarybera: —Jikar̄y Wahī dekòdu rare. Anomybo tarybeteri ka ibutumy rekyrubunyreri. Wadeke awire. Anowaxina tuukre irybemynamy karot̄yk̄nykre. Idi Ŷju rikōmy reare.

39 Idi ta tii heka Isabeli roramy rare. Zacaria s̄my Judeia bede hāwālò hāwā bede-ki.

40 Iu Marie rehemynyreu tahe wii rirybenyreny:

41 Tiu kia aōbo uladu Isabeli kia-ki iule rexiwatxinymyh̄ Marie-ò. Isabeli heka t̄xiyk̄le Deuxu Tyytybytyhy-di ratximyh̄.

42 Riajuamy rare deysana-di sōwere: —Kai hāwyy ibutu-ribi deysana rarekre. Auladu tule deysana rarekre.

43 Anoherekibo Wahīse waroramy naderi. Jikar̄y ano anokō rare.

44 Adeke rahokujareku, kuladu wawoku-ki rexilòrelòrenymyh̄ tabedesa-di. Tai tahe Isabeli r̄ȳraximy ratximyh̄re Deuxu Tyytybytyhy-di.

45 Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy rāikre.

46 Marie rarybere: —Jikar̄y wawoku-ribi Wahī rewokuwydynyre.

47 Wawokuribityhy wadekysareri Wahī watarasadu dokuri rare.

48 Ihyky tahe tiki tekòdu-ribi walanokonakona-ribi tōhōti rosakre. Tahe iny ibutumy hāwyky dekysanamy riwaninikre.

49 Deuxu dokuri anomyd̄k̄nana wiwihik̄y wadeke riwahinyre. Tii tahe ityhy rare.

50 Tikiemy inydeke ruxetòena riwahinymyh̄re iny tamy wowydyna riwahinyrekí.

51 Ixityhy nohōtidu mahādu tiki rehure.

52 Bede ikòlò sōwemy tiki rehure. Tule iny ianokō mahādu Deuxu riwikòhenanymyh̄re.

53 Rama risamahādu deke r̄s̄yna tiki riwahinyre.

54 Irybe tahe tiki rityhynyre anobo tiki inytybyreny deke tiki raryberemy. Tikibohe tahe Deuxu riwikòhenanyre.

55 Ruxetòena tahe Abraō deke riwahinyre tule tikiemy iriokore deke riwahinymyh̄re.

56 Marie tahe inataō ahādu Isabeli-wana riwyyra. Idi tahe tas̄y-ò ròðsera.

57 Beded̄ȳnana Isabeli-ò rehemynyre. Iriòre reakremy ratxireriu, Iriòre reare.

<sup>58</sup> Isy mahādu heka teysana-ò roholarenyre, iery mahādu tule rabedesarenyre tamy Inynyrỹ raruxetòenyredi, Inynyrỹreny ruxetòena tamy riwahinyreki.

<sup>59</sup> Tahe debò inataõ txu-di, uladu notyky resynamy bede rỹire. Zacaria raninykemyre.

<sup>60</sup> Tai tahe ise rarybere: —Anokõre, Joaõmy rarekre.

<sup>61</sup> Isy mahādu rarybere: —Joaõmy ninadu taheka ijõkõhykyre inysỹreny-ki. Anoherek-ibo tuukre? tai tuu raninike wahe.

<sup>62</sup> Tuu Zacaria-ò rỹỹraxireny: —Momybo raninykre?

<sup>63</sup> Tahe Zacaria tababese riòreõ rimyre. Riritinyra kia: —Joaõ heka inikre. Tahe ijõ mahādu ibutumy ribedeòtiidỹnyre.

<sup>64</sup> Iu tahe Zacaria rarybere Deuxu riwowydynyre. Tahe ibutumy isy mahādu heka ruberure.

<sup>65</sup> Ibutumy heka tii relyy my raremyhỹ Judeia mahādu hāwālò nihikỹmy.

<sup>66</sup> Ibutumy tamy roholaré heka raryberenyre: —Timybo uladu rarekre? Inynyrỹ idi tarukimy iweribikre.

<sup>67</sup> Tahe Deuxu Tyytybytyhy heka Zacariatykymy ralore. Tahe Deuxu aõmydỹỹnanamyhe relyyre timybo rabededỹỹnananykemy. Tii rarybere:

<sup>68</sup> —Judeu mahādu Deuxu awi rare. Tii dori taijoi roramy nade.

<sup>69</sup> Iwiòhedỹỹmy tulemy tarasadu tyhy Tii heka Iòlò Davi mahāduy rare.

<sup>70</sup> Deuxu Rybedỹỹdu mahādu kia wesemy tuu raryberenyre.

<sup>71</sup> Inydireny òludu mahādureny-ribi riki iny ritarenkyre. Iny-di heka raruxetòerenyra.

<sup>72</sup> Tahe iny-ribi tõhõtireny rosaõhykyra. Tahe rarybekre timybo raryberemy inytybyreny.

<sup>73-75</sup> Tii heka iny ritarenkyre inydireny ratxireri inyòludureny-ribi. Kia-ò heka rarybere inylabiereny Abraõ-ò. Tai heka rikiwiòhenanyrenyke brebuõlemy. Òbitimy iko-ò rakatxirenyhykyre.

<sup>76</sup> Kai wariòre Deuxu rybedumy mabekre. Kai heka mabekre Deuxuhukỹ rybemy rybedumy. Kai heka bõhònykre Inynyrỹ-kò iry biywinykemy.

<sup>77</sup> Asỹ mahādu-ò marybekre biu-ò hena kanakremy ihỹre. Deuxu heka tõhõti rosakre iòrarunareny-ribi.

<sup>78</sup> Iny Deuxureny dori inydeereny ruxetòedu rare. Tii heka biu-ò hena ibutu-ò kidiõkre, tarasana wahe.

<sup>79</sup> Kia bede lurumy rỹira mahādu biuloosònamy robikre.

Zacaria rybe tahe rikonananyre. Loosòna ywinary-ò tahe ritỹnykyre.

<sup>80</sup> Ihewo-ribi tahe uladu ratybienyre taumy-di Deuxu tyhydỹỹna-ki tule. Tii heka bederahy-ki raremyhỹ. Tiutxumy rexitỹnykyre judeu mahādu-ò.

## 2

<sup>1</sup> Kia mahādu iòlò Augusto inire. Kia heka ibutumy bede-ki inyni rityyritinykemy bederiywinyre.

<sup>2</sup> Kurina heka Siria bede dinodu rare.

<sup>3-4</sup> Jyje heka Nazare hāwā-ki rasỹny my raremyhỹ. Tai tahe Kalileia bede-ribi tiiboho roirenkyre Judeia bede-ò. Iòlò Davi dori tai reare, Belẽ hāwā-ki.

<sup>5</sup> Jyje tahe rare, tii dori Davi ijoimy rareki. Marie bõtòm y tii ridyre tai ihāwyy.

<sup>6</sup> Tahe Belẽ hāwā-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire.

<sup>7</sup> Tai hāwyy ratohouãsenyre. Idi rihetyntyre awaru roxina hynaro-ò ritidikemy.

<sup>8</sup> Iu tahe budoeni-di itxeredu mahādu bedero-ki ratximyhỹreny.

<sup>9</sup> Idi tahe jỹjuõ tamy nade Deuxu-ribi. Deuxu loosòna tamy rityntyre. Ruberurenyre.

<sup>10</sup> Jỹju tamy rarybere: —Brebuõmyrenyke. Rybe wihikỹ-di adee rehemynyreny. Ibutumy iny reysakre ka rybe-di.



11 Atarasadu heka ratohouãnyra Davi hãwã-ki, abiu-ò hedu wahe. Tii heka Kristu rare, Inynyrÿreny wahe.

12 Kaiboho heka awaru roxinaõ-ò inihe bòike itxeremy. Tai heka tohouã roireri tyy-di rarahanany.

13 Iule tahe sōwemy ÿju widotyde Deuxu dee rawiunykremy, kiawese rawiunyrenyri riwowydynyrenymy:

14 –Biu-ki Deuxu loosona ratxihyymyhÿre.

15 Tahe ÿju ròserenyre biu-ò. Budoeni-di itxeredu mahãdu widee raryberenyre. Wylemy Belẽ-ò ròkòirenykre itxeremy kia aōmydÿÿnanamy Deuxu inydee riteòsinyreriò.

16 Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dòròtòhòhyna-ki uladu roire.

17 Tai tahe budoeni-di itxeredu mahãdu timybo ÿju tamy raryberamy, rarybere.

18 Tai tahe ibutumy kia tamy roholaré ribedeòtiinymy rÿire.

19 Marie heka tōhōti itxi reare. Tahe sōwemy raraykywydynanyrony.

20 Budoeni-di itxeredu mahãdu ròserenyre rawiunyrenymy Deuxu-ò Deuxumy reàlære ibutu òraru-ki. Iwese ÿju raryberewesetyhyle heka ibutumy rÿire.

21 Iribi tahe txu rÿireu tahe rare Jesuisi notyky orokré. Debò inataõ reurotxu rÿireu Jesuisi notyky raorokremy raywire. Tahe rininirenyre Jesuisimy iwese ÿju rarybere myna.

22 Xiwena rÿikemy bedè rÿire Moisesi bedè ywidÿÿnamyna. Aōutxumy tahe dehemynyde Marie Jyje-wana kia idi riwinyrenykemy. Tahe Jyje ridykemy Jerusalẽ-ò idi ratxireri. Tai uladu-di roirenyre Deuxu-ò riteòsinykemy.

23 Kiamy heka Inynyrÿ Ritidÿÿna-ki roire.

Weryrykeki, Deuxu dee rawahidÿÿkre. Tii uladudelaa weryrykreki.

24 Iwese tule bòtòe inatximy rawahidÿÿkre ada bòtòerurà inatxi heka xiwenamy reakre Moisesi bedè ywidÿÿna myna.

25 Hãbuõ tai ratximyhÿre Simeaõ inire. Jerusalẽ hãwãdu wahe. Deuxu rityhynymyhÿre hãbuwi rare. Tii Kristu riraòmyhÿre Deuxu deòdÿÿna wahe. Ijoi aōbina bina-ribi tarasadumy Deuxu Tyytybytyhy heka tai ratximyhÿre.

26 Deuxu Tyytyby ihetxiu tamy rarybere: –Kai buruõtyhy Deuxu deòdÿÿnamy bobiõdi.

27 Iu Jesuisise tyby-wana rehemynyreu Deuxu Tyytybytyhy heka Simeaõ riteònyre kowa-ò.

28 Simeaõ uladu taãxiò-ki rimyreu. Tahe Deuxu riwowydynyri:

29-31 –Kiamy heka Wanyrÿ Iòlò arybe retyhynyre timybo tarybete wahe. Ibutumy dorihe tewinyta. Tahe aōwaxinyhe arurukre. Abiuòhenamy heka rabira. Tii ibutu iny tarasadumy rarekre biu-ò hena wahidÿÿdu wahe.

32 Kia heka ibutumy iny-ò loosona tewahinyta judeukòdu mahãdu-ò. Tai judeu mahãdu tahe wowydynamy tii rarekre.

33 Tai tahe Jyje Marie-wana bedè riòtiinyre aōmybo rarybereki.

34 Simeaõ tahe Deuxu deysanamy tamyreny rarybere: –Deuxu biu-ò henamy heka kia uladu rare. Sōwemy judeu mahãdu tarasadumy rarekre, tule sōwemy tasÿ ituekre. Kia heka Deuxu deòsina rare. Sōwemy heka Jesuisimy rakyararybenynykre.

35 Ibutumy iny rayky-ribi heka ibutumy ritÿnynynykre. Bederyry sōwemy bieryke tai aōhōkÿmy botÿÿnykre.

36 Tule Deuxu rybe erydÿÿnaõ rehemynyre. Ana inire. Hãwy rare. Tii heka Faneli riòre rare. Asere mahãdusÿõ rare. Tii heka rasenadunymy raremyhÿ. Ijadòmamy raremyhÿu heka roire hãbu-wana. Debò inatxi reurò beòralemy heka tii-wana raremyhÿ tahe tii rawytesenyre.

37 Tii 84 beòramy heka bedè idi rÿire wytesemy. Tii Deuxu dohodÿÿna heto-ribi ròhònyòhyymyhÿre. Tii heka rexitòenymyhÿre rummy txumy tabyreõ-di.

<sup>38</sup> Tahe tii rehemynyre Deuxu dohodỹỹna heto-ò. Deuxumy reàlàre. Idi Jesusimy imahãdu-ò rarybere tii tarasadumy rarekremy.

<sup>39</sup> Iu Marie, Jyje-wana ibutumy bede ywidỹỹnamy ituereu, riòòserenyre tahãwã-ò Nazare-ò.

<sup>40</sup> Jesuisi raumynymyhỹre beòra beòramy. Iruru, ibede eryna sòwemy ijòdire Deuxu dori idi tarukimyhỹre.

<sup>41</sup> Pascoa worana bedehesi riòlòdỹỹnyre Jerusalẽ hãwã-ki. Jesuisi tyby heka iseboho roiyyymyhỹrenyrenyre tamy.

<sup>42</sup> Tule Jesuisi waòinatxi reurò beòra-di ridyrenyrenyre tamy.

<sup>43</sup> Worana bedehesi rexihureu kidiòkesedenykremy doide. Tahe Jesuisi naride Jerusalẽkihikỹle. Tiiboho rieryrenyòhyyre naridemy.

<sup>44-46</sup> Taijoiirenywanale ratxirerilemy idi ròhòtinyrenyrenyra. Txusohojimy heka bede idi rỹidi, rierenyreny. Tai rahaòhyyrenyra iijesemy diòkesedenyde Jerusalẽ-ò ixyby. Inataò txu-di tahe tai nahadenyde, Deuxu dohodỹỹna hetowo-ki wahe. Tii heka bede erydỹỹdu mahãdu-wana ronyre. Roholamyhỹrenyrenyre irybe-ò ronymyhỹreny. Tule rỹỹraximyhỹrenyreny.

<sup>47</sup> Tii heka ibutumy rirawyònymyhỹre. Tii dori bede ery nihikỹ rare.

<sup>48</sup> Iseboho tahe bede riòtiinyrenyrenyre tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekereny tewinyteri aijesereny-di watxireri.

<sup>49</sup> Tahe Jesuisi rirawyònyre: —Waijeserenykòmyke. Waha heto-ki watxireri, Waha aòmỹsỹdỹỹnamy reywinyhy watzireri. Kia aòbo teeryòhyytenyde.

<sup>50</sup> Tiiboho rieryrenyòhyyre aòmỹbo Jesuisi rarybereri.

<sup>51</sup> Idi tahe dòòsedenyde Nazare-ò. Tahe Jesuisi tyby rybe rityhynyhyymy raremyhỹ. Tahe Jesusise kia ibutumy riyrubunyhyymy raremyhỹ tarayky-ki.

<sup>52</sup> Jesuisi tahe raumynyre. Bede erytyhymy relere. Ibutumy he iny iluure. Deuxu wowydyna-di ihỹre.

### 3

<sup>1</sup> Tiberiò heka waiyre beòramy iòlòmymy raremyhỹ. Poncio Pilato heka Judeia bede dinodu. Ijò heka Herodi inire. Inataò inymy heka bede dinodumy raremy. Herodi heka Kalileia bede dinodu. Iseriòre, Filipi tahe Itureia bede, Traconite bede-wana dinodu rare. Ijò iny tahe Lisỹnia inire. Tii Abileni bede dinodu rare.

<sup>2</sup> Anasi, Kaifa-wana heka inatxi hãbu roire. Tiiboho wiwana xiwena wahidỹỹdu wedu raremyhỹ. Kia bedeu heka Joaò rehemynyre bedero-txi. Tii iny-ò Deuxu rybe tỹnydỹỹdu rare. Zacaria riòre rare.

<sup>3</sup> Tii kia bede ibutumy rybe ritỹnyreny, Jordaò beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru ri-ixãwididỹỹnykre.

<sup>4</sup> Iwese Isaia ròritidỹỹre wesemy heka wiji rỹire.

Inyò heka ryrymyhỹ bedero-ki.

Kia:

—Inynyrỹry bexiywinybenyke. Ryòbitihikỹ biwinybenyke. Hãloo bitỹxinybenyke wimyny biijaranybenyke. Iry iòweòwena ramyhỹre heka, biòbitinybenyke.

<sup>5</sup> Iratòratòkeki, wimyna biijaranybenyke.

<sup>6</sup> Ibutumy iny heka Deuxu biu-ò henamy robirenykre.

<sup>7</sup> Sòwemy iny nade riratisebenykremy Joaò-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke, aòwiwihikỹ.

<sup>8</sup> Uritere kawese ryberenyòmykre: —Abraò dori iny labiereny rare. Tai tahe ibutumy awityhy rare inydeereny.

Jiarỹ dori adeereny ararybekre: –Deuxudeewikeki, Tii kia manadile iny riwinyke. Abraõ dee ijõ riòreõmy kia manadile riwinyke.

<sup>9</sup> Woma heka òwòruraruti riòròmhyhỹre. Kia raratynyõkeki heka, raòròkre. Heòty-di wòmý ririradỹỹnymyhỹke.

<sup>10</sup> Tai tahe iny rỹỹraxire Joaõ-ò: –Timybohe rakatxirenykre.

<sup>11</sup> Tai tahe rarybere: –Inyõ tõre inatximy ijõdikeki, sohoji iny ijõ-ò riwahinyke. Irỹsỹnadikeki, tule ritxuatxuake ijõkõ mahãdu-ò.

<sup>12</sup> Iny witziraõ Joaõ-ò rehemynyre. Tiiboho nieru tarasadu mahãdu rare bede dinodu-ò. Tai rỹỹraxirenyre: –Timybo aõhebo rokotỹỹnyrenykre.

<sup>13</sup> Joaõ rirawýnyre: –Uritere aõnihikỹmy itarasarenyõmykre. Bede ywidỹỹna tyyriti myna ta tuukre.

<sup>14</sup> Tai tahe soldado tamy rỹỹraxire: –Inyboho tahe aõhebo rokotỹỹnyrenykre. Joaõ rirawýnyre: –Inyõ biteranyõtyhy adee nieru kanakemy. Inieru dori ahõrõ aõkõ rare. Beysake, adinodu-ribi tiwesebo nieru tetamahãte-di.

<sup>15</sup> Tahe kia iny mahãdu raraykynyre Joaõ-di. Kowa aõbo hãbu Kristu ihỹre.

<sup>16</sup> Tai heka Joaõ rarybere: –Jiarỹ heka bedi araratisebenyreri. Ijõ wahewo-ribi kanakre tahe woratyre inihikỹ rarekre. Tii heka awityhy rare. Jiarỹ heka raixỹruwãhãre iwataana aritake lau. Tii heka akanaratisebenykre Deuxu Tyytybytyhy-di. Heòty-di tule wahe.

<sup>17</sup> Iti tebò-ki ratxireri. Maixõmo ruxity hitxina-di wahe. Tii heka ritakre. Maixõmo riyrubunykre ihyna-ò. Iruixityy tahe ritoonykre. Kia heòty heka tiu ruriõtyhy.

<sup>18</sup> Aõ heka Joaõ rarybere. Sõwemy aõna aõnamy iwesele rarekemy. Dohodỹỹna wihikỹ-di tamyreny rarybera.

<sup>19</sup> Bede dinodu Herodi heka taseriòre riòrese-wana roire. Aõbina binahakỹle riwinyre kia. Tai tahe Joaõ tamy rarybere: –Kia awi aõkõ rare. Ibina heka rare. Sõwemy aõna aõna bina tule tii riwinyre.

<sup>20</sup> Tai Herodi heka Joaõ mynomy riteranyre ròtenawo-ki roikemy.

<sup>21</sup> Joaõ ixiwesehyyle rexitỹmyranomy iny riratisebenyre. Tahe tule iny witzirahe-ki Jesuisi riratisebenyre, Jesuisi rexitõnyreu, biuwetyhy rarayre.

<sup>22</sup> Biuwetyky-ribi tahe Deuxu Tyytybytyhyle dobehemy nade bõtòerurà wesemy. Biu-ribi rybeõ-ò iny roholare: –Kai heka Wariòre tate. Aluure heka jiarỹ wadeysatyhyre.

<sup>23</sup> Jesuisi 30 beòramy raremy taaõmysỹdỹỹna tyhy ritelenyreu, iny heka Jyje riòrelemy rõhõtinyinyhỹre.

<sup>24</sup> Jyje heka Eli riòre rare. Matate, Levi, Maki, Janai, Jyje, ibutumy labiehekỹ Jyje rare.

<sup>25</sup> Ijõ tahe Matatias, Amos, Naum, Esli, Nagai,

<sup>26</sup> Maate, Matatias, Semei, Jyje, Joda,

<sup>27</sup> Joana, Resa, Zorobabe, Salatieli, Neri,

<sup>28</sup> Meki, Adi, Cosã, Elmadaõ, Er,

<sup>29</sup> Josue, Eliézer, Jorim, Matate, Levi,

<sup>30</sup> Simeaõ, Juda, Jyje, Jona, Eliaki,

<sup>31</sup> Melea, Mena, Matata, Natã, Davi,

<sup>32</sup> Ijese, Obede, Boasi, Sala, Nasaõ.

<sup>33</sup> Aminadabe, Adimim, Arini, Esraõ, Peresi, Juda.

<sup>34</sup> Ijaò, Ijai, Abraõ, Tera, Nakò,

<sup>35</sup> Serui, Raau, Faleki, Eber, Sala,

<sup>36</sup> Aina, Arfaxade, Sem, Noe, Lamei,

<sup>37</sup> Metusalẽ, Enoi, Jarete, Maleleel, Aina,

<sup>38</sup> Enosi, Sete, Adaõ. Tii tahe Deuxu juhúu riwinyre iriòre wese.

## 4

<sup>1</sup> Bero Jordaõ-ribi Deuxu Tyytybytyhy heka Jesuisi diòòsedÿÿnyde Tai heka tule bed-erò-ò rexiykynra.

<sup>2</sup> Tahe Satanasi Jesuisi riurihire, 40 txu-di wahe. Aõ heka rirÿsÿõhyre Jesuisi kia itxumy txu rÿireu wahe. Idi tahe sõwemy rama risare.

<sup>3</sup> Satanasi tamy rarybere: —Kai Deuxu Riòretyhy tate-wana heka, mana bitxienykre hinamy.

<sup>4</sup> Tai Jesuisi dirawyònyde: —Deuxu Rybe tule kiamy rarybere.

—Hãbu hewa byre sohojiribile aõkõ irumy rÿimyhÿre.

<sup>5</sup> Tai Satanasi heka Jesuisi ridyre heto ratyti tyre. Ibutumy hãwãhãkÿ riteòsinyre bedede rÿirá.

<sup>6</sup> Tahe Jesuisi-ò rarybere: —Kai biwalàhànanykeki, ibutumy aõna aõna adee ariwahinykre, ibutumy hãwãhãkÿ dinodumy tule wahe.

<sup>7</sup> Wahõrõ heka rare. Inyõ-ò aõtxile ariwahinykre.

<sup>8</sup> Idi tahe Jesuisi dirawyònyde: —Deuxu-ò sohojile walàhàna biwahinykre. Kiamy Deuxu Rybe rarybere.

<sup>9</sup> Idi Satanasi Jesuisi ridyre Jerusalẽ hãwã-ò. Biu-txi tahe rÿire, Deuxu dohodÿÿna heto tyre-ki wahe. Tii narybede, kai Deuxu Riòre tyhy tate wana heka bexiwatxixinyke inihe karibi hetoratyti-ribi.

<sup>10</sup> ÿju riki arayrubunykre wa. Deuxu taÿjuõ bedede riywinyre aramykemy.

<sup>11</sup> Tule kia rarybemyhÿre Deuxu Rybe.

Awa riki manaõ riwotõmonyõtyhy.

<sup>12</sup> Tahe Jesuisi dirawyònyde: —Tule Deuxu Rybe rarybere: —Inyõ heka Deuxu uri urihixiõtyhy.

<sup>13</sup> Rexihure tahe Jesuisi urihixina. Tahe Satanasi heka Jesuisi ririre.

<sup>14</sup> Idi tahe Jesuisi ròsere Kalileia bede-ó. Deuxu Tyytybytyhy ruru tahe tii-wana ratximyhÿre. Ibutumy heka kia hãwã-ki ibededÿÿnana rierymy hÿreny.

<sup>15</sup> Jesuisi heka dohodÿÿna heto-ki ròbedeerydÿÿmyhÿre. Ibutumy tuu rarybere. Tuu realàmy rarybemy rÿimyhÿ.

<sup>16</sup> Iribi tahe Jesuisi ròsere tai raumynyrèò, Nazare hãwã-ò. Sabado txuu tahe dohodÿÿna heto-ò reamy raremy iwesehyyle. Tii tahe lamamy rÿire tyyriti-di rariakremy.

<sup>17</sup> Tahe tamy Isaia tyyriti riwahinyreò. Tahe Jesuisi riijemyhÿre rybeõ idi rariakemy. Tai idi rariare:

<sup>18</sup> —Wanyrÿ Tyytybytyhy waki ratxireri. Rybe Tÿmyra wihikÿ inyko arotohodÿÿkremy. Iny aõkõ mahãdu-ò rybe wihikÿ ararybekemy riwatare. Tule iny ròtena-ki rÿira mahãdu, jiarÿ ariòlòdÿÿnykemy. Kiamy heka tamyreny ararybekre. Tule ruetÿmyra ariwahinykre ruetà mahãdu-ò. Iny idi rarÿÿnymyhÿre mahãdu-ribi, aritakre idi risinymyhÿreki. (Aõna aõnamy risÿnyrenymyhÿreki wahe.)

<sup>19</sup> Tibedeubo Inynyrÿreny taijoi ritakremy ararybekre.

<sup>20</sup> Idi tasÿ ixyby riwerasenyre. Tahe riwahinyre ixyby kia hãbu riyrubunymyhÿreò. Tii ronyre. Ibutumy kia dohodÿÿna mahãdu idi retehemy rÿimyhÿre.

<sup>21</sup> Tahe Jesuisi ritelenymy rarybera: —Wiji idi rariará heka aõbo tamy ibededÿÿnanamy roire. Kia aõbo ritidÿÿna-ki roireri ihetxiu. Kaimy tahe wiji rarybereri, jiarÿ heka tii rare. Tii adeereny tyyriti rariará wahe.

<sup>22</sup> Tai tahe bedede riòtiinyreny. Kia tahe aõmybo raryberakí. Tahe widee raryberenyre. Kaa heka Jyje riòrele ratxireri.

<sup>23</sup> Tahe Jesuisi ixityre tamyreny rarybere: —Aõu kaiboho wamy tarybetenyteri rybeõmy, myÿ manarybeke: Kai bexideytenyke, hàri, òhotibedu. Kiamy aõbohe wadee manarybebenykemy atxitenyteri:

Iwese Kafanaõ bedede-ki tewinyte wese ariwinyrenykemy wadi atxitenyteri, ahãwã-ki.

24 Adeereny inihe tuu ararybekre. Rybe t̄nydȳdu heka òmo rityhynyòtyhy ihãwãreny-ki. 25-26 Tahe iwitxiramy ararybekre. Ibedeu kia raremyh̄u, s̄owemy heka rama reamy raremyh̄ judeu s̄y mahãdu. S̄owemy wytese mahãdu heka ramamy rurumyhȳre. Biu heka roaõhykyre tai inataõ beòra weeremyh̄ wahe Sareta hãwã heka Sidõ bedeki tii ras̄nymyhȳre. Tahe Deuxu bedeki riywinyre Eliasi rakemy iny sohoji wytese-ò, r̄ys̄na riwahinykelemy wahe.

27 Eliseu bedeu heka s̄owemy tyybinadu r̄ymyhȳ. Sohoji inyle riteytenyrene. Naamy heka inire. Tii heka Siria bedeki luduõ rare.

28 Kia dohod̄ȳna mahãdu heka ibutumy iu tamy rakyarananyrene.

29 Rimyrenyrene heka Jesuisi. Idi ret̄yhirenyrene hãwãlò ratya-ò ridyrenyrene. Idi rehurenkyemy riwis̄nyrenyrene.

30 Tahe Jesuisi inys̄owehek̄y-txi ralore. Idi rahenyrene.

31 Iribi tahe Jesuisi rare Kafanaõ-ò, Kalileia bedeki. Sabado txuõ txuõlemy heka Jesuisi iny ribedeerynymyhȳre.

32 S̄owemy heka iny ribedeerynymyhȳre mahãdu tamy awimy r̄yira, irybe dori awireki wahe.

33 Hãbuõ raremyh̄ dohod̄ȳna hetowo-ki tyytybybinahak̄-di tahe taumywo-ki ratximyhȳ. Tai tahe tii ryryrene:

34 –Jesuisi, Nazareludu, aõhebohe ijoi bis̄nykremy atxiteri? Biwahubenykre aõbo? Jiar̄y heka araeryrene mobo taté. Kai heka Deuxu deòdu atxiteri.

35 Tai tahe Jesuisi tamy rarybere tyytybybina iumywo-ki riyrykemy. Iribi riòlòd̄ȳnyrene. Tahe idi rehure iutyde-ò idi iribi ròhònyrene. Hãbu aõhe ris̄nyõhyrene.

36 Ibutumy heka iny ribedeòtiid̄ȳnyrene. Iny sohoji sohoji widee rarybere: –Aõrybemy aõwe tii rarybereri? Timybo iny-ribi tyytybybina riteònyke.

37 Ibutumy timybo Jesuisi riwinyrene, ijyynamy reare.

38 Tahe Jesuisi ròhònyrene Simaõ heto-ò idi rare. Simaõ riòrelahi webinadumy roire rubuna-di. Tai Jesuisi-ko tuu relyyrenyrene.

39 Tai Jesuisi ibireweribi-ò rare. Tahe irubuna iribi riòlòd̄ȳnyrene. Tahe tii ritamad̄ȳnyrene. R̄ys̄naõ tamy riwahinyrene.

40 Ibutumy iny tawebinadu mahãdu didydenyde. Ibutumy Jesuisi riteytenyrene tibò iratityrene rilidimyhȳre. S̄owemy iny tyytybybina-di r̄yireri mahãdu riòlòd̄ȳnyrene.

41 Iu tahe ryrymy reamy r̄ymyhȳ: –Kai Deuxu Riòretyhy tate. Tii Jesuisi rierymyh̄ tii Deuxu deòdu raremy, tyytybybina wahe. Tai Jesuisi tamy rarybere rybeòkemy.

42 Txu ijiramy Jesuisi rare bedero-txi ixisohojile. Iny s̄owemy riijemyh̄. Itxi rearenyreu, iatysy deramy rekoamyhȳreny.

43 Tai Jesuisi rarybere tamyreny: –Jiar̄y heka Rybewihik̄ T̄myra arelyykre iwitxira hãwã Deuxu Òlòna T̄myramy arelyykre. Tuu Deuxu diwateònyde.

44 Jesuisi ibutumy Judeia mahãdu bedeki bedemy dohod̄ȳna r̄yiraki rotohod̄ȳmyhȳre.

## 5

1 Jesuisi tahe aho ijà-ki r̄yire Kenesare aho ijà-ki. Iny heka s̄owemy Deuxu rybe-ò roholakemy iu r̄ymyhȳ.

2 Tii robire hãwòõ inatximy roinyimyhȳre. Waxidumy mahãdu heka rirahure rià-di risuhòreri.

3 Idi tahe rimyre hãwòõ. Simaõ hãwò heka rare. Tii tahe ixi-di ritaranyrene beroro-ò. Tai tahe tii rexidelenomy relyyrene. Kia iny r̄ymyhȳ mahãdu heka ribedeerynymy relyymyhȳre.

4 Rexihure rybe-ribi. Idi tahe Simaõ-ò rarybere: –Make wa bera-txi. Rià bitidike. Bimykyemy utura.



<sup>5</sup> Tahe Simaõ rirawyònyre: —Wanyrỹ, ruu wa wadireny aõkõhykylemy bedewadireny rareri, uturamy ho aõkõ. Tarybete urenana anakre. Aritidikre heka rià.

<sup>6</sup> Tahe ritidireu tahe, rià utura sõwemy rimyre, kia rautxienyre. Tule riykamyhỹ rià.

<sup>7</sup> Talawò biòwa mahãdu-ò ryryre: —Bòdòibedenyke bidiwawiòhenanybenykemy. Inatxi hãwò heka rỹxire. Ritỹxinyre utura-di. Ihyy berahatxi-ò ijiramy riwisỹnymyhỹ ilawòreny.

<sup>8</sup> Simaõ tuu robire. Tii Jesuisi ratximyhỹre tahe tatiowomy resere Jesusiko-txi. Simaõ Pedro rarybere: —Wanyrỹ, aribi kỹny iòhõmy arỹiõtyhy. Jiarỹ heka waòrarudimy rare.

<sup>9</sup> Simaõboho bede riòtiinymy rabadewore aõma utura sõwemy tamyreny riwahinyraki wahe. Tii tuu iximy rarybere.

<sup>10</sup> Ibutumy tiiboho mahãdu ribedeòtiidỹnyrenyre Zebedeu riòre kia Txiau, Joaõ-wana. Jesuisi rarybere Simaõ-ò: —Brebuõmyke heka ikonana-ò heka utura bimyoõkre. Wadee dori maaõmysỹdỹnykre hãbu wadee bimykremy. Tamyreny biwatỹnynykre. Iwese utura temymyhỹte wese, wadee hãbu wiji bimykre waerydỹna mahãdumy rarekremy.

<sup>11</sup> Tahe waxidumy mahãdu ibutumy kaa tawaxi tarià iu ririra Jesuisi riheludun-ykremy.

<sup>12</sup> Ròirenyre rirònyrenyre ibutumy hãwã-ò. Idi tahe hãbuõ rare ityyjyhykyle. Hãbu Jesuisi robireu tahe resere iko-txi, rexitòenyre: —Wanyrỹ, adeewikeki biwateytenykre.

<sup>13</sup> Jesuisi tamy tebò ritetemy rarybere: —Kohe, arateytenykre. Tii reytemy reare.

<sup>14</sup> Tai Jesuisi rarybere tamy: —Inyõ-ò tahe ijyyõmykre. Xiwena wahidỹdu mahãdu-ò make. Tai maxiwekre tuu Moisesi bede riywinyre myna. Xiwenaõ heka biwinymy biwahinykre. Moisesi rarybere wese wahe. Iny mahãdu-ò heka biteòsinykre. Kia riteòsinykre teytetamy.

<sup>15</sup> Tahe ihãrele Jesuisi ibutumy rieryre. Sõwemy iny heka wirotyre raholakremy. Ijõ nade aõma iwebinaduna ibina-ribi riteyteuykemy.

<sup>16</sup> Tahe Jesuisi iribireny aõma rexitòenykremy rexitare.

<sup>17</sup> Ijõ txuu ròbedeerydỹmyhỹu, fariseu mahãdu, bede ywina rybe bede erydỹduõ-wana ronymyhỹreny. Ibutu hãwã hãwã-ribi dotydenyde wese tahe sõwerenyre, Kalileia bede-ribi Judeia bede-ribi, Jerusalẽ hãwã-ribi. Deuxu deytana Jesuisi-ki ratximyhỹ. Jesuisi hãwãlò-ribi dobehede tii-wana, taerydỹna mahãdu-wana wahe. Tahe sõwemy iny iube-ki ributunymy ronymyhỹre.

<sup>18</sup> Iny mahãduõ heka hãbu iumymy manadu kididydenykemy ratxireri Jesusiko-ò ritidirenykemy. Idi tahe hãbu webinadu wahe Jesuisi-ò rakemy bede riywinyre. Inatyhyle riathyhnyre.

<sup>19</sup> Inysõwerekiki tahe tamy rehemynyrenyõtyhy. Tai tahe hetoratyti-ò raòwònyre hãbu webinadu-di. Iribi tahe diberesedỹnyde reroti-di.

<sup>20</sup> Jesuisi robire, rieryre aõma rityhynymy ratxirenyreri. Hãbu-ò Jesuisi rarybere: —Wy, aòraru heka raixãwidỹnyra.

<sup>21</sup> Tahe fariseu mahãdu he widee raryberenyre: —Mobo kia hãbu ratxireri, timyhe tu kia irybeõna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixãwididỹnymyhỹre.

<sup>22</sup> Tahe Jesuisi rierymyhỹ timybo rexinohõtinyinymyhỹreny. Tai rarybere: —Aõherekibo kia wesemy texiraykynytenyteri.

<sup>23</sup> Tibohe irutaõre webinadu-ò rybe: —Aòraruna reixãwididỹnyra ada myimy mariake aõbo.

<sup>24</sup> Deuxu Riòre Hãbutyhyhykỹ jiarỹ rare. Tai waruruna wadee Deuxu Riòre òraruna ixãwididỹnyamy. Katahe bierybenykre inatyhymy aõbo rarybereri: —Myike, abyre biwymy asỹ-ò ta mahe.

<sup>25</sup> Hãbu tabyre rimymy tahe aõwesele tasỹ-ò rare. Deuxu riwowydynymy rare.

<sup>26</sup> Sõwemy iny ribedeòtiidỹnyrenyre. Riwowydynymy rỹimyhỹ. Tiiboho raryberenyre: —Aõwitxiramy wiji inyboho robirenyra. Tiu juhuru tukõre-ribi wahe robirenyra.

<sup>27</sup> Iribi tahe nieru bede dinodu nieru mynydumy robire, Levi heka inire. Tii heka raaõmysỹdỹnynyhỹ titxibo nieru tarasana-ki. Jesuisi tamy rarybere: –Manakehe wawana.

<sup>28</sup> Tahe taaõna ibutumy ririre, idi ihemy rare.

<sup>29</sup> Levi tahe taheto-ki roxinaõ riòlòdỹnyre Jesuisi dee. Tamy rehemynyre nieru arisidu mahãdu, tule fariseu mahãdu. Ibutumy iny iarixina mahãdu.

<sup>30</sup> Kia fariseu mahãdu kia bederydỹdumy mahãdu tyyritirybedỹdu mahãdu kie heka aõbina binahylemy rarybereri Jesuisimy. Jesuisi terydỹna mahãdu-wana kiamy rarybereny: –Aõherekibo kaiboho teroxitenyteri, nieru arixidu-wana, iòrarudu sõwe mahãdu-wana.

<sup>31</sup> Jesuisi rirawyõnyre: –Iny awimy ratxireri-wana, òhotibedumy reaõmyhỹre. Webi-nadu mahãdule ta tuu reamyhỹre.

<sup>32</sup> Òbiti mahãdu-ò aõkõ heka jiarỹ anade rybemy. Tiibohole heka ixi-txi tõhõti reakemy idi watxireri.

<sup>33</sup> Tahe tiiboho Jesuisi-ò rarybere: –Joaõ heludu mahãdu roxiõmy txumy rỹire. Tule tiiboho rexitõenyreny. Sõwemy rexitõenymyhỹre fariseu mahãdu erydỹna tule. Tahe aijoi tahe riroximyhỹreny riõmyhỹreny.

<sup>34-35</sup> Tahe Jesuisi tamy rarybere: –Hãwyymy heridu tỹmyra ijoi ratxikeki heka tiu itobidỹnana mahãdu wahe. Kia heka riroximyhỹke. Kia tahe tỹmyra iribireny ratakreu, ijoi mahãdu renarehekre.

<sup>36</sup> Tyky tỹmyraõ tiu tykytyby dòbõnamy iny ritidiõtyhy. Timyki dori wii wiòbydỹõna.

<sup>37</sup> Vĩ tỹmyra heka tiu aõiròdu tyky watxiwe yla tyby-ò rarareõmyhỹre, tukeki ta kia raykacre idi vĩ urile rejujukre.

<sup>38</sup> Vĩ tỹmyra heka hyna tỹmyra-ò rararemyhỹke.

<sup>39</sup> Inyõ vĩ tybyhykỹ riõkeki, itỹmyra rexitõenyõtyhy. Kiamyki rybe. Vĩ tyby dori itỹmyra-ribi awi rare.

## 6

<sup>1</sup> Judeu elehydỹnynyhỹreny txu kia idi rekoarennyre maixõmoho-di. Ierydỹna mahãdu rimyra maixõmo, maixõmo, debò-di riroxitytxiwimyhỹ riymy idi rare.

<sup>2</sup> Fariseu mahãdu tuu robire. Tamy rỹraxyre: –Aõherekibo kia wese tewinyteri. Kiamy heka iwidỹõmyke bede ywina rybe rarybemyhỹre judeu elehydỹnynyhỹrenytxumy.

<sup>3-4</sup> Jesuisi tamyreny rarybere: –Ihetxiu Davi tamahãdu-wany rama risareu, Deuxu dohodỹna hetowo-ò rirõnyre. Tai Davi xiwena rỹsỹnale taijoi-wana rirỹsỹre. Xiwena wahidỹdule heka irỹsỹdure, inywitxira ta aõkõ.

<sup>5</sup> Jesuisi ritỹnyre tamy: –Hãbutyhyhykỹ jiarỹ rare, Deuxu Riòre wahe. Kiata sabado wedu jiarỹ rare, elehydỹnynyhỹrenytxu wedu wahe.

<sup>6</sup> Ixityre ralore dohodỹna mahãdu heto-ò ròbedeerydỹkemy. Hãbuõ tai rare tebò rabinamy.

<sup>7</sup> Tahe fariseu mahãdu Jesuisi-ò retehere. Riteyteynykemy kia hãbu webinadu judeu elehydỹnynyhỹrenytxu. Rexiwodohonanyre. Kiatxuu tii riwinyrekeki tahe ribinanyke judeu elehydỹnynyhỹrenytxu, riwinykeki wahe.

<sup>8</sup> Jesuisi rierymyhỹre aõmybo tiiboho raraykynyrenyteri. Jesuisi tamy ryryre, –Aõma hãbu debòbina-ò: –Mynyke ini, ityareny-txi.

<sup>9</sup> Tahe fariseu mahãdu-ò Jesuisi rarybere: –Arỹraxykre inihe adeeremy, awire adee ka hãbu debò ariteytenyke sabado txuu. Aõbo adeeremy awire sabadotxu widỹỹ. Aõwihikỹwidỹỹmy aõbo ada aõbina widỹỹmy. Rubu-ò wahidỹỹ aõbo ada rubu-ribi itarasa aõbo.

<sup>10</sup> Retehere! Ibutu-ò idi hãbu-ò rarybere: –Ebò inihe biditeòsinyke. Tiu hãbu tebò riteòsinyre tahe, reytete.

<sup>11</sup> Reburereny heka. Timybo Jesuisi risỹnyreny kemy rexinohõtynyreny.

<sup>12</sup> Idi tahe Jesuisi heka hãwãlòratyy-ò rare ixitòedỹỹmy Deuxu-ò. Rureherehemy heka tamy rexitòenymy bede idi rỹire.

<sup>13</sup> Txuijaramy tahe ludu mahãdu-ribi waòinatxi reurò taheludutyhy mahãdu ritare. Tarybemy rybedumy rininirenyre.

<sup>14</sup> Sohoji ijõ heka, Simaõ inire, Pedromy idi ranire, ijõ tahe Andre rare, iseriòre. Idi Txiau, Joaõ, Filipi, Bartolomeu.

<sup>15</sup> Mateu, Tome, Tadeu Txiau, (Kia Txiau heka Afeu riòre rare.) Ijõ Simaõ Kana bedeluduõ rare, tasubedeluudure.

<sup>16</sup> Juda Txiau riòre, ijõ Juda Isariò tahe Jesuisi tyhedỹỹdu rare.

<sup>17-18</sup> Jesuisi dobehede bedero-ò hãwãlò-ribi. Tahe sõwemy iny iheludu mahãdu tii-wana rỹimyhỹ. Judeia bede mahãdu Jerusalẽ hãwã mahãdu. Tule Kalileia bede, Tiro hãwã, Sidõ hãwã mahãdu. Tiiboho wii ributunymy hãwã mahãdu Jesuisi-ò roholakemy idi reytekemy. Kia tai ròteytedỹỹmyhỹ.

<sup>19</sup> Ibutumy Jesuisi tyky-ò tamy adereximy risỹnymyhỹre adeytena iribi ròhònymyhỹ.

<sup>20</sup> Tamyreny retehere tai ibutumy rierynanyreny: —Kaiboho aõkõreny-ki, bey-sebenyke. Deuxu Òlõna dori ahõrõreny rare.

<sup>21</sup> Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi.

<sup>22-23</sup> Beysamy butxuenykre, inyõ umy radõnykeki tule. Kaiboho dori Deuxu Riòre tetyhynytenyete jiarỹ tiire, Hãbutyhyhykỹ Riòre wahe. Kia mahãdu eramy ijira Riòre rỹikeki beysake. Beysa tyhyki tai. Biu-ki dori aõwiwihikỹ bitakre. Deuxu rybemy rybedu mahãdu tule rotỹỹnyrenyre iòraru-ki.

<sup>24</sup> Kobe làhàxe kaiboho ityhy mahãdu abedesanareny dorihe rexihura.

<sup>25</sup> Kobe làhàxe ahàdyreny mahãdu, aramasanareny dori rehemynyre. Kobe làhàxe abedesareny, ahinanareny dori abrunareny rehemynyre.

<sup>26</sup> Kobe làhàxe atyhydỹỹ sõwereny tule dori. Ilabiereny rybemy rybedutyhy aõkõ rityhynyreny.

<sup>27</sup> Warybe-ò taholatenyteriki inihe ararybekre. Aòludu luumy atxibenyke amykyaradureny-di, awimy idi mabeke.

<sup>28</sup> Ibinamy aõma umy rarybekeki aõbinahakỹ riwinykeki, tamy bexitòenykre Deuxu-ò.

<sup>29</sup> Aòsỹny-ribi anahatenykeki iyre-ribi iwyòdỹỹmy tamy bexirahòreke. Inyõ atyky riwykeki tule tamy arahana biwahinyke.

<sup>30</sup> Iwese aõtxiu aõna inyõ adee rexitòenykeki, tamy biwahinyke ixyby iribi iwydykõkemy.

<sup>31</sup> Aõbina inyõ adee riwinykõkemy atximahãte. Iwese tiu kia aõhõkỹmy inyõ isỹdỹỹõmykre.

<sup>32</sup> Kai aluu mahãdu sohojile iluuõmyke; òrarudu mahãdu dori tuu rỹimyhỹre.

<sup>33</sup> Kai aery mahãduòle tawotòemahãte, timyki Deuxu-ribi aõ atarasaõna. Iny itxỹte iehhe mahãdu dori widee rawotòemyhỹre.

<sup>34-35</sup> Òrarudu mahãdu heka widee rihuòtemyhỹre. Iribi tahe iwesele ixiby kidiwykemy idi riwisỹnymyhỹ. Kai ta buhuòtemyhỹke idi tehuòtete ixyby iraròsòkõmyke. Tukõkeki ta Deuxu-ribi aõ atarasaõna. Aòludu luumy atximahãbenyke. Tai Deuxu-ribi aõwiwihikỹ bitakre. Tai Deuxu wihikỹ riòremy mabekre. Tii dori inywi-ò inybina-ò awire.

<sup>36</sup> Awimy kaiboho boibeke, iwese boreny awimy biu-ki ratximyhỹre wese.

<sup>37</sup> Inyõdee kyarakõmyke tai Deuxu adee rakyarananyheny. Inyõ taòraruna bi-ixãwididỹỹnyõkeki, Deuxu tahe aòraruna riixãwididỹỹnyõkre.

<sup>38</sup> Ainytyhyke inyõdee imyna Deuxu adee rainytyhynanyhykre. Deuxu ibutumy aõwi adee riwahinykre. Tiwesebo tòwahite wesemyna idi Deuxu adee ròwahikre.

<sup>39</sup> Aõmybo ribedeerynyre ijyyõmy relyyre: —Inyõ ruetà heka riwiòhenanyõtyhy iwitxira iny ruetà. Tukeki heka hãloo-txi wiwana resekre.

<sup>40</sup> Ierysõdõyõ iòrysõdõyõdu, kia ratyre aõkõ ratximyhõ. Kia uladu ratyyritinyre nihikõmy tahe erysydu tiu taerysõdõyõdu ratyre ratxiõmyhõre.

<sup>41-42</sup> Òwòrukre nihikõ aruety-ki roire. Aõherekibo aseriòre ruety-ribi òwòru rõnysiõ tarasamy tewisõnyteri. Kia heka itxenadõyõdu tate. Juhuu òwòrukre aruewo-ribi bitakre. Idi tahe betehemy iruewo-ribi aõsõmo bitakre.

<sup>43-44</sup> Òwòru wihikõ tiu bederaty binaõ riwahinyõhyymyhõre. Tule òwòru binahakõ bederatywimy raratynyõmyhõre. Òwòru raerymyhõre iraty-ò itxere rõimyhõre, beraty-ò retehemy awire ada ibinare aõbo beraty-ò retehemy awire ada ibinare aõbo. Figoraty uvaraty tiu iwitxira òwòru-ribi raheõmyhõre.

<sup>45</sup> Hãbuwi heka aõwimy rotõyõnymyhõre iwo-ki tuu rõimyhõremyna. Tule hãbu bina aõbinamy rotõyõnymyhõre iwomy tuu rõimyhõremyna aõbina bina. Inyõ dori aõmy raraykomyhõremyna rarybemyhõre.

<sup>46</sup> Kai rarybere boholaõkeki aõbo biwinykeki. Uritere wanidõyõmy. Wanyrõmy tiwaninimyhõtenyete tahe warybemyname atxõhyylemyhõtenyete.

<sup>47</sup> Tiwese hãbu warybe riywinyre wese adee ararybekre. Tiu heka ariteòsinykre.

<sup>48-49</sup> Hãbuõmy akoreny arelyykre. Tii warybe-ò roholare idi imynany rotõyõnyre. Tii kiata taheto riwinyre manadelemy ria-di. Beòra iheto reseõhyre manatyre-ki relereki wahe. Ikõmyta warybe-ò roholakõre, kawese rotõyõnyre. Taheto uritere sukile riwinyre. Beòrau ta, urile resere. Ikyhynakõreki wahe. Kiamyta rotõyõnyre warybe tyhydõyõdu-ò idi ityhydõyõdukõ-ò.

## 7

<sup>1</sup> Jesuisi tarybe rahu-di tahe Kafanaõ hãwã-ò rare.

<sup>2</sup> Tai Roma soldado dinodõ tai ihõmyhõ. Teòduõ tahe binamy irubu iòhõmy roimyhõ.

<sup>3</sup> Soldado dinodu Jesuisini-ò roholareu tahe, iòrysomy rarybere. Taita judeu mahãdu kia matuariõ rexitòenyre aõma kididykremy riteytenykremy kia webinadumy roireri.

<sup>4</sup> Tahe Jesuisi nade juhu be kiamy Jesuisi rarybere: —Ka hãbu heka awi biwiòhenanykre heka.

<sup>5</sup> Ka hãbu heka waijoi luu nihikõ rare ihyymy ta dohodõyõna hetõ riwinyre waijoi-ò.

<sup>6-7</sup> Tai tahe Jesuisi rare tiiboho-wana. Tehemyny sõ iòhõmy rare. Idi tahe ryrowetyakile Jesuisi-wana wii riòbynyre. Aõma soldado dinodu kia biòwa-ò wahe. Rarybere he aõma soldado dinodu kiamy rarybereri: —Noõmy heka. Ihãrele teka awimy rareòle heka bedehemy nyke. Awi tate timy heka anaixiranyõtyhy dori raixõruwõyõre alau adee ixitòedõyõ-ò aõma dori adee rybe rõikekile aõweseleke wadeòdu kia reytemy reake.

<sup>8</sup> Jiarõ dori inydee radõyõdu jiarõ rare. Aõbo riwinykemy. Kia riwinyre warybemyname kia heka jiarõ rare. Wadeòdu-ò rarybewãhãraki heka: —Kia biwinybenyke. Riwinomyhõrenyere. Kai tule marybeke, beyteke. Tahe aõwese reytemy reake. Robedeòtiidõyõnyre, kia tuu rarybereki wahe.

<sup>9</sup> Jesuisi ròkesereri kia rarybemyhõre wahe: —Jiarõ ka tiu judeu mahãduy-ki. Hãbuõmy rabiõ watyhydõyõnyre. Rabireri riwatyhynyreri rabireri.

<sup>10</sup> Soldado dinodu deòdu ròkesereri. Ixyby reytereri idi ronyre.

<sup>11</sup> Jesuisi rare terydõyõna mahãdu-di ijõ hãwã-ò. Naõ hãwã-ò heka rare. Kiemy rahyymy heka rahyere. Sõwemy iny iheki rare.

<sup>12</sup> Hãwã ijõ-ki rehemynyre tahe kia ibutumyle rehemynyre. Sõwemy iny rubudu rareò wabede-ò. Weryrybõò rurure. Ise, wytese, heka iriòre sohojihyylere. Iny sõwemy heka riheludunyre tahi-di taibru-di.

<sup>13</sup> Tai Jesuisi tuu robireu, idi rexiwòtenymy kamy rarybere: —Ibrukõmyke!



14 Jesuisi debò ritidire caixaõ-ò. Iu idi itxyydu ruhurenyre. Idi tahe rarybere: – Weryrybò, bexixake wahe.

15 Weryrybò rexixamy reamy ronyre. Idi rarybere. Tai tahe Jesuisi ise-ò riwahinyre.

16 Ibutumy tasỹ mahãdu ribedeòtiidỹdunyre. Tai tahe Deuxu riwowydynymyhỹreny: –Ebe, aõherewe, Rybedu nihikỹ kỹnyhe witxijumy inydeereny rehemynyre.

17 Kia taheka bede bede hãwãmy Jesuisini reare.

18 Joaõ heludu mahãdu ibutumy tuu relyyre iko.

19 Inatxinareny Joaõ riteònyre Jesuisi dỹỹraximy kamy wahe: –Kaiwe nodu aõbo tate, ada txiò aõbo ini nodutyhy ariraòrenykre?

20 Idi Jesuisi-ò ròirenyre tuu itỹỹraxidỹỹmy; –Kai we nodutyhy tate? Ta txio aõbo ini ijõ ariraòrenykre?

21 (Iu ta Jesuisi yla aõkõ webinadu, binanamy binana mahãdu riteytenyra, tyytybybinamy ykydu mahãdu, iruetà mahãdu sõwemy tule.)

22 Irahu-di ta Jesuisi rarybere Joaõ ijoi-ò: –Bòðsebenyke. Ibutumy kamy tabitenyta taholatenyta Joaõko-ò tuu belybenyke: –Iny ruetà bina mahãdu retehererimy, Iny rutiàre mahãdu rariarerimy, tyybinamy binana mahãdu reytererimy, iny nohõtity mahãdu roholarerimy. Iny rubu mahãdu heka rubu-ribi rexixarerimy, urimynodu mahãdu heka Rybewihikỹ Tỹmyra-ò roholarerimy.

23 Iny bedesa heka rare, warybe tyhydỹỹdu mahãdu.

24 Joaõ heludu mahãdu iribi ròhònyreu tahe Jesuisi rarybere Joaõ bededỹỹnanamy: –Aõmybo wahe Joaõ-di tõhõtinytenyete aõmy tubedi nohõtinyrenyre tamy itxerena bederahy tòitenyteki wahe. Otxirarade wese yhy-ki idi tahõtinytenyete.

25 Aõma hãbu urimynodutyhy aõbo tahõtinytenyteri. Hãbu tyywihikỹdiremy tahe tahõtinytenyete. Iwese iòlò taheto wihikỹ-ki ratximyhỹre wesemy aõbo tahõtinytenyteri.

26 Wadee manarybeke aõbo betehékemy tahõtinytenyteri. Deuxu rybeduõmy aõbo tahõtinytenyete. Inatyhy tii rare. Kia ratyre heka tii rare.

27 Aõma dori tyyriti-ki rarybemyhỹre:

–Tii heka wakoki kadehemynykemý ratximyhỹre, tamy relyykemy, ryõ riywinymyhỹre.

28 Inatyhy kaa rare. Tie heka ibutu hãbu ratyre ratximyhỹre. Ihãrele tahe inyõ Deuxu Iòlòna-ki ratxikeki heka iratyre ratximyhỹre.

29 Tahe nieru butudỹỹdu mahãdu kia-ò roholare. Tule sõwemy iny kia-ò roholare. Tiiboho Deuxu bede ywina tyhydỹỹdu mahãdu roire. Tule Joaõ Sebedỹỹna mahãdu roire.

30 Fariseu mahãdu tahe, bede ywina erydỹỹdu mahãdu tahe Deuxudeewina dera rare. Tai Joaõ-ò ratisebemy roiõtyhy.

31 –Mowesebo heka wijinabòdu mahãdu wesemy ratxireri.

32 Uladu mahãdu wesemy tiiboho ratxireri. Tiiboho ijõ uladu mahãdu-ò rryrymyhỹre: –Inyboho rawiunyre, tahe kaiboho teseõtyhy. Wobina wiu rawiunyre tahe kaiboho tahinyõtyhy.

33 Joaõ Sebedỹỹdu renareherenyõmy rỹire, vỹi riõõre. Ihãre tahe kaiboho tarybete: –Tii tyytybybina-di ihỹre.

34 Hãbutyhyhykỹ jiarỹ rare, Deuxu Riòre wahe. Jiarỹ reroximyhỹre tule reõmyhỹre. Tai tahe tarybemahãte jiarỹ wabyre nihikỹlemy wamomohõkỹremy. Jiarỹ riki òrarudu liinatyhy heka jiarỹ rare, nieru tarasadu liina wahe.

35 Ihãre tahe aõikõkõlemy heka taraykynymyhỹtenyete ihãre taheka òbitilemy ixi-di tahõtinytahãtenyete.

36 Fariseu mahãduõ heka Jesuisi ritobinyre taheto-ò roximy. Jesuisi tahe rare idi ronyre roximy.

37 Kia hãwã-ki tahe hãwyyõ rasỹnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhykỹ rimyre. Alabastro aderònahynani rare.



<sup>38</sup> Hãwyy tahe Jesuisi hewomy ronyre, iòhòmý. Tahe aderòna ritxiwire iwatyre. Tule iwa-ki ruworuwòmý ratximyhỹ irube-di iwa risuhòra idi irade-di rabunyre.

<sup>39</sup> Fariseu kiamy robireu, ixideele rarybera: –Kia hãbu Deuxu rybeduõ aõkõ rare. Tuukeki tii hãwyy rieryke aõhãwyybo tii ratxireri.

<sup>40</sup> Jesuisi tahe fariseu-ò rarybere: –Simaõ, adee ararybekemy watzireri. Simaõ tahe rarybere: –Manarybeke Waerydỹdu!

<sup>41</sup> Tahe Jesuisi rarybere: –Nieru huòteduõ heka inatxi hãbu-ò nieru riwahinyre. Ijõ 500 rihuòtera, ijõ tahe 50my rihuòtera.

<sup>42</sup> Idi tahe hãbu inatxi nieruõhyymy rỹire òòsemy tanieru tamy. Tai tahe nieru huòtedu riwotòenyrenyre tahe ritusanyre, wiwana iòwy riixãwididỹnyre. Tibo huòtedu ilàhànadỹdu tyhyre.

<sup>43</sup> Simaõ dirawyònyde: –Kia òsana 500my rihuòtere. Tahe Jesuisi rarybere: –Inatyhy rare.

<sup>44</sup> Jesuisi tahe hãwyy, riijemy, tahe Simaõ-ò rarybere: –Kahãwyy ini bidiijeke. Jiarỹ nadehemynydeu, tii tarube-di wawa risuhòra. Kai beeõ tadiwyòte. Tii tarube-di riwawasuhòra. Iu tarade-di riwawarabunya.

<sup>45</sup> Kai tiwawehityhynanyõte rehemynyrau, tii tahe riwaatyõhyymy ratxireri.

<sup>46</sup> Kai warade-ki òlỹre tetxiwiõta tii tahe aderòna wawatyre-ki ritxiwire.

<sup>47</sup> Tai tahe adee ararybekre. Tii inatyhymy waluure. Taòraruna ixãwidỹna-ki. Inyõ iòraruna ibutemy raixãwidỹnymyhỹreki, tii inatyhymy aõkõ taòraruna ixãwidỹdu luure. Ijõ tahe inatyhyhykỹlemy taòraruna ixãwididỹdumy reamyhỹre.

<sup>48</sup> Tai Jesuisi hãwyy-ò rarybere: –Aòraruna reixãwididỹnyre.

<sup>49</sup> Tai roxidu mahãdu widee raryberenyre: –Mohãbubo kia rare? Tii òraruna ri-ixãwididỹnyrerimy.

<sup>50</sup> Tahe Jesuisi hãwyy-ò rarybere: –Atyhydỹnyamy textitarasadỹnyte aòraruna sòwe-ribi biu-ò hena tetateri. Mata hỹny.

## 8

<sup>1</sup> Rexideleny raremyhỹ ralòralòmý hãwã hãwã ikòkòmý reamy rare kia aõma Deuxu Rybewihikỹ Tỹmyra relyymy rare. Tai ierdỹna mahãdu waòinatxi reuròmý idi ròirenyre.

<sup>2</sup> Tule hãwyyõ tiiboho wana ròirenyre Ijõta Marie Madalena heka rare. Juhuu tahe tyytybybinahakỹ-di raremyhỹ. Idi debò inatxi reuròmý tyytybybina iribi riòlòdỹnyre.

<sup>3</sup> Ijõta Joana Kusa hãwyy rare. Tii iòlò Herodi heka aõmysỹdỹdu heka rare. Tule ijõ hãwyyõ Susana inire. Idi tule ihona hona Jesuisi taijoi-wana ibutemy tanierureny-di riwiòhenyrenymyhỹre.

<sup>4</sup> Idi iny sòwemy titxiribibo dirahude kia-ò. Kia mahãdu-ò heka Jesuisi ribedeerynyre ijyyòmý.

<sup>5</sup> Alòbòròna-di dehuudu heka ròhònnyre taoworu-ò. Alòbòròna-di imahãdu ijõ ryro-txi resere. Tai heka iny rariamyhỹre alòbòròna tyre-ki. Nawii tule tuu riroximyhỹ.

<sup>6</sup> Mana rotysu-txi ijõ rejuxunyreri mana rotysu-txi suu dori ibututere tai tahe iraruxiõlemy raumynyre.

<sup>7</sup> Ijõ tahe edey-txi resere. Raumynyreu tahe edemy riòhỹtỹnyre.

<sup>8</sup> Ijõ resere suwi-txi. Tai ta raumynyre idi sohoji alòbòrònaty-ribi 100my raratynyre. Jesuisi tamy rarybere: –Kaiboho òhõtirenydikeki heka inatyhymy warybe-ò boholabenyke.

<sup>9</sup> Tai tahe Jesuisi-ò rỹraxyrenyrene: –Aõwe kaa tekewesenanyteri?

<sup>10</sup> Jesuisi rirawyònyre: –Kaiboho heka teerytenynte aõbohe wasimy ijyy rare Deuxu dori adeeremy ritỹnynyre. Kia tahe rare, Deuxu Iòlòna aõmydỹnana wahe. Ijõ iny-ò tahe rarybere ijyy-di relyyre.

Tai robikre tahe, rieryõtyhyke. Roholarenkyre tahe rieryõtyhyke, timybo juhuu Deuxu rybemy rybedu mahãdu rarybere wese.

<sup>11</sup> Aõmybo kia aõijyybo kia rare wahe. Alòbòròna heka Deuxu Rybewihikỹ wese rare.

<sup>12</sup> Ryro-txi resere heka ijohonadu wesemy rare. Deuxu ijyy heka resera ede sõwey-ki. Tii heka Deuxu Rybe-ò roholamyhỹre mahãdu wese rare. Idi tahe Satanasi heka ritamyhỹre iworeny-ribi. Tai rityhynrenykyõmy idi biu-ò rahenyõkremy.

<sup>13</sup> Ijõ tahe manasuõ-txi resere heka, kia Deuxu Rybe-ò roholamyhỹre mahãdu wese rare. Rybe-ò juhuu roholamyhỹre deysana-di rityhynymyhỹre. Kia manatyre resera heka irarutiõhykre. Iny mahãdu wese heka rare. Idi ikyhynakõreki, iwodelòlòtõmoreki urile tatyhydỹna riatymyhỹre.

<sup>14</sup> Ijõ tahe edesuyky-txi resere heka, kia Deuxu rybe-ò roholamyhỹre, idi iworekena sõwemy, iaõdelòlòtõmomy, idi ityhyna wahe urile riòhòtỹnymyhỹre. Tai ròwiòhenadỹõhyymyhỹre Deuxu tyhydỹna-ki. (Kia tahe alòbòrònaõ ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aõma kia inytyhyna ratxireri. Tiu heka ityhydỹna riòlòdỹõtyhy. Kia alòbòròna tahe tai heka rokuõtyhy.)

<sup>15</sup> Kia ijõ alòbòròna suu witxi-txi reserá tasỹ iwitxira inywesemy rare. Kia ijohonadu aõma rierymyhỹre. Irayky-ò ralòmehỹre. Kia iwotyhywo-ò õbitimy ratxirerí tahe, õbitilemy aõ riwinymyhỹre. Iwese kia alòbòròna sõwemy raty rawahinyre wese tahe tii rare.

<sup>16</sup> Ijõ ijyy tahe kiamy roire. Uritere inyõ loosõnaõ rideõmykre butxi rawo-txi ada herina rawoõ-txi aõbo. Loosõna bidekre bedewiõ-ò. Tai tahe ibutumy bedede ritoosõnanykre.

<sup>17</sup> Aõ heka tai wasimy ratxiõhyymyhỹre. Aõutxumy dori ibutumy erylumy rarekre.

<sup>18</sup> Tahe bexijebenykre ijohona-ò. Kia sõwemy idi rỹirerimy ihỹre heka sõwemy rimykre. Kia urihimyo iwo-ki rỹireri heka iribi ritakre. Idi ibutumy rỹireri heka iribi ritakre. Urihimyo iribi iny ritakre. Urihimyo iwo-ki rỹireri heka hulemy iribi ratakre.

<sup>19</sup> Jesusise, tariòreboho tamy doide. Tii ròbedeerydỹmyhỹki isirare tamy dehemysỹ iny sõwe òraru-ki.

<sup>20</sup> Tai inyõ Jesuisi-ò rarybere: –Adihe wa aseriòre boho hewa ahanakile ratxireri umy robikemy ratxirenyreri. Adee rarybekemy.

<sup>21</sup> Tai Jesuisi rarybere: –Waseriòre wa kia Deuxu rybe erydỹnaõ rare. Kia tamy roholamynyrele heka rityhynymyhỹrele heka nadi wesele rare. Tii-wana iwese waseriòre wesele rare.

<sup>22</sup> Iribi tahe hãworo rorukurenyreu Jesuisi rarybere: –Ròkòireny kanawe-ribi ijà-ò. Idi tahe roirenyre.

<sup>23</sup> Jesuisi rõrõmy tòru-ki. Idi tahe yhynihikỹ òbònihikỹ-wana tamyreny reare. Ruberurenyre tiiboho rỹmyrenyke lau.

<sup>24</sup> Tai tahe wylemy riixixanyreny: –Erydỹdu, Erydỹdu rekekoarenkyre berahatxi-ò. Idi Jesuisi donomy deademy tahe yhy dee rarybere: –Biyryke, Biyrykewa. Yhy ruhemy resere. Òbò tule ruhemy ibutumy riyryre, iny rurukre.

<sup>25</sup> –Kaiboho tiwexe ainatyhynareny? Tiiboho rabedeòtidỹmy ruberumy widee rarybereny: –Aõhãbuwe kaa rare. Yhyhykỹ dori òbò dori irybemy reòbyreri.

<sup>26</sup> Kanawe-ribi ijà-ò rehemynyrenyre Kerase bedede-ò kalileia aho weribi-ò.

<sup>27</sup> Hãbuõ heka tamyreny dobehede hãwãhãkỹ-ribi tamyreny dobehede. Tiiboho riòtyròny hãwãro-ribi iu ta tyytybybina-di ratximyhỹre hãbu tiu rexityynyõhyymyhỹre taty-di hyymyhỹre. Kiamy wabedekihyyle ratximyhỹre.

<sup>28</sup> Jesuisimy robireu tahe bedetxile resere tairy-di ryyre: –Aõhebo biwasỹnykre Jesuisi. Kai Deuxutyhy Riòre atxiteri. Uritere aõhõkỹmy wasỹdỹõmykre.

<sup>29</sup> Tahe Jesuisi heka tyytybybina iribi riòlòdỹnyre. Sõwemy dori riuwinyre hãbu rimymyta. Riuwinyre idi rihure. Tai heka tii uritiere womati reroti-di ritaataamy

ruijemyhÿre. Ihãre tahe ixi-ribi riòròmÿhÿre. Tai bedero-txi reamyhÿre tyytybybinamy rawonymy.

<sup>30</sup> Idi tahe Jesuisi rÿÿraxire tamy: —Mobo anire? —Sõwemy wanire. Tyytybybina sõwemy dori tuu rexiykynyreki.

<sup>31</sup> Tiiboho raryberenyre: —Uritere bedebinahakÿ-ò wateòdÿÿrenyõmykre. Uritere sÿu-ò noõma rarekremy hãlootxi-ò.

<sup>32</sup> Iu tahe ixÿni juramy riroximyhÿ hãwãlò-ki. Tai tyytybybina mahãdu Jesuisi-ò rarybere: —Biwateònyõke. Kowa ixÿnijura-ò biwateònybenyke aralorenkremy. Tai Jesuisi riròtenyreny.

<sup>33</sup> Iu kia hãbu-ribi tyytybybina ròhònyrenyreu tahe ixÿniwo-ò ralòreki wahe. Raòlònÿra ijò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatximy.

<sup>34</sup> Ixÿni-di itxeredu mahãdu ibutumy rajiranyra hãwã-ò tule relyyrenyre tuu iny rasÿnymyhÿre mahãdu-ò.

<sup>35</sup> Tai iny dirahude tamy itxeremy. Idi tahe rare Jesuisi-ò. Hãbu robimyhÿrenyre tatyky-di rononymhÿ ibutumy rexiywinymy Jesuisi-ribi iòhòmÿ ronyre. Kia iny mahãdu heka sõwemy ruberure rabedeòtiidÿÿnymyhÿre.

<sup>36</sup> Ibutumy relyyre. Kia tyytybybina timybo aõhebo rotÿÿnyremy.

<sup>37</sup> Kia Kadara bedede ludu kia mahãdu tahe rexitòenyre Jesuisi-ò iribi ròhònykremy, ilau ruberurenyreki wahe. Idi tahe Jesuisi ròkòsere ixÿbyle reare hãworo-ò.

<sup>38</sup> Hãbu tahe rexitòenyre Jesuisi-wana rakremy, kia tyytybybina-di iwo-ki ratximyhÿ wahe. Tamy rarybere:

<sup>39</sup> —Aõkõre bòkese aheto-ò. Ibutumy belyyke aõbo adee Deuxu riwinyremy. Tai ta ibutumy hãwã hãwã-ò relyyre aõhebo Jesuisi risÿnyremy.

<sup>40</sup> Kia iny sõwehekÿ mahãdu heka teysa-di rimyre ridyremyhÿre riraòhyymy ratximyhÿreny.

<sup>41</sup> Kia hãbu dohodÿÿdu hetowo erydÿÿdu tahe nade Jesuisi-ò. Tii heka dohodÿÿnana dinoduõ rare. Ijairu inire Jesuisi-ò sutxi resere: —Mynake wasÿ Jesuisi

<sup>42</sup> Jiarÿ wa wariòre sohojile rare waòinatxi reuròmÿ iwyrã. Tii ka rurukremy roireri. Idi ta Jesuisi rare isÿ-ò. Sõwemy iny Jesuisi riheludunyre.

<sup>43</sup> Hãwyyõ raremyhÿ heka hãwyy webinadu rare iòhò Jesuisi rexisÿny waòinatxi beòramy heka idi ròhònyre hykyky hãlubu ratxireri. Tiu heka inyõ reteytenyõhyymyhÿre luahidÿÿdu, òhotibedu mahãdu he risiranyre.

<sup>44</sup> Tai tahe Jesuisi tykysi-ò reare. Tai ta aõwesele reytemy reare.

<sup>45</sup> Jesuisi rarybere: —Mowe watxi reare? Ijõ rarybereri: —Erydÿÿ mahãdu aõkõre, jiarÿboho aõkõre. Pedro rarybere: —Aõheta sõwe iny kaki rÿireri. Timykibo tuu tÿÿrayiteri.

<sup>46</sup> —Jiarÿ dori reeryre. Mobo watxi rearaule reytera.

<sup>47</sup> Tiihe hãwyy ratxiremyhÿ ramytatamy. Tamy ramytatamy heka tamy rehemynyre. Iòraò rexibedenyre. Ibutumy iko tuu relyyre. Aõherekibo itxi reriramy.

<sup>48</sup> Tai tahe Jesuisi tamy rarybere: —Lerÿ, atyhydÿÿna myna teyteta. Ta bexiywinymy-tahÿny maa!

<sup>49</sup> Kie raryberemyhÿwanale tasÿ iny wixiraõle dehemynyde. Kia aõma dohodÿÿna wedu heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò ijiraõma ixinamy tii rakre.

<sup>50</sup> Jesuisi kia-ò roholareu tahe Ijairu-ò rarybere: —Urile bityhybenykre. Breburenyõma tii reytekre.

<sup>51</sup> Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaõ wana kiale ralòre tamy tiiboho wana.

<sup>52</sup> Ibutumy rasÿbinamyhÿ Jesuisi rarybere: —Ibryrenyõmyke hewa rurumy aõbo roire, urile ròròmÿ roireri.

<sup>53</sup> Ibutumy rieryrenyneri tiiboho urile tai idi risinyrenyire rurumy roimyhỹki.

<sup>54</sup> Jesuisi ihãre ta hirari debò-ki rimyre. Tai tahe idi rarybere: –Hirari, bexixamy, bodonyke.

<sup>55</sup> Ityytyby aõwesele ixityre tamy ralore. Dexixade, donyde. Rỹsỹna hirari-ò riwahinykemy Jesuisi rarybere.

<sup>56</sup> Tai tahe tybyboho sõwemy rabedeòtidỹrenyire rabedesarenyire. Jesuisi rarybereri: –Urile wamy ijyyrenykyõmykre. Aõbo adeereny rewinyramy.

## 9

<sup>1</sup> Jesuisi tahe tawaòinatxi reurò taerydỹna mahãdu ributunyre. Taruru tamy riwahinyre tyytybybina iny-ribi ritakremy. Tule iny webinadu mahãdu riteytenykyre.

<sup>2</sup> Tule rarybere tamyreny: –Kaiboho belyybenykre Deuxu kia Iòlõnamy tule webinadu biteytenybenykre.

<sup>3</sup> Aõ awanareny wydyrenyõmykre debòna aõkõ, aõna hyna tule aõkõre. Tule rysỹnake aõkõ, nieruke aõkõ. Ainatxityyke aõkõkre.

<sup>4</sup> Hãwã-ki hetoõ-txi malòkeki taile bonykre. Hãwãribihyyle bòhònykre, kia heto-ribi bexitakre.

<sup>5</sup> Ibinamy aramyrenykreki, urile bixitakre. Idi òlõna-ki, awa bitòtynykre ibinamy tai tahatenyaki.

<sup>6</sup> Tiiboho ròirenyre hãwã sõmo sõmo-di Rybewihikỹ Tỹmyramy relyyrenykyre ròirenyre. Tule iny webinadu ibutumy iteyteynyrenyre hãwã hãwã-di.

<sup>7</sup> Idi tahe iòlò Herodi ibutumy heka aõna aõna rierymy ratximyhỹ. Tai tii bede ryy rieryõhyomy ratximyhỹ aõbo riwinykre. Roholamyhỹre heka iny rybe rybe-ò. Joaõ heka rexixamy ratxireri.

<sup>8</sup> Ijõ tahe kiamy rarybereri: –Eliasile ratxireri. Ijõ rarybere Deuxu rybemy rybeduõ ratxireri.

<sup>9</sup> Tai tahe Herodi kiamy rarybereri: –Jiarỹ heka Joaõra resymy rewahinyre. Mobo ratxireri iwese Joaõ raremy wese he ratxireri. Moobo ta kiamy raholamy watxireri. Tai Herodi tuu robikemy riwisỹnymyhỹ.

<sup>10</sup> Jesuisi erna iko relyymyhỹreny ibutumy aõbo aõhebo rotỹnyrenyremy tabed-edỹnana. Jesuisi riòlõnyrenyre ijõ hãwã wixira-ò, Besaida hãwã-ò wahe.

<sup>11</sup> Tai iny sõwemy hekỹ rieryõlemy idi ta rieryre tahe sõwemy ihemy rare roirehe. Jesuisi he ributumy ikole relyyre. Deuxu Iòlõmy relyymyhỹre. Tai ròteytedỹmyhỹ webinadu mahãdu.

<sup>12</sup> Aõtxu tahe katxioromy Jesuisi erna mahãdu, waòinatxi reurò mahãdu tamy raryberenyre: –Bede biywinyke ibutumy iny rỹireri hãwã-ò tarỹsỹna õbradỹmy. Inyboho dori bedero-ki ratxirenyneri.

<sup>13</sup> Tahe Jesuisi rarybere: –Kaibohole rỹsỹna biwahinybenyke. Rirasỹnyrenykyre ierydu mahãdu diwyònydenyde: –Aõheretahaka, iruyre orotxu idi inatxi uturale heka roireri. Aroikemy aõbo wadireny atxiteri rỹsỹna õbradỹmy inysõwe-ò.

<sup>14</sup> Txibo 5000 hãbu sõwemy heka rỹimyhỹ. Jesuisi rarybere: –Bihitxinybenyke 50 iny heka iny bisỹnybisỹnybenyke.

<sup>15</sup> Tii myna ierna mahãdu rotỹnyrenyre.

<sup>16</sup> Idi tahe Jesuisi utura inatxi, orotxu iruyre rimyre. Biu-txi reteheremy rexitõenyre. Deuxu reàlãre tamy rexitõenymy riyreyrenymy riwahiny taerydỹna mahãdu-ò. Riwyrenyre tahe riwahiriwahinyrenymy idi roire.

<sup>17</sup> Ibutumy riroxirenyre idi rihydyrenyre. Ihãre ta waòinatxi reuròm hyna ixyby rỹximy rauhenyre. Idi ierydỹna mahãdu ixyby ributunyre.

<sup>18</sup> Jesuisi heka ixisohojile rare ixitõedỹmy. Ierydỹna mahãdu heka irarò-ki rỹimyhỹ riijemy rỹimyhỹ. Idi tahe tamy nade tỹraxy: –Moboho jiarỹ raremy wamy raryberenyneri?



19 Tai narybedenyde: —Ijõ Joaõ Sebedỹĩnamy adireri. Ijõ ta Eliasimy adireri. Ijõ ta juhuu Deuxu rybedu mahãduõmy adireri.

20 Jesuisi tamy rarybere: —Adeereny tahe. Mobo jiarỹ watzireri. Idi Pedro ri-rawyõnyre: —Kai Kristu tate, Deuxu deõdỹĩna wahe.

21 Tahe Jesuisi tamy rarybereri: —Uritere tuu iny-ò ijyykõkremy.

22 Jiarỹ Hãbutyhyhykỹ, Deuxu Riõremy, aõhõkỹmy arotỹĩnykre. Judeu wedu mahãdu, xiwena wahidỹĩdu wedu mahãdu, bede ywina erydỹĩdu mahãdu waderamy reakre. Jiarỹ arurukre. Inataõna txu-di arexixakre.

23 Idi ibutu-ò rarybere: —Wahemy kanake mahãdu urile ixi dee rexiiõnykre. Txuõ txuõlemy taitxeò rimymy kidiwaheludunykre.

24 Waõrary-ki rubudu heka biu-ò hedukre. Tukõkeki urile ixinany inatyhymy rurukre.

25 Aõmydỹĩnanamy iny ritakeki, tahe taumy riõnonykeki, kia heka aõmy aõkõkre.

26 Inyõ raixỹrukkeki warybe lau tule jiarỹ Hãbutyhyhykỹ, Deuxu Riõre wahe, tai ilau araixỹrukre. Deuxuko-ò ýjuko-ò iu adehemynysỹu Deuxu Iõlõna-ki wahe.

27 Inatyhymy heka adeereny ararybekre. Ijõ kaki rare. Deuxu Iõlõnamy robikre tarubukõtyre

28 Tahe debò inataõ txuu rỹidi, Pedro, Txiau, Joaõ-wana Jesuisi ridyre. Tiiboho sohojile bederatõ-ò roire Deuxu-ò rexitõnykemy.

29 Jesuisi rexitõnyreriu tii tamyreny rexiwitziranyre iu rexitõnyreiu ityy heka urile rabõtõranyre. Iurahakỹmy relere.

30-31 Tahe tamyreny dexitỹnnyde Eliasi, Moisesi-wana tahe rarybemyhỹre Jesuisi-wana. Jesuisi rubunamy Jerusalẽ hãwã-ki widee rarybemyhỹreny, kia Deuxu bedeywidỹĩnana myna.

32 Pedroboho rõrõrenyneri. Idi tahe rexixarenyreu, tiiboho Jesuisi loosõnamy robirenyre. Eliasi, Moisesi-wana tiiboho tuu robirenyre.

33 Rõireriu, Pedro rarybere Jesuisi-ò: —Wawedu, awityhymy inyhe inyboho kaki ratxirennyeri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò. Pedro rieryõlemyhỹre aõmybo rarybemyhỹ.

34 Tai rarybereu Nonoe dobehede iubõrõna bede ritõbõnyre. Pedro, Txiau, Joaõ-wana ruberumyhyrenyremy.

35 Tahe rõtõnymy reare rybeuni iuribi: —Kia heka Wariõre waluu rare. Kaiboho tamy bohlabenyke.

36 Tiiboho reteherenyre tahe inyõmy robiõlerenyre Jesusilemy ta robirenyre. Tahe rybeõmy rỹirenyre. Iu inyõ-ò aõmy raryberenyõre tuu.

37 Tai tahe ijõ txu ratõ-ribi dehemynydeu iny sõwehekỹmy Jesuisi-ò rõtõreny.

38 Inyõ rarybere: —Erydỹĩdu, wariõre adee redyreri. Beteheke wariõre sohoji-ò.

39 Tyytybybina rimymyhyre tahe riatyre bede-ò. Idi tahe urile txuu riyiyidỹĩnymyhyre.

40 Aerydỹĩna-ò jiarỹ rarybera tyytybybina riteõnykremy, tahe tiiboho riixãwidỹĩnyõhyreny.

41 Jesuisi tamyreny rarybere: —Tiwesebededỹĩnanabo wijinabõdu ityhyõlemy rỹira. Tiwesebededỹĩnanabo akyreny-ki ariijekemy. Wadee uladu bididyke.

42 Tahe didydenyde Jesuisi-ò. Tahe tyytybybina urile riitxỹteitxỹtenymy resere. Idi tahe urile bede-ki rexiraõhõhõremy sutxi resere. Idi rarybexinymy. Rybexi irywomy rõtõnymyhy. Jesuisi tahe tyytybybina iribi riõlõdỹĩnyre uladu riteyteyre. Idi uladu tyby-ò riwahinyre.

43 Ibutumy iny Deuxu aõwidỹĩna-di bede riõtõnyre.

Jesuisi taerydỹĩ mahãdu-ò rarybere:

44 —Boholatyhyki warybe-ò, Deuxu Riõre Hãbutyhyhykỹ heka rawahidỹĩkre hãbu mahãdubinaõ-ò.



45 Tiiboho rierykõlere. Kiamy dori ilaureny riwore. Tahe ruberurenyre tÿÿraxidÿÿki.

46 Ryro-ki ierydÿÿna mahãdu widee rarybemyhÿre: —Mowexe wiratyre ityhykremy.

47 Jesusireny rexiraykynymyhÿreny rieryre. Idi tahe uladuõ rimymy rarybere. Jesusi uladuõ wana ronyrenyra.

48 Tahe taerydÿÿna-ò rarybere: —Moõ uladu ka wese wadee riwiòhenanykeki, ri-wawiòhenanyre. Moõ riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

49 Joaõ tamy rarybere: —Erydÿÿdu, jiarÿboho riòlòdÿÿnyrerimy tuu rabirenyra inyõ tyytybybina-di animy rehureriò. Tahe iny mahãdureny aõkõ rare. Tahe jiarÿboho tamy reijõnyrenyre iny inyjoirenyre aõkõki.

50 Tahe Jesusi rarybere: —Bijõnybenyõkre. Inyõ inymyrenydòdukõkeki, iny-w-eribireny-ki tii rare.

51 Tahe Jesusi bededÿÿnana iixihidu iòhòmy idi biu-ò rakreu, tii Jerusalê hãwã-ò rakremy rexiwinyra.

52 Tahe takomy inybuta bede riywinyre. Tai itÿhinamy rutòmmy Samaria hãwã-ò.

53 Tai tahe Jesusi deramy rekoarenre Jerusalê-ò ramyhÿreki.

54 Txiau Joaõ-wana kia rierymy tahe narybedenyde: —Wanyrÿhÿkÿ, adee wikeki heòty biu-ribi ityreny kedesekey aritxuhorenykre risòrenykre.

55 Tahe Jesusi irybereny-ki ibinamy rahare tahe reburemy taò riòsere iribireny.

56 Idi ta iwitxira hãwã-ò roire.

57 Tahe Jesusi taerydÿÿna mahãdu-wana roirenyreu, hãbuõ tamy rarybere: —Ihyymy awana arakre titxibo makreu, ahekile arakre.

58 Tahe Jesusi tamy rarybere: —Ijòrò heka ihãloo dire. Nawii tÿtÿ dire. Tahe jiarÿ, Deuxu Riòre wahetoõre, Hãbutyhyhykÿ rare hãrele.

59 Tahe ijõ hãbu-ò rarybere: —Biwaheludunyke. Tahe tii dirawyònyde: —Wanyrÿ, Waha heka rurura. Tai tahe juhoo arituunykre.

60 Jesusi rarybere: —Txioinihe, rubu mahãdu wii rituunyke. Kai tahe makre Deuxu Iòlònamy belyykre.

61 Ijõ rarybere: —Wanyrÿ, araheludunykre. Urile juhoo wasÿ mahãdu arawehityhy-nanykre.

62 Tai Jesusi dirawyònyde: —Inyõ ritelenykeki, tahe ixyby òòsemy rexinohòtinykeki, tii waheludu mahãduõmy rareòtyhy.

## 10

1 Jesusi 72 hãbu heka ritare inatxi inatximy tako-ò tihãwãhãwãtxibo rakreò bede riywinyre. Kiamy tamyreny rarybere: —Waijyymy rybemy boibenyke.

2 Kiamy heka tamyreny rarybere: —Waaõmysÿdÿÿna heka inihikÿ-di isirare. Iwese maixõmo iny riòròmmyhÿre wese heka waaõmysÿdÿÿna rare. Maixõmo oworu heka inihikÿre, idi aõmysÿdÿÿdu heka ibutere. Tai oworuwedu-ò aõmysÿdÿÿdumy bex-itòenybenyke, Deuxu-ò wahe.

3 Kiaboho heka budoeni wesemy iyreny-ki boibeke. Kia-ribi nohòti losaõmykre.

4-5 Tai heka bexiijebenykre anierureny wydyõmy. Aõna aõna renyhynykeõ aõkõ awareny wydyõmy iny-ò ryberenyõmy iny iny-ò ryberenyõmy, rywetyatyamy abed-edÿÿna nodÿÿmy. Inyheto-ò malokreu Deuxu deysanamy birybenybenyke.

6 Tii adee awirenykre wana heka teysakre kahetoludu. Tai tahe ixibyle adee Deuxu deysana ròðsekre adee awiòhyykeki wahe.

7-9 Aõma hãwã-ò malò-wana uritere deuròsò deòròsòõmy matximahãke. Tai tehe-mynymy atxiterikile bexiijemahã tetxilemy. Uritere rÿsÿna òta òtaõ aubeò ritidi wana uritere rybeòlòõmy. Birÿsÿmy rybeõlemy. Awiòhedÿÿmy ruruke wana bimymyhÿ aõbo adee riwahinymyhÿre. Iny raaõmysÿdÿÿmyhÿre heka ròtamyhÿre. Kia wese

heka biwinymyhÿke. Birÿsÿmahãke aõbo adee riwahinymyhÿke. Binaõ roiwana biteytenmahãbenyke. Kia wesemy tamy marybeke: —Deuxu Iòlòna heka iòhòmÿ ihÿre.

<sup>10-11</sup> Hãwã-ò birònykeki, inyõ aradyrenyòkeki, boibenyke hãwãky-di. Myÿ mary-bebenyke tamyreny: —Aõbo wawa-ki hãwã-ki rÿireri. Wawa aritòtynkre bryby iribi ròhònykremÿ. Adeereny ariteòsinykre nohòti ijaranamy tamyreny. Nohòti losarenymÿ Deuxu Iòlòna adeereny iòhòmÿ dehemynyde. Tahe kaiboho teramy tekoatenyde.

<sup>12</sup> Aõma ywisidÿÿnatxu heka tiiboho aõhòkÿmy rotÿÿnyrenykre. Jesuisi rarybere: —Tiro hãwã Sidò hãwã heka awimy aribireny ròhònykre.

<sup>13</sup> Kobe làhàxe kai Korasì hãwã, tule Besaida hãwã. Òhotibe ayreny-ki rÿire, kia heka Txiru hãwã, Sidò hãwã tule kire-wana taõ òta òtareny-ribi rexiatyrenyde. Tiiboho tykysausuhukÿtyre rexisÿnyre bryby-di rexierenyde.

<sup>14-15</sup> Òhotibetxumÿ heka Deuxu raruxetòenykre Txiru hãwã mahãdu, Sidò hãwã mahãdu! Kaiboho tahe aõkore. Deuxu araruxetòenyòkre. Kai Kafanaõ hãwã yludu mahãdu aõbo adeereny rotÿÿnykre. Biu-ò aõbo bòibenykre. Aõkò heka heòtybina bede-txi heka boibenyke.

<sup>16</sup> Tahe Jesuisi taerydÿÿna mahãdu-ò ixyby rarybere: —Inyõ aradyrenykre wana tasÿ-ò. Iwese riwadymyhÿre wesele, aradyrenykre. Moo adeereny roholamÿhÿre iyubu wadee roholamÿhÿre. Wana tahe waderalemy reamÿhÿre. Waderamy reamÿhÿre tahe tule Waha deramy reamÿhÿre. Deuxu wateòdÿÿdu wahe.

<sup>17</sup> Tanonanarenny-ribi iribi tahe kia erydÿÿna mahãdu ibutumÿ dòòsedenyde. Tiiboho heka teysa nihikÿmy dòidenyde. Tybybinanahakÿ heka irybe-ki ròhònyhÿre irybereny-ki. Riòlòdÿÿnymÿhÿreny wana Jesuisini-di heka ròhònymÿhÿre kiamÿ Jesuisiko-ò tuu re-lyyrenyde.

<sup>18</sup> Tii rarybere tamyreny: —Bexiijebenyke jiarÿ dori Satanasimÿ biu-ribi rabire, biudelaa wesemy reseremy tuu rabire.

<sup>19</sup> Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyõ ruruòtyhy itytibòrò nihikÿ arawerenykeki, tiu buruòtyhy. Tule kai aòludu rururatyre arurureny-di boibekre.

<sup>20</sup> Ihãrele tahe uritere deysarenkòmÿ atxibenyke ka ruru òraru-ki tyytybybina deòdÿÿna, ruru wahe. Kaiboho dori anireny raritinymÿ roimÿhÿre biu-ki kia ta ateysanarennykre.

<sup>21</sup> Iule tahe Jesuisi reysare heka Deuxu Tyytybytyhy iwomy reareu. Kiamÿ rex-itòenyre: —Waha, kai wa biuwedu tate ibutu bede wedu tate. Umy reàlàmy watxireri tamy retòenyre. Wadeysamy watxireri ka aõma dÿÿnana bederaremy nihikÿ iribi tewòmÿ atxiteriki wahe. Tamy hete iwese iny uladu wesemy rityhynymÿhÿre heka. Tai tahe tamy ritÿÿnymÿhÿre. Kia adeewimÿ tuu rare.

<sup>22</sup> Jiarÿ heka ibutumÿ Waha wadee riwahinyre. Inyõ rieryòhÿymÿhÿre Waha wahe. Waòrarukile tahe iny rierymÿhÿre. Mobo Waha rare wahe. Waòrarukile dori rierymÿhÿre. Ijò aritÿÿnykemy watxireri. Tai tahe tiki tule riery iruru. Taile rierykre.

<sup>23</sup> Rexitòenymÿ rahudi tahe wasimÿ iwòtemÿ heka rarybere taerydÿÿna mahãdu-ò: —Kaiboho heka sòwemy aõwiwihikÿmy tabimÿhÿtenyde. Tai kaiboho beysabenyke.

<sup>24</sup> Ihetxiu heka Deuxu rybedÿÿdu wana kia aõmysÿnanamÿ iòlò mahãdu wana. Kaireny aõmydÿÿnanamÿ robikemy risÿnyre, tahe aõkòhÿre. Wijile heka tuu robireri aòrarureny-ki. Tule tabitenyteri kaiboho ratximÿhÿ inatyhymÿ aõbo òbitimÿ Jesuisi ijyy-ò roholarenkemy tahe aõkòhÿre.

<sup>25</sup> Moisesi bede ywina rybe-di rãire Jesuisi lÿÿraxidÿÿmy. Iwese kai ixiluure wese, iny witxira luuke! Tii tahe Jesuisi rihixidÿÿmy rarybere: —Aõhebo arotÿÿnyke biu-ò arahenykemy.

<sup>26</sup> Jesuisi dirawyònyde: —Timybo kÿnyhe Moisesi bede ywina tyyriti-ki roimÿhÿre? Timybo tuu manarybekre.

27 Tii tahe diwyònyde timybo tyyriti-ki roimyhÿre myna:

–Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahãke.

28 Tai tahe Jesuisi tamy rarybere:

–Kai inatyhymy tarybeteri tai inatyhymy mahenykre biu-ò.

29 Kia hãbu heka rexiòbitinykemy idi ratxireri. Taita rarybere Jesuisi-ò: –Mobota waeryre?

30 Tahe Jesuisi ikò relyyre ijyymy. –Judeu mahãdu hãbu heka ratÿinamyhÿ Jerusalẽ hãwã-ribi, Ijeriò hãwã-ò. Iribi tahe kia wasidu mahãdu rimyrenyre. Inieru ibutumy iribi ritarenyre. Ityy hÿre raòhòtere irubudÿÿle rasiranyre ririre. Tahe ruruòki rÿimyhÿ.

31 Aõma judeu xiwenawahidÿÿduõ heka idi rare. Tahe hãbumy robire. Idi hãbu-ribi irehemy rexiemy reare. Tahe tÿtxi rerikõle rare raty resere.

32 Hãbuõ rehemynyre tiie-ki dohodÿÿna wiòhedÿÿduõ rare, Levita wahe. Tule ratyresemy ririre.

33 Tahe ijõ nade Samaria bede hãwã luduõ heka rare. Judeu mahãdu heka Samaria mahãdu luukõre. Idi tahe kia judeu mahãdu roimyhÿ. Tahe Samaria mahãdu hãbu sõwemy riruxetòenyre.

34 Idi tahe tamy rexitÿmynomy tahe iwotõmona rituahinomy ritaataamy iwotõmona. Idi tahe ka hãbu relyymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rummy heka ritòenyre hykyky idi bede nade awimy risÿnykemy.

35-37 Rudile heka heto òwy-di iwedu-ò heka nieru riwahinyre riòwynyre inatxi womati nieru. Tamy rarybere: –Biwiòhenanyre idi mabekre adòòsekre riròkre. Moma arÿnaderenykre Arÿnadebenykre heka adiòwynykre adòòsekreu wahe. Ka hãbuhe rarybere: –Hãbu bireludu ratxireri. Kia taruxetòenyre tiòsinyre waha tieka idi hãbubireludu ratxireri. Wimyy raòludumyhÿre hãrele taheka riwiòhenanyre. Jesuisi tamy rarybereri. –Iwesele biwinykre iweseka hãbu riwinyra weselemy biwinykre. Kai aõhebo botÿÿtyhy mahake. Iwesele wahe. Jesuisi rÿÿraxire: –Mobo hãbu aõtxino biòwa rare? Mobo ibireludu wahe? Bede ywina erydu tai rirawyònyre: –Iwiòhedÿÿdu wahe.

38 Jesuisi, ijõ mahãdu-wana ròirenyre. Hãwã-ò rirònyrenyre. Hãwyyõ rare Marta inire. Tahe ridyre tasÿ-ò tai ratxirenykemy.

39 Tahe Marta heka iseriòre dire. Marie inire. Marie urile ibire-txi ronyra aõbo tarybeke roholakelemy.

40 Marta heka raelelemy ratxireri. Aõna aõnale rotÿÿnymyhÿle riwinomy taile rare ratximyhÿ. Tai tahe nade Jesuisi-ò rarybere: –Jikarÿ sohojile wa watxireri waser-itxòre riwawikòhenanykòhykyreri. Kai anobohe kòbitimy tai tahateri. Tamy marybeke riwawikòhenykeny.

41 Tai tahe Jesuisi he tamy rarybereri: –Marta, Marta, aõherekibo kai taelelemy teamy atxiteri?

42 Sohoji aõmydÿÿnale heka awire. Marie awityhy aõmydÿÿnana ixidee rimyre. Kia moo iribi ritaòtyhy. Riwinomyhÿ awityhyreki wahe. Tamy rarybeòtyhyõ wadee roholareri iribi ariòlòdÿÿnyke wahe.

## 11

1 Tiutxubo Jesuisi rexitòenymyhÿre, iny rieryòlemyhÿre. Jesuisi rexihudi, ijoi rarybera: –Biwaerynanybenykre iwese textitòenyteri wese, Joaõ tahe tajoi rierynanyre.

2 Tai rierynanyre. Kai bexitòenykeki, kawese marybekre:

–Waha, ani ibutumy tamywimy. Wylemy mynake iny òlòdÿÿmy.

3 Rÿsÿna txuõ txuòlemy biwahinybenykre.

<sup>4</sup> Inyòraruna biixãwidinykre, iny iwitxira-dori taòraruna ariixãwidinykre. Waatysyrenyõmy òraruna-txi.

<sup>5</sup> Jesuisi heka taerydỹna mahãdu rierynanyre ijyy-di: –Kai arỹsỹnaõmy bonykeki, abiòwa-ò make ruetya rexitòedỹỹmy rỹsỹnaõ huòtemy bidiwykemy: –Wy, ahina inataõ wadee bidihuòteke.

<sup>6</sup> Wabiòwa rehemynyreri bedetỹi-ribi. Aõ heka wawahisidỹỹkõnare.

<sup>7</sup> Tii òsana myỹ adee rarybekre: –Wadee ixitòedỹỹõmyke ruetyahakỹmy. Arỹiòtyhy waherina-ribi rexiyrubunymy heka räireri. Ibutumy iny heka rõrõmy rỹireri. Uladu, tule iumy rõrõmy rỹireri. Wadee ixitòedỹỹõmyke.

<sup>8</sup> Rexitòenyhyhy tai hyyhy rỹikeki tai ihãrele rỹike. Abiòwatòenamy aõkõ kỹnyhe rỹike. Texitòenyterikile rỹike.

<sup>9</sup> Tai heka adeeremy rarybereri. Bexitòenykeki, biwyke. Biijeke aõbo teijeteri, tai tahe mahake. Ijòtòbòna bihetenyke tahe adee riraynymy tahe malòke. Tai tahe adeeremy rarybera. Ibutumy rexitòenymahãke, tamy riwahinymahãke. Ibutumy iny riijemahãke, tai rahake. Iny rihetenymahãke riraynyke.

<sup>10</sup> Tai adeeremy rarybere: –Ixitòedỹỹki iny aõ rimymyhỹre. Aõitxe-ki aõtxi ijara rỹimyhỹ. Ijò-di ròtemy ijara-ki iny ralòmyhỹre. Ijò-di ròtemy ijara-ki, iny ralòmyhỹre.

<sup>11</sup> Uladuõ tyby-ò uturamy rexitòenykeki aõbo, hemylalaõ tyby tamy riwahinyke irỹsỹnamy? Timyki tuukõna! Kaiboho kiamy aõbo botỹỹnybenykre? Timyki tuukõna!

<sup>12</sup> Uladuõ tyby-ò hãniesimy rexitòenykeki aõbo, itytibòrò tamy riòkre. Timyki tuukõna!

<sup>13</sup> Kaiboho aõbina binahakỹdile tahòtinymahãteny té, aõwihikỹ aõbohe ariòreremy-ò biwahinyke. Boreny aratyre heka bede rieryke, Deuxu wahe. Tamy bexitòenybenykeki, tii Deuxu Tyytybytyhy adeeremy riwahinyke.

<sup>14</sup> Ixityre tasỹ hãbuõ raremyhỹ irybeõmy. Jesuisi taile ratximyhỹ tahe tyytybybina riòlòdỹỹnyre iribi. Iu tyytybybina iribi rohonyreu tahe, hãbu rarybere kia rybeõmy ratximyhỹre wahe. Tahe iny sòwehekỹ mahãdu sòwemy idi rabedeòtiimy rỹire.

<sup>15</sup> Inyõ tahe, inysòwehekỹ yluduõ tahe kiamy rarybere: –Kia diabo ruru-di, Belisibu ruru-di heka iribi riòlòdyỹnyre. Tii tyytybybina mahãdu wedu rare.

<sup>16</sup> Ijõ tamy rarybere: –Jesuisi, araeryrenykre inihe aõ biditeòsinykre wadeeremy. Inatyhy aruru biuludu ratximyhỹre. Widỹỹnaõ inihe wadeeremy bitỹnynyke kialemy heka rarybemyhỹre urile riurihimy tamy aõ itxerenamy riwinykelemy.

<sup>17</sup> Jesuisi tahe rierymyhỹ aõmybo raraykynymyhỹreny. Tai heka tamy tuu rarybere: –Kia iny mahãdu wiribi hitximy raraykywydynykeki, tii tahe rexihuke itueke, sỹ mahãdu tule wahe.

<sup>18</sup> Timybo Satanasiboho bede widee ribinanymyhỹrenyeki, awityhymy roirekre. Jiarỹ araeryrenyreri timybo taraykynytenyteri. Aõma Satanasi ruru-di tyytybybina ariòlòdỹỹnykemy tarybetenyteri heka reeryeri.

<sup>19</sup> Kia riki ariwinykeki, kaiboho tule wawesele tewinyteny te. Timybo? Mobo awiòhedỹỹdureny rare? Satanasi aõbo? Kaiboho boibenyke ixitòedỹỹmy awiòhedỹỹdureny-ò.

<sup>20</sup> Jiarỹ Deuxu ruru-di ariòlòdỹỹnykeki, kaiboho bexiije benyke, Deuxu Iòlòna tahe adeeremy iòhòra.

<sup>21</sup> Hãbu deburehekỹ tadebòna-di taheto riyrubunykeki, rexityhynymy ronyke. Iaõmydỹỹna ibutumy iyrubudỹỹnamy rỹike.

<sup>22</sup> Tahe ijõ kedehemy nyke iratyre teburetyhy, tahe iaõmydỹỹna ibutumy iribi riwyke.

<sup>23</sup> Iny wawana aõkõ ratxirerimy ihỹre, tii heka waribi hitximy ratixmyhỹre. Iny wawana aõkõ ratxireri, tii tahe aõtxile ramyhỹre ixideòna.

<sup>24</sup> Jesuisi ijõ ijyy relyyre: –Iny-ribi tyytybybina ròhònymyhỹreu, tii heka rake ixitawo-di rake titxibo. Rubumy rarunymy rake. Bedeõ-ki rahakeki tahe, ròhòtinyke. Aròòsekre, tikibo rarawãhãòle.



<sup>25</sup> Ixyby kòdòòsekeu tahe, isy ibutumy, tytymy roike iruxeraõ.

<sup>26</sup> Idi ixityre ijõ rimyke debò inatxi reurò tyytybybinaõ. Idi tahe tamy rasnyrenyke. Iratyre tyhy wahe ibina. Iu kia ixisohojimy tyytybybina-di aõmysydyõmy raremyhõu tahe, ihewo-ribi rimyra tahe irona-ribi tahe aõnityhymy releke. Ibinatyhymy tamy rare.

<sup>27</sup> Iribi tahe hãwyyõ rryryre ibutu ijohonamy: –Hãwyky heka aratxurananyre, aratibi-enyryre heka iny bedekòby rare.

<sup>28</sup> Tahe Jesuisi rarybere: –Deuxu Rybe tyhydõyõdumy iratyre wadee awire. Deuxu deysanamy tamy kanakemy idi watxireri.

<sup>29</sup> Idi tahe inysõwetyhymy dehemynyde Jesuisi-ò. Jesuisi kiamy rarybere: –Iny heka kia mahãdu ibinatyhymy rõire aõwihikõle heka riijemy rõire. Itxerenaõmy robikre ratxireri tahe itxerena Jonasi-ribi nadelemy tahe robikre.

<sup>30</sup> Jonasi heka Ninive hãwã mahãdu-ò itxerenaõ heka tii rare. Tule jiarõ heka Deuxu Riõre Hãbutyhyhykõ rare wijinabòdu mahãdu dee itxerenaõ jiarõ rare.

<sup>31</sup> Ibòò mahãdu bede konana-ribi iòlò hãwyy Salomaõ bede eryhykõ-ò ijõhonamy irehe-ribi nade. Wijinabòdu mahãdu taheka naõhyymahãde wadee ijohonamy. Salomaõ ratyre heka jiarõ watxireri. Ikonana txu tahe ibòò iòlòhãwyy rõikre rarybekremy. Tii rarybekre: –Anoherekibo Jesuisi deramy teakamahãtenyry wahe. Timykiõbohe irybe bedekeryna-kò ijohokuna rõikõmyhõreki wahe.

<sup>32</sup> Ninive hãwã mahãdu tule rõikre rarybekremy iwesele. Jonasi rybe tnydyõna-ki rexirãhirenyre. Kaki heka Jonasi ratyre hãbuõ ratximyhõre, jiarõ wahe. Wadee ijohonadu aõkõ heka toite.

<sup>33</sup> Moheka loosõnaõ rideõhyymyhõre herinarawo-txi toosò iwasihiõkõmy roosõmyhõkemy. Tiiemy heka biuõhy rademyhõre ibutumy bede ratõnymyhõkemy.

<sup>34</sup> Arue umy dori itõnymy roimyhõre. Arue awikeki heka ibutumy aumy awikre. Arue ibinakeki tasõ aumy heka bedelorokile rõimyhõkre.

<sup>35</sup> Awo toosõmy ratximyhõre wana, bexiijemahãke. Aumy biemahãke bedeloro-ki rurunyheny.

<sup>36</sup> Bedelorohokõ aumy-ki rõiõmyhõre wana, tai tahe boosokre ibutumy titxibo bede-txi mamahãkre wana.

<sup>37</sup> Jesuisi kiamy rarybereu tahe, fariseu mahãduõ tamy rarybere: –Manake wasõ-ki rikiroxikremy. Tai tahe Jesuisi rare, ralore, ronyry roximy.

<sup>38-39</sup> Jesuisi ronyryre, tebò risuhõõre. Tai tahe idi bede riõtiinyre. Jesuisi rarybere: –Kaiboho fariseu mahãdu, ibutumy heka txisuhõsuhõmahãtenyry. Ebò tesuhõmahãte, aumy ibutumy tesuhõmahãtenyry. Webõrõsityyludu wahe. Kaiboho heka isuhukõlemy toimyhõte ibutu aõikõkõ-di isumy roimyhõre aworeny-ki.

<sup>40</sup> Iu heka õbitimy taraykynytenyõhyymahãtenyry. Deuxu heka iwebro ludu riwinyry, inatyhy? Tule aworeny, araykyreny wana riwinyry.

<sup>41</sup> Iny aõkõ mahãdu-ò maruxetõemyhõbenyke. Tai tahe byranybenyke heka. Ibutumy awo-ki, ahana-ribi tule ryranykre.

<sup>42</sup> Kobe làhãxe kaiboho fariseu mahãdu. Kaiboho Deuxu dee tewahinymahãtenyry uriõno. Debõwiõ aõ tetatenyry wana heka, sohoji tewahinymahãtenyry. Tule aõmydyõnareny aoworoludurenyõ tewyteny wana, tule tewahinymahãtenyry. Kia awire, biwahinymahãbenyke. Urile tahe teerytenyõhyymahãtenyry Deuxu luuna, Deuxu õbitina. Biwahinymahãbenyke heka Deuxu dee aõmydyõnaõ. Tii tahe awire. Tule nohõti losarenyõmyke, luuna, õbitina.

<sup>43</sup> Kobe làhãxe kaiboho fariseu mahãdu. Dohodõõna heto luureny ikoõhõkõle heka torokomahãtenyry. Kaiboho arybedõõnareny-ki awimy tahamyhõtenyry.

<sup>44</sup> Kaiboho kobe làhãxe. Wobrona wesemy toite. Iwese iny rubuhãloo tyremy iny rariamyhõre wese ierykõnamy, kiawesele toite.



<sup>45</sup> Bede ywina bede erydÿÿduõ heka tai ratximyhÿ. Tii tahe Jesuisi-ò rarybere: – Erydÿÿdu, kai heka aõbinahakÿlemy wamyreny tarybeteri, kia wese rybe-ki.

<sup>46</sup> Inatyhy rare. My tahe Jesuisi risÿnyre: –Inatyhy dori tule bironybenyke aõhõkÿmydÿÿnana. Iny dori adeeremy rarybemyhÿre iny rybe bityhynymyhÿbenykemy tahe ihãrele tetyhynyõhyymahãtenynte. Bede ywina ritidÿÿna tewinymahãtenynte, ihãrele tahe tiu heka tetyhynyõhyymahãtenynte.

<sup>47</sup> Kobe làhàxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite.

<sup>48</sup> Kaiboho rubudÿÿdumy toite. Òbitile tewinymahãtenytelemy ixidee tahõtinymahãtenynte.

<sup>49</sup> Deuxu tahe rarybere umyrenymy wahe: –Tahe jiarÿ aditeònykre heka Deuxu rybedÿÿduõ tule Deuxu deòdÿÿnaõ heka aditeònykre. Imahãduõ birubunybenykre ihona tahe biteònybenykre.

<sup>50</sup> Kaiboho heka bede òrarumy boibekre kia rubudÿÿ òraru erydumy wahe.

<sup>51</sup> Abeli hãlubu txiwina tahe xiwena hure rubuna. Idi tule Zacaria hãlubu txiwina wahidÿÿna bire-ki heka Deuxu hetobire-ki. Kohe, ihure rubureny òraru-ki aõhõkÿhÿkÿmy biòwynybenykre.

<sup>52</sup> Kobe làhàxe, kaiboho bede ywina erydÿÿdu mahãdu, bedeeryna ijò rayna dinoduboho wahe. Kaiboho tahe terònyõmy bede eryny heto-ò. Tule inywitxiraõ tetòenytenynte iròte lau.

<sup>53</sup> Jesuisi ròhònyreu, teburemy tiiboho ritÿÿraxinymyhÿre aõna aõnamy.

<sup>54</sup> Tuu ròtÿÿraxidÿÿmyhÿre timykibo rirutaõnyrenykemy.

## 12

<sup>1</sup> Sõwemy iny tahe ributunyre. Ube tahe rÿximy ratxireri. Tahe juhoo Jesuisi taerydÿÿdu mahãdu-ò rarybere: –Fariseu mahãdu, saduceu mahãdu urina biebenyke. Tiiboho dori ruidu mahãdu roire.

<sup>2</sup> Wasimy wiji adeeremy relyyre. Tiu ta ibutumy ijyynamy rÿikre

<sup>3</sup> Aõbo wasimy wiji taholate heka ibutumy biurasòmy ratÿnykre.

<sup>4</sup> Uritere iny lau brebuõmyke. Aumyle tii rirubunykre. Ijõ ibinamy adee aõkõ tii rotÿÿnykre.

<sup>5</sup> Iny lau sohojile breburenyõmykre. Deuxu lau ta buberukre. Tii dori atyytyby bede bina-ò rahuke ixideewikeki.

<sup>6</sup> Nawiiõ kaiboho bidymyhÿbenyke iòwy riòre iny heka riwymyhÿrekre. Ibutumy heka Deuxu nawii rieryre sohoji sohojimy.

<sup>7</sup> Deuxu ara erymy heka aõma arati-ki tiwesebo aradeti rÿimyhÿre rierymyhÿre. Brebuõmyke, aõma Deuxu heka anaerymyhÿre nawii sõmo ratyre heka rierymyhÿ.

<sup>8</sup> Kai marybeke: –Jiarÿ Deuxu retyhynyre dori tahe umy arelyyke Deuxu ÿjukomy rarybeke biu-ki wahe, jiarÿ Deuxu Riòre Hãbutyhyhykÿ wahe.

<sup>9</sup> Iny sõwehekÿy-ki riwatxiõnykeki tule aritxiõnykre jiarÿ Deuxu ÿjuko-ò.

<sup>10</sup> Inyõ Deuxu Riòremy aõbina binamy rarybekeki, irybe-ribi nohõtilosa rÿikre. Deuxu Tyytybytyhymy tahe inyõ ibinabinamy rarybekreki tahe, aõhõkÿmy rotÿÿnykre irybe òraru-ki.

<sup>11</sup> Aramykeu heka uritere nohõtiõmyke aõmobo marybekremy ywisidÿÿna-ki. Bede heka ariwahinykre rybedÿÿnanau. Rybeõmyke ikotyre.

<sup>12</sup> Kai ixiiwanale aõkõre marybeke. Deuxu Tyytybytyhy arãwiòhenanymyhÿreny.

<sup>13</sup> Hãbuõ inysõwey-ki tahe Jesuisi-ò rarybere: –Wanyrÿ, Waha rurura. Waseriòre tahe ibutumy waha aõna aõna riwyrã ixidee sohojile. Tamy marybeke wadee ritxuranykemy.

<sup>14</sup> Jesuisi tamy rarybere: –Hãbu, kia waaõmydÿÿna aõkõ rare. Timybo ayreny-ki araywisidÿÿnyke?

15 Tahe Jesuisi ibutumy iny-ò rarybere: –Warybe-ò bodoholabedenyke. Ixityhyõmy! Arutyhy heka aaõna aõna-ki aõkõ rare aõna aõna sõwrehãre.

16 Tahe Jesuisi ijyymy røkewesenadÿÿre: –Hãbutyhy riki ioworu nihikÿre. Tahe sõwemy rÿsÿna ributunyre.

17-18 Iheto tahe iyjare ibutumy ributunykemy. Tahe ixidee rarybere: –Aõhebo arotÿÿnykre? Waaõnaheto butumy aritxiwikre. Ijõ iribi inihikÿmy ariwinykre. Tai ibutumy waaõwiwi. tamy aridekre.

19 Tai tahe ibutumy waõwiwi-di areysakre. Arexielehynykre, ariroxikre, ariõkre. Waruhyy areysakre.

20 Deuxu tahe kia hãbu-ò rarybekre:

–Hãbu itxÿtere. Kai wijirulemy burukre. Tai tahe mobo aõna rimykre.

21 Jesuisi taijyy rihure rexirybenymy. Kia heka aõhebo rotÿÿnyre iny ityhy mahãdu. Tiiboho dori Deuxuõle ityhymy aõkõ ihÿrenyre.

22 Kia heka Jesuisi taerydÿÿna mahãdu-ò rarybereri. Uritere nohõtiõlemy arÿsÿna tule atyymy, idi matykynykemy.

23 Aumy heka rÿsÿna ratyre aõnityhy ratximyhÿre. Aumy heka atyky ratyre aõnimy ratximyhÿre.

24 Nawii-di betehebennyke. Tiiboho heka ioworuõrenyre. Tarÿsÿna riyrubunyõhyymyhÿrenyre. Deuxu heka nawii riyrubunymyhÿre, irÿsÿna tamy riwahinymyhÿre. Kaiboho tahe nawii ratyretyhy toite Deuxu dee.

25 Sõwetyhymy maraykywydynanykeki aõbo arumy arirarehemy mariake? Aõkõre!

26 Kia aõ iyjare tahe Deuxu-ò. Kia biwinybenyõkeki, aõherekibo ijõ aõna aõna nihikÿ-di tahõtinymyhÿte?

27 Betehemy inihe noijasa-di. Aõma tiiboho raaõmysÿdÿÿõhyymyhÿrenyre. Ihãre tahe iruxerarenyre ityy wiwihikÿrenyre wese. Tyy ixidee riwinyõtyhy Deuxu rityyny wihikÿ heka tyy wihikÿ tamy riwahinyreri. Salomaõ heka ityynihikÿ rare. Ihãre tahe ityy heka awityhymy aõkõ noiròsò wese.

28 Deuxu heka noijasa rityynymyhÿre kia wijilemy idi ihÿre. Biurasòmmy tahe ixãwimy reamyhÿre. Tii heka tyy adee kidiwahinykre. Tai tii atyrenyre. Tai ta ixinohõtiyredÿÿrenyõmy. Aõherekibo ainatyhyna ibutere?

29 Tahe raykõmy nohõtiõmy titxiribibo arÿsÿna adee kanakredi.

30 Tyhydÿÿdukõdu mahãdu heka tuure. Inytybyrenyre heka rierymyhÿre aõmybo tarumahãte. Ibutumy heka arerymyhÿre aõmybo teamyhÿte.

31 Tii Deuxu aõmy dÿÿnana sohojidile maraykynykeki heka tii ibutumy adee riwahinykre.

32 Brebuõmy ahãbenyke wariòreboho. Deuxu Iòlõna adee kanakemy, Deuxudeewina wahe.

33 Aaõna aõna-di bohonybenyke. Iòwy tahe iaõkõdu mahãdu-ò biwahinyke. Anieruhyna wiwihikÿdile boibeke. Kaki ibutudÿÿlemy heka biu-ò bibutunyenye. Tai heka judõera aõ rirõõtyhy tule rararyõtyhy. Tule tai wasidu ralõõtyhy.

34 Tikibo aõwireny rÿikeki, tai heka araykyrenyre ratximyhÿre.

35 Ijõ tahe Jesuisi rarybere: –Kaiboho bexiywinybenyke, ibutumy aõhebo rotÿÿnykemy bexiywinyke. Awereysanarenyre-di atyky beximyenye. Aloosõna bitoonyke.

36 Deòdu mahãdu wesemy boibenyke. Bexiywinybenyke awedu dehemynyna-ò, tii worana bedehesi-ribi rehemynyremy wahe. Iu rehemynyreu, teòdu mahãdu heka ijõ riraynyke.

37 Tiiboho riraõrenykeki, deysamy rÿikre. Iwedu dori reximykre ityky wereysana-di tahe rÿsÿna teòdu mahãdu-ò riwahinykre.

38 Tii ruwetyakile rehemynykeki, deòdu mahãdu reysakre. Tiiboho dori rexiraòmmy rÿimyhÿrenyre.

<sup>39</sup> Tai heka iny rexiywinymy r̄ymyh̄kemy rybe roimyh̄re awedureny kanakreki. Aõma h̄abuõ kanakeki heka tiu aõma h̄abuõ itxeredumy ronykeki heka, tiu h̄abuõ iribi rawasinyõtyhy.

<sup>40</sup> Kaiboho tule bexiywinybenyke wadehemynyna txu heka biijemy bonymyh̄benyke.

<sup>41</sup> Tahe Pedro rarybere: –Wanyr̄y, kai wadeerenyle ijyymy telyyte ada ibutumy iny-ò aõbo telyyte?

<sup>42-44</sup> Tahe Jesuisi riwyõnyre: –Aõtxile inyõdee, tibo deòdu taaõmys̄d̄ȳna riywinymyh̄re, kia idinodu tai awimy rahamyh̄re tii dori r̄ys̄na òbitimy riõriõmyh̄re. Idi tamy aõwiwi riwahinykre taaõna aõna-di itxeredumy tule ris̄nykre.

<sup>45</sup> Tii iwitxiramy rexiraykynykeki tahe, ijõ teòdumy raòhòtemy urile idi risinymy kamy rexirybenymy: –Wawedu dori wiji aõkõ rarerikre.

<sup>46</sup> Tai ierykõna-di iwedu kedehemynykre. Tuu rierymy iaõmys̄d̄ȳna-ribi ritamy aõhõk̄ȳmy ris̄nykre ityhyd̄ȳdukõdu mah̄adu wese.

<sup>47</sup> Deòdu tawedudeewi rierymyh̄re. Tai heka tuu rot̄ȳnyõkeki, tii tahe s̄owemy aõhõk̄ȳmy rot̄ȳnykre, òhòtemy wahe, tamy riywinyõreki.

<sup>48</sup> Ijõ deòdu tahe tii iwedudeewimy rieryõkeki, tii tahe aõbinamy riwinykeki, tamy tahe urihimyo òhòte tai r̄yikre. Inyõ s̄owemy ityhykeki, s̄owemy ijõ iny tamy rexitòenykre.

<sup>49</sup> Jesuisi ijõ rarybere: –Heòty-di bede ariworonykemy heka jiar̄y anade. Tii òte raworonykremy idi watxireri.

<sup>50</sup> Jiar̄y ratisebenaõwesemy aralokre. Arurukre dori. Ele elemy r̄yikemy ixi-di watxireri.

<sup>51</sup> Kaiboho tahõtinyte wadehemynyna-di. Ywina adiwydemy wadi tahõtinyte. Aõkõrehe, bede jei jeid̄ȳmy anade iribi widee rahitxihitximy r̄yikremy.

<sup>52</sup> Iruyre ins̄y mah̄adu heka widee rahitxihitximy r̄yikre. Inataõ iny iuhe òludumy r̄yikre.

<sup>53</sup> H̄abu mah̄adu heka tyby òludumy rarekre. H̄awyy tule tadi òludumy rarekre. Iriokorese heka tariòrelahi òludumy rarekre.

<sup>54</sup> Ijõmy Jesuisi rarybere: –Iu biuwetyky biura-ribi ròhònyreu, Kaiboho kia rybemy tarybemah̄atenyete biu kòdòakre. Inatyhymy biu ròamyh̄re.

<sup>55</sup> Tule tarybemah̄ate. Yhy ibòò-ribi rebonyreu, bede ratòteekre. Inatyhymy tuu ratòteemyh̄re.

<sup>56</sup> Itxenad̄ȳdu mah̄adu! Kaiboho kia terymah̄atenyete bede, biu aõmyd̄ȳna tule iwitxira aõmyd̄ȳnana teerytenyokõlemah̄atenyete, beded̄ȳnana konana eryna wahe.

<sup>57</sup> Ijõ Jesuisi rarybere: –Kaibohole teywinyõmyh̄tenyete, aõòbitinamy wahe.

<sup>58</sup> Aõòrarumy heka aòludu umy rarybekeki, idi ywisid̄ȳna ube-ò aradykemy ratxireri, tii-wana widee marybeke idi widi bede biòbitinykemy. Aõkõkeki, tii aradykre ywisid̄ȳdu-ò idi ròtenawo-ò soldado mah̄adu araròtenykre.

<sup>59</sup> Tiu heka aòlòkõmy heka mabekre. Ibutumy iòwy biòwynyke xiery bònònyke.

## 13

<sup>1</sup> Tahe inyõ Jesuisi-ò relyyre: –Pilato rybemynamy Kalileia mah̄adu rururenyre Deuxu-ò raxiwerenyteriò.

<sup>2</sup> Kia ta Jesuisi narybede: –Kaiboho timybo irubureny-di texinohòtinytenyteri. Ijõ wiratyre raòrarunanyrenykeki aõbo?

<sup>3</sup> Ture aõkõ, kaiboho bexirãh̄õbenykeki tule burubenykre irubureny wese.

<sup>4</sup> Ias̄se ijõ. Iu Silòe h̄awã mah̄adu tyre heka heto rarie resereu 18 iny s̄owe rirubun-nyrenyre. Arãȳraxikre Jerusalẽ h̄awã mah̄adu ratyre raòrarunanyrenykeki aõbo? Aõbo tahõtinytenyteri?

<sup>5</sup> Kaiboho bexirãh̄õbenykeki tule burubenykre irubureny wese.

<sup>6</sup> Tahe Jesuisi kaa ijyy-wana rikewesenanyre, Figoratyò wese heka. Tahe Jesuisi kaa ijyymy delyyde: —Hābu oworu-ki figoòð r̄ymyh̄re. Tii iraty dilawijunyde tiubo. Tahe iraty-txi reakõre.

<sup>7</sup> Tahe hābu taoworu-di itxeredu-ò narybede: —Inataõ wyramy relawijunyre tahe aõkõhyra. Urile ta biòròkre. Iraty ihoõreki, awi aõkõ rare.

<sup>8</sup> Tahe oworu-di itxeredu dirawyònyde: —Wawedu, txioini kawyramy idi warukikre, isu ariywinykre.

<sup>9</sup> Aõkõhykreki tahe urile raorokre ijõ wyrau.

<sup>10</sup> Judeu mahādu elehyna txuu Jesuisi rotohodỹmyh̄ judeu mahādu dohodỹna heto-ki.

<sup>11</sup> Tai ta hāwyyõ ratximyh̄. Tii 18 beòra webinadumy ratximyh̄ tyytybybina òraru-ki. Tii iumy rarabunymy rariamyh̄re. Ixitaradỹ risiranymyh̄re.

<sup>12</sup> Jesuisi tuu robireu, tamy narybede: —Hāwyy, kai heka teytemy tate.

<sup>13</sup> Tahe Jesuisi tebòm̄y rimyre iuleta reyttere. Tai tahe hāwyy heka Deuxu riwowy-dynyre.

<sup>14</sup> Dohodỹna heto wedu tahe ibinamy Jesuisi-ki rahare, judeu mahādu elehynatx-ureki wahe. Takamy inyreny-ò narybede: —Debò sohoji reurò txumy aõmysỹdỹnamy r̄ymyh̄re iu heka adeytemy ixi-di bòdòimyh̄ke, judeu mahādu elehynatxu ta aõkõre.

<sup>15</sup> Tahe Jesuisi dirawyònyde: —Kai, itxenadỹdu tate uriteremy iximy rybedu. Kaiboho judeu mahādu elehynatxu dori abroreni, aawaru heto-ò toimahāte tuu teesenymahātenyde, tedymahātemy idi ibemomodỹmy bidybenykre.

<sup>16</sup> Kaa heka Abraõ riore riòreõ heka Satanasi 18 beòramy rimyre. Aõherekibo ta iribi retaraki sabadotxu ibinamy tahateri.

<sup>17</sup> Tahe Jesuisi òludu mahādu raix̄yruenyre Jesuisi rybe òraru-ki. Tahe ix̄y mahādu awityhymy tai rahamyh̄ iòraru-ki. Ibutumy reysarenyre.

<sup>18-19</sup> Tii rarybera: —Deuxu Iòlòna wexe aõwesere. Aõ-ò wexe rikiwese-nanyrenykre. Tiwexe ijyy kawesere? Deuxu Iòlòna heka alòbòròna sõmo sõmo wesemy ratximyh̄re. Raumynyreu heka òwòru rariwesele relemyh̄re. Nawiile tuu r̄yt̄nymyh̄re kia òwòru-ò.

<sup>20</sup> Ixityre tamy rarybere: —Aõ ijyy wese heka Deuxu Iòlòna rare. Aõwexe rikiwese-nanyrenykre.

<sup>21</sup> Paõ ixiòlòdỹna wese rare, iuri rare. Hāwyy paõ riwinymyh̄reu, inataõ urihixina-ki iuribemy riurinymyh̄re. Tai tahe raubỹt̄nymyh̄re, rexiòlònymyh̄re.

<sup>22</sup> Jesuisi tahe Jerusalē hāwā-ò rareu, hāwā hāwāmy rotohodỹmy.

<sup>23</sup> Iu inyõ rit̄ỹraxinyre: —Wanyr̄y, Hedu mahādu we sõwekre aõbo?

<sup>24</sup> Jesuisi tamyreny narybede: —Bexityhynybenyke ijòyja-di birònybenykemy. Sõwemy iny tahe ròtemy reakre tahe ralòõhykre.

<sup>25</sup> Hābuõ kie taheto ijòtòbòna ritòbònyre. Iu kaiboho uritere bydyrydenykre: —Wanyr̄y, aralòrenyke ini. Kiata tii anawyònydenykre: —Tiludubo toite, araeryrenyõre.

<sup>26</sup> Kamy ta bidiwyònydenykre: —Inybohòle riroximy roiremyh̄. Wahāwāreny-ki tòbedeerydỹmyh̄.

<sup>27</sup> Ixityre anawyònydenykre:

—Boibenyke aõbina bina widỹdu.

Tiludubo toite dori reerykõre.

<sup>28</sup> Deuxu iòlò-ki Abraõmy, Ijaimy, Ijaòmy, tule ibutumy Deuxumy rybedu mahādumy bobibenykreu, kaiboho malòbenyõtyhy. Tai hii, ibru, jumytata r̄yikre.

<sup>29</sup> Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hāwāmy.

<sup>30</sup> Kiaremy ta, koludu mahādu heka ibutuhewomy kedeakre. Ikõmyta, hewoludu mahādu, koludumy kedeakre.

<sup>31</sup> Iu ta fariseu mahādu Jesuisi-ò narybedenyde: –Mahenyke, Herodi dori arubudỹỹmy araijereri.

<sup>32</sup> Jesuisi dirawyònyde: –Bòòsebenyke kamy ijòrò-ò marybebenykre: –Jiarỹ tyytybybina iny-ribi retareri, tule ròteytedỹỹreri wiji biurasòmmy. Ijò txumy ta waaòmmysỹdỹỹna arihukre.

<sup>33</sup> Kiaremy ta kia rewinyreri arihukre. Deuxumy rybedu dori Jerusalē hāwā-ki sohojile rurukre, iwitxira hāwā-ki ta aōkōre.

<sup>34</sup> Jerusalē, Jerusalē hāwā, amahādu heka rirubunyreny Deuxu rybedu mahādu wahe. Iwese hānie tariòre ributunymyhỹre wese terawo-ò, kia wesele arayrubunykeny rexinohòtinyre tahe kaiboho terarennyre.

<sup>35</sup> Aheto-ribi heka Deuxu rexitakre. Kaheka ararybekre adeereny: –Wamy heka bobiòtyhy ixityre. Tiutxumy kamy bexirybenykre bede-ò, myỹ: –Deuxunimy nodu awityhy heka rare. Kiaule wamy bobikre.

## 14

<sup>1</sup> Sabadoũ Jesuisi heka fariseu mahādu wedu mahāduõ heto-ò ralore roximy. Tahe iny idi retehemyhỹreny.

<sup>2</sup> Iu inyõ taruti, tadera-di taritari-di tamy dehemynyde.

<sup>3</sup> Tahe Jesuisi narybede bede ywina erydỹỹdu-ò, fariseu mahādu-ò: –Sabado txuu deytedỹỹwe awire aõbo, aōkōre aõbo.

<sup>4</sup> Tiiboho rirawyònyõhyyre. Tahe Jesuisi hābu riteytenymy bede riywinyre iribi tahe riòlòdỹỹnyre.

<sup>5</sup> Ixyby narybede Jesuisi: –Txibo kaiboho ariòreõ ada abroreniõ hāloo-txi resekeki, bitabenyke Sabadotxu hārele. Aõhe inatyhy.

<sup>6</sup> Tiiboho rirawyonyõhyyre.

<sup>7</sup> Tahe Jesuisi roxidu mahādu-di retehemyhỹre. Tiiboho dori rynana wihikỹ-txi rononymyhỹreny. Tai kamy tamyreny rarybere:

<sup>8</sup> –Txibo inyõ bedesanaõ araarikeki. Uritere ryananawi-ò rỹõmykre. Txibo dori inyõ aratyre ityhy kanake lau.

<sup>9</sup> Tukeki bedesa dinodu inyõ aratyre-ò arynana-txi ronykeny adee kanarybekre. Tai tahe maixỹrumy rynana bina-ò bonykre.

<sup>10</sup> Kialemyta inyõ araarikeki, rynana bina-txi bonykre. Tahe bedesa dinodu adee kanarybekre: –Wy, katxi bodonyke ryananawihikỹ-ò. Tai tahe kai mabedesakre ibutuko-ò.

<sup>11</sup> Tahe ixityhydỹỹdu mahādu uritere reakre. Kõmyta uriixi dinodu mahādu rawowydykre.

<sup>12</sup> Tahe Jesuisi bedesa dinodu-ò rarybere: –Txibo roxina biwahinykeki, uritere asỹ mahādu, aery mahādu, ityhy mahādu aarixiõmykre. Urikõ-ribi iwese teariteri wese araariheny.

<sup>13</sup> Tukõmyta roxi biwahinykeki, uriteremy rỹira mahādu, iny tiere mahādu, iny ruetà mahādu biarikre.

<sup>14</sup> Tai adeysatyhymy mabekre. Tiiboho dori tiu ixiwesemy araariòtyhy. Deuxu tahe aòwydỹỹdukre iu bede awikreu.

<sup>15</sup> Ijò roholare Jesuisi rybe tai tamy rarybere: –Deuxu Iòlòna-ki, òwòrubese rỹdu mahādu reysamy rarekre.

<sup>16</sup> Tahe Jesuisi rarybere: –Inyõ roxina nihikỹõ riwinykeny ratxireri. Sõwemy iny ritobinyre.

<sup>17</sup> Rexihumy rỹireu, teòdu mahādu bede riywinyre iny kididykremy.

<sup>18</sup> Sohoji sohoji tahe tarybe tamy riwahinyre. Ijò taoworu tỹmyra-ò reteheke. Ijò kanaòtyhy heka.

<sup>19</sup> Ijò tahe broreni debòitue riõbranyre tai riurihikreki kanaõke.



<sup>20</sup> Ijõ tahe hãwyy herinamy rexihumy rỹire tai kanaõke.

<sup>21</sup> Teòdu tahe ròðsera tawedu-ò tamy relyyre. Tii reburere tahe rarybere: –Wylemy makre ibutury-di hãwã-ki. Ibutumy iny witxira witxira bididyke, iaõkõ mahãdu, itiere mahãdu, ruetã mahãdu wahe.

<sup>22</sup> Iribi tahe teòdu ròðsera rarybere: –Ibutumy rewinyre wawedu, tahe heto rỹxiõmy rỹire.

<sup>23</sup> Tahe iwedu ixymbymy bede riywinyre hãwã-ribi ibyrary-ò iny kididykemy: –Aruru-di bididyke, waheto dori rỹximy rỹirakremy idi watxireri.

<sup>24</sup> Juhuu watobidỹỹna mahãdu warỹsỹna riurihiõtyhy.

<sup>25</sup> Iu sõwemy iny Jesuisi heludumy roire. Tai Jesuisi tamyreny rarybere:

<sup>26</sup> –Kaiboho aõbo inatyhymy waluu mahãdumy toite. Tuu tarybeta. Tahe boluu, adiluu, ahãwyyлуу, ariòreluu, aseriòreluu, ixiluu ratyre waluuõkeki, wamahãdumy aõkõ boibeke.

<sup>27</sup> Inyõ riwaheludunykemy ratxireri, tii juhuu taitxeò riwykre. Kialemy tahe riwahe-ludunykemy inatyhymy.

<sup>28</sup> Inyõ heto rarie riwinykemy ratxikeki, juhuu iòwy-di rõhõtinkyre. Inieru rimykeki tahe riwinyke, aõkõkeki tahe riwinyõtyhy.

<sup>29</sup> Tii tuu rõhõtinkyõkeki, tii ibutelemy riwinykre tahe inieru ituereu, ibutumy iny idi risinykre:

<sup>30</sup> –Tii taheto rarei ritelenyre tahe rexihuõtyhy.

<sup>31</sup> Iòlòò wou riwinykeki, juhuu taaõbinadu mahãdu-di rariamyhỹre. Idi rõhõtinkyre. Ijõ iòlò wawiò mil soldadomy ijõdikeki, tahe tii debòwiò mil ijõdikeki, tahe wou riwinyõtyhy.

<sup>32</sup> Juhuu tahe teòdu riteõnyre ijõ iòlò-ò ireheribile tii-wana wou ixãwidỹỹmy rary-bekemy.

<sup>33</sup> Akireny tule iweselere. Ibutumy aaõna aõna biriõbenykeki, waheludu mahãduõmy boibeõtyhy.

<sup>34</sup> Saa heka aõni awi rare. Tatxuberere rexihukeki tahe turibi ixãwike.

<sup>35</sup> Tai tahe suurina-ki ahirana silỹna binakõki awiõhõtidiirenykeki boholabenyke warybe-ò. Suò awiõre, tule ahirana bitòbõnykemy awiõre. Urile idi behuke. Kaiboho õhõtidiirenykeki, boholabenyke!

## 15

<sup>1</sup> Idi nieru tarasadu mahãdu sõwemy tamy roholamy doide. Tule ijõ iny òrarudu mahãdu rehemynyre.

<sup>2</sup> Fariseu mahãdu, tule bede ywina erydu mahãdu kawesemy rarybere: –Kahãbu ibinare. Tii òrarudu mahãdu-wana riroximyhỹre, iny iehehe-wana.

<sup>3</sup> Idi Jesuisi rierynanyre ijyy-di rawesenanyre.

<sup>4</sup> Kaibohoõ òsana 100 budoeni ijõdire. Sohoji heka iy-ribi iõre. Kai aõbo makre ijesemy? Kohe, iuhe, 99, birike bedero-ki tahe biòryhyke. Aõhe inatyhy?

<sup>5</sup> Mahakre wana tahe eysamy atxikre. Tahe bidyke iuhe-ò.

<sup>6</sup> Taheto-ò rehemynyre, tasỹ mahãdu-ò tahe ritobinyre: –Wawana ini kỹny bedeysabedenyke. Wabudoeni-ki rahara, iõreõ wahe.

<sup>7</sup> Iwesetyhylemy taheka adee reerymahãre iny òrarudu mahãdumy. Iu sohoji iny rexirahĩkeki, biu-ki deysana sõwemy rỹikre. Iny òbiti 99my tahe urihimyo biu-ki deysana rỹikre.

<sup>8</sup> Ijõ Jesuisi relyyre: –Hãwyyõ òsỹny womati ura nieru debòwiò dire. Sohoji iõre-wana, tii riijeke inatyhy? Loosõna ritoonyre, iube riwysynyre, sõwemy riijeke ihyymy tahe tai rahara.

<sup>9</sup> Tii itxi reakreu, reysamy rỹira. Iu tasỹ mahãdu ritobinyre: –Wawana inihe bedeysabedenykre. Wanieru-txi dokuri rahara.

<sup>10</sup> Jesuisi tahe ritỹnynyre: –Iwesetyhyle biu-ki rare. Deuxu ŷju mahādu reysamy roirenyre, sohoji òrarudu rexirahĩreu.

<sup>11</sup> Ixyby tahe Jesuisi narybede: –Hābuō iriòre inatxire.

<sup>12</sup> Tiutxumyta ihelỹña tyby-ò rarybere: –Waha, ibutumy aōna aōna burukreu wadee rawahikre, wijile bidiwahinykre. Tyby tahe iaōna aōna jura tamy riwahinyre.

<sup>13</sup> Iriòre helỹña tahe ibutumy taaōna aōna-di rare irehe-ò, iwitxira bedehāwā-ò. Tai aōbina binale riwinymyhỹre. Ibutumy tanieru tai rahure.

<sup>14</sup> Taaōwiwi rahu-di ta, tai rama ibede mahādu rahumyhỹre. Tii uritere reamyhỹ wahe.

<sup>15</sup> Tahe aōmysỹdỹñamy rarunyre. Hāwāduō tahe taixỹniòwedỹñdumy bede riywinyre taoworu-ò.

<sup>16</sup> Tai rama risamy ta ixỹni rỹsỹna rỹsỹmy rexinohōtinyre. Tahe aōkōre.

<sup>17</sup> Kia tahe tōhōti deade. Kamy dexinohōtinyde: –Yla aōkō waha aōmysỹdỹñdu mahādu irỹsỹnadireri iwana jiarỹ kaki rama warubudỹñmyreri.

<sup>18</sup> Ixyby aròðsekre. Kamy Waha-ò arexirybenymy: –Waha, Deuxuko-ò ako-ò rexi-itxỹtenyre jiarỹ raòrarunyre wahe.

<sup>19</sup> Ariòre wese aōkōmy wadi mabeke, waitxỹte òraru-ki. Aaōmysỹdỹñdu mahādu wese ta ararekre myỹ tii rōhōtiny.

<sup>20</sup> Tii tahe tyby heto-ò rare. Irehemy nadeò, tyby tuu dobide. Idi rexiwobrunymy tamy rajjaranyre iwehityhydỹñmy.

<sup>21</sup> Tahe tii narybede: –Waha, Deuxuko-ò, ako-ò rexiitxỹtenyre jiarỹ, raòrarunyre wahe. Ariòre wese aōkōmy wadi mabeke, waitxỹte òraru-ki.

<sup>22</sup> Iule ta tyby teòdu mahādu-ò rarybere: –Wylemy tyywihikỹ tymyra-di bityyny-benyke. Debòð tebò-ò roikre. Waō-di rawanykre.

<sup>23</sup> Tasỹse broreni riòre dedi birubunybennyke. Idi rikiroxirenykemy rekeysarenykre dori.

<sup>24</sup> Wariòre dori rubu-ribi wese rexixara. Ikō-ribi itxi ijara rỹira. Tahe rawobedesarenyre.

<sup>25</sup> Iwana ta iumydela tahetoreny-ò dehemynymy nade taaōmysỹdỹñna-ribi. Tahe wobedesana-ò roholamy.

<sup>26</sup> Tahe deòduō-ò narybede: –Aōhereriwe.

<sup>27</sup> Dirawyònyde: –Ahelỹña kie ròðsereri aōhe rotỹñnyōhyylemy. Tai boo broreni riribunyra.

<sup>28</sup> Iumydela tai reburere ròte deramy reare. Idi tyby tamy nade riròtenykemy.

<sup>29</sup> Tahe iriòre dirawyònyde: –Aōhe òhòkō adee raaōmysỹdỹñnymyhỹre. Ibutumy arybe retyhynymy watximahāre. Ihāreta budoeni wadee tewahinyōhyymyhỹte, waijoi mahādu-wana idi arexideysanykemy.

<sup>30</sup> Katahe ariòre urile aōnawiwī rahura wedena mahādu-wana. Ròðsemyta kai broreni riòrede tamy terubunyta.

<sup>31</sup> Tai tyby dirawyònyde: –Wariòre iny ratximyhỹre kiaremyta ibutumy waaōwiwi heka ahōrōle rare.

<sup>32</sup> Iny bedesarenymy heka kawese rewinyre, wadee awireki. Ahelỹña dori ru-ruwese-ribi rexixara. Ikō-ribi itxi ijara rỹira. Tahe rawobedesarenyre.

## 16

<sup>1</sup> Jesuisi taerydỹña mahādu-ò relyyre ijyyō: –Hābuō inieru sōwere. Tamy deòduō ibutumy inieru-di raaōmysỹdỹñre ijō nieru ributunykemy. Ijōtxu tahe inyō rarybere: –Eòdu riki heka anieru-di òbitimy aōkō raaōmysỹdỹñmyhỹre. Anieru sōwemy rexihumyhỹre.

<sup>2</sup> Tahe didyde ixidee taconta retehekemy. Tamy rarybere: –Inatyhymy aōbo umy iny rarybemyhỹre? Wanierumy tyyriti aretehekemy watxireri. Òbitimy aōkōkeki, waribi arateònyke. Wanieru-di tiu maaōmysỹdỹñnyōkre.

<sup>3</sup> Tahe teòdu iximy rexiraykynyre: –Wadinodu riwateònyke. Aõhebo arotỹnyke? Warurukõre dori tahe aõmysỹdỹsira ariwinyõt̃yhy. Tule ijõ iny-ribi iixitòedỹna riwaixỹrure.

<sup>4</sup> Reeryre tahe, aõhebo arotỹnykremy. Aõwihikỹ wabiòwa dee ariwinykre. Riwa-teònykeki tahe wabiòwasỹ-ò arakre.

<sup>5</sup> Ibutumy nieru huòtedu mahãdu-wana rarybere, tawedu-ribi huòtedu wahe. Tamyreny rarybere: –Tiwesebo tewyta wawedu-ribi?

<sup>6</sup> Tahe diwyònyde: –Adỹ rehuòtera, 100 hynamywahe. Tai tahe rarybere ijõ: –Iwekre tahe wylemy biritinyke, 50 wahe.

<sup>7</sup> Ijõ-ò tahe rarybere: –Tiwesebo adeve? Diwyònyde: –Trigo rehuòtera, 1000 prato wahe. Tai tamy rarybere: –Kai 800my biritinyke.

<sup>8</sup> Iribi tahe hãbu ityhy heka teòdumy rarybere: –Tii inatyhy nieru erydu ratxireri. Tahe Jesuisi rarybere: –Kabede wijinabòdu mahãdu heka aõmydỹnana erydutyhy rare, ityhydỹdu mahãdu ratyre wahe.

<sup>9</sup> Tai tahe adee ararybekre. Kabede mahãdu biòwamy boibeke, anieru-di. Tahe anieru ituekeki, Deuxu taheto wiwihikỹ-ò aradykre, biu-ò heto wiwihikỹ wahe.

<sup>10</sup> Aõmydỹnana aõ aõkõmy kai òbitimy masỹnykeki, tule aõ nihikỹmy kai iweselemy mabeke. Inyõ heka ibutemy wasikeki, tii tule aõ nihikỹmy rawasinykre.

<sup>11</sup> Kaiboho heka kabede nieru-di òbitimy aõkõ atxibenykeki, tule biu-ki araròsòna bitaõt̃yhy, aõ wiwihikỹ inatyhy wahe.

<sup>12</sup> Iny wixira nieru-di heka òbitimy boibe benyõkeki, timybo anieru tyhy-di òbitimy boibeke.

<sup>13</sup> Inyõ iny inatxi deòdumy aõkõ rarekre. Inatxinaõ dori iluukre, ijõ ta iluukõkre. Deuxu dee maaõmysỹdỹõt̃yhy. Tiu nierurahi inatyhymy teamyhỹteki.

<sup>14</sup> Fariseu mahãdu tamy roholareu, urile idi nierurahi risinyreny, tiiboho ire nieru ributunymyhỹrenyre bõdỹluurennyre.

<sup>15</sup> Tahe Jesuisi tamyreny rarybere: –Kaiboho heka òbitimy inyko-ò ixi-di atx-imahãteny. Ihãre tahe Deuxu timybo toimahãte rierymyhỹre aõna aõnarenny bina. Aõmy hãbu rexinohõt̃inymyhỹre, aõt̃xi-ki Deuxu-ò awiõhyre.

<sup>16</sup> Moisesi bedeywina rybe tahe tule Deuxu Rybedu mahãdu awi rare, Joaõ Sebedỹdu rehemynyre tahe ixãwire. Iu tahe Deuxu Iòlòna Rybe wihikỹ tamyra ròhònnyre. Kia tahe iny ritohodỹnyre. Ibutumy iny kia-ò ralokremy idi ratxireri.

<sup>17</sup> Biu, bedeyxihuke tahe isiraõre. Deuxu rybe tahe rexihuõt̃yhy. Kia isiratyhy rare. Ityriti rybe wedenaõ riõnonyõt̃yhy.

<sup>18</sup> Hãbuõ tahãwyy-ribi ixãwikeki, idi iwixira-wana roiikeki, tii òtadu rare. Hãwyy ixedu-wana tii roiikeki, òtadu rare.

<sup>19</sup> Ityhy mahãduõ riki tyy òwyhykỹwiwi-di rexytynymyhỹre. Tii idi rexirabedesirananyrehỹre. Awimyhỹre tuu ratximyhỹre.

<sup>20</sup> Tahe urimynodu tyymy binadumy iijò-ki ixyby ixyby ratximyhỹre. Lazaru inire.

<sup>21</sup> Tii ityhy rỹsỹnauhe rirỹsỹkemy raòbirenymyhỹre. Ijòròsa dori itybinatòmny di-rahumyhỹde.

<sup>22</sup> Lazaru rurureu, ÿju mahãdu ridyrennyre biu-ò ilabiereny rora-ò, Abraõ wahe. Tule ityhy rurure idi rituunynyrennyre.

<sup>23</sup> Tahe rubu-ki rubu mahãdu bedebina-ribi aõhõkỹmy dỹnana ityhy Abraõmy robire irehe-ò Lazaru tule irora-ki.

<sup>24</sup> Tahe ityhy dyryde: –Abraõ, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarỹ dori raòhỹt̃hỹt̃yri kaheòtywo-ki.

<sup>25</sup> Tukõleta, Abraõ narybede: –Dàa aõwiihikỹ-di tatemyhỹ-di bexinohõtinyke. Tukõlemyta Lazaru aõbina binahakỹle rimyre. Tahe kaki aõwimy Lazaru ratxireri. Tukõmyta kai ibymy atxiteri.

<sup>26</sup> Ihãre ta hãloohukỹ inyko-ki rỹire. Timyki kaludu kia-ò iòhòreseõna. Tule kia ludu kaò iòhòreseõna.

<sup>27</sup> Hebose, Abraõ walabie, kamy ityhy narybede, Urile Lazaru wasỹ-ò biteõnykekõ aõbo. Waseriòreboho deòwarisidỹỹmy.

<sup>28</sup> Waseriòreneny dori iruyrenenyre urikõ-ribi kabedebina-ò kòdòiheny.

<sup>29</sup> Tahe Abraõ diwyònyde: –Tiiboho dori Moisesi tyyriti, Deuxu rybedu mahãdu tyyriti dire. Tii tahe tamy roholarenenymy rityhynyrenyke.

<sup>30</sup> Ityhy narybede: –Aõkõre Abraõ walabie. Kia inyõ tarubu-ribi rexixamy ròðsekeki xiery ta, taòrarunareneny-ribi rexirahĩrenyke.

<sup>31</sup> Tahe Abraõ dirawyònyde ixyby. –Moisesi tyyriti rybe-ò, Deuxumy rybedu mahãdu rybe-ò roholaõkeki, tii mobo rexixake tule ityhydỹỹõna.

## 17

<sup>1</sup> Tahe Jesuisi taerydỹỹna mahãdu-ò rarybere: –Kiemy inyõ wodohonadỹỹmy aradykre òraruna-ò besekemy. Kobe làhãxe tii kiawesemy rotỹỹnykreki.

<sup>2</sup> Tii dori ibinatyhy rare. Wade heka kabera-txi mana-di rataataamy sỹy-ò reakenawi rare. Tukõmy uri-ribi watyhydỹỹdu tỹmyraõ riòrarudỹỹnyheny.

<sup>3</sup> Bexiijebeny ta. Aityhydỹỹdu seriòre rexiòrarunanykeki, tamy marãhĩke. Tii rexirãhĩkeki, iaõna aõna bina-ribi bexinohõtilosanyke.

<sup>4</sup> Txu sohojiõmy adee rexibinanykeki, kai tule ibinamy tai mahamy. Tii ixi-di rexiwotònenymy adee nakeki, tule idi bexiwobrunymy bexinohõtilosanyke iaõna aõna-di.

<sup>5</sup> Jesuisi erydỹỹna mahãdu dexitòenydenyde: –Wanyrỹreny, wainatyhynareneny ini bisõwedỹỹnyke.

<sup>6</sup> Jesuisi dirawyònyde: –Ainatyhynareneny heka sunysisõmo wesekeki, kamy bedera-ade-ò marybebennyke: –Bexitake inihe idi bera-txi myike. Tahe tii aratyhynykre.

<sup>7</sup> Titxibo kaibohoõ eòdudirenykeki aoworu-di itxeredu ada budoeni-di itxeredu wahe. Tii taaõmysỹdỹỹna-ribi kanalokreu, kawesemy aõbo tamy manarybekre? Wy, wylemy rikiroxikre dori.

<sup>8</sup> Timyki kawese tamy arybeõna. Tukõmyta tamy marybeke: –Warỹsỹna biywinyke idi wadee, idi manakre. Ariroxikre dori. Wabyre arihu-di ta bexiòenykre.

<sup>9</sup> Teòdu deòdumy rearahu-di aõbo, txiòtòetuukemy tamy rarybere aõbo. Timyki tukõna. Kiemy dori taaõmysỹdỹỹnale riwinyre.

<sup>10</sup> Iu aõmysỹdỹỹnareneny bihudi, iwese heka atximahãbenyke kamy bexiry-benymyhỹbenyke: Inyboho deòdule roire, aõtyhy aõkõ mynodu, iny aõmysỹdỹỹnarenenye heka inyboho riwinyrenyke.

<sup>11</sup> Jesuisi Jerusalẽ hãwã-ò ramyhỹreu, Samaria bede, Kalileia bede wotya-di rare.

<sup>12</sup> Iu hãwãõ-txi raloreu, debo ituemy sõwereny tyymy binamy mahãdu iry-ò doide, tahe irehemy rexierenyke.

<sup>13</sup> Iribi tamy dyrydenyde: –Jesuisi, Erydỹỹdu, wadireny ini bexiwobrunyke.

<sup>14</sup> Turenny robireu, narybede Jesuisi-ò: –Xiwena wahidỹỹna mahãdu-ò ixi-di itxerenamy bòike. Kia-ò rariamy roirenyreu, tahe reyterenyke.

<sup>15-16</sup> Ijõreny Samaria ludu mahãduõ reytemy iximy robireu, Deuxu riwowydydỹỹnymy tamy dòðsede, rawiunymy. Tatiowomy Jesusiko-ò resere. Tahe rarybere: –Txiòtòetuuke.

<sup>17</sup> Tahe Jesuisi ritỹỹraxinyre: –Debò itue wese, asõwerenyre? Titxibo ta debò in-aubiòwaboho roire?

<sup>18</sup> Aõherekiwe kaa iny wixira sohojile Deuxu wowydydỹỹmy dòðsede, Samaria luduõ wahe?

<sup>19</sup> Tahe Jesuisi tamy rarybere: –Mynyike, idi makre. Atyhydÿÿna òraru-ki dori teyteta.

<sup>20</sup> Idi fariseu mahādu Jesuisi-ò rÿÿraxirenyre: –Tiubo Deuxu Iòlòna kanakre? Tii diwyònyde: –Timyki Deuxu Iòlòna dehemynysÿnamy inyõ robiòtyhy.

<sup>21</sup> Tule inyõ kiau rarybeòtyhy: –Betehebeny inihe ka-ò: –Tukõmy aõbo: –Kowaki heka rare? Deuxu Iòlòna dori aworeny-ki rare.

<sup>22</sup> Tahe taerydÿÿna mahādu-ò rarybere: –Tiutxumy heka Deuxu Riòre Hābutyhyhykÿ txumy bobibenykemy tahe bobibenyòtyhy.

<sup>23</sup> Tahe ijõ adeereny kanarybekre: –Bedetehebeny inihe kaò ada kowa-ò. Tahe iitxerenyõmykre.

<sup>24</sup> Iwese tiribi tiò biu relaanymyhÿre wese heka Deuxu Riòre Hābutyhyhykÿ txu kÿnyikre.

<sup>25</sup> Delemy tahe tii aõhõkÿmy rotÿÿnykre. Wijinabòdu mahādu teramy reakre.

<sup>26</sup> Noe bededÿÿnana wesemy heka rÿimyhÿkre. Iu beòra rariareu. Tahe Deuxu Riòre Hābutyhyhykÿ kedehemynykre iu.

<sup>27</sup> Ibutumy heka worana bedehesi rÿire. Lisisò tahe rÿire. Hāwyy herina lisina rÿire iu. Iu tahe beòra rariare. Ibutumy ituere.

<sup>28</sup> Lòò bededÿÿnana tule iwesere. Tiiboho worana bedehesidile rÿire. Tiiboho rityhynyòtyhy. Urile hetomy riwinymyhÿre, oworomy riwinymyhÿre, aõna-di roho-nymyhÿre.

<sup>29</sup> Iu tahe Lòò ihāwā-ribi ròhònyre, Deuxu heòty ityre riteònyre. Biu-ribi heòty ityre resere enxofre-wana.

<sup>30</sup> Iwesele txu tii heka rarekre heka, Wadehemynyna Deuxu Riòre Hābutyhyhykÿ wahe.

<sup>31</sup> Kiau tahe inyõ ihetotyre heka rÿire. Malòkekõ heka ahetowo-ò aõnamynamy. Inyõ tule oworu-ki rÿire, taheto-ò aõkõ ròðseke.

<sup>32</sup> Lòò hāwyy-di mohòtinyke.

<sup>33</sup> Inyõ taumy riyrubunykeki, tii ruruke. Ijõ tahe wadeewimy rurukeki, tii taumy rayrubukre.

<sup>34</sup> Adeerarybere: –Bede rurureu heka inatxi hābu rōrōreri. Ijõ heka rakre dynamy reakre. Ijõ tahe rarikre.

<sup>35</sup> Inatxi hāwyy heka rÿsÿna-di raaõmysÿdÿÿnymy heto-ki ratxikre. Ijõ heka dynamy reakre, ijõ heka rarikre.

<sup>36</sup> Inatxi hābu heka oworu-ki raaõmysÿdÿÿnykre. Ijõ heka rakre dynamy reakre, Ijõ tahe ririkre.

<sup>37</sup> Ierydÿÿna mahādu rÿÿraxire. Titxibo rÿikre, Wanyrÿ? Tii rirawyònyre: –Titxibo iumy rubu roire-wana, rara tai wii ributunyre.

## 18

<sup>1</sup> Jesuisi heka ròkewesenanyre ribedeerynyre. Kia wese heka tii iyyymy relyyre. Rexitòenyhykemy tii ribedeerynyre tule ixitòedÿÿ-ò ixirarenyõmy.

<sup>2</sup> Hāwā-ki tahe hābu matuariõ rare, tii tahe ibinare. Juizimy heka ratximyhÿre ywisidÿÿdu wahe. Tii iny rityhynyòtyhy, Deuxu lau ruberuõmyhÿre.

<sup>3</sup> Tule heka hāwyy wyteseõ tai rasÿnymyhÿre. Kia tamy ramyhÿre sōwemy. Tamy rarybera: –Biwawikòhenakykre wahe. Wakòludu tahe riwahureri. Kywisidÿÿkÿdu kai atxiteri. Anoherekibo tiwawokutòenykõteri.

<sup>4-5</sup> Aõhòkõmy hābu iaõna aõna òbitidÿÿ deramy reamyhÿre. Tahe Hābu ixidee rary-behyra. Inatyhymy jiarÿ inyõ rityhynyòtyhy. Tahe hāwyy wytese sōwemy wadee rarybereki, jiarÿ ariòbitinykre iaõna aõna ibutumy iòludu-wana. Aõkõkeki tiemy kidi-warulòlòenyke.

<sup>6</sup> Tahe Jesuisi ritÿÿnyre: –Juizi bina rybe-ò kaiboho boholabenyke. My wahe.



<sup>7</sup> Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitòenyre. Tii wymy riwiòhenanyke.

<sup>8</sup> Tii inatyhymy taijoi mahādu riwiòhenanykre. Jiarỹ, Deuxu Riòre Hābutyhyhykỹ wymy adehemynykreu, watyhydỹỹdu-txi aõbo areakre.

<sup>9</sup> Tule Jesuisi kia ijyy relyyre, iny ixityhymy ixi-di ratxityhymy kia ijõ inymy kiale radònymyhỹre. Kia tahe rikewesenanyre.

<sup>10</sup> –Iny inatxi hābumy heka templo-ò ròirenyre rexitòenykemy. Ijõ fariseu rare, ijõ tahe nieru arisidu rare.

<sup>11</sup> Fariseu tahe rỹimy rexitòenykemy ixidee. My wahe: –Deuxu, jiarỹ aõhābubina aõkõ rare. Tai tahe umy reālāmy wahāre. Jiarỹ aõwasidu aõkõ, aõòrarudu aõkõ, aõòtadu aõkõ. Iwese kowa nieru arisidu wese aõkõ jiarỹ rare. Txiòtòetuuke tai.

<sup>12</sup> Semana sohoji heka wabyreõ-di inatxixumy rewymyhỹre. Tule waaõna aõna ibutumy ijura adee rewahinyre. Debòwiòna-ribi sohoji rewahinymyhỹre wahe.

<sup>13</sup> Nieru arisidu tahe irehemy rỹire. Biu-ò aõkõ retehere, tahe rexihetenyre rexitòenyrimy Deuxu-ò. My wahe: –Deuxu, biwawotòenyke. Jiarỹ òrarudu rare.

<sup>14</sup> Jesuisi ijyy ritỹnynyre: –Adee ararybekre. Mobo teysamy taheto-ò nade? Ixityhydỹỹdu aõbo ada ijõ aõbo. Kohe ijõ tuure, ixityhydỹỹdukõ wahe.

<sup>15</sup> Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydỹỹna mahādu tamy idyrenyòkremy raryberenyre.

<sup>16</sup> Jesuisi rarybere: –Txiò, kididyke uladu wadee. Uladu wese dori Deuxu Iòlòna rare.

<sup>17</sup> Inatyhymy ararybekre: –Moõ heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòõtyhy.

<sup>18</sup> Idi tahe iweduõ rarybere: –Erydỹỹdu wihikỹ, aõwexe ariwinykre idi biu-ò arahenykemy.

<sup>19</sup> Jesuisi tamy rarybere: –Aõbo wa wihikỹmy wadee tarybeta. Hābuõ tiu awiõre. Deuxu sohojile tahe awira.

<sup>20</sup> Bede ywina tyyriti kai teeryte:

–Rubudỹỹõmykemy, tule òta òtaõmykemy, wasiõmykemy, tule ruiõmykemy, iny wii itxenadỹỹõmykemy, adi biywinykemy, boo tule.

<sup>21</sup> Hābu tamy rarybere. –Kia bede ywina rybe retyhynyhyllere, uladudihyyle wahe.

<sup>22</sup> Jesuisi rarybere: –Kai sohoji aõmydỹỹnale aki nasiranyde. Kai makre, ibutumy aõna aõna-di bohonykre, idi tahe kia nieru biwahinykre iny aõkõdu mahādu-ò. Kia tahe aõmydỹỹnadikre biu-ki. Tahe manakre biwaheludunykre.

<sup>23</sup> Kia rybe-ki heka hābu rabadewore. Rexitare ibedewomy iaõna aõna sõwetyhyreki.

<sup>24</sup> Jesuisi retehemy ibederyry-di tahe rarybera taerydỹỹna-ò: –Kia iny iaõna aõna sõwemy rỹireri, Deuxu Iòlòna-ò ralòke isirare.

<sup>25</sup> Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlòna-ò.

<sup>26</sup> Ijohonadu tahe widee rarybere: –Mobo tai biu-ò hedukre.

<sup>27</sup> Jesuisi rarybera: –Inatyhymy kōaõboka hābu-ò isiratyhyre. Deuxu-ò tahe ibutumy aõna aõna isiraõre.

<sup>28</sup> Pedro rarybere: –Boholake, jiarỹboho ibutumy rerirenyra araheludunykremy.

<sup>29</sup> Jesuisi rarybere tamy: –Inatyhymy adeereny ararybekre. Moõ waluukeki, rybewihikỹ luukeki, kia heka ririkre: heto, taseriòre, tyby tadi-wana, tariòre, tabede, ibutumy waòraru-ki, Deuxu Iòlòna òraru-ki, ririkre.

<sup>30</sup> Ka bedekile ritakre sõwetyhymy ibutumy aõna aõna. Ihāreta biu-ò rahenykre Deuxu-wana rasỹnykemy.

<sup>31</sup> Jesuisi taerydỹỹna mahādu ridyre inysõwe-ribi tamyreny rarybekemy: –Boholabenyke waijoi! Jerusalẽ-ò rokoirenykre. Tai iny riwarubunykre jiarỹ Hābutyhy

rarehãre, Deuxu Riòre rarehãre wahe. Iwese Deuxu Rybemy rybedu mahãdu rarybere wese.

<sup>32</sup> Tiiboho riwawahinykre judeukõdu mahãdu-ò. Tiiboho riwabinabinadỹnykre, riwalahikre, watyre rarybexinykre.

<sup>33</sup> Riwahetenykre òhòte-di, idi riwarubunykre. Ihãre tahe inataõ txu-di tahe adexixakre rubu-ribi.

<sup>34</sup> Jesuisi erydỹna mahãdu urile bede riòtiinyrenyre. Aõmybo tii rarybere rierytyhyõrenyre. Irybe tamyreny dori ierynatyhykõreri.

<sup>35</sup> Iu Ijeriò hãwã-ribi iòhòmý roirenyreu, inatxi iny ruetàmý heka ronymyhỹ Jesuisi ibire-di rareu. Tiiboho nierumy rexitòenymyhỹrenyre.

<sup>36</sup> Inysõwe-ò roholarenyreu tahe, tii rỹrãxirenyre: –Aõhereriwe.

<sup>37</sup> Tahe tamy rarybere: –Jesuisi wa rareri Nazare hãwã ludu wahe.

<sup>38</sup> Tahe ruetãõ rryre: –Jesuisi, Davi riokore! Biwatòenyke hewa! Wadi làhà inihe bexiruxetòenyke.

<sup>39</sup> Iny sõwemy tamy rarybere: –Iryõmyke! Ihãre ta tii rryrymyhỹre: –Davi riokore, wadi mawotòeke!

<sup>40</sup> Jesuisi rryryre tahe rarybere: –Tamy byryke wadee kanakemy.

<sup>41</sup> Jesuisi tamy rarybere: –Aõmybo kai taruteri adee arutỹnykremy. Tahe hãbu ruetàhàkỹ tamy rarybere: –Wawedu, ixityre arobikremy.

<sup>42</sup> Jesuisi tahe tamy rarybere: –Makre, atyhydỹna kai arateytenyra. Kialehe rare.

<sup>43</sup> Aõwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowydynymyhỹ.

## 19

<sup>1</sup> Ijeriò hãwã-ki Jesuisi rehemynyre. Idi rariareri.

<sup>2</sup> Tahe hãbuõ tahe Jesuisi riere. Zaqueu inire. Inieru sõwere. Tii nieru tarasadu weduõ rare. Inieru sõwere. Tii heka iyjare tahe Jesusimy robiõtyhy. Raòwònyre tahe òwòru-txi.

<sup>3</sup> Tii Jesusimy robikemy risỹnymyhỹ, tiu tuu robiõhyymyhỹreki. Iyjare-ki tahe rexisiranyre. Kiemy dori iny rarie rarie iko-ki rỹimyhỹ.

<sup>4</sup> Tahe ijoiko-ò rexiraòre tai òwòruõ-ò raòwònyre Jesusimy robikemy iribi idi kanakrè.

<sup>5</sup> Iu Jesuisi tamy rehemynyreu, biu-txi retehemy Zaqueu-ò. Narybede: –Wylemy bedeseke Zaqueu. Wiji dori aheto-ki bede wadi rỹike.

<sup>6</sup> Tahe rabedesamy wymy resere. Awimy Jesuisi rybe-ki rahare.

<sup>7</sup> Tahe inyõ mahãdu iòraru-ki kamy rexirybenyrenyre: –Aõhewe Jesuisi iheto-ò rara? Tii iny òbikõmy nodu hãrele wahe.

<sup>8</sup> Zaqueu tahe Jesuisi rarybere: –Bodoholake ini, Wanyrỹ. Tahe waaõna aõna iwekre iaõkõdu mahãdu-ò ariwahinymy ararekre. Tule txibo inyõ-ribi rowasire inaubiõwa wawasi ratyre tamy ariwahinykre.

<sup>9</sup> Tai Jesuisi narybede: –Wijityhyle kahãbu sỹmahãdu-ò henana rehemynyra. Kahãbu tule Abraõ riore riòrele rare.

<sup>10</sup> Deuxu Riòre Hãbutyhykỹ dori iny òrarunamy resere mahãdu òrysymy itarasamy nade. Jiarỹ tiire.

<sup>11</sup> Jesuisi tamyreny rawesenanyre timybo Deuxu Iòlòna raremy. Jerusalẽ hãwã-ò iòhòmý ratximyhỹre. Tai tahe Deuxu Iòlòna iòhòmý ratximyhỹremy roholare.

<sup>12</sup> Tahe Jesuisi rarybere iny ityhyõ heka: –Inyõ nihikỹ heka rakemy ratximyhỹre ijõ bede-ò ratỹinkemy. Tai iòlòmý ronykremy rare. Iribi tahe ròsere.

<sup>13</sup> Tii tahe taaõmydỹnana ririre teòdu mahãdu-ki. Teòdu mahãdu debòwiòmý heka womati tỹrỹrỹhỹkỹ nieruõ sohoji sohoji tamyreny riwahinyre. Tamyreny rarybere: –Nieru bitakre, idi bibutunybnykremy adireny watxireri adooskreu.

14 Tahe kia bede ludu mahādu iòlò deramy ratximyhÿre tai tahe tamy rybemy iny mahāduò riteònyre: —Kahābu aòkò iny iòlòreny ronykre.

15 Ihāre tahe iòlòmy ronyre. Idi tahe tanieru wedu mahādu-ò rarariòwyre. Tiwesebo teòdu mahādu nieru ritare rierykemy.

16 Juhuludu tahe rehemynyre: —Wawedu, betehe inihe ijò debòwiò anieru ratyre rebutunyre.

17 Tahe iòlò sòwemy riwowydynyre: —Awityhymyhe taaòmÿsÿdÿÿta. Kai heka deòdu wihikÿ tate. Kai ibutedile sòwemy tewinyte tahe debòwiò hāwā adee ariwahinykre.

18 Ijò tahe rehemynyre: —Wawedu, betehe iny iruyre anieru tyre rebutunyre.

19 Tahe iòlò tamy rarybere: —Kai sÿ iruyre hāwāmy dinodu mabekre.

20 Ijò deòdu rehemynyre: —Wawedu, ahāxe anieru. Jiarÿ tyky-di reraserasenymy rerarenyre.

21 Jiarÿ alau raberure. Kai dori hābu nieru tarasaery heka tate. Aò taaòmÿsÿdÿÿteri-ribi aòkò heka nieru tetamahāte.

22 —Kai heka deòdu awi aòkò heka tate. Arybe xiery waribi arateònykre. Kai tiwaeryte jiarÿ nieru tarasaery heka watxireri. Aò raaòmÿsÿdÿÿre-ribi aòkò nieru retamahāre.

23 Aòherekibo. Kia nieru yrubuna heto-ki terikòte. Tai iximyna ratyre ini iribi ratare.

24 Iòlò teòdu inatxi-ò rarybere: —Wanieru iribi bitabenyke. Ijò hābu sòwemy ròtareò rawahikre.

25 Ijò raryberenyre: —Tii heka debòwiò nieru ijòdire.

26 Adee ararybekre: —Inyò òbitimy raaòmÿsÿdÿÿkeki, tii sòwetyhymy ritakre. Tule inyò òbitimy raaòmÿsÿdÿÿòkeki, tii ibutumy ròònodÿÿkre.

27 Iwedu rarybekre: —Waòludu mahādu tahe wadee bididybedenyke. Wadera mahādu wahe. Wako-ki birubunyenyeke.

28 Tarybe rahudi tahe Jesuisi rare Jerusalē hāwā-ò.

29 Jerusalē iòhòmy ritehemynyrenyre, tahe inatxi taerydÿÿna bede riywinyra hāwā-ò roikemy. Inatxi hāwā iòhòmy roire, Betabaji, Betÿnia-wana. Kia-ò Oliveira hāwāò roire.

30 Jesuisi rarybere: —Kaiboho boikre kowa hāwā-ò. Kowa-ò birònykreu jumenta riòre mahabenykre. Moheka ityre rariaòlemy ratximyhÿre. Biesemy, wadee bididybedenyke.

31 Inyò adeereny rarybekeki: —Aòhekremybo idi atxitenyteri. Tahe tamy marybebenyke: —Wanyrÿ tuu rurureri. Ixityre kaò kidiòkesedÿÿnykre.

32 Tahe hābu roire. Iwese Jesuisi rarybere wese ibutumy rÿire. Jumenta riòre ryro hetoijò-ki ritisanymy rÿimyhÿ.

33 Tai riesereu, iwedu rarybere: —Aòherekibo teeseteri.

34 Tai tiiboho Jesuisi rybe myna tamy raryberenyre: —Inynyrÿ tuu rurureri.

35 Tahe ridyrenyre jumenta riòre Jesuisi-ò. Tiiboho tatyreny ritidirenyre jumenta riòre tyremy. Tiiboho risÿnyrenyre Jesuisi ityre-ò.

36 Jesuisi rehemynyre, ijòboho tahe tauwòhi ryromy ritidire ityre rariakemy.

37 Jerusalē iòhòmy rehemynyre, Oliveira hāwāò-ribi, ierydÿÿna mahādu rawyhyrarònyreri, tule ryreri.

38 Tii heka wowydyna rare. Tii heka Wanyrÿ niwesekey naderi. Wowydyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

39 Ijò fariseu mahādu rarybere Jesuisi-ò: —Marybeke aerydÿÿna mahādu-ò tiiboho riyrykemy.

40 Jesuisi tamy rirawyònyre: —Tiiboho riyrykeki, manale wowydynamy ryrerke.

41 Jesuisi Jerusalē hāwā-ò iòhòmy rehemynyre, rahinyre.

42 Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre.

43 Ijò txu kanakre. Ahāwā ibutumy rirurawonykre aòbina mahādu, aòludu.

<sup>44</sup> Ibutumy hãwã ituekre. Iny iwo-ki tule rurukre. Mana ibutumy kedesekre. Rierykõre dori tiubo jiarỹ aheadỹrenymy nanade.

<sup>45</sup> Tahe Jesuisi dohodỹna hetowo-ò ralore. Tahe kia-ribi aõna aõna-di rohonymyhỹre mahãdu, õbradu mahãdu diteònyde.

<sup>46</sup> Rierynanymyhỹre tahe tamy rarybere:

–Raritidỹõlemy aõbo rỹireri: –Waheto kõaõboka inatyhymy ixitõedỹna hetomy rỹirakre. Idi kaiboho tewinytenyte wasidu hetowesele.

<sup>47</sup> Txu ibutumy Jesuisi dohodỹna heto-ki ròbedeerydỹmyhỹ. Xiwe wedu mahãdu, Deuxu aõmysỹdỹdu wedu mahãdu roholarenymy, rõhõtinyreny: –Tymybo inyboho Jesuisi rubudỹmy rikiwisỹnyrenykre.

<sup>48</sup> Tiiboho tahe aõkõhykyre iny sõwemy dori bede riõtiniymyhỹ ibedeerynadỹna-ki.

## 20

<sup>1</sup> Ijõ txu tahe Jesuisi ròbedeerydỹmy, Ijyy Tỹmyra Wihikỹ wahe. Ririranymyhỹrenyreu dohodỹna hetowo-ki, bede ywina erydỹna mahãdu, Deuxu xiwena wahidỹdu mahãdu wedu, tule matuari mahãdu tamy doide.

<sup>2</sup> Tiiboho tamy rỹraxyreny: –Mowe ateòdỹdure kia aõna aõnany tatỹnyymyhỹtemy.

<sup>3</sup> Jesuisi dirawyònyde: –Adeereny tule araxykre. Kaiboho bidiwawyònykeki, tahe jiarỹ akoreny yraxina ariwyòkre aõrurudibo aõna aõna rewinyymyhỹre.

<sup>4</sup> Tahe Jesuisi ritỹraxyre: –Mobo Joaõ ratisebedỹmy riteranyre? Deuxu aõbo ada iny aõbo?

<sup>5</sup> Tiiboho widee rarybera: –Deuxu riteranyremy inyboho rakaryberenykeki, tai tii rarybekre: –Aõherekibo tahe tii tetyhynytenyõte.

<sup>6</sup> Inyõ riteranyremy rakaryberenykeki, iny aruberuwỹhỹrenykre. Ibutumy iny dori Joaõ rityhynyre tii Deuxu rybe-di rybedumy. Ijõ ijoĩ mahãdu urile inyreny kidi-hetenykre.

<sup>7</sup> Tai tahe tiiboho raryberenyre: –Jiarỹboho reeryõreny. Tai tahe Jesuisi rarybere:

<sup>8</sup> –Hebo, jiarỹ adeereny iximy ararybeõtyhy modeòdỹny jiarỹ tuu watxirerimy.

<sup>9</sup> Iribi tahe Jesuisi tamyreny ijyy-di rierynanymyhỹre: –Hãbu uva oworuõ wese ròbrõre. Tahe riõtitynyre. Tahe hãloo riare oworu ubetya-ki, ruỹdỹny. Tahe utò riwinyre. Idi tahe rityhere hãbu mahãdu-ò. Tahe rexitare tasỹ-ribi ijõ bede-ò.

<sup>10</sup> Tahe bederaty siredey bededỹnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyreny, rihetenyrenyre idi riteònyrenyre ixihylyemy.

<sup>11</sup> Ixityre oworu wedu teòduõ riteònyre. Kia heka irati rihetenyre ta tamy rawobinarybeny.

<sup>12</sup> Ijõ riteònyre. Kia heka rirubunyreny.

<sup>13</sup> Iwedu ixi dee rarybere: –Aõhebo arotỹnykre. Tahe oworu wedu iriõre sohojilere, wariõre kie kie sohojile ariteònykre. Tai tiiboho rityhynyrenykre.

<sup>14</sup> Kia oworu-di itxeredu mahãdu widee raryberenyre: –Kia heka wedu aõna aõna tarasadu rare. Rurukre, idi tahe iaõna aõna inydeerenykre.

<sup>15</sup> Tahe rimyrenyre idi rirubunyrenyre tahe idi rehurenymy oworu-ribi. Jesuisi ritỹraxyre: –Aõhebo tahe oworu wedu rotỹnykre. Tai Jesuisi ixityre narybede:

<sup>16</sup> –Tii kanakre oworu-di itxeredu mahãdu hudumy, tai tahe oworu rityhekre iny wixiraõ-ò. Kia-ò tiiboho roholareu, tahe raryberenyre. Tymyki tukõna.

<sup>17</sup> Jesuisi idi reny retehemy tahe rarybere: –Ritina-di aõbo tariaõletenyte kia ryberiti: –Mana-di hetowidỹdu rehura. Kia mana heka hetohãtxi-ki heridu rare.

<sup>18</sup> Inyõ kia manatyre resekeki, kia urile raoroorokre. Mana tahe inytyre resekeki, kia urile risyrisyrenykre.

19 Bede ywina erydÿÿna mahãdu, tule xiwena wahidÿÿna mahãdu wedu rimykyemy riwisÿnyre kiaule. Brebumy ta turenkykõre.

20 Tiiboho hãbubinaõ riõwynyrene tamy imynamy irybe-ki. Tai tahe Dinodu-ò riwahinykremy aõsirakõmy timykibo irutaõmy rirybewitxiranyrenykyemy.

21 Tiiboho rarybere Jesuisi-ò: —Erydÿÿdu, jiarÿÿboho araerymy adi watximahãrenyrene kai inatyhy hãbu tate. Iny ibutumy adee wiwese wiweselere. Inatyhymy iny-ò Deuxurymy teerynanymahãte. Tahe tiiboho ritÿÿraxirenyrene:

22 —Awire aõbo ada ibinare aõbo nieru rawahinymyhÿre bede dinodu-ò. Timybo tahe, imposto raõwymy aõbo ada aõkõre aõbo.

23 Jesuisi rierymyhÿre tõhõtinanareny, tahe ritÿÿraxinyra: —Aõherekibo kaiboho tiwaurihitenyteri.

24 Wadee womati nieruõ bidiwy waitxerenamy. —Kawe moõ tyytarasana rare, katahe moõ tyyritina rare. Tiiboho dirawyõnyde: —Kiahe bede dinodu hõrõ rare.

25 Jesuisi rarybere: —Hÿdebo, bede dinodu hõrõ tahe tamy biwahinybeny, tule tahe Deuxu aõna aõnahõrõ Deuxu-ò biwahinybeny.

26 Tiiboho aõkõre. Irybe-ki rimynamy aõkõ. Urile ribedeõtiinyre.

27 Saduseu mahãdu tamy nade. Kia heka iny rubu-ribi rexixamy aõkõre-riki rierynanymyhyre. Tiiboho ritÿÿraxinyrene Jesuisi:

28 —Erydÿÿdu, Moisesi raritinyrene bede ywina-ò, kaimy: —Hãbuõ rurukeki, tahãwyy iriõre ijõdiõkeki, tahe kia hãwyy tahãbu seriõre-wana roike. Iriõredikre taseriõre rubuõwymy roikre.

29 Seriõre debõinatxi reurõmy raremyhÿ. Juhuu ijõ roire hãwyy-wana. Tahe tii rurure iriõreõlemy.

30 Tahe ihewoludu iseriõre wytese-wana roire. Tii rurure iriõreõlemy.

31 Ihewoludutyhy tule ibutumy roire wytese-wana, tahe ituerenyrene iriõreõlemy.

32 Irõõbymy tahe hãwyy tule rurure.

33 Ixixanau tahe mohãbubo tii-wana rarekre. Ibutumy dori wytese-wana roire.

34 Jesuisi rirawyõnyrene: —Kabede-ki hãwyyiny iny roimyhÿre.

35 Ixixanabedeu heka moõ roiõtyhy, inyõ dori bede kia riõbnykneu.

36 Ibutumy iny ÿju wese rarekre biu bede-txi.

37 Moisesi tatyryiti itÿnyhÿkÿlemy rarybere: —Iny rubu-ribi kedexixakremy. Tai ta heõty õwõru sõmo riworonymyhÿki ixybylesÿ rarybera:

—Deuxu heka Abraõ, Ijai, Ijaõ kia Deuxu rare.

38 Tai Deuxu inyru mahãdu Deuxu dori rare. Iny rubu mahãdu ta aõkõre.

39 Inyõ rarybere: —Arawyõnakyhyna, Wanyrÿ tate. Bede ywina tabohe teerytyhyte!

40 Tai tahe ixyby rÿÿraxiõhyrenyrene.

41 Jesuisi rarybere: —Timybo bede ywina erydÿÿdu mahãdu rarybemyhÿre Kristu Davi riõre raremy.

42 Davi rarybere aõmybo Deuxu Tyytybytyhy tamy narybedemy iwiuna-ki: —Wanyrÿ rarybere Wanyrÿ-ò:

—Bodony warurunawe-ribi.

43 Txiõhe inihe, aõludu awarawo-txi aritidikre.

44 Tahe Davile tanyrÿmy rininire. Timyki tahe Davi itybmykre.

45 Tii taerydÿÿna mahãdu rierynamyhÿreu.

46 Tii rarybera: —Bexiemyhÿbeny bede ywina erydÿÿdu mahãdu lau. Tiiboho heka tyyrehetyhywidihikÿle rexityynymyhÿrenyrene. Tiiboho heka ixi rybedÿÿluurenyrene hãwã riraki. Dohodÿÿna heto-ki ryananawi luurenyrene. Tule ta anarÿÿ rÿi-wana, tyhytyrekile ryanana tamyreny awire.



<sup>47</sup> Tiiboho tule wytese aõ aõkõ mahãdu aõna aõna ritamyhÿrenyre. Ixitòedÿÿna rehehekÿ rexitòenymyhÿrenyre. Tiiboho heka aõnihikÿmy aõhõkÿmy dÿÿnanamy rotÿÿnyrenykre.

## 21

<sup>1</sup> Jesuisi retehemy rÿimyhÿ dohodÿÿna heto nieruhyna-txi. Tii retehere tibo iny tanieru-di rehumyhÿdi. Tai inieru sõwe mahãdu nieru sõwemy ritidimyhÿ.

<sup>2</sup> Tule tahe nade wytese aõ aõkõ mahãduõ. Tii inatxi nieru sõmo-di rehure.

<sup>3</sup> Tai Jesuisi rarybere: –Kowa heka wytese nieru-di rehure ibutумы iny witxira ratyre.

<sup>4</sup> Ijõ mahãdu tanieru uhedile rehumyhÿ. Tahe wytese idi rehure ibutумы tanieru-di rexihумы taумы-ribi idi rehure.

<sup>5</sup> Dohodÿÿna hetomy ierydÿÿna tamy rarybere: –Erydÿÿdu, beteheke mana wihikÿ ruxera ruxera-di eryna heto riruxeranyreridi.

<sup>6</sup> Jesuisi rirawyònyre: –Kaiboho betehebennykre hetonihikÿ-ò. Kia heka mana ijõ wityre-ki rÿiòtyhy, ibutумы heka kedejuxunykre.

<sup>7</sup> Tiiboho ritÿÿraxinyre. Tiubohe ibutумы kidiixixãwididÿÿnykre. Tiiboho ibutумы bede konanadÿÿnamy reakre. Timybohe arieryrenykre, aõma bede ibutумы rexihukre.

<sup>8</sup> Jesuisi tamyreny rarybere: –Kaiboho anaitxenanydenyheny lau bexiebenyke. Sõwemy dori rÿikre wanımı rarybemy rarekre: –Jiarÿ dori Kristu rare. Tahe iny sõwemy itxenadÿÿmy reakre.

<sup>9</sup> Kaiboho wounarybe-ò, aõbina rybe-ò, boholakreu, breburenyõmykre. Kia heka kanakremy ratximyhÿre. Urile bededÿÿnana ikonanatyhy aõkõ rare.

<sup>10</sup> Tii tamyreny rarybere: –Uritere iny lahinareny, ijõ lahinareny widee kanaaõbinanykre. Tule iòlòna mahãdu, ijõ iòlòna mahãdu-wana widee kanaaõbinanykre.

<sup>11</sup> Bede bedesu ijõ hãwã-ki kanamytatakre. Tahe aõkõre rama kedeakre. Kia heka juhu aõhõkÿmydÿÿnana rarekre. Aõbrebuna brebuna kÿnyikre. Idi biu-ki aõwitxira kÿnyikre.

<sup>12</sup> Tiiboho arawahinyrenykre aòludu wedu-ò, iòlò-ò. Kaiboho heka aõhõkÿmy iu botÿÿnybenykre, watyhydÿÿ òraru-ki. Tiiboho arahatenyrenykre dohodÿÿna hetowo-ki. Kiabohoko-txi wadee kaiboho kedelyykre inatyhımı aõna aõna rÿiremy.

<sup>13</sup> Rybewihikÿmy ibutумы bede bede hãwã hãwã-ò belyybenykre.

<sup>14</sup> Tiubo aradyrenykeu, urile nohòtiõmy aõmybo kaiboho marybebennykre.

<sup>15</sup> Kiautyhyle aõmybo marybebennykrebyhierykre. Kia tahe marybekre. Kai aõkõ dori marybekre, Deuxu Tytybytyhy tahe rybedukre.

<sup>16</sup> Asÿreny dori ròtenawo-ò araròtenyrenykre. Seriòre seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre.

<sup>17</sup> Ibutумы heka iny iy kedeakre wani òraru-ki adeereny.

<sup>18</sup> Ibedeu araderenytiõ reseõtyhy.

<sup>19</sup> Bexityhımı ta tai ixiery dori biu-ò mahenybenykre.

<sup>20</sup> Ijõ tahe Jesuisi rarybere: –Woudu mahãdu Jerusalẽ rirurawonykreu heka bierybenykre aõhuluhudunamy bede rÿirerimy.

<sup>21</sup> Judeia hãwã hãwã-ki ratxikeki, mahenybenykre bederatòhòkÿ-ò. Inyõ Judeia hãwãkikeki, iribi òlò rÿikre. Idi inyõ bederokeki ixyby Jerusalẽ-ò ròteõmykre.

<sup>22</sup> Kia txuu heka òwynatxумы rare. Ibutумы rybe tyriti myna heka bede rÿikre.

<sup>23</sup> Kobexe heny hãwy bõtòmı rÿira, tule hãwy tariòre ritònımı rÿira. Aõhõkÿmydÿÿnana kanakre tiu heka tuuõre. Debure nihikÿ heka kanake kia iny tyre-ki. Tiu heka kiamy bede roiòtyhy aõhõkÿmydÿÿnanamy.

<sup>24</sup> Sõwemy iny rurukre mayrehe-di. Iny sõwemy radykre ijõ bede-ò aõhõkÿmy tai rotÿÿnykremy. Ityhydÿÿdukõdu mahãdu rasÿnykre Jerusalẽ hãwã-ki iu.

<sup>25</sup> Ixityre tahe Jesuisi rarybere: —Idi webòhòna r̃yira txuu, aõhòk̃myd̃ỹnana itue-di, txuu heka rurunykre. Ahãdu tule rurunykre, tule taina. Beòbò lau iwod̃ỹ lau ibutumy iny ruberukre inihik̃ òraru-ki.

<sup>26</sup> Iu bede bede iny mahãdu aõhebo rot̃ỹnymy, tatòhòtibre-di tiiboho reserenyrene sutyre-ki tai.

<sup>27</sup> Iny retehekre

Deuxu Riòre, Hãbutyhyhyk̃y dehemyryna-di. Biurawetyky-ribi kodobehekre tatyhy-di.

<sup>28</sup> Tahe kia aõmyd̃ỹnana r̃yikre, ywinamy bòibenyeke, iòhòlereri.

<sup>29-30</sup> Tai tahe Jesuisi figueiraò-wana tahe bede ròkewesenanyre: —Figueiraò-di ini bex-inohòtinybenyeke. Tii heka tairu-txi, tanoiròsò rit̃myranymyhỹre, tai tahe bierybenykre wyra iòhòleri.

<sup>31</sup> Tule kia aõna aõnamy bobibenyeke, tii iòhòlereri. Ijò-ki iòhòwesele r̃yire.

<sup>32</sup> Inatyhymy adee ararybekre, kia wijinabòdu itueòtyhy aõna aõna r̃yikre hãrele.

<sup>33</sup> Biu, bede-wana ituekre, tahe warybe itueòtyhy.

<sup>34</sup> Tahe Jesuisi tarybe rihumy rarybere: —Kaiboho bexiebenyeke, betehebennykre ixinohòtid̃ỹrenythyk̃omy. Roxina worana bedehesi-di timybo kaiboho atximyhỹtenytedi. Mona juberere biòbenykeny mohòtinyòke. Kaiboho dori teeryòteny te tubedemybo adòòsekre.

<sup>35</sup> Kiatxu kanakre tahe iwese nawii myryna wese aõwesele rymykre ibutumy bede iny mahãdu rymykre.

<sup>36</sup> Biebenyeke tahe, Deuxu-ò bexitòenybenyeke. Kia tahe aõhebo rot̃ỹnykre-ribi mahenyke. Bityhynyke Deuxu Riòre, Hãbutyhyhyk̃y, jiar̃y wahe.

<sup>37</sup> Txuõ txuõlemy tii Dohod̃ỹna heto-ki ribedeerynyre ihãre tahe rummy Oliveira hãwãlò-ò rara.

<sup>38</sup> Rudile tahe sòwemy iny dohod̃ỹna heto-ò rehemynymyhỹre Jesuisi rybe-ò ijohomy.

## 22

<sup>1</sup> Iòhòmy ratxireri Pascoa worana bedehesi kodohònykremy. Kia anar̃ỹ wehityhynamy heka iny ratya-di reare. Tule orotxu anar̃ỹ kia ròhònyre.

<sup>2</sup> Deuxu aõmys̃d̃ỹdu wedu mahãdu, tule bede eryd̃ỹdu mahãdu Jesuisi rymykeny ratxireri idi rirubunykeny.

<sup>3</sup> Satanasi heka Judasi Isariòwo-ki ralore, tii Jesuisi eryd̃ỹnaò ih̃ỹre.

<sup>4</sup> Juda Isariò heka Deuxu aõmys̃d̃ỹdu-ò rara Jesuisi riwahinykeny.

<sup>5</sup> Tiiboho tamy roholarenyre, reysare. Tahe tamy nieru riwahinykeny riurenanyre.

<sup>6</sup> Tahe Juda riijemyhỹre aõu aõu bedewihik̃y tamyreny riwahinykeny. Wasimy riwahinykeny tii roholare.

<sup>7</sup> Juhu orotxu anar̃ỹtxure budoeni xiweloo rirubuny rahudi tahe Jesuisi eryd̃ỹna mahãdu tamy rarybere: —Titxibo anar̃ỹ r̃ys̃ny bixikemy atxiteri.

<sup>8</sup> Tahe Jesuisi heka Pedro, Joaõ-wana riteònyre: —Kaiboho boike iny r̃ys̃nareny ywid̃ỹmy.

<sup>9</sup> Tiiboho r̃ỹraxire. Titxibo ariwinyrenykre?

<sup>10</sup> Jesuisi tamy rarybere: —Kaiboho boikre hãwãhãk̃y-ò. Tahe hãbu-wana wii biòbennykre butxi-di retyreriò. Tahe tii biheludunybeny. Titxibo heto-txi ralokreò, kaiboho tule bironybeny bit̃ỹraxinybenykre heto wedu:

<sup>11</sup> —Wawedureny rarybera: —Titxiwexe anar̃ỹ r̃ys̃na arir̃ys̃kre waeryd̃ỹna mahãdu-wana.

<sup>12</sup> Tii heka adee kiditeòsinykre hetowoõ-txi biu-ki. Ibutumy rexihumy r̃ỹre iny deereny. Tai r̃ys̃na inydeereny biwinybenykre.

<sup>13</sup> Tahe ieryd̃ỹna rexitare. Roire hãwãhãk̃y-ò. Tahe rot̃ỹnyrenyrene Jesuisi rybe myna. Tahe ibutumy rexihurenyre anar̃ỹ-ò.

14 Kia txu rimyreu tahe Jesuisi nade taerydỹỹna waðinatxi reurò-wana byremy ronyrenykremy.

15 Tii tamyreny rarybere: —Jiarỹ awanareny ariroxikemy watxiwãhãre. Karibi dori warubuna-ò arakre.

16 Inatyhymy ararybekre: —Jiarỹ konanamy ayreny-ki ariroxikre. Ixyby ta Deuxu Iòlònakile tahe rikiroxirenykre.

17 Tahe vỹ mona hyna rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyre.

18 Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre.

19 Tiiboho riroxireriu, Jesuisi orotxu rimyreu, raorore, rexitòenyre, tahe tamyreny riwahinyre. Rarybere: —Ahãxe, kia heka waumy wese rare. Iu biroxikey, warubuna-di mohòtinybenykemy.

20 Biòbenyke! Kaa dori wahãlubu wesemy ratxireri. Tahe tamy riwahinyre riòrenykemy. Tai sòwemy iny ròhònyke biu-ò hena-ò ibutumy òraruna ixãwididỹỹmy. Tuu ròhònyra. Kia heka wadeewimy iny Deuxu-wana ratxiinyhỹre, wahãlubu òraru-ki.

21 Boholabeny inihe watyhedỹỹdu inykyrenykile ronyre.

22 Iwese tyyriti-ki roire wese heka arurukremy, Deuxu Riòre, Hãbutyhyhykỹ, jiarỹ wahe. Kobe làhãxe watyhedỹỹdu.

23 Tiiboho tahe widee rarybere: —Mobo tahe rare? Mobo Jesuisi riwahinykre.

24 Iribi tahe widee raryberenyre, mobo wiratyreremy?

25 Tahe Jesuisi tamyreny rarybere: —Kabede iòlò mahãduy-ki iruru dire. Bede dinodu tahe iny rininire: Iny biòwa.

26 Tahe ayreny-ki kawese aòkò ihỹre. Inihikỹtyhy inyò ratxikeki, tii inyuhe deòdumy ratxikre.

27 Tibo inytyhy rare? Roxidu mahãdu ada deòdu mahãdu? Roxidu mahãdu, aòhe inatyhy? Jiarỹ tahe ayreny-ki deòdu wesemy jiarỹ rare.

28 Kaiboho heka wawanahyy atxitenyte aòhòkỹmy ratỹỹnymyhỹreu.

29 Tai tahe adee ruruna ariwahinykre. Iwese Waha wadee riwahinyre wese, adee ariwahinykre.

30 Waiòlòna-ki kaiboho wawana biroxi benykre, biòbenykre. Tule rynana wiwihikỹ tyre-ki rỹdu mahãdumy bonybenyke. Israeli iny mahãdu heka kaiboho biòbitinybenykre, ibutumy judeu mahãdu wahe.

31 Jesuisi ijò rarybere: —Simaò, Simaò, wadee boholatyhyke. Satanasi arauri-hirenykemy wadee rexitòenyre. Tahe adeereny kanake araurihidỹỹmy.

32 Dori rexitòenymyhỹre, Simaò, kai bityhynyhykemy. Wadee bòdòòsekeu, abiòwa mahãdu biwiòhenanyke.

33 Tahe Pedro diwyònyde: —Awanahyy arakre, wanyrỹ, arurukre hãre, ròtenawo-ò arakre hãre.

34 Jesuisi tamy rarybere: —Pedro, kai biwatxiònyke, hãnie hãbu ryrykòule biwatxiònyke inataòmy.

35 Jesuisi tamyreny rỹỹraxire: —Juhu arateònyrenyre anieruhynakòmy, asaurenykòmy, awarenyòmy, adeereny aòbo aò rasiranyre? Tiiboho dirawyòmy: —Aòkò, aò rasir-anyòhyre.

36 Tahe Jesuisi narybere: —Wiji tahe txibo inyò inieruhynadikeki, saudikeki, biwykre. Txibo inyò imayrehedikòkeki tayhyitxena-di rohonykre iòwy-di tahe tii riòbranykremy.

37 Kamy dori Deuxu rybe tyyriti-ki roire:

—Òbitikòmy nodu mahãdu-wana tii rỹire.

Ibutumy timybo tyyriti wamy rarybere heka rỹikre.

38 Tamy ierydỹỹna mahãdu rarybere: —Wanyrỹ, kaa inatxi mayrehe rỹire. Tahe Jesuisi rỹire rarybere: —Awire kia.

<sup>39</sup> Tahe Oliveira hãwãlò-ò roirenyre, taerydỹna mahãdu-wana.

<sup>40</sup> Tiiboho kowa-ò rehemynyreu, Jesuisi rarybere: Bexitòenyke! Tai tahe òraruna-txi beseòke.

<sup>41</sup> Tahe iko-txi urihimyo rareu, taowotimy resemy. Rexitòenyre:

<sup>42</sup> —Waha, adee arexitòenykre. Adee awikeki, aõhõkỹmy dỹna waribi bi-ixãwidỹnyke. Tahe adeewikomykre, wadeewi ta aõkõre.

<sup>43</sup> Yjuõ tamy nade biu-ribi tamy ruru riwahinyre.

<sup>44</sup> Sõwemy tahe rexitòenyre, iõsana-ribi resere bee wahe. Hãlubu wese heka ihỹre resereri bede-ò.

<sup>45</sup> Tii rehemynyre tai rahare rõrõrenymy roireriò. Tiiboho ele risarenyre sõwemy rabadeworenyreki.

<sup>46</sup> Tamyreny rarybere: —Aõherekibo tarõtenyteri? Biijebenykre, bexitòenykre.

<sup>47</sup> Tii rarybereri, aõwesele Judasi nade. Tii-wana doide hãbu mahãdu.

<sup>48</sup> Jesuisi rarybere Judasi-ò: —Judasi, Deuxu Riòre bityhenykre aõbo, jiarỹ hãbutyhykỹ wahe? Waòbu-ò-di aõbo biwatyhenykre?

<sup>49</sup> Jesuisi erydỹna mahãdu tuu robireu, tamy rarybere: —Iny mayrehe-di araaõbinanyrenykre, Wanyrỹ.

<sup>50</sup> Kia ijoioõ mayrehe ritare tahe Deuxu aõmysỹdỹdu wedu deòdu nohõti riorore.

<sup>51</sup> Tahe Jesuisi rarybere: —Ixãwike. Tahe hãbu nohõti riteytenyre.

<sup>52</sup> Tahe Jesuisi dirawyònyde tamyreny, Xiwe wahidỹdu mahãdu-ò, dohodỹna heto itxedu wedu-ò, matuari mahãdu-ò: —Kaiboho mayrehe-di, òhòte-di tiwaòrytenyteri jiarỹ wasiduòryse wese.

<sup>53</sup> Jiarỹ tahe dohodỹna heto-ki watximyhỹ txuõ txuõlemy adeereny anaery-nanymahãdenyde. Kowa-ki heka tiwamyõlemyhỹtenyde. Kia heka bededỹnana rexihure. Bede lurus ruru roirerimy. Tahe aõbo iritina-ki rỹireri, kia heka kỹnyikremy.

<sup>54</sup> Xiwena wahidỹdu mahãdu dinodutyhy-ò wedu-ò tiiboho Jesuisi ridyrenyre. Pedro riheludunyre ireheriòremy.

<sup>55</sup> Rehemynyreu tai Pedro ixitòteenymy heòtywera-ò ronyre heto itxeredu mahãdu-wana.

<sup>56</sup> Pedro ratximyhỹ-ò tahe deòduõ rehemynyre, ijadõma wahe. Pedro-di ijadõma retehemy ta rarybere: —Tii tule Jesuisi Nazareludu-wana ratximyhỹre.

<sup>57</sup> Tahe tii rexitxiõnyre: —Jiarỹ reeryõre aõmyboho kai tarybeteri.

<sup>58</sup> Ixybyle kowa ijoioõ Pedro-ò rarybera: —Inatyhymy kai ijõ mahãduõ tate. Tii inatyhytyhyrybemy rarybera: —Jiarỹ reerykõre hãbumy tarybetenyteri.

<sup>59</sup> Ijõ òrau tahe ijõ rarybere: —Inatyhy rare kai Jesuisi-wana ahãte, Kalileia mahãduõreki.

<sup>60</sup> Tahe Pedro rarybere: —Hãbu, reeryõre aõmybo tarybeteri! Tahe hãnie hãbu robura.

<sup>61</sup> Jesuisi heka Pedro-ò retehere. Tahe Jesuisi rybe-txi Pedro tõhõti reare. Iwese Jesuisi rarybere: —Hãnie inataõmy robukre myna, kai waheludumy bedexitxiõnykre.

<sup>62</sup> Pedro tahe iribi rexitareu, ixidee iky reamy rahinyre.

<sup>63</sup> Tahe hãbu mahãdu Jesuisi rihetenymy, rilahirenymyhỹre.

<sup>64-65</sup> Tiiboho riruehetynymy rihetenymy idi ritỹraxyinymyhỹre: —Mowe arahãtenyra. Idi tahe sõwemy idi risinymyhỹreny.

<sup>66</sup> Rudile tahe judeu wedu mahãdu ributunyre xiwena wahidỹna mahãdu-wana. Jesuisi ridyrenykemy raryberenyre dohodỹna mahãdu-ò.

<sup>67</sup> Tamy ritỹraxyinyre: —Kai aõbo Kristu tate, Deuxu Riòretyhy. Jesuisi rarybera: —Jiarỹ heka kohemy ararybekeki, kaiboho biwatyhynyõtyhy.

<sup>68</sup> Adeereny arỹraxyikeki, kaiboho biwawyònybenyõtyhy.

<sup>69</sup> Kaiboho bierybenykre

Deuxu Riòre heka jiarỹ rare. Idi Waha rurunaweribi-ò aronykremy.

<sup>70</sup> Ibutumy tahe tamy rarybere: —Kai aõbo Deuxu Riòre tate? Tii rirawyònyre: —Iwese kaiboho tarybetenyteri wese jiarỹ inatyhy rare.

<sup>71</sup> Tahe tiiboho raryberenyre: —Inyõ irybe-ò ijohoke heka aõkõre, inybohòle dori tuu roholarenyre.

## 23

<sup>1</sup> Kia iny ka ibutumy Jesuisi ridyrenyre Pilato-ò, bede dinodu-ò wahe.

<sup>2</sup> Idi tahe aõbina binahakỹmy tuu raryberenyre: —Kahãbu heka bede rijeijeinyreri iòlòmỹ ijoi radònykemy. Iribi iòlò-ò òwydỹỹ rỹiõmyhỹkemy rarybere. Ihãreta Deuxu Deòdỹỹnamy raremy idi iòlòmỹ rexininimyhỹre.

<sup>3</sup> Tahe Pilato rỹỹraxire Jesuisi-ò: —Inatyhywe kai Deuxu mahãdu iòlòtyhy tate? Tai tahe Jesuisi riwyònyre: —Kai tuu tarybeteri, Wanyrỹ.

<sup>4</sup> Tai tahe Pilato rarybere xiwe wahidỹỹdu mahãdu dinodu-ò, tule inysõwe mahãdu-ò: —Timyki kahãbu aõhõkỹmy wasỹdỹỹõna, aõõ bina dori riwinyõlere.

<sup>5</sup> Tai ixyby idi risỹnyrenyre: —Kahãbu heka Kalileia bede-ribi bede rijeijeinyreri, idi Judeia bede-di tule katahe kakile tuu rotỹỹnyre.

<sup>6</sup> Taita Pilato rỹỹraxire: —Tii aõbohe Kalileia mahãduõ ratxireri?

<sup>7</sup> —Tii Kalileia mahãdu rare. Kia Pilato rieryreu, Herodi-ò riteònykemy rexinohõtinyre. Tii kia dinodureki. Ihãreta Herodi Jerusalẽ hãwã-ki iu ratximyhỹ.

<sup>8</sup> Herodi Jesuisi robireu heka reysare. Jesusimỹ robikemy riwisỹnymyhỹre sõwemy. Idi tahe tuu robireke, reòsare. Tai tahe reysare. Ini-ò roholahyymyhỹre. Tule aõwihikỹ wixira riwinykemy idi riwisỹnymyhỹre.

<sup>9</sup> Idi tahe Herodi sõwemy rỹỹraximyhỹre. Jesuisi tahe rirawyònyõhyyre.

<sup>10</sup> Aõbo xiwena wahidỹỹdu mahãdu wedu, tule bede ywina erỹdỹỹdu mahãdu sõwemy aõna aõna binamy tuu raryberenyre.

<sup>11</sup> Herodi tasoldado-wana tuu raòhòtemy idi risinymyhỹreny. Tyywihikỹ-di rira-hananyrenyre. Iribi riòkesedỹỹnyre Pilato-ò.

<sup>12</sup> Juhuu heka Herodi Pilato òludumy widi raremyhỹ. Kia txule tahe widee rowoixirenyre.

<sup>13</sup> Idi tahe Pilato tahe ibutumy xiwena wahidỹỹdu wedu, tule matuari mahãdu tule ijõ iny mahãdu ributunyenyre.

<sup>14</sup> Tamyreny rarybere: —Kaiboho heka wadee tedytenyteri bede jei jeiwidỹỹdumy tuu tarybetenyte tebutenyteri heka. Jiarỹ akoreny-ò retỹỹraxinyre idi aõhe tai ibinamy rahaõhyyre.

<sup>15</sup> Tule iòlò Herodi tai ibinamy rahaõhyyre. Tai diòkesedỹỹnyde. Tai iurenana ta aõhereki timyki irubuõna.

<sup>16</sup> Urile raòhòtedỹỹkemy bede reywinyre idi ta ixinamy rakre.

<sup>17</sup> Kiemy dori worana bedehesiu, ròtena-ribi inyõ heka ròhònymyhỹke.

<sup>18-19</sup> Sõwemy iny heka rirajuare: —Aõkõre uritere ta Baraba biteònyke. Kia hãbu urile ruruke. (Baraba inyrubudỹỹdure. Bede jei jeidỹỹ-ki heka ròtena-ò ralore.)

<sup>20</sup> Tai Pilato Jesuisi òlòdỹỹmy riwisỹnymyhỹ tai ixyby rarybere: —Aõkõre Jesusile ariteònykre.

<sup>21</sup> Sõwemy iny ixyby ryryre: —Aõkõre, itxeò-ki bitamadỹỹnyke!

<sup>22</sup> Tahe Pilato tainatãõnamy narybede: —Aõherewe, aõwe tii ibinamy riwinyre. Aõheka tai ibinaõhyreri rubu-ò rawahikemy. Òhòteòle ta arawahinykre idi ariteònykre.

<sup>23</sup> Ihãre ta iny sõwe mahãdu ire rirajuamyhỹrenyre itxeò nihikỹ-ò rurukemy. Ixieryta iryreny-ò roholare idi tukremy.

<sup>24</sup> Iu Pilato heka Jesuisi riwahinyre rubu-ò tumyna rexitòenymyhỹrenymy.



<sup>25</sup> Ijõ hãbuõ ta røtenawo-ribi riòlòdỹnyre, iixitødỹnyreny myna wahe. Tii hãbu aleerydu rare, tahe bede jei jeidỹdu tule. Iwana ta Jesuisi rawahire irybemynarenymy aõhebo rotỹnykremy.

<sup>26</sup> Tahe Jesuisi ridyreny. Ryki tahe hãbuõ iutedereny-ò nade, Simaõ inire, Sireni hãwã ludu wahe. Nohõtïõlemy ta ityre itxeò nihikỹ ritidirenyre, iherenymy idi kanakremy.

<sup>27</sup> Sõwemy ihemy nodu sõwe. Iy-ki hãwyy mahãdu Jesuisi-di robumyhỹreny.

<sup>28</sup> Tii tahe tamyreny rexiòkesemy narybede: –Jerusalẽ hãwã ludu hãwyy mahãdu! Ixirahi bobubenyke ariòre rahi tule warahi ta aõkõre.

<sup>29</sup> Tiutxumybo bexirybenybenykre: –Hãwyyky bedekòby heka raritxòrenykõre mahãdu rare, tohokuã ritònykõre mahãdu tiku kuladu-di tarukikõre mahãdu.

<sup>30</sup> Tiutxumybo

bexirybenybenykre hãwãlò-ò: –Watyreny bedeseke

tule hãwãlò riòre-ò bexirybenybenykre: –Biwawòbenykre.

<sup>31</sup> Wiji kawesemyhỹre hee itukure hãre. Timykrebo tahe hee irubukreu.

<sup>32</sup> Ihãre tasỹse iny inatxi hãbu òbitimy nodu aõkõ ridyrenyre Jesuisi-wana rurenymy.

<sup>33</sup> Tahe hãwãlò riòre-ò ratitybymy ninadu-ò ritehemynyreny. Tahe tii-wana inatxi wasidu itxeò nihikỹ-ò rilamadỹnyreny. Ijõ ruruweribi-ò ijõ hyweweribi-ò.

<sup>34</sup> –Waha, idireny bexiruxetòenyke rieryõhyreny dori aõmybo rotodỹnyreri.

Tai tahe ityy wimy ritxuatuakremy dado-di rehumyhỹreny tibo iwydydukremy.

<sup>35</sup> Iny retehemy rỹimyhỹ taile wahe. Judeu wedu mahãdu tule Jesuisimy rarybere: –Tii iny sõwemy rihedỹnyre, kia aõherekibo tii rexitaõreri rubu-ribi, tii Deuxu deòdỹna rarehãre.

<sup>36</sup> Tule soldado mahãdu rarybere aõbina binahakỹlemy. Diwyde tii aõna ta iny kremy rirahòreny tamy idi reare rijeny:

<sup>37</sup> –Kai inatyhymy judeu mahãdu iòlòmý atxiteri wana heka kaa bexitakre iribi.

<sup>38</sup> Itxeò ratya-ki tahe aõma timy roire tyyritidỹna.

–Kaa Heka judeu Mahãdu Iòlò Rare.

<sup>39</sup> Ijõ heka rarybereri Jesuisibire-ki roireriõle tamy rarybereri: –Deuxu deòdỹna tateki, bexitake tule biwatabenyke.

<sup>40</sup> –Wy, Deuxu lau taberuõlemahãte aõbo tule dori iny aõhõkỹmy rokotỹnykrelemy iny roireri.

<sup>41</sup> Lòwudu tamy rarybereri: –Iny heka rurureri, aõbina binahakỹ iny riwinyre òraru-ki. Iny rurureri. Kaa hãbu rỹire tiu aõbina riwinyõhykyre.

<sup>42</sup> Jesuisi-ò rarybere: –Jesuisi, watxi õhõtï beakre Iòlòmý bonykreu.

<sup>43</sup> Jesuisi tamy rarybere: –Wijile heka biu-ò heka rakakre.

<sup>44-45</sup> Txutyemy bede roronyre idi txioro txu rehehekỹ-ò bede tuu rỹire. Inataõ òramy bede rybinyre, rỹire. Heto-ki rahanaheridu urile raykare templowo-ki wahe.

<sup>46</sup> Tahe Jesuisi rirajuare: –Waha, watytyby adee rawahinyreri. Iu irybe rexihureu rurure.

<sup>47</sup> Soldado mahãdu wedu tuu robire kia aõhebo rotỹnara tuu rarybere: –Kia inatyhymy hãbu òbitityhy rare.

<sup>48</sup> Ibutumy iny kia robire Jesuisi rubu-ò rahinymy ròsere rexihetenymy tabreti-ò.

<sup>49</sup> Ibutumy tii mahãdumy ratximyhỹre iribi ireheriòremy rexiijemyhỹ.

<sup>50-51</sup> Tii judeu bede mahãduõ rare. Jyjemy inire. Tahe Kristu rubuna-ki awimy rahaõhỹre taijoi mahãdu-ribi. Tii dori Deuxu Iòlòna riraòmýhỹre. Ihãwã Arimatea inire.

<sup>52</sup> Tai ta rare ixitødỹny Pilato-ò, Jesuisi umy kidiwahinykremy.

<sup>53-54</sup>Tai tahe ritare itxeò-ribi tyy ura nihikÿ-di tyy-di ritÿtetÿtenyre. Manawabedewo-ò ritidire. Tai tiu iny rahãloonaõmyhÿre. Aõma judeu mahãdu elehyna txu wahe ixiiy-widÿÿnatxumy txu rÿireu heka aõma worana bedehesi txu.

<sup>55</sup>Hãwyy mahãdu Kalileia-ribi Jesuisi-wana. Tiiboho doide Jyje-wana Jesuisi hãloo-ò itxeremy.

<sup>56</sup>Tahe timybo roimyhÿ riòtudunyre. Dòòsedenyde iribi aderòna lÿnyre ywidÿÿmy iumy tÿnyrenamy.

Kia rexielehynyre sabado txu bede ywidÿÿna myna-di.

## 24

<sup>1</sup>Juhu txu semana bededÿÿnanau txuu deadeu hãwyy roire wabede-ò. Tiiboho riwyyre lÿnyrena.

<sup>2-3</sup>Rehemynyre, mana nihikÿ tahe ijò-ribi ratamy rÿire. Tahe ralòrenyre, Jesuisiumy ihoõhyre.

<sup>4</sup>Wabede-ò rirònyrenyre, robirenyre inatxi hãbu. Ityy urahakÿmy rononymhÿre tai.

<sup>5</sup>Tahe tiiboho bede riòtiinyrenyre idi tabrebu-di suò reserenyre. ÿjyõ tamyreny rarybere:

<sup>6</sup>—Iny irumy kaiboho teijeteri kaki wabede-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bedeki:

<sup>7</sup>—Inyõ riwawahinykre inybina-ò Deuxu Riòre Hãbutyhyhykÿ. Itxeòtyre-ki arÿikre tai arurukre. Inataõ txu-di tahe rubu-ribi arexixakre.

<sup>8</sup>Tahe hãwyy irybe-di ròhòtinyrenyre.

<sup>9</sup>Wabede-ribi raijaranyrenyre Jesuisi erydÿÿna mahãdu-ò ijyymy.

<sup>10</sup>Kia tiibohore: —Marie Madalena, Joana, Marie Txiause. Ijõ hãwyy tule tii-wana roirenyre.

<sup>11</sup>Iu tamy relyyreu, rityhynyòlerenyre.

<sup>12</sup>Pedro tahe rÿimy reare idi raijaranyre wabede-ò. Urile tykylemy robire tahe dòòsede, rexiòtiinyre.

<sup>13</sup>Itxuleu ta iny inatxi hãbu Jesuisi tyhydÿÿdu mahãdu tahe roirenyre Emau hãwã-ò. Jerusalẽ hãwã-ribi txibo 10 km wese irehere.

<sup>14</sup>Ibutumy aõhebo rotÿÿnyramy wiko relyymy ròimyhÿre.

<sup>15</sup>Iuleta Jesuisi tamyreny dehemynyde idi tiiboho-wana roire.

<sup>16</sup>Tiiboho tuu robirehãre timykibo rierykõhykyrenyre.

<sup>17</sup>Tahe Jesuisi ròtÿÿraxire: —Aõmywe widee tarybetenyteri.

<sup>18</sup>Iijõreny Klopamy nidu narybede: —Kai sohojilewe Jerusalẽ-ki aõhebo bede rÿira teerykõte.

<sup>19</sup>Tii dotÿÿraxide: —Aõherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihikÿ heka rare, Deuxu-ò dori ibutu iny-ò heka rybe-ki aõni heka aõmywidÿÿ-ki heka ihÿÿna rare.

<sup>20</sup>Waxiwenareny wahidÿÿdu wedu tahe wadinodureny itxeò nihikÿ-ò rurukremy riwahinyrenyre.

<sup>21</sup>Tule judeu mahãdu tarasadukresÿna raholarenyre. Ihãreta tukòlemyta inataõ txumy rubu-ki bede idi rÿira.

<sup>22</sup>Bederarasò-di waijoireny hãwyyõ ihãloo-ò roire.

<sup>23</sup>Tai itxi rekoaõhyre. Dòòsedenydeki tahe ÿjyõ riki robirenyremy delyydenyde. Tii Jesuisi rubu-ribi rexixamy tamyreny rarybere riki.

<sup>24</sup>Waijoirenyõ tule ihãloo-ò roirenyre. Inatyhy rikihe rare. Urileta riki Jesuisimy robiõrenyre.

<sup>25</sup>Tahe Jesuisi tyhy Klopaboho-ò narybede: —Aõherewexe Deuxu Rybedu mahãdu rybe awo-ki teximtyenyteri tetyhynykõtenyteriki wahe.

26 Kialemy dori Kristu dori aõna aõnamy rotỹỹnykremy tai Deuxu riwowydynykremy.

27 Tahe Jesuisi rexidelenyre aõbo rybe ritina roiremy. Moisesi ryberiti juhuumy ritỹnynnyre. Timybo Deuxu rybe ritidỹỹdu raremy. Tiiemy heka iximyhỹyle rarybere.

28 Ibutumy tamy relyyhỹyre ramyhỹrehy tahe ritehemyny Emau hãwã-ò, tai inatxi hãbu rarikreò wahe. Tahe Jesuisi rarybere: –Aõkõ arexinoranykre.

29 Tai ta tamy ihãrele rarybemyhỹre: –Txioinihe bodonyke kakile. Aõma bede ratxinyra ratxioronytyhyra. Taile tiiboho-wana rare ihetoreny-ò.

30 Rorukurenyre riroxirenykremy. Tahe Jesuisi orotxu rimyre rexitòenyre Deuxu-ò. Tahe orotxu riororiorore imynareny.

31 Iu tahe aõwesele rierymy reare Jesuisi. Tai iruereny raraymy riererynyre. Tahe aõwesele iõmy iribi reny reare.

32 Tai widee raryberenyre kiamy. Iu tii Ryberitimy inydeereny rydi relyyre, urile wawo ratooteemy. Kai tahe. Ijõ diwyònyde: –Kohe jiarỹ tulere.

33 Iribi tahe ritamanyrenyre. Diòòsedenyde ixiby Jerusalẽ hãwã-ò. Tiu waòsohoji reurò erydỹỹna itxi rekoarenyre. Tai tiiboho narybedenyde:

34 Inynyrỹrenyhe rexixara. Pedro heka tuu robira:

35 –Jiarỹboho tulerenyra wawanale ròirenyra rydi. Tule wadeereny orotxu riyreyrenyre. Taile reeryrenyre.

36 Iu kiamy relyymyhỹrele, Jesuisi dehemynymy deade ityareny-txi. Riryberenyre ibutumy: –Ywina heka akirenyke!

37 Ibutumy ruberurenyre ilau. Urile raresỹny tamy raholarenyre.

38 Jesuisi rarybere: –Aõhebo taberutenyteri. Breburenyõmyke hewa biwatyhyny-benyke.

39 Jiarỹle ratxireri. Wadebò-di bedetehebedenyke, wawa-ò tule. Jiarỹ karare wadee inihe bideribedeny. Jiarỹ uni aõkõ watxireri. Uni dori idedire aõkõ wawese aõkõre bedetehebedeny inihe.

40 Tai tahe tebò wotõ mona, tawa wotõmona, riteòsinyre tamyreny.

41 Ihãrele tahe rityhynyrenyõre, ibedesamy bede riòtiinymyhỹreny. Jesuisi tahe rexitòenyre tamyreny aõ rirỹsỹkemy.

42 Tamy riwahinyrenyre utura wòsi deyreõ.

43 Rirasỹre ikorenyòle.

44 Idi tamyreny rarybere: –Aõma wawanale ratximahãre, õhõtireny itxi reara. Aõma wawana atximahãtenyde juhuu. Ibutumy heka adeereny retỹnynymy rarybere aõmybo wamy rybe roimyhỹremy. Ibutumy heka Moisesi rybedu ritidỹỹnaki iritina-ki roimyhỹre. Wiuna tule wamy riritinyre.

45 Tai tahe ritỹnynnyre òbitimy irakyreny riraynyre.

46 Ihetxiu rybe wãhã aõma Deuxu Deòdỹỹna rurukre heka aõhõkỹmy rotỹỹnykremy. Ruru-ribi inataõ txu-di rexixakremy bede roire.

47 Kaa rybe wihikỹ ritidỹỹna heka kaa Jerusalẽ bede-ki robỹtỹkre ihãreta ibutumy iny iny kõkõmy bede bedemy robỹtỹkre. Kiamy heka ibutumy inydee marybebenykre. Iny riwatyhynymy rỹirakre heka ibutumy iòraru-ribi ariixãwididỹỹnyke.

48 Tule terytenyteri ibutumy aõhebo rotỹỹnykremy.

49 Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-ribi. Iribi tahe bõhõnykre karibi.

50 Iribi tahe Jesuisi ridyrenyre Betỹniary-ò. Tai tahe rilàhànanyrenyre tuu tamy rexitòenyrenyre ibutumy tamyreny. Tamy rexitòenyre heka ilàhànany tamy rexitòenyre biutxile ire rexidymy ramyhỹre ryanany ramyhỹre.

51 Iu rilàhànanyhỹreny, biu-ò rare.

<sup>52</sup> Tamy rexitòenyra aõma làhànamy, wowydynamy rexitòenymyhỹre Deuxu-ò. Tai riwowydynymyhỹreny. Teysa-di diòkesedenyde Jerusalẽ-ò ixyby.

<sup>53</sup> Tai tahe Deuxu dohodỹna heto-ki ixyby ixyby rowowydynanymyhỹreny.

## Joaõ

### Deuxu Rybe Wihikỹ Tỹmyra, Joaõ Tyyritidỹỹdu

<sup>1-2</sup> Ibutu aõna aõnakõu, Jesuisi rarehyymy raremyhỹ. Tii rybehyymy raninira. Tii Deuxu-wana ihỹre. Ihãre tahe tii Deuxule rare.

<sup>3</sup> Tii ibutuhukỹlemy riwinyre. Tiiõhyykeki tahe, aõ releõtyhy.

<sup>4</sup> Umytuedeõna wahidỹỹdu tii ihỹre kia-di iny mahãdu rayky ritoosõnymyhỹre ritỹnynymyhỹre wahe. Kia loosõna heka bedede luru ludu loosõna rare.

<sup>5</sup> Bedede luru tỹnyna loosõna rare. Loosõna ròtamyhỹre, bedede luru tahe ròanodỹỹmyhỹre.

<sup>6</sup> Deuxu teõduõ diteõnyde, Joaõ inire.

<sup>7</sup> Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykremy.

<sup>8</sup> Joaõ loosõna aõkõ rare. Urile tuu rarybekemy nade.

<sup>9</sup> Jesuisile loosõnatyhy rare. Tii bedede-õ nadeu, ibutumy iny rayky ritoosõnyre.

<sup>10</sup> Tii bedede-ki raremyhỹ, bedede widỹỹdu rare, ihãre tahe iny rieryõhyyre mobo tii ihỹre.

<sup>11</sup> Tasỹ mahãdu-õ dehemynyde, judeu mahãdu-õ wahe. Ihãre tahe ridyõhyyre, rityhynyõhyyre urile teramy reare.

<sup>12</sup> Iu inyõ Jesuisi rityhynymy ridyreu. Deuxu riõreõlemy risỹdỹỹnyre inimy rityhynyreki. Kia-õ tahe ruru tamy riwahinyre.

<sup>13</sup> Kia ityhydỹỹdu tahe Deuxudeewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyde.

<sup>14</sup> Rybe tahe umyõ rimyre, demy rexiijenyde, inyyreny-ki rasỹnynymyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre.

<sup>15</sup> Joaõ Jesuisimy rarybere kia wese: –Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhuutyhy wahe.

<sup>16</sup> Inyboho dori sõwemy ruxetõena iribi ritarenyde. Luuna sõwetyhymy tawo-ribi Jesuisi inydeereny diwahinyde.

<sup>17</sup> Deuxu bedede ywina tahe Moisesi òraru-ki nade inydeereny. Ruxetõenamy tahe inatyhyna Jesuisi Kristu òraru-ki nade.

<sup>18</sup> Inyõ heka tiu Deuxumy robiõtyhy. Deuxuriõre delale heka itỹnydỹỹdu rare. Tuu natyhy-di taãxiõti-ki rimyre. Tiile iny-õ Deuxu ditỹnynyde.

<sup>19</sup> Judeu mahãdu Jerusalẽ-ribi xiwena wahidỹỹdu mahãduõ diteõnyde Joaõ dỹỹraxidỹỹmy. Levita mahãduõ tule diteõnyde. Tahe roirenyre ritỹỹraxinykemy mobo tii raremy.

<sup>20</sup> Tahe Joaõ-õ rỹỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: –Jiarỹ Kristu Deuxu deõdỹỹna aõkõ jiarỹ rare.

<sup>21</sup> Tai tahe ixityre tamy rarybere: –Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyriõ wahe? Joaõ rarybere aõkõremy.

<sup>22</sup> Tamy tahe ixityre raryberenyre: –Wakoreny bedelyyke mobo atxiterimy. Tai iny deõdỹỹdu mahãdu-õ arelyyrenykre. Aõmybo iximy manarybeke?

<sup>23</sup> Tahe Joaõ rarybere: –Jiarỹ Isaia Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywãhã. Inynyrỹ-õ ryõ biõbitinyke.

<sup>24</sup> Fariseu mahãdu-ribi kia mahãdu roirenyre.



25 Tai tamy rarybere: –Kai Kristu aõbo tate? –Aõkõre. Elia aõbo? –Aõkõre. Deuxu dee rybedu aõbo? –Aõkõre. –Aõhereki tahaka iny teratysebenyteri?

26 Joaõ dirawyõnyde: –Jiarỹ bedi iny reratysebenyteri. Inyõ tahe ayrenykile ratxireri. Tii tahe teeryõmahãtenyte.

27 Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrereki.

28 Kia ibutumy aõhebo rotỹnyre Betỹnia hãwã bede-ki. Jordaõ bero kowa weribi ijã-ki ihỹre. Tai iule Joaõ iny riratysybenymyhỹre.

29 Txubiõwau tahe Jesuisi Joaõ-ò kedehemynykemy nade. Tahe rarybere: –Beteheke, kowa Deuxu budoeni naderi. Tii òraru-ribi iny ritakremynade.

30 Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhỹ waribi juhuure. Kia rarybereu tule jiarỹ tuurarybemahã.

31 Reeryõre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy.

32 Tahe Joaõ tamyreny relyyre: –Jiarỹ Deuxu Tyytybytyhymy rabire tamy dobehede-ò. Bòtòe wesemy ityre-ò desede.

33 Deuxu riwateõnyre bedi iny ariratysebenykemy. Tahe riwateõnyreu tahe wadee rarybere: –Aõmy kai bobikre? Deuxu Tyytybytyhy ronymy resekele inyõtyre-ò. Tii sohojile tahe Deuxu Tyytybytyhy-di iny riratysebenykre.

34 Jiarỹ tuu rabire, tai tahe reeryre, tule taheka relyywãhãre, tii inatyhymy Deuxu Riõre raremy.

35 Itxubiõwau tahe Joaõ taerydỹna inatxiõ-wana raremyhỹ.

36 Tahe Jesuisi nadeò tuu robire. Tahe tamahãdu-ò rarybere: –Kowa tahe Deuxu Budoeni naderi.

37 Kia rybe-ò tiiboho roholareu, tahe ròirenyre Jesuisi riheludunyrenykemy.

38 Jesuisi tahe tuu robire ihemy roirerimy. Tahe tamyreny rarybere: –Aõbo teijetenyteri. Tahe dirawyõnyde: –Rabi (kia rybe tahe irybereny-ki, erydỹdu rare), titxibo kai tasỹnymahãte.

39 Jesuisi rirawyõnyre: –Bòdòibedenyke betehebennykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ.

40 Joaõ rybe-ò ijohonaduõ, Jesuisi helududỹduõ, Andre rare. Tii Simaõ Pedro seriõre rare.

41 Andre tahe taseriõre Simaõ aõwesele rioryre. Tahe tamy rarybere: –Mesia-ki inyboho rahamy ratximyhỹreny. (Ka rybe, Mesia, heka. Kristumy rare, Deuxu deòdỹna rare.)

42 Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy rarybere: –Kai Simaõ tate, Joaõ riõrere. Iribi tahe ani Sefamy rarekre (Kani heka Pedro rare.)

43 Itxubiõwau Jesuisi Kalileia-ò rakremy ixi-di rõhõtinyre. Tahe Filipi riijere. Tamy rarybere: –Wahemy manakekõ aõbo.

44 (Filipi tahe Besaida hãwã luduõ rare Pedro, Andre-wana ihãwãluduõle rare.)

45 Filipi tahe Natanaeli witxi reare. Tamy rarybere: –Moisesi bede ywina tyyriti-ki inyõmy rarybere: –Tule Deuxu dee rybedu tyyriti-ki rarybere. Taile rahare. Jesuisi ihỹre. Nazare hãwã luduõ rare. Jyje riõre rare.

46 Tahe Natanaeli ritỹraxinyre: –Aõwihikỹ aõkãbo Nazare hãwã-ribi kadòhònykre. Filipi rirawyõnyre: –Manake betehekemy.

47 Jesuisi Natanaelimy robire naderimy tahe tuu rarybere: –Kowa judeu mahãduõ inatyhy rare. Tii hãbu òbiti rare.

48 Tahe Natanaeli rarybere: –Timykibo tiwaeryteri. Jesuisi rirawyõnyre: –Figueira òra-ki tanyteò, umy rabire. Filipi aòrysmy raõreule, umy rabire.

<sup>49</sup> Natanaeli rimasajuamy rirawyònyre: —Kai Deuxu Riòre tate Inyerydỹỹdu tate. Kai judeu mahãdu Iòlò tate.

<sup>50</sup> Jiarỹ adee rarybera: —Figueiraòra-ki umy rabireki. Kiakile aõbo, tiwatyhynyteri. Iratyre aõna aõna wiwihikỹ adee ariteòsinykre.

<sup>51</sup> Inatyhytyhymy adee araybekre: —Biuwetyy riranykre. Jiarỹ biuloosòna hãbu jiarỹ rare. Ýjuboho Deuxu-ribi wadee doideò kai bobikre. Idi waribi roireò bobikre.

## 2

<sup>1</sup> Inataõ txu-di tỹmyra herina txumy reare. Kana hãwã-ki Kalileia bedeki. Jesusise tai ratximyhỹre.

<sup>2</sup> Jesusi tule ritobinyre tamy rakremy taerydỹỹna mahãdu-wana.

<sup>3</sup> Lisinaube tya-ki vỹ mona ituere. Tai Jesusise Jesusi-ò rarybere: —Vỹ mona ituere, imona kõre.

<sup>4</sup> Jesusi rarybere: —Nadi, aõhebo arotỹỹnykre. Aõka wawidỹỹkõna wabededỹỹnanamy aõkõka bedeki rỹireri.

<sup>5</sup> Tahe Jesusise deòdu mahãdu-ò rarybere: —Anowidỹỹkỹmy adekereny tiki rarybekeki, ibutumy biwinybenyke.

<sup>6</sup> Debòsohoji reurò mana butxi nihikỹ tai rỹimyhỹ judeu mahãdu ibe-di brebu òraru-ki aõna aõna risuhòmhyhỹre worana bedehesinau. Mana butxi sohoji sohoji 80 urihixina ratyre rimyre.

<sup>7</sup> Jesusi tamyreny rarybere: —Ibutumy bedi bitỹxinybenyke. Tahe ibutumy ijà ratyre ritỹxinyrenyre.

<sup>8</sup> Katahe iribi bitake. Worana bedehesi wedu-ò biwybenyke imona. Tahe riwiyrenyre.

<sup>9</sup> Kia bee heka Jesusi riwixiranyre vỹ monamy. Tahe iwedu riurihire, rieryõre tiribibo nade. Deòdu tahe rieryre juhoo bee rare. Tahe iwedu rarybere weryrybò heridu-ò:

<sup>10</sup> —Katahe awityhyre. Kai ijõ-ribi iwixiratyhymy tewinyteri. Ijõ iny heka awityhy iko-ò ritxiwimyhỹ. Ihewomy tahe awiriòre ritxiwimyhỹre. Kai tahe awityhy ikonana-ò teyrubunya.

<sup>11</sup> Katahe aõna aõna wiwihikỹ iny itxerenamy juhu ludu rare. Kana hãwã-ki Kalileia bedeki ihỹre. Tii tarurutere riteòsinymyhỹre taerydỹỹna mahãdu-ò. Tai ierydỹỹna mahãdu rityhynyre.

<sup>12</sup> Iribi tahe Kafanaõ hãwã-ò Jesusi dobehede tadi, taseriòre, taerydỹỹna mahãdu tii-wana roirenyre. Ijõtsumy tahe tai bedeki tỹnyna rỹira.

<sup>13</sup> Pascoa worana bedehesi iòhòmỹ rỹireu, Jerusalẽ rotuore kia tahe judeu mahãdu worana bedehesina rare.

<sup>14</sup> Tai Jesusi Deuxu dohodỹỹna hetowo-ò ralore. Tahe iwo-ki itxi reare sówemy aõna aõna-di rohonyreriò, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru wixira wixira wibydyỹỹdu mahãdu-txi reare tai ronymyhỹki.

<sup>15</sup> Jesusi reroti awaru hãtena wesemy riwinyre. Idi tahe dohodỹỹna hetowo-ribi ibutumy riòlòdỹỹre, budoeni, broreni-wana, tahe nieru wibydyỹỹdu mahãdu oworubesedyỹ-di Jesusi rehure, tai nieru rejuxunyre.

<sup>16</sup> Tahe rare bòtòe-di ijohodu-ò. Tamy rarybere: —Biòlòdỹỹnyke wa. Waha heto dori aõ-di ijohona aõkõ rare.

<sup>17</sup> Tahe Jesusi erydỹỹna mahãdu tõhõti-txi reare aõbo Deuxu Tyyriti-ki roiretxi: —Waha heto yrubudyỹỹna-ki dori riwasamyhỹre. Ariyrubunykemy dori watxireri, tai riwasareri.

<sup>18</sup> Judeu mahãdu Jesusi-ò rỹỹraxire: —Aõherekibo kai teòlòdỹỹnyteri. Moba he arateranyreri tuu biwinykemy.

<sup>19</sup> Tahe Jesusi rirawyònyre: —Deususỹ-di behuke tahe inataõ txu-di aditamadyỹỹnykre.

<sup>20</sup> Tahe judeu mahãdu rarybere: –Ka heto 46 beõra-di relere, timykibo kai inatãõ txu-di biwinykemy.

<sup>21</sup> Jesuisi tahe Deuxusỹmy taumylemy rarybere.

<sup>22</sup> Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

<sup>23</sup> Jerusalẽ-ki Jesuisi Pascoa worana bedehesidỹna riwyre. Aõna aõna wiwihikỹ inyy-ki ritxienyre riwinyre. Tai sõwemy iny inityhy rityhynyre.

<sup>24</sup> Jesuisi tahe urihimyõle iny rityhynyre.

<sup>25</sup> Tii dori ibutumy iny rayky rierymyhỹre. Inyõ timy iny raremy tiu tamy aõna relyõtyhy tii ibutumy aõerydu rareki.

### 3

<sup>1</sup> Nikodema fariseu mahãduõ rare. Tii judeu mahãdu weduõ rare.

<sup>2</sup> Tii rudimy Jesuisi roramy rara. Tahe tamy rarybere: –Wanyrỹ, reeryrenyre kai Deuxu-ribi erydỹdu tate. Inyõ Deuxu-diõkeki tii aõ wiwihikỹ riwinyõtyhy. Iwese aõ wiwihikỹ kai tewinyte wese.

<sup>3</sup> Tahe Jesuisi rirawyõnyre: –Inatyhytyhymy adee ararybekre: –Inyõ ixityre reakõkeki, tiu Deuxu Òlõnasỹmy robiõtyhy.

<sup>4</sup> Nikodema rỹraxire: –Timykibo matuari ixityre reakemy. Timyrabo, ixyby tadiwo-ò iny ralõkeki aõbo ixyby iny raumynyke.

<sup>5</sup> Tahe Jesuisi rirawyõnyre. Inatyhytyhymy rarybere. Inyõ bera-ribi ratybienyõkeki Deuxu Tyytybytyhy-ribi ratybienyõkeki, tiu ralõõtyhy Deuxu Òlõna-ò.

<sup>6</sup> Deribi tybie heka dee rare. Deuxu Tyytybytyhy-ribi tybie tasỹ tyytyby rare.

<sup>7</sup> Idi wanaõtaõmy aõmybo rarybereridi ixityre ijiranamy.

<sup>8</sup> Tiõ tiõ yhy ribonymyhỹre: –Iwodỹ taholate, tahe tiribibo namyhỹde teeryõmahãte tiõhe ramyhỹre teeryõte, kia wesele iny Deuxu Tyytybytyhy-ribi tybie iny rỹire.

<sup>9</sup> Tahe Nikodema rỹraxire: –Timyrebohe kia ratxike.

<sup>10</sup> Jesuisi dirawyõnyde: –Kai judeu bede erysydỹdu tate ihãrele teeryõte aõbo.

<sup>11</sup> Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte.

<sup>12</sup> Bede aõmydỹnanamy rarybere tahe tetyhynyõte. Timybo bityhynyke biu aõmydỹnanamy ararybekeki.

<sup>13</sup> Iny sohojile biu-ò raõwõnyre, Deuxu Riõre Hãbutyhyhykỹ rare. Tiile iribi juhu dobehede. (Tiile isỹre. Taile isỹ roire.)

<sup>14</sup> Iwese Moisesi bederahy-ki womati hemylala ritamadỹnyre wese, Kiawesele jiarỹ, Deuxu Riõre Hãbutyhyhykỹ, wadi kidiwatamadỹnykre.

<sup>15</sup> Tahe inyõ wadi rityhynykeki, umytuedeõna tuu ritamy rỹihyy rakre.

<sup>16</sup> Deuxu Riõre sohojihyyle rare. Deuxu bede ludu mahãdu ibutumy iluutyhyre. Tai tahe tariõre diteõnyde iny rityhynykre. Inyõ tii rityhynyre-wana, umytueõnahakỹ ritakre. Tii ruruõtyhy rubu bina bede-ò.

<sup>17</sup> Deuxu taRiõre bede-ò diteõnyde bede iny mahãdu tarasadumy rarekemy. Aõ iny ywisidỹna-ò rirutykemy aõkõ.

<sup>18</sup> Inyõ rityhynymyhỹreki, tii ywisidỹdu idi rehuõtyhy. Iny rityhynyõmyhỹreki tihe aõhõkỹmy dỹnana-txi riteõnykre Deuxu idi ratximyhỹre, tii dori Jesuisi rityhynyõhyymyhỹre, Deuxu Riõre dela wahe.

<sup>19</sup> Ibinatyhymy iny aõmydỹnana bede bedemy rỹira, tai bede luru-ki rira tamy awira. Tuu loosõna nadeu, tamy ibinare. Tai tahe Deuxu riteõnykemy idi ratximyhỹre.

<sup>20</sup> Inyõ aõbinahakỹ rotỹnymyhỹre, loosõna dera heka tuu rỹira; loosõna-ò rehemynyõtyhy, rehemynyre-wana, iny taaõbina bina rierymyhỹre.

<sup>21</sup> Iny tahe awiwihikỹle rotỹỹnymyhỹre-wana tii tahe loosona-ò rehemynykremy rỹira, taaõmydỹỹnana dori Deuxudeewimy ririmyhỹre, ibutu iny rierykremy ririre.

<sup>22</sup> Iribi tahe Jesuisi taerydỹỹna mahãdu-wana Judeia bede-ò ròirenyre. Tai heka bededỹỹnanaõ riwyre. Tiiboho iny ityhydỹỹdu mahãduõ tai riratysebenyrenyre.

<sup>23</sup> Joaõ iribi iòhòmy ratxireri. Iny riratysebenymyhỹre. Tii Eno hãwã-ki Salĩ hãwã-ribi iòhòmy roire. Tai riratysebenyre sòwemy bee tai roimyhỹreki. Sòwemy iny tamy ratysebenymy rare.

<sup>24</sup> (Joaõ iu rotenamy ralòõlemy ratximyhỹ.)

<sup>25</sup> Judeu mahãduõ, Joaõ erydỹỹna mahãdu-wana rybetere txiòdỹỹna ròhònrya, bede ywina òbiti aõmydỹỹnanamy wahe.

<sup>26</sup> Tahe Joaõ erydỹỹna Joaõ-ò doidenyde rarybekremy: –Waerydỹỹdureny. Kai hãbumy telymy tatemahã, kia Jordaõ kanawe-ribi ijà-ki umy-wana raremyhỹ, tii ròratysebenyrenyri. Sòwemy iny tamy wirotyre.

<sup>27</sup> Tahe Joaõ tamy rarybere: –Kia wadee awire aõ aõkõ iny ritamyhỹre, biu-ribi kanakekile tahe iny aõ ritake.

<sup>28</sup> Jiarỹ heka Jesuisi nonanamy ijyymy diwateònyde wahewo-ribi kanakremy. Jiarỹ tii aõkõ rare. Tii tahe Kristu tyhy rare. Jiarỹ kiamy juhoo rarybewãhãre: –Kia tahe teerytenyde.

<sup>29</sup> Inatyhymy tahe hãbumy heridu wesemy Jesuisi rare. Ibutumy iny tuu robikemy tamy wirotyre. Ibiòwa weselemy jiarỹ rare. Tahe irybe-ò raholareu, reysamy rarewãhã.

<sup>30</sup> Tai wadee awire iny tii rieryreki, waribi tahe nohòti rosakemy idi watxiwãhãre.

<sup>31</sup> Tii biujuxahakỹ-ribi nadeki ibutu ratyremy ratximyhỹre. Bede-ribi jiarỹ anadeki, tahe bede ludu jiarỹ rare, bede aõmydỹỹnanamy rarybewãhãre.

<sup>32</sup> Tii rarybere aõmybo roholare, robire, tahe ijõ iny rityhynyòhyyre irybe.

<sup>33</sup> Inyõ tahe rityhynykeki, tii tule ijõ-ò rarybere, Deuxu inatyhy rare wahe.

<sup>34</sup> Deuxu deòdỹỹna heka irybelemy rarybere Deuxu dori Tatytybytyhy ibutumy tamy diwahinyde.

<sup>35</sup> Tyby taRiòre luure, tai tahe ibutu aõmydỹỹnana ywisidỹỹmy tamy diwahinymy diteònyde.

<sup>36</sup> Iny Jesuisi rityhynymyhỹreki, umytuedeònahakỹ-di iny rỹira. Inyõ tamy ratxiòkeki, tiu umytuedeõna robiòtyhy, Deuxu ykarana dori tii-wana ratximyhỹre.

## 4

<sup>1-4</sup> Inyõ fariseu mahãdu-ò rarybere: –Jesuisi Joaõ-ribi iny sòwemy di-ratysebenymyhỹde. Sòwemy iny ritamyhỹre ierydỹỹmy. Tahe Jesuisi aõkõ ròratysebedỹỹmyhỹre, ierydỹỹnale tahe riratysebenymyhỹre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ò ritehemynykemy. Roirenyreu tahe Samaria bededihyye riòhòrenyde.

<sup>5</sup> Samaria bede hãwãõ-ò tahe ritehemynyre. Sika inire. Ijaò riòresu-ribi iòhòmy ròira, tariòre Jyje-ò riwahinyre wahe. Ijaò behãloo tai rỹimyhỹ.

<sup>6</sup> Txutyeu tahe Jesuisi elerihynymy rononymhỹ tatilemy nadeki berysyna werora-ki.

<sup>7</sup> Tahe Samaria mahãdu hãwyyõ dobehede beixemy. Jesuisi tamy rarybere: –Beõ inihe wadee bidiòke.

<sup>8</sup> Jesuisi erydỹỹna mahãdu tahe juhoo roirenyre hãwã-ò rỹsỹna itxemy. Tai Jesuisi riraòmy rononymhỹ.

<sup>9</sup> Tahe hãwyy rarybere: –Kai judeu mahãdu tate, jikarỹ samaria mahãdu rare. Anoherekibo wadeke textitòenyteri bemomomy. (Judeu mahãdu Samaria mahãdu-wana wiyumy reaòhyyumyhỹre. Widi òludu wesemy rare.)

<sup>10</sup> Tahe Jesuisi rirawyònyre: —Kai heka teeryõhyyteri mobo jiarỹ rare wahe. Tule, Deuxu wahisidỹỹna teeryõte. Tiwaeryteriwana kai bedexitòenyke, tahe bee irumy ihỹre adee ariwahinyke.

<sup>11</sup> Hãwyy rarybere: —Wahĩ, timybo bee irumy ihỹre wadeke kanakre. Kai ahynakõre, hãloko heka behekyre bee irehere. Timybo bee iru kumy-wana ratxireri.

<sup>12</sup> Kai anobohe inytyby Ijaò ratyrere. Tiki heka behãloko wedu juhuku rare; idi riwahinyre inydekereny. Iribile iritxiòre riõmyhỹre tiki-wana, ibroreni riõmyhỹre.

<sup>13</sup> Jesuisi tahe tarybetyhy-di rarybere: —Inyõ kahãloobemy riõkeki, ixityre bemomomy ruruke.

<sup>14</sup> Jiarỹ bee ariwahinyke. Inyõ tahe kiabemy riõke-wana, tiu bemy tamy umytuedeõnahakỹ riwahinyhyymyỹre.

<sup>15</sup> Tahe hãwyy rarybere: —Wahĩ bee tuedekõdu ikuny tuu kariõke. Tai kakò kanakõtyhy berysmy.

<sup>16</sup> Tahe Jesuisi rarybere: —Maa hỹny, ahãbu biòryke, tahe manake.

<sup>17</sup> Hãwyy dirawyònyde: —Anokõre, wahãbukõre. Jesuisi rarybere: —Inatyhymy tarybeteri ahãbuõremy.

<sup>18</sup> Kai heka iruyre ahãbu tate. Wijina tahe ahãbu aõkõ rare atỹhibiòwale wahe. Kia tahe inatyhymy tarybeteri.

<sup>19</sup> Wahĩ, wiji tahe arakeryra, kai Deuxu rybeduõ tate.

<sup>20</sup> Wahareny Deuxumy reàlãmhyỹre kahãwãlò-ki. Amahãdu anokõ, tamy tahe Jerusalẽ Deuxu deàlana rare.

<sup>21</sup> Tahe Jesuisi rarybere: —Lerỹ, warybe bityhinyke. Kanakre itxu kahãwãlò-ki aõkõ, Jerusalẽ-ki aõkõ Waha Deuxu deàlana rarekre.

<sup>22</sup> Kaiboho aõmybo tealate teeryõtenyte. Jiarỹboho tahe aõmybo reàlare, reeryrenyre, tarasana dori judeu mahãdu-ribi nade.

<sup>23</sup> Kia bededỹỹnanamy reara. Inyõ Waha Deuxu àlanamy ratximyhỹreki Deuxu Tyytybytyhy-di, inatyhyna-di reàlãmhyỹke. Tuu deàlana mahãdu Deuxu riijemyhỹre.

<sup>24</sup> Deuxu Tyytyby rare: —Tai tahe tudeàlanadu tatytyby-ki inatyhyna-ki tuu reàlãmhyỹre.

<sup>25</sup> Kia tahe jikarỹ rekeryre, Mesia kanakre, Deuxu dekòdỹkỹnamy wahe, Kristu inire. Tiki kanakreku wahe, ibutumy inydekereny anona anonamy relykykre.

<sup>26</sup> Jesuisi rarybere: —Jiarỹ tahe tiire, umy-wana wiji rarybereri wahe.

<sup>27</sup> Tahe Jesuisi erydỹỹna mahãdu rehemynyre. Hãwyy-wana rarybereriki tahe ribedeòtiidỹỹnyrenyre. Tahe inyõ tamy rỹrãxiõhyyre. Aõmybo tamy rỹrãxire, ada aõherekibo tamy rarybereriki.

<sup>28</sup> Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere:

<sup>29</sup> —Bodoibedenyke wahemy. Betehebennykemy hãbu-kò. Tiki wakoku relykyre ibutumy anohebo ratỹkỹnymahãremy. Tiki kòsana Kristu ratxireri. Deuxu dekòdỹkỹna rare.

<sup>30</sup> Hãwã-ribi roirenyre Jesuisi-ò.

<sup>31</sup> Iu hãwyy hãwã-ki rareamyhỹreu, tahe ierydỹỹna Jesuisi-ò rarybere: —Iny erydỹỹdureny rỹsỹnaõ birỹsỹke.

<sup>32</sup> Tahe Jesuisi rarybere: —Warỹsỹnadire wahe. Kaiboho heka kia rỹsỹna teeryõtenyte.

<sup>33</sup> Tahe widee raryberenyre: —Inyõ kòãòboka tamy rỹsỹnaõ riwyreri.

<sup>34</sup> Jesuisi rarybere: —Wadeòdỹỹdu deewimy ariwinykemy idi watxireri. Kia tahe warỹsỹnare, iaõmysỹdỹỹna arihukemy wahe.

<sup>35</sup> Maixõmo butuna inaubiòwa ahãdu-di bidiòrarunybenykremy kaiboho tahõtintytenyteri. Tahe aõkõre adeereny ararybekre. Betehebennyke bedero-ò. Maixõmo redenamy rỹire.

<sup>36</sup> Kia maixõmo butudỹỹdu iòwy ritake, tahe umytuedeõnahakỹ-ò iny ributumy. Tahe wiwanale riwodeysanyhỹre ibròdỹỹdu ibutudỹỹdu-wana.



<sup>37</sup> Iwese inyõ rarybere wese, inatyhy rare. Ijõ tahe ibòròdỹỹdu rare. Iwitxira tahe ibutudỹỹna rare.

<sup>38</sup> Jiarỹ kaiboho arateònymahãre. Aõbo tebòrònyõtenyete tahe bibutunyke. Juhuu inyõ raaõmysỹdỹỹre: –Kaiboho tahe iraty temytenyete.

<sup>39</sup> Tahe hãwyy òraru-ki sõwemy Samaria hãwã mahãdu rityhynyre. Hãwyy rarybere juhUU: –Tiki wakoku relykyre ibutumy anohebo ratỹkỹnymahãre walananonanamy relykyre. Kia rybe òraru-ki tahe rityhynyrenyete.

<sup>40</sup> Samaria hãwã mahãdu tahe Jesuisi-ò rexitòenyete tii-wana roirekemy. Tahe Jesuisi tii-wana inatxi txumy riwyre.

<sup>41</sup> Sõwemy tahe rityhynyre Jesuisi Rybe òraru-ki.

<sup>42</sup> Tahe hãwyy-ò rarybere. Wiji tahe arybe òraru-ki aõkõ retyhynyneri. Tamy tyhy-ò jiarỹle raholare, tahe reeryre tii bede iny tarasadu tyhymy raremy.

<sup>43</sup> Inatxitxu-di tahe Samaria-ribi rare Kalileia bede-ò.

<sup>44</sup> Jesuisile dori rarybere: –Deuxu rybeduõ uladumy ijirana bede-ki iny rityhynyõhyymyhỹ. Tiu tamy wowydynaõ riwahinyõtyhy.

<sup>45</sup> Kalileia mahãdu juhUU Jerusalẽ-ò tule roirenyete, worana bedehesi rỹimyhỹraò. Ibutumy aõbo Jesuisi riwinyra heka tiiboho reteherenyete. Tai Jesuisi tasubede-ò rehemynyete tiiboho awimy ridyrenyete.

<sup>46</sup> Tahe ixityre Jesuisi rehemynyete Kana hãwã-ò. JuhUU tai bee riwitxiranyete vỹ monamy wahe. Bede dinodu aõmysỹdỹỹdu Kafanaõ-ki rasỹnyete.

<sup>47</sup> Jesuisi Kana hãwã-ki ratxirerimy hãbu roholareu, tamy rara. Tariòre dori ibinamy roire taheto-ki. Jesuisi-ò hãbu rarybere: –Manakekõ aõbo waheto-ò wariòre biteytekemy.

<sup>48</sup> Jesuisi rirawyònyete: –Kaiboho bede aõmydỹỹnana wiwihikỹ tetehetenyeteule tetyhynytenyete.

<sup>49</sup> Hãbu heka Jesuisi-ò rarybere: –Wanyrỹ, wylemy manake wariòre rurukreko-txi.

<sup>50</sup> Jesuisi rarybere: –Bòòseke, ariòre dori awimy relera.

<sup>51</sup> Tahe tii Jesuisi rybe rityhynyra tai ròòsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: –Ariòre reytera aheto-kile.

<sup>52</sup> Hãbu ritỹỹraxinyete tiubo reytera. Tahe relyyete. Kaule, txutyete reytera.

<sup>53</sup> Jesuisi rarybereu, kiaule iriòre reytera. Hãbu rieryete. Tai tahe idi ibutumy hãbu sỹmahãdu Jesuisi rityhynyete.

<sup>54</sup> Kia tahe Jesuisi inatxina aõna aõna wiwihikỹ iny itxeranamy riwinyete Kalileia bede-ki.

## 5

<sup>1</sup> Iribi tahe judeu mahãdu worana bedehesimy rỹimyhỹ. Tai tahe Jesuisi rare Jerusalẽ-ò.

<sup>2</sup> Hãwã-ki tahe hãloo ibedỹỹ roimyhỹ budoeni ryijò iòhò-ki rỹimyhỹ. Beteta inire, hebraika rybe ini rare, judeu rybe wahe. Iruyete iwòtena ube iwerora-ki rỹire.

<sup>3</sup> Sõwemy webinadu ube-ò wii rotyete, iny rueta ijòre, iny tiere ijòre, inytibina ijòre.

<sup>4</sup> Tiiboho jũjuõ riraòmyhỹre. Jũju beò rerireu tahe raukỹre. Mobo juhu itxi resekeki tahe, tii reytemyhỹre.

<sup>5</sup> Hãbuõ 38 beòramy ibinamy roimy raremyhỹ.

<sup>6</sup> Jesuisi tamy retehereu, rieryete tiwesebeòrabo ibinamy roimy rare myhỹ. Tahe tamy rarybere: –Kai aõbohe beytekekõ.

<sup>7</sup> Hãbu dirawyònyete: –Aõkõre Wanyrỹ, wawiòhedỹỹduòre. Bee rexiukỹnyrau, ijò wako-ò ralòmyhỹre.

<sup>8</sup> Jesuisi tamy rarybere: –Myikewa, abyete bimye, mariake.

<sup>9</sup> Aõwesele hãbu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹỹna txu aõkõ rare.

<sup>10</sup> Tai tahe judeu mahãduõ tamy rarybere: —Abyre-di riraõmy, sabado txu dori òbiti aõkõ rareki.

<sup>11</sup> Tahe dirawyõnyde: —Wadeytedỹỹdu wadee rarybere wabyre arimyky.

<sup>12</sup> Tahe tamy rỹỹraxire: —Mobo adee rarybere abyre bimyky idi mariakemy.

<sup>13</sup> Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rỹimyhỹ.

<sup>14</sup> Deuxu dohodỹỹna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹỹnyheny.

<sup>15</sup> Hãbu tahe rare. Judeu mahãdu-ò rarybere, mobo teytedỹỹdu raremy, Jesuisi wahe.

<sup>16</sup> Tai tahe judeu mahãdu Jesuisi ibinamy rexidelenymy rarybere, sabado txuu kia riwinyreki.

<sup>17</sup> Jesuisi tahe rarybere tamyreny: —Waha, Deuxu aõu raaõmysỹdỹỹre, jiarỹ tulere.

<sup>18</sup> Tai tahe sõwemy irubudỹỹmy rurumyhỹre. Sabado txu bede ywina-ribi tii riywinyõre. Tule Jesuisi Deuxu wesemy rexioire, Wahamy dori rarybemyhỹreki.

<sup>19</sup> Tai tahe Jesuisi tamyreny rarybere: —Jiarỹ ixi-di aõkõ aõmydỹỹnanamy ratỹỹnymahãre aõbo Waha riwinymyhỹre, jiarỹ tule rewinywãhãre iweselemy.

<sup>20</sup> Waha Deuxu dori waluure. Aõbo riwinyre wadee riteõsinyre, tai tahe aõruxerahakỹtyhmybo bobibenykre, idi bede biõtiinybenykre.

<sup>21</sup> Waha Deuxu dori rubu-ribi iny riixixanymyhỹre. Tai tule jiarỹ iny areixixanyke ixideewikeki.

<sup>22-23</sup> Ibutumy iny hitxidỹỹna Waha wadee tuu rarybera, tii dori iny rihitxidỹỹnyõtyhy. Jiarỹle tahe iny ywisidỹỹdumy aròhònykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateõnyde. Tai inyõ riwawowydynyõkeki, tii Deuxu riwowydynyõreri.

<sup>24</sup> Inatyhytyhymy adeereny ararybekre. Inyõ warybe roholakeki, wateòdỹỹdu rityhynykeki, tii wijityhyle umytuedeõna ritake, ywisidỹỹduko-ò ròhònyõtyhy, rubu ryribi ròhònyre umy irumy ihỹre ryò iny ralòmehỹre.

<sup>25</sup> Inatyhytyhymy adee arelyyke: —Bedeỹỹnana-ki kòhòra, bede dỹỹnanamy reara. Tahe rubu mahãdu Deuxu Riòre rybe-ò roholakre. Roholamy rỹikeu tahe irumy rỹike.

<sup>26</sup> Tyby dori iumyõnanaõhyre wese tule iRiòre rare. Umytuedeõna wedu rare.

<sup>27</sup> IRiòre heka hitxidỹỹna wedumy relere. Tii dori Deuxu Riòre Hãbutyhyhykỹ tii rare, jiarỹ wahe.

<sup>28</sup> Bedeòtiidỹỹõmy tahe bededỹỹnanamy he reare. Rubu mahãdu wabedey-ki warybe-ò roholakre, tai iribi ròhònykre.

<sup>29</sup> Ibutumy aõwibo riwinyre mahãdu kedexixakre umytuedeõnahakỹ-di. Kia ibinamy riwinymyhỹre mahãdu ywisidỹỹdu-ò rexixakre.

<sup>30</sup> Jiarỹ ixi-di aõkõ aõmydỹỹnanamy ratỹỹnywãhãre. Iwese Waha-ò raholare wese iny ywisidỹỹmy aròhònykre. Waywisidỹỹna heka òbiti rare. Wadee wimy aõkõ dori tuu watxiwãhãre. Waha wadeòdudeewimy tuu watxiwãhãre.

<sup>31</sup> Iximy ararybekeki, inyõ riwatyhynyõtyhy.

<sup>32</sup> Iwitxira heka tuu rarybereri wamy wahe. Reeryre inatyhy raremy.

<sup>33</sup> Kaiboho inywitxira teteõnytenyete. Joaõ ratysebedỹỹdu-ò rỹỹraxikemy ibutumy kia wamy rarybere inatyhy rare jiarỹ inatyhy rare.

<sup>34</sup> Iny wamy rarybemyhỹre, tahe jiarỹle kia reiyeõhyymahãre inyle rieryõre wamy rybe, wahe. Tahe kiamy adee relyywãhãre kaiboho ritamy rỹikemy.

<sup>35</sup> Joaõ tahe loosõna wesemy raremyhỹ. Tii urihimyò bededỹỹnana ritoosònymy raremyhỹwesemy tahe kaiboho atximahãtenyete. Idi urihimy-ò teysatenyete iloosõna-di, idi iribi kaiboho terarenyre.

<sup>36</sup> Jiarỹ Waha òraru-ki aõmydỹñana wiwihikỹ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeòdu raremy riteòsinyre.

<sup>37</sup> Waha wadeòdu wamy tule relyyre. Kaiboho irybe-ò taholaõtenyete tule tii tabiõtenyeta.

<sup>38</sup> Kaiboho tamy taholaõhyymahãtenyete, tiwatyhynyõteki, jiarỹ dori iteòdỹñana rare.

<sup>39</sup> Tyyriti-ò tetehetenyete iwo-ki dori umytuedeõna-ki mahakemy tahõtinytenyete. Ritidỹñakile wamy relyymyhỹre.

<sup>40</sup> Ihãrele tahe wadee taõmahãte adeereny umytuedeõna ariwahinykemy.

<sup>41-42</sup> Aõmybo wamy iny rarybemahãkeki, aõ aõkõ rare wadee, jiarỹ dori reeryre Deuxu luuna-di aõkõ atxitenyeteri.

<sup>43</sup> Jiarỹ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenykre.

<sup>44</sup> Tai heka tetyhynyõmahãtenyete. Widee dori kaiboho tewowydynymahãtenyete, tahe Deuxu-ribi wowydyna ritakemy terarenyre, sohojihyyre heka Deuxu.

<sup>45</sup> Kiamy tahe Waha-ò arelyyõkre, Moisesi tahe relyykre. Moisesi bede ywina dori, araròsònyrenyre rare.

<sup>46</sup> Inatyhymy Moisesi tetyhynymahãte-wana tule jiarỹ biwatyhynymahãke, wamy dori Moisesi ròratidỹñre.

<sup>47</sup> Irybe bityhynyõkeki, timybo warybe bityhynyke.

## 6

<sup>1</sup> Iribi tahe Jesuisi Kalileia aho-ki ixyby reurore, Teberiaade ahoniõre.

<sup>2</sup> Tahe sòwemy iny riheludunyre tuu robireki, aõna aõna wiwihikỹ, deyledỹñana wiwihikỹ robireki.

<sup>3</sup> Tahe hãwãlòratyy-ò Jesuisi raòwònyre taerydỹñana mahãdu-wana –rorukurenyre tai.

<sup>4</sup> Judeu mahãdu worana bedehesi rexidelenykemy iòhòre.

<sup>5-6</sup> Tahe Jesuisi retehere inysòwehekỹ-ò, tamy rehemynyrieriò. Tai Filipi-ò riurihimy rarybere: –Tikibo orotxu tamyrenyre rikiõbranyke riyrenykemy. Jesuisi rierymyhỹre aõbo riwinykremy ratxireri ihãrele tahe Filipi-ò kia rarybere.

<sup>7</sup> Filipi tahe dirawyònyde: –Inyõ sohoji sohoji orotxu yre sohoji riykeki, 200 prata womati nieru rakahurenyke ihãre rimyõtyhy.

<sup>8</sup> Andre Jesuisi erydỹñana-ò rare, Simaõ Pedro seriòre rare. Tii tahe Jesuisi-ò rarybere:

<sup>9</sup> –Weryryboõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare inysòwe-ò.

<sup>10</sup> Tahe Jesuisi taerydỹñana-ò rarybere: –Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sòwetyhymy rorukure.

<sup>11</sup> Jesuisi orotxu rimyre. Deuxumy reàlàre, idi tahe tamyrenyre riwahinyre. Tule utura-wana wiwesele risỹnymy. Tuu rotỹnyre. Ibutumy heka ixideewina rirỹsỹrenyre.

<sup>12</sup> Rihydyrenyre, Jesuisi rarybere taerydỹñana mahãdu-ò: –Bibutunybenyke rauhenyura uritere ixinamy itxiwixirenyõkemy idi watxireri. Uritere idi dehurenyõmy.

<sup>13</sup> Tahe ributunyrenyre iuhe waòinatxi reuròmmy weriri ritỹxinyre orotxu yrere-di.

<sup>14</sup> Jesuisi aõwiwihikỹ widỹñamy robirenyreu kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraòmmyhỹre.

<sup>15</sup> Ròhõtinyrenyre: –Jesuisi inyiòlòrenymy rikimyrenykre. Tamy ròkòirenykre. Iu Jesuisi kia rieryreu, ixisohojilemy rexitare ixyby, hãwãlò-ò.

16-17 Ibedesou aho ijà-ò ierydỹna mahãdu riberenyre riraòkemy. Bede rurunyre tahe Jesuisi rehemynyòhyre. Tai hãwòò rimyrenyre idi reuròkemy ijòwe-ribi ijà-ò, Kafanaõ hãwã-ò.

18 Tahe yhy deborehekỹ tiribi tiribi rebonymyhỹ. Òbò tahe resemyhỹ.

19 Sohoji urihixina iòhòmy ròireny tahe Jesuisimy robirenyre. Tii betyredile tamyreny nariamý nade. Tiibohe ruberunihikỹrenyre.

20 Jesuisi tamyreny rarybere: —Jiarỹle wa rare, breburenyòmyke.

21 Tai tahe hãworo-ò Jesuisi ronykemy tiibohe disỹnydenyde. Aõ wesele tahe rehemynyrenyre tiòbo ròirenyrað.

22 Itxubiòwamy sòwemy iny wii ributunyre aho kanawe-ribi ijà-ki. Hãwò sohojile tahe tai roire aho-ki. Jesuisi erydỹna mahãdu roirenyremy rieryrenyre. Tahe Jesuisi aõkò idi rare.

23 Tahe hãwòò dehemynydenyde. Teberiaðe hãwã-ribi Jesuisi tai ratximyhỹ iòhò-ò. Tai juhu Jesuisi rexitòdenymy rỹimyhỹ tahe orotxu tamy riwahinyre.

24 Jesuisi iõre tai, ierydỹna mahãdu iõre. Kia tahe iny sòwemy robirau, hãwò-ò rimyrenyre. Iòrysomy roirenyre, Kafanaõ-ò.

25 Kanawe-ribi ijà-ò rehemynyreu, tii-wana witxi reare. Tahe tamy rỹrãxire. Waerydỹdureny, tiubo kaò tadehemynyte.

26 Aõwiihikỹ rewinyremy aõkò tiwaijetynteri, rỹsỹna adeeremy rewahinyrakile, tehydymy terỹsỹtenytakile.

27 Rỹsỹna tyhy ituemyhỹre kiaòle aõkò maaòmmysdỹbenyke, tahe iwitxira rỹsỹnaõ-ò maaòmmysdỹbenyke, kia ituedeõna-di aõkò rare. Deuxu Riòre Habutyhyhykỹ dori adee riwahinykre. Kia rỹsỹna umytuedeõnahakỹ wesemy rare. Taile tahe Deuxu Waha riwateònyreri.

28 Tahe Jesuisi-ò rỹrãxire: —Timybo iny Deuxudeewimy arotỹnyrenykemy.

29 Jesuisi dirawyònyde: —Kialemy, biwatyhybenyke: —Deuxu dori wateòdỹdumy rare.

30 Tahe raryberenyre tamy: —Aõwiihikỹbo inyko-ò biitxeredỹnyke. Aõhebo botỹnykre, iny aratyhynykre.

31 Inytybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

32 Jesuisi rirawyònyre: —Inatyhy tyhymy Moisesi aõkò tamy riwahinyre. Waha dori biu-ribi orotxu tyhy adee riwahinyre.

33 Deuxu orotxu tahe irutyhymy inydee riwahinymyhỹre, biu-ribi diwahinymyhỹde.

34 Tahe raryberenyre: —Wanyrỹ, tiu kia orotxu bidiwahinymahãkre.

35 Jesuisi iximy rarybere: —Jiarỹ orotxu irutyhymy rare. Inyò wadee kanakeki, tiu rama risaòtyhy. Inyò riwatyhynykeki, tiu bee risaòtyhy.

36 Adeeremy heka rarybere: —Wamy tabitenyte, ihãrele tiwatyhynyòtenyte.

37 Ibutumy iny Waha wadee riwahinymyhỹre wadee kanakre. Tiu ixi-ribi ariteònyòtyhy.

38 Adobehede dori aõ ixideewimy aõma arotỹnykemy aõkò. Wadeòdỹdudeewimy arotỹnykemy watxiwãhãre.

39 Tiu ariònonyòtyhy wadee diwahinydeò kiaboho ibutumy ikonana txuu rubu-ribi ariixixanykre. Kia tahe wadeòdỹdu deewimy rare.

40 Inatyhymy Waha deewimy kia rare. Iny iRiòremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

41 Jesuisi rarybere: —Jiarỹ biu ludu orotxu rare. Tai tahe judeu mahãdu aõbina binahakỹlemy rarybemyhỹre.

42 Kia wese rarybemyhỹre: —Kaa Jesuisile rare. Jyje riòre rare. Tyby he ijoi eryna rare ise tule. Aõherekibo tii rarybereri biu-rubu nademy.

43 Tahe Jesuisi dirawyònyde: —Tuu wamy ryberenyòmyke ayludurenymy.

<sup>44</sup> Wadeòdỹỹdu iny wadee rayky-ò rarybemyhỹre namyhỹde. Kia wesele iny wadee kedehemynykre, ikonana txuu tiiboho rubu-ribi ariixixanykre.

<sup>45</sup> Deuxu rybedu Tyyriti-ki kia rybe rỹire:

—Deuxu ibutumy iny ribedeerydỹỹnykre.

Tai tahe Waha-ribi iny rierymy roholamyhỹre, tii tahe wadee rehemynykre.

<sup>46</sup> Inyõ Wahamy robiõhyymyhỹre jiarỹle tahe tuu rabimahãre, iribi anadeki.

<sup>47</sup> Inatyhytyhymy adee rarybemahãre. Inyõ riwatyhynykeki, umy tuedeõnahakỹ tii-wanale ratxireri.

<sup>48</sup> Jiarỹ orotxu wesemy jiarỹ rare. Umytuedeõna wahidỹỹdu jiarỹ rare.

<sup>49</sup> Boreny dori biu-ribi orotxu riyre bederahy-ki. Irabihyy ibutumy tiiboho ituerenyre.

<sup>50-51</sup> Jiarỹ tahe biu ludu orotxu wese rare, inyõ tahe kia orotxu riykeki, tiu ruruõtyhy. Waumy ariwahinykre rubu-ò ibutumy iny òraruna òwydỹỹmy. Tamyreny umytuedeõna riwahinykre rubu-ò ibutumy iny òraruna òwydỹỹmy. Tamyreny umytuedeõna riwahinykre.

<sup>52</sup> Judeu mahãdu tahe txiõdỹỹna rybemy widee raryberenyre: —Timybo tadelemy inyboho riòwenyrenykemy wahe.

<sup>53</sup> Jesuisi rirawyònyre: —Inatyhytyhymy adee ararybekre. Kaiboho Deuxu Riòre Hãbutyhyhykỹde biròõbenykeki, umytuedeõna bitabenyõtyhy. Ihãlubu biõbenykeki, umytuedeõna-di aõkõ atxitenyteri.

<sup>54</sup> Inyõ waderòdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre.

<sup>55</sup> Wade heka juhu irònatyhy rare, wahãlubu tu monatyhy rare.

<sup>56</sup> Inyõ wade rirokeki, wahãlubu riõkeki, wawana tiuhyy ratxireri. Jiarỹ tule tii-wana watxihyyreri.

<sup>57</sup> Waha irumy ratxireri. Tii wadeòdỹỹdu rare iòraru-ki warumy watxireri. Tule waderòdu irumy ratxike waòraru-ki.

<sup>58</sup> Jiarỹ biu ludu orotxu inatyhy jiarỹ rare. Iwese bederahy orotxu heka boreny riyrewesemy aõkõ jiarỹ rare. Ihãrele tahe ituerenyre. Inyõ riwaykeki, rexixahyymy rarekre.

<sup>59</sup> Kia ibutumy Jesuisi rarybere Kafanaõ judeu dohodỹỹna-ki, rierynanymyhỹreu.

<sup>60</sup> Iribi tahe Jesuisi-ò ijohona mahãdu rarybere:

—Kia isira tyhyre iny rieryyke. Inyõ heka kia rityhynyõtyhy.

<sup>61</sup> Jesusile heka rexierymyhỹre tiiboho tuu rarybemyhỹreki, tahe tamy rỹỹraxire:

—Kaa aõbohe arabinadỹỹnyrenyke.

<sup>62</sup> Tahe jiarỹ Deuxu Riòre Hãbutyhyhykỹ, ixyby biu-ò aròõsekeki, timybo marybebennyke, kaiboho wamy bobibenykeki.

<sup>63</sup> Deuxu Tyytybytyhyle umytuedeõna riwahinymyhỹre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare.

<sup>64</sup> Tahe inyõ ayreny ludu riwatyhynyõreri. Jesuisi tahe juhoo-ribi rierymyhỹre mobo rityhynyõmyhỹre, tule mobo tatxiõdỹỹdumy rarekremy.

<sup>65</sup> Jesuisi raryberehyymy tii-wana: —Jiarỹ juhoo rarybewãhãre. Inyõ Waha wadee riteònyõkeki tiu wadee kanaõtyhy. Tai heka tuu adee jiarỹ rarybere.

<sup>66</sup> Kia rybe òraru-ki sõwemy taerydỹỹna mahãdu ririrenyre. Tahe roirenyre.

<sup>67</sup> Tahe Jesuisi rỹỹraxire taerydỹỹna waòinatxi reurò mahãdu-ò. Ka bexe boibenyõkre aõbo biwaribenyõkre aõbohe.

<sup>68</sup> Tahe Simaõ Pedro rirawyònyre. Wanyrỹ moobo aròirenykre. Kaile heka umytuedeõna rybe-di atxiteri.

<sup>69</sup> Jiarỹboho ka aratyhynymahãrenyre. Araeryrenyre ka, kai Deuxu-ribi hãbu òbitityhymy atximahãte.



<sup>70</sup> Jiarỹ aratarenyre waòinatxi reurò inymy erydỹña mahådumy. Ihãre tahe inyõ ratximyhỹre diaboõ heka tii rare.

<sup>71</sup> Jesuisi tahe Judasi Isariòm y rarybereri. Iwò inatxinamy wahe. Simaõ-Isariò riøre tii rare. Judasi dori Jesuisi riwahinykremy ratxireri iòludu mahãdu-ò.

## 7

<sup>1</sup> Judeu mahãdu Jesuisi rubudỹmy rurumyhỹre. Tai tahe Judeia bedede ludu hãwã-ò ralòomyhỹre. Kalileia bedede hãwãdile rariamyhỹre.

<sup>2</sup> Tahe judeu mahãdu worana bedehesi iòhòm y rỹimyhỹ. Kiani tahe heto riøre worana bedehesi rare.

<sup>3</sup> Tahe Jesuisi seriòreboho tamy rarybere: —Make wa karibi Judeia mahãdu bedede-ò aerydỹña mahãdu dori aõwiihikỹ kai tewinyteò tuu robikemy.

<sup>4</sup> Aõwiihikỹmy tewinyteri, tai tahe ixinamy iny tuu ibutumy robikre. Ibutumy iny ixierysymy tahòtinyteri-wana urile iny lau iwòteòm y aõna aõna wiwiihikỹ.

<sup>5</sup> Jesuisi seriøre mahãdu tule rityhynyøre.

<sup>6</sup> Jesuisi tahe dirawyònyde: —Wiji araõkre wabededỹnanamy dori tuu reaòm y ratxireri. Kaiboho tahe adohotalemy bòike.

<sup>7</sup> Bedede ludu mahãdu iny dori aluurenyre, tahe waderamy rekoarenyre. Iòrarunamy dori jiarỹ tamy rarybemahãre, ibinatyhyremy.

<sup>8</sup> Kaiboho boibenyke worana bedehesi-ò. Jiarỹ tahe wiji araõkre, wabededỹnanamy reaòm y doimyhỹde.

<sup>9</sup> Kia tahe Jesuisi tamyreny rarybere. Tahe Kalileia-ribi Jesuisi ròhònyòm y rỹimyhỹre.

<sup>10</sup> Tahe iseriøre roirenyre worana bedehesi-ò. Idi tahe tule tii rare iherenymy itỹnymy aõkõ wahe, wasimy inyõ tuu robiheny.

<sup>11</sup> Judeu mahãdu tahe Jesuisi riijemyhỹre worana bedehesi òrake-ò. Rarybemyhỹre: —Titxibo tahe tii ratximyhỹre.

<sup>12</sup> Jesusim y rybe ixitxiòdỹña ròhònyre inysõwehekỹy-ki. Inyõ heka awimy tuu rarybemyhỹre. Ijõ tahe ibinamy tuu rarybemyhỹre, tii iny itxenadỹdu raremy.

<sup>13</sup> Inyõ tuu rarybeòhyymyhỹre ibutumy ijohonamy judeu mahãdu lau ruberureki.

<sup>14</sup> Worana bedehesi tya-ki Jesuisi Deuxu dohodỹña heto-ò ralore ribedeerynykemy.

<sup>15</sup> Ribedeerynyre tahe judeu mahãduõ ijõ-ò rarybere: —Timykibo he kia ritidỹña rierymy tuu rarybemyhỹre. Rierykõ ihãrele iny rierynanyymyhỹre.

<sup>16</sup> Tahe Jesuisi dirawyònyde: Waerydỹña-di aõkõ rebedeeryre, Deuxu wateòdỹdu rybe-di wahe.

<sup>17</sup> Inyõ Deuxudeewim y ratxikeki, tii rierykre aõerydỹnabo òbitim y ratxireri. Tii rieryke Deuxu-ribi aõbo rarybereri ada ixi-ribi rarybereri.

<sup>18</sup> Iny ixi-ribi rarybekeki, tiile rexiloosònanyke. Tahe iny iteòdỹdum y rarybekeki, tii tahe inatyhy rare. Tii inatyhym y òbiti rare.

<sup>19</sup> Moisesi adee bedede ywina riwahinyre: —Tahe kaibohoõ tetyhynyòhyymahãtenyte. Tai tahe aõherekibo biwarubunykemy atxitenyteri.

<sup>20</sup> Tamy inyõ dirawyònyde. Kaita itxýteteri. Inyõ ka ararubunykemy aõkõ ratxireri.

<sup>21</sup> Jiarỹ inyõ reteytenyre sabado txuu tahe kaiboho wadi bedede teòtiinytenyte.

<sup>22</sup> Boholake, Moisesi bedede ywina arateonyke ariøre ritòtyky aròkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rỹikeki, tuu tewinyte sabado txu hãrele.

<sup>23</sup> Kia sabado txu biwinybenykeki Moisesi bedede ywina riywinykemy, tahe aõherekibo wadee taykarananyteri hãbu sabado txu reteytenyreki.

<sup>24</sup> Aõ òbitim y aõkõ rare, òbitim y tahòtinyterikile. Òbitinale-di maraykynybenyke.

<sup>25</sup> Ijõ Jerusalẽ hãwã ludu mahãduõ rarybere:

26 –Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeõhyymyhÿre. Wedu mahãdu rõhõtinymyhÿre: –Ina aõkãbo Kristumy inatyhymy tii rare.

27 Inyboho tahe rierymyhÿre titxiribibo tiõ namyhÿde. Kristu Deuxu deòdÿÿna tahe kanakeu, inyõ tahe rieryõtyhy titxiribibo kanake.

28 Jesuisi tahe Deuxu dohodÿÿna heto-ki ribideerynymyhÿreu rarybere: –Kaiboho tiwaerytenyte, titxiribibo anade tule teerytenyte. Tahe wateòdÿÿdu teeryõtenyte. Teròwumy heka jiarÿ anade. Tule tii inatyhytyhymy rare.

29 Iribi jiarÿ anade Tii riwateònyre, tai jiarÿ tii reeryre.

30 Inyõ riijemyhÿ riròtenykemy. Tahe rimyõhyre ruberureki, ibededÿÿnanamy aõkõ bede rÿireki.

31 Iny sõwehekÿ-ribi sõwemy iny rityhynyre. Tahe inyõ rarybere: –Kristu Deuxu deòdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatyhymy Kristu rare.

32 Fariseu mahãdu kia-ò roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduõ riteònyrenyre Jesuisi rimyky.

33 Jesuisi tahe tamyreny rarybere: –Urihimyò umyreny-wana watzikre, idi ta aròòsekre wateòdÿÿdu-ò ixiby.

34 Kiaboho biwaijebenykre, waki mahabenyõtyhy. Titxibo watzireri kia-ò heka bitehemynyõtyhy.

35 Judeu mahãdu tahe widee rarybere: –Titxiwexe tii rakremy ihÿre, tuu roko-birenyõtyhy tai rakaharenyõtyhy, myÿ rarybemyhÿre wahe: judeukõdu mahãdu bede-ò aõbo rakremy ixi-di ratxireri. Tai ribedeerynykemy, judeu mahãdu-wana rasÿnykremy.

36 Timybohe rarybere: –Waki mahabenyõtyhy, titxibo watzireri-ò behemyhyõtyhy, myÿ rarybereri.

37 Ihewotxu worana bedehesi aõnihikÿtyhy rare. Jesuisi iu rexiukÿnyre rarybekemy: –Inyõ bemomy risakeki, wadee kanake, riõke.

38 Inyõ riwatyhynykeki, Tyyritina-ki kia wese rybe rÿire: –Iwo-ribi benihikÿ iru ròhònyke.

39 Iu Jesuisi kia rarybereu, Deuxu Tyytybytyhy aõmy dÿÿnanamy rarybere. Iny dori rityhynykeki, iwo-ò Deuxu Tyytybytyhy ralõke. Urile tahe Deuxu Tyytybytyhy riwahinyõmy rÿire. Jesuisi dori ròðseõre biu-ò.

40 Tahe roholare mahãdu tahe rarybere: –Ka heka hãbu Deuxu Rybedutyhy rare.

41 Ijõ tahe rarybere: –Tii Kristu rare. Ijõ tahe rarybere: –Kristu aõkõ Kalileia bede-ribi dori tii rareri.

42 Tyyritina rybe-ki roire: –Kristu, Davi sÿ-mahãdu ribi kanakremy. Belẽ hãwã-ribi; titxibo Davi rasÿnyre-ribi.

43 Tai tahe wiwese wese aõkõ rõhõtinyrenyre Jesuisi-di.

44 Inyõ riròtenykemy ixi-di ratximyhÿ, ihãrele tahe inyõ rimyõhyre.

45 Tahe soldado mahãdu ròðsemy rare rimyõhyylemy fariseu mahãdu-ò xiwewahidÿÿdu mahãdu wedu-ò. Tahe soldado-ò rÿÿraxirenyre: –Aõherekibo tedyõteri.

46 Tahe dirawyònyde: –Timybo inyõ kowa hãbu wesemy rarybeõhyre rybe iwitzira wihikÿmy tii rarybere.

47 Tahe fariseu mahãdu rarybere: –Kaiboho aõbo tule araitxenanyrenyra.

48 Inyboho mahãdu reny-ribi moõ rityhynyõhyymyhÿre, fariseu mahãdu wahe, wedu mahãdu wahe.

49 Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-ò ritamadÿÿnykre.

50 Nikodema iyreny-ki ratximyhÿ. Fariseu mahãduõ tii rare, juhuu Jesuisi raraò rare wahe. Tii heka rarybere imahãdu-ò.

<sup>51</sup> Juhuu roholamyhÿre aõhebo rotÿÿnyraò wahe idi tahe ibinakeki riròtenykremy riijemyhÿre. Kia tahe iny bede ywinareny rare.

<sup>52-53</sup> Tahe rirawyònyrenyre: —Kai wa tule Kalileia mahãduõ atxiteri. Tyyriti-ò beteheke timybo rarybereriò: —Kalileia-ribi rybeduõ ròhònyòtyhy wahe.

## 8

<sup>1</sup> [Tahe ibutumy he tasÿ-ò reareare. Iu tahe Jesuisi rare Oliveira hãwãlò-ò.

<sup>2</sup> Biura-di tahe dòðsede Deuxu dohodÿÿna heto-ò ixbyby. Sõwemy iny tamy rare; Jesuisi ronyre; ribedeerynyre.

<sup>3</sup> Hãwyyõ ratximyhÿ hãbu wixiraõ-wana wasimy ratximyhÿ. Tahe inywixiraõ itxireny reare. Tai tahe Deuxu rybe erydÿÿdu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rÿikemy iny sõwehekÿy-ki.

<sup>4</sup> Tahe raryberenyre Jesuisi-ò: —Bede erydu: —Kahãwyy tÿwe rare inyõ itxi reara.

<sup>5</sup> Iny bede ywina Moisesi riwawahinyré tahe rarybere mana-di rurumyhÿkemy. Tahe aõmybo kai mynarybeke.

<sup>6</sup> Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidÿÿkremy tebò-di suki riritinyra.

<sup>7</sup> Tahe ritÿÿraxinyhy ihÿmyhÿ. Tahe Jesuisi rÿire; rarybere: —Inyõ òrarukõmy ratxirerile, tii mana-di juhUU tamy rehukre.

<sup>8</sup> Ixityrele sÿ Jesuisi ròritidÿÿre suò.

<sup>9</sup> Kia rybe-ò roholarenyre, tahe rexitarenyre sohoji sohojilemy, tarayky dori rib-inadÿÿnyrenyra. Matuari mahãdu tahe juhUU rexitare. Ikonanatyhy dori rare, tahe Jesuisi hãwyywanale tai rÿire.

<sup>10</sup> Jesuisi retehere: —Hãwyy sohojilemy robire rÿÿraxire tamy: —Hãwyy, titxibo mana-di arubudÿÿmy rybedu mahãdu rirahura. Inyõ aõhe arasÿnyõhyra.

<sup>11</sup> Tahe dirawyònyde: —Anokõre, Wahĩ. Tahe Jesuisi rarybere: —Jiarÿ tulere! Mahe, òraruna-txi tahe ixbyby ixẽõmy.]

<sup>12</sup> Ixityre Jesuisi rarybere tamy: —Jiarÿ wabede loosõna rare. Inyõ wahemy kanakeki, bede luru-ki rariaõtyhy. Tii heka loosõna-di tarayky-ki rarekre.

<sup>13</sup> Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare.

<sup>14</sup> Jesuisi dirawyònyde: —Inatyhymy iximy rarybereri jiarÿ, tahe warybe inatyhy rare, jiarÿ dori reeryre titxiribibo anade, tule tiobo arakre reeryre. Kaiboho tahe kia teeryõtenyte.

<sup>15</sup> Kaiboho waywisidÿÿmy tadiòlònyte, ihãre tahe òbitimy tiwaywinytenyõte tiwaery-tenykõteki. Tahe jiarÿ inyõ reywinyõreri.

<sup>16</sup> Jiarÿ inyõ ariwinykeki, waywisidÿÿna tahe òbiti rare. Jiarÿ dori ixivanale aõkõ rare. Waha, wadeòdÿÿdu wawana raremyhÿ.

<sup>17</sup> Abede ywina-ki kia rybe riritinymy rÿimyhÿre: —Inatxi hãbumy wiwesehyylemy rarybekeki kia tahe inatyhy rare.

<sup>18</sup> Jiarÿ iximy rarybemahãre tule Waha wadeòdÿÿdu wamy adeereny rarybemyhÿre.

<sup>19</sup> Tahe tiiboho Jesuisi-ò rÿÿraxirenyre: —Titxibo boo ratximyhÿre. Jesuisi rarybere: —Kaiboho tiwaerykõmahãtenyte, Waha tule teeryõmahãtenyte. Kai biwaerybenyõkeki, tule Waha bierybenyõtyhy.

<sup>20</sup> Kia Jesuisi rarybere Deuxu dohodÿÿna hetowo-ki, iubeweri yrubudÿÿna ube-ki. Tahe inyõ rimyõhyre, ibededÿÿnanamy aõkõ bede rÿireki.

<sup>21</sup> Iribi tahe ixityre tamy rarybere: —Jiarÿ he arakre karibi. Kaiboho biwaijebenykre tahe aõrarurenydile burubenykre. Boiõtyhy titxibo arakre-ò.

<sup>22</sup> Tai tahe judeu mahãdu widee raryberenyre: —Inatyhymy aõbo tii rexirubunykre. Tii raryberaki: —Titxibo arakremy boiõtyhy, myki tuu idi rõhõtinyrenyre.

<sup>23</sup> Tahe Jesuisi rarybere: –Kaiboho kaludu toite; jiarỹ aõkõre, biu ludu rare. Kaiboho bedede ludu toite, jiarỹ tahe kabede ludu aõkõ jiarỹ rare.

<sup>24</sup> Tai heka adeereny rarybereri aõrarureny-di burubenykremy. Inatyhymy jiarỹ tii rare: –Iwese rarybere wesemy. Tahe kia warybe bityhynyõbenykeki, aõrarureny-di burubenykre.

<sup>25</sup> Tahe tiiboho rỹrãxirenyre Jesuisi-ò: –Mobo he tate. Jesuisi dirawyònyde: –Timybo adeereny rarybewãhãre, juhuhu wahe.

<sup>26</sup> Jiarỹ sõwemy rỹire aõna aõnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwateònyte tii inatyhymy rare. Irybelemy bedede iny-ò ararybekre.

<sup>27</sup> Rieryõhyre tamyreny rarybere, tybomy.

<sup>28</sup> Kaiboho heka biwatamadỹnybenykre, bierybenybenykre mobo jiarỹ rare. Tule ixi-ribi aõkõ aõna aõna rewinywãhãre bierybenykre; tule iwese Waha riwaerynanymyhỹre wese, rarybemahãre. Kia tule bierybenykre.

<sup>29</sup> Wateòdỹdu wawana raremyhỹ. Iximy riwariõtyhy, jiarỹ tamy wimy rewinyhyymahãreki.

<sup>30</sup> Kiamy tarybe rahudi tahe, sõwemy iny rityhynyre.

<sup>31</sup> Judeu ityhydỹdu mahãdu-ò Jesuisi rarybere: –Kaiboho warybe tyhy-di mohõtynybenyhykeki, inatyhymy watyhydỹdu waheludumy boibekre.

<sup>32</sup> Inatyhyna tahe bierybenykre. Kia dori aratarenyke, deòdumy aõkõ boibekre.

<sup>33</sup> Dirawyònydenyde aõkõre inyboho Abraõ riòkõre roire, tiu heka modeòdumy roirekõmahãre. Timybo tarybeta: –Deòdu-ribi riwatakemy.

<sup>34</sup> Tahe Jesuisi tamy rarybere inyõ òraru-di hyy rexiòrarunykeki, tii òraruna deòdu wese hyyle rare.

<sup>35</sup> Deòdu heka heto wedu ijoihyymy aõkõ rarekre. Iwedu ixinamy rakre. Riòre tahe ijoihyymy rare.

<sup>36</sup> Tahe Deuxu Riòre heka ixinamy arateònykeki, tiu òraruna deòdu wesemy ixyby bonybenyõtyhy.

<sup>37</sup> Abraõ riòkõre inatyhymy toite. Kia tahe reeryre. Ihãrele tahe biwarubunyenykemy atxitenyteri warybe dori araykywo-di aõkõ ratxireri.

<sup>38</sup> Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri.

<sup>39</sup> Rirawyònyrenyde: –Wahareny heka Abraõ rare. Jesuisi rarybere: –Abraõ riòremy inatyhymy toite-wana, Abraõ aõmydỹnana iwesemy biwinybenyke.

<sup>40</sup> Katahe warubudỹmy wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudỹmy atxitenyteri. Abraõ tahe tiu tahe tuu rotỹnyõtyhy.

<sup>41</sup> Kaiboho heka borenytyhy wesele tatỹnymahãtenyete. Dirawyònyde: –Aõkõre, jiarỹboho waxiriòre aõkõ roire. Deuxuhyyle iny tybyreny rare.

<sup>42</sup> Tahe Jesuisi rerawyònyde: –Deuxu boo inatyhymy rare-wana inihe kaiboho walurenyre. Jiarỹ dori Deuxu-ribi anade. Ixidee wimy aõkõ anade tii diwateònyde.

<sup>43</sup> Aõherekibo teerytenyõte warybe. Isiratyhyre aõbo ijohona. Aõkõre, ityhydỹ isirare adeereny.

<sup>44</sup> Kaiboho Diabo riòre toite tamywimy biwinykemy atxitenyteri. Tii juhuhu rubudỹdu hyy rare. Tii heka raruireri inatyhywesehekỹle wahe. Tii ruidu rare. Ruiwedu tii rare.

<sup>45</sup> Kaiboho heka tiwatyhynyõhyymahãtenyete inatyhyna dori jiarỹ rarybemahãre.

<sup>46</sup> Inyõ inihe wamy rarybeõtyhy jiarỹ òrarudu raremy. Adeereny inatyhynamy rarybereri. Aõherekibo tiwatyhynyõteri.

<sup>47</sup> Iny Deuxu-ribi ratxireri, Deuxu rybe roholamyhỹre. Kaiboho Deuxuhõrõ aõkõ toite. Teòdu aõkõ toite. Taita warybe-ò taholaõteri.

<sup>48</sup> Jesuisi-ò tiiboho dirawyònydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire.

<sup>49</sup> Jesuisi rirawyònyre: —Aõkõre, tyytybybina-di aõkõ watzireri. Waha tahe rewowydynywãhãre. Kaibohole tiwabinadỹỹnymahãtenyde.

<sup>50</sup> Wowydyna ixi-di aõkõ reijereri. Waha tahe kia aõmydỹỹnanamy riywinykre, tii rierymyhỹre.

<sup>51</sup> Inatyhytyhymy adee ararybekre: —Inyõ waryybemy reòbykeki, tiu rubumy tii ro-biõtyhy.

<sup>52</sup> Tai judeu mahãdu rarybere: —Katahe inatyhymyhe inydeereny aerysydỹỹna rỹira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ waryybemy reòbykeki tiu rubu urihixinamy roiõtyhy tamy.

<sup>53</sup> Kai aõbo inytybyreny Abraõ ratyre awikemy aõbo ixi-di tahõtinymahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinymahãte.

<sup>54</sup> Tahe Jesuisi rirawyònyre: —Jiarỹ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhỹke aDeuxumy raremy tu tarybeteri.

<sup>55</sup> Tahe aõkõ teeryõtenyde. Jiarỹ tate reerymahãre. Jiarỹ reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reòbymahãre.

<sup>56</sup> Boreny Abraõ, wamy dobide, wabededỹỹnana kanakremy tuu dobide, wabededỹỹnana kanakremy tuu dobide tai tahe reysatyhymy rare.

<sup>57</sup> Tahe judeu wedu mahãdu rarybere: —Kai 50 beòramy aõkõ atxiteri timyrekibo tarybeta Abraõ tabitemy.

<sup>58</sup> Jesuisi dirawyònyde: —Abraõ reaõule, Jiarỹ rarehymahã.

<sup>59</sup> Tahe manadile rimymy reserenyre idile rirabunykemy. Jesuisi tahe rexiwòmny iribi ròhònymy rare, dohodỹỹna heto-ribi.

## 9

<sup>1</sup> Jesuisi rariamy rareu, tii robimy rare hãbu ruetãmy. Tii iruetãhãkỹmy ratohouãmy herinanyre.

<sup>2</sup> Ierydỹỹna mahãdu rỹỹraxire tamy. Erydỹỹdu, aõherekibo hãbu ratohouãnyra iruetymy, ise tyby iòrarudireki aõbo ada taòrarumy aõbo.

<sup>3</sup> Tahe Jesuisi rirawyònyre: —Tahe aõkõre tyby ise-ke aõkõ tiike aõkõ. Deuxu ruru wiji riteòsinykremy tahe tii kiawesemy rohonyre.

<sup>4</sup> Wateòdỹỹdu aõmydỹỹnanamy arotỹỹnyrenykemy watxiwãhãrenyre. Inyboho riki-winyrenyke ibededỹỹnanamy rỹikreu, iwese txumy rỹikre wese tahe rummy heka kanakre tai raaõmysỹdỹỹõmyhỹre.

<sup>5</sup> Kabede-ki watxiwãhãreòle tahe jiarỹ bede ludu mahãdu loosònatyhymy jiarỹ rare.

<sup>6</sup> Tarybe rahudi tahe rarybexinyre suò idi tahe subororomy ritxienyre. Idi ta hãbu rueyre-ò subororo ritidire.

<sup>7</sup> Tahe hãbu ruetã-ò rarybere: —Make wa bexisuhòke Silòe ahobe-di. Silòemy ninadu heka iny rybe-ki deòdỹỹna wesemy rare. Hãbu tahe rare, risuhore, dòòsede robimy.

<sup>8</sup> Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitòedỹỹdu rare, nierumy kowa-ki rexitòenymy rononymhỹrele rare.

<sup>9</sup> Ijõ rarybere tule rare. Ijõ rarybere: —Aõkõre, iwesele tahe iwitzirari.

<sup>10</sup> Rỹỹraxirenyre tamy: —Timykibo arue reytera.

<sup>11</sup> Rirawyònyre: —Hãbuõ Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aõ bisuhòke. Tahe rare, resuhore, tai rabimy watzireri.

<sup>12</sup> Rỹỹraxirenyre titxibo tahe tii rara. Rirawyònyra: —Reeryõre.



13-14 Kia ruedeytena Jesuisi riwinyre sabado txuu, judeu aõmysỹdỹna txu aõkõ. Tahe tiiboho hãbu ridyrenyre fariseu mahãdu-ò.

15 Ixityre hãbu-ò rỹraxyrenyre: –Timykibo riteytenyra. Tahe rirawyònyre: –Subororole waruetyre-ò ritidira, idi resuhòra, iule tahe retehera.

16 Tai tahe fariseu mahãdu-ò narybede: –Ka hãbu Deuxu-ribi aõkõ nade. Kakỹny sabadotxu bede ywina riywinyõhyyre. Tahe ijõ imahãduõ rarybere: –Hãbu òraruduõ tiu deytenuwihikỹõ kia wesemy riwinyõtyhy. Tai tahe wiribi hitximy raraykynyrenyre.

17 Tahe ixityre hãbu-ò rỹraxyre: –Tii arue arue riteytenyra: –Tai tahe timybo tuu marybekre. Hãbu rarybere: –Tii Deuxu rybemy rybeduõ rare.

18 Tahe judeu mahãduõ rarybere: –Ise-wana tybywana widee ararybekekile, arityhynykre. Tai riteònyre tybybohoòrysmy.

19 Rehemynyreu, tahe tamy rarybere: –Kaa aõbo ariòre rare. Inatyhymy aõbo iruetàmý reare. Timykibo tahe wiji robira.

20 Tahe tybyboho rirawyònyre. Inatyhymy wariòrereny rare. Iruetàlemý ka reare.

21 Reerykõrenyre timykibo retehera. Iruue riraynyre dori, reeryõhyyre. Tamy marybebenyke. Ibeòra dire ka, iximy relyleke.

22-23 Tybyboho ruberumyhỹrenyre judeu mahãdu lau. Judeu mahãdu dori, rarybemyhỹre: –Inyõ Jesuisimy rarybekeki, tii Kristu Deuxu deòdỹna raremy rarybekeki, tahe dohodỹnawo-ribi riteònykemy idi rỹira. Tai tahe hãbutybyboho kia wesemy raryberenyre. Tii ibeòra dire: –Tamy marybebenyke.

24 Juhuu iruetàmý raremyhỹò ixityre ròtedỹmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowydynyke. Tahe tii rarybere:

25 –Tii òrarudu rare, reerykõre. Sohoji aõmydỹnana reeryre. Juhuu waruetàle heka reeryre, wiji tahe retehereri.

26 Tahe ixityre tamy rỹraxyre: –Aõbo tii riwinyre. Timybo arue roire.

27 Hãbu rarybere: –Adeereny tuu rarybere tahe taholaõhytyenta. Aõherekibo ixityre ijohonamy tarybetenyteri. Ierydỹnany boibekemy aõbo atxitenyteri.

28 Tuu raryberenyre aõbina binalemy. Kai heka ijoiõ atxiteri. Jiarỹboho Moisesi erydỹna jiarỹboho roire.

29 Deuxu Moisesi-ò rarybemyhỹre. Kiamy reeryrenyre. Ka hãbumy tahe aõmy raholaõmahãreny, tiludubo rare.

30 Kia wa riwateytenyra bedeòtiidỹna urenana tii rare. Ihãrele tahe kaiboho teeryõmy tuu tarybetenyteri. Wadee kia ajuedena rare.

31 Deuxu wa òrarudu itidỹna-ò roholaõtyhy. Kia reeryrenyre. Tahe inyõ Deuxu rityhynykeki tamywimy rỹirakeki, kia-ò Deuxu roholakre.

32 Bede rexidelenyre, inyõ roholatyhy iruetàmý raumynyre heka reyttere. Inyõ tiu riwinyõre, wiji tahe diwinyde.

33 Kia hãbu Deuxu-ribi nokõduõ aõkõkeki tiu aõ riwinyõtyhy.

34 Tahe fariseu mahãdu aõbinahakỹlemy tuu rarybere: –Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahõtinyteri. Tahe riteònyre dohodỹna heto-ribi. Ihyymy riteònyre.

35 Kia-ò Jesuisi roholareu hãbu riijere tahe rỹraxyre tuu: –Kai Deuxu Riòre Hãbutyhyhỹkỹ aõbo tetyhynyte.

36 Hãbu rarybere: –Mobo tii rare, Wanyrỹ, arityhynykemy watzireri.

37 Wamy wa tabita, jiarỹleheka watzireri. Adee rarybererile watzireri.

38 Tahe rarybere: –Wanyrỹ aratyhynyra he. Tahe hãbu Jesuisi riwowydynyre.

39 Jesuisi rarybehyra: –Jiarỹ anade kabede-ò iny ruetà aritobixidỹnykemy; tule robimyhỹre mahãdu ariruetàdỹnykre. Iny òwydỹnany anade.

<sup>40</sup> Fariseu iòhòmy iribi rỹimyhỹ roholare irybe-ò. Tahe tamy rỹỹraxire. Inatyhykõ aõbo ka jiarỹboho tule waruetàrenyre.

<sup>41</sup> Jesuisi rarybere: –Aruetàmy ahãtenyteki, aòraruna-di aõkõ toite. Tahe tarybetenyte reerywãhã, rabiwãhãre. Tai aòraruhyy-di toite.

## 10

<sup>1</sup> Inatyhytyhymy adeereny ararybekre: –Inyõ budoeni yrubudỹỹna ijòtòbòna-di, ralòòkeki, tii tahe wasidu ixiwatxidỹỹdumy rare, raòwònymy heka ralòmhyhỹre.

<sup>2</sup> Ijòtòbòna-di ròtedu, tii budoeni-di itxeredutyhy rare.

<sup>3</sup> Iu ijòtòbòna-ò rehemynymyhỹreu, ijòtòbòna ludu tamy riraynymyhỹre. Tule budoeni irybe rierymyhỹre. Sohoji sohoji-ò ininimy tamy ryrymyhỹre, tahe idi ròhònymy ridymyhỹre.

<sup>4</sup> Ihõrõ ahana-ò ridyre, tii iko-ò rỹimy idi ramyhỹre. Riheludunymy idi raremyhỹ rierymyhỹreki irybe.

<sup>5</sup> Budoeni ieryõdu riheludunyõtyhy, irybe rieryõreki. Iny ieryõdu-ribi rahenykre.

<sup>6</sup> Jesuisi tamy kia bede eryna ijyymy relyyre. Tiibohe tahe rieryõhyrenyre timybo ibede erydỹỹnamy rororerimy.

<sup>7</sup> Tahe Jesuisi ritỹnynyre tamyreny: –Jiarỹ budoeni ijòtòbòna wesemy räimahãre.

<sup>8</sup> Ibutumy iny wakõule rehemynyre wasidu ixiwatxidỹỹdumy rỹiramyhỹ. Wabudoeni ityhydỹỹdu wesemy rỹirerimy ihỹre. Tiibohe wasidurybe-ò roholaõhyymyhỹrenyre.

<sup>9</sup> Jiarỹ ijòtòbòna wesemy räiwãhãre. Inyõ wamy ralòkeki, tii heka tarasanaõmy rarekre. Iwese wabudoeni ralòmhyhỹre idi ròhònymyhỹre asi wiwihikỹmy riroximyhỹre wesemy, tule ityhydỹỹdu mahãdu rỹirakre, bedeòbyna wiwihikỹ ritakremy.

<sup>10</sup> Wasidu heka rubudỹỹmy nade, bedehudumy wasimy, jiarỹ tahe anade inyõ umytuedeõna ariwahinykremy, irutyhytyhy wihikỹmy wiji rỹirakremy.

<sup>11</sup> Jiarỹ budoeni-di itxeredu wihikỹ rare. Ihyy ta waumy ariwahinykre teròwyrenymy.

<sup>12</sup> Inyõ budoeni-di itxeredumy deòdumy risỹnykeki, tii riwisinanyõtyhy, tii dori budoeni wedu aõkõ rare, deòdule rareki. Tahe íròdu brebunaõ tamy kanakeki tahe rahenyke iribi, tai ijõ rimyke, ihona tahe raòrunyke.

<sup>13</sup> Deòdu heka rahenyke tii iwedu aõkõ rareki, tii aõmy aõkõ idi ròhòtinymyhỹre, iòwydimy aõkõ.

<sup>14-15</sup> Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre.

<sup>16</sup> Jiarỹ wabudoeni-ò-di watxiwãhãre. Aõ kabede-ki aõkõ. Ibutumy aributunykemy idi watxireri. Tai tahe sohoji ijoihyylemy heka roikre. Ibutu-di itxeredumy ararekre.

<sup>17</sup> Tai heka Waha waluure, waumy ariwahinykreki wahe. Ihãrele tahe ixyby idi arexiumydỹỹnykre.

<sup>18</sup> Inyõ heka ixideewiõkeki riwarubunyõtyhy. Arexiwahinykre tamyreny riwarubun- yrenykremy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykremy.

<sup>19</sup> Kia rybe òraru-ki judeu mahãdu rybe rexijeijeinyre.

<sup>20</sup> Sõwemy iny ritxiõnymy rarybere: –Tii tyytybybina-di ratximyhỹre ada raitxỹtemy aõbo ihỹre. Aõherekibo tamy taholamahãtenyte.

<sup>21</sup> Ijõ tahe rarybere: –Aõ tyytybybina-di aõkõ rarybemyhỹre. Tyytybybina aõbo hãbu ruetà riruedỹỹnyõtyhy.

<sup>22</sup> Jerusalẽ hãwã-ki heka beòrahyy rare. Worana bedehesi hetxina Tỹmyradỹỹna rỹire.

<sup>23</sup> Salomaõ Ube-ki, Deuxu dohodỹỹna heto ube-ki.

<sup>24</sup> Jesuisi rariamy ihỹmyhỹ. Tahe judeu mahãdu rirurawonyre itỹraxidỹỹmy. Tiwese bededỹỹnananybo nohõtidihiy bedede ariwyyrenykre. Kai inatyhymy Kristumy tate-wana, tahe manarybeke itỹnomy.

<sup>25</sup> Jesuisi dirawyõnyde: —Rarybere wahe, tahe kaiboho tiwatyhynytenyõhyyte. Inatyhymy ierysomy mohõtinybenykeki, waaõmydỹỹnana wiwihikỹ rewinyamahãre-di betehenyke. Wahani-di kia rewinyamahãre.

<sup>26</sup> Kaiboho tahe tiwatyhynyõlemahãtenyete, wabudoeni wesemy aõkõ toite.

<sup>27</sup> Wabudoeni warybe rierymyhỹre, riwaheludunymyhyre; jiarỹ heka ibutumy wabudoeni reerymahãre.

<sup>28</sup> Tamy umytuedeõna rewahinywãhãre tiu heka ruruõtyhy. Inyõ waribi ridyõtyhy.

<sup>29</sup> Waha wadee riwahinyre. Tii heka ibuturatyre rare. Inyõ iribi ritaõtyhy.

<sup>30</sup> Jiarỹ Waha-wana sohojhyyle watxiwãhãre.

<sup>31</sup> Ixityre tahe judeu mahãdu mana-di rirubunykre idi rỹire.

<sup>32</sup> Tahe Jesuisi tamyreny rarybere: —Jiarỹ sõwemy bedeõbyna inydee rewinywãhãre Waha ruru-di. Aõðrarukibo biwarubunybenykre.

<sup>33</sup> Tahe judeu mahãdu rirawyõnyre: —Kai aõmydỹỹnana wiwihikỹle tewinyte. Kia òraru-ki aõkõ ijoi adi rỹireri mana-di arubudỹỹmy Deuxumy binatyhymy tarybeteriki. Kai dori hãbu tate, ihãrele Deuxumy texininiteri.

<sup>34-35</sup> Jesuisi rarybere: —Abede ywina-ki ryberiti rỹire. Deuxu Rybe õbitihyymy raritinyrỹire. Kiamy: —Jiarỹ rarybere: —Kaiboho Deuxu toite. Deuxu Rybe heka inyõ-ò diteõnyde. Kia mahãdu tahe Deuxulemy rininire.

<sup>36</sup> Deuxumy tiiboho rininirenyre-wana, aõherekibo wadee takyarananyteri jiarỹ tule Deuxu Riõrelemy rexininireki. Waha dori, riwatamy diwateõnyde. Timy kibo kaiboho tarybetenyteri Deuxumy ibinamy jiarỹ rarybererimy

<sup>37-38</sup> Waha-ribi bedeõbyna ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hãrele. Tai tahe bityhynybenymy boibeke jiarỹ Waha-wana wãhãre tule Waha wawana ratximyhỹre.

<sup>39</sup> Kabedeu ixityre riijere Jesuisi rimyky tii rexitamy rexihedỹỹnyre.

<sup>40</sup> Jesuisi ixityre Jordaõ bero kowa weribi-ò reurore. Joaõ juhuhu ròsebedỹỹmyhỹò rare. Taile tahe tii raremyhỹ.

<sup>41</sup> Tahe sõwemy iny tamy roirenyre. Tamy rarybere: —Inatyhymy Joaõ bedeõby iny itxerenamy riwinyõre. Tahe ibutumy tii Jesusimy rarybemyhỹre, inatyhy rare.

<sup>42</sup> Sõwemy heka taile Jesusimy rityhynymyhyre.

## 11

<sup>1-2</sup> Lazaru ibinamy roimyhỹ Betỹnia hãwã-ki. Marie, Marta-wana iseriõrereny rare. Juhuhu Marie Jesuisi-wana raremyhỹu, tii Jesuisiwa tyre-ò tarinalỹnyrehekỹõ ritxiwire, idi tahe tarade-di rirubudỹỹnyre.

<sup>3</sup> Lazaru ibinamy roimyhỹki tahe tiiboho riteõnyre Jesuisi-ò rarybekremy: —Wahĩ, abiõwa tyhy binanihikỹmy roireri.

<sup>4</sup> Jesuisi kiamy roholareu rarybere: —Kabinana hãwã Deuxu wowydynamy tamy nade. Tule riwawowydynyky jiarỹ dori Deuxu Riõre rare. Kabinina tahe rubuhyymy aõkõ tamy rỹike.

<sup>5</sup> Jesuisi heka ibutumy iluurenyre, Marta, Marie, Lazaru-wana.

<sup>6</sup> Iu Jesuisi rieryreu Lazaru webinaduna, tahe taile ratximyhỹre, rerihãrele inatxitxumy.

<sup>7</sup> Iribi tahe rarybere taerydỹỹna mahãdu-ò: —Ròkõirenyke ixyby Judeia bede-ò.

<sup>8</sup> Tahe ierydỹỹna mahãdu tamy rarybere: —Erydỹỹdu aõherekibo ixybynomy tamy tarybeteri judeu mahãdu adi heka riwisỹnomy rỹimyhỹ mana-di arubudỹỹmy.

<sup>9</sup> Jesuisi dirawyònyde: —Txu heka waðinatxi òra bededýñnanamy rare. Aõhe inatyhy. Inyõ txumy rariakeki, tiu aõ òraru-ki reseõtyhy loosònamy dori ibutumy robimyhýre.

<sup>10</sup> Bede lurumy rariakeki tahe, aõ òraru-ki reseke, loosòna dori ihoõreki wahe.

<sup>11</sup> Tahe ijõmy Jesuisi tamyreny rarybere: —Iny biòwareny rõrõmy roireri. Tamy arakre ariixixanykremy.

<sup>12</sup> Tahe imahãdu rarybere: —Wanyrý tii rõrõmy roireri-wana bohe, reytekre.

<sup>13</sup> Jesuisi heka rarybemyhý Lazaru rubumy roirerimy. Tiiboho tahe rõhõninyrenyre urile rõrõmy roirerimy.

<sup>14</sup> Tahe Jesuisi ritýnyntyhyra tamyreny: —Lazaru rurure.

<sup>15</sup> Jiarý wa aòrarureny-ki wadeysamy watxireri tai watxiõraki. Ka tahe biwatyhynybenykre. Ròkòirenykre tamy.

<sup>16</sup> Tome ierydýña mahãduõ rare. Didimomy iniõre. Tamahãduõ rarybere: —Ròkòirenyke, tule tii-wana rukururenykremy.

<sup>17</sup> Jesuisi rehemynyreu, Lazaru inaubiòwatxumy hãloo iwòdýñwo-ki roimyhý.

<sup>18</sup> Betýnia Jerusalẽ hãwã-ribi sohoji urihixinamy roire.

<sup>19</sup> Judeu mahãduy-ribi sõwemy doidenyde Marta Marieboho wotòenamy, iseriòreny rurureki.

<sup>20</sup> Marta Jesuisi kanakre rieryreu, tahe ròhònyre tii-wana witxi reakemy. Marie tahe tahetokile rononymhý.

<sup>21</sup> Tahe Jesuisi-ò Marta rarybere: —Wahĩ, kakile atxiberi-wana waseritxòre rukõhykyra ikuny.

<sup>22</sup> Ihãrele tahe rekeryre ibutumy Deuxu-kò bexitòenykeki, tiki adeke kidiwahinykre.

<sup>23</sup> Jesuisi tahe tamy rarybere: —Aseriòre wa rubu-ribi kedexixakre.

<sup>24</sup> Tahe Marta rarybere: —Rekeryre jikarý ikokunanatxu-ku rubu-ribi rexixakre, ibutumy ixixanatxu-ku.

<sup>25</sup> Jesuisi rarybere: —Jiarý waixixanadýñdu rare, umytuedeõna wahidýñdu rare. Inyõ riwatyhynykeki, tii rubu-ki roire hãrele, kedexixakre.

<sup>26</sup> Ibutumy irumy roirekeki, tiu rururenyõtyhy, tii dori riwatyhynyreki. Kai aõbohe kia tetyhynyteri.

<sup>27</sup> Tii dirawyònyde: —Kohe, Wahĩ, aratyhynywãhãre. Kai Kristu tate, Deuxu ritxòretyhy. Deuxu tuu rarybereki, bede-kò kanatekònyde wahe.

<sup>28</sup> Tahe Marta ròsere Marie taseriòre-ò rarybere: —Inyhĩ rehemynyreki, kai makremy rarybereri.

<sup>29</sup> Kiamy roholareu, tahe, wylemy rýimy reare tamy rare.

<sup>30</sup> Jesuisi dori hãwã-ò ralòõlemy raremyhý Marta tamy raryberékile raremyhý.

<sup>31</sup> Tii rýimy ròhònyreu, judeu mahãdu tuu robire. Tahe riheludunyre, wabede-ò robukremy raresýny tamy roholare.

<sup>32</sup> Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukõhykyra.

<sup>33</sup> Jesuisi Marta ibru-di tule judeu mahãduhi-di rethehereu tule tii rabadewonihikýre.

<sup>34</sup> Iule Jesuisi rýñraxire: —Titxiwexe tii tetiditenyte. Tiiboho rirawyònyre: —Wanyrý, manake itxeremy.

<sup>35</sup> Jesuisi tahe rahinyre.

<sup>36</sup> Tai tahe judeu mahãduõ rarybere: —Betehebennyke sõwemy heka tii Lazaru luure.

<sup>37</sup> Ijõ tahe rarybere: —Tii iny ruetà riteytenyre. Aõherekibo Lazaru irumy ratxireriule riteytenyõra.

<sup>38</sup> Jesuisi ixyby tawo-ki bederiòtiinyre. Tahe rariamy rare wabede-ò Lazaru sui-wodýñwo-ò roire. Mana-di tahe ritxiotòbònyre.

<sup>39</sup> Tahe Jesuisi rarybere: —Mana bitake Marta tahe iseriòre rarybere: —Wahĩ, rarònyreki wahe inakubikòwa txumy dokuri txuu idi rýira.

<sup>40</sup> Tahe Jesuisi rarybere: –Rarybere taheka, bityhynykeki, Deuxu rurumy bobike.

<sup>41</sup> Tahe mana iribi ritarenyre. Jesuisi retehere biu-ò rexitòenyre: –Umy reàlàmy wahe watzireri kai wadee taholataki.

<sup>42</sup> Wadee taholahyy atxiteri mahâte: –Kia reeryre, kata inysõwehekỹ òraru-ki kiamy rarybera adee, tai tiiboho rityhynyrenykemy wahe, kai tiwateònyteki.

<sup>43</sup> Kia rexihureu tahe ryryre: –Lazaru, bodohonyke wa ahana-ò.

<sup>44</sup> Kia rurumy roimyhỹ-ribi tahe dòhònyde. Iwa heka tebò-wana widee ritỹtenylemy roimyhỹ. Irati tahe tyybese-di ritỹtenymy ihỹmyhỹ. Jesuisi rarybere: –Biesebenyke wa ixinamy rake.

<sup>45</sup> Tahe judeu mahãduy-ribi, Marie Martaboho roraludu mahãdu, aõbo Jesuisi riwinyremy robireu tahe, rityhynyre.

<sup>46</sup> Ijõ tahe fariseu mahãdu-ò roirenyre tamy relyykemy aõbo Jesuisi riwinyremy.

<sup>47</sup> Iribi tahe xiwe wahidỹỹdu wedu, fariseu wedu mahãdu-wana heka ywisidỹỹna mahãdu ributunyre. Dohodỹỹna mahãdu wedu heka imahãduni rare. Tahe inyõ rarybere: –Ka hãbu heka aõwiihikỹ sõwemy diwinymyhỹde. Aõhebo he rokotỹỹnyrenyke.

<sup>48</sup> Tiihyyle riwinymy rarekeki, heka ibutumy rityhynyke. Idi tahe Roma hãwã mahãdu soldadu kanakre iny riòlòdỹỹnyke inysỹ rahurenkyre.

<sup>49-50</sup> Kaifa imahãduõ rare. Kabeòrau tahe tii ibutu xiwena wahidỹỹdu wedu rare. Tahe tii rarybere: –Kaiboho aõ teeryòhytyte. Hãbuõ tahe rurukre ibutu inydee. Tai tahe ibutu iny itueòtyhy.

<sup>51</sup> Kia heka irayky-ribi aõkõ ròhònyre. Deuxu irayky-ò ritidire, tii dori xiwena wedu tyhy rare kabeòrau.

<sup>52</sup> Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkõ rurukre. Tahe sohoji mahãduòle rabutukre Deuxu riòre bede bedemy rỹira mahãdu wahe.

<sup>53</sup> Itxuule tahe Jesuisi rubudỹỹmy rõhòtinyrenyre.

<sup>54</sup> Tai tahe ihãwãy-ki rariaõre, Judeia mahãduy-ki. Tahe iribi rexitare bederahy-ò iòhòmý. Hãwãõ-ò heka rare, Efraĩ heka inire. Tailè taery mahãdu-wana ihỹmyhỹ.

<sup>55</sup> Judeu mahãdu worana bedehesi iòhòmý rỹimyhỹ Pascoa heka inire. Ritelenykõule heka sõwemy roirenyre Jerusalẽ hãwã-ò, tai rexiywinyrenykemy iwese bede ywina rarybere wese Pascoakomy wahe.

<sup>56</sup> Sõwemy iny Jesuisimy robikemy rỹimyhỹ. Tahe Deuxu dohodỹỹna hetowo-ki widee rarybemyhỹre tahe rarybere: –Kanakre aõbo Jesuisi worana bedehesi-ò.

<sup>57</sup> Xiwena wedu fariseu-wana juhuu inyõ rarybemahãre: –Inyõ Jesuisimy robikeki, tuu wadeereny kanarybekre, tii ramykremy wahe.

## 12

<sup>1</sup> Jesuisi rare Betỹnia hãwã-ò Pascoa worana bedehesi rỹikrekoki. Debòsohoji txumy rauhenymy rỹimyhỹ tamy. Tai heka Lazaru rasỹnymyhỹre rubu-ribi rexixare-ribi wahe.

<sup>2</sup> Martaboho tahe rỹsỹna wiutàdàna riwinyrenyre Jesuisideewina. Lazaru Jesuisi-wana riroxikremy rononymhỹ. Tahe Marta tamyreny rỹsỹna riwymyhỹ.

<sup>3</sup> Marie tahe sõwemy aderòna lỹnyre-di ratximyhỹ, iòwyhykỹre heka. Tahe tii Jesuisi-watyre ritxiwire idi tahe taradedile risuhore. Heto tahe tỹnyrehekỹlemy roire.

<sup>4</sup> Judasi Isariò tule Jesuisi erydỹỹnaõ rare tii tai ratximyhỹ. Tii Jesuisi rityhenykremy tii raremyhỹ ihewo-ribi. Tii tahe rarybere:

<sup>5</sup> –Kaa aderòna heka iòwyhykỹ rare. Aõherekibo idi tahonyõte nieru idi bitakemy iny aõkõ mahãdu-ò nieru biwahinykemy.

<sup>6</sup> (Judasi heka iny aõkõ mahãdu luu aõkõ rare. Erydỹỹna mahãdu nieru rubudỹỹdu tii rare. Kia nieruõ tahe ixideele ritosinymyhỹre. Tai tahe aderòna òwy ixidee ributunykemy idi ratximyhỹ).



<sup>7</sup> Tahe Jesuisi rarybere: —Ixinamy wawatyre ritxiwike, wahāloo-ò waherina heka riryrymy tuu ritxiwireri.

<sup>8</sup> Kaiboho heka aōu biwiòhenanymy ahābenyke iny aōkō mahādu awanareny dori rarehyymy rarekre. Jiarỹ tahe kaki aratxihyyke aōkō rare.

<sup>9</sup> Judeu mahādu Jesuisi rehemynyneriò roholare. Tahe sōwemy iny tamyreny nade itxeremy. Tule Lazaru-ò itxeremy nade rubu-ribi rexixareki.

<sup>10</sup> Tai tahe xiwewahidỹỹdu mahādu wedu tule Lazaru rubudỹỹmy rarybere.

<sup>11</sup> Lazaru òraru-ki dori sōwemy judeu wedu Jesuisi rityhynyre.

<sup>12</sup> Itxubiòwau tahe Jesuisi nade Jerusalē-ò kia-ò tahe roholare ibutumy worana bedehesi ludu mahādu.

<sup>13</sup> Tai tahe roirenyre tii-wana witxi reakemy horeru riwyre ityre-di kanakre. Riryrenyre Jesuisi-ò: —Waiòlòreny, kai arawowydynyneri, kai bedeòbydỹỹdu tateki! Kai Deuxuni-di tateri. Kai judeu Iòlòtyhy tate.

<sup>14</sup> Jesuisi nade jumenta riòre tyre-ki, tuu dori ihetxina tyyriti-ki roire wesemy.

<sup>15</sup> Kiamy wahe roire:

—Judeu riòre mahādu uritere brebuōmy atximahābeny aiòlòreny dori kanakre jumenta riòre tyre-ki.

<sup>16</sup> Iery mahādu kia rieryōhyre juhuu.

<sup>17</sup> Iribi tahe tōhōti itxi reare ritidỹỹna hetxina-ki roiremy, Jesuisi biu-txi ròosemy rareu wahe tōhōtirenny itxi reare. Tule sōwemy iaōmydỹỹnana rybe hetxina-ki riritinymy rỹimyhỹre. Kia-di tahe idi tōhōtirenny reare.

<sup>18</sup> Inyō itxeredu heka Lazaru ixixanamy relyyre. Tai tule iny sōwemy doidenyde. Kia Jesuisi riwinyreò heka roholarennyre.

<sup>19</sup> Tai tahe fariseu mahādu widee raryberenyre: —Ibutumy ihemy roirenyre. Timyōre, aōhe heka rikisỹnyrennyōtyhy.

<sup>20</sup> Inyō worana bedehesi-ki grego rybedu mahāduō ratximyhỹ. Tii tai Deuxu reàlākemy ratximyhỹ. Tii Besaida hāwā ludu-ò Kalileia bede luduō ratximyhỹ.

<sup>21</sup> Tahe grego rybe mahādu tamy rarybere: —Wanyrỹ, jiarỹboho, Jesuisimy arobikemy watxirennyeri.

<sup>22</sup> Filipi tahe Andre-ko relyyre. Ta wiwana roirenyre Jesuisi-ò.

<sup>23</sup> Jesuisi rarybere: —Aōkōra, Wabededỹỹnana iòhòra Deuxu Riòre Hābutyhyhykỹ rubuna-ò, wahe.

<sup>24</sup> Inatyhymy adeereny ararybekre: —Jiarỹ alòbòròna rijuxunymyhỹre wesemy are-sekre suò, arurukremy. Aruruōkeki ixivanahyyle ararekre. Arurukre-wana sōwemy araratynnykre.

<sup>25</sup> Inyō ixiluukeki heka, ruruke. Kabede-ki tahe ixiluūōkeki, tii rexiywinymy umytuedeōna-ò ratxike.

<sup>26</sup> Inyō wadeòdumy ratximyhỹkeki, tii riwaheludunyke. Tai titxibo aratxikeò tii wawana ratximyhỹke. Inyō wadeòdumy rareke-wana, tii Waha riwowydynnykre.

<sup>27</sup> Katahe wabedewonihikỹmy watxireri. Timybo ararybekre, Waha, kia rubu aōmydỹỹnana-ribi biwatake. My òsana arexitòenykre. Aōkōre, kiaòle heka kabede-ò anade.

<sup>28</sup> Waha, anityhy-ò iny riwowydynnykemy watxireri. Iule tahe rybeò-ò roholarennyre: —Kia rotỹỹnyre ihāre ta ixityre tuu rotỹỹnykre.

<sup>29</sup> Tahe iny sōwehekỹ kia rybe-ò roholare. Tahe rarybere: —Biumytxyle rare. Tahe ijō rarybere. Aōkōre jỹju rare.

<sup>30</sup> Tahe Jesuisi rarybere: —Waòraru-ki aōkō kia rybe rỹireri, aōrarurenny-ki, tamy boholabenykemy.

<sup>31</sup> Wiji tahe ywisidỹỹna kỹnyikre, bedemy iny rỹira mahādu-ò. Kia mahādu iòlò, Satanasi, kanahitxidỹỹkre.

<sup>32</sup> Iu jiarỹ itxeò-ki riwaukokreu, ibutumy iny heka ixidee adiwiutàdànykre riwatyhynykremy.

<sup>33</sup> Iu tii kia rarybereu, tarubuna ritỹnynyre timybo rurukre.

<sup>34</sup> Iny sōwehekỹ dirawyònyde: —Jiarỹboho raholarenyre bedede ywina-ò. Tii rarybere: —Tiiemy Kristu rarehyomy rarekre. Timybo kai tarybeteri: —Biwaukokremy. Mobo tahe Deuxu Riòre Hãbutyhyhykỹmy tuu tarybeteri.

<sup>35</sup> Tahe Jesuisi dirawyònyde: —Urihimyòle loosòna awana rariamy ratxireri. Idi atxiteriule idi mariake, bedede luru atxi kanakelau. Inyò bedede luruki rariakeki, tiobo rake rieryòhyyre.

<sup>36</sup> Waloosòna atxiteriule, biwatyhynyke waloosònamy, taile waloosòna mahãduõmy boibeke. Kiarybe rahu-di tahe Jesuisi iribi rexitamy rexiwore.

<sup>37</sup> Tii sōwemy bededeòtiidỹna ikoreny-txi riwinyre. Ihãrele tahe sōwemy rityhynyõre.

<sup>38</sup> Kia tahe Isaia tyryiti-ki roire, tahe iwesele tuu rarybere wese wiji rỹira rotỹnyre: —Wanyrỹ, Iny rybe tỹnydỹnareneny tiiboho rityhynyõhyyre, Deuxu taruru tamy riteòsinyrehãrele rityhynyõre.

<sup>39</sup> Tai rityhynyõhyyre. Isaia, Deuxu rybedu ijõmy ròritidỹre:

<sup>40</sup> —Deuxu riruetànyre, irayky riteredỹnyre. Tai rieryòhyomy robiòhyomyhỹre. Tiu heka Deuxu rityhynyõhyyre. Tiu riteytenyõhyyre.

<sup>41</sup> Isaia Jesuisi loosònamy robire. Tai tahe tuu ròritidỹre.

<sup>42</sup> Ihãrele tahe dohodỹna mahãdu wedule sōwemy rityhynyre. Urile fariseu mahãdu òrarukile, ijõ-ò tuu rarybeõre, dohodỹna mahãduy-ribi riòlòdỹnyheny.

<sup>43</sup> Tiiboho dori Deuxu wowydyna luurenyõre inywowydynale luurenyre.

<sup>44</sup> —Iny riwatyhynymyhỹkeki, wadeòdỹdule rityhynymyhỹre.

<sup>45</sup> Inyò wamy robikeki, iule wadeòdỹdumy robike.

<sup>46</sup> Jiarỹ loosòna wesemy anade bedede-ò. Tai tahe iny riwatyhynykeki, bedede luru ribi ròhònyke. Tai heka anade.

<sup>47</sup> Inyò warybe-ò roholake hãrele riywinyõkeki, tahe jiarỹ tii wiji ariywidỹnyõke. Jiarỹ dori tarasaduhyylemy anade.

<sup>48</sup> Inyò riwatyhynyõkeki, warybe-ò roholaõkeki, ikonana txuu tahe ywisidỹna-ò ralòke, warybe-ò rityhynyõmyhyreki aõhòkỹmy dỹnana-ò heka kia ralokre.

<sup>49</sup> Jiarỹ ixi rayky-ribi aõkõ rarybemahãre. Wahale rybe wadee riwahinymyhỹre. Kia wesele relymahãre.

<sup>50</sup> Deuxu rybe bedede ywina-di diwateònyde umytedeõna wahidỹna kia rare. Kiale heka reeryre.

## 13

<sup>1-3</sup> Pascoa worana bedehesi txumy txuu rỹire. Tahe Jesuisi rexieryre ixyby tyby-ò ròòsekremy ihỹre, ibededỹnana iòhòmy roireki. Tule rexieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydỹna mahãdu-wana riroximyhỹreny. Judasi Isariò (Simaõ riòre) taile ratximyhỹ. Juhuu diabo tamy rarybere iruule Jesuisi rityhenykemy.

<sup>4</sup> Jesuisi sōwemy taerydỹna mahãdu luure. Tai tahe rỹire, tatytyre ludu ritare òsuròna rimyre, idi rexiwetyataare.

<sup>5</sup> Hynaro-ò bee ritxiwire taerydỹna mahãduwaa risuhokremy tahe òsuròna-di tawetya-ki ihỹmyhỹ-di iwa rirubudỹnyre.

<sup>6</sup> Tahe Jesuisi rehemynyre Simaõ Pedro-ò, Pedro rarybere: —Aõkõre kai wawareneny suròdòõmyke.

<sup>7</sup> Jesuisi rirawyònyre: —Kai heka teeryõte aõherekibo resuhòreri. Ihewo-ribi tahe bierykre.

<sup>8</sup> Pedro rarybere: —Aõkõre, wawasuròdòdỹỹõmy. Jesuisi rirawyònyre: —Arisuhòõkeki wawanahy aõkõ mabeke.

<sup>9</sup> Pedro rarybere: —Wawasohojile aõkõ bisuhokre, wadebò warati-wana tule wahe.

<sup>10</sup> Tahe ritỹnyre Jesuisi; inyõ rõhõre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aõkõre.

<sup>11</sup> Jesuisi tatyhedỹỹdu rayky rierymyhỹre. Tai tahe rarybera, ibutumy aõkõ tyraremy.

<sup>12</sup> Jesuisi iwasuròdò rexihureu, tatytyre ludu retyynyra roxina-ò ròsere. Tamyreny rỹỹraxire: —Kaiboho teerytenyte. Aõhebo jiarỹ kia ratỹỹnyra.

<sup>13</sup> Adeereny aritỹnykyre. Kaiboho tiwaninitenyte anyrỹmy, aõhe inatyhy? Aerydỹỹdumy, inatyhy heka jiarỹ rare tahe òbitimy tarybetenyte.

<sup>14</sup> Jiarỹ aerydỹỹdureny anyrỹreny heka awareny resuhore. Tai tahe kaiboho wiwa bisuhòbenykyre.

<sup>15</sup> Iwese jiarỹ rexideòsinyre wese kaiboho biwinybenyke.

<sup>16</sup> Inatyhymy adeereny ararybekre. Deòdu dori tawedu ratyre aõkõ rare. Rybe-ò ijohonadu dori rybedutyhy ratyre aõkõ rare.

<sup>17</sup> Kia warybe teerytenyte. Tahe biywinybenykeki bedebòbynatyhy adeereny kanakre.

<sup>18</sup> Ibutumy umyreny aõkõ rarybereri jiarỹ araeryreny, aratarenyreki, wahe. Rybe tyyriti-ki roire kiamy:

—Kia wawana riroximyhỹrele heka riwatyhenykyre. Ele elemy tuu rotỹỹnykyre.

<sup>19</sup> Wiji rarybereri heka wylemy kia tuu rotỹỹnykyre. Tuu rotỹỹnykyreule, kaiboho bierybenykyre òbitimy raryberé wahe; jiarỹ biwatyhinybenykemy wahe.

<sup>20</sup> Inatyhytyhymy ararybekre: —Inyõ adee aditeònykyre. Inyõ tii rityhynymy kididykeki, tii riwadymyhỹre. Inyõ kidiwadykeki wadeòdỹỹdu ridymyhỹre, Deuxu rityhynymyhỹre wahe.

<sup>21</sup> Tahe Jesuisi rabadewonihikỹmy rononymhỹ. Tahe rarybera: —Iny sohojiõ ayreny-ribi riwatyhenykyre.

<sup>22</sup> Tahe wii riijerijereny. Mokobo rarekremy rõhõtynyreny.

<sup>23</sup> Jiarỹ, Joaõ Jesuisi weribi ranywỹhỹ, tii dori sòwemy waluure.

<sup>24</sup> Tahe Pedro wadee narybewasidi: —Tamy inihe myỹraxike mobo raremy.

<sup>25</sup> Tahe jiarỹ retorunyre: —Wanyrỹ, mowexe ratxireri.

<sup>26</sup> Jesuisi rarybere wadee: —Kia orotxu ituudỹỹ tamy ariwahinykyrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaõ riòre rare.

<sup>27</sup> Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botỹỹnykyre wylemy makre biwinykremy.

<sup>28</sup> Tahe riroximy rỹimyhỹ mahãdu rieryõre aõmybo Jesuisi rarybemyhỹ.

<sup>29</sup> Judasi Isariò dori nieru hyna yrubudỹỹdu heka rare. Tai tahe rõhõtynyreny Jesuisi worana bedehesi aõna aõna riwykemy riteònyre, ada iny aokòdu mahãdu-ò nieruõ riwahinykemy.

<sup>30</sup> Judasi orotxu yre riymy rahudi tahe ròhònymy rare bede luru-txi.

<sup>31</sup> Judasi ròhònymy rahudi tahe Jesuisi rarybere: —Wiji tahe Deuxu Riòre Hãbutyhyhykỹ loosònamy iny robimyhỹre taraykywo-ki. Tii heka jiarỹ rare. Deuxu-ò waòraru-ki wowodyna riwahinykyre.

<sup>32</sup> Deuxu loosònamy tahe waki iny robikeki, Deuxu riwatoosònyreri aõwesele ibutumy iny tuu robike.

<sup>33</sup> Waluudu mahãdu wariòre wesemy atximahãtenyte, umywanareny urihimyoòle ararekre, idi tahe arakre. Tahe biwaijebenyhãrele waki mahabenyòtyhy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyoòke.

<sup>34</sup> Bede ywina tỹmyra wese adeereny ariwahinykyre kiamy wahe: —Wiluurenykemy wahe: —Iwese jiarỹ aluurenyre wese tule kaiboho wiluurenyke.

<sup>35</sup> Wiluurenykeki ibutumy iny rieryrenykre kai waerydÿÿna mahådumy tate.

<sup>36</sup> Tahe Simaõ Pedro ritÿÿraxinyre: –Wanyrÿ, titxibo kai makre. Jesuisi dirawyõnyde: –Titxibo arakre-ò wiji kaiboho boibenyõke, iribi tahe wahemy bodoikre.

<sup>37</sup> Tahe Pedro rarybere: –Wanyrÿ aõherekibo araõkre wiji ahemy waumy kie aõraru-ki ariwahinykemy watzireri.

<sup>38</sup> Inatyhymy aõbo aumy biwahinykre waõraru-ki. Inatyhytyhymy ararybekre: –Hãnie hãbu robukõule kai biwatxiõnykre inataõmy.

## 14

<sup>1</sup> Kaiboho bedetiidÿÿrenyõmyke bedewona-ki. Kaiboho Deuxu tetyhynytenyete, tai tahe biwatyhynykre.

<sup>2</sup> Wahasÿ-ki sõwemy sÿÿ rÿimyhÿre kialemyre heka tai. Kaweseõkeki adee inatyhymy rarybemahãre. Jiarÿ tahe arakre sÿÿ adeereny ariwinykemy.

<sup>3</sup> Ariwinymy arahudi tahe ixybyle aõrysomy adõõsekre. Tahe aradyrenykre titxibo-txi aratzireriò kaiboho tule matxibenykre.

<sup>4</sup> Kaiboho dori teerytenyete titxibo wasÿry roire.

<sup>5</sup> Tahe Tome rarybere tamy: –Wanyrÿ, titxibo makreò reerykõrenyete. Tai tahe timykibo asÿry reeryrenyemy.

<sup>6</sup> Jesuisi dirawyõnyde: –Jiarÿ wa ryy rare. Deuxu inatyhyna jiarÿ rare. Umytuedeõna wahidÿÿdu jiarÿ rare. Inyõ waõrarukile Waha dee rakre.

<sup>7</sup> Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete.

<sup>8</sup> Idi Filipi rarybere: –Wanyrÿ, boo inydee biteõsinyke, tai tahe awike.

<sup>9</sup> Tahe Jesuisi rarybere: –Filipi, sõwemy bededÿÿnana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteõsinykemy.

<sup>10</sup> Jiarÿ Waha-ki watxiwãhãre tule Waha waki ihÿre. Kia aõbohe tetyhynyõte rarybewãhãre, kia iximy aõkõ rarybewãhãre. Waha waki ratximyhy tii taõmydÿÿnanamy rotÿÿnyre waumy-ribi.

<sup>11</sup> Waha-ki watxiwãhãre, tule tii waki ihÿre, kia bityhynybenyke. Aõwiihikÿ rewinywãhãre õraru-ki biwatyhynybenyke.

<sup>12</sup> Inatyhytyhymy adee ararybekre: –Inyõ riwatyhynykeki, wawesele aõwiihikÿ riwinykre. Tahe watyreaõ riwinykre. Jiarÿ dori Waha-ò arakre.

<sup>13</sup> Tai wanimy aõmy bexitõenybenykeki, tii tahe ariwinykre. Iny Waha-ò wowydyna riwahinykemy idi watzireri, iRiõre wahe jiarÿ rare.

<sup>14</sup> Tai aõma wani-ò bexitõenybenykeki, tii tahe riwinykreadeereny.

<sup>15</sup> Inyõ waluukeki tii wabede ywina riywinytyhyke.

<sup>16</sup> Waha-ò arexitõenykre ijõ wiõhedÿÿdu adeereny kiditeõnykremy waderõwymy. Tii aõu aõu adeereny hyyle rarekre.

<sup>17</sup> Tii Deuxu Tyytybytyhy rare. Tii inatyhynamy rieryrenyete, iny bedede mahãdu wahe. Deuxu Tyytybytyhy ixidee ridykemy. Tuu dori robiõtyhy rieryõtyhy. Kaiboho tahe teerytenyete. Tii dori umywanareny ratximyhÿre, aworeny-ki ratxikremy.

<sup>18</sup> Jiarÿ heka ixisohojimy ararisidÿÿnyõtyhy. Jiarÿle adee adoosekre.

<sup>19</sup> Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarÿ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre.

<sup>20</sup> Kia txuu kaiboho bierybenykre jiarÿ heka Waha-ki watxiwãhãremy. Kaiboho tasÿ waki ahãtenyete. Jiarÿ tule akireny watxiwãhãre.

<sup>21</sup> Inyõ wabede ywinareny dikeki tahe, riywinykeki, waluudu rare. Waha tule iluukre. Jiarÿ tule iluutyhyre. Tamy tule arexideõsinykre.

<sup>22</sup> Judasi tamy rarybere: (aõ Isariò aõkõ kÿny, iwitxiraõ.) –Wanyrÿ, aõhekremybo wadeereny bedexideòsinykre tahe bedede bedede ludu mahãdu-ò aõkõ wahe.

<sup>23</sup> Jesuisi rarybere: –Inyõ waluukeki, wabede ywina riywinytyhyke. Waha, heka iluutyhykre. Jiarÿboho tamy adoidenykre tamysÿmy.

<sup>24</sup> Iny waluõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

<sup>25</sup> Tai arakrekoki tuu rarybereri adeereny.

<sup>26</sup> Tahe Deuxu Tyytybytyhy, awiòhedÿÿdu, tii araerynanykre ibutumy aõna aõnamy. Timybo jiarÿ adeereny raryberemy akananohõtiijaranydenykre.

<sup>27</sup> Ywina adeereny adiwahinykre waywina wahe. Iwese bedede bedede ludu mahãdu riwahinymyhÿre wese aõkõ ariwahinykre. Uritere nohõtiryẽmy brebuõmy.

<sup>28</sup> Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu.

<sup>29</sup> Kaa bedede reakoki tuu rarybereri. Tuu reakreu tahe, kaiboho biwatyhynybenykre.

<sup>30</sup> Sõwemy heka adeereny ararybeõkre, bedede dinodu dori tehemyrysÿ iòhòmy ihÿre, Satanasi wahe. Tii heka wadee iruruõhyre, riwateònyõtyhy.

<sup>31</sup> Jiarÿ Waha luure. Rewinywãhãre aõbo Waha ariwinykemy riwateranymyhÿre. Botamanyke: –Ròkòirenyke.

## 15

<sup>1</sup> Hãjutò òwòna wese wihikÿ jiarÿ rare. Waha tahe bedede rade wysydÿÿdu wese rare. Bedede òbebure iratyõkeki iò riòròke. Iratydikeki iòsòmo iribi risihere. Tai tahe sõwetyhymy nihikÿmy raratynyke.

<sup>2</sup> Kaiboho bedede rade-ò wesemy toite. Warybe-di aòsòmoreny aribireny resihemahãre. Katahe òbitimy toite bederatymy raratynkemy.

<sup>3-4</sup> Kaiboho biwamymy wadi myikre. Iwese bedede radeõ raòròõmyhÿkeki irulemy rÿikre raratynyke. Aõkõkeki ruruke. Kaiboho iwesele toite. Waki beàrenyõbenymyhÿkeki, tiu Deuxudeewimy atxibenyõtyhy.

<sup>5</sup> Jiarÿ hãjutò òwòna wese rare. Kaiboho ibede radeò wese toite. Waki beerenybenykeki, jiarÿ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy.

<sup>6</sup> Inyõ waki rariõkeki, iwese iny bedede rade rubu-di rahuleke, tii iwesele inyõ rahukre. Juhuu rimyre, idi heòty-ò rehure, tai roomyhÿre.

<sup>7</sup> Kaiboho waribi boibenyõkeki, warybe õhòti-ribi rosaõtyhykeki, aõtaxina wadee bexitòenybenykre, tai ibutumy adee ariwahinykre.

<sup>8</sup> Iwese bedede rade sõwemy raratynymyhÿre wese, kaiboho, aõna aõna wiwihikÿ biwinybenyke Deuxu dee. Kiakeki tahe Deuxu deàlàna sõwemy ritakre.

<sup>9</sup> Iwese Waha waluure wese jiarÿ aluurenyre waluuna-ribi boibenyõke.

<sup>10</sup> Wabede ywina inyõ riywinykeki, tii waluuna-ribi raõtyhy. Iwese Waha bedede ywina reywinymyhÿre wese tahe Waha luuna-ribi jiarÿ tiu rahònyõhyre.

<sup>11</sup> Wadeysana awo-ki ratxikemy jiarÿ adi watxireri. Eysana sõwemy mabekemy adi watxiwãhã. Tai tahe warybe adee rarybere.

<sup>12</sup> Wabede ywina heka kaa rare: –Wiluukemy. Iwese jiarÿ aluure wese wiluurenykemy.

<sup>13</sup> Inyõ taery dee rurukeki taluunadireki, tii luunatyhy ijòdire.

<sup>14</sup> Kaiboho wadeewi biwinybenykewana tai inatyhymy wabiòwa toite.

<sup>15</sup> Tahe aõ wadeòdumy aõkõhe araninirenykre. Kaiboho wabiòwa toite jiarÿ dori Waha-ribi raholare adee tuu relyywãhãre.



<sup>16</sup> Kaiboho tahe tiwatatenyõhyyte, jiarỹ tahe aratarenyire kaiboho boibenykemy. Sõwemy aõna aõna wiwihikỹ botỹnybenyke. Tule kia aõna aõnamy tule roihyykemy. Tai tahe aõmy Waha-ribi wani-di bexitõenybenykeki, adee riwahinyhy rareke.

<sup>17</sup> Wiluubenyke: —Kia tahe wabede ywina adeereny adiwahinyde.

<sup>18</sup> Bede ludu iny mahãdu eramy reakeki myỹ uritere nohõtiõmy juhoo dori waderamy waluuõre.

<sup>19</sup> Kai bede ludu iny tate-wana iny aluuke, tahe aõkõre. Tai tahe iny eramy reamyhỹre. Bede ludu mahãdu ribi jiarỹ aratara. Bede ludu mahãdu aõkõ tate urenana.

<sup>20</sup> Adee heka rarybere aõmybo. Uritere iribi nohõti lusaõmy kia wahe: —Deõdu tawedu ratyre aõkõ rare. Tai wadee aõbina binamy iny rotỹnymyhỹre. Adeereny tule aõmy rotỹnykremy wahe. Tiiboho warybe riywinyrenykeki, arybe tule tiiboho riywinyrenykre.

<sup>21</sup> Kia tahe adee ratỹnymyhỹre wanimy rybe õraru-ki, tiiboho dori wadeõdỹna rieryõreki.

<sup>22</sup> Tuu ararybeõre wana inihe tiiboho õrarudiõhyrenyire. Katahe rarybere tai tahe tiiboho rarybeõtyhy rieryõremy.

<sup>23</sup> Inyõ waluuõkeki, tule Waha luuõtyhy.

<sup>24</sup> Jiarỹ heka ibutuko-õ wowydyna iitxerenarenymy rewinyõrewana, tiiboho iõrarudiõhyire inihe. Tahe rewinyamahãre, tuu robimyhỹrenyire, ihãrele tahe waluuõre tule Waha luuõre.

<sup>25</sup> Kiamy heka rotỹnyre bede ywina ritidỹna-ki roireki. Tai heka tuu rotỹnymyhỹre. Kiamy wahe ritidỹna-ki roire:

—Tii heka bede õraru aõkõ rare, ihãrele tahe iluuõrenyire.

<sup>26</sup> Deuxu Tyytybytyhy adee ariteõnykre. Tii, wiõhedỹdu rarekre inatyhynamy rierynanykre. Tahe, tii kedehemynykreu wamy rarybekre.

<sup>27</sup> Tule kaiboho wamy marybebenykre, wawana hyy ahãtenyteki.

## 16

<sup>1</sup> Kiamy adee rarybemahãre õraruna-txi ixekemy.

<sup>2</sup> Tiiboho heka anatakre tohodỹna hetowo-ribi. Kobe, bede dỹnana iõhõmy kadeakreu inyõ anarubunykeki, kia Deuxudeewimy tuu konohõtinkyre. Tii Deuxu wiõhedỹdu raremy ixi-di kõnohõtinkyre.

<sup>3</sup> Tiiboho Waha rieryõhyomyhỹrenyire tule riwaeryõmyhỹre. Tai tahe kiamy adeereny rotỹnymyhỹrenyire.

<sup>4</sup> Iu adeereny aõmydỹnana kedehemynykreu, õhõtireny itxi reake timybo adeereny relyyretxi. Tiu heka tuu rarybeõhyire, umywanarenhyhy dori wãhãre.

<sup>5</sup> Katahe arakre wadeõdỹdu-õ. Kaiboho bỹraxybenykekõ aõbo tiobo arakre-õ.

<sup>6</sup> Kaiboho heka tabedewomy toite kamy rarybereriki.

<sup>7</sup> Ihãrele tahe inatyhymy adeereny ararybekre: —Adeereny awikre arakreki wahe. Jiarỹ araõkeki awiõhedỹdu, Deuxu Tyytybytyhy kanaõkre. Arakeki tahe tii aditeõnykre adeereny.

<sup>8</sup> Iu kanakreu, tii inydee kiditeõsinkyre irayky binadiremy, iõbitina-di aõkõremy, iõrarunadiremy. Deuxu dori õrarudu riywisidỹnykre.

<sup>9</sup> Taõraruna ixidee kiditeõsinkyre tiiboho riwatyhynyõrenyriki.

<sup>10</sup> Tahe ixidee kiditeõsinkyre. Jiarỹ iratyre waõbitina direki. Waha-õ dori arakre, wamy bobibenyõtyhykemy.

<sup>11</sup> Deuxu ixiywisidỹna ixidee kiditeõsinkyre kabede dinodu dee rarybere tii rexi-hukremy.

<sup>12</sup> Jiarỹ heka sõwemy adee ararybekemy watxireri, ibutumy tahe isiramy ixidee bohohabenyke.

<sup>13</sup> Txiòhe rare. Deuxu Tyytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre.

<sup>14</sup> Tii waaõmydỹnana adeereny ritỹnynykre. Tai kidiwatoosõnanykre.

<sup>15</sup> Ibutumy Wahahõrõ heka wahõrõ rare. Tai heka tuu adeereny rarybereri waaõmydỹnana adeereny kiditynynykre.

<sup>16</sup> Urihimyò riòre heka waõkre, idi tahe ixityre wamy bobibenykre.

<sup>17</sup> Tahe ijõ ierydỹna mahãduõ widee rarybere: –Timybo tii rarybere: –Urihimyò iõkremy tii rarybereri, tule ixiryre wamy bobibenykre. Tule Waha-ò arakre. Timybo heka rieryrenyõhyre aõmybo rarybera.

<sup>18-19</sup> Tiiboho Jesuisi-ò rỹraxyrenykre ratxirenyreri. Tahe Jesuisi rierymyhỹre tuu rỹraxykre. Tahe Jesuisi tamyreny rỹraxyre: –Kaimy ixidee tỹraxytenyteri. Wanamy waõkesenalemy.

<sup>20</sup> Inatyhymy adeereny ararybekre: –Iny bede mahãdu urile reysakre, kaiboho tahe araeryrenyra urile mahinybenykre, birajuabenykre, mabedewobenykre. Idi tahe kaiboho beysabenykre.

<sup>21</sup> Iwese hãwyy iijera iòhòreki, rabedewomyhỹre, taaõhõkỹmydỹnana-di rõhõtinyhỹre. Idi tahe reamyhỹre. Iu tahe tõhõti rosamyhỹre tohouã tỹmyradile reysamyhỹre.

<sup>22</sup> Iwesele kaiboho mabedewobenykre, ixityre wamy bobebenykre tahe, kaiboho beysabenykre. Inyõ heka deysana aribireny ritaõtyhy.

<sup>23</sup> Kiatxu tahe uritere watỹraxydỹõmykre inatyhymy adeereny rarybereri. Waha-ribi aõmy bexitõenybenykeki. Tii adeereny kidiwahinykre wani õraru-ki.

<sup>24</sup> Tiu heka aõmy texitõenytenyõmahãte wani-di. Bexitõenybenyke, tai bitabenykre. Tai tahe kaiboho beysabenykre.

<sup>25</sup> Ibutumy rybewõtemy adeereny rarybewãhãre wahe. Idi tahe tuu adeereny ararybeõkre. Idi tahe itỹnytyhymy Waha aritỹnynykre adeereny.

<sup>26</sup> Kiatxu tahe bexitõenybenykre wani-di jiarỹ ararybeõkre umyreny Waha-ò.

<sup>27</sup> Waha dori aluurenyre, kaiboho waluurenyreki, Deuxu-ribi anade tetyhynytenyteki.

<sup>28</sup> Waha-ribi anade, bede-ò adehemynyde ihãrele bede-ribi arakremy Waha-ò.

<sup>29</sup> Jesuisi ierydỹna mahãdu rarybere: –Wiji tahe itỹnytyhymy tarybeteri. Rybewòte-di aõkõ tarybeteri.

<sup>30</sup> Kai ibutumy teeryte. Inyõ dỹraxyõmy adee. Kai inatyhymy Deuxu-di tanate. Kia jiarỹboho retyhynyrenyre.

<sup>31</sup> Tahe Jesuisi tamy rỹraxyre. Inatyhymy wijityhyle tetyhynytenyta.

<sup>32</sup> Wabededỹnanamy heka reara. Kaibohoõ sohoji sohojimy tasỹ tasỹ-ò rakre. Biwaribenykre ixi sohojilemy arỹikre. Tahe ixi-wana aõkõ watxikre, Wahawanale arỹikre.

<sup>33</sup> Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkỹmy botỹnybenykre. Ihãrele beysabenyke, Jiarỹ heka Deuxu òludu mahãdu-di rõtara.

## 17

<sup>1</sup> Jesuisi rarybemy rahudi tahe retehere biu-ò rarybere: –Waha, wabededỹnanamyhe reara. Ariòre watxiwãhãre. Wowydyna wadee biwahinyke tai tahe adee wowydyna adee ariwahinykre.

<sup>2</sup> Kai, Waha, ibutumy wadee ruruna tewahinyta iny deòdỹnamy. Tai umytuedeõna ariwahinykre biu-ò hedu mahãdu-ò.

<sup>3</sup> Kia heka umytuedeõna rare: –Deuxu inatyhy tate sohojihyy tate. Tii araeryrenykeki tahe eòdỹna Jesuisi Kristu rieryrenykeki. Kia umytuedeõna rare tamyreny.

<sup>4</sup> Aõ aõmysÿdÿÿnabo wadee tewahinyte, ibutumy adee rewinyre. Tai heka arawowy-dynyra kabede-ki.

<sup>5</sup> Iu bede rexidelenyreu umywanahyy rarewãhã. Sõwemy loosõna nihikÿ-di rawãhãre. Tahe wiji, Waha, kia loosõnale ixityre bidiwahinykre umywanahyyemy ararekre.

<sup>6</sup> Kai iny mahãduõ wadee tewahinyte bede mahãdu-ribi. Tamyreny umy rarybe-mahãre. Juhu tiiboho ahõrõ roire. Idi wadee tewahinyte. Tiiboho arybe riywinymhÿre.

<sup>7</sup> Ibutumy waaõmydÿÿna aribi retamahãre. Kia heka wiji tiiboho rieryrenyra ibutumy aribi nade.

<sup>8</sup> Aõrybebo wadee tewahinytamy tamy rarybemahãre. Tiiboho rityhynyrenyre, rieryrenyre aribi jiarÿ anade, kai wateòdÿÿdu tate.

<sup>9</sup> Iòraru-ki adee rexitòenyre. Tiiboho amahãdu roire. Wadee tewahinyte, bede mahãdu-ò raru-ki aõkõ adee rexitòenyre.

<sup>10</sup> Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymhÿre.

<sup>11</sup> Jiarÿ adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunykre, wadee tewahinyteki. Tai tahe iraykyreny wiwesehyymy roirekre.

<sup>12</sup> Tiiboho-wana rarewãhãu ani òraru-ki reyrubunymahãre, wadee tewahinyteki. Timy heka reõnonyõhyre ijõ, sohojile tahe reõnonyre. Juhuu dori Ritidÿÿna roire ijõ sohojiõ ariõnonykremy. Ihyy tahe reõnonyre, Judasi Isariò õnodÿÿduhyymy rarekre.

<sup>13</sup> Ka tahe arakre arora-ò. Tii heka inyõ rarybemahãre ibutumy wadeysana iworeny-ò ralòmhyhÿkemy.

<sup>14</sup> Jiarÿ arybe tamyreny rewahinymahãre. Bede mahãdu iny dori terarenyre, tiiboho bede mahãdu iny aõkõ roireki. Iwese jiarÿ bede ludu hãbu aõkõ rare wese.

<sup>15</sup> Bede-ribi tarasamy aõkõ heka adee rexitòenyre. Urile ibina bina widÿÿ-ribi biyrubunykemy.

<sup>16</sup> Tiiboho tahe wiji ijõ bede witxira ludu roire, iwese jiarÿ rare wese, wahe.

<sup>17</sup> Arybe-di tiiboho biòbitinyke, tai ahõrõ mahãdumy rarekre. Arybe dori òbitityhy rare.

<sup>18</sup> Iwese bede iny-ò tadiwateònyte wesemy, Jiarÿ tiiboho reteònyre bede ludu mahãdu-ò rarybekremy.

<sup>19</sup> Tamyreny xiwena wesemy adee arexiwahinykre. Òbitihyymy ararekre, tai tiiboho òbitihyymy roirekremy inatyhyna-di.

<sup>20</sup> Aõ tamy sohojile aõkõ heka rexitòenyre. Ibutumy kia rityhynymy rÿirakre-ò dori rexitòenyre.

<sup>21</sup> Tai tahe ibutumy wiwese wesemy rõhõtynyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahãdu rityhynykre ateòdÿÿna watxireri urenana.

<sup>22</sup> Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy.

<sup>23</sup> Jiarÿ taireny wãhãre, kai waki ahãte. Tai tahe inyboho butuhyymy rokoirekre. Wii riòbitinymhÿrenykre. Tai bede mahãdu rierykre tadiwateònyteki. Tule wamahãdu luu tate urenana Waha, iwese waluure wese.

<sup>24</sup> Waha, titxibo ararekre, tiiboho wawanahyyemy roirekre, wamahãdumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinyte.

<sup>25</sup> Waha òbiti, bede mahãdu araeryõre Jesuisi tahe araeryre. Wamahãdu tule rieryre tadiwateònyte.

<sup>26</sup> Jiarÿ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarÿ taireny ararekre.

## 18

<sup>1</sup> Jesuisi rexitòenymy rahudi tahe roirenyre taerydỹỹna mahãdu-wana Cedrõ beàwe-ribi kowa ijà-ò heka reuròrenyrene, tahe bederaty oworuro-ò rirònyrenyrene.

<sup>2</sup> Judasi heka Jesuisi tyhedỹỹdu heka ibede rieryre, Jesuisi dori taerydỹỹna mahãdu-di tamy rahyymyhỹre.

<sup>3</sup> Tahe Judasi, soldado mahãduõ tadinodu-wana ributunyrene. Fariseu mahãdu-ribi xi-wena wedu wahidỹỹdu-ribi Judasi soldado yrubudỹỹdu mahãdu rihitxinyrene tule xiwena deòdu mahãduõ rihitxinyrene tii-wana rakremy roirenyrene. Tahe tamy ritehemynyrenyrene tòbòra heòty-wana.

<sup>4</sup> Jesuisi rexieryre ibutumy aõmybo tamy kodotỹỹnykre. Tahe iny mahãdu-ò rexidorunyrene. Tahe rỹỹraxire tamy: –Mowe teijetenyteri.

<sup>5</sup> Tahe dirawyònyde: –Jesuisi Nazare hãwã ludu reijereri. Tahe Jesuisi rarybere: –Jiarỹ wa tiile rare. Tahe Judasi ityhedỹỹdu tii mahãdu wanale nade.

<sup>6</sup> Jesuisi tamyreny rarybereu, tahe rexilòhòrarienyrene iribi, tahe suòle reserenyrene.

<sup>7</sup> Ixityre Jesuisi tamy rỹỹraxire: –Mowe teijeteri.

<sup>8</sup> –Jesuisi Nazare hãwã ludu, tiiboho dirawyònyde. –Rarybera tahe jiarỹ raremy wahe. Tiwaijeteri-wana tahe biwadyke urile ixinamy waijoi rirahuke.

<sup>9</sup> Kawesemy wahe irybe hitxina wadee tewahinyteõ heka tiu reõnonyõhywãhãre. Jesuisi, kiamy rarybere tamyreny irybe hitxina wesemy ibutumy tuu rotỹỹnykremy.

<sup>10</sup> Tahe Pedro tamaydese ritamy reare tahe xiwena wedu deòdu riwotõmonyrene. Malòò heka inire. Pedro Malòò nohõti riorore ruruwe-ribi ludu wahe.

<sup>11</sup> Jesuisi rarybere Pedro-ò: –Amaydese birutyke. Jiarỹ Waha deewimy aõhebo arotỹỹnykrekõ aõbo wadi tahõtinyteri. Aõhõkỹmy arotỹỹnyõkemy aõbo wadi tahõtinyteri.

<sup>12</sup> Tahe soldadu, tadinodu-wana, judeu yrubudỹỹdu-wana Jesuisi rimyrene ritaataamy ridyre.

<sup>13</sup> Kia beòra Kaifa xiwena wedu tyhy rare. Anasi iriòre labie rare. Tai tahe juhoo Ana-ò ridyre.

<sup>14</sup> Kaifa tahe juhoo judeu mahãdu-ò rarybere: –Wiji beòramy hãbuõ iny mahãdu òraru-ki rurukremy rahõtinyreri.

<sup>15</sup> Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore òtity ijòrore-di.

<sup>16</sup> Pedro tahe ahanakile rỹire. Kia Pedro-wana rare. Rohonyrene hetowo-ribi hetoijò-di itxeredu-ò rarybere, tahe Pedro ridyre hetowo-ò.

<sup>17</sup> Kia ijadõma, heto ijò-di itxeredu rarybere Pedro-ò: –Kai Jesuisi erydỹkỹna mahãdunokõ anobo tate. Tahe Pedro dirawyònyde: –Aõkõre.

<sup>18</sup> Tahe soldado yrubudỹỹdu tai rahetòmỹ rỹimyhỹ, heto ludu deòdu mahãdu-wana txutàtà riki. Pedro iyrenykile rỹimyhỹ rahetòmỹ.

<sup>19</sup> Tahe xiwena wedu tahe Jesuisi-ò rỹỹraxire. Aõhebohe aerydỹỹna mahãdu-wana tadotỹỹnymahãte. Timybohe tebedeerynymahãte.

<sup>20</sup> Tahe Jesuisi ritỹnyrene: –Ibutumy inyko relyymahãre iwasimy aõkõ heka relyymahãre. Judeu dohodỹỹna hetokile relyymahãre Deuxu dohodỹỹna heto-wana. Titxibo judeu mahãdu ributunymyhỹremy relyywãhãre.

<sup>21</sup> Tai aõherekibo wadeele tỹỹraxiteri. Myỹraxike wadee ijohonadu-ò. Tiiboho ka rieryrenyrene aõmybo rarybere.

<sup>22</sup> Jesuisi kia rarybereu, soldadu itxereduõ rihetenyrene. Tahe rarybere: –Tu heka rybeõmyke xiwena wedutyhy-ò.

<sup>23</sup> Jesuisi dirawyònyde: –Jiarỹ ibinamy aõmybo rarybera-wana, manarybeke tuu. Aõkõkeki, awimy rarybera-wana aõherekibo tiwahetenyrene.

<sup>24</sup> Anasi tahe Jesuisi ridykemy riteònyrene tataanadihyyle Kaifa-ò, xiwena wedutyhy wahe.

<sup>25</sup> Kowa tahe Simaõ Pedro ratximyhÿre rahetòmÿ rÿimyhÿ. Inyõ rÿÿraxire: —Kai aõbo ierydÿÿna mahãduõ tate. Tahe rexitxiõnyre. Jiarÿ ijõ aõkõ rare.

<sup>26</sup> Xiwena wedu deòduõ Pedro-ò rÿÿraxire: —Tii heka Pedro ritõhõtiorore ijoiõ rare. Tahe tamy rarybere: —Umy taheka rabire tii-wana bederaty oworuro-ki atximahã-ò.

<sup>27</sup> Pedro ixityre rexitxiõnyre. Aõwesele tahe hãnie hãbu robure.

<sup>28</sup> Idi tahe Kaifa heto-ribi Jesuisi ridyrenyire ywisidÿÿna-ò bede dinodu heto-ò rudi-  
ulere. Tiiboho rirõnyõhyre brebuna-di rexisunyrenyheny. Rirõnyrenykeki, tahe Pascoa  
worana bedehesi rÿsÿnaõ rirÿsÿõtyhy. Tiiboho dori rõhõtinyre rirõnykeki, brebuna  
raremy.

<sup>29</sup> Tahe Pilato ròhònÿre tamy rarybekremÿ: —Tahe Jesuisimÿ tamy rÿÿraxire kia  
hãbumÿ terajuatenÿteri aõhebohe rotÿÿnyra.

<sup>30</sup> Tahe dirawyònÿde: —Aõbibina binamÿ rotÿÿnykõhyra wana inihe aridyrenyõhyreri.

<sup>31</sup> Tahe Pilato rirawyònÿre: —Bidyke abede ywina rybe-di biywinyke. Tahe judeu  
mahãdu rarybere: —Wabede ywina rybe warubudÿÿmy rybe aõkõ rare. Inyõ heka  
arirubunyrenyõtyhy.

<sup>32</sup> Kia rybe tahe Jesuisi rybe wesemy rare. Tii dori iximÿ rarybere timybo rurukremÿ.  
Tai timybo irybe hitxina wesemy raryberemÿ ibutumÿ rarekre.

<sup>33</sup> Ixityre Pilato ralore ywisidÿÿna-ò Jesuisi-ò rÿÿraxire: —Kai aõbo judeu mahãdu Iòlò  
tate.

<sup>34</sup> Jesuisi ritÿÿraxinyre: —ÿraxina aõbo ahõrõ rare ada ijõ aõbo wamÿ kia rarybere.

<sup>35</sup> Tahe Pilato rarybere: —Jiarÿ wa judeu mahãdu aõkõ wãhãre. Aõbinatyhymÿ aõbo he  
tewinyte. Judeu mahãdu wadee tiwadyte.

<sup>36</sup> Jesuisi dirawyònÿde: —Waiòlòna hãwã bede ludu aõkõ rare. Waiòlòna kaki ratxikeki  
wamahãdu wadee raaõbinanyke. Tai tahe judeu mahãdu-ò riwawahinykemÿ aõkõ  
watxiwãhãre. Tahe aõkõre kabede ludu aõkõ Waiòlòna rare.

<sup>37</sup> Pilato tahe rarybere: —Kai aõbo inatyhy iòlòmÿ tate. Tahe Jesuisi dirawyònÿde: —Kai  
ka wamÿ tarybeta. Kia-ò uludumÿ anade. Kia-ò anade, inatyhynamÿ arelyykemÿ. Inyõ  
inatyhynamÿ luukeki warybe-ò roholamÿhÿre.

<sup>38</sup> Tahe Pilato rÿÿraxire: —Aõbo inatyhyna rare. Ta rybe rahudi tahe judeu mahãdu-ò  
rarybekemÿ rare. Tiu kÿny kahãbu-ki aõ ibinamÿ tai rahaõhyra.

<sup>39</sup> Inyõ ariteònykemÿ watxireri kaiboho wadi tõhõtinyhytenÿteri ka woranabede-  
hesi-ki. Tahe judeu Iòlò aõbohe ka ribi ariteònykre ywihyyle.

<sup>40</sup> Tahe ixityre ibutumÿ ryryrenyire: —Kia hãbu aõkõre, Baraba biteònyke (Baraba heka  
hãbu debore wasidu rare.)

## 19

<sup>1</sup> Idi tahe Pilato Jesuisimÿ rerotiyhyta-di raòhòtekremÿ soldado mahãdu riteranyre.

<sup>2</sup> Soldado mahãdu edehékÿ rataanadile ira-ò ritidire, iumÿ tahe tylÿrehekÿ-di ri-  
tyynyre iòlòtywesekemÿ.

<sup>3</sup> Tamy rehemynymÿhÿre: —Aõherebo iòlòtyhy wesena, tahe rihetenyrenyire.

<sup>4</sup> Pilato tahe ixityre ròhònÿmÿ iny-ò rarybekemÿ: —Ixityresÿ adeerenÿ redyreri.  
Bierybenyke. Aõ heka tai ibinaõhyymÿ idi retehewãhãre.

<sup>5</sup> Tahe Jesuisi ròhònÿre ede rataana-di tylÿrehekÿ-di. Tahe Pilato tamy rarybere: —  
Kakÿnyhe tiire.

<sup>6</sup> Tahe xiwena wedu mahãdu, yrubudÿÿdu mahãdu tuu robireu, ryryrenyire birubun-  
ybenyke, itxeò dee bitamadÿÿnyke. Pilato rarybere: —Kaibohole itxeò-di bita-  
madÿÿnybenyke. Jiarÿ tahe tai ibinamÿ aõki rahaõhyymahãre.

<sup>7</sup> Tahe judeu mahãdu rarybere: —Jiarÿboho kÿny wabede ywina renydire. Rurukemÿ  
heka tuu bede ywina roireri, tii dori Deuxu Riòremÿ rexinimÿhÿre.

<sup>8</sup> Pilato kia-ò roholareu tahe, ruberutyhyre.



<sup>9</sup> Ixityre ralore ywysidỹna heto-ò: —Rarybere Jesuisi-ò, tiribi wexe tanate. Jesuisi rirawyònyõhyyre.

<sup>10</sup> Tahe Pilato rarybere: —Bidiwarawyònyõkre aõbo. Jiarỹ warurudire anarubunyke aõbo ada arateònyke aõbo.

<sup>11</sup> Jesuisi rirawyònyre: —Aruru-di aõkõ tate. Deuxu kidiwahinykekile tahe biwateònyke ada biwarubunyke. Tai tahe adee wawahidỹdu aratyre iòraru dire.

<sup>12</sup> Tai tahe Pilato iteòdỹmy rurure. Tahe judeu mahãdu tamy ryryre: —Kai biteònykeki tahe, Iòlò Cesar biòwa aõkõ tate.

<sup>13</sup> Kiarybe-ò Pilato roholareu tahe, Jesuisi diòlòdỹnyde ahana-ò. Pilato tahe ywisidỹna ryna-ò rexisỹnyre. Kia ubeni heka Rirana Ijàti inire. Tahe judeu rybe-ki heka Kabata inire.

<sup>14</sup> Pascoa worana bedehesitxu sexta feira rỹire. Txutye iòhòmy tahe bede rỹire. Tahe Pilato rarybere judeu mahãdu-ò: —Betehebenyke aiòlòreny-ò.

<sup>15</sup> Tahe tiiboho ryryreny. Bidybenyke! Itxeònihikỹ-ò birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire.

<sup>16</sup> Tahe Pilato Jesuisi tamyreny riwahinyre rirubunyrenyemy.

<sup>17</sup> Tiiboho heka Jesuisi ridyreny. Iitxeò tamy riwahinyre idi retyykremy. Tahe Kalvari-ò idi ridymy rare. Kalvari heka Kòkòta inire judeu rybe-ki.

<sup>18</sup> Tai itxeò nihikỹ dee ritamadỹnyre ijõ hãbu inatxiò-wana Jesuisi itxeònihikỹ itya-ki rỹire. Hãbu wiò wiòmy idi rỹire.

<sup>19</sup> Pilato riritinyre ritidỹna-ò Jesuisi tyre-ò ritidire. Kawesemy ritidỹna roire: —JESUISI, NAZARE HÃWÃ LUDU, JUDEU MAHÃDU IÒLÒ.

<sup>20</sup> Hãwã-ribi ireheriòremy roire. Tai tahe sòwemy judeu mahãdu tuu robire iritidỹnamy. Inataõ rybemy wixira riti heka inataõmy roire. Judeu rybe ijõre, latim rybe ijõre, grego rybe ijõre.

<sup>21</sup> Judeu xiwena wedu mahãdu Pilato-ò rarybere: —Judeu mahãdu Iòlò rarybere: —Iritidỹõmyke wa. Kawesemy biritinyke: —Tii rarybere judeu mahãdu Iòlò raremy.

<sup>22</sup> Tahe Pilato dirawyònyde: —Iwese reritinyre wesemy rarehykre.

<sup>23</sup> Soldado Jesuisi itxeònihikỹ-ò ritamadỹnymy rahudi tahe, ity ritxuatxwakremy diwyde. Inaubiòwa heka riywinyra. Wirarea riwykremy soldado mahãdu idi rỹireri. Iyhixena tahe iretydyna-di aõkõ rare.

<sup>24</sup> Tahe ijõ widee rarybere: —Iyreyredỹrenyõmyke wa urile ta idi rikihurenkyre mobo ritakremy. Kia ryberiti-ki tuhyy roire:

—Watyy ritxuatxware ijõ yre wimy riywinyreny. Tule wayhixena tyre-ki rehurenkyre mobo ritakremy. Tahe iwese Tyyriti rarybere wese, soldadu mahãdu ibutumy aõhebo risỹnyre.

<sup>25</sup> Inaubiòwa hãwyy retehemy rỹimyhỹ Jesuisi itxeònihikỹ iòhòmy. Jesuisise taseriòre-wana, Marie Madalena ijõre, Klopa hãwyy ijõre.

<sup>26</sup> Jesuisi tadimy robireu, Joaõ, taerydỹna luunadu bire-ki, tahe rarybere: —Nadi beteheke wa kowa ariòre rare.

<sup>27</sup> Tahe Joaõ-ò rarybere: —Kaa adi rare. Ierydỹna Joaõ tahe ridyre taheto-ò tai rasỹnykemy.

<sup>28</sup> Jesuisi tahe rieryre ibutumy rexihuramy tahe rarybere: —Ariõkemy watzireri. Kaimy heka rarybere aõbo Ritidỹna-ki roire riwinykemy.

<sup>29</sup> Tai tahe vỹ mona silỹnyhỹkỹ-ki raharenkyre. Tahe Jesuisi-ò iwereheni wese-ò rituunymy idi riteònyre iry-ò teòdimy.

<sup>30</sup> Jesuisi tuu riòre idi tahe rarybere: —Ibutumy Waha aõmysỹdỹna rexihumy roire. Tahe ròtiòròmy resere iule ta rurure.

<sup>31</sup> Kia sabadotxu heka worana bedehesitxu nihikyõ rare, brebuna rare. Tai tahe hãbu rubu itxeò-ki ririkõkemy tuu rarybemyhÿre. Tai Pilato-ò judeu mahãdu rexitòenyre hãbuti riòròmy riteònykemy, itxeò-ribi ritakemy.

<sup>32</sup> Tahe soldado mahãdu hãbuti wiòle riorore.

<sup>33</sup> Jesuisi tahe rurumy roireki iti riòròõre.

<sup>34</sup> Soldadoõ tahe Jesuisi-ki rojyre iweki tahe hãlubule rohonyre bewana.

<sup>35</sup> Kia tuu rabire tahe òbitimy tuu jiarÿ rarybere, Joaõ wahe. Waritidyÿna inatyhy raremy, reeryre. Kaiboho bityhynybenykemy, adireny watzireri.

<sup>36</sup> Kaheka ibutumy iritina hetxina tuu rarybere heka ibutumy tuu rotÿÿre. Kia wesemy roire: –Iti riòròõkre, sohoji aõkõ.

<sup>37</sup> Ijõ iritinaõ kawesemy roire:

–Riorenkyre tñori-di idi reteherenykre tamy.

<sup>38</sup> Jyje heka Arimatea hãwã luduõ rare. Idi tahe tii Pilato-ò rexitòenyre Jesuisi umymy rituunykemy. Tii heka Jesuisi heluduõ rare. Judeu mahãdu lau ruberumyhy tai Pilato-ò rare wasimy.

<sup>39</sup> Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rummy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sòwemy, 45 urihixinamy riutxienanyre.

<sup>40</sup> Tahe Jesuisi umy tyky jurarehe-wana ritÿtenyre aderòna wanahyyle. Kawesemy dori judeu mahãdu iny rituunymyhyre.

<sup>41</sup> Itxeòalamana-ribi bederaty oworu iòhòmy roire. Ityi-ki tahe wabede tamyra roire. Mana hãloo rÿire tai heka moo rawabedenyõhyre.

<sup>42</sup> Tai tahe rawabedenyre iòhòreki, tule judeu worana bedehesina txumy roireki.

## 20

<sup>1</sup> Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rÿiremy idi retehere.

<sup>2</sup> Tahe raijaranyre Simaõ Pedro-ò, ijõ Jesuisi luunaduõ wahe, Joaõ-ò, jiarÿle wahe. Tahe wadeereny rarybere: –Wahÿ tahe hãlokowoku-ribi ritakarenrya. Titxibo ritidira, rekerykõre.

<sup>3</sup> Pedro tahe ròhònyre, Joaõ-wana wabede-ò roire.

<sup>4</sup> Wiwana raijaranyre tahe jiarÿ Pedro ratyre raijaranyre tamy. Jiarÿle heka juhu tamy rehemynyre.

<sup>5</sup> Tahe rawebesere iwo-ò itxeremy. Irahanalemy rabire. Ta ralòõhyre tamy.

<sup>6</sup> Idi Pedro rehemynyre ralore tamy. Tule irahanamy robire.

<sup>7</sup> Jesuisi rati rasirahana rihitxinymy roire ixiwanale.

<sup>8</sup> Tahe jiarÿ juhu rehemynyre tahe Pedro hewomy ralore. Tuu robire, retyhynyre.

<sup>9</sup> Tiiboho dori ritina rieryrenyre ihãre tahe rierytyhykõlerenyre. Jesuisi rubu-ribi rexiixixanykemy ritina roire. Tii tahe rierytyhykõlerenyre. Tahe wiji rieryrenrya.

<sup>10</sup> Tahe ixiby raòkeserenyre inyhetoreny-ò.

<sup>11-12</sup> Marie tahe robumy wabede-ribi iòhòmy rÿire. Rawebesere tahe wabedewo-ò itxeremy. Inatxi ÿjumy robire iwo-ki itykyuramy roimyhÿ. Ijõ heka rÿmy rononymhÿ Jesuisi ratiherina tyre-ki. Ijõ tahe iwaherina-ki rononymhÿ. Jesuisi umy tahe iõre.

<sup>13</sup> Tahe ÿju Marie-ò rÿÿraxire: –Hãwyy, aõherekibo tabureri. Rirawyònyre: –Wahÿ kumy dokuri riwumy ramyhÿre. Rekerykõre titxibo ritidira.

<sup>14</sup> Iu rarybereu tahe tahewoòle roosere. Jesuisimy robire rÿimyhÿò. Tii heka rieryõhyymyhÿ tii Jesuisi raremy.

<sup>15</sup> Tahe Jesuisi rÿÿraxire: –Hãwyy aõmybo tabuteri, mobo teijeteri. Bederaty oworu ywidÿÿdu raremy heka tii ròhòtinyre: –Tahe dirawyònyde: –Wahÿ, kai anobo karibi tetakata-wana wakoku tuu belykyke. Tahe jikarÿ karikorykemy.

<sup>16</sup> Tahe Jesuisi tamy ryryre: –Marie! Marie rokesemy reare riijemy: –Wahĩ, erydỹkỹdu! (Tii hebraika rybe tuu rarybere: –Raboni, wahe.)

<sup>17</sup> Jesuisi rarybere tamy: –Waroorehedỹỹõmyke wa. Waha-ò dori raõlemy wãhãre tahe arakre. Kai tyhydỹỹdu seriõre-ò makre tamy rybemy. Jesuisi rarybere kawesemy: –Arakre inytybyreny-ò, iny Deuxureny-ò.

<sup>18</sup> Idi tahe rarybere erydỹỹna mahãdu-ò Wanyrỹmy rabira. Marie Madalena relyyre timybo raryberamy.

<sup>19</sup> Semana juhu ludu txuu, txioromy heka Jesuisi erydỹỹna mahãdu wii ributunymy rỹimyhỹ hetowoõ-ki. Ibutumy ijò ritòbòtòbònyra judeu mahãdu lau brebumy. Jesuisi tahe nade iyreny-ò rexitỹnyre. Rarybere: –Ywina araykywo-ki atxikemy idi watzireri.

<sup>20</sup> Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarenyre Jesusimy robireki wahe.

<sup>21</sup> Ixyby tamy Jesuisi rarybere: –Ywina araykywo-ki rarekemy idi watzireri. Iwese Waha diwateònyde wese tule arateònykre.

<sup>22</sup> Iu tahe ribunymy rarybere: –Deuxu Tyytybytyhy tetateri.

<sup>23</sup> Inyòrarunaõ biixãwididỹỹnykeki tule kia òraruna ariixãwidinyke. Tule aõkõkeki, ijõ òraruna biixãwididỹỹnyõkeki, kia tule ariixãwididỹỹnyõke.

<sup>24</sup> Tome (Inatxina iniõre) tii waòinatxi reurò mahãduõ rare, tahe tairenyõre heka Jesuisi nadeu.

<sup>25</sup> Jesuisi erydỹỹnaõ rarybere: –Wanyrỹmy rabirenyra. Tahe Tome tamyreny rarybere: –Retyhynyõre kỹnyhe.

<sup>26</sup> Semana sohoji bededỹỹnanamy idi rỹire, ixyby wii ributunyre Jesuisi erydỹỹna mahãdu. Iu tahe Tome tii mahãdu-wana ratximyhỹ. Ijò ritòbòtòbònymy rỹimyhỹ. Tahe Jesuisi nade iyreny-ò. Tamyreny rarybere: –Ywina-di araykywo-ki atxikemy idi watzireri.

<sup>27</sup> Tahe Jesuisi Tome-ò rarybere: –Betehe inihe wadebòrurena-ò ebò inihe tamy biditidike. Tule wawerurena-ò ebò biditidikre. Itxiõdỹỹõmyke wa, bityhynyke.

<sup>28</sup> Tome tai dirawyònyde: –Wanyrỹ, waDeuxu.

<sup>29</sup> Tahe Jesuisi rarybere: –Tome, kai aõbo biwatyhynykre wamy tabiterikile. Sõwemy deysana inyõ kanakemy wãhãre tiiboho dori wamy robiõre hãrele riwatyhynyrenyre.

<sup>30</sup> Jesuisi heka sõwemy aõwihikỹbo riwinyre. Ierydỹỹna mahãdu heka kia aõmybo robire. Kia aõmydỹỹnana heka ihoõre kaki iritina-ki.

<sup>31</sup> Kaa ritidỹỹna reritinyre Jesuisi Kristumy rare. Deuxu deòdỹỹna rare. Kia bityhynybenykemy wahe, Deuxu Riõre wahe tetyhynyteri-wana tahe umytuedeõna bitakre, ini òraru-ki wahe.

## 21

<sup>1</sup> Iribi tahe Jesuisi rexitỹnyre Tiberiade ahohokỹ ijà-ki. Kia wesemyre heka.

<sup>2</sup> Ibutumy heka juhu rỹimyhỹ: –Simaõ Pedro, Tome Didimo iniõre, Natanaeli. Tii Kana hãwã ludu rare, Kalileia bedeki. Zebedeu riõreboho ijõre, inatxi Jesuisi ierydỹỹnaõ ijõre. Rarekie.

<sup>3</sup> Tahe Simaõ Pedro rarybere tamyreny: –Rià teredỹỹmy arakre. Imahãdu rarybere: –Jiarỹboho aroirenykre ahemy. Tahe roirenyre hãwò-di. Aõhomy aõkõ ruu idireny nade.

<sup>4</sup> Tahe bedeki ratỹnyrau heki Jesuisi ãnyrakile ratximyhỹ. Ierydỹỹna mahãdu tahe rieryõhyymyhỹre.

<sup>5</sup> Jesuisi ryryre tamyreny rỹỹraxire: –Ijoi moõ rokoreny. Utura aõbo temytenyta? Rirawyònyre: –Aõkõre wa.

<sup>6</sup> Kaiboho biterebenyke rurunawe-ribi taita bimybennykre. Tahe riterenyre sõwemy rautxienyre iriã heka ritusinyõhyymyhỹrenyre utura sõwerekiki.

<sup>7</sup> Kia ierydỹnaõ Jesuisi luunaduõ rare jiarỹ, Joaõ wahe. Jiarỹ tahe Pedro-ò rarybere: –Inynyrỹle wa rare. Pedro Jesuisi raramy roholareu, tatyky tawetyamy ritaamy tamy resere, tade hekỹlemy rareki. Tahe resere bera-txi tamy rakremy.

<sup>8</sup> Ijoi mahãdu rià-di narurunymy nade utura sõwerekí. Tahe 100 urihixinamy ýnyra-ribi ratximyhỹreny.

<sup>9</sup> Ýnyra-ò rejuxunyreu tahe, robirenyre heòtymy obiurawo-ki. Orotxu tule tai rỹire.

<sup>10</sup> Jesuisi tamy rarybere: –Uturaõ bidiwybedenyke wiji temytenytaõ. Simaõ Pedro hãwororable rià-di rarurunyre. Sõwemy heka tai utura nihikỹ rỹimyhỹ, 153 wahe. Ihãre tahe rià raòròõhyre.

<sup>11</sup> Tahe Jesuisi rarybere: –Manake hewa biroxiবেনyke.

<sup>12</sup> Ibutumy ierydỹna mahãdu rieryre tii inynyrỹreny raremy. Tai tahe inyõ rỹrãxiõhyre: –Mobo tii raremy.

<sup>13</sup> Tahe Jesuisi orotxu rimyre. Tamy riwahinyre. Ixiyrubule utura tamy riwahinyre.

<sup>14</sup> Kia tahe ihewotyhymy Jesuisi rexideòsinyre taerydỹna mahãdu-ò, rubu-ribi dexix-ade hewomy wahe.

<sup>15</sup> Riroximy rahudi tahe Jesuisi Pedro-ò rỹrãxire: –Simaõ, Joaõ riòre, kahãbu mahãdu waluure. Kai tahe iratyre aõbo waluure. Tii rirawyònyre: –Kai tiwaeryte, aluure. Tahe Jesuisi rarybere: –Wabudoeni riòre bidiòwenyke.

<sup>16</sup> Ixityre rỹrãxire: –Simaõ, Joaõ riòre, kai aõbo waluure. Tahe Pedro rirawyònyre: –Kohe, Wanyrỹ aluure jiarỹ, tiwaeryta. Tahe Jesuisi rarybere: –Bidyke wabudoeni biòwenykemy.

<sup>17</sup> Ihewotyhymy tahe Jesuisi rỹrãxire: –Simaõ, Joaõ riòre, kai aõbo waluure. Iu tahe Pedro rabadewomy ronyre, ixityremy rỹrãxireki. Tahe dirawyònyde: –Wanyrỹ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biòwenyke.

<sup>18</sup> Inatyhymy adee ararybekre. Iu ijoi moròkõmy tatemahãu, ixiwanale texti-tyynmahãte ixidee wimy titxibo tamahãte. Iu tahe mamatuarinykre inywitxira aratyynykre, Ebò biteòsinykre iny arataataanykre tahe inyõ aradykre titxibo noderamy beakreò.

<sup>19</sup> Kiamy heka Jesuisi rarybere ritỹnynykremy timybo Pedro rubu-ò rỹikremy. Tai Deuxu riwowydynykre. Idi tahe Jesuisi rarybere: –Biwaheludunyke wa.

<sup>20</sup> Tahe Pedro retehere Joaõ Jesuisi hemy rareriò, Joaõ Jesuisi luumy raremyhỹ. Joaõ ihetxiu Jesuisi-ò iòhòmy rỹrãxire jiarỹ wahe: –Mobo iwahisidỹdukremy, ihewo ludu roxina rỹireu.

<sup>21</sup> Tahe Pedro Joaõmy robireu, rỹrãxire Jesuisi-ò Joaõmy. Aõbo he tamy rotỹnykre.

<sup>22</sup> Tahe Jesuisi rirawyònyre: –Tii rurukõlemy adòòsekemy idi watxikeki, timybo tahòtinyte. Adee tahe biwaheludunykekile awike.

<sup>23</sup> Ierydỹna mahãdu rarybemy raremyhỹ: –Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhoo rarybere: –Tii rurukõle adoosekre-wana, timybo tahòtinytenyteri.

<sup>24</sup> Jiarỹ tahe kia aõmydỹnanamy relymahãre, Joaõ wahe, reritinmahãre. Inatyhymy kia tuu rare, jiarỹ tuu relymahãre.

<sup>25</sup> Sõwemy aõmydỹnanamy tahe Jesuisi riwinyre. Inyõ ibutumy riritinykeki, iritina heka bede ritỹxinykre tyyriti sõwekre-wana.

## Aõhebo Rotÿÿnyre Aõhebo Rotÿÿnyre Jesuisi Erydÿÿna Mahãdu

<sup>1</sup> Juhuu adee ratyritinyreu, Teòfilo, relyyre ibutumy Jesuisi aõbo riwinyré, aõmybo bedede rierynanyrémy.

<sup>2</sup> Deuxu Tyytybytyhy bedede erydÿÿnamy taerydÿÿna woludu mahãdu rierynanyre. Tahe taerydÿÿna mahãdu-ò bedede ywina riwahinyre. Iribi tahe Jesuisi ròsere biu-ò. Kia ibutumy juhUU adee relyyre.

<sup>3</sup> Iribi itxeònihikÿ-ki rurureu, taerydÿÿna woludu mahãdu-ò rexitÿÿnyre hãbu irudilemy. Tamyreny rexideòsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿÿnyre, tamyreny rierynanyre Deuxu Iòlònamy. Txuò txuòlemy iny inatxiwaitue txumy rierynanyrhÿre.

<sup>4</sup> Tiiboho-wana riroximy raremyhÿu, Jesuisi tamyreny rarybere: —Uritere Jerusalè-ribi ixtarasarenyòmy. Urile Deuxu Tyytybytyhy awo-ò kanakre xiery, Jerusalè-ribi boibenyke. Deuxu rarybere Tatyytybytyhy kiditeònykremy. Tule juhUU Jesuisi kia rarybere.

<sup>5</sup> Deuxu Tyytybytyhy aworeny-ò kanalokre. Kia ratisebenaõ wesele rare, Deuxu Tyytybytyhy ratisebena. Iwese Joaõ juhUU bero-ki iny risebenyrene wese, kia rare. Kia-txu tahe, iòhòmy roire.

<sup>6</sup> Tahe, juhUU ibutumy wirotynyreny, Jesuisi dee rÿÿraxirenyre: —Wanyrÿ, kai aõbo wiji iny Iòlòreny bediwahinyreke inywedureny wesemy ixyby ronykemy.

<sup>7</sup> Tahe Jesuisi dirawyònyde: —Waha-ki ywisidÿÿnatxu doimyhÿde. Tiile rierymyhÿre. Kai aòkòhykre.

<sup>8</sup> Tahe Deuxu Tyytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belyykre ibutumy Jerusalè hãwã mahãdu-ò, Judeia hãwã bedede mahãdu-ò, Samaria hãwã bedede mahãdu-ò, iribi tahe ibutumy bedekonana bedede iny-ò.

<sup>9</sup> Tarybe rahudi tahe Jesuisi ixihyy rexidymy raòwònyre biu-txi. Iõre biuwetyky-txi. Tiiboho rarirenyre bedede-ribi idi reteherenyre.

<sup>10</sup> Idi retehemyhÿ iòtududÿÿtyhymy. Inatxi hãbumy ityy uramy aõwesele rÿimy reamyhÿre hãbu mahãduko-txi.

<sup>11</sup> Tahe tiiboho raryberenyre: —Hãbu, Kalileia bedede mahãdu, itxereõmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòòsekre.

<sup>12</sup> Jesuisi erydÿÿna mahãdu ratximyhÿrenyrene Oliveira òwòruraty hãwãlò-ki. Tahe dòòsedenyde Jerusalè hãwã-ò. Jerusalè rehe iribi doide sohoji urihixina rehemymyòlemy.

<sup>13</sup> Tahe wii rotyrenyrene rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿrenyrene: Pedro, Joaõ, Txiau, Andre, Filipi, Tome, Bartolomeu, Mateu, ijõ Txiau (tii Afeu riòre rare), Simaõ Zelòte, Judasi (ijõ Txiau iwitxira, kia riòre rare).

<sup>14</sup> Ijõ iny tule tai rononymhÿ, Jesuisise, hãwyy ijõ rononymhÿ, Jesuisi seriòre mahãdu tule rorukumyhÿrenyrene. Ibutumy rexitòenymyhÿrenyrene wiwese wiweselemy ròhòtinymyhÿrenyrene.

<sup>15-16</sup> Ijõ txubiòwamy 120 inymy wii ributumyrene ixybyle. Tahe Pedro rÿire kiamy tamyreny rarybere: —Waityhydÿÿdu seriòre mahãdu, iwese Judasi aõhebo rotÿÿnyrene wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyre, Judasi tiiboho riwiòhenanyrene. Iwese ka tyritina-ki roire wesele, inatyhymy ibutumy rotÿÿnyrene.



<sup>17</sup> Judasi inybohoõmy raremyhÿ. Tii nieruõ ritare Jesuisi òludu-ribi tamyreny ridyreki. Tahe kia nieru-di subutebedeõ riwrye.

<sup>18</sup> Tahe idi Judasi rexibòtòtaara. Idi tahe tasubute bedero-txi taratythikÿle-ribi resere. Tahe iumy ruare iwona rejuxunrye.

<sup>19</sup> Iribi ijyy heka ibutumy Jerusalë mahãdu-ò tuu ijyy rÿire. Tahe kia subutebede rininirenyre hãlubu bederomy.

<sup>20</sup> Iòlò Davi kia wese riritinyre tawiunatyriti-ki:  
—Ixinamy iheto rÿike, inyõ taisÿõmy.

Ijõ:

—Inywitziraõ teròwymy tai rarekre iaõmysÿdÿÿna rimykremy.

<sup>21-22</sup> Inyõ tahe teròwymy iaõmysÿdÿÿna rimykremy. Tule rikimyrenyke Jesuisi ixix-anamy ijyyduõ inywanahyy rybe ritÿnynykemy. Inyõ Jesuisi sebedÿÿna-di itxereduõ rikimyrenykre, inyõ tuu robire Jesuisi nonanamy tule rikimyrenyke.

<sup>23</sup> Tahe inatxi hãbumy ritarenyre: Jyje (Basaba inire) Justu iniòrysna rare, ijõ hãbu tahe Matxia rare.

<sup>24</sup> Iribi tahe rexitòenyre: —Kiamy heka Deuxu dee raryberenyre:

Kai Wanynrÿreny, ibutumy inyrayky teeryte, Deuxu. Biteòsinyke tibo rikitarenykemy.

<sup>25</sup> Tii ritÿxinykre ixihyymy ratximyhÿre mahãdu. Judasi deròwymy rarekemy, Judasi dori iny-ribi ròhònyre taòrarunaòwydÿÿnamy rare aòhòkÿmy rotÿÿnykemy. Tahe rare tiobo rareò.

<sup>26</sup> Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

## 2

<sup>1</sup> Pentecostemy ninadu lisina kia txumy txuu rÿireu, ibutumy iny rorukurenyre tarynanakile.

<sup>2</sup> Aòwesele biu-ribi wodÿÿõ nade yhynihikÿwesele ibutumy heto-ò ralore tai rorukumyhyÿrenyrewo-ò.

<sup>3</sup> Heòty helÿÿresi wesemy nade. Iny sohoji sohoji tyre resere.

<sup>4</sup> Ibutumy iny tykymy heka Deuxu Tyytybytyhy ralòmy rÿire. Ta raryberenyre iwitzira rybemy. Deuxu Tyytybytyhy tamy rybe riwahinyre wese tahe raryberenyre.

<sup>5</sup> Deuxu dee òbitimy hãbu mahãdu noduõ rasÿnymy raremyhÿ Jerusalë hãwã-ki. Judeu mahãduõ ihÿre. Ibutumy bede bede hãwã hãwã-ribi nade.

<sup>6</sup> Kia-ò roholareu, wii ributunrye ijohonamy. Tahe rexieryòhykyre aõmybo ròhòtynyre tahe widi bede riòtiinyre iny sohoji sohoji tarybe tarybeòlemy roholareki.

<sup>7</sup> Urile bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahãdu ratxireri.

<sup>8</sup> Timykibo iny ryberenymy rarybereri. Iny sohoji sohoji tarybeòle raholareri.

<sup>9-10</sup> Kaheka inyboho bede bede ludu roire: Partia mahãdu, Media mahãdu, Elaõ mahãdu, tule ka bede ludu mahãdu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hãwã luduõ tule kaki ihÿre.

<sup>11</sup> Timybo inyrybereny witzira witzira-ò iny roholarenryeri. Deuxu rybemy rarybereri ibutumy inyryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahãdu, Arabia mahãdu, Deuxu aõmydÿÿnana wihikÿ-ò raholarenryeri.

<sup>12</sup> Tahe bede riòtiinyrenyre. Rieryòrenyre aõbo rare. Tahe widee rÿÿraxirenyre iny sohoji sohoji-ò aõbo raremy.

<sup>13</sup> Ijõ tahe tawobinarybe rarybere:

—Tiibohe rururenryeri, itxÿtemonamy riòreri.

<sup>14</sup> Tahe Pedro rÿire waòsohoji erydÿÿna-di, tahe tii rexidelenyrye rarybekemy:

—Boholake inihe, ibutumy kaiboho, Judeia mahãdu, Jerusalë sÿludu-wana —kia biery-benykemy.

<sup>15</sup> Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletymy.

<sup>16</sup> Joel juhoo Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

<sup>17</sup> —Kiamy Deuxu rarybere:

—Ikonanaxuu watytybytyhyhykÿ aditeõnykre ibutumy inydee. Ariõrereny, hãwyy hãbu-wana, warybe rierynanykre. Weryrybõ tahe matuari-wana rarasinymyhykre.

<sup>18</sup> Ibutumy wadeõdu-ò, lerÿ, hãbu, ibutuwo-ò Deuxu Tyytybytyhy kanalokre. Tuu raryberenykre, ritÿnynrenykre.

<sup>19</sup> Aõ tÿmyra ariteõsinykre biu-ki, bede-ki. Hãlubu, heòty, worona-wana røhònykre.

<sup>20</sup> Txuu heka ilybyhykÿlemy relekre. Ahãdu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhònykre.

<sup>21</sup> Kia bedeu, inyõ Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

<sup>22</sup> Judeu mahãdu, Israeli mahãdu, boholabenyke warybe-ò: Deuxu sõwemy aõna aõna witxira witxira-di, bedeòby-di riwahinyre. Inatyhymy Jesuisi Nazare hãwã ludu mahãduõ riteõsinyre. Inatyhymy rare. Kaiboho heka teerytenyte.

<sup>23</sup> Kaiboho Jesuisi temyteu, Deuxu juhoo rymykremy rierymyhÿre. Rexierymy røhòtinyre kawesemy bede roimy rarekre. Kaiboho Jesuisi terubunytente. Kaiboho itxeò nihikÿ-ki tetamadÿÿnytenyte hãubina debòreny-di.

<sup>24</sup> Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rymyòtyhy.

<sup>25</sup> Davi juhoo rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiòhenanymyhÿre. Tai wawo deysana-di ritÿxinymyhÿre.

<sup>26</sup> Wadòròtò wowydyna tamy rewahinymyhÿre. Reeryre ibutumy rubuhetowo-ki awityhymy wãhãré, iribi dori aròhònykre.

<sup>27</sup> Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

<sup>28</sup> Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.]

<sup>29</sup> Pedro ijõ rarybemyhÿre: —Tahe kiamy heka mohòtinybenyke, Waseriòreboho. Davi heka aõ iximy aõkõ rarybereri. Tii tahe hãloowo-ò roire. Itityby heka kakile iny-wana ihÿre.

<sup>30</sup> Tahe Davi Inynyrÿ deròwomy rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriòre riòreõ bede dinodumy kodonykremy taiòlò ryna-ki. Kia iòlò Davi rieryre.

<sup>31</sup> Davi tahe Kristu ixixanamy juhoo narybede. Kristu umy dori rubu-ki rariòhyre. Iumyde rarònyõre.

<sup>32</sup> Jesuisi Kristu, Deuxu riixixanyre. Ibutumy inyboho tuu robirenyre.

<sup>33</sup> Jesuisi ronymyhÿre Deuxu rurunawe-ribi. Iwese rarybere wese Deuxu Tatytybytyhy tamy diteõnyde. Tii adee diwyde. Kiamy tahe wiji tabitenyteri, taholatenyteri.

<sup>34</sup> Davi raòwònyõre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

<sup>35</sup> Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere.

<sup>36</sup> Boholake judeu mahãdu. Kaa inatyhy hyy rare. Itxeònihikÿ-ki Jesuisi terubunytentye. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

<sup>37</sup> Tahe Pedro rybe-ki urile rõhõtinyrenyre. Tai tahe Pedro-ò ijõ erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

<sup>38</sup> Tahe Pedro dirawyònyde: —Bòòsebenyke aòrarureny-ribi icyby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy.

<sup>39</sup> Kristu juhoo rarybere:

—Ibutumy heka Deuxu Tyytybytyhy bimybennykre, ariòre rimykre, iny hãwã wixira ludu rimyke. Ibutumy Deuxu dee wimy tahe rimykre.

<sup>40</sup> Pedro relymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabennykre.

<sup>41</sup> Kia rityhynyré heka tahe ratisebedumy roiremyhÿ. Ralore kiatxuu 3000 iny iòhòmny Jesuisi tyhydÿÿdu mahãdu-ò.

<sup>42</sup> Tahe Jesuisi erydÿÿna mahãdu rierynanomyhÿre, wii ributunomy roiremyhÿ, paò rioroororenyre wideereny: rexitòenomy roiremyhÿ.

<sup>43</sup> Iny sohoji sohoji bede riòtiinomy rabrebumy hitxinomyhÿre. Jesuisi erydÿÿna mahãdu bedeòby sòwemy riwinomyhÿre. Aõna aõna wiwihikÿmy riwinomyhÿre.

<sup>44</sup> Ibutumy rityhynomyhÿre mahãdu, sòwemy wii riwiutyre. Ibutumy aõna aõna wimy riywinyre.

<sup>45</sup> Taaõmydÿÿna, tasu-wana idi rohonyre. Wimy tahe ritxuatxua. Ibutumy ityhydÿÿdu iaòkõ mahãdu dee riwahiriwahinyre. Inyõ aõna aõna rauhenykeki, tamy riwahinyre.

<sup>46</sup> Deuxu dohodÿÿna heto-ki txuõ txuõlemy wii ributunyre. Tahe tota hetomy paò riyrieriynyre. Riroxirenyre ibutumy teysarenomy wii wese rõhõtinyrenyre.

<sup>47</sup> Tuu reàlarenyre Deuxumy. Ibutumy iny hãwãhakÿ mahãdu awimy tai raharenyre. Deuxu rimyre txuõ txuõ lemy ralore mahãdu kia ritakemy.

### 3

<sup>1</sup> Pedro, Joaõ-wana rare Deuxu dohodÿÿna heto-ò rexitòenykemy, inataõ òra bedeu.

<sup>2</sup> Deuxu dohodÿÿna heto ijõ inyõ rininire, ijõ ruxerahakÿ. Txuõ txuõlemy hãbu tibina ridyhyhyhymy iny tamy reamyhÿre. Tamy iny ralòmnyhÿkeò tamy nierumy rexitòenykemy. Tii tuu hyy uladumy reareu ihyy itibinare.

<sup>3</sup> Pedroboho rirònyrenyre, hãbu tibina tuureny robire. Nierumy tahe tamyreny rexitòenyre.

<sup>4</sup> Pedro juhu tamy retehere idi rarybere:

—Bedeteheke wadireny.

<sup>5</sup> Tai hãbu retehemy ronyre, nieruõ iribi riwykemy rõhõtinyre.

<sup>6</sup> Pedro rarybere:

—Aõ ijòkõre, womati tÿrÿrÿhÿkÿ ijòkõ, pratakõ. Tahe aõbo idi watxirerile ta adee ariwahinykre. Jesuisi Nazare hãwãludunimy adee ararybekremy idi mariakremy. Kia deytana adee ariwahinykre.

<sup>7</sup> Pedro, hãbu debò rimymy ritamadÿÿnyre. Aõwesele iruru iti-ò ralore.

<sup>8</sup> Hãbu rexiwaxinomy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwaxinomy ralore.

<sup>9</sup> Ibutumy iny idi retehere rariarerimy, Deuxumy reàlärerimy.

<sup>10</sup> Inyõ rarybere: —Tii ijõ ruxerahakÿ-ki nierumy rexitòenomyhÿremy, inyboho tii reeryrenyre. Tai tahe idi bede riòtiinyreri timykibo aõna aõnamy rotÿÿnyramy.

<sup>11</sup> Hãbu ta Pedro, Joaõboho werora-ki xiery. Idi tahe ibutumy ributumy Salomaõ heto ijò ahanawo-ò.

<sup>12</sup> Pedro kia robireu tahe, tamy rarybere: –Judeu mahãdu, wadireny itxereõmy, bedetiidÿÿõmy. Jiarÿboho inyruru-di aõkõ ka hãbu reteytenyreny, Deuxu rurudile wahe.

<sup>13</sup> Abraõ, Ijai, Ijaò kiaboho Deuxu heka hãbu riteytenyra. Tybyreny Deuxu kia heka riwinyra. Deuxu, Kristunimy riwowydynyre, rubu-ribi riixixanyraki. Kaiboho tahe Jesuisi Kristu tedytenynte Pilato-ò. Pilato tii riteònykemy ratxireriu, kaiboho tamy rarybere: –Aõkõre, tii deòdÿÿõmy. Ijõ biteònyke. Tai tahe rubudÿÿduõ riteònyre.

<sup>14</sup> Jesuisi òraru widÿÿdu aõkõ rarehymy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiònytenynte, tewahinytenynte.

<sup>15</sup> Umytuedeõna wahidÿÿdu tii rare. Kaiboho tahe terubunynte. Deuxu tahe tii riixixanyre rubu-ribi. Inyboho ierydu, iitxeredu ratximyhÿreny.

<sup>16</sup> Rityhynyrekile hãbu tibina reytemyhÿre. Kia hãbu teerytenynte. Jesuisini tyhyna kia riwinyre. Hãbu ibuturu-ò reytera, tai òbitimy raramy ratximyhÿre.

<sup>17</sup> Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre.

<sup>18</sup> Tahe Deuxu tarybe riwahinyre ihetxiu rybedu mahãdu-ò kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy ròhònyre.

<sup>19</sup> Kaiboho ixi-txi òhòti reakemy Deuxu-ò biòòsekemy. Tai tahe aòraru aribi tii ritakre. Inynyrÿ adeereny kiditeònyke aõwihikÿmy Deuxu-ribi, biu-ribi.

<sup>20</sup> Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre.

<sup>21</sup> Tii biukile rarekre wiji. Ijõ bede tÿmyra wihikÿkre iòhòmy rahudi tahe kanakre. Kia bededÿÿnanau tahe rarybere ihetxiu rybedu mahãdu.

<sup>22</sup> Tahe Moisesi ijõmy rarybere: –Deuxu rybeduõ kedelekre asÿ, aijoi-ribi tii rarekre. Iwese Deuxu riwatare wese rybeduõmy ararekremy, iwesele tii Inynyrÿ kiditakre. Tamy boholabenykre irybe aõmybo kanarybekremy.

<sup>23</sup> Kia, Deuxu rybedu rybe-ò inyõ roholakõkre-wana, Deuxu tii kanahukre. Kia Moisesi rybe rare, Pedro rarybere.

<sup>24</sup> Deuxu rybedu sòwemy kia bededÿÿnanamy rarybere. Samueli juhoo rarybere. Idi sòwemy ijõ kiamy rarybere. Ihyymy ta wiji kabededÿÿnana roimyhÿre.

<sup>25</sup> Kaiboho Deuxu ihetxiu rybedu roire atximahãtenyteri Deuxu juhoo rarybere Abraõ-ò. Ariòre-ribi iny sòwemy ruaruakre. Kia ibutumy ariòre hãwã hãwã-ki rasÿnykre. Kia iny-ribi inyõ ròhònykre ibutumy iny wiòhedÿÿdumy rarekre.

<sup>26</sup> Deuxu tariòre Jesuisi adeereny riteònyre aòraru-ribi arahitxinykemy, arawiòhenanykemy. Kia tahe Pedro tamyreny rarybere.

## 4

<sup>1</sup> Pedroboho tamyreny rarybereu, tamyreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre.

<sup>2</sup> Pedro, Joaõ-wana iny-ò relymy raremyhÿ: –Inyõ Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relymyhÿreki, kia hãbu mahãdu riykaranyreny.

<sup>3</sup> Taita rimyre, Pedro, Joaõ-wana. Ròtena-ò ridyre. Wijile tahe tamy ixidee roholareny, txiorotyhyreki. Biurasou tahe roholakremy riòlòdÿÿnykre.

<sup>4</sup> Iny sòwemy Deuxu rybe-ò kia txuu roholare. 5000 hãbumy, ijõ iny tule. Tiiboho Pedroboho-ò roholare. Tahe sòwemy rityhynyreny.

<sup>5</sup> Itxu biòwamy tahe Jerusalê-ò rehemynyre dinodu mahãdu, matuari mahãdu, judeu bedede ywina erydÏÏna mahãdu. Kia ijoi mahãdu ibutumy rehemynyre.

<sup>6</sup> Anasi tule rehemynyre. Deuxu-ò xiwena wahidÏÏdu mahãdu wedu tii ratximyhÏre. Tule Kaifa ijõ, Joaõ ijõ, AlexÏdre ijõre. Anasi sÏ mahãdu tule ijõre.

<sup>7</sup> Tahe dinodu mahãduõ Pedroboho ritamadÏÏnyre ibutu kia mahãdu koò. Tahe ritÏÏraxinyre: —Aõrurudibo iny teteyledÏÏnymahãte. Monidibo kia tewinytenyte.

<sup>8</sup> Ta Pedro tykymy heka Deuxu Tyytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre.

<sup>9</sup> Hãbu tibina aõmydÏÏnanamy tiwatÏÏraxinyte-wana, adeereny kiamy arirawyònykre.

<sup>10</sup> Jesuisi Kristu Nazare hãwã luduni-di kia rybe ruru-di rewinyrenyrene. Kia tahe bierybenyke. Kaiboho dorikÏhe Jesuisi itxeò nihikÏ-ò teukotenyte. Deuxu tahe riixixanyre rubu-ribi. Tai tahe ka hãbu reytemy rÏimyhÏre.

<sup>11</sup> Jesuisi manaõ wesemy ratxireri. Kia-di rehure heto widÏÏduõ. Wiji tahe heto idile rÏimyhÏre. Kaiboho Jesuisi-di tehute heto widÏÏdu mana-di rehure wese. Wiji tahe Jesuisi Deuxu heto dinodu rarekre.

<sup>12</sup> Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÏikrele, òraru-ribi ritamy rÏirakre.

<sup>13</sup> Pedro, Joaõ-wana brebuõ-di kia rybe ritÏÏnyrene. Tai iny bedede riòtiinyrenyrene, tiiboho dori tyyriti erydu aõkõ roire. Urile Jesuisi-wana roiremyhÏ, kiale iny rieryrenyrene.

<sup>14</sup> Hãbumy inyboho robirenyra juhUU itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyrenyraki.

<sup>15</sup> Tahe ibutumy iny dohodÏÏna heto wo-ribi riteònyrene. Tahe wimy rarybere:

<sup>16</sup> —Aõhebo rokotÏÏnyrenyrene kia hãbu-di. Inatyhymy tiiboho aõwiihikÏ riwinyrenyrene. Kia rikixiònyrenyõtyhy. Ibutumy Jerusalê hãwã mahãdu kia rieryrene.

<sup>17</sup> Tai kiamy rokotÏÏnykre. Tamy rakarybekre tiu Jesuisimy ixyby rybeõmykremy. Tai Jesuisimy rybe-di rikiixãwãdidÏÏnykemy. Inyõ-ò kiamy rarybeõtyhy. Kiawese raryberenyrene rybe ywidÏÏdu mahãdu.

<sup>18</sup> Idi tahe rarariòwyre Pedro Joaõ-wana tamyreny rarybere: —Jesuisi nimy rybeõmy, bibedeerynyõtyhy irybemy.

<sup>19</sup> Tahe Pedro, Joaõ-wana tamyreny dirawyònyde: —Aõbo awityhyre. Inyboho arybe arityhynyrene aõbo ada Deuxu rybe aõbo arityhynyrene.

<sup>20</sup> Aõbo jiarÏboho rabirenyré, raholarenyré, kialemy araryberenyrene. Inyõ riwarybebinanyõtyhy.

<sup>21</sup> Idi ta ixityre tamyreny raryberenyrene, rybedÏÏõkemy. Tahe riteònyrenyrene. Tamy aõwidÏÏõmy rÏimyhÏ hãwã mahãdu dee ruberurenreki. Hãwã mahãdu dori Deuxu reàlàmyhÏre hãbu riteytenyraki.

<sup>22</sup> Kia hãbu dori 40 beòra ratyremy tabeòra-di ratximyhÏre riteytenyrau.

<sup>23</sup> Pedroboho rexitamy roirenyreu, ityhydÏÏdu seriòre òrysymy roirenyrene. Tahe tiiboho tamyreny relyrenyrene iwese dohodÏÏna heto wedu matuari mahãdu-wana tamy rarybere wesemy.

<sup>24</sup> Tahe wiwese wesele rõhõtinyreri wese, Deuxu-ò rexitònyrenyrene: —Kai, Waha, inyIòlòreny atximahãte.

<sup>25</sup> Kai, ibutuwidÏÏdu tarybete: Davi, inytybyreny-di tarybete Atytybytyhy tamy ritÏÏnyrene, iwese tii rarybekemy. Davi eòdumy raremyhÏ. Irybe tyyriti-ki roimyhÏre kiamy:

—Judeukõdu mahãdu raykarananyreri. Kia awimy aõkõ ihÏre. Waijoi aõ òbitinadibo aõkõ rõhõtinyreri.

<sup>26</sup> Dinodu mahãdu wiributumyrene Deuxuòludumy rÏikremy. Tule Kristu, kia Deuxu deòdÏÏna òludumy rÏikremy.



27 Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributunyre ariõre Jesuisi òludu rÿirakremy.

28 Tiiboho riwinyre iwese kai tarybete wese, Waha, kia aõmydÿÿnanamy rÿirakremy.

29 Kai, Waha, teeryte iwese tiiboho raryberemy, aõma, rybeõmykemy. Tahe eòdu bi-wiòhenanykre arybe-di ihãrele rarybekemy brebuõ-di.

30 Biwiòhenanykre, Waha, eòdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariõreni òraru-ki kia riwinykremy.

31 Tahe ixitòedÿÿna rexihureu, heto ramytatamy. Deuxu Tyytybytyhy ibutumy iny tykumy ralore. Tai tahe Deuxu rybe rarybemyhÿre. Brebumy aõkõ tiiboho re-lyymyhyrenyre.

32 Ityhydÿÿdu mahãdu iaõna aõna-di wii riwiòhenanyre. Inyõ rarybeõhyra: –Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ.

33 Deuxu Jesuisi erydÿÿna mahãdu riwiòhenanytyhyre irybemy relyyrenyre, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenyre.

34-35 Tai tahe ityhydÿÿdu mahãdu aõna aõnamy rasiranyõhyra. Ityhydÿÿduõ ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxumy riwahinyre ibutu-ò timybo iny sohoji sohoji tuu rurumy rÿiramy.

36-37 Jyje tule kiawesele riwinyre. Tasubedeõ-di rohonyre, idi iòwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inyrybe-ò riwiurõnanyre, rybe-di wiòhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

## 5

1 Idi tahe tule ijõ hãbu, Anania ninadu, tahãwyy Safira-wana tasubederenyõ-di roho-nyrenyre.

2 Iòwy tahe txuralemy diwyde Jesuisi erydÿÿna mahãdu-ò tasubede òwyreny ibutumy risÿnyrenyteri.

3 Tahe Pedro tamy rarybere: –Aõherekibo Satanasi-ò taholamy araykywo-ki atxiteri Deuxu Tyytybytyhy-ò taruiteri. Aõherekibo iòwyjura-di atxiteri.

4 Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee.

5 Kia-ò Anania roholareu, rurulemy resere. Tai ibutumy iny ruberutyhyre.

6 Weryrybò tahe iumy rihetynyre. Tahe ritamadÿÿnymy riwyre rihãloonykremy.

7 Inataõ òra bededÿÿnanamy reare tahe Safira, Anania hãwyy rehemynyre. Aõ heka rieryõhyre tahãbu rubuna rieryõhyre.

8 Pedro tamy rÿÿraxire: –Tiwesemybo asu teòwynyta –ahãbu rarybere wesele aõbo. Tahe tii dirawyònyde: –Kohe, iwesele rakòwònyre.

9 Ixityre Pedro rarybere: –Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodÿÿ-ribi rehemynyteri. Tule tii aradykre rubumy.

10 Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy.

11 Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhyre.

12 Jesuisi erydÿÿna mahãdu sõwemy wowydyna aõmydÿÿnana riwinyrenyre. Tule deytanawiwihikÿtyhy sõwemy riwinyrenyre. Ityhydÿÿdu mahãdu wii ributunymyhyre Deuxu dohodÿÿna heto ube-ò. Salomaõ ubetyhy inire.

<sup>13</sup> Kaa hãwã mahãdu dori sõwemy ruberumyhyre Jesuisi erydÏÏna mahãdu-ò wiutàdà lau. Tamy rabutuõhyre ijohonamy. Ihãrele tahe ijõ rityhynymyhyre, ityhydÏÏdu mahãdumy ralokemy. Aõbinatyhymy heka inyõ ityhydÏÏdu mahãdu dee raryberenyõhyre.

<sup>14</sup> ItyhydÏÏdu mahãdu rasõwerenymyhyre. Hãbu, hãwyy tule ralòmymyhyre InynyrÏÏtyhy-ò.

<sup>15</sup> Webinadu mahãdu iny ridymyhyre ryò, hãwã hãwã-ribi. Tai Pedro nonana-ki riraòmymy roimymyhyre byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohõtinyre.

<sup>16</sup> Ibutumy Jerusalë-ribi iòhòmymy rÏira mahãdu nade webinadu-di, tule iny tyytybybina-di didyde. Tai tahe ibutumy reytere.

<sup>17</sup> XiwenawidÏÏdu wedu mahãdu, Jesuisi erydÏÏna mahãdu-ò rexinaanymyhyre. Tule kiawedu eryna mahãdu riwiòhenanyre. Saduseu imahãdu ni rare.

<sup>18-20</sup> Tai tahe xiwe wedu mahãdu, Jesuisi erydÏÏna mahãdu rimyrenyrene idi rehurenymyhyre hãwã ròtenawo-ki. Rummy tahe InynyrÏÏ ÿjuò riraynyrene ijò, tahe ridyrene ahana-ò. Tamyreny rarybere: –Boibenyke Deuxu àlana heto-ò. Bexideòsinybenyke iny sõwehekÏÏ-ò. Tamyreny bitÏÏnybenyke timybo Jesuisi umyÏÏmyra inydee riwahinymyhyre.

<sup>21</sup> Iwese ÿju rarybere wese, txuu ratÏÏnyreu, dohodÏÏna heto-ò ralomyhyre. Tai rierynarenymyhyre. Tahe xiwena mahãdu wedu dehemynyde, tii-wana ratximymyhyre-wana. Israeli nohõtí juradÏÏdu mahãdu ributudÏÏnyre. Ibutumy judeu mahãdu, matuari mahãdu bederytyhy mahãduõ rare. Tahe soldado itxeredu-ò riteònyrene ròtena-ò iòrysrenymy.

<sup>22-23</sup> Tahe roirenymyhyre. Ròtena-ki tai rahaõre. Ròsere tamy relyyre: –Ròtena-ò rehemynyra. TxiòtòbòhòkÏÏlemy rÏire. Tahe reraynyreu, aõho aõkõ rare.

<sup>24</sup> DohodÏÏna wedu xiwena wedu-wana kia roholareu, tiiboho rexieryrenyõhyre aõbo riwinyrenykemy, aõhebo rotÏÏnyrenykemy.

<sup>25</sup> Iwesemy rõhõtínyrerikõnalemy, inyõ dehemynyde. Tai rarybere: –Ròtena-ki tetidite mahãduõ, dohodÏÏna heto-ki ratxireri. Iny kowa ritohonyreri.

<sup>26</sup> Tai tahe soldado dinodu, soldado itxeredu-wana riòryre ta didydenyde ywilemy. Tamy heka aõhe risÏÏnyõhyre mana hunadi tamyreny kedehukemy heka soldado rõhõtínyre.

<sup>27-28</sup> Tahe dehemynyde ritamadÏÏnyre inysõwe weduko-txi. Tahe wedutyhy ryberitelenymyhyre: –JiarÏÏboho heka juhu adeereny rarybere uritere Jesuisi nimy bede erydÏÏrenykõmykemy. Ihãrele tahe tuu tebederynytenyta ibutumy Jerusalë hãwã iny-ò. Ibutu-ò aeryna-di tariate. Wamy tarybetenyteri jiarÏÏboho Jesuisi rerubunynyramy.

<sup>29</sup> Tahe Pedro taijoi-wana rarybere: –Iwese Deuxu wadeereny rarybere wese, arityhynyrenykre. Hãbuõ iwitxiramy wadeereny rarybekeki, tiu arityhynyõtyhy.

<sup>30</sup> Kaiboho inatyhymy Jesuisi terubunynyteny. Òwòru nihikÏÏ itxeò-ò tetamadÏÏnyteny. Inytyby Deuxu tahe rubu-ribi riixixadÏÏnyre.

<sup>31</sup> Deuxu tarurunawe-ribi debò-di biu-ò ritamadÏÏnyre ibutu iòlòmymy rarekemy, ibutu tarasadumy rarekemy. Tai ibutu Israeli ijoj mahãdu-ò òraru bedewona ixãwina riwahinykemy.

<sup>32</sup> Inyboho heka kia aõmydÏÏnamy robimymyhyrenyrene, tai heka reerymahãrenyrene inatyhy raremy. Inyõ Deuxu rityhykeki, tii Tatytybytyhy tamy kidiwahinyke. Tii tule kia aõmydÏÏnamy rarybemyhyre.

<sup>33</sup> Xiwena wahidÏÏdu mahãdu wedu tamy roholarenymyhyre, rakyarananyrenyrene, irubudÏÏmy idi ratximymyhyre.

<sup>34</sup> Tahe fariseu mahãduõ lamamy rÏire. Ònosõna erydÏÏduõ tii ihÏÏre. Ibutumy iny tii riijemyhyre rityhynymyhyreki. Kamalie heka inire. Tahe tii rarybere: –Jesuisi erydÏÏna mahãdu-di biòlònyke urihimyo ahana-ò.

<sup>35</sup> Idi tahe taijoi-ò rarybere: –Hãbu, Israeli mahãdu, bexiijebenyke kia hãbu-ò, aõhebo botÿÿnybenykre.

<sup>36</sup> Kaiboho dori õhõtireny beabenyke Teudani-txi. Juhuu dori dinoduõmy tii raremyhÿ. Tii ixiolòdÿÿnihikÿmy iximy rarybere. Sõwemy heka iny tii-wana raremyhÿ tahe 400 hãbumy ihemy rare. Inyõ tahe rirubunyre rityhynymyhÿre mahãdu tahe iribi raubÿtÿre. Tahe aõ heka rimyõhyre, ibutumy iõre.

<sup>37</sup> Iwitxirau ijõ-txi õhõtireny rearenyke. Judasi inire. Tii Kalileia mahãduõ rare. Iu bede dinodu iny-di rariareu tahe, tii rexiolòdÿÿnyre. Sõwemy iny riheludunyre. Tii tule rurure. Taityhydÿÿdu mahãdu tule raubÿtÿre.

<sup>38</sup> Tule wahe kahãbu mahãdu rare ixinamy biteõnyke. Hãbu kia aõmydÿÿnana dinodukeki, aõmy aõkõ relekre.

<sup>39</sup> Deuxu tahe idinodukeki, tiu heka idi behuõtyhy. Deuxu òludu wesemy heka kai tesumahãte. Tai tahe Kamalie rybe-ò ibutumy rityhynyreny.

<sup>40</sup> Didyde he Jesuisi erydÿÿna. Rihetenyre. Idi tamyreny rarybere: –Rybeõmyke Jesuisi nimy. Tahe ixinamy riteõnyre.

<sup>41</sup> Tiiboho iribi rexitarenyreu, reysatyhymy ratximyhÿ, Jesuisini òraru-ki dorikÿhe tiiboho aõhõkÿmy rotÿÿnyrenyraki.

<sup>42</sup> Txuõ txuõlemy Rybewihikÿ ritÿnynymyhÿrenyre dohodÿÿna hetomy dori, heto hetomy tiiboho rarybehymy rÿimyhÿre: –Jesuisi inatyhymy Kristu rare, Deuxu deòdÿÿnamy nade.

## 6

<sup>1</sup> Tahe ityhydÿÿdu rasõwetyhynymy rÿiramyhÿ. Iu ityhydÿÿdu wytese mahãdu-ò rÿsÿna riwahinymyhÿreu, grego rybedu rexinaanymyhÿre rÿsÿna wahidÿÿdu mahãdu dee. Judeu mahãdu wytese sõwemy rÿsÿna ritamymyhÿrenyre waratyrereny. Kia wesemy heka judeukõdu mahãdu rarybere.

<sup>2</sup> Jesuisi erydÿÿna waò inatxi reurò mahãdu, ibutumy ityhydÿÿdu didydenyde kia aõmydÿÿnana-ò roholakemy. Tahe raryberenyre: –Deuxu rybe erydÿÿ riki-ixãwidinyrenykeki, wytese rÿsÿna ariwahinyrenykemy, kia heka õbiti aõkõ rare.

<sup>3</sup> Tai tahe kaiboho hãbu mahãduõ bitabenyke ayreny-ribi debò inatxi reurò hãbumy bitabenyke. Hãbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhykÿle, kiaweselemy hãbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarenkyre.

<sup>4</sup> Tai jiarÿboho arexitõenywãhãrenykemy watxiwãhãreny. Deuxu rybemy arierynanymahãrenyke. Kiawese Jesuisi erydÿÿna mahãdu rarybere.

<sup>5</sup> Ibutumy heka tuu raryberé, tamyreny awire. Tai tahe hãbu mahãdu ritareny. Estevaõ ijõre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiòkia mahãdu juhoo rare. Judeu bede erydÿÿna tyhydÿÿdu juhoo tii rare.

<sup>6</sup> Ityhydÿÿdu mahãdu tiiboho didydenyde Jesuisi erydÿÿna mahãdu-ò. Deuxu-ò rexitõenyreny tahe Jesuisi erydÿÿna ityre tebò ritidirenyre.

<sup>7</sup> Deuxu rybe heka ibutu ijohonanamy rÿire. Ityhydÿÿdu mahãdu-ò sõwetyhymy tamy ralõmyhÿre Jerusalê hãwã-ki. Xiwena widÿÿdu tule sõwemy Jesuisi rityhynyre.

<sup>8</sup> Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy inyko-ò riwinymy raremyhÿ. Aõdeytenawiwihikÿ wesemy tule riwinyre.

<sup>9</sup> Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire taijoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bede luduõ-ribi, Afia bede luduõ-ribi tii-wana doidenyde.

<sup>10</sup> Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tyytybytyhy-di ihÿre.

<sup>11</sup> Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy rãiwãhãrenyre. Tii Deuxumy aõbinahakÿlemy rarybemyhÿre, Moisesimy tule.

<sup>12</sup> Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ òrysmy roirenyre tahe rinyrenyre, ridyrenyre rybe ywisidÿÿna-ò.

<sup>13-14</sup> Tahe ruidu mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre.

<sup>15</sup> Ibutumy iny ywisidÿÿna mahãdu Estevaõ-ò retehere. Iòsana, ÿju òsÿnÿwesehekÿlemy tamy ròhòtinyrenyre.

## 7

<sup>1</sup> Tahe xiwe wedu Estevaõ-ò rÿÿraxire: —Kia aõbohe inatyhy rare.

<sup>2</sup> Estevaõ tahe dirawyònyde. Wanyrÿboho, Wahaboho, Ijyymy adeeremy arelyykre. Warybe-ò boholabenyke. Mesopotamia bedeki Deuxu biu-ribi rexitÿnyrenyre Abraõ-ò, inytybyreny-ò, Harã hãwã-ki rasÿnyòreu.

<sup>3</sup> Tamy Deuxu rarybere: —Abede-ribi boibenykre. Alahi riòkòre mahãduy-ribi makre. Manakre ijõ bede-ò adee dori asÿbede ariurihikre.

<sup>4</sup> Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaò didyde ka bede-ò titxibo kaiboho wiji tasÿnymahãtemy.

<sup>5</sup> Abraõ-ò sÿõ riwahinyõre timy urihinyòõhyy. Tahe idi tamy riwahinykemy, iriòre-ò riwahinykemy Deuxu tamy rarybere. Abraõ iriòreõre, ihãrele Deuxu tusÿmy tamy rarybere.

<sup>6</sup> Tule Deuxu tamy rarybere: —Ariòkòre ijõ bede-ki rasÿnykre 400 beòramy. Kowa ariòkòre heka deòdu wesemy raaõmysÿdÿÿkre. Iwedu mahãdu heka ibinamy idi rarekre.

<sup>7</sup> Jiarÿ tahe iny ariòwynykre, Deuxu rarybere, ibinamy widi rÿira mahãdu. Iribi ka bede-ò kòdòhònykre wamy kaki reàlãmhyÿkemy.

<sup>8</sup> Idi urihixinaõ Abraõ-ò Deuxu riwahinyre, tòhòti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraõ Ijai notyy riorore debò inataò reurò txu-di. Iribi tahe Ijai tariòre Ijaò ritòtykyorore. Iribi tahe Ijaò tariòre notyky riorore. Tiiboho waò inatximy riòrenaduõ roire. Inatyhymy tiiboho inytybyreny rare.

<sup>9</sup> Idi waòsohoji inytybyreny mahãdu Jyje dee rexiwobinanymyhyÿre. Idi rohonyre Egito-ò ramyhyÿre mahãdu-ò. Tahe Deuxu tii-wana raremyhÿ.

<sup>10</sup> Iaõhòkÿmy dÿÿnana-ribi Deuxu ritamyhyÿre. Egito iòlò, Faraòmy ninadu rare. Deuxu heka Jyje luumy Faraò risÿnyre. Faraò rue-ò heka Jyje bedeerydÿÿna sòwemy ratx-imyhyÿre. Faraò ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre.

<sup>11</sup> Ramamy rubu nihikÿ dehemynyde ibutusu-ò, Egito-ki, Kanaã bedeki. Sòwemy iny aõhòkÿmy rotÿÿnyre. Inytybyreny rÿsÿnaõ-ki rahaõhyre.

<sup>12</sup> Egito maixòmo rÿimyhÿreò, Ijaò roholare. Tahe inytybyreny riteònyre iòrysmy.

<sup>13</sup> Idi tahe ixityre iòrysmy riteònyreu, Jyje tamyreny rexideòsinyre. Tai tahe Faraò Jyje sÿmahãdu rieryre.

<sup>14</sup> Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiiboho 75 inyry rinyre ibutumy.



15 Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure.

16 Tahe iumyreny diwyde ritoonyre wabede-ò, Sikenì hãwã-ò. Abraõ kia wabede juhuu riwyre nieru-di, Emo riòre-ribi.

17 Deususÿ-õ wahidÿÿna juhuu rarybere Abraõ-ò. Ibededÿÿnana iòhòre Deuxu tamy riwahinykemy. Inyboho Egito-ki rasõwemyhÿreny.

18 Ikonanau tahe iòlò iwitxiramy ròhònyre Egito bede iòlòmÿ. Tii Jyje rieryõre.

19 Tii iny ijoi riitxenanyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituerenyre.

20-21 Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi dòhònydeu, Faraò riòre rimyre itibiedÿÿmy tariòre wesemy.

22 Ibutumy Egito bedeerydÿÿnana tamy rierynanyre. Tii heka rexiòlònyre rybeduni-hikÿmy aõmydÿÿna widÿÿdu nihikÿmy.

23 Moisesi iny inatxiwa itue beòra-di rÿireu, tamahãdu, Israeli mahãdu roramy nade.

24-25 Egito mahãduõ Israeli mahãduõ rihetenyre, Moisesi tuu robire. Tahe Moisesi tii rirubunyre, Israeli mahãduõ riwiòhenanykemy, Egito mahãduõ rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi røhõtinyre. Tahe aõkõre rieryõhyre.

26 Ijõ txu biòwamy tahe Israeli hãbu inatximy wiwana ròrenymy. Moisesi ronyre iyreny-txi riixãwididÿÿnykemy. Rarybere: —Kaiboho seriòre toite, aõherekibo wii tehetenytenyteri.

27 Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy.

28 Kai biwarubunyekè aõbo, iwese kau Egito mahãduõ terubunyte wesemy.

29 Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riòremy kowa reare.

30 Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿu, ÿjuõ tamy rexitÿnyre bede rade tòbòhòkÿy-ki tamy roomyhyre.

31 Moisesi kiamy dobideu, bede riòtiinyre. Tamy itxeremy rehemynyre. Tahe Deuxu rybe-ò roholare.

32 Jiarÿ boreny Deuxu watzireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheõhyre.

33 Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watzireriki, biwatyhynyke.

34 Wiji tahe waijoimy rabireri Egito-ki. Tiibohe aõhòkÿmy rotÿÿnyreny. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò.

35 Ka Moisesi heka Israeli mahãdu juhuu teramy reare. Tamy rarybere juhuu mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwiòhedÿÿdure.

36 Tahe Moisesi Egito-ribi iny ritamyhyre. Egito bede-ki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre.

37 Kaa Moisesi heka rarybere Israeli mahãdu-ò: —Ayreny-ribi, amahãdu-ribi rybedu nihikÿmy Deuxu kikitamadÿÿnykre iwese riwatamadÿÿnyre wese.

38 Kaa Moisesi taijoi-di wii ributunyre, bederahy-ki ihÿmyhÿ inytybyreny-wana heka ratximyhy. ÿju-wana tii ratximyhy Sinai hãwãlò-ki iu tamy rarybere. Deuxu rybe tyhy iru-di ratximyhy. Tahe rybe bede ywina heka Moisesi-ò Deuxu riwahinyre inydeereny kidiwahinykemy.



<sup>39</sup> Tahe inytybyreny ityhydÿÿ deramy rare. Reòbyòrenyre. Ixybyle Egito-ò ròòsekemy ròhòtinyre.

<sup>40</sup> Tahe iny Araò-ò rarybere: —Ritxoo deuxuò inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyòre.

<sup>41</sup> Kiatxu tahe broreni riòreò riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aòbo tebò-di riwinyrenyreki.

<sup>42</sup> Tai tahe Deuxu rexitare iribi, taina rityhynykemy. Iwese rybeduò iu tyyriti-ki riritinyre wese:

—Israeli mahādu, kaiboho xiwena tetoonytenyete, iròdu xiwena tetoonytenyeta. Wadee aòkò tahe kia tetoonytenyeta 40 beòramy bederahy-ki.

<sup>43</sup> Kaiboho tewytenyeta ritxooheò riòre. Mòlòki inire, aritxoo deuxuni. Tule Renifa taina ijò aritxoonire. Kia tewytenyete, tetyhynytenyete wahe. Tai tahe arateònyrenykre Babilonia weribihikÿ-ò wahe.

<sup>44</sup> Inytybyreny heka Deuxu rybe bede ywina tyky heto riwinymyhÿre bederahy-ki. Iwese Moisesi-ò Deuxu riteònyre wesemy kia riwinymyhÿrenyre.

<sup>45</sup> Iribi tahe inytybyreny tatyby-ribi tyky heto ritare, tii-wana riwymyhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahādu tii-wana riwymyhÿre, ihyy tahe Davi reare.

<sup>46</sup> Deuxu heka sòwemy Davi luure. Davi heka rexitònyre Ijaò Deuxu dee heto riwinykemy.

<sup>47</sup> Tahe tii aòkò riwinyre, Salomaò iwidÿÿdure.

<sup>48-49</sup> Deuxu biukisÿdu tahe hābu widÿÿna heto-ki rasÿnyòmyhÿre. Iwese Deuxu rybeduò rarybere wese:

—Biu tahe warynana rare, bede tahe wawa elehyna rare. Timybo inyò wadee heto riwinyke, Inynyrÿ rarybere. Iwo-ki tahe waelehyna arihynyòkre.

<sup>50</sup> Deuxu rarybere:

—Ibutumy aòna aòna jiarÿ rewinyre.

<sup>51</sup> Tahe Estevaò rakonananyre he tamyreny rybena heka ròhònyre: —Kaiboho araykytererenyre. Deuxu Tyytybytyhy rybe-ò taholaòhyymahātenyete. Iwese iny tybyreny riwinyrenyre wesemy.

<sup>52</sup> Ibutumy Deuxu rybedu mahādu-ò ibinamy iny tybyreny riwinymyhÿrenyre. Tiu ihetxiu Deuxu òbiti hābu kanakeò, tiiboho raryberenyreu, rirubunyre irybedu. Kaiboho tahe Deuxu òbiti hābu-di ijò-ò tewahinytenyete, terubunytenyete.

<sup>53</sup> Deuxu bede ywina ÿju mahāduò adeereny diwahinydenyde, kia bede ywina kaiboho tetatenyete, tahe tetyhynyòhyymahātenyete.

<sup>54</sup> Tahe kiamy Estevaò rarybereu, tiiboho heka rebure nihikÿre. Urile txyde-ki ruruamyhÿre tamy.

<sup>55</sup> Estevaò tahe Deuxu Tyytybytyhy-di iwoki ratximyhÿre. Tahe biu-ò retehere: Deuxu loosònamy robire. Jesusimy robire lamamy rÿire Deuxu rurunawe-ribi.

<sup>56</sup> Tahe Estevaò rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi.

<sup>57</sup> Tahe ryrymyhÿre, tòhòti ritòbònymyhÿrenyre, raijeranyre tamy.

<sup>58</sup> Ridyre hāwāy-ribi, mana-di tahe tamy rehymyhÿre, rirubunyrenyre. Erydÿÿna ijydu tahe taderamy ririrenyre Saluko-txi tamy riyrubunykeny.

<sup>59</sup> Iu mana-di rehureu, Estevaò rexitònyre: —Wanyrÿ, Jesusi, watyytyby kai bimyleke awana ararekremy.

<sup>60</sup> Tahe tatiowotimy resere, ryryre: —Wanyrÿ, kia òraruna iòwydÿÿomyke. Idi tahe rurure.

## 8

<sup>1</sup> Salu tahe kia òbitimy raremyhÿ røhøtinyre, Estevaõ rurureu.

<sup>2</sup> Iribi tahe ityhydÿÿdu mahãdu aõhøkÿmy rotÿÿnymyhyÿre. Judeia wedu mahãdu dori, iòludumy rÿimyhÿre. Tai tahe ityhydÿÿdu sohoji sohoji Jerusalê hãwã-ribi røhøtinyre. Urile Jesuisi erydÿÿna mahãdu sohojile rÿire. Judeia bede hãwã mynamyna robÿtÿÿre, Samaria bede-ò tule. Tahe hãbu ityhydÿÿduõ Estevaõ umy riwyrenyrene rihãloonykremy. Tahe rahinymyhyÿrenyrene, rirajuamymyhyÿrenyrene.

<sup>3</sup> Salu tahe ityhydÿÿdu mahãdu hudumy. Wii risÿnymyhyÿre. Ihetorenywo-ò ralòmymyhyÿre tahe ridymyhyÿre hãwyy, hãbu, røtenawo-ò rirøtenykemy.

<sup>4</sup> Iu tahe ityhydÿÿdu mahãdu ijø bede-ò roire mahãdu Deuxu rybemy relyymyhyÿre ibutu hãwã-ki.

<sup>5</sup> Filipi ijø raremyhÿ. Tii Samaria hãwã-ò rehemynyrene. Tahe Kristumy tamyreny relyyre.

<sup>6</sup> Iny søwemy rityhynyrenyrene aõmybo Filipi rarybemyhyÿremy. Tahe deytedyÿna wiwi-hikÿmy iny robimyhÿrenyrene, tyytybybina deødÿÿnamy tule robirenyrene.

<sup>7</sup> Tahe riteònyreu, tyytybybina iny-ribi røhøtinyre, rirajuamymyhyÿre. Tule iny webinadu raraserasemy roimyhÿre, tule inytiere-wana. Tahe ibutumy riteytenymyhyÿre.

<sup>8</sup> Tai tahe ka hãwã-ki deysana nihikÿ rÿire.

<sup>9</sup> Samaria hãwã-ki tahe hãbuõ raremyhÿ. Simaõ inire. Tii wodohonana widÿÿdu ihÿre. Iny riitxenanymyhyÿre. Tahe riøtiinyrenyrene. Tii iximy rarybemyhyÿre moõ wiwihikÿmy raremyhÿmy.

<sup>10</sup> Ibutumy iny tii rityhynyrenyrene, hãbu wedu mahãdu tule, hãbu aõtxile mahãdu tule. Tiiboho raryberenyrene: —Simaõ Deuxu ruruna rare. Ruruna nihikÿ inire.

<sup>11</sup> Tiu bedeu aõkø iny riitxenanymy raremyhÿ, riøtiinyrenyrene. Tai tahe rityhynymyhyÿrenyrene.

<sup>12</sup> Iu tahe Filipi Jesuisi Kristunimy, Deuxu òlønamy tamy relyymyhyÿre. Tai tahe rityhynymyhyÿre, raratysebemyhyÿrenyrene.

<sup>13</sup> Iribi tahe Simaõ itxenadyÿdu tule Jesuisimy reòbyre, raratysebenyrene. Tahe Filipi-wana ihyy røirenyrene bede øtiidyÿna-di retehemymyhyÿre aõbo Filipi riwinyremy.

<sup>14</sup> Samaria hãwã mahãdu tahe Deuxu rityhynyrene. Kia-ò Jesuisi erydÿÿna mahãdu roholare Jerusalê-ki. Tai tahe Pedro Joaõ-wana riteònyrenyrene kowa-ò.

<sup>15</sup> Rehemynyrenyrene, Deuxu-ò rexitøenyrenyrene Deuxu Tyytybytyhy tamy kanakemy.

<sup>16</sup> Inyø dori Deuxu Tyytybytyhy-di rÿiømyhÿ. Urile Jesuisi Inynyrÿni-di raratisebedÿÿmy rÿiramymhÿ.

<sup>17</sup> Tahe Pedro Juaõ-wana tebøreny ityrereny ritidire. Tahe Deuxu Tyytybytyhy tamy nade.

<sup>18</sup> Kiamy Simaõ robire, aõma, debøtidina-di Deuxu Tyytybytyhy nade.

<sup>19</sup> Tai tahe tamy rexitøenyrene: —Ka heka wanieru rare. Bidiwahinyke kia ruruna. Tahe inyø tyre wadebø aritidikeki, tamy Deuxu Tyytybytyhy kanakemy.

<sup>20</sup> Tahe Pedro tamy dirawyònyde: —Aõkøre, anieru rakemy watxireri awanale rububede-ò. Deuxu ruruna dori anieru-di biwykemy mohøtinyke.

<sup>21</sup> Kia heka aõmysÿdÿÿnakøre wayreny-ki. Arayky, awo, òbitimy aõkø ratximyhÿre Deuxu dee.

<sup>22</sup> Mabedewomy atximahãke aòraruna-ki, aõbo tahøtinyte. Bexitøenyke Inynyrÿ-ò tii øsana aòraruna-ribi araixãwididyÿnykre.

<sup>23</sup> Kai dori texiwaritinymahãte. Aòraruna adi nararotinymyhyÿde.

<sup>24</sup> Tahe Simaõ tamy rarybere: —Wadee bexitøenybenyke Inynyrÿ-ò, kia aõkø waki kÿnykemy, aõmybo tarybetenyteki aõbo.

<sup>25</sup> Iribi tahe, Pedro Juaõ-wana Inynyrÿ rybemy rarybemyhÿrenyre, relyymyhÿrenyre tai. Sõwemy Samaria bedede hãwã hãwã-ki Rybewihikÿ relyymyhÿre, Jerusalẽ-ò ròòserenyre.

<sup>26</sup> Filipi Samaria hãwã-ki raremyhÿ. Tahe Inynyrÿ ÿjuõ tamy rarybere: —Bexiywinyke, make ibò-ò. Kasa hãwã ryhykÿ bimye. Jerusalẽ-ribi ryy rare, bederahy-ki rare. Tahe Filipi rare.

<sup>27-28</sup> Tahe inyõ-wana wibymy reare. Tii Etiopia bedede luduõ rare. Etiopia bedede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròòsereri Jerusalẽ-ribi. Kowa Deuxu reálàmy rare, tahe tasÿ-ò ròòsere iawarutewedile. Isaia Deuxu rybedu tyyriti-di rariamy tii ronymyhÿre.

<sup>29</sup> Deuxu Tyytybytyhy Filipi-ò rarybere: —Make, awarutewe-ò, mariake ibire-di.

<sup>30</sup> Tahe Filipi tamy raijaranyra. Roholare tyyriti-di rariareriò. Tahe Filipi rÿÿraxire: —Kai aõbo teeryte aõbo rare, aõdibo tariateri.

<sup>31</sup> Tahe dirawyònyde: —Aõkõre, inyõ dori wadee ritÿnynyõre. Timybo arierykremy. Manaòwònyke wabire-ò bodonyke. Tahe Filipi raòwònyre.

<sup>32</sup> Tii kia-di rariareri tyyriti-ki: —Iwese iny budoeni rubudÿÿdu-ò riwyre wese, tii iwesele ridyrenyre. Budoeni-ribi iny isira riororeu, rirajuaõlere. Iwesetyhyle Tii rarybeõlere.

<sup>33</sup> Iehehenamy tamy raryberenyre wese hãbu ehehe wesena, òbitimy aõkõ idi riywinyrenyre. Inyõ rarybeõtyhy iriòkòremy, iumy dori bede-ribi ituera.

<sup>34</sup> Tahe tii Filipi-ò rarybere: —Wadee manarybeke momybo rybedÿÿdu rarybereri, iximy aõbo ada ijõmy aõbo.

<sup>35</sup> Tahe Filipi kia Tyyritidile rexidelenymy relyyre. Jesusimy Rybewihikÿ Tÿmyramy tamy relyyre.

<sup>36</sup> Rydi rariamyhÿre idi rehemynyrenyre beõ-ò. Tahe tii Filipi-ò rarybere: —Kowa bera rare. Biwaratisebenykekõ aõbo, adee awikeki.

<sup>37-38</sup> Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Riòre raremy. Tahe tewe irira riixãwidinykemy riteònyre. Tahe itewe-ribi ròhònyra, bera-ò riberenyre. Tahe riratisebenyre.

<sup>39</sup> Bera-ribi rotuoreu, Filipi aõwesele iõmy reare. Inynyrÿ Deuxu Tyytybytyhy ridyre. Hãbu ixyby Filipimy robiõhyre. Tahe tary-di rariamy rare. Teysanatyhy-di tÿximy rare.

<sup>40</sup> Idi tahe Filipi rexieryre, Asoto hãwã-ki rehemynymy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemynyre.

## 9

<sup>1</sup> Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò.

<sup>2</sup> Tamy rexitòenyre: —Arybe tyyriti ariwykremy watzireri Damasu hãwã dohodÿÿna heto wedu-ò. Tai tahe kowa-ki ityhydÿÿduõ-txi areakeki, aõtxile hãbu hãwyy aõbo, aridykemy Jerusalẽ hãwã-ò, ariròtenykemy.

<sup>3</sup> Tahe iòhòmy Salu rare Damasu hãwã iròte iòhò-di, idi tahe loosònahakÿ Salu tyre resere.

<sup>4</sup> Tahe bede-txi resere, tahe rybeõ roholare: —Salu, Salu, aõherekibo aõna aõnamy ibinamy wadee tatÿÿnymahãte.

<sup>5</sup> Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watzireri, aõna aõnabina binamy wadee tadotÿÿnymahãte wahe.

<sup>6</sup> Myike, mariamy tahe hãwãhãkÿ-ò malokre. Taita inyõ adee rarybekre aõhebo botÿÿnykremy.

<sup>7</sup> Tahe Salu ijoi riòryre rybeõhy rÿimyhÿ. Rybe-ò roholare, tahe tuu robiõhyre.

<sup>8</sup> Salu suribi rÿireu, iruetà wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasu hãwã-ò.

<sup>9</sup> Tahe hãwãhãkÿ-ki txu inataõ txu idi rÿire aõmy robiõhyyre, riroxiõhyyre, bemy riõõhyyre.

<sup>10</sup> Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: –Anania. Tahe rirawyònyre: –Aõbo rare, Wanyrÿ, kakile watxireri.

<sup>11</sup> Tahe Jesuisi riteònymy rarybere: –Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitòenyre.

<sup>12</sup> Tii umy robireri tarasi-ki. Kai tehemynteri wese, irue-ò ebò bitidikemy, biteytenykemy.

<sup>13</sup> Anania Jesuisi-ò rirawyònyra: –Wanyrÿ, sòwemy kia hãbumy rybe-ò raholara. Aõbina binamy ityhydÿÿdu-ò risÿnymy raremyhÿ Jerusalẽ-ki.

<sup>14</sup> Deuxu dohodÿÿna heto wedu tyyriti diwyde kaki ityhydÿÿdu rutysÿny rirutekemy.

<sup>15</sup> Tahe Inynyrÿ tamy rarybere: –Aõwaxina tamy makre, Jiarÿ dori, kia retara wadee aõmysÿdÿÿdu nihikÿmy rarekemy, judeukõdu mahãduko, iòlòrenyko, tule Israeli mahãduko wanimy rarybekre, aõma, warybetÿmyra wihikÿmy.

<sup>16</sup> Tamy aritÿnynykre tiwesebo aõhõkÿmy rotÿÿnykre wanimy rybeòraru-ki. Kia ibutamy Jesuisi rarybere Anania-ò.

<sup>17</sup> Idi ta Anania rare tamy Judasi heto-ki. Ralòmny rahudi, tahe, tebò ityre ritidira. Tahe rarybera: –Salu, waseriòre, Inynyrÿ adee riwateònyra. Tiile, Jesusile heka ryro-ki adee rexitÿnynyre. Tiile heka riwateònyra arue ritxuakemy, tule Deuxu Tyytybytyhy atykmy ralòkemy.

<sup>18</sup> Tahe aõwesele irue-ribi rejujura aõ yjy wesele. Tahe ixityre robira. Idi rÿimy rahudi tahe, Anania riratysebenyre.

<sup>19</sup> Idi riroximy rahudi tahe, inatyhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki.

<sup>20</sup> Idi dohodÿÿna heto-ki rybe ritÿnynyre. Rarybere: –Jesuisi heka Deuxu Riòrele rare. Kiawesele rybe-di ritynynymyhÿre.

<sup>21</sup> Tahe uri ijohonadu mahãdu urile bedè riòtiinymy rÿimyhÿ. Tahe inyõ rarybere: –Kia aõ heka ityhydÿÿdu rubudÿÿdule ratxireri, Jerusalẽ-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò.

<sup>22</sup> Salu tahe ire riixiòlòdÿÿnymyhÿhyyre. Judeu Damasu hãwã ludu rieryõhyymyhÿ aõmybo rarybemy. Tii rarybere: –Jesuisi Kristule rare, Deuxu deòdÿÿna rare.

<sup>23</sup> Tiwesetxubo txu idi rÿidi tahe judeu mahãdu rarybere irubudÿÿmy.

<sup>24</sup> Tahe Salu rierymy rÿimyhÿ tahe inonana-ò rexiywinymy rÿimyhÿ. Rummy tahe, txumy hãwã ijò-ki rirubunykemy retehemy rÿimyhÿ.

<sup>25</sup> Tahe ijò erydÿÿna mahãdu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hãwã ahanabe-ò.

<sup>26</sup> Salu Jerusalẽ-ò rehemynyreu, ityhydÿÿduky-ò ralòkemy ratxireri, tahe urile ilau ruberumy rÿimyhÿ. Erydÿÿna mahãdu røhõtinyre: –Tii ityhydÿÿdu inatyhy aõkõ ratximyhÿremy.

<sup>27</sup> Banabe tahe rityhynymy ridyre Jesuisi erydÿÿna mahãdu-ò. Tahe relyyre iwese Jesuisi Salu-ò ryki rexitÿnynyremy tamy raryberemy. Tule relyyre iwese Jesusinimy Salu rybe ritÿnyndÿÿnymyhÿremy, Damasu hãwã-ki.

<sup>28</sup> Tahe taihy Salu ratximyhÿre. Tiò tiòle reamy ratximyhÿre rybe ritÿnyndÿÿnyrerimy ihÿre, ruberumy aõkõ.

<sup>29</sup> Salu rarybera grego rybe heka erydÿÿna mahãdu-ò. Widee rarybehyymyhÿrenyre. Idi tahe kia mahãdu Salu rubudÿÿmy roromyhÿre.

<sup>30</sup> Ityhydÿÿdu seriòre kia rieryreu, tahe Salu ridyrenyre Sesaria hãwã-ò. Iribi tahe Tarso hãwã-ò riteònyre.

<sup>31</sup> Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynyrÿ dee òbitina-ki rariamyhÿre, rityhynymyhÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

<sup>32</sup> Ibutumy hãwã hãwãmy Pedro rariamyhÿre. Tule robehere Lida hãwã-ò ijõ ityhydÿÿdu mahãdusÿ-ò.

<sup>33</sup> Tai Eniamy ninadu-txi Pedro reare heka rare. Iumy heka imyremyrehekÿ heka rare. Debò inataõ reurò beòramy heka herina-ki bede idi rÿire

<sup>34</sup> Pedro rarybere tamy: —Enia, Jesuisi Kristu arateytenykre. Myike, aherina biyrubunyke. Aõwesele hãbu rÿira.

<sup>35</sup> Ibutumy Lida hãwã mahãdu Sarona hãwã mahãdu tuu robire, tai Inynyrÿ rityhynyrenyre.

<sup>36</sup> Jòpe hãwã-ki hãwyy ityhydÿÿdu rasÿnyre. Tabita inire. Kiani riwiurònyre, watxi wese heka rare. Kia heka aõwiwihikÿ widÿÿdu heka rare. Aõna aõna sõwemy iny-ò riwahinymyhÿre.

<sup>37</sup> IjõtXu heka webinadumy resere, ihyy ta, rurure. Risuhòmÿ rahudi tahe, ritidire hetowo ratyaluduwo-ò.

<sup>38</sup> Laida hãwã iòhòmÿ rÿire, Jòpe hãwã-ribi, Ityhydÿÿdu roholare Pedro Lida hãwã-ki ratximyhÿreò, tahe hãbu inatxi diteònyde Pedro òrysmy. Uritere eleòkòmÿ kanakemy tii-wana.

<sup>39</sup> Pedro tahe tii-wana rare. Rehemynyrenyre, tahe ridyre hetoratya ludu wo-ò. Ibutumy wytese mahãdu robumy rÿimyhÿre, rubuweroramy. Tahety, tatyboho ritxeredÿÿnymy tamy riwinyreò.

<sup>40</sup> Tahe Pedro rarybere ibutumy rexitakemy. Tahe rexitòenyre taowotimy resemy. Tahe rexiòkesere rubu-ò rarybekemy: —Tabita, myike. Tahe irue raraynyre tahe Pedromy robire, tahe ronyre.

<sup>41</sup> Pedro tebò tamy riwainyre tahe rÿire. Tahe wytese-ò, ityhydÿÿdu-ò rryryre. Tamy riteòsinyre hãwyy irulemy roirerimÿ ihÿremy.

<sup>42</sup> Jòpe hãwã mahãdu ibutumy kia rieryre. Sõwemy iny tahe Inynyrÿ rybe rityhynyre.,

<sup>43</sup> Txu sõwemy Pedro Jòpe hãwã-ki ihÿmyhÿ Simaõmy ninadu heto-ki. Simaõ heka iròduty wysydÿÿdu rare.

## 10

<sup>1</sup> Italia soldado mahãdu dinodumy raremyhÿ. Oreniliu inire. Sesaria-ki rasÿnyre. Tii òbitimÿ nodu rare, isÿ mahãdu-wana.

<sup>2</sup> Tii uriwahidÿÿna diwahinyde tule sõwemy rexitòenyre Deuxu-ò.

<sup>3</sup> AõutXu inataõ òra bedeu iòhòmÿ, rasina wesemy Deuxu ÿjumy tii robira, tamy rehemynyneri. Tahe tamy rryryre:

<sup>4</sup> —Oreniliu, rimasajuare-ribi riwawyònyre: —Aõherekibo, Wanyrÿ. Tahe ÿju rarybere Oreniliu-ò: —Aexitòedÿÿnamy Deuxu rierymyhÿre. Tule ijõ-ò awahisina Deuxu rierymyhÿre.

<sup>5</sup> Biteònyke eòdubohoõ Jòpe hãwã-ò Simaõ Pedro òrysmy.

<sup>6</sup> Tii Simaõ iròdutyky iyxidÿÿdusÿ-ki ihÿre, bera ijà iòhò-ki.

<sup>7</sup> ÿju rybedu rexitareu, teòdu inatxi-ò rryryre. Tule tasoldado mahãduy-ribi inyõwihikÿ rihitxinyre.

<sup>8</sup> Kia ibutu-ò relyymy rahudi tahe riteònyre Jòpe hãwã-ò.

<sup>9</sup> IjõtXu txutyetxuu, tiiboho hãwã-ò iòhòmÿ ròire. Kiaule Pedro raòwònomy rÿimyhÿ hetotyre-ò rexitòenykemy.



<sup>10</sup> Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmÿ rÿimyhÿ. Idi rasi wesemy røhøtinÿmy rÿire.

<sup>11</sup> Tahe robire: biuwetyy ruamÿyhÿre wese tuu robire. Rià wesemy aõna tamÿ dobehede.

<sup>12</sup> Rià wo-ki ibutumÿ iròdu, nawii, hemylala, aõbo døkønakønale.

<sup>13</sup> Rybeø-ò roholare: —Myike, Pedro, birubunyke, biroxike.

<sup>14</sup> Pedro rirawyònÿra: —Aøkøre, Wanyrÿ. Kia døkøna rerøkøhywãhãre, isuisure dori. Ixityre tamÿ rarybere:

<sup>15</sup> —Aõbo Deuxu risuhore wese isuisumÿ rybeømyke.

<sup>16</sup> Ixityre narybede. Iu tahe aõwesele ridÿre biu-ò.

<sup>17</sup> Tahe Pedro kia aõbo raredi heka røhøtinÿreu, Oreniliu-ribi hãbu mahãdu rehemÿnyre. Simaø heto riijemÿhÿ tahe ijøhøkÿkile rahare.

<sup>18</sup> Tahe rÿryrenÿre: —Simaø Pedro aõbo kakile ratxireri.

<sup>19</sup> Pedro, tatxuu rasina-di røhøtinÿreu. Deuxu Tÿtybytyhy tamÿ narybede:

<sup>20</sup> —Myike tahe, bobehke. Inataø hãbu dori araijereri. Tii-wana makre adee dori aditeønÿde.

<sup>21</sup> Tai Pedro robehere. Tamÿ rarybere: —Jiarÿ aòrÿsydu rare. Aõherekibo tøitenÿte.

<sup>22</sup> Tahe rirawyònÿre: —Oreniliu hãbu øbiti rare. Tii Deuxu dee ijohonaduø rare. Ibutumÿ judeu bede mahãdu awiremy tuu rarybemyhÿre. ÿjuø tamÿ rarybere aòrÿsymÿ kiditeønÿkremÿ, adee roholakremÿ.

<sup>23</sup> Tahe Pedro tamÿrenÿ rarybere: —Kakile inyboho røkørørenÿkre.

Ihewoludu txu, rÿidi tahe Pedro tiibohe-wana røirenÿra. Ijø ityhydÿÿdu seriøre tule roirenÿra.

<sup>24</sup> Ijø hewo ludu txu Sesaria-ò rehemÿnyrenÿre. Oreniliu tii riraòmÿhÿre. Taijoi mahãdu tabiøwawoludu mahãdu-wana ributunÿmy rÿimÿhÿre.

<sup>25</sup> Pedro rehemÿnÿmy raloreu, Oreniliu røhønÿra heto-ribi tahe tatiowotimÿ iko-txi resere riwowÿdÿnykemy.

<sup>26</sup> Tahe Pedro ritamadÿÿnyre. Rarybere: —Mÿnyike wahe. Jiarÿ hãbule watxireri.

<sup>27</sup> Tahe rarybemy ralømyhÿ, søwemy wii ributunÿrerio itxi reare.

<sup>28</sup> Ta Pedro tamÿrenÿ rarybere: —Judeu mahãdu iny witxira mahãdu-wana wibutudÿÿømy, iøhømy wiribi riraømy. Kia teerytenÿte. Deuxu dori riwaerynadÿÿnyre kia wese arøhøtinÿkre. Inÿ wiwese wiwesele raremy arøhøtinÿkemy.

<sup>29</sup> Tahe tai waòrÿsymÿ teteønÿteu, aøtaximÿ anademy wanohøti rÿire. Tai tahe adeerenÿ arÿÿraxikre. Aõherekibo waòrÿsymÿ aøtaxina teteønÿte.

<sup>30</sup> Ta Oreniliu rirawyònÿre: —Inaubiøwa txumÿ txu rÿire tahe hãbu tyky tÿrÿrÿhÿkÿ-di wako-txi rexitÿnÿnyra. Iule wesemy tahe waheto-ki rexitøenywãhãre.

<sup>31</sup> Tahe wadee rarybera: —Oreniliu aexitøedÿÿna-ò Deuxu roholara, ijø-ò awahisina rieryra.

<sup>32</sup> Biteønÿke Jøpe hãwã-ò Simaø Pedro ørÿsymÿ. Simaø, irødutyky iyxidÿÿdÿsÿ-ki ihÿre bera ijà iøhø-ki.

<sup>33</sup> Aõwesele tahe, aòrÿsymÿ reteønÿre. Awimÿ tahe tateriki rahara. Inÿboho kakile ributunÿmy ihÿrenÿre, aroholakemy ibutumÿ Deuxu-ribi aømybo manarybekemy.

<sup>34</sup> Tahe Pedro rarybere: —Deuxu dee iny ibutumÿ wiwese wiwesele rare. Kia reeryre.

<sup>35</sup> Ibutumÿ bede bede hãwã ludu Deuxu rityhÿnykeki, aõbo tamÿ øbiti riwinykeki, tii Deuxu ixidee rimÿke.

<sup>36</sup> Kia rybe tahe Deuxu riwahinÿre judeu mahãdu-ò. Rybewihikÿywina kia diwyde inÿdeerenÿ bederynamÿ. Kia Jesuisi Kristumÿ rarybere ibutunÿrÿna kia rare.

<sup>37</sup> Joaø ijø ratÿysevenamÿ rarybere, idi tahe kia rybe hãletedÿÿmy rexidelenÿre Kalileia-ki. Tahe ibutu judeu mahãdu bedemy rarybere. Kia kaibohe teerytenÿte.

<sup>38</sup> Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relymyhÿre. Iwese Jesuisi reamy raremyhÿ wesemy aõwihikÿ riwinymyhyremy, tule iny Diabo rururawo-ki ratxirerimy ihÿre Jesuisi iribi riteònyre, ta reteytenymyhyre. Deuxu dori Jesuisi-wana ihÿre. Ibutumy kia teerytenyte.

<sup>39</sup> Tahe ibutumy judeu mahãdu hãwã-ki riwinymyhyre, idi itxeredumy inyboho roiremyhyre. Ihãre tahe tii Jesuisi rirubunyrenyre, òwòru itxeò nihikÿ-ki ritòhãletenymy ritamadÿÿnyrenyre.

<sup>40</sup> Inataõ txu-di tahe Deuxu rubu-ribi riixixanyre, tahe tii riteòsinyre inyõ-ò.

<sup>41</sup> Tatarasanaõòle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riòrenyreki, iixixana hewomy.

<sup>42</sup> Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde.

<sup>43</sup> Ibutumy iny Jesuisinimy tamy rityhynykeki, iòraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhyre. Kia heka Pedro tamyrenyre rarybere.

<sup>44</sup> Pedro rarybemy raremyhÿu, Deuxu Tyytybytyhy ibutu rybe-ò ijohonadu tyre-ki resemý ralore.

<sup>45</sup> Pedro-wana rare mahãdu, judeu mahãdu òbiti, tahe riòtiinyre judeukõdu mahãdu-ki Deuxu Tyytybytyhy ralòmý rareki.

<sup>46</sup> Raholare dori rybe wixira-di raryberenyreò, tiiboho Deuxumy heka realàmýhyre. Tahe Pedro tamyrenyre rarybere:

<sup>47</sup> —Inyõ rarybeòkre, iratysebedÿÿòmykemy, tiiboho dori Deuxu Tyytybytyhy-di ratxirenyre inyweserenyle.

<sup>48</sup> Tahe Jesuisi Kristu nimy iratysebenykemy riteònyre. Tahe rexitòenyrenyre Pedro idi iyrenyre-ki ijõ txumy ramyhyre.

## 11

<sup>1</sup> Judeukõdu mahãdu Deuxu rybe roholamy rityhynymyhyre. Kia-ò tahe Jesuisi erydÿÿna mahãdu roholare kiamy ityhydÿÿdu seriòre mahãdu tule roholare. Judeia bede ludu ratximyhy mahãdu ibutumy kia rare.

<sup>2</sup> Pedro ixityre Jerusalẽ-ò rehemynyreu, tahe judeu ityhydÿÿdu mahãdu tuu tamy narybede.

<sup>3</sup> Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyre.

<sup>4</sup> Iribi tahe Pedro ikoreny relyyre ibutumy taaõna aõnamy. Kia wesemy Pedro rarybere:

<sup>5</sup> —Jòpe hãwã-ki watxiwãhã. Tahe rabire rasinawesemy riã nihikÿ biu-ribi robehere-ò. Iwese inyõ iòhòti inaubiòwa-ki rimymyhyre wesemy wadee robehemý roimýhyre.

<sup>6</sup> Tahe aõbo heka iwo-ki ratximyhydi, retenhamyhyre rãiwãhã iròdu deborehekÿ wesemy ratximyhy iwo-ki. Abòròrò wesemy tai ratximyhy, iròdu wese, nawii wese tai ratximyhy, inyboho rirÿsÿõmyhyre wesemy.

<sup>7</sup> Iribi raholare rybeò-ò: —Myike, Pedro, birubunyke hewa aõtxile birubunyke tibo biròkemy. Aõkòrewa Wanyrÿ, tiu heka reròòwãhãre. Judeu mahãdu bede ywina heka tiu iny kia riròòtyhy.

<sup>8-9</sup> Tahe ixityre rybeò tamy rarybere: —Marybeòke kia ibinamy. Aõbo Deuxu awimý rarybere, kia wiji tahe ibinamy aõkò rare. Deuxu dee awikeki, kia awi rare.

<sup>10</sup> Inataõ heka tuu rotÿÿnyre. Iribi tahe kia riã, ibutu-wana iõre biuribihyy heka iõre.

<sup>11</sup> Iribi tahe hãbu inataõ dehemynymy deade tai watxiwãhã-ò. Tii diwaòryde riwadykremý Sesaria hãwã-ò.

<sup>12</sup> Tahe Deuxu Tyytybytyhy wadee rarybere tii-wana arakremy. Nohõtiõmy heka aõbo judeukõdu mahãdu raremy. Tii-wana makre ele elemy. Tahe kia debò sohoji reurò seriõremy wahemy rare. Tahe retehemynyrenyrene waðrysomy riteõnyrenyrene heto-ò tahe ralõrenyrene Oreniliu heto-ò.

<sup>13</sup> Iribi tahe Oreniliu rarybere iwese ÿju ihetowo-ki tamy rexitÿnyrenyremy rarybereri: —Oreniliu, inyõ biteõnyke Simaõ Pedro òrÿsomy Jòpe hãwã-ki.

<sup>14</sup> Tii rybe tÿmyraõmy adeereny kanarybekre. Tai tahe ibutumy asÿ ijoi-wana aòraru-ribi kanatakre. Kia Oreniliu inydee rarybere.

<sup>15</sup> Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tyytybytyhy ityrereny resere iwo-ò ralòkemy iwese watyrereny resere wesele juhoo.

<sup>16</sup> Tahe Jesuisi rybe wanohõti itxi reare tiubo raryberemy: —Joaõ heka inatyhymy bedi iny ratisebenyrene, kaiboho tahe Deuxu Tyytybytyhy-di akanasebedÿÿdenykre.

<sup>17</sup> Judeukõdu mahãdu Inynyrÿ Jesuisi Kristu rityhynymyhyÿre. Tai Deuxu tamy diwahinyde iwese wadeereny juhu riwahinyrene wesetyhyle. Deuxu Tyytybytyhy uriõno wesele tamyreny diwahinyde. Mobo jiarÿ raremy wahe tuu Deuxu dee aõmy ararybekemy.

<sup>18</sup> Iribi Pedro rybe-ò roholareu tahe timyhe tamy irybekõna. Tule Deuxu riwowydynyrenyrene: —Inatyhy wa rare Deuxu heka judeukõdu mahãdu-ò heka umytuedeõna riwahinyrene. Inyõ rityhynykeki, ixirahikeki, tarasana rimyrenykre.

<sup>19</sup> Iu tahe Estevaõ rurureu, ityhydÿÿdu aõhõkÿmy rotÿÿnyreu tahe, ityhydÿÿdu mahãdu Jerusalẽ-ribi ròhõnyrene. Tii heka relyymyhyÿre Rybewihikÿmy judeu mahãduòle kÿny wahe, iwitxira witxira-ò aõkõre. Tahe ibutu bede-ò ritelenymy ròirenyrene. Senisia-ki relyyrene. Xibri bedebute-ki tule relyyrene, Atxiòkia hãwã-ki tule relyyrene.

<sup>20</sup> Ijõ ityhydÿÿdu mahãdu Jesuisi Rybewihikÿ tÿmyra rarybere. Tiiboho Xibri bedebute-ribi ròhõnyrene, Sireni-ribi ijõ rybedu ròhõnyrene Atxiòkia-ò. Tiiboho relyyrene judeukõdu mahãdu-ò tule.

<sup>21</sup> Deuxu riwiõhenanyrene sõwemy iny rityhynyrene, Jesuisi ryò ralõrenyrene.

<sup>22</sup> Jerusalẽ ityhydÿÿdu mahãdu kiamy roholare. Tai tahe Banabe riteõnyrenyrene Atxiòkia-ò.

<sup>23</sup> Banabe rehemynyrene tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiõhenanykremy: —Iòhõtymy Deuxu-ribi atximahãbenyke, aworibityhy Deuxu bityhynybenyke.

<sup>24</sup> Banabe heka hãbu wihikÿ rare. Tÿxihikÿlemy Deuxu Tyytybytyhy-di ratximyhyÿre. Ibutumy ratximyhyÿre tyhydÿÿna-di. Sõwemy iny rexirõtenyrene Inynyrÿ mahãdu-ò.

<sup>25</sup> Idi tahe Banabe rare Tarso hãwã-ò Salu ijesemy.

<sup>26</sup> Tai rahareu tahe, didymyhe dòõsemy nade Atxiòkia-ò. Sohoji beòramy idi bede rierenyrene. Sõwemy iny ribedeerynymyhyÿrenyrene. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani tamyreny riwahinyrene.

<sup>27</sup> Aõutxu tahe dehemynyde Deuxu rybedu mahãduõ Jerusalẽ-ribi Atxiòkia-ò.

<sup>28</sup> Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlõmy raremyhyÿu, kiamy rotÿÿmyhyÿre.

<sup>29</sup> Tai tahe ityhydÿÿdu mahãdu he nieru riwahinykremy rÿire Judeia bede sÿdu ityhydÿÿdu riwiõhenanykremy. Tahe nieru riwahinyrene tiwesebo idi ratximyhyÿre wesemy tamy riwahinyrene.

<sup>30</sup> Tahe nieru riteõnyrene, moma-wana Banabe Salu-wana Jerusalẽ dohodÿÿna heto matuari mahãdu-ò riwyrene.

## 12

<sup>1</sup> Kia bededÿÿnanamy heka Herodi judeu iòlõmy raremyhyÿ. Iribi tahe rexidelenymy

riwinyre heka ityhydÿÿdu mahãdu kia òludumy risÿnykre myhÿ. Tii riteònyre aõna aõnamy risÿnykemy ityhydÿÿdu mahãdu-ò.

<sup>2</sup> Tii mayrehe-di rubudÿÿmy riteònyre Joaõ seriòre wahe, Txiau wahe.

<sup>3</sup> Tai tahe judeu wedu mahãdu heka tamy wihikÿlemy tuu rotÿÿnyre. Herodi rierymy raremyhÿ idi Pedro rimyre. Tahe worana bedehesi rÿire. Paõ taurina ihoõ inire. Kia ibutumy rotÿÿnyre kia bedehesi rÿireu.

<sup>4</sup> Tahe Pedro riròtenyrene, ròtenawomy wirutyre. Aõmamy soldado mahãdu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahãdu-ò riwahinykre. Kia Herodi rexinohòtidÿÿnyre.

<sup>5</sup> Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rex-itòdenyhyumyhÿre Pedro tòenamy.

<sup>6</sup> Txubiòwamy tahe itxu riywinyrenyrene iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmy roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijõ soldado rotena ijò-ki ratximyhÿre.

<sup>7</sup> Inynyrÿ ÿju heka Pedro weribi rihetenyrene riixixanykemy. Loosòna itÿnyhÿkÿlemy ròtena ritoosonyre. Tamy rarybere: —Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyrene.

<sup>8</sup> Tahe ÿju tamy rarybere: —Awamy birutyke, bexityynyke. Kiamy riwinyra. Ijõ arahana birutyke tahe biwaheludunyke.

<sup>9</sup> Iribi ròhònyra he tai ròròri-ribi wahe. Kia ibutumy heka rasi weselemy Pedro ròhòtinyre rieryòre inatyhy aõbo ada rasi aõbo.

<sup>10</sup> Juhu heka ikoludu soldado mahãdumy reare idi ihewoludumy reare iribi rehemynomy rÿire ahana ijòtyhy-ò. Womatilere heka iijòtòbònare. Ixiwanale heka rarayre ijòtòbòna. Iribi tahe roirenyrene hãwãry-di ririranyrenyrene. Idi tahe ÿjuhe iòre iribi.

<sup>11</sup> Tahe Pedro ròhòtinyre, rieryre heka aõhebo rotÿÿnyraò. Wanyrÿ ÿju riteònyrene riwatara Herodi-ribi judeu mahãdu-ribi. Katahe wadee aõhe rotÿÿnyrenyòtyhy.

<sup>12</sup> Ròhòtinomy rÿire juhoo urihimyo idi tahe rare Marie heto-ò. Joaõ Markuse heka tii rare. Tai ityhydÿÿdu mahãdu rÿimyhÿ tahe rexitòenyrenyrene Pedro tamy rehemynyrene.

<sup>13</sup> Tahe ijò he rihetenyrene. Ijòtòbòna-ò nade mobo raremy rierykemy ijadòma deòdu. Rode inire.

<sup>14</sup> Tahe Pedro rybe rieryra. Reysamy raijaranyrene iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy.

<sup>15</sup> Tiiboho raryberenyrene: —Kai tabinamy atxiteri. Ixityre rarybere: —Aõkòre tii taile naderi. Tahe raryberenyrene: —Pedro aõkò rare, taÿjulemy tahe rare.

<sup>16</sup> Tahe Pedro riheterihetenomy rÿimyhÿre. Idi riraynyrenyrene. Pedromy robirenyrau, bede riòtiinyrenyrene.

<sup>17</sup> Pedro tahe tamyrenyrebò reara roholarenykemy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyrene: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

<sup>18</sup> Txuu ratÿnyreu, soldado mahãdu ierysomy wii risÿnyrene timybo Pedro aõhebo rotÿÿnyramy. Tahe jei jei aõnire.

<sup>19</sup> Herodi ijesemy riteònyrene tai moõ tai rahaõhylera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi ròhònyra. Sesaria hãwã-ò bededÿÿnanaõ riwya.

<sup>20</sup> Tiro hãwã mahãdu Sidoma beà hãwã mahãdu-wana Herodi derarenyrene. Tahe tiiboho ributunyrenyrene tamy ròirenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyrene iwe-ribi mahãdureny. Tahe ròirenyrene Herodi-ò tamy rexitòenyrenyrene, tamy ykaraõmykemy. Tarÿsÿna dori diwyde iòlò bede-ribi, Herodi bede-ribi.



21 Herodi tahe itxu riywinyre. Kia txuu tahe ròhònyre tamy. Rexityynyre taiòlòttyprehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hãbu aõkõ rarybereri, Deuxu wahe.

22-23 Aõwesele Deuxu ÿju heka Herodi rirubunyre, tii Deuxutyhymy reàlàõreki. Woudò rubudÿÿnamy rurure.

24 Deuxu rybe tahe ibutumy roholare. Sõwemy iny tahe rityhynyre.

25 Banabe Salu-wana nieru riwahinymy rahudi tahe, diòsede Jerusalẽ-ribi Atxiòkia-ò. Joaõ Marku tii-wana ridyre.

## 13

1 Atxiòkia dohodÿÿna heto mahãdu-ki rybe tÿnydÿÿdu mahãduõ, bede erydÿÿdu mahãduõ rÿimyhÿre. Kaheka inireny rare: Banabe, Simaõ, iniraròsòna Nike rare. Lusu ijõre, tii Sireni hãwã ludu rare. Manaï ijõre, tii Herodisÿ-ki ratibienyrene, Salu ijõre.

2 Ibutumy tahe Inynyrÿmy reàlàre, riroxiõhy heka bede riemyhÿ. Tahe Deuxu Tyytybytyhy tamyreny rarybere: —Jiarÿ waaõmysÿdÿÿna dire Banabe-ò, Salu-ò. Kaiboho heka biteònybenkre kia riwinykremy.

3 Tahe roxiõhyymy bede riemy, rexitòenyrenyrene. Tebòreny iratytyre ritidirenymy, idi riteònyrenyrene tabede tÿina-ò.

4 Deuxu Tyytybytyhy tahe tiiboho riteònyrenyrene. Selusia hãwã-ò tamy riberenyrenyrene. Tahe hãwòð rimyrenyrene Xibri bedebute-ò.

5 Tahe rehemynyrenyrene Salamina hãwã-ò. Tai judeu dohodÿÿna heto-ki Deuxu rybemy raryberenyrene. Tule Juaõ Marku rare tii-wana wiòhedÿÿdu wese heka rare.

6 Tahe ibutumy bedebutemy rekoarenyrene. Ritehemynyrenyrene hãwã-ò Pafumy ninadu-ò. Tai tahe judeu mahãdu witxi deade, Bajesuisi heka inire.

7 Tii Deuxu rybeduõmy raremyhÿmy iximy rarybere tahe aõkõre, raruire, riitxenanyrene. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy.

8 Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre.

9 Salu tahe, Paulo ijõ ini rare. Deuxu Tyytybytyhy heka itykymy ralòmy rÿimyhÿre. Tahe Paulo retehere Elimasi-ò tamy rarybere:

10 —Kai Satanasi riòre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyrÿ-ribi iny riixãwididÿÿnyre.

11 Deuxu heka wiji araòwynyrene, aõhõkÿmy arasÿnyrene, aruetàmymy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyymy reare. Urile riemy ratximyhÿre, iny riwiòhenanykemy, ryy tamy ritÿnynykemy.

12 Tahe kia bedebute dinodu tuu robire aõhebo rotÿÿnyramy, tai bede riòtiinymy ronymyhÿ tahe tii Inynyrÿ rityhynyrene.

13 Iribi tahe Paulo ròhònyra taijoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòsede Jerusalẽ-ò.

14 Tahe Paulo Banabe-wana roirenyrene. Peke-ribi riòlònyrene tahe rekoarenyrene Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirònyrenyrene judeu mahãdu dohodÿÿna heto-ò. Sabado txu rÿire. Ronymyhÿre ijohonamy.

15 Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriòre, arybemy idi atxiteri-wana marybeke aõwaxiny bitÿnyke.



16 Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexidelenyrene: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò.

17 Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasòwedÿÿnyre. Iribi tahe Deuxu Egito-ribi ritarenyre tebò ruruteretyhy-di.

18 Tiiboho bederahy-ki 40 beòramy bede riereu, Deuxu taaòbina bina riòludunyre.

19 Kanaã bede-ki debò inatxi reuròmy ixÿju ixÿju mahãdumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahãdu tamy riwahinyre. 450 beòra rahureu, tahe Samueli Deuxu rybeduòmy raremyhÿ.

20 Idi tahe rybe ywisidÿÿdu mahãdu tamy riwahinyre. Tahe 450 beòra rahureu, Samueli Deuxu rybeduòmy raremyhÿ.

21 Iribi iny Deuxu-ò rexitòenyre iòlòmy tamy kadiwahinykemy. Tahe Deuxu Salu tamy riwahinyre, iòlòmy. Salu tahe Kixi riòre rare. Benjami mahãdu rare. Tahe 40 beòramy iòlòmy ronyre.

22 Salu iribi ritareu, tahe Davi, Deuxu ritamadÿÿnyre iòlòmy. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre.

23 Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhoo Deuxu rarybere wese.

24 Jesuisi naòdeu, Juaò ritÿnyre Israeli mahãdu-ò iòrarureny ririkemy idi raratisebenykemy.

25 Juaò rybe tÿnydÿÿna kònanau, tamyreny rarebere: —Jiarÿ wa iwese tahòtinytenyteri wese aòkò jiarÿ rare. Kaiboho tiwaraòòhymahãtenyete. Betehebennyke, tii, wahewomy kanakre. Jiarÿ aò aòkò rare, iwatisana arieseòtyhy iwa ritakemy, tii dori waratyre wihikÿreki.

26 Waseriòreboho, Abraò riòre riòremy ibutumy inyboho roire, tule Deuxu reàlàmy rÿira mahãdu kaki ratximyÿ. Deuxu inydeereny biu-ò hedu rybe diwahinyde.

27 Jerusalē mahãdu, iwedureny-wana raeryòhyre tii tarasadu rare. Ibutumy sabado txu rybedu tyyriti-di rariamyhÿre tohodÿÿna heto-ki, tahe aòbo rare rieryòhyre. Jesuisi rubudÿÿmy raryberenyreu, iwese rybeduò rarybere wese, tiiboho rotÿÿnymyhÿre.

28 Tiiboho aòbina bina-ki tai rahaòhyra, ihãrele irubudÿÿmy rexitòenyre Pilato-ò.

29 Iwese ibutumy Jesuisimy riritinymy roireri wese, ibutumy tuu ròhònyre. Tahe itxeò nihikÿ tyre-ribi ritarenyre. Tahe mana hãloo rawo-ò ritidirenyre.

30 Tahe Deuxu rubu-ribi riixixadÿÿnyre.

31 Tii-wana iny mahãduò roirenyre juhoo Kalileia-ribi Jerusalē-ò. Rexixamy rahudi tahe, tii mahãdule tuu robihyymy txuu widireny rÿire. Kia mahãdule inysòwey-ki relyymyhÿre.

32-33 Deuxu juhoo rarybere inytybyreny-ò aòhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrenyre. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bomy watxiwãhãre.

34 Kiamy heka Deuxu rarybere Jesuisimy: —Rubu-ribi ariixixanykemy, tiu rasunymyhÿre bede-ò ròseòtyhy. Iwese Davi-ò jiarÿ rarybere wesemy ibutumy adee bede ariywinykre.

35 Deuxu ijò wiuna Ritidÿÿna-ki tule rarybere. Iwese Jesuisile rarybere wese, kiamy roire:

—Eòdutyhy umy rasÿnyòtyhy kai dori waumysudÿÿ-ò teijemahãte.

36 Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre.

37 Jesuisi umy tahe rasunyòre Deuxu dori rubu-ribi riixixadÿÿnyreki.

38-39 Jesuisi bityhynybenykeki, aòraru riixãwidinyke. Kiamy Moisesi bede ywina ihoõhyre adeereny. Kia bierybenyke waseriòreboho, tiile, Jesuisi, adeereny re-lyyiwãhãreny.

40 Bexiijebenyke, kiamy adeereny rotÏÏnyke lau iwese rybedu ritina-ki roire wese:

41 —Kaiboho inatyhy derare. Betehebenyke, burubenyke, bede biòtiinybenyke, aõbo jiarÏ rewinyreriò. Inyõ adeereny ritÏnykyke ihãrele. Tiu heka bityhynybenyõtyhy.

42 Tahe Paulo irybe rexihura. Iribi ròhònyre Banabe-wana. Rexitòenyrenyre ijõ sabado biòwau tarybetybydile ixybyle relyykemy.

43 Iny ritobinymy rahudi, judeu mahãduõ, judeu bede erydÏÏna ityhydÏÏdu mahãduõ tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymyhykemy.

44 Ijõ sabado rehemynyre, ibutu iny hãwã-ribi doimyhÏdenyde Deuxu rybe-ò ijonamy.

45 Judeu mahãdu tahe inysòwemy robireu, tiiboho rexiwaritinymyhyreny. Tiiboho raryberenyre aõbinahãkÏlemy Deuxuru-ò. Paulo riki inatyhymy aõkõ tii rarybemyhyre.

46 Paulo Banabe-wana ihãrele brebuõlemy raryberenyre: —Juhuu adeereny Deuxu rybe dobehede. Tahe kaiboho tetyhynyõteny, tai judeukõdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaõte adeereny aõ aõkõreki.

47 Kia InynyrÏ bede ywina wadeereny riwahinyre: —Kai loosòna wesemy atxikre judeukõdu mahãdu-ò. Kai tarasanary ritÏnykykre ibutu inyko-ò.

48 Judeukõdu mahãdu kia-ò roholareu, tahe reysarenyre. Deuxu rybe riwowydynyrenyre tai. Tahe rityhynyre, timybo Deuxu juhUU ritare wesele tamyreny umytuedeõna riwahinyremy.

49 InynyrÏ rybemy kia bede-ki ibutumy relyyre.

50 Tahe judeu mahãdu rarybere hãwyywihikÏ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre.

51 Paulo Banabe-wana tawa-ribi bryby riòhòwirenyre tamyreny tiiboho ibinareki. Tahe Ionio hãwã-ò roirenyre.

52 Atxiòkia ityhydÏÏdu mahãdu tahe reysamy rÏimyhÏre. Deuxu Tyytybytyhy-di tÏximy ihÏre.

## 14

1 Ionio hãwã-ò Paulo Banabe-wana rare. Judeu mahãdu dohodÏÏna heto-ò. Tahe rybe ritÏnyrenyre, tarurumy he relyyrenyre. Sòwemy judeu mahãdu, judeukõdu mahãdu-wana rityhynyrenyre ijyy.

2 Tahe ijõ judeu mahãduõ rityhynyõre. Ijyy deramy reamyhyre, tule ijõ-ò tule rarybere ityhynyõkemy. Tahe Paulomy, Banabemy aõ òta òtalemy rarybemyhyrenyre.

3 Ihãrele tahe Paulo Banabe-wana bede nihikÏ riwyrenyre tai. Tamy rybe ritÏnyhy roiremyhy ibrebuõlemy. InynyrÏ taruxetòena rybetyhydÏÏnamy riwiòhenanyre tiiboho bedèòbyna widÏÏdu renyreki.

4 Hãwã mahãdu ritxuare. Ijõ heka judeu wedu mahãdu rityhynymyhyre, ijõ tahe Paulo Banabeboho rityhynymyhyre.

5 Judeukõdu mahãdu, judeu mahãdu, tawedureny-wana widee rarybere Paulo Banabe-wana riòkòròrenykemy tamy mana-di rehurenkyremy.

6 Tahe tiiboho rexieryrenyre tahe rihenyrenyre. Tahe ròirenyre Listra hãwã-ò, Debi hãwã-ò, kia Laonia hãwã hãwã-ò rare. Tule rariarenyre kowa bedewo-ki.

7 Tahe kowa tiemy ritÏnyhy roiremyhy Rybe tÏmyra wihikÏ-di.

8 Listra hãwã-ki heka hãbuõ-txi rekoarenyre, itierere heka. Taihy heka ronymyhyre. Tuuhyy heka ratohouãmy ijarananyre.

<sup>9</sup> Tii tahe Paulo rybe-ò roholare. Paulo tamy retehere. Kia tahe Paulo riereyre hãbu teytetyhynadire Paulo riteytenykremy.

<sup>10</sup> Tai tahe tamy rarybere tarybe riterenymy: —Mynyike, òbitimy. Ta hãbu rexiwatzinyre, rariare.

<sup>11</sup> Ijohona mahãdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka Deuxu wesemy idi rexinohõtidiÏÏnymyhÏre. Inydeereny Deuxu wesemy dobehede. Iumyreny tahe hãbu wesemy rare.

<sup>12</sup> Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki.

<sup>13</sup> Jupite xiwena wydydu horeru bederade-di dehemynyde. TohodÏÏna heto hãwã ahana ube-ki rÏire. Broreni xiwe wesena tamyreny hãwã mahãdu riworonykemy, riwahinykemy.

<sup>14</sup> Kiamy roholareu, Paulo Banabe-wana tatykyreny riykaranyre idi rihurennyre. Tahe ralõmy reare inysõwey-txi rarybekemy.

<sup>15</sup> Tamy ryryre: —Aõhebo tatÏÏnytenyteri. JiarÏboho hãbulemy watzirenyreri. Kialemy adeereny rarybewãhãre, Deuxu rybetÏmyra wihikÏ. Adeuxurenny-di nohõtirennyõmy. BedewidÏÏdu ta mohõtinybenyke. Tii dori benihikÏ riwinyre, ibutumy biu-ki riwinyre, tahe Deuxutyhy-di mohõtinybenyke.

<sup>16</sup> Ihetxiu Deuxu ibutumy bede bedemy sÏdu ririre ixidee wimy aõna aõnamy rotÏÏnykemy.

<sup>17</sup> Urile tahe tamy rexideòsinyre tamy biu riwahinyre taoworumy raratynykemy. Tai tahe kaiboho arÏsÏna dire, Deuxu debò-ribi, awo-ki eysanadire.

<sup>18</sup> Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, inydeereny bidiwahinyõke.

<sup>19</sup> Iribi tahe judeu mahãdu-ò Atxiòkia-ribi, Ionio-ribi tamyreny raryberenyre Paulo rubudÏÏmy. Hãwã òtityube-ò Paulo ridyrennyre. Mana-di tamy rehumyhÏ. Tahe rubu wesemy ririrenyre.

<sup>20</sup> Idi tahe ityhydÏÏduõ tamy wirotyre. Paulo tahe suribi rÏire tahe tii-wana nalòde hãwã-ò. Ijõtixu biòwamy tahe Banabe-wana Paulo rexitare ijõ hãwã-ò, Debi hãwã-ò.

<sup>21</sup> Ka hãwã-ki tahe Paulo rybe tÏmyra wihikÏ ritÏnynnyre. Sõwemy tai rityhynnyre, Pauloboho ròserenyre Listra hãwã-ò, Ionio hãwã-ò, Atxiòkia-ò.

<sup>22</sup> Ibutumy hãwã-ki Pauloboho ityhydÏÏdu mahãdu riwiòhenanyrennyre, tiiboho rityhynnyhyemy ratximyhÏkemy. Tamyreny rarybere: —Kaiboho aõhõkÏmy botÏÏnybenyke, ihãrele malòkemy titxibo Deuxu Iòlò ratximyhÏre-ò.

<sup>23</sup> Ibutu ityhydÏÏdu mahãduy ribi ritamy rÏimyhÏ rarekremy, idinodumy. Matuari mahãdu-ribi tii ritare. Iu ritareu tahe, rexitòenyre Deuxu-ò tule byreõhyy txuõ riwyrennyre. InynyrÏ-ò rexitòenyre: —Kia ibutumy aratyhynnyreri, tai tahe biywinymy ahãke.

<sup>24-25</sup> Pisidia bede-ki rekoamyhÏrennyre Panfilia bede-ò. Kowa-ò RybewihikÏ tÏmyramy relymy rahudi Peke-ki, Atalia hãwã-ò dobehede.

<sup>26</sup> Tai hãwò nihikÏ welòdi-di rimyrennyre. Tahe Atxiòkia-ò rorore. Kowa-ribi juhuule rybe tÏmyra wihikÏ ijyy-di dòhònyde. Kowa juhuy rexitòenyre tamyreny Deuxu ruxetòena-wana rarekemy.

<sup>27</sup> Atxiòkia-ò rehemynyrennyre, Paulo, ibutumy ityhydÏÏdu mahãdu ditotynyde. Tai heka tamyreny rarybere iwese Deuxu riwiòhenanyre wese ibutumy iaõmydÏÏnana-di. Iwese judeukõdu mahãdu rityhynnykemy. Deuxu tamy ityhyna ijõtòbòna riraynyre wese.

<sup>28</sup> Idi bededÏÏnana riwynihikÏre ityhydÏÏdu mahãdu-wana.

## 15

<sup>1</sup> Hãbuõ Judeia mahãduõ ditehemynydenyde ta teòsamy ribedeerynyrennyre. Kawese

ribedeerynyre: –Moisesi Tyyriti bede ywina, notykyresynamy, rityhynyõkeki, iny rataõtyhy.

<sup>2</sup> Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalẽ matuari mahãdu-ò roirenykemy aõmydÿÿnana rexiõbitinyrenykemy. Iny wixira-ò Jesuisi erydÿÿna mahãdu-ò rarybekemy heka tamy, Pauloboho iteòdÿÿmy rarybere. Tahe ijõ hãbu mahãduõ tule tiiboho-wana riteònyrenyrene.

<sup>3</sup> Dÿÿraximy heka tamy ròirenyre, aõ aõmydÿÿnabo ratxirerímý wahe. Sõwemy dohodÿÿna mahãdu ihemy roirenyre urihimyò, tai tahe ririrenyre. Tahe Senisia bede bedemy, Samaria bede bedemy riòhòrenenyre. Relyyre judeukõdu mahãdu tule ityhydÿÿdu mahãdu-ki rÿirerimy. Tai ibutumy ityhydÿÿdu mahãdu reysare.

<sup>4</sup> Tahe ritehemynyrenyrene Jerusalẽ-ò. Wihe ritotynyrenyrene ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relyyrenyrene aõmybo Deuxu rotÿÿnyre iyreny-ki, timybo riwiòhenanyré.

<sup>5</sup> Tahe hãbu mahãduõ tai raremyhÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ rÿire ribedeerynykemy. Tahe rarybere: –Inydeereny kia wese rare. Judeukõdu tyhydÿÿdu ibutumy notyyresyna-di ròhònyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre õbitimy aõkõ watzireri.

<sup>6</sup> Idi tahe Jesuisi erydÿÿna, matuari mahãdu-wana wii ributumy rybe õbitidÿÿmy.

<sup>7</sup> Rybe sõwemy rahude tahe, Pedro rÿire tamyreny rarybekemy: –Waseriòreboho, Deuxu juhu riwatara Rybewihikÿ rybedumy judeukõdu mahãdu-ò tuu aritÿÿnykemy, tiiboho tule rityhynyrenykemy. Tai rarewãhã. Kaiboho kia ibutumy teerytenyte.

<sup>8</sup> Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukõdu mahãduõ tule ixidee rimyky. Kia wese tuu riteòsinyre inydeereny.

<sup>9</sup> Deuxu wiribi lahiximy aõkõ iny riwinyrenyrene. Wiwesehyyle ihÿre. Tiiboho inywesele ihÿrenyrene. Tiiboho rityhynyrenyrene, heka irayky rityranyrenykemy ritarenkye.

<sup>10</sup> Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahãdu tyre-ki tetiditenyteri. Inytybyreny tiu retyyõre tule inyboho idi retyyõre.

<sup>11</sup> Inynyrÿ, ruxetònale-di iny ritamyhÿre. Tule judeukõdu mahãdu kia weselere ritamyhÿre.

<sup>12</sup> Tahe aõmy rarybeõhyrenyrene. Ibutumy he Paulo Banabeboho rarybereò, roholarenyrene. Tiiboho heka relyyrenyrene tule bedeòby wihikÿ aõna aõna-wana Deuxu riwinyremy tadebò-di wahe.

<sup>13-14</sup> Iribi tahe rexihurenireu tasÿ, Txiau rÿire rarybekemy: –Waseriòreboho, bodoholabedenykre inihe warybe-ò: –Pedro kÿny adeereny rarybere, timybo Deuxu judeukõdu mahãdu roramy rare iny mahãduõ ixidee ritakemy tanityhy-ò.

<sup>15</sup> Kiawesemy he tule ihetxiu Deuxu rybemy rybedu mahãdu riritinyre, kamy wahe:

<sup>16</sup> –Wanyrÿ heka rarybera: –Adòòsekre, ixby ariwinymy aritamadÿÿnykre aõdohodÿÿna heto Davi juhuu riwinyre. Idi tahe resere. Ixyby ariwinykre.

<sup>17</sup> Tai tahe judeukõdu mahãdu-ribi iuhe riwaòrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenkye.

<sup>18</sup> Kawesemy Wanyrÿ tuhy rarybemy raremyhÿ, tule wiji ihÿre.

<sup>19</sup> Tai heka kiawidÿÿõmy rakatximyhÿrenykre. Tamyreny rybeõmy rakatximyhÿrenyrene. Judeukõdu mahãdu Deuxumy rityhynyrenyrene, iny bede ywina reny tyhydÿÿmy tamyreny rybeõmy.

<sup>20</sup> Kialemy heka tamyreny rakaryberenykre: Suritxoo xiwe-ribi iròdude ròrenyõmy. Tule òta òta òraruna widÿÿõmy, iròdu hãlubu-di ròrenyõmy, ihãlubu rejuxunyõmyhÿre-wana.



21 Kiamy heka rakatximyhÿrenyke. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kia ritÿÿnynymy raremyhÿ.

22 Tahe kiamy heka rahõtinyrenyke, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiòkia-ò riteònyrenykemy Paulo Banabe-wana. Tahe Judasi ritarenyke tule iniòrysna Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai raharenyke.

23 Katyiriti tiiboho-wana rakre. Kawesemy tyyriti rare: –Jiarÿboho, erydÿÿna, matuari, seriòre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-ò ka tyyriti rakre Atxiòkia hãwã-ò, Siria bede-ò, Silisia bede-ò.

24 Inyõ rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteònyrenyõhyre. Kia reerymy watxirenyreri.

25 Tahe wiwesele rahõtinyrenyke riki, hãbubohoõ Paulo Banabe inyluudu-wana reteònyrenyke.

26 Kia hãbu Paulo Banabe-wana hãwã binahakÿ-ò roimyhÿrenyke Jesuisi Kristu Inynyrÿni-di. Ixi-txi rõhõtinyòlere, brebumy.

27 Judasi-wana tule adee raryberenyke kia aõmydÿÿnanamy, katyiriti rewahinyrenyke wese.

28 Kawese inyboho rõhõtinyhÿre, Deuxu Tyytybytyhy dori inyrayky rewiòhenanyre. Kia bede ywinalemy adeereny rarybereri biywinybenykemy.

29 Uritere, suritxoo xiwe-ribi iròdude ròrenyõmy iròdu, ihãlubu-di ròrenyõmy, ihãlubu rejuxunyõmyhÿre-wana. Tule òta òtana òraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhãre.

30 Tahe hãbuõ iny inaubiòwamy Atxiòkia hãwã-ò ròrenyke. Tahe Atxiòkia tyhydÿÿdu mahãdu ributunyre. Iu tahe tamyreny tyyriti riwahinyre.

31 Tahe idi rariarenyre, ritÿÿnynymy tamyreny. Ribedeerynyrenyke. Tai tahe reysarenyke.

32 Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriòre mahãdu-wana rohonymyhÿre. Tai tahe rirurudÿÿnynymyhÿre.

33 Aõutxumy raroorehenyke, tahe seriòre mahãdu tamyreny rarybere: –Bòibenyke he ateòdÿÿdu mahãdu-ò. Biòkeseke wowina-di Jerusalẽ hãwã-ò.

34 Tahe Sila rõhõtinyre rarikremy Atxiòkia-ki.

35 Tahe Paulo Banabe-wana naride Atxiòkiakile. Inynyrÿ rybemy rierynanyrenyke, ritÿÿnynyrenyke, ijõ seriòreõ-wana.

36 Aõutxumy tahe Paulo rarybere Banabe-ò: –Ròkòòsekre kÿnyhe, ibutumy hãwã hãwã-di tai juhuu Inynyrÿ rybemy ritÿÿnynmahãreò wahe, rikiwehityhynanykremy timybo ityhydÿÿdu mahãdu nyimyhÿde-ò.

37 Tahe Banabe Joaõ-Marku ridykemy tamy reare.

38 Paulo heka Joaõ-Marku ridyòkemy ratxireri, Panfilia hãwã-ki dori iribireny ròhònnyreki, riwiòhenanyòreki.

39 Marku ridykemy wiwese wesemy aõkõ rõhõtinyrenyke teratyhylemy ratximyhÿ. Tai tahe wiribi rexihitxinyrenyke, Banabe Paulo-ribi. Banabe Marku ridyra Xibri bedebute-ò, hãwò-di ròira.

40 Paulo tahe Sila ridyra. Seriòre mahãdu tahe Pauloboho riixitòedÿÿnyre, Inynyrÿ ruxetòena tamyreny kanakemy.

41 Tahe Siria bede werawo-di, Silisia bede werawo-di, ririranyre dohodÿÿna mahãdu riwiòhenanykemy, rirurudÿÿnynymyhÿkemy.

## 16

1 Pauloboho tahe Debi hãwã-ò rehemynyre. Ihyy tahe Listra hãwã-ò rare. Tai tahe



Tximòtxi-wana witxi rekoare. Tximòtxise judea tyhydÿÿduõ rare. Tyby tahe grego mahãduõ rare.

<sup>2</sup> Listra, Ionio ityhydÿÿdu seriõre Tximòtxi luure. Tximòtximy widee rarybere: –Tii iny hãbu tyhy rare.

<sup>3</sup> Tahe Paulo Tximòtxi-wana rakemy rexiywinymy raremyhÿ. Tahe rexitarenykre kotyreu, Paulo, Tximòtxi notykyresymy riteõnyre, kowa judeu mahãdu õraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare.

<sup>4</sup> Iribi tahe ròirenyre hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu rõhõtinyinmyhÿremy.

<sup>5</sup> Tai tahe ibutumy dohodÿÿna heto mahãdu tii rirurudÿÿnymyhyre ityhydÿÿna-di. Tule ijõ rityhynymyhyre txuõ txuõlemy ralokemy ityhydÿÿduõmy rarekemy.

<sup>6</sup> Pauloboho Asia bedè-ò ròirenyõre rybe ritÿnynykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿrenyrene.

<sup>7</sup> Misia bedè-ò rehemynyreu, Bitinia bedè-ò ròirenykemy riwisÿnyrenyrene. Tahe Jesuisi Tyytyby tamy riteõnyõhyre, ritirÿmyhÿre.

<sup>8</sup> Tahe Misia bedemy rekoare, tahe Troaji hãwã-ò robehere.

<sup>9</sup> Tahe Paulo hãbuõ wesemy robire rasina weselemy. Hãbu, Macedonia bedè ludu lamamy rÿimyhÿò, tuu robire. Tahe hãbu ryrymyhÿ tamy: –Manake Macedonia-ò, biwawiõhenanykemy. Kia Paulo rasi-ki tuu robire wese.

<sup>10</sup> Tahe tarasi rahureu, tamyhe wylemy aroikemy watxiwãhãrenyrene. Jiarÿ, Luka, Paulo-wana. Deuxu dori inydeereny rarybereri Macedonia-ò ròkõirenykemy, Rybewehikÿ rikiubÿtÿnyrenyrenyrene. Kialemy ròkõhõtinyinrenyrene.

<sup>11</sup> Tahe Troaji hãwã-ribi ròhõnyre hãwò yhywydynamaworo-ki. Samotrasia hãwã-ò imynahyy riõhõrere. Ijõ txu tahe Niapoli hãwã-ò riõhõreri.

<sup>12</sup> Iribi tahe Filiposi hãwã-ò roirenyre. Juhuludu hãwã rare Macedonia bedè-ki. Roma hãwã mahãduõ tule tai rasÿnymyhyre. Tai txuõ rewyrenyrene.

<sup>13</sup> Sabadotxu tahe hãwã-ribi reõlõnyrenyrene bero ijã-ò. Rahõtinyinnyre tai ixitõedÿÿna-ò rÿimyhÿremy. Tai tahe hãwyyõ rexibutumymy rÿimyhÿ. Tahe rorokorenyrene tamyreny raryberenykemy.

<sup>14</sup> Hãwyyõ Lidia inire, inyrybe-ò tahe roholatyhymyhyre. Tii Txiatira hãwã luduõ rare. Tii tylÿre ijohodure, tule Deuxu tyhydÿÿdure. Inynyryÿ irayky riywinyrene Paulo rybe rityhynykemy.

<sup>15</sup> Tahe ibutumy isÿmahãdu-wana riratysebenyrene. Tai tahe tamy Lidia rarybere: –Inaanokãbo ityhydÿÿkÿdumy watxiwãhãre-wana, wahetoku-kò manakre. Tai tahe iheto-ò ròirenyrene irybe-ki.

<sup>16</sup> Aõutxumy tahe riberenyrene ixitõedÿÿna-ò. Itxi rekoarenyrene ijadõmaõ-txi, deõdu rare. Iwo-ki tyytybybina ralõmy rÿire. Tai ijadõma relyyrene inyko aõhebo iny-ò rotÿÿnykemy. Tai sõwemy nieru ritare tawedu-ò.

<sup>17</sup> Tahe waherenymy dyrymy nade: –Deuxu ibuturatyrene rare. Iteòdÿÿkÿna mahãdu kia mahãdu rare. Tikiboho rarybemyhÿre timybo iny taõraru-ribi ratakemy.

<sup>18</sup> Tuheka rarybehyy raremyhÿ. Aõutxumy tahe Paulo tai rexirare, tamy ròõsemy reare. Rarybere tyytybybina tai ratxireriõ: –Jesuisi Kristu nimy iribi arateõnykre. Bexitakre. Tahe aõwesele iribi ròhõnymy reare.

<sup>19</sup> Iwedu tahe rieryrene nieru idi ritaõkre ta rimyrenyrene Paulo Sila-wana. Retÿhimy rare ywisidÿÿdu-ò, hãwã elehyna ube-ò.

<sup>20</sup> Tahe ijadõma wedu rarybere ywisidÿÿdu mahãdu-ò: –Kaa judeu mahãdu iny hãwãreny dibinadÿÿnymyhyde.

<sup>21</sup> Tiiboho iny ribedeerynymyhyre aõ iny bedè ywinareny-di aõkõ. Inyboho Roma hãwã mahãdu rare. Tai kia-ki aõhe arotÿÿnyõtyhy.

<sup>22</sup> Tai tahe swemy iny Paulo Sila radnyre. Ywisidÿÿdu mahdu tahe ityy ibr-ribi ritxuahakÿre idi tahe rityhenymy tuu rahtere.

<sup>23</sup> Tuu rahtere, tuu rahtere, idi tahe rtenawo- idi rehurenymy. Rtena-di itx-eredu- rarybere: –Kaa rahenykre-wana, kaile budurukre.

<sup>24</sup> Tai rirutere iraru-txi rarutxi- iwa ritidire wru iwodÿÿwomy raratyheny.

<sup>25</sup> Ruetya tahe Paulo Sila-wana rexitenymy roimyhÿ Deuxu dee. Ij rtenawoludu mahdu roholamy rÿimyhÿ tai.

<sup>26</sup> Awese bedede ramytatare. Rtena ijtbna rirayre hbu mynyna iribi rejuxunymy.

<sup>27</sup> Tai tahe itxeredu ij iraymy idi retehereu, rexirubunykemy tamaydese ritare. Rtena woludu mahdu rahenyrany tii rexinohtinyra.

<sup>28</sup> Paulo tahe tamy ryryre: –Ixirubudÿÿmyke, kakile watxirenyreri, ibutuhukÿlemy.

<sup>29</sup> Itxeredu ryryre loosna kidiwykemy tahe ralore ramytatamy brebumy. Paulobo-hoko- resere tatihomy.

<sup>30</sup> Tahe itxeredu dildÿÿnyde irarutxira-ribi, tamyreny rarybere: –Wanyrÿboho timybohe aratamy arÿike. Ahebohe arotÿÿnyke.

<sup>31</sup> Tahe rirawynyre: –Inynyrÿ Jesuisi bityhynykrekile, tarasanamy myikre, asÿ mahdu-wana.

<sup>32</sup> Tahe tamy Deuxu Rybe-di ritÿnydÿÿre ibutumy isÿ mahdu-.

<sup>33</sup> Iruule tahe riwisinanyrenyra ibr wotmona risuhra. Idi tahe itxeredu raraty-sebenyrene tasÿ mahdu-wana ibutumy.

<sup>34</sup> Iribi tahe itxeredu ridyrenyrene taheto- riroxikemy tahe ibutumy reysanihikÿrenyrene, Deuxu rityhynynyraki.

<sup>35</sup> Txu deadeu tahe ywisidÿÿna dinodu ij ywisidÿÿna mahdu ritenyre, rtena-ribi Pauloboho ritenykremy.

<sup>36</sup> Itxeredu tahe Pauloboho- rarybere: –Ywisidÿÿna mahdu aratenykremy riwa-tenyreri. Bibenyhe, wowina-di, bilnybenyke.

<sup>37</sup> Paulo tahe rirawynyre: –Akre, aratyhy. Jiarÿboho Roma hwhkÿ mahdu kaa watxirenyreri. Tii riwayhytanyrenyra idi rtenawo-ki riwasÿnyrenyrene. Ywisidÿÿdu mahdu wii rotykhyre riwartenyrenyrene. Wasimy ka tiu arilnytyhy. Tiiboho kodoikreule tahe arilnykre. Tii he riwaldÿÿnykre.

<sup>38</sup> Tahe ywisidÿÿna mahdu tawedu- rarybere. Tahe tiiboho ruberurenymy Pauloboho Roma hw mahdu roireki wahe.

<sup>39</sup> Tai tahe didenyde tamyreny, awaxina rilnykremy. Tahe lhmy tamy rexitenymy. Tutyhy-ki ak lh ararutara. Tai ritenyrenyrene, hw-ribi rexitarenymy tamy rexitenymy.

<sup>40</sup> Rexitarenymy, Pauloboho tahe Lidia heto- rsere. Ibutumy ityhydÿÿdu tahe wii ritotynymy, wii riwihenanykemy. Idi tahe rilnyre kia hw-ribi.

## 17

<sup>1-2</sup> Tiiboho rekoarenymy Afipoli hwmy, Aplonia hwmy tahe rehemynymy Tesalonia hw-. Judeu dohodÿÿna heto tai rÿimyhÿre. Paulo, iwese au riwinymyhÿre wesele rare tamy. Ralore rybe-di rarybekemy. Inata sabadomy tai riraynymy tyriti ritidÿÿna tamy ritÿnykemy.

<sup>3</sup> Rybe hitxina rurukremy tuu relyre. Tahe Paulo tamyreny ritÿnyrenymy iwese Kristu durudemy idi dexiixixanyde rubu-ribi. Kia iny rityhynymy Jesuisi inatyhymy Deuxu dedÿÿna rar.

<sup>4</sup> Tahe ijhonadu mahdu rityhynymy. Tule ij judeukdu mahdu rityhynymy. Tule ij hwy wihikÿ mahdu rityhynymy swemy.

<sup>5</sup> Tahe judeu mahãdu dinodu tuu røhãrumyhÿre. Tiiboho tahe hãbu binahakÿ mahãduø wii rotyre aõbina ritelenykremy. Tahe røirenyre Ijasø heto-ò Pauloboho rymyrenykremy, ywisidÿÿna-ò idi retÿhikremy.

<sup>6</sup> Tai tahe rahaõhyre tai. Tahe Ijasø ritarenyre ijø ityhydÿÿduø-wana. Tahe ridyrenyrene ywisidÿÿna-ò. Tahe raryberenyre ywisedÿÿdu mahãdu-ò: —Paulo, Silamy urile beded iõtanymyhÿdenyde, aõna aõna binahakÿlemy rotÿÿnymyhÿre.

<sup>7</sup> Ijasø tahe ritirÿmyhÿre taheto-ki. Tiiboho iny òludu roire. Iny iòlòreny rityhynyøtyhy. Jesuisi ka iòlòreny.

<sup>8-9</sup> Ibutumy iny idi røhõtinyre, tule ywisidÿÿna mahãdu rexitòenyre nieru ririkemy. Tai xiery tahe røhònyke. Tai tahe ririrenyre nieruø.

<sup>10</sup> Kiaru tahe ityhydÿÿduø Pauloboho riwiòhenanymy iribi riòlònykemy Bereia hãwã-ò. Tahe rehemyhÿreu, dohodÿÿna-ò røirenyre.

<sup>11</sup> Kia hãwã-ki judeu mahãdu iny awi rare, Tesalonia hãwã mahãdu wese aøkøre. Teysamy tamy roholarenyra. Idi heka rariara Tyyriti-di, òbitimy Paulo rybe aõbo roirerimy rierykemy.

<sup>12</sup> Tahe sòwemy judeu iny rityhynyre. Judeukødu mahãduy-ribe sòwemy rityhynyrenyrene, hãwyy wihikÿ, hãbu-wana tule rityhynyrenyrene.

<sup>13</sup> Bereia hãwã-ki Paulo Deuxu rybe ritÿnynymy raremy. Judeia mahãdu dinodu Tesalonia hãwã-ki roholareu, tahe doidenyde. Iny sòwe-ò raryberenyre: —Pauloboho bibinadÿÿnyke.

<sup>14</sup> Tahe ityhydÿÿdu seriøre mahãdu aõwesele Paulo riteònyrenyrene ahohokÿry-di. Sila, Tximòtxi taile rarire.

<sup>15</sup> Hãbuø rare Paulo-wana Atena hãwã-ò. Iribi tahe dòòsede hãbuø. Paulo tamy tarybe riwahinyra Tximòtxi Sila-ò, wylemy kanakremy.

<sup>16</sup> Paulo Atena hãwã-ki riraòreu, tahe robire suritxoole rityhynymyhÿreò. Tai tahe tii rabadewore.

<sup>17</sup> Idi tahe Paulo ralore dohodÿÿna mahãdu heto-ò judeu dee rarybekemy, tule judeukødu ityhydÿÿdu dee rarybekemy. Tahe rarybemyhÿre txuø txuølemy. Tule hãwã ube-ki rarybemyhÿre hãwã-di reamyhÿre mahãdu-ò.

<sup>18</sup> Aõutxumy tahe Epikuriu mahãdu Paulo-txi nade. Estòiku mahãdu ijøre. Tiiboho, aõbo rybe rare kia erydu roire. Tiiboho he Paulo raujòmorennyre: —Aõmy aøkø, kiarybedu rarybereri. Ijø tahe rarybere: —Tii Deuxu tÿmyramy rarybereri. Paulo dori juhuy Jesuisi ixixanamy relyymy raremyhÿ. Tai kiamy raryberenyre.

<sup>19</sup> Paulo tahe ridyrenyrene. Tai iny roholamy rÿimyhÿreò ridyrenyrene: —Rybe tÿmyramy telyymahãtemy inihe bedelyyke wakoreny. Tamy kia rarybere.

<sup>20</sup> Aøkøre inihe aõna aõnamy tarybemy atxiteri, aõwitxira witxiramy. Tai aroholarennykemy watzirenyre.

<sup>21</sup> Atena hãwã mahãdu, tule iwitxira beded luduø tai rasÿnymyhÿre, aõ tÿmyraòòle roholarennykemy ratxirenyre.

<sup>22</sup> Tahe Paulo rÿire rybenatya-ki. Rexiòrarunymy rarybere: —Atena hãwã mahãdu, kaiboho Deuxu rybe hyky tahòtinymahãteny.

<sup>23</sup> Jiarÿ hãwãymy rariamy watzireriu, sòwemy xiwena-di retehera. Ijø-di kiamy retehera iritina-di: Kaa Deuxu heka inyø rieryòhyymyhÿre. Ka Deuxumy kÿny heka akoreny arelyykre, teerymahãtenyde-di aøkø tuu teàlamahãteny.

<sup>24</sup> Ka Deuxu ibutumy beded riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aõ hãbu widÿÿna heto-ki aøkø tii rasÿnymyhÿre.

<sup>25</sup> Tiu heka tii aõmy reaøtyhy hãbu aõ tamy riwahinyøtyhy. Tule tahe inydee ibutumy aõna aõna riwahinyymyhÿre, ele wesena, umy, ibutumy inydee riwahinyre.

<sup>26</sup> Hãbu sohojiø-ribe ibutumy iny røhònyre iriøre riòremy beded witxira witxiramy rasÿnymy rÿirakemy. Urile wiribi rihitxihitxinyre. Tiu tamy riteòsinyre, tikibo rasÿnymy

rÿirakremy.

<sup>27</sup> Ibutumy Deuxu rajemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iõhõmy ratximyhÿre.

<sup>28</sup> Deuxu òraru-ki inyboho ibutumy irumy ratximyhÿreny, ririranymyhÿre, ihoõkeki tahe aõ rikiwinyrenyõtyhy. Atyyriti widÿÿduõ kiamy rarybere: –Inyboho heka Deuxu riõre.

<sup>29</sup> Inyboho Deuxu riõre rareki, urile nohõtiõmy womati tÿrÿrÿÿ ritzoo wesemy, womatiura wesemy, manaritzoo wesemy Deuxu-di nohõtiõmahãbeny. Hãbu rayky-ribi, hãbu debò Deuxu releremy nohõtiõmahãbeny.

<sup>30</sup> Ihetxiu tii Deuxu rieryõhyreny. Tai tahe iòrarunareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taòraru-txi ixi-txi nohõti ijaranamy, tai tahe rabadewomyhÿkemy. Kia tahe ibutu iny-ò rarybereri, iny taòraru ririkemy.

<sup>31</sup> Deuxu Jesuisi riixixanyre rubu-ribi. Tai tahe ibutumy tii rityhynyreny kemy ihÿre. Aõtxumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenykre kia wiribi hitxi hitxina txuu.

<sup>32</sup> Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: –Ijõ txuu arybe ini aroholatyhykemy watzireri.

<sup>33</sup> Idi tahe Paulo rare iribireny.

<sup>34</sup> Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynyre, Damari inire, tule ijõ mahãduõ rityhynyre.

## 18

<sup>1</sup> Paulo tahe Atena hãwã-ribi rònõnyre Oritxi hãwã-ò.

<sup>2</sup> Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynyde. Prisila ihãwyynire. Iòlò Laujiu Roma hãwã-ribi ibutumy judeu mahãdu diteõnyde. Tai heka nade kaweribi-ò.

<sup>3</sup> Paulo iaõmysÿdÿÿna rierymyhÿre, tyyheto widÿÿ. Tai tahe tiibohe-wana raijoinymyhÿre wiwana raaõmysÿdÿÿreny kemy.

<sup>4</sup> Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymyhÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

<sup>5</sup> Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿnynymyhÿhy raremyhÿ. Aõu Paulo rarybere: –Inatyhymy Jesuisi Deuxu deòdÿÿna rare, Kristu rare.

<sup>6</sup> Katahe judeu mahãdu tamy raykarananyraremyhÿ. Aõbinahakÿlemy Jesuisimy rarybere. Tahe Paulo taty riohowire iixãwidinykemy riteòsinykemy. Tahe tamyreny rarybere: –Jiarÿ aõkõ bede òrarure. Kai aòraruna-di burukre-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyykre.

<sup>7</sup> Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire.

<sup>8</sup> Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhÿre. Tule sòwemy Oritxi hãwã mahãdu rityhynymyhÿre. Paulo riratysebedÿÿreny.

<sup>9</sup> Paulo tahe rummy ròrõmy roire. Tai tahe rasina wesemy robire. Inynyrÿ tamy narybede: –Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy.

<sup>10</sup> Jiarÿ adi watxiwãhãre urenana. Inyõ adee aõhe rotÿÿnyõtyhy. Sòwemy iny rÿire kaki watyhydÿÿdu. Kia Jesuisi tamy rarybere.

11 Tai he Paulo bede riijere sohoji beòra weeremy tai bede riere. Ribedeernymyhÿre Deuxu rybemy.

12 Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò.

13 Kiamy raryberenyre: –Paulo, Deuxu dealànamy iny dibedeernymyhÿde. Tai bede ywina rityhynyõhyymyhÿre.

14 Tahe Paulo ixideele rarybekemy ratxireri, tahe Kalio judeu mahãdu-ò rarybere: –Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke.

15 Tahe aõkõre, urile abede ywina rybedile rarybemyhÿre, tai ywisidÿÿnanyke idi araõkre. Kaibohole biywisidÿÿnanybenyke.

16 Tahe Kalio ibutumy diteònyde ywisidÿÿna hetoube-ribi.

17 Tai tahe judeu mahãdu dohodÿÿna heto wedu rimyrenyre. Sòteni inire. Tule raòhòterenyre ywisidÿÿna heto ube-ki. Kalio tahe kia òhòtena-ò aõhe rotÿÿnyõhyylere.

18 Oritxi hãwã-ki Paulo rare myhÿre sòwemy he tai txu riwyre. Idi tahe seriòre mahãdu-ò rarybere: –Arakre. Tahe hãwòò-di he rare, reuròkemy Siria bede-ò. Tahe Prisila Akila-wana tii-wana ròirenyre. Paulo Deuxu-ò rarybere aõmybo rotÿÿnykremy. Idi tahe rexihumy kia rÿire. Tai tahe tarade risyre nohòti ijerana wesemy. Sekrea hãwã-ki tarade risyre.

19 Tahe ritehemynyre Efesu bede-ò. Prisila Akila-wana ririre. Iribi tahe rare tyyriti ritÿÿnynyremy judeu mahãdu dohodÿÿna heto-ò.

20 Tii mahãdu tahe Paulo rexitòenyre tai aõutxumy tai ratxunykemy. Tahe rarikòkemy ratxireri.

21 Karibi ròhònyreu, tamy rarybere: –Deuxudeewikeki, ixyby addòsekere. Efesu-ribi ròhònyreu, yhydynamawòò rimyre.

22 Ritehemynyre Cesaria bede-ò. Iribi resereu, Jerusalẽ hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiòkia hãwã-ò rare.

23 Tai bededÿÿnana riijere idi tahe rara. Rariamy rare hãwã hãwã-di, Alaxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhÿre, riwiòhenanymyhÿre.

24 Iu tahe inyõ judeu mahãduõ dehemynyde Alexÿdria hãwã-ribi. Apòlo inire. Tii ribedeerny wihikÿmyhÿre tyyriti, tarybe-di rotohononymyhÿre, Deuxu rybe rieryreki.

25 Inyõ Apòlo rierynanyre timybo Inynyrÿ Jesuisi aõmydÿÿnana raremy. Tai Jesuisimy ribedeernymy raremyhÿ, deysanatyhy-di rarybemyhÿre. Tii tahe Joaõ ratysebenale rieryre.

26 Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy rononymhÿre. Idi tahe tiiboho Apòlo ridyrenyre ibutumy Jesuisi aõmydÿÿnanamy tamy ritÿÿnykemy.

27 Iribi tahe Apòlo ratÿÿnykemy rexiwonyre Grecia bedey-ki. Ityhydÿÿdu seriòre tamy rybe riwahinyre, Grecia ludu seriòre mahãdu-ò, aõma, riryludunykemy, rehemynykeu. Tahe rehemynyreu, sòwemy riwiòhenanyre kia tyhydÿÿdu seriòre, Deuxu ruxetòena ityhydÿÿdu mahãdu.

28 Tii dori judeu mahãdu raykyrybe itxÿte riwitziradÿÿnyre iny sòwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

## 19

1 Apòlo, Oritxi hãwã-ki rareu, Paulo rabetetÿÿnyre kabedey-ki idi rehemynyre Efesu hãwã-ò. Kowa ityhydÿÿdu mahãduõ-ki he rahare.



<sup>2</sup> Tamy Paulo ritÏÏraxinyre: –Tetyhynyteu, Deuxu Tyytybytyhy ixidee aõbo temytenyte. Tahe rirawyõnyre: –Aõkõre he, aõmybo tarybeteri. Deuxu Tyytybytyhy reeryõrenyre.

<sup>3</sup> Paulo rÏÏraxire: –Taratysetenyteu, mobohe tetyhynytenyte. Tahe rirawyõnyrenyre ixityre: –Retyhynyrenyre ibutumy Joaõ SebedÏÏdu riwabedeerynyremy.

<sup>4</sup> Paulo tahe tamyreny ritÏÏnynyre: –Joaõ sebedÏÏna urihimyõ iwitxi rare. Tii kiawese rybe ritÏÏnynyre: iny taõraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÏÏkre. Paulo kia tamyreny rarybere.

<sup>5</sup> Kia-õ roholareu tahe, raratysetenyre InynyrÏ Jesuisi nimy.

<sup>6</sup> Paulo iratytyre tebõ ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre.

<sup>7</sup> Waõinatxi reurõ hãbumy rÏiramy.

<sup>8</sup> Inataõ ahãdumy Paulo reamy raremyhÏ judeu dohodÏÏna heto-õ. Tiiemy rarybehyymyhyre, riõbitinymyhyre, Deuxu Iõlõnamy ritÏÏnynymyhyre.

<sup>9</sup> Paulo-õ ijohonaduõ rityhynyõhyymyhyre, teramy reamyhyre. Deuxu aõmydÏÏnanamy ibinamy rarybemyhyrenyre iny sõwey-ki. Tai tahe Paulo rexihitxinyre judeu dohodÏÏna heto-ribi. Txirano kia tyyriti rybena heto-õ txuõ txuõlemy ralõmyhyre taerydÏÏna-wana. Tahe rabedeerynymyhyre.

<sup>10</sup> Tahe bede riere inatxi beõramy. Tai tahe ibutumy iny Asia bede ludu mahãdu InynyrÏ rybe-õ roholamyhyre, judeu mahãdu, tule judeukõdu mahãdu.

<sup>11</sup> Deuxu aõna aõna wiwihikÏ riwinyre Paulo debõ rihuõtere.

<sup>12</sup> Paulo tykyyre riwyrenyre webinadutyre ritidirenykremy. Tyky õsurõna wesemy ijõmy riwyre. Tai tahe webinadu riteytenymyhyre. Tule tyytybybinahakÏ iny-ki raremyhÏu, aõwesele iribireny rõhõnymy reare tykyyre õraru-ki.

<sup>13</sup> Ijõ judeu mahãduõ ratÏÏnyre hãwã hãwã-di inyõ ribi tyytybybina ritakemy. Ti-iboho tyytybybina riteõnykemy idi ratxireri. Tai tahe InynyrÏ Jesuisini-di riteõnyre. Kia wesemy rarybere: –Paulo, Jesuisi rybe ritÏÏnynymyhyre, tai Jesuisini õraru-ki iribi bõhõnykre.

<sup>14</sup> Debõinatxi seriõre kia riwinyre. Sewa tybynire, judeu xiwena widÏÏdu kia wedu tii rare.

<sup>15</sup> Tahe Jesuisi ni-di tyytybybina-õ rarybereu, tyytybybinaõ dirawyõnyde: –Jesuisi reeryre, Paulo reeryre, tahe mobo atxiteri.

<sup>16</sup> Tahe hãbu tyytybybina-di ratxirerí, ityrehekÏle dexiwatxinyde, rihetenyre, ibutumy riwotõmonyre ityky ritare tai hetowo-ribi hãbu mahãdu tadehekÏlemy rahenyre.

<sup>17</sup> Ibutumy Efesu hãwã mahãdu kia rieryrenyre, judeu mahãdu, judeukõdu mahãdu. Tahe ibutumy ruberure, Jesuisi ni nityhydÏÏhÏkÏmy ini raremyhÏki.

<sup>18</sup> Sõwemy ityhydÏÏdu taõrarureny riixitõedÏÏnymyhyre, dohodÏÏna mahãduy-ki.

<sup>19</sup> Ijõ ityhydÏÏdu juhoo tyytybybina rierymyhyrenyre, tiiboho tahe tatyryiti diwyde itxenadÏÏmy rybetyryiti, õwõruwidÏÏ kia tyyriti. Tahe iny retehemyhyreruki kia tyyriti sõwemy ritoonyre. Idi ibutu tyyriti juhoo õwy wese inyõ riritinyre. Iõwy tahe 50 mil womati ura nieru juhoo iõwyre. Ihãrele tahe idi rahure.

<sup>20</sup> Ibutumy kia bede mahãdu Deuxu rybe-di rõhõtinihikÏrenyre.

<sup>21</sup> Idi tahe Paulo tarayky-ki rõhõtinyre: –Judeukõdu mahãdu bede-õ arakremy ixi-di watxiwãhãre. Juhoo Jerusalẽ-õ arakre Macedonia bede-di Akaia bede-di arariamy arakre. Adõõsekreu, tahe Roma hãwã-õ arakre.

<sup>22</sup> Tai tahe tawihedÏÏdu Tximõtxi, Erasto-wana Macedonia bede-õ riteõnyre. Tai Paulo Asia bede-ki naride. BededÏÏnanaõ riwyre.

<sup>23</sup> Kia bededÏÏnanau aõbina nihikÏ rÏikemy riwisÏnyre Deuxury õbitina õraru-ki.

<sup>24</sup> Dimitiu heka womati tÏrÏrÏ ura ritxoo widÏÏdu rare. Hãwy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhyreki.

<sup>25</sup> Dimitiu ributunyre ibutumy womati ritxoo widÿÿdu, tamahãdu-wana. Tamyreny rarybere: –Wanyrÿboho adeereny ararybekre. Inyboho nieru ritamyhÿreny kaa aõmysÿdÿÿ-ki. Kia tahe teerytenyte.

<sup>26</sup> Paulo rarybemyhÿre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymy hÿre.

<sup>27</sup> Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre.

<sup>28</sup> Kia roholareu tahe, raykarananyreny. Ryrereny: –Diana awi rare inydeereny. Tii Efesu hãwã deuxu rare.

<sup>29</sup> Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyreny tahe ridyreny butunaube-ò. Tiibohe Paulo tÿimahãdu rare, Macedonia hãwã mahãdu rare.

<sup>30</sup> Tahe Paulo ralòkemy rexiwonyre tatÿi mahãduhe-ki, iny sõwey-ki tahe taerydÿÿna ijoi ritirÿre.

<sup>31</sup> Tule ijõ bededinoduõ, Paulo wiðhedÿÿmy ratxireri. Tai tarybereny Paulo-ò riwahinyre ibutunaube-ò raõkemy, brebunamy roireriki.

<sup>32</sup> Tiilemy ijõ rarybemyhÿre. Ijõ iwitxiramy rirajuamyhÿre. Urile wimy rauriurire. Aõherekibo ibutumy rÿirerí, iny rieryõhyre.

<sup>33</sup> Alexÿdre iny sõwey-ribi rimyreny tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy.

<sup>34</sup> Iny sõwemy idi retehereu, judeu mahãduõ raremy rieryreu tahe rirajuatyhyre. Tahe inatxi òramy rirajuahyy rÿimyhÿ: –Diana awi rare. Tii heka Efesu deuxu rare. Kiamy ryrereny.

<sup>35</sup> Idi tahe hãwã weduõ riixãwididÿÿnyre. Tahe rarybere: –Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyrubuwãhãreny. Kaki biu-ribi mana ritxoo desede. Ibutumy kia reeryreny.

<sup>36</sup> Kia inatyhy rare. Tai tahe rikiyrymy rokorokorenykre. Aõwesele aõwidÿÿõmy.

<sup>37</sup> Kaa hãbu tedytenyteri. Aõhe rotÿÿnyõreri. Aõ-di rawasinyõhyreri dohodÿÿna heto-ribi. Aõbinahakÿ iny hãwyy deuxumy raryberenyõhyreri.

<sup>38</sup> Dimitiu tamahãdu-wana aõbo tai reny ibinamy ihÿrenykeki, ywisidÿÿdu-ò idi rakre. Tiibohe heka wii ributunymy rÿireri.

<sup>39</sup> Ijõ rybe tahe atxibenykeki, ijohonadu mahãdu adibutunykre arybe-ò aroholarenykemy. Iwese inyboho rotÿÿnymy hÿre wese arieryrenykre.

<sup>40</sup> Roma hãwã dinodu òsana aõmybo inymyreny kanarybekre. Wiji inyboho aõhebo rotÿÿnyrenyrimy. Aõ kÿnyhe iò-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna.

<sup>41</sup> Tahe riixãwididÿÿnyre. Ròòsere ibutumy.

## 20

<sup>1</sup> Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiibohe kanakemy. Tahe rakrekou tyremy tamyreny Deuxu rybe-di rotohonyreny Deuxu-deewimy rierykemy. Idi tahe ritobinyreny. Rare heka Macedonia bede-ò.

<sup>2</sup> Ibutumy titxibo rexitomonymy hÿ ritohodÿÿnymy hÿre ityhydÿÿdu mahãdu-ò.

<sup>3</sup> Tahe Akaia bede-ki heka bede riijere inataõ ahãdu. Tahe rexiwiny hÿre ratximyhÿ Siria bede-ò rakremy hãwò-di ridymyhÿredi heka rakremy rexiwinyre. Idi tahe judeu mahãduõ irubudÿÿmy rarybemy nyimyhÿ. Inyõ Paulo rierydÿÿmy, tai ta Macedonia bede-di ròòsere Siria bede-ò rakemy.

<sup>4</sup> Hãbuõ ramyhÿre tii-wana Jerusalẽ-ò, ta kamahãdu Asia bedeòle he roirenyre. Sapatu ijõnire, tii heka Bereia hãwã mahãdu rare, Biru heka Sapatu tybyni rare. Aristarku ijõre,

adelahelÿÿna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu rare, Tximòtxi ijõ rare. Tule ijõ Asia bedede ludu rare, Txitxiò ijõ, Trofimo ijõre. Rarekie.

<sup>5</sup> Kiaboho juhutyhy rexiraòmoy roirenyre. Paulo riraòmoy Troaji hãwã-ki. Tule riwaraokre –Luka jiarÿ ka tyyriti widÿÿdure.

<sup>6</sup> Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyre.

<sup>7</sup> Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxinymy rirÿsÿkemy.

<sup>8</sup> Tahe Paulo iu rybe ritÿnynyre itxu biòwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyre. Hetoranoa-ki biu-ki rÿimyhÿre. Kanoòtyhy-ki rabuturenyre. Tiu Paulo rarybemy rarybemy rexihukõhyre, biurasòmoy rakreki. Tahe sòwemy heka lamparina rÿimyhÿre.

<sup>9</sup> Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tõhõti rosare, ròròmoy resere. Iribi reare, biuribihikÿle resere suò. Rurure.

<sup>10</sup> Tahe Paulo robehemoy rare tamy. Tatiowotimy resere weryrybò rymykremy iwetya-ki. Paulo rarybere: –Bedeòtidÿÿõmyke irulemy roire. Deuxu ixiby iumy tamy riwahinyre.

<sup>11-12</sup> Weryrybòmoy irumy robirenyre tahe, ibutumy reysarenyre. Tai tahe Inynyrÿ bemona, rÿsÿna-wana tuu rirÿsÿrenyre biu-ki wahe. Paulo ixityre rarybere. Txu iòlò iòlòmoy rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: –Kowa ayhywydyna lawò arimykre.

<sup>13</sup> Tahe jiarÿ, Luka, wamahãdu-wana roirenyre yhywydynalawò-di Aso hãwã-ò Paulo-wana rekoarenykemy.

<sup>14</sup> Rehemynyrenyre tahe, Paulo ralòmoy yhywydyna laworo-ki.

<sup>15</sup> Imytxubiòwa tahe Kio hãwãko-txi rehemynyre. ijõ txu tahe Samosi hãwã-ki rehemynyre. Ijõ tahe rehemynyre Mitilene-ò.

<sup>16</sup> Paulo ixitamadÿÿ deramy reare Efesu hãwã-ò. Raeleemy ratximyhÿ Jerusalê-ò rehemynykemy, aõma, Pentecoste kia judeu worana bedehesi-ò raelelere.

<sup>17</sup> Tahe Miletu hãwã-ki rehemynyre, dohodÿÿna matuari mahãdu tamy he rarariòwyre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere:

<sup>18-19</sup> –Tahe tiemy Asia bedede-ki Inynyrÿ-ò raaõmysÿdÿÿhyy watxiwãhãre. Aõmy aõkõ ixidee rahõtinywãhãre. Rahinymahãre, Inynyrÿ dee rybe retÿnynmahãre. Warube resehyy watxiwãhãre. Tai ta brebuna nihikÿ waumy-di rarewãhã. Judeu mahãdu heka sòwemy wamy rarybemy riwarubunykemy. Kia ibutumy aõmydÿÿnana teerytenyte.

<sup>20</sup> Tiu raberuòhywãhãre Inynyrÿ nimy rybemy. Ibutumy rarybewãhãre iny sòwey-ki tule heto hetowomy relymahãre.

<sup>21</sup> Judeu mahãdu-ò retÿnynyre tule judeukõdu mahãdu-ò taòraru ririkemy Deuxu dee taòraru-txi tõhõti reakemy rabadewokemy. Tule Jesuisi Kristu rityhynykemy.

<sup>22-23</sup> Katahe wiji arakre karibi Jerusalê hãwã-ò. Deuxu Tyytybytyhy heka wadee dyrymyhÿde. Aõhebo arotÿÿnykre, reerykõre. Kiale reerywãhãre, aõma, Deuxu Tyytybytyhy wadee rarybemyhÿre ibutu hãwã-ki, aõma, aõhõkÿmy arotÿÿnykre kowa. Rote-nawo-ki aroikre. Myle reeryre.

<sup>24</sup> Tiemy tamy raaõmysÿdÿÿmahãre. Kiale wadee Inynyrÿ Jesuisi rewahinyre ure-nana. Kia ariwinyòkeki, aõ aõkõ heka jiarÿ waumy-ki. Tii arelywãhãre inyko-ò rybe tÿmyra wihikÿ, timybo Deuxu inyluurenyre.

<sup>25</sup> Araerynanywÿhÿrenyre Deuxu Iòlònamy, wamy tahe bobibenyòtyhy ixityre. Kia reerywãhãre. Jiarÿ tule umyreny arobiòtyhy.

<sup>26</sup> Tahe adeereny aõmybo ararybekre. Ryrany my heka watxiwãhãre ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy.

<sup>27</sup> Tiiemy rarybehyy rarewãhã ibutumy Deuxu bede ywinamy.

<sup>28</sup> Tai tahe ixi-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiõhedÿÿdumy kaiboho toite.

<sup>29</sup> Karibi arohonykreu, aitxeredu mahãdu kanakre. K reeryre. Adeereny õbitimy aõkõ rierynanykre. Tiiboho aholã wesemy ratximyhÿreny. Iwese budoeni-ò imynymy ròsemu ramyhÿre wese heka kedehemynykre.

<sup>30</sup> Inyõ heka aityhydÿÿdu seriõre yribi iwitxira aõna aõnamy kidierynanymyhÿkre. Taijoi kididymyhÿkre tarybe-ò ijohonamy.

<sup>31</sup> Tahe biijemy boibekre. Inataõ beõramy awana rarewãhã. Kiamy rarybereri, iribi nohõtilosarenyõmy. Txu-wana, ruwana adireny ròrenywãhãre. Rahinymy heka aõrarureny-ki watxiwãhãre.

<sup>32</sup> Tahe ararirenykre Deuxu-wana ixi-di he awimy renykre. Tii heka adireny rarekre. Tii tahe nohõtilosarenyõmy, boibekre Deuxu rybe-di. Tii heka riwiõhenanykre atyhyna raumynykre. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre.

<sup>33</sup> Tiu heka jiarÿ ijò hãbu-ribi nieru tarasamy rahõtinyõhyymahãre tyy wiwihikÿ tarasamy raruõhyymahãre.

<sup>34</sup> Tiiemy wadepõ-ribi hyy hyy raaõmysÿdÿÿmy rarewãhã waaõmydÿÿnana õwydÿÿmy. Tule rewiõhenanywãhãre tii-wana watxiwãhãre mahãdu. Kaiboho teerytenyte kia.

<sup>35</sup> Ibutumy rewiõhenanywãhãre iaõkõ mahãdu kia heka tuu tabitenyte kia rewinyamahãremy. Teerytenyte timybo Jesuisi rarybere: –Biwahinybenyke, kia dori iny-ribi ritamyhÿre ratyre awi rare.

<sup>36</sup> Tahe rybe-ribi rexihureu, tatiowotimy rotamanyreny wiwana rex-itõenyrenykre.

<sup>37</sup> Tahe rahinyreny, rimyreny tamy wõreny, aõna rakreki, kia-ki rexityhenyri tamyreny.

<sup>38</sup> Tiiemy rabadeworeny tii tuu robirenyõkre. Tahe hãworo-ò tiiboho-wana roirenyre.

## 21

<sup>1</sup> Iribi ròhõnyreu tahe, õbitihyy rare Kõsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyreny.

<sup>2</sup> Tai tahe rahare hãwõ-ki, Senisia hãwã-ò rakremy rexiwinyri. Roirenyre kia yhywydynamawõ-di tahe rorukurenymy ròirenyre tamy.

<sup>3</sup> Xibri bedebute weribi-ò reurore, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwõ-ribi aõna aõna-di rekoarenyre.

<sup>4</sup> Tamy roirenyreu tahe, rÿÿraxirenyre kahãwã ityhydÿÿdu mahãdumy. Tai raharenyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee raryberenyre: –Aõma noõmykre Jerusalẽ-ò. Deuxu Tytybytyhy tuu tamyreny rarybemyhÿre.

<sup>5</sup> Tahe semana ituereu, diòõsedenyde ixyby hãworo-ò. Ibutumy diberenydenyde ityhydÿÿdu mahãdu tiiboho-wana ÿnyra-ò, hãwy, uladu, ibutumy. Tahe rexitõenyreny.

<sup>6</sup> Ritobinyreny tahe, riòõserenyre heto-ò ixyby.

<sup>7</sup> Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãreny txu sohojilemy bede reijereny tai.



<sup>8</sup> Ijõ txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewi-hikÿ-di tÿnydyÿÿdusÿ-ki wahe. Tii juhuu aõma ityhydÿÿdu mahãdu wiòhedÿÿduõ juhutyhy rare.

<sup>9</sup> Tii heka inaubiòwa iriòre rare. Tahe heridu aõkõ ijadõma mahãdu rare. Ijadõma mahãdu heka Rybewihikÿmy rybeduõle rare.

<sup>10</sup> Tahe aõutxu taile watxiwãhãreny. Tahe hãbuõ dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre.

<sup>11</sup> Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: –Deuxu Tytybytyhy wa kiamy rarybere: –Kia wereysana wedu heka iwese rataataamy rãire wesele heka tule rataataamy rÿikre Jerusalẽ-ki judeu mahãdu heka kia riwinykre ta riwahinykre judeukõdu mahãdu-ò.

<sup>12</sup> Tamy raholarenyreu tahe, raryberenyre Paulo dee raõkremy Jerusalẽ-ò. Jiarÿboho raryberenyre tamy tule ijõ tule tamy raryberenyre.

<sup>13</sup> Tahe Paulo rarybere: –Hirenyõmyke, tiwabedewodÿÿnytenyteri. Rexiywinymy watzireri Jerusalẽ ròtena-ò aralòkemy. Tamy sohojile aõkõ kÿny, tule Deuxu dee wikeki tahe arurukre Inynrÿni òraru-ki.

<sup>14</sup> Timy heka Paulo nohõti rareadÿÿrenyõke tiiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

<sup>15-16</sup> Iribi tahe iny aõna aõna rexiywinymy Jerusalẽ-ò roirenykemy. Ijõ ityhydÿÿduõ Cesaria-ribi iny-wana roirenyre. Tahe retehemynyrenyreu, Menasõ heto-ki rasÿnyrenykeny ityhydÿÿdu riwadyreny. Menasõ heka juhutyhy ityhydÿÿdumy ralòmy raremyhÿ. Juhuu tii Xibri bedebute-ki rasÿnymy raremyhÿ.

<sup>17-18</sup> Jerusalẽ ityhydÿÿdu mahãdu ibutumy awimy riwamyreny. Jiarÿ, Luka wahe, Paulo-wana, ijõ ityhydÿÿdu-wana. Ijõ txu biòwamy tahe Paulo riwadyreny Txiaumy robikremy. Tule ijõ Jerusalẽ dohodÿÿna matuari mahãduõ tai ronyre.

<sup>19</sup> Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukõdu mahãdu Deuxu rityhynyremy.

<sup>20</sup> Kiamy roholareu, Deuxumy reàlàrenyre ibrò-kí. Tai tahe inyõ rarybere: –Paulo, sõwemy judeu mahãdu rityhynyre. Kai teeryte, inyseriòre, ibutumy judeu mahãdu bede ywina riywinymy ratximyhÿhy.

<sup>21</sup> Inyõ umy rarybere, raroimyhÿre kaki Jerusalẽ-ki. Judeu ityhydÿÿdu mahãdu-ò rarybere: –Paulo he Moisesi bede ywina-ribi nohõtiosakemy tii riteònyre. Paulo rierynanyreri judeu ityhydÿÿdu mahãdu-ò kia judeukõduy-ki rasÿnyre mahãdu-ò. Kia inyõ riki rarybere, Paulo uladunotyky resyna riteòdÿÿõreki riki.

<sup>22</sup> Tii kÿnyhe roholarenykre kaò themynyterimy.

<sup>23</sup> Tai kiamy rikiwinyrenykre. Inaubiòwa hãbu katxi rare tarade riwysynykremy. Deuxu-ò tarybetyhy riwahinyreny, tai tahe tarade riwysynykremy.

<sup>24</sup> Kai tule makre iwesele arade riwysynykre Deuxu dohodÿÿna heto-ò. Tahe iradereny synaòwumy biòwinykre. Tai tahe ibutumy aluukre judeu mahãdu bede ywina tetyhynmahãteki wahe.

<sup>25</sup> Aõ inyboho ka judeukõdu mahãdu. Ka bede ywinaõ rityhynykeny aõkõ tuu iny ratxirenyre. Kaa adeereny tuu rarybewãhãrele rityhynyrenykeny: –Ka aõma rÿsÿna ritxoo rÿsÿnamy iwahidÿÿnalemy irÿsÿõmy, tule iròdude ihãlubu iijeradÿÿõreri, uritere irÿsÿõmy, tule òta òta òraru widÿÿõmy.

<sup>26</sup> Tai tahe Paulo rarybere: –Hÿde, tii ariwinykre. Tahe Paulo rare Deuxu dohodÿÿna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

<sup>27</sup> Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahãduõ tuu robira. Tiibohe iny-ò rarybere Paulo



rimykremy.

<sup>28</sup> Sõwemy iny tamy wi rotyre Paulo òludumy. Tiiboho kiamy rirajuarenyre: —Haeli mahãdu, wylemy bodoike. Biwawiòhenanybenyke. Ka hãbu ratxireri iny bede ywinareny òludumy ritÿnynymy rÿimyhÿre. Iny dee narybemyhÿde judeu mahãdu bede ywina rityhynyòkemy, tule iny Deuxu dohodÿÿna hetomy, judeukõdu kawo-ò didyde tai tuu ribinadÿÿnyreri.

<sup>29</sup> Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydÿÿduõ rare, judeukõdu mahãdu aõkõ tii ihÿre. Tahe judeu mahãdu rõhõtinyre Paulo dohodÿÿnahetowo-ò Trofimo ridyramy. Tahe Paulo ridyõlere.

<sup>30</sup> Tahe sõwemy iny rakyarananyre tamy, aõma kia hãwã hãkÿludu mahãdu. Sõwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijõtòbòna riratòbònyre.

<sup>31</sup> Tahe rirubunykeny ritelenyre heka. Tahe soldado dinodu tyhy roholare aõma ibutumy Jerusalẽ hãwã-ki jei jei-di rÿireri.

<sup>32</sup> Tai tahe soldado tawedu diteònyde kia tai jei jei mahãdu rÿireriò. Tahe soldado robirenyrau, riixãwidinyreny, Paulo òhòtedÿÿ-ribi.

<sup>33</sup> Kia soldado wedu tyhy Paulo mynyny riteònyre. Tahe ritaataarenny womati reroti-di. Tahe rexitònyre kia inydee mobo he ratxireri. Aõhebo he tii rotÿÿnyrerimy.

<sup>34</sup> Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bede rieryõhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre.

<sup>35</sup> Ryòwòna-di rotuòrau tahe, hãwã mahãdu aõkõre he reburera. Soldado mahãdu Paulo taaxiò tyre ritidimy idi rara iny rimyheny.

<sup>36</sup> Iny he rirajuamy rarybemyhÿre: —Bidybenyke, birubunybenyke wahe. Myhe soldado mahãdu hewomy rirahumyhÿre.

<sup>37</sup> Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aõbo kreku mahãdu rybe teeryte.

<sup>38</sup> Kai jiarÿ araeryre. Kai Egito mahãdu dinoduõ tate, ibitudÿÿdu wedu tate. Kai 4000 iny aõbina widÿÿdu tedyte bederahy-ò.

<sup>39</sup> Aõkõre, Paulo dirawyònyde, tii aõkõ watxire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bede-ki. Judeu mahãdu tule jiarÿ rare. Kaki iny mahãdu-ò ararybekemy watxiwãhãre.

<sup>40</sup> Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirenyre. Judeu mahãdu rybe-di tamyreny rarybere.

## 22

<sup>1</sup> Kawese Paulo tamyreny rarybere: —Waseriòre, waluuboho, wabededÿÿnanamy adee arelyykre. Wamy bohولاتyhyke.

<sup>2</sup> Judeu mahãdu rybe-ò roholareu tahe, riyrytyhymy rorukurennyre. Tii heka rarybere: —Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bede-ki rare.

<sup>3</sup> Kaki Jerusalẽ-ki ratyritinymy rarewãhã, Kamalie ninadu tyyritina-ki. Ibutu Judeu mahãdu bede ywina bede reeryre Kamalie-wana. Ibutumy Moisesi bede ywina-di riwaerynanyhÿre. Tii tahe reywinywãhãre, retyhynytyhywÿhÿre. Ibutumy Deuxu bede ywina ariywinykemy ixi-di rahõtinywãhãre iwese wiji iwidÿÿmy tarutenyteri wesele wahe.

<sup>4</sup> Jiarÿ ka ityhydÿÿdu mahãdu aõhõkÿmy rotÿÿnynyhÿremy reteòwãhãre ihyyle ijõ rubudÿÿmy reteònywãhãre. Hãbu hãwyy-wana reròtenywãhãre ròtenawo-ò.

<sup>5</sup> WaaõmydýŸnanamy bierybenykre-wana, tamy marybeke dohodýŸna wedu-ò, matuari mahãdu-ò. DohodýŸna wedu tyyriti rewyre Damasu hãwã dohodýŸna heto-ò. Tai tahe tyyriti-di risýnyre ibutumy ityhydýŸdu mahãdu aõhõkýmy rotýŸnykemy, tule womati reroti-di rataataakemy Jerusalẽ-ò kididykemy.

<sup>6-7</sup> Iòhòmy txutyemy iijira-ò, Damasu hãwãry-ki watxiwãhã. Tahe loosòna itýnyhýkýmy wadee dehemynyde. Bedetxile resere. Tahe rybeõ raholare: –Salu, Salu, aõherekiwexe aõbina binahakýle wadee tadiwinymahãte.

<sup>8</sup> Tahe jiarý rarybere. Mowexe wadee rarybereri, Wanyrý. Tii rarybere: –Jiarý Nazare ludu watxireri, Jesuisi. Kai aõbina binale wadee tadiwinymahãte.

<sup>9</sup> Hãbu wawana rýimyhý, aõ rieryõhyre aõmybo wadee rarybemyhýre tahe loosònamy he robirenyre.

<sup>10</sup> Tai tahe rarybere jiarý: –Aõwexe ariwinykre, Wanyrý. Rarybere: –Myike wahe, make Damasu hãwã-ò. Tai tahe inyõ adee kanarybeke aõbo biwinykremy.

<sup>11</sup> Tai tahe rabiõmy ráiwãhã kia loosòna ritýrýrýhýkýreki. Tai wabiõwa ryy wadee ritýnynyre wadebò-ki riwamymy Damasu-ò arehemynykemy.

<sup>12</sup> Tai tahe hãbuõ wadee rehemynyre, Ananiamy ninadu. Tii heka Deuxu tyhydýŸduõ rare, bede ywina rityhynymyhýre, ibutumy Judeia mahãdu, Damasu hãwã-ki heka tuure.

<sup>13</sup> Tii tahe wadee rarybere: –Waseriõre, Salu, aruebimyke ixityre bobikemy. Aõwesele tahe rabimy reare. Ananiamy rabire.

<sup>14</sup> Tahe ixityre wadee narybede: –Inytyby Deuxu juhUU aratare, aõbo tamywimy bierykemy. Tule Jesuisimy bobikemy, Deuxu õbiti hãbu. Tule boholakemy aõbo tii adee kanarybekeò.

<sup>15</sup> Tai tahe biwykre irybewihiký týmyra ibutu bede bede iny-ò. Belyyke timybo taholatemy, tabitemy.

<sup>16</sup> Tai tahe rooreheõmykre. Wijile makre maratysebekre. Aõraru-ribi yrahakýlemy mabekre, Wanyrýnimy tetyhynyte xiery.

<sup>17-18</sup> Idi tahe Jerusalẽ-ò rehemynyreu wahe, aõutxumy ixitòenymy rarewýhý Deuxu dohodýŸna heto-ki. Tai raholarerasina wese-ki aõma Deuxu wadee rarybererimy: –Wylemy bõhõnykre Jerusalẽ-ribi. Warybemy tamy marybekreu, rityhynyrenyõtyhy.

<sup>19</sup> Tahe Inynyrý-ò rarybere: –Ibutumy hãwã-ki aityhydýŸdu mahãdu rehãtenyre, rewotomonyre, reròtedýŸnyre. Ibutumy kaki kia rierymy roimyhýre.

<sup>20</sup> Arybe týnydýŸdu rirubunyreu, moma Estevaõ, jiarý taile watxiwãhãre. Rewiõhenanywýhý irubudýŸdu mahãdu tyy reyruubunyre aõma mana-di rihurenyreu wahe.

<sup>21</sup> Tahe Deuxu wadee rarybere: –Bõhõnyke wa Jerusalẽ-ribi. Irehetyhymy arateòkre judeukõdu mahãdu-ò. Kia Paulo tamyreny rarybere.

<sup>22</sup> Tahe kia iny roholamy rýimyhýre kia Paulo iximy relyyreò. Tahe raykarananymy rryyre: –Bidyke karibi ahana-ò, birubunyke. Irumy rareòkre idi watxiwãhãrenyre.

<sup>23</sup> Tatyky riohowire, brybysi-di biu-txi rehure, rryrymyhýrenyre.

<sup>24</sup> Soldado dinodu tahe riteònyre iwo-ò ridyrenykemy awaru òhòtenahãký-di tuu raòhòtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre òsana tuu raòhòtekeki. Kia soldado dinodu rõhòtinyre.

<sup>25</sup> Tahe Paulo ritaataarenyre. Imy rahudi tahe Paulo rarybere soldado dinodu-ò: –Jiarý Roma hãwã mahãduõ rare. Wamy maòhòtebenyõtyhy, aywisidýŸna mahãdu wadee roholaõre tebutunyõteki. Kia riwadýŸkõkemy roimy rare. Abede ywinareny adee rarybere kia widýŸõmy.

<sup>26</sup> Tai tahe kia soldado dinodu tadinodu-ò rare. Tahe tamy rarybere: –Kowa hãbu, Roma hãwã mahãduõ rare. Tai tahe aõbina bina tamy iwidýŸõmy.

<sup>27</sup> Kia roholareu, tii rara Paulo-ò tamy rÿÿraxikemy: –Inatyhybe Roma hãwã mahãduõ aõbo atxiteri. Paulo tahe narybede: –Kohe, jiarÿ, kia mahãduõ watzireri.

<sup>28</sup> Tai tahe soldado dinodu narybede: –Jiarÿ tule watzireri. Nieru sõwe-di reòwynyre tuu aronykremy. Tahe Paulo rirawyònyre: –Jiarÿ tiu kia watzireri. Waha dori Roma mahãduõ raremyhÿ.

<sup>29</sup> Tai he soldado mahãdu iribi ròhònyre aõwesele tii Roma mahãdu ratxire riki. Soldado dinodu tule ruberure tii dori rataataamy riteònyreki.

<sup>30</sup> Txu biòwamy ritare ròtena-ribi ròhònykemy. Judeu xiwewahidÿÿna dinodu inyõ ributunyre ywisidÿÿdu mahãdu-wana. Tahe Paulo ridyre tamy. Tii dori rierykremy ratxireri aõherekibo judeu mahãdu Paulo deramy rÿireri.

## 23

<sup>1</sup> Paulo tamyreny retehere, dinodu mahãdu-ò wahe. Tahe rarybere: –Waseriòreboho, Deuxudile watzimy ramahãre. Tiiemy aõbina binamy aõkõ watzireri, tamy iluuna-di tyhy watziwãhãre.

<sup>2</sup> Anania hãbu-ò rarybere, iòhòmy Paulo-ribi rÿireriò: –Iry-ò bihetenybenyke.

<sup>3</sup> Paulo tahe tamy narybede: –Kai wa aõ aõkõ tate. Hetotira ura wese tate, awo arayky isuisure. Waywisidÿÿdu wesemy talòmy atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri.

<sup>4</sup> Tahe iòhòmy Paulo-ribi rÿireri, tamy rarybere: –Kia wesemy rybeõmy Deuxu xiwe wahidÿÿdu wedu-ò.

<sup>5</sup> Tahe Paulo rarybere: –Aõkõre, reeryòhyyre aõxiwe wedubo ratxirerí. Tyyriti kiamy rarybemyhÿre: Tiu riki wedumy aõmy rybebinamy aõkõke.

<sup>6</sup> Idi tahe Paulo rexierymy resere. Tahe ixidee ròhòtinyre. Ka iny sõweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryre: –Waseriòre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde.

<sup>7</sup> Imy rahudi tahe fariseu mahãdu saduseu mahãdu-wana wiribi rihitxinyre.

<sup>8</sup> Saduseu dori rubu-ribi ixixana rityhynyòhyymyhyrenyre, tule ÿju, tyytyby-wana rityhynyõre. Fariseu mahãdu tahe, kia ibutumy rityhynymyhyre.

<sup>9</sup> Tai tahe sòwemy rajei jeimy rÿimyhÿ. Tahe fariseuõ rarybere Paulo òbitimy ratximyhÿ. Aõ teòsamy tai tuu arobirenyke kÿnyhe aõkõre. ÿjuõ òsana tamy rarybera ada tyytyby aõbo.

<sup>10</sup> Tai ta tarurutyhymy rryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: –Iribi bitake, idi boibenyke ixyby soldado heto-ò.

<sup>11</sup> Rummy tahe Paulo weribi Inynyrÿ tamy narybede: –Brebuõmy aõ-di nohòtiõmyke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

<sup>12-13</sup> Tahe biurasòtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyòtyhy bemy rikiòrenyòtyhy. Paulo rurukeki xiery ta rikiroxirenykre.

<sup>14</sup> Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyrenyre iwese Paulo rubudÿÿmy ratxireri wese.

<sup>15</sup> Tule tamyreny rarybere: –Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho ròhòtinykre. Tai tahe ry kana-ò rearaki tahe ijoi rikirubunykre. Kia judeu mahãdu xiwe wedu-ò rarybere.

16 Tahe Paulo seriòre woludu, ilana rubudÿÿmy rarybereò roholare. Tahe ralore soldado heto-ò tahe tuu Pauloko relyykemy. Tahe relyyre.

17 Kia roholamy rahudi ta Paulo rariòwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ò, aõma, ijyy-di ratxirerimy tamy relyykremy.

18 Tahe ridyre soldado dinodu tyhy-ò tahe rarybere: —Paulo kÿny ka weryry-di riwateònyreri aõmybo ako relyykremy.

19 Tahe dinodu weryry axiò iyre ribi rimyre, tahe iny-ribi rirehenyre rarybekemy: —Aõbo wexe wako belyykre, weryry. Tahe relyyre:

20 —Wylana Paulo ridykremy judeu mahãdu adee rexitòenykremy ratxirenyre. Tiiboho adee raryberenykre: —Rikityÿÿraxinykre ijõ aõmydÿÿnana.

21 Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwòmy rÿikre, iny inatxi wa itue hãbumy, wylana rubudÿÿmy. Tii ruruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre. Ahana òsana inyõ rÿireri wylana ridykremy adee kedexitòenykremy. Wylana òludu tahe ryijàti-ki rexiwòmy rÿireri.

22 Tai soldado dinodutyhy weryry-ò rarybere: —Uritere inyõ ierysyõmykre wadee tuu telyyteri.

23 Tahe inatxi soldado dinodu rarariòwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dòhòny-ribi, ijõ 70 soldado awarutyre-ki, ijõ 200 soldado tõnori-di.

24 Kia ibutu-wana Paulo bidybenykre awarutyre-ki Cesaria hãwã-ò. Biyrubunymy boibenyke Feli, kia bededinodu-ò.

25 Tahe tyyriti riwinyre kia wese:

26 —Jiarÿ Laujiu Lucio, warybe reritinyreri. Warybe wehityhyna rewahinyreri Feli-ò, Wanyrÿtyhy, bede dinodu-ò rewahinyre.

27 Hãbuõ adee reteònyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteònyre ritakremy rubu-ribi, tii Roma hãwã mahãdumy rareki.

28 Redyra heka ywisidÿÿna mahãdu-ò. Aõherekibo rimyrenyremy arierykemy.

29 Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisÿnyre.

30 Judeu mahãdu rarybemy ramyhÿre irubudÿÿmy. Kiamy raholareu tahe, adee reteònykemy resere. Tule irubudÿÿmy röhòtinyra mahãdu adee rarybekemy reteònyre. Tiiboho aõbo raremy rarybekre. My kie warybe rewahinyre.

31 Idi tahe soldado mahãdu Paulo ridyre, iwese idinodu riteònyre wese. Rudile ridyre Atxipatxi hãwã-ò.

32 Tahe biurasòtxumy tahe tatilemy rare mahãdu ròsere soldado heto-ò. Ijõ soldado awarutyre ludu Paulo iridyre Sesaria-ò.

33 Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyyriti-wana.

34 Kia tyyriti-di tii rariareu tahe, tamy ritÿÿÿraxinyre: —Tiribibo tate Paulo. Tahe Paulo dirawyònyde: —Jiarÿ, Silisia hãwã mahãdu rare.

35 Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyrubudÿÿ idi risÿnyre Herodi ywisidÿÿna heto-ò, Pretòriu ninadu-ò.

## 24

1 Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduõ-wana rehemynyre, moma, Tertuliu inire. Paulomy aõbinabinahãkÿ rybemy rareri bede dinodu-ò.



<sup>2</sup> Tahe Paulo didyde. Tertuliu rarybere Paulomy. Awiõmy rybe tahe ròhònnyre. Juhuu Feli-ò rarybere: —Kai Wanyrÿ tyhy, awihyymy heka atximahâte wadeereny. Tiiemy bede ywina inydee tewahinymahâte. Ibutumy iny bede hãwã hãwã-ki iny tewiõhenanymahâte.

<sup>3</sup> Tai tahe omy reàlätymy he watxiwãhãre. Urihimyòle adee Paulo aõmydÿÿnanamy ararybekre.

<sup>4</sup> Txioi inihe làhà, boholabeny.

<sup>5</sup> Tiiemy jei jehy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduõ rare, kia weduõ rare. Tii Jesuisi rityhnyre.

<sup>6-7</sup> Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyreny tahe, ywisidÿÿmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di.

<sup>8</sup> Tahe inydee rarybere: —Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere.

<sup>9</sup> Ijõ judeu mahãduõ rarybere: —Kia inatyhy ibutumy inatyhyle ratxireri, aõmybo Tertuliu raryberemy.

<sup>10-11</sup> Tahe bede dinodu Paulo-ò riteòsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sõwe beòra aõmydÿÿnana-di ywisidÿÿna-di atximahâte. Jiarÿ kia reeryre. Tai reysawãhãre adee ararybekremy. Waò inatxi reuròtxumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reàlakemy.

<sup>12</sup> Tiu heka jei jei rewinyõhywãhãre dohodÿÿnaõ-ki aõkõ, hãwãy-ki aõkõ.

<sup>13</sup> Aõmybo wamy rarybemy rÿireri heka, aõ inatyhy aõkõ.

<sup>14</sup> Sohoji aõmydÿÿnanamy tahe akoreny arelyykre, inatyhy rare. Retyhynywãhãre heka aõbo Jesuisi rierynanymyhÿremy. Tiiboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhÿre wesele jiarÿ tule Deuxu inytyby retyhynymyhÿre. Ibutumy bede ywina tyyriti-ki riritinymy rÿimyhÿremy retyhynywãhãre.

<sup>15</sup> Iny, òrarudu mahãdu, ityhydÿÿdu mahãdu kedeixixakremy rubu-ribi. Kia retyhynywãhãre.

<sup>16</sup> Tiu ibutumy òbiti widÿÿmy raruwãhãre. Deuxu-txi tule ibutu hãbu rue-ki.

<sup>17</sup> Jerusalẽ-ribi rarewãhãu, tiwese beòra rewyre tahe ixby dòòsede Jerusalẽ-ò aõkõ mahãdu wahidÿÿna wesemy ariwahinykremy xiwena wese Deuxu-ò.

<sup>18</sup> Deuxu dohodÿÿna heto-ki watxiwãhã, òbitimy rãire, ibutu bede ywina reywinymy rawãhãre. Tahe waxiwena-di waòludu wamy robire. Iny sõwemy weroramy watxiwãhã. Rybe jei jei rarybeõhyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhÿreny.

<sup>19</sup> Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿreny.

<sup>20</sup> Aõbo waki teòsamy rahare ywisidÿÿna mahãdu-ko rãireu, tamy rokoholakre.

<sup>21</sup> Sohoji aõmydÿÿnanalem y rarybere teòsamy. Kiamy rarybere: —Retyhynyre rubu ixby kedexixakre. Tai ywisidÿÿna mahãduko-ki watxiwãhã.

<sup>22</sup> Feli bede dinodu rierymy ratxireri aõmybo ityhydÿÿdu mahãdu rityhnyre. Tai rarybere judeu mahãdu-ò: —Lisiu, aõma, soldado dinodu tyhy rehemynyre, bede rikierydÿÿnanykre.

<sup>23</sup> Tahe Paulo ròtena heto wese-ò ratximyhÿreki, riòòsedÿÿnyre. Ta rarybere he soldado dinoduõ-ò: —Ywimy idi ratximyhÿkemy. Tule rarybere: —Iò ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.



<sup>24</sup> Iribi nade Feli tahãwyy-wana Drusila. Ihãwyy heka judeu mahãduõ rare. Riteònyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii òbiti-di iny rõhõtinkyemy tule ywisidÿÿna txumy Deuxu kanakremy ritÿÿnyre.

<sup>25</sup> Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikre, ixyby adee ararãriòwykre.

<sup>26</sup> Tule Feli ijõ nieru Paulo-ribi ritakemy ratxireri, tai rarariòwyre ijõttxu ijõttxu tii-wana rarybekremy.

<sup>27</sup> Inatxi beðramy bede idi rÿire. Iwixira bede dinodu ralore Feli deròwy. Porsiu Festu inire. Feli tahe judeu mahãdu tuure tamyreny aõõ riwinykemy ratxireri tahe Paulo ririre ròtenawo-ki.

## 25

<sup>1</sup> Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi ròhònyre Jerusalẽ-ò rakemy.

<sup>2</sup> Tahe xiwe dinoduõ, judeu mahãdu dinoduõ tamy rarybere Paulo aõmydÿÿnanamy.

<sup>3</sup> Tamy rexitònyre Paulo-di wylemy kanakremy. Kiamy heka rexinohõtidiÿÿnyre ryrowetya-ki rirubunyrenykremy.

<sup>4</sup> Aõkõre, Paulo ratxirekre Sesaria-ki, Festu rarybere, jiarÿ tahe aròòsekre ele el-emy kowa-ò. Kaiboho adinodu mahãdu wadi roikre kowa-ò. Rokoholarenykemy ywisidÿÿna-ò.

<sup>5</sup> Tule kaiboho aõrybedikeki, Paulomy, kowa-ò rarybekremy.

<sup>6</sup> Iribi tahe debòwiò txu òsÿny txu idi rÿidi tahe ixyby Festu dòòsede Cesaria-ò. Irootxu tahe Paulo ywisidÿÿna ròhònyre. Tahe Paulo ridykemy riteònyre ywisidÿÿna butuna-ò.

<sup>7</sup> Tahe judeu ywisidÿÿna mahãdu heka sòwemy tuu aõbina binahakÿmy Paulomy rarybemyhÿre, Jerusalẽ-ribi rehemynyreu. Aõ inatyhymy aõkõ.

<sup>8</sup> Paulo tahe rexitxiònyre: —Jiarÿ kÿny kia-di aõkõ watxiwãhãre. Tii rarybere: —Tiu heka judeu mahãdu bede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyõwãhãre, tiu Roma dinodu bede ywina ratyre aõhe ratÿÿnyõwãhãre.

<sup>9</sup> Idi tahe Festu rÿÿraxire Paulo-ò: —Kawexe texiywinymy atxiteri Jerusalẽ-ò makremy. Kowa ywisidÿÿna ariwinykemy adee roholakremy. Kiamy Festu rarybere aõwiwihikÿmy riwinykemy ratxireri judeu mahãdu dee.

<sup>10</sup> Tahe Paulo rirawyònyre: —Aõkõre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiywinyhy tamy arakre. Kai teeryte jiarÿ aõkõ tudÿÿduramy.

<sup>11</sup> Aõma aõbo waki binamy relera-wana heka arurukre. Aõkõkeki tahe aõbo awihykyle rewinyre-wana heka timy inihe warubudÿÿõmy. Iòlò tyhyle wadee roholakemy he ixide rahõtinyreri.

<sup>12</sup> Festu tawiòhedÿÿdu-ò rarybere. Idi ta dirawyònyde: —Awire, iòlò tyhy-ò atxiteri urenana kÿnyhe aõwaxiny makre.

<sup>13</sup> Iribi tahe aõutxumy tahe iòlò Agripa dehemynyde, Benise tariòrese-wana. Festu roramy rareri.

<sup>14</sup> Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iòlò-ò rarybere: —Ròtenawoluduõ roireri ròtenawo-ki. Tai he Feli ririre jiarÿ iaõmydÿÿnana arierykremy.

<sup>15</sup> Aõma Jerusalẽ-ki watxiwãhãu, dohodÿÿna wedu mahãduõ wadee heka rarybere: —Tii arirubunykyemy heka wadee rityhenymyhyre. Judeu mahãdu matuariõ tule kia rarybere.

<sup>16</sup> Tahe tamy jiarÿ rarybere: –Aõkõre, aõma Roma mahãdu kia bede ywina dori tuu aõkõ roimyhÿre. Juhu heka rakre ywisidÿÿna-ò tahe relyykre heka iximy, taòludu mahãduko-ki.

<sup>17</sup> Kaò juhu ditehemynydenydeu, tamy rarybere. Ijõ txu he reyrubunyre ywisidÿÿna-ò roholakremy tahe Paulo ridykemy aditeònyde.

<sup>18</sup> Tahe aõmybo tamy rarybere heka, iwese rahõtynyre wese aõkõ tii riwinyre.

<sup>19</sup> Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Riròtenymyhÿre.

<sup>20</sup> Tai tahe tiiemy rahõtynyre: Timy taheka aõhe arotÿÿnykre ka aõmydÿÿnana-di. Paulo-ò retÿÿraxire aõma Jerusalẽ-ò aõbo rakemy ywisidÿÿna-ò.

<sup>21</sup> Tahe Paulo rarybere: –Iòlòle rakremy aõbo. Tii wamy roholakeki, teòdu waòrysomy ariraokre. Tai tahe ròtena-ò ixybyle rerutyre.

<sup>22</sup> Tahe iòlò Agripa rarybere: –Jiarÿ aroholakre inihe kia hãbumy. Tahe Festu dirawyònyde: –Biurasòmy tamy bodoholakre.

<sup>23</sup> Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahãdu, iny ityhymy rÿira mahãdu, ibutumy raloralore. Tai tahe Festu Paulo didyde. Tahe rarybere:

<sup>24</sup> –Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÿÿmy he idi rÿireri, judeu mahãdu kaki tule Jerusalẽ mahãdu.

<sup>25</sup> Jiarÿ rahõtynyre aõ heka riwinyòhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri.

<sup>26</sup> Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy.

<sup>27</sup> Timy kÿny wateòdÿÿkõna uritere òhynaòhòkÿle Iòlòtyhy-ò ariteònyòtyhy.

## 26

<sup>1</sup> Tahe Agripa Paulo-ò rarybere: –Aõwaxiny belyykre aijyymy. Paulo he tebò riukore he rarybekremy.

<sup>2</sup> Wadeysamy he watzireri, Iòlò Agripa. Jiarÿ dori iximy arelyykre ako.

<sup>3</sup> Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di.

<sup>4</sup> Tiiemy uladule aratyryritinyde aõma judeu òbitina-di.

<sup>5</sup> Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalẽ-ki ratyryritinyre. Jiarÿ fariseu mahãduò òbiti jiarÿ rare.

<sup>6</sup> Kia rybe òraru-ki wiji ywisidÿÿna-ki rãire. Jiarÿ dori retyhynywãhãre aõbo Deuxu inytyby-ò rarybere.

<sup>7</sup> Jiarÿ Deuxu rybe òlòna reraòwãhãre. Tule judeu ijoi riraòmyhÿre, waòinatxi reurò ijoi mahãdu. Tiiboho Deuxumy reàlãmy raremyhÿ, rummy, txummy. Iòlò Agripa, kia raròsòna òraru-ki judeu mahãdu wadee aõbina binamy rarybemyhÿre.

<sup>8</sup> Rubu-ribi ixixana jiarÿ retyhynymyhÿre. Araÿraxikre iòlò. Kia aõbohe wadeòsana raremy kaiboho tahõtinytenytere. Deuxu heka ixyby iny kidiòkesedÿÿnykre taumy tuedeòna-ò.

<sup>9</sup> Jiarÿ heka juhoo awimy heka aõbina binahakÿ widÿÿ dee rahõtynyre, Jesuisi Nazare hãwã ludu dee.

<sup>10</sup> Sõwemy ityhydÿÿdu mahãdu reròtenyre ròtenawo-ò Jerusalẽ-ki. Dohodÿÿna heto wedu rewawiòhenanyre tyyriti riwahinyreki. Kia irubudÿÿmy wi risÿnyrenyreu, jiarÿ rarybere: –Awire heka birubunybenyke.

<sup>11</sup> Jiarÿ heka ityhydÿÿdu mahãdu aõhòkÿmy rotÿÿnykemy wi resÿnyre bede bede-ki. Aõbinabinahãkÿlemy ityhydÿÿdu rerybedÿÿnywãhãre. Jiarÿ aõnime reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò.

<sup>12</sup> Rare heka Damasu hãwã-ò ityhydÿÿdu òrysomy. Jiarÿ tyyritidi rare, dohodÿÿna wedu ritina-di. Tule ibede ywina-di rare.

<sup>13</sup> Tahe Damasu iòhòmy rareu, loosònaõ diwatoosònyde, txu loosòna ratyre ihÿre.

<sup>14</sup> Jiarÿboho rejuxunynrenyre tahe raholare rybeõ-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymyhyte.

<sup>15</sup> Jiarÿ rarybere: —Mowe, Wanyrÿ Tate. Tahe dirawyònyde: —Jiarÿ wa, Jesuisi rare. Wadi aõbina bina tewisÿnyte.

<sup>16</sup> Katahe myikre. Adee rehemynreri, aratara ixidee, wadeòdumy mabekremy. Warybeduõ mabekre. Ibutumy wamy belymy mabekre aõhebo adee wiji rotÿÿnyreri. Iribi tasÿ ixityre adee adehemynkre. Tule kia-di marybekre.

<sup>17</sup> Ibutumy asÿ-wana arayrubunykre. Tai ta judeu mahãdu-ò arateònykremy watxireri, judeu mahãdu-ò tule.

<sup>18</sup> Iwese iny ruetà-di rÿira wese tii ihÿre. Kai tamy bitÿnynkre Deuxu aõmydÿÿnana. Tai biruejuakre, rierykremy. Biòbitynkre tamyreny òrarudu roire aõma ixi-txi tõhòti reakremy loosòna-ki rariakremy, Satanasi bedelorohokÿ-ki aõkõ, kia ryki aõkõ rariakremy. Deuxu uri bede ywina rimymyhykre ixidee. Ibutu bede bedemy rÿira waijoimykre. Tyramy taòraru-ribi rÿira, ritamy rÿira, riwatyhynymy rÿira.

<sup>19-20</sup> Tai, Iòlò Agripa, iwese warasina-ki riwateònyre wese, retyhynhyre. Juhuu Damasu hãwã-ki jiarÿ ròhãletere, iribi Jerusalè-ò, tule Judeia bede-ki, ibutu judeukõdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tõhòti reakremy inatyhymy aõna aõna wiwihikÿ riwinykemy Deuxu dee.

<sup>21</sup> Tai judeu mahãdu riwamyre Deuxu dohodÿÿna heto-ki, warubudÿÿmy rõhòtinyre.

<sup>22</sup> Deuxu tahe wawiòhedÿÿdu ratximyhyre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre.

<sup>23</sup> Juhutyhy rarybere: —Kristu, rurukremy iribi tahe kedexixakremy rybe loosòna kidiwykremy judeu mahãdu-ò, tule judeukõdu mahãdu-ò.

<sup>24</sup> Tahe Paulo iximy rarybereu, Festu ryrere: —Paulo, kai wa itxÿtere. Aõnityhymy tatyritinymahãte. Tai arayky tebinanyta.

<sup>25</sup> Tahe Paulo rirawyònyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare.

<sup>26</sup> Tule Iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa.

<sup>27</sup> Aõbo Deuxu rybedu mahãdu riritinyre aõbo, kai tetyhynmahãte. Reeryre jiarÿ, kai tetyhynmahãte.

<sup>28</sup> Tahe Agripa riixãwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahòtinyte, wadee tarybeteki.

<sup>29</sup> Paulo rirawyònyre: —Kohe, wadee awire, kai tulekemy. Ibutumy kaki wawesekemy adi rahòtinyre. Kai tule warybe sòwemy aõbo ada aõkõre aõbo Deuxu bityhynbenykemy watxiwãhãre tule waijohonana-wana. Aõna sohojidile taanamy aõkõ watxireri, wawomati reroti-di taanamy atxiteri.

<sup>30</sup> Idi tahe bede dinodu, iòlò, Benise, ibutumy he rÿire ròirenyre.

<sup>31</sup> Widee reny wiwesele rõhòtinyrenyre. Ka hãbu timyhe rubudÿÿona he ròrena-ki irutysyõna he, tii dori aõhe rotÿÿnyòtyhy aõna aõnamy.

<sup>32</sup> Tahe Agripa Festu-ò rarybere: —Rikiteònyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txioinihe, aõkõre.

## 27

<sup>1</sup> Tahe rexiwinymy rexihurenre Italia bede-ò, Roma hãwã-ò aroirenykremy

hãwò-di. Tahe ròtenayrubudÿÿduõ tii-wana rakre, irubudÿÿdu renymy. Julio inire. Tii iòlò yrubudÿÿdu mahãdu dinoduõ rare. Ridyrenyrene Paulo ròtena woludu mahãdu-wana. Jiarÿ, Luka tule ihemy rare.

<sup>2</sup> Tahe rerònyre yhywydyna lawò-ò. Adrÿmitxiludu tahe kia lawò rare. Tule hãbuõ wawana rare. Aristarku inire. Tii Macedonia bedede luduõ rare. Tesalonia ihãwã rare. Tahe hãwò rexihynyrenyrene adòikemy Asia bedede-ò. Tahe ròirenyre. Ijòtxu biòwa Sidoma beàbeà-ò rehemynyrene.

<sup>3</sup> Paulo taery mahãdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteònyre titxibo rakelemy. Paulo ery mahãdu aõna aõna tamy riwahinyrene.

<sup>4-5</sup> Tahe iribi ròhònyrenyrene. Xibri bedebute roosibymy ralore yhy dori tiribi tiribi reamyhÿreki. Tahe iribi riòlònyrene. Tahe Silisia bedede-ribi riòlònyrene, tule Panflia bedede-ribi ijò bedede-ò reronyrene. Tahe Miha hãwã-ò ritehemynyrene Lisia bedede-ki.

<sup>6</sup> Tai soldado dinodu hãwò nihikÿ rijemyhÿu, ihe-ki roikemy, tahe ijò-ki rahare Alexÿdria luduõ-ò. Hãwò tahe rexiywinymyhÿre rakremy Italia bedede-ò. Tahe wadeereny rarybere: –Borukubenyke yhywydyna lawòro-ò. Tahe ixityre roirenyrene.

<sup>7</sup> Sòwemy heka txuu wadireny rÿire. Urihimyòle rexihejiwãhãrenyrene. Isirare heka Kinidu hãwã-ò dehemynysÿ. Ihãrele tahe rethemynyrene Samona hãwã mynatyhyle raròrenyrene. Iribi Kreta bedebute roosibymy ralore yhydori tiribi tiribi reamyhÿreki.

<sup>8</sup> Tahe ywymy suò iòlò iòlò adoiwãhãdenyde ihyy tahe rethemynyrene Rywihikÿmy ninadu-ò. Kia heka Laseia hãwã-ribi iòhòre.

<sup>9</sup> Sòwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhònyrene. Tai tahe bededÿÿnana ibutumy roimyhÿre. Tai brebunamy bedede roimyhÿre.

<sup>10</sup> Paulo tahe tamyreny rarybere: –Wanyrÿboho, ka tÿina isiratyhykre inydeereny. Inynonanareny iòhãrure aõna aõna ibutumy inyribireny ituekre, hãwò rabohokre ada ijò aõbo rikururenkyrene.

<sup>11</sup> Tahe soldado dinodu Paulo rybe rityhynyòhyre. Yhylawò wedu tòruludu-wana tii rityhynyrene.

<sup>12</sup> Yhylawò wedu, tòruludu-wana iwitxiramy ròhòtinymyhÿre, beòra tai riekòkemy beà dori ibinareki. Ijò tule tahe roirenykemy ixide ihÿrenyrene rehemynykemy Fenisia beà-ò. Kia heka Kreta bedebute beàõ rare. Biuweribitya-txi ròròmyhÿre, tai awire kia beà, beòra bedede riwykemy.

<sup>13</sup> Ijò rarybere: –Rikoirenyke, yhy dori rebonyreri, tamy rekehemynyrenyrenyrenyrene. Tahe womatisana riukore. Roirenyrene yhy-di. Tahe iòhòmy Kreta bedebute rotÿÿnyra.

<sup>14</sup> Aõwesele heka yhy nihikÿ dehemynyde bededebrò-ribi. Kia yhy nihikÿ iraro bededebrò ludu inire.

<sup>15</sup> Ka yhy nihikÿ taruru-di riwyre hãwò nihikÿ. Juhu yhynonana weribi-ò riwisÿnyrene. Idi iwo rexierenyre ixinamy riwyre yhyòkesena-ò.

<sup>16</sup> Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriòre riwyre.

<sup>17</sup> Idi tahe ròhòtinnyrene hãwò nihikÿ rabòhòke-txi roholarenyrene, tai tahe ritaarenyrene iwetya-txi. Tahe ruberurennyrene, Libiamy ninadu beòlau, tahe welòhòkÿ ritare iribi rexitarenyrenyrene.

<sup>18</sup> Ijòtxu roirenyrene yhynihikÿ tamy realemy iu, tai tahe aõna aõna-di rehure ibutemy rawetarikemy.

<sup>19</sup> Tasÿ txuõ idireny reare. Idi rehurennyrene aõmybo rekoakòmyhÿrenyrenyredi rawetarityhykemy.

<sup>20</sup> Txu sòwemy rewyrennyrene txumy, tainamy ribi renyòhyre. Yhynihikÿ reamyhÿ. Tai sòwemy ruberumy rÿimyhÿ rubu lau.

<sup>21</sup> Sõwemy heka bededÿÿnana riwyre roxiõhyy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaõhytyente Kreta-ribi rõhõnyrenyreu. Aratohonyrenyire iribi inyboho kodoikõkemy. Boholabenybe-wana ta inihe aõna itueõhyre.

<sup>22</sup> Ihãrele tahe deysana-di adeereny ararybekre. Inyõ ruruõtyhy, hãwò nihikÿ sohojile rabohokre.

<sup>23</sup> Jiarÿ dori Deuxu deòdu rare. Kaurumy dori Deuxu ÿju wadee nade.

<sup>24</sup> Tahe rarybere: —Paulo, brebuõmy. Kai iòlòko-ò makre. Deuxu dori ruxetòena kidiwahinykre. Tiu heka aruburenyõna aijoi-wana.

<sup>25</sup> Tahe wanyrÿboho, brebuõmyreny. Jiarÿ dori Deuxu retyhynyre, iwese wadee rarybere wese, rarekre.

<sup>26</sup> Urile tahe inyboho kiditehemynydenykre bedebuteõ-ò. Kia tahe Paulo rarybere.

<sup>27</sup> Waòinaubiòwa rummy beronihikÿ tya-ki bede rijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iòhòmý roholarenyre.

<sup>28</sup> Tahe beõ urihixina-di riurihire, wawiò dera urihixinamy beõ riurihire. Idi iko-txi ixityre riurihire tai waiyre dera urihixinamy rimyre.

<sup>29</sup> Tahe rahõtinyrenyire manale tai roimyhÿremy. Tai tahe manatisana-di inaubiòwa lòru ludu-ribi rehurenyre. Iribi rexitòenyre wylemy txuu kanatÿnykemy.

<sup>30</sup> Hãwò aõna hydÿÿdu mahãdu hãwò riòre riwesere bera-ò. Idi risÿnyre ijõ manatisana ritidikremy hãwò jura-ribi. Urile tahe rahenykremy rõhõtinyre.

<sup>31</sup> Paulo tahe rierymyhÿ tahe soldado wedu-ò rarybere: —Soldado mahãdu tule roholare:

<sup>32</sup> —Hãwò aõnahydÿÿdu mahãdu hãwò nihikÿkÿro-ki rariõrenykeki, kaiboho atuerenyke. Tai tahe soldado hãwò riòre reroti riàrore tahe resere bera-txi rahenyre.

<sup>33</sup> Txuu iòhòmý natÿnyde, tahe Paulo tamy rarybere: —Wiji waò inaubiòwa txummy kaiboho teraòtenyente tabyretenyõhyy.

<sup>34</sup> Ijõ birÿsÿbenyke, arurureny rexiòlònykemy, kaibohoõ dori burubenyõtyhy. Aradeti sohojiõ tiu iõõtyhy.

<sup>35</sup> Rarybemy rahudi tahe, paõ sohoji Paulo rimyre. Ibutura-ò Deuxumy reàlære. Idi tahe paõ riorore, riyre.

<sup>36</sup> Ijõ reny reysarenyre, taita tule riyrenyre.

<sup>37</sup> Tahe 276 iny hãworo-ki roirenyre.

<sup>38</sup> Tahe ibutumy iwo rihyrenyre tahe maixõmo wesena-di rehurenyre hãwò nihikÿ rawetarinykemy.

<sup>39</sup> Bede ratÿnyreu, inyõ rieryõhyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre: —Rikirònyrenyke hãwò-di iwo-txi.

<sup>40-41</sup> Tahe manatisana riukòrenyre tahe welò riderenyra hãwojura-ò iraròsòna riesere. Tahe ritelenyre ralòkemy. Urile esetere tiò tiòle hãwò ridymyhÿ beõ òhòkÿle idi rehure rorokòhòkÿle, rimyre taile òbò hãwòlòru ribohonyre.

<sup>42</sup> Soldado mahãdu rõhõtinyre ròtena mahãdu rahenyketxi. Tai rirubunykeny rõhõtinyre bede-ò robunyke lau.

<sup>43</sup> Soldado wedu tahe Paulo ritòenyre rubu lau, tai tahe riteònyre rirubunyõhyre: —Tibo alobueryre, juhoo suò rakemy, soldado wedu kia rarybere.

<sup>44</sup> Tibo alobueryõke tahe òwòru àre hãwò-ribi rimymy idi rakre. Kiamy heka ibutumy rethemynyre su-ò, inyõ ruruõhyre.

## 28

<sup>1</sup> Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire.



<sup>2</sup> Biu riwasebenyrenyrye yhyjutyty riwasarenrye. Tai tahe tiiboho heòty ri-woronyrenyrye wahetònarenymy. Tiiboho riwawisinanyrenyrye awimy wadireny roire-myhÿ.

<sup>3</sup> Paulo hee ributunyrye heòtyworonamy. Idi rehureu, hemylala he wo-ribi heòty lau ròhònyrye, tai ruruare Paulo debò-ki.

<sup>4</sup> Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruõre bera-ò, ka tahe kidiòwynyrye inyõ òsÿny rirubunyryeki wahe, rurukre heka.

<sup>5</sup> Paulo tahe hemylala tebò-ribi riatyrye heòtyru-txi. Ta aõhòkÿmy rotÿÿnyòhyyrye.

<sup>6</sup> Tahe imahãdu idi retehemy rÿimyhÿ tarubulemy resekeò, ada tebò ratarinybohokeò aõbo. Sõwemy riraòre, aõhebo rotÿÿnyrye, tahe aõkõhyyrye. Tai tahe iwitxiramy ròhòtinyrenyrye: —Tii deuxuõle òsÿny ratxireri. Tiiboho raryberenyrye kia.

<sup>7-8</sup> Hetoõ tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedeòtiidÿÿna rare. Tai taheto-ò riwadyrenyrye. Awihyyrye wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebò ityrye ritidire, rexitòenyrye, tahe riteytenyrye.

<sup>9</sup> Tai tahe ibutumy bedebute ludu webinadu Paulo dee wii rotyrye. Ibutumy reyterenyrye.

<sup>10</sup> Tai tahe uriiõno inydeereny riwahinyrye aõna aõna. Sõwemy rÿsÿna hãworo-ò rahyrye inydeereny. Kia hãwò beòra bede kia beà-ki riwrye.

<sup>11</sup> Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyrye. Inataõ ahãdumy bede wadireny rÿidi.

<sup>12</sup> Sirausa hãwã-ò retehemynyrye. Tai tahe inataõ txumy wadireny rÿire.

<sup>13</sup> Iribi tahe Rejio hãwãmy rekoarenrye. Ijõt<sub>txu</sub> tahe Pozuli-ò reòlònyrye. Inatxi txu-di retehemynyrye yhy ibòò-ribi debonydeki.

<sup>14</sup> Tai seriòreõ ratximyhÿ. Tiiboho rexitòenyrenyrye tii-wana ratxikemy debòinatxi reurò txumy. Kiamy heka Roma hãwã-ò roirenrye.

<sup>15</sup> Roma ityhydÿÿdu mahãdu roholare jiarÿboho retehemynyryerimy. Tai tahe doidenyrye Apio hãwã ube-ò. Tule aõ-di ijohona Heto Inataõ hãwã-ò doidenyrye. Paulo tiiboho robireu, Deuxu reàlãmehÿ, reysamyhÿrye.

<sup>16</sup> Tahe Roma hãwã-ki Paulo ixideewimy rasÿnyrye. Urile soldadoõ aõu aõu tii-wana ratximyhÿ.

<sup>17</sup> Inataõ txumy bede idi rÿidi, Paulo ributunyrye judeu mahãdu dinodu. Wii ributunyrye, tamyreny rarybere: —Wanyrÿboho, waseriòreboho, jiarÿ aõ rewinykõre waijoi Judeu mahãdu dee. Tule lahirybe õnosõna ratyrye aõ rewinyòhyyrye. Ihãre judeu dinodu riwamyrye. Tahe diwahinyrye Roma dinodu mahãdu-ò.

<sup>18</sup> Tiiboho heka riwatÿÿraxinyrye ibutumy. aõ heka waki ibinamy rahaõhyyrye. Tai tahe riwateònyrenyryekemy ratxirenyryeri.

<sup>19</sup> Waijoi tahe Judeu ijoi heka waòludureri. Tai tahe Iòlò-ò jiarÿ rarybere arakemy. Aõ dori waijoi dee waòraruõre.

<sup>20</sup> Tai heka arabutunyrenyrye, warybe-ò boholabenyrykemy, wadi retehekemy womati reroti-di riwataataara. Judeu mahãdu raròsòna òraru-ki kawesemy watxireri.

<sup>21</sup> Tahe judeu dinodu mahãdu rirawyònyrye: —Aõkõre, inyõ rehemynyõre Judeia bede-ribi. Ijyybinamy umy relyyõre. Inyseriòre mahãduõ kaò dehemynyõde.

<sup>22</sup> Aroholarenyrykemy timybo tahòtinymahãte-ò. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu raryberenyrye.

<sup>23</sup> Tahe riywinyrye itxu Paulo rybe-ò ijohonamy. Idi tahe Paulo heto-ò sõwemy iny doidenyrye tamy roholakemy. Tii Deuxu ijyy ritÿnyrye ruidiu rexidelenyrye, txioromy rexihure Moisesi Tyyriti ritÿnyrye tule ijõ rybedu Tyyriti-di ritÿnyrye, iwese Jesuisi Iòlòtyhy kanatxikre wese kabede-ki. Kia Jesuisi aõmydÿÿnanamy ritÿnyrye.

<sup>24</sup> Ijõ roholare aõmybo Paulo rarybereò, Jesuisi rityhynyrenyre. Ijõ tahe aõkõre, rityhynyõre.

<sup>25</sup> Ijõ teramy reare. Rÿire, rònònykremy. Tahe Paulo tamyreny rarybere: –Deuxu Tyytybytyhy booreny dee rarybere Isaia tyyriti-ki. Awimy rare. Kawese roire:

<sup>26-27</sup> –Makre tamy marybekre: –Boholabenyke, ta tiu aerysyrenyõna. Betehekre arue-di, ihãre tahe aerysyrenyõna. Iruereny, iraykyreny, tõhõtireny ritòbònymahãrenyre. Tai tiu tiiboho robirenyõtyhy, rieryrenyõtyhy, roholarenyõtyhy. Tai diwatyhynyõhyymyhÿde. Tai heka iòraru-ribi ariteytenyõkre.

<sup>28</sup> Bierymy boibeke Deuxu tarasana judeukõdu mahãdu-ò rare. Tiiboho dori roholarenykre.

<sup>29</sup> Paulo tarybe rahudi tahe, judeu mahãdu rònònyrenymy sõwemy widee rarybemyhÿrenyre.

<sup>30</sup> Roma hãwã-ki Paulo rasÿnyre inatxi beòramy tahetohuòtenawo-ki. Ibutumy heka dÿÿraximy iheto-ò rehemynyrenyreu, Paulo ridyre tamy rarybekremy.

<sup>31</sup> Deuxu Iòlònamy Paulo iruru-di relyyhyymyhÿre. Inynyrÿ Jesuisi Kristu aõna aõnamy rierynanymyhÿre. Tiu inyõ aõhõkÿmy risÿnyõmyhÿre Paulo rybe xãwikemy.

## Roma

### Paulo Ryberiti Roma mahãdu-ò

<sup>1</sup> Paulo jiarỹ rare, tyyritiwidỹĩdure wahe. Jiarỹ heka Jesuisi Kristu deòdu rare. Tii riwatare rybe tỹnydỹĩdumy ararekremy. Deuxu Rybewihikỹ wahidỹĩdumy ararekremy.

<sup>2</sup> Juhuu dori Deuxu rarybere Rybewihikỹ riwahinykemy. Deuxu rybedu mahãdu kia rybe riritinyre, Ritidỹĩnatyhy-ki.

<sup>3</sup> Kiamy heka Deuxu Riòre rybe tyhydỹĩnamy rarybere, Davi riòre riòkòreõ wahe.

<sup>4</sup> Deuxu Jesuisi Kristu rubu-ribi riixixadỹĩnyreu, tariòremy tahe riteòsinyre ru-runatyhy-di. Jesuisi tahe inatyhymy Inynyrỹ ihỹre.

<sup>5</sup> Tii ruxetòena inydeereny riwahinyre. Irybe òraru-ki, jiarỹboho aròirenykemy watxireri. Ityhyna aritỹnynykemy judeukõdu mahãdu-ò, tai tiiboho rityhynyrenykykemy.

<sup>6</sup> Kaiboho tule judeukõdu mahãdu atxitenyteri. Tahe Deuxu ityhydỹĩna mahãdu atxitenyteri, Jesuisi Kristu ijoimy rỹirakemy adeereny rarybereki.

<sup>7</sup> Ibutumy adeereny warybe rewahinyre, Kia Deuxu taijoimy remyremy mahãdu wahe. Ruxetòena, ywina-wana adeereny-ò kanakemy watxireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

<sup>8</sup> Umyreny Deuxu-ò reàlamahãre, atyhynareny-ò iny ibutumy roholamyhỹreki.

<sup>9</sup> Deuxu-ò rexitòenymahãreu, anirenymy rarybehyyemy watxiwãhãre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe.

<sup>10</sup> Jiarỹ rexitòenyhy watxiwãhãre arorarenymy arakemy Deuxudeewikeki.

<sup>11</sup> Umyreny arobikemy watxireri, tai adeereny arelyykemy aõmydỹĩ wihikỹõ Deuxu Tyytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre.

<sup>12</sup> Jiarỹ arawiòhenanykemy watxireri, tule kai biwawiòhenanykemy watxireri. Tai rikexideysanytyhykemy inatyhyna-ò.

<sup>13</sup> Sõwemy heka arahyykemy watxiwãhãre arorarenymy. Iribi nohõti losaõmy tahe wadi rarurunymyhỹre aõbo, riwateònyõhyymyhỹre heka. Jiarỹ Deuxu dee waaõmysỹdỹĩna awikemy watxireri ayreny-ki. Tai kaiboho ako-ò boikemy wadee awire, iwese ijõ judeukõdu mahãduko-ò ararybekremy watxireri wese.

<sup>14-15</sup> Tuheka ibutu iny-ò ararybekremy watxireri, hãwã witxira witxira mahãdu-ò, tule. Iny mahãdu-ò aõkõre mahãdu-ò tule. Tuu ariwinykre ibutumy iny-ò, iny be-deeryrenyõ mahãdu-ò tule. Adeereny tule Rybewihikỹmy arelyykemy watxireri Roma hãwã ludu mahãdu-ò.

<sup>16</sup> Jiarỹ dori Kristu Rybewihikỹ-ki araixỹruõtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahãdu-ò juhUU nade tai tahe iuhe-ò judeukõdu mahãdu-ò.

<sup>17</sup> Deuxu òbitina ratỹnynymy namyhỹde Rybewihikỹwo-ribi. Tyhyna-di ritelenyre tule tyhyna-di ihỹmyhỹre. Inyõ tyhyna-di òbitimy rỹikeki, tii ruruõtyhy, idi awimy rareki.

<sup>18</sup> Deuxu yarana biu-ribi namyhỹde ibutu òraruna hudunamy. Iwidỹĩdu hudunamy. Bina widỹĩdu dori inatyhyna ribinanymyhỹre, raruinymyhỹre Deuxu rybe ribynymyhỹre?

<sup>19</sup> Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhỹre. Tai Deuxu aõhõkỹmy risỹnymyhỹrenyre.

<sup>20</sup> Juhuhukỹle heka Deuxu aõmydỹĩnanamy iny robimyhỹre idi tii tyhynamy tule rierymyhỹre itỹnyhỹkỹlemy, irurunahyy wahe. Aõu aõu kia ibutumy iny rierymyhỹre, Deuxu widỹĩnamy iny robireki wahe. Tai tiu iny ixitxiõdỹĩna.

<sup>21</sup> Rieryrenyre tii Deuxumy raremy. Tahe rexiwowydynyõhyyre timybo iny Deuxu dee rexiwowydynymyhỹkemy wahe. Tamy àlànatyhy riwahinyõhyyemyhỹre. Idi rõhõtinyinmyhỹrenyre Deuxu irayky rõhõtinyinmyhỹre wesemy idi rõhõtinyinmyhỹre. Irayky tahe reõsamy ratximahãre.

<sup>22</sup> Tiibohole bedeerityhymy ixidi rõhõtinyinrenyra. Tahe itxỹtele roire.

<sup>23</sup> Deuxu rubutere rityhynykenawi tahe tiiboho heka ritxoo deuxuõ ireije riwinymyhỹrenyre tatyhydỹỹnamy. Ibinamy heka mywese riwinymyhỹre, nawii wesemy, irõdu wesemy, irõdu bedemy riradu-wesemy. Rexiòkamy riramy riradu wesemy tahe rityhynymyhỹrenyre.

<sup>24</sup> Deuxu heka òraruna-ò riwahinyrenyre, itxỹtenareny òraru-ki. Iny òta òtadu mahãdu heka wiwanale aõòta ixỹruna riwinymyhỹrenyre.

<sup>25</sup> Deuxu inatyhyna dori tiiboho riwiurònyra ruina-ò. Ritxoo dee rexitòdenyrenyre, aõbo Deuxu riwinyre, kia. Deuxule iny reàlàkõmyta ratximyhỹrenyre.

<sup>26</sup> Deuxtutyhy tahe rityhynyõhyyre, Deuxu ibutu widỹỹdu tiu riteàlànymy rakananyõtyhy. Kia òraru-ki òtaòtana nade. Hãwyy, hãbu-wana aõkõ roimyhỹre wideele heka aõhebo rotỹỹnymyhỹre. Kia heka òbiti aõkõ rare.

<sup>27</sup> Tule hãbu, hãwyy-wana aõkõ rõimyhỹre, wiwanale aõhebo rotỹỹnymyhỹre. Òbiti aõkõ heka kia rare. Riwyrenykre kia òraru òwydỹỹna, aõhõkỹmy dỹỹnana wahe. Iny sohoji sohoji taaõbina ixỹruna òraru-ki ixidee rimykre.

<sup>28</sup> Tõhõti heka Deuxu-txi reaõhyyemyhỹre. Tai tahe timybo ixideewimy riwinyrenykeny roirenyre Deuxu-ribi. Tahe riwinyrenyre ibutumy aõbina binahakỹle.

<sup>29</sup> Aõimy aõko ratximyhỹre aõbina bina-di roiremyhỹ: òtaòtana-di, aõbina binahakỹ-di, aõikõkõ-di, rarekemy ixidee ririmyhỹre, teramy heka rỹira. Ihãru-di rỹira iny rubudỹỹmy dori rõhõtinyinmyhỹre, rarybehyyemy ratxirerimy ihỹre, ruidu nihikỹ ihỹre, ujõmo-di rỹira.

<sup>30</sup> Aõbinamy inymy rarybemyhỹre, Deuxu derare, ixiluulerenyre, rexityhynymyhỹre, òraru tỹmyra riwinyrenyre, tyby tadi-wana rityhynyõhyyre.

<sup>31</sup> Irybe sohoji aõkõ heka rare. Iluunaõre, ibinatyhyre, inydee iruxetòeõre.

<sup>32</sup> Deuxu rarybere: inyõ kia riwinykeki heka ruruke. Tiiboho kia rieryrenyre. Ihãre tahe aõhebo rotỹỹnyre. Kia sohojile aõkõ. Reysarenymyhỹre iny witxira iherenyki aõhe rutỹỹnykreki.

## 2

<sup>1</sup> Tutyhy-ki aõkõramy rybeõmy. Kai dori tutyhyle òraru tewinymahãõte. Inyõ rybemy ywisidỹỹna ijõmy rarybeke-wana ixilemy ywisidỹỹna-ò rexityhenyke. Tii dori kia ibutumy tule riwinymyhỹre ibinamy wahe.

<sup>2</sup> Inyõ kia aõbina binahakỹ riwinymyhỹkeki, Deuxu ywisidỹỹna-ò inatyhynalemy tamy kòdòhònykre.

<sup>3</sup> Kai tuleke –kiamy biwinykeki, Deuxu ywisidỹỹna-ribi mahenyõtyhy. Kai dori ywisidỹỹdumy texideòsinyte ihãre tahe iòraru wesele tewinymahãte.

<sup>4</sup> Deuxu ruxetòena sõwemy adi rexiruxetòenanyemyhỹre. Kia-di bexirãhikemy adi ratxireri, tiemy ywimy aõna aõna bina riemyhỹre ratximyhỹre, awi heka adee rare. Kai aõbohe iribi õhõti rosakre kia heka arabedeòtiidỹỹnymyhỹre. Arabedewodỹỹnymyhỹre iòraru-ki. Kai aõbohe kia teeryõte?

<sup>5</sup> Kai arybedỹỹsaeryõre rybe ijohona teeryõte õhõtiõre. Tai tahe Deuxu yarana ixideele tebutunymahãte. Ijõtxu Deuxu yarana txumykreu. Tai Deuxu ywisidỹỹdu òbiti rexitỹỹnymy rỹikre.

<sup>6</sup> Iny sohoji sohoji taaõna aõna myna aõmy rotỹỹnykre, aõhebo rotỹỹnymyhỹreki wahe.

<sup>7</sup> Inyõ aõwidỹỹlemy ratximyhỹre. Tiiboho heka Deuxu wowydyna, Deuxu wohyna, Deuxu loosõna widỹỹmy rarutaamyhỹrenyre. Tule iny rarehykykrena-di rarutaamyhỹrenyre. Imyna Deuxu tamyreny riòkre.

<sup>8</sup> Kia ixidile rōhōtinymyh̄re mahādu tahe, Deuxu woxibrunale, yaranale ritakre. Tiiboho dori inatyhyna rityhynyōhyymyh̄renyre, aō òbitile aōkō riwinymyh̄renyre.

<sup>9</sup> Aōhōk̄ymyd̄ȳnana, bedewona kanakre ibutumy aōbina bina wid̄ȳdu mahādu-ò, judeu mahādu-ò juhuu idi judeukōdu mahādu-ò.

<sup>10</sup> Wowydyna, àlana, ywina tahe kanakre aōwiwihik̄y wid̄ȳdu mahādu-ò judeu mahādu-ò juhu delemy idi judeukōdu mahādu-ò.

<sup>11</sup> Deuxu-ò heka ibutumy iny wiwese rare.

<sup>12-16</sup> Tii heka aōhōk̄my ris̄ȳnykre ibutumy iny òrarudu mahādu. Moisesi bede ywina ihoōrehārele tii rurukre. Judeukōdu mahādu heka Moisesi bede ywina rybe ijōkōre. Tahe bede ywina iny rierykeki, idile Deuxu iòraruna riywinykre. Inyō Deuxu bede ywina rybe roholare tahe rityhynyōre, kia tahe Deuxu dee ibinatyhyre. Ibutumy kia iny rurukre, òt̄ȳ iraykywokile aōbo ibinare, aōbo òbitire rierymyh̄reki. Deuxu bede ywina wesemy heka iraykywo-ki ratximyh̄re. Iraykywydyna rexinohōtinymyh̄re ada dexiòbitid̄ȳnymyh̄de, Rybe wimy rarybemyh̄re Jesuisi Kristu heka hābu aōmyd̄ȳna rit̄ȳnykre imyna timy rarekremy. Deuxu dori iterad̄ȳdure.

<sup>17</sup> Kaiboho, judeu mahādu, texinohōtinytenyta ibutumy awiremy aDeuxureny-wana. Tii adeereny bede ywina rybe riwahinyreki, tii abiòwatyhy rareki.

<sup>18</sup> Kai heka aōbo Deuxu-ò awire teeryte. Aōbo ibinare, teeryte. Uladuule ibede ywina rybe teeryte, tai òbitityhyle adeereny awire.

<sup>19</sup> Kai Deuxu-ò nonana bit̄ȳnyke iny ruetā mahādu-ò dori, kia teerytyhytenyteki. Ixi-di tahōtinytenyteki. Iwese, kaiboho loosōna wesemy toitemahā ixi-di tahōtinytenyte.

<sup>20</sup> Tule kia ixi-di tahōtinymahāte. Kai bede eryd̄ȳdukōdu mahādu eryd̄ȳdumy atxiterimy ixidi tahōtinymahāte. Uladu eryd̄ȳdumy atxiterimy ixi-di tahōtinymahāte. Kai bede ywina rybe tyyritiō dire. Kia adee ibutumy inatyhyna rare bedeeryd̄ȳna.

<sup>21</sup> Kai iny eryd̄ȳdumy atximahāte. Timyrekibo kai texierynanyōmahāte. Kai wasimy aōkō tòeryd̄ȳnanymyh̄te. Timyrekibo tawasinymahāte.

<sup>22</sup> Kai hāwyy òta aōkō tet̄ȳnymahāte. Timyrekibo kai tuu tat̄ȳnymahāte. Suritxoo dee àlana deramy iximy tarybemahāte. Aōheretikibo eryd̄ȳ-ribi aōmyd̄ȳnana tewinymahāte.

<sup>23</sup> Kai bede ywina rybe luumy iximy tarybemahāte. Kai Deuxu-di texixiwedenymyh̄te. Ihāre tahe bede ywina rybe tetyhynyōte. Kiawese Deuxu texirud̄ȳnymyh̄te.

<sup>24</sup> Iwese juhuu riritinyre wese wiji roimyh̄re: –Aòraru-ki tahe bedemy iny r̄yira Deuxumy aōna aōnabinamy rarybemyh̄re.

<sup>25</sup> Kai bede ywina rybe bityhynykeki, òtyky resynadike, awire judeu mahādu dori rare. Tahe bede ywina rybe bityhynyōkeki, òtykyresyna adee aō aōkōre.

<sup>26-27</sup> Iwesetyhylemy iny rare tōtyky resynaō mahādu. Tiiboho bede ywina rybe rityhynykeki, tōtyky resyna-di mahādu wesemy roirekre. Judeukōdu mahādu heka bede ywina rybe rityhynykeki, kia adee ix̄runa rare. Kaiboho dori Deuxu bede ywina rybe tetyhynyōte òtyky resyna dire hārele. Bede ywina rybe dire hārele.

<sup>28-29</sup> Inyō judeu mahādu wesemy ih̄re. Ihāre tahe judeu mahādu inatyhy aōkō rare. Tōtyky resyna-di judeu mahādu inatyhy aōkō r̄yira. Judeu mahādu inatyhy tawokihyyle kia idi r̄yira. Iwesele notyky resynad̄ȳna kia r̄yira. Inywokihyyle rare. Aō bede ywina rybekile aōkō tuu r̄yire inyrayky wydynadile kiawesemy inyō r̄yira. Hābu-ribi wowydynamy ritaōtyhy. Deuxu ribile ritake.

### 3

<sup>1</sup> Tibohe judeu mahādu deewinare. Notyy resynale tamywina. Kia aōbo ibuturatyre awire judeu mahādumy rareki?

<sup>2</sup> Inatyhy rare, sōwemy, Deuxu dori tamy juhu Ritid̄ȳna riwahinyre.

<sup>3</sup> Inyō rityhynyōre-wana kia riwiurònyōhyymyh̄re Deuxu heka òbiti rare.



<sup>4</sup> Inatyhy urenanamy Deuxu raremyhỹ. Iny mahãdu tahe roidumy rỹiramyhỹ. Iwese ritina-ki roire wese Deuxumy rarybereri: –Kai arybe òbitina-di atximahãte urenana wahe. Inyõ araurihikeki, kai inatyhyna-di biòlòdỹnykre.

<sup>5</sup> Inyboho òbiti aõkõ roire. Kia tahe Deuxu òbitina riteòsinyre. Timykibo Deuxu inydee aõhõkỹmydỹnana riwahinykre. Mobo heka kia òbitimy aõkõ rarybekre. Jiarỹ hàbu rayky-di wese rarybereri.

<sup>6</sup> Kia òbiti rare. Kiaweseõkeki timybo Deuxu bede aõhõkỹmy dỹnana riwahinykre.

<sup>7-8</sup> Kai tarybete: –Jiarỹ raruirã. Urile kia Deuxu inatyhyna reteòsinyre. Aõherekibo Deuxu aõhõkỹmy riwasynyre. Kiarybe iwitxira rybewesemy rare: –Ibinamy rakatx-imyhỹkeki, awihikỹ kia-ribi ròhònykre. Aõkõre, kiamy rybedu mahãdu aõhõkỹmy dỹnana ritamyhỹkre. Kia riki wamy rarybere, ruimy wahe.

<sup>9</sup> Aõhe aõbohe, inyboho aõbo inywitxira-ribi awityhyrenyre. Aõkõre. Jiarỹ reteòsinmahãre ibutumy judeu mahãdu, judeukõdu mahãdu ibutumy òrarudu roire.

<sup>10</sup> Kiamy Tyyriti-ki roire: –Tiu heka inyõ òbitiõre.

<sup>11</sup> Inyõ heka Deuxu rieryõhyymyhỹre. Timy heka riòryõhyymyhỹre.

<sup>12</sup> Ibutumy iny rexiõnononymyhỹre Deuxu-ribi wahe. Aõmy aõkõ tiiboho rexiwinyrenyre. Iny riuheõhyymyhỹre aõbo awiré. Sohoji aõkõ aõhebo rotỹnyre aõbo awiré.

<sup>13</sup> Ibòtòijò heka rubuwabede iraymy roimyhỹre ròwese rare. Tiiboho iny itxenadỹydu rare. Irybe heka hemylalatyhyju wese rare.

<sup>14</sup> Aõbina binahakỹlemy heka inymy rarybemyhỹre.

<sup>15</sup> Iti heka teyrewa rare hãlubu txiwimy iny rubudỹmy tule.

<sup>16</sup> Titxibo ramyhỹre-wana heka aõbina binanale riwahinymyhỹre, aõhõkỹle rir-imyhỹre.

<sup>17</sup> Tiiboho dori ywimyno rieryõmyhỹrenyre.

<sup>18</sup> Deuxu lau heka ruberuõtyhymyhỹrenyre, Deuxu rityhynyõtyhy.

<sup>19</sup> Bede ywina rybe heka tatyhydỹna mahãdu-ò diõde. Kia tahe inyboho rieryrenyre. Tai heka iny rexitxiõnyõtyhy Deuxu-ò. Tai heka ibutu dee aõhõkỹmy dỹnana-ò riywinymy rỹikre.

<sup>20</sup> Bede ywina rybe-ribi iny ibutumy rieryre ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rexitaõtyhy iywina òraru-ki.

<sup>21</sup> Wiji tahe Deuxu òbitina ratỹnynymy ihỹre bede ywina rybe-ribi lahiximy. Ihetxiu rybedu-di kia ritỹnynymy ihỹre bede ywina rybe ritina-di.

<sup>22</sup> Deuxu riòbitidỹnyra. Ibutumy Jesuisi Kristu tyhydỹydu kanakre. Deuxu dee dori ibutumy bede bede ludu wiweselere.

<sup>23</sup> Ibutumy raòrarunymyhỹre. Deuxu òbitina tamy rauhenymyhỹre.

<sup>24</sup> Deuxu taruxetòena-di ibutumy riòbitidỹnyre Jesuisi Kristu tarasadureki. Tii iny-ribi iòwydimy aõ rexitòenyõhyre.

<sup>25</sup> Deuxu Jesuisi-di rubuna iny òraru riixãwididỹnyre iòwy tii riòwynara, iny kamy rityhynkemy. Kawese-ki Deuxu òbitina ritỹnyra. Juhuu Deuxu iny òraruna-ò reteheõmyhỹre aõnityhymy iywisidỹna direki.

<sup>26</sup> Tahe wiji inyòraru-ò retehemyhỹre riixãwididỹnykemy. Tai tahe tii òbitire tule Jesuisi Kristu tyhydỹydu òbitidỹydure.

<sup>27</sup> Mobo Deuxu-ò rarybekre jiarỹ awiremy? Aõkõre, inyõ rarybeõtyhy. Bede ywina rybe tetyhynyõte. Deuxu iny òbiti widỹydure, ibede ywina ywidỹy aõkõre. Inatyhynadile awityhymy iny rare.

<sup>28</sup> Kiamy tahe raraykynyre iny ityhynadile riòbitidỹnyke bede ywina rybe ywidỹy aõbo? Aõkõre!

<sup>29</sup> Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihỹre.

<sup>30</sup> Deuxu sohojile rare. Iny wiwanale riòbitidỹnykre judeu mahãdu judeukõdu mahãdu-wana. Ibutumy ityhyna òraru-ki riòbitidỹnyke.

<sup>31</sup> Ityhyna aõbo bedede ywina rybe riixãwididỹnyra? Aõkõre, bedede ywina ihãre rỹire.

## 4

<sup>1</sup> Timybo ararybekre inytybyreny Abraõmy.

<sup>2</sup> Aõbo riwinyre aõkõ idi rexiòbitidỹnyre. Tai tahe rexityhynyke inyko-ò. Tahe Deuxuko-ò aõkõ.

<sup>3</sup> Kamy heka Ritidỹna-ki roire: –Abraõ heka Deuxu rityhynyre taile tahe rexiòbitidỹnyre. Deuxu dee tii òbitityhy rare tii rityhynyrekile.

<sup>4</sup> Iny aõmysỹdỹdu raòwmyhỹke iaõmysỹdỹna myna. Urimy aõkõ dori raòwmyhỹre taaõmysỹdỹnaòwyle dori ritamyhỹre.

<sup>5</sup> Inyò rityhynymyhỹkeki, tii òbitina ritamyhỹre Deuxu-ribi. Deuxu dori òrarudu mahãdu òbitina widỹdu rare. Kia uriõno rare.

<sup>6</sup> Davi heka juhUU riritinyre iwese teysatyhymy iny rarekremy wahe. Deuxu dori òbiti mahãdu dee riraykydỹnyre òbitimy roirekemy. Tii ixidee aõ riwinyõre. Davi kiawese riritinyre:

<sup>7</sup> –Teysatyhymy iny rỹirakemy Deuxu iòraru riixãwididỹnyreu tõhõti-ribi iòraru rosakeu.

<sup>8</sup> Teysatyhymy iny rỹirakemy iòraru-txi Inynyrỹ nohõti ijeraõmy ihỹkre.

<sup>9</sup> Deysana aõbo judeu mahãdu sohojile riteysanymyhỹre ida judeukõdu mahãdu tule. Tulere! Inyboho dori rarybere: –Abraõ tyhynale tamy òbitina diwahinymyhỹde.

<sup>10</sup> Tiubo tahe Abraõ òbitina ritare notyky resynako-ki ada ihewo-ki aõbo, ikoure.

<sup>11</sup> JuhUU dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydỹdu tyby wese rare, Judeukõ mahãdu wahe.

<sup>12</sup> Notyky resynako-ki òbitina ritare. Tõtyky resyna-di mahãdu tyby wesemy riki Abraõ ratximyhỹre. Tiile tõtyky resynakõ-ki Deuxu rityhynytyhymyhỹre.

<sup>13</sup> Deuxu Abraõ-ò rarybere tii ibutu bedede wedu wesemy ratximyhỹre iriòre iribi rimykemy. Tahe bedede ywina rybe òraru-ki aõkõ tuu ihỹre, ityhyna òbitina òrarukile wahe.

<sup>14</sup> Bedede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre.

<sup>15</sup> Bedede ywina rybe dori Deuxu aõhõkỹmy dỹnana diõde iny ribedeerynykemy. Teysana aõkõ wahe. Bedede ywina rybekõki, timyki iny aõ ityhynyõna. Bedede ywina rybe ijõõre-wana òraruna ijõõre.

<sup>16</sup> Tahe inatyhyna-di sohojile iny aõna aõna wiwihikỹ ritamyhỹke. Tai iruxetõena-ribi nade. Tahe aõmybo Deuxu rarybere ibutu riòreriòremy tuu rỹikre. Bedede ywina rybe mahãdu tule bedede ywina rybekõdu mahãdu-wana wiwana Deuxu rityhynyre. Abraõ riòre wesemy ibutumy tai inyboho roire.

<sup>17</sup> Iwese Ritina-ki roire wese: –Jiarỹ aratare ibutu inytyby wesemy mabekemy. Ibutumy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahãdu riixixanymyhỹre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre.

<sup>18</sup> Timy heka rariòrenykemy ixidee rõhõtinyõhymyhỹre. Deuxu dori tamy rarybere: – Kai heka ariòkòreny sòwemy atximyhỹkre. Kai hãwã hãwã tybimy mabekre.

<sup>19</sup> Abraõ tatyhyna ritxiõnyõhyre. Timy heka 100 beòramy idi ratximyhỹre, ixãwire uladu-ribi ramatuarinyreki. Tule ihãwyy Sara iuladu herina-di kòremy rõhõtinyre.

<sup>20</sup> Timy heka ritxiõnyõhyre Deuxu Rybe. Rityhynymyhỹre Deuxu deãlana riwowydynyre.

<sup>21</sup> Tii heka rierymyhỹre Deuxu irurudire irybe wesemy aõ rỹikemy.

<sup>22</sup> Tai tahe Deuxu tamy òbitina tamy diwahinyde.

<sup>23</sup> Aõ ìòraruki aõkõ kia ryberitina awimy raeryre, tamy sohojile aõkõ dori rarybere.

<sup>24</sup> Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhÿre, Inynyrÿ Jesuisi rubu-ribi ixixana widÿÿdu Deuxu raremy.

<sup>25</sup> Jesuisi ìòludu-ò iwahidÿÿmy rara inyòrarureny-ki tai rurure. Tahe iny òbitina wahidÿÿna-ò diixixanyde rubu-ribi.

## 5

<sup>1</sup> Jesuisi tyhydÿÿ òraru-ki Deuxu inyboho rimyrenyde. Idi awimy rokoirekremy tii-wana, Jesuisi Kristu-wana wahe.

<sup>2</sup> Deuxu ruxetòenawo-ki inyboho rotamanymyhÿrenyde. Jesuisi Kristu tyhydÿÿna òraru-ki tamy rotamanymyhÿre. Deuxu loosòna worojuxanaõ-di rokoirekre. Tai inyboho reysamy ihÿre.

<sup>3</sup> Inyboho bedewona-di hyy ihÿrenyde. Ihãrele tahe inyboho teysarenyde. Kia dori iny riwiòhenynymyhÿre raròsòna ijòdikemy ruru indeereny riwahinykemy.

<sup>4</sup> Inyboho rikijerenyhyykeki, Deuxudeewimy rikiwinyrenyke. Deuxudeewina rikiwinyrenykeki, raròsòna rikitarenykre.

<sup>5</sup> Iny raròsòna tarasana aõkõkeki, uritere rakabedewoõtyhy, Deuxuluuna dori inywo-ki ratxireri. Deuxu Tyytybytyhymy indeereny wahidÿÿna rare. Tii dori inyworeny-ki Deuxuluuna ritidire.

<sup>6</sup> Iruruõmy inyboho roiremyhÿre awimy riwinykemy. Tai tahe Kristu indeereny, inyboho ibinare hãre rurure, Deuxudeewireu.

<sup>7</sup> Isirare inyõ hãbu òbiti dee ruruke. Tahe hãbu wiwihikÿ dee òsana iny rurukre, kia heka irutaõre.

<sup>8</sup> Deuxu tahe luunatyhy indeereny diteònyde. Iny òrarudurennyde hãre, Kristu inykireny rurure. Juhuu heka inyboho òrarudu roire. Ihãrele Deuxu taluuna nihikÿ indeereny diteòsinyde. Tai heka Kristu inyòrarureny-ki rurure.

<sup>9</sup> Irubuna òraru-ki heka Deuxuru-ò inyboho òbitimy ihÿrenyde. Irubuna tahe kia riwinyreki irumy inonana tahe iratyre rarekre indeereny wahe. Deuxu ykarana-ribi Kristu dori iny ritamymhÿre.

<sup>10</sup> Juhuu Deuxu òludu inyboho roire. Tahe wiji ibiòwamy inyboho roire, iriòre iny òrarureny-ki rurureki, wahe. Wiji tahe rybe òludu mahãdu-ribi wiutàdànamy rÿire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki.

<sup>11</sup> Inyboho heka iwitxira Deuxu-wana ratximymhÿrenyde. Tai tahe reysamy ratximymhÿre. Inyboho Deuxu biòwamy ratximymhÿrenyde. Jesuisi Kristu Inynyrÿ òraru-ki heka ture.

<sup>12</sup> Hãbu sohoji òraru-ki òraruna bede-ki ralore juhuu, Adaõ òraru-ki wahe. Taile tahe rubu nade bede-ki. Idi ibutumy iny raòrarunnyde. Adaõ òraruna-txi resereu, rubu ibutumy iny-ò resere.

<sup>13-14</sup> Juhuu Adaõ rurure. Iribi tahe ibutumy iny rurure. Moisesi tule rurure. Tahe bede ywina òraru-ki aõkõ tiiboho rurure. Bede ywina dori Adaõ rubu hewo-ò Deuxu riwahinyre Moisesi-ò. Deuxu heka iny òrarunamy aõkõ ròhòtinyre, tabede ywina dori kiau riwahinyõre. Adaõ heka Deuxu rybe rityhynyõre, tai tahe rurure iwese Deuxu rarybere wese. Tule ìòraruna òraru-ki ibutumy iny raòrarunymyhÿrenyde. Adaõ heka Jesuisi-ò rakewesenanykre.

<sup>15</sup> Tiiboho wiwanale aõ kabede-ò aõ diwymymhÿdenyde. Adaõ heka rubu diwyde. Jesuisi heka runa diwyde. Adaõ heka sòwemy iny-ò rubu riwahinyre. Jesuisi tahe sòwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaõ rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri ìòraruna sòwere hãrele. Umytuedeõna wahidÿÿdu tii ratxireri. Kia awityhyre.

<sup>16-17</sup> Inatyhymy Adaõ widỹỹna ibinare. Jesuisi widỹỹna heka awityhymy rare iny-deeremy. Inyboho dori Jesuisi-wana irumy ratxirenyre aõu aõu kowa bede wihikỹ-ki, Deuxu òraru-ki.

<sup>18</sup> Aõhõkỹmy dỹỹnana heka Adaõ widỹỹna diwyde ibutumy iny-ò. Jesuisi tahe òbitina diwyde ibutumy inydeeremy.

<sup>19</sup> Adaõ heka Deuxu rybe rityhynyõre. Tai iny sõwemy òraruna-txi resere. Jesuisi tahe Deuxu rybe rityhynyre. Tai iny sõwemy heka òraruna-ribi ritare.

<sup>20</sup> Deuxu tabede ywina rybe riwahinyre. Tai tahe iny aõbina rierymyhỹre. Òraruna-di sõwemy ihỹreki, tai Deuxu ruxetòena sõwetyhymy ihỹre.

<sup>21</sup> Juhuu òraruna ratximyhỹre iny umyreny-ki. Inydeeremy rubule riwahinyreny. Wijile tahe Deuxu ruxetòena riwahinyre inyumyreny-ò, inyraykyreny-ò. Òbitina iny-deeremy riwahinyre Deuxuko-txi. Jesuisi Kristu Inynyrỹ òraru-ki heka, umytuedeõna inyboho ijõdire.

## 6

<sup>1</sup> Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiòarananyhỹre hãrele. Timyki tuuõna.

<sup>2</sup> Aõkõhyyre. Inyboho heka òraruna dee rubumy ihỹreny. Timykibo iny ihyymy òraruna-txi rekeseke? Aõkõhyyre.

<sup>3</sup> Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rurennyre. Kia teerytenyete.

<sup>4</sup> Tiu inyboho risebenyre Jesuisi òraru-ki, tii-wana inyboho rurure. Tai iru tỹmyra-di inyboho ihyre. Iwese Deuxu taruru-di Jesuisi riixixadỹỹnyre wese tule inyboho iru tymyra-di rokoireke.

<sup>5</sup> Iwese tii rurure wese, inyboho tule rukurenykre òraruna dee. Iwese Kristu rexixadỹỹnyhe wese inyboho tule òraru-ribi ixãwira tii-wana rarehyykremy.

<sup>6</sup> Iny umy tyby tule rurure Kristu itxeò-ki. Tai inyboho heka òraruna deòdumy aõkõ ihỹreny.

<sup>7</sup> Inyõ rurukreu, tii òraruna-ribi ixãwimy ihỹre.

<sup>8</sup> Inyboho Kristu-wana rurukeki, tii Kristu-wana irumy ratxikre.

<sup>9</sup> Kristu rexixare tii ixyby ruruõtyhy. Rubu ixyby tamy reaõtyhy. Kia tahe inyboho rieryreny.

<sup>10</sup> Jesuisi rurureu, iny òraruna ixãwina rubulemy rurure. Wiji tahe irumy ihỹre Deuxudeehy.

<sup>11</sup> Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrỹreny Jesuisi Kristu tyhydỹỹki. Kiawesele mohõtynyke Deuxu dee, Jesuisi Kristu dee wahe.

<sup>12</sup> Kaiboho dori Jesuisi Kristu-wana atximahãtenyete. Òraruna-txi ixyby besekeõtyhy. Ixideewimy aõkõ rikiwinyrenyke, aõ ibina wahe.

<sup>13</sup> Aumyreny biwahinybenyke Deuxu-ò iwese iny iru tỹmyra-di ihỹreny. Tai tahe òbitile biwinybenyke, òraruna-txi beseõtyhy aõ iyja aõkõ.

<sup>14</sup> Òraruna rybe-ò ijohorenyõmy. Tii dori awedu aõkõ rare. Deuxu ruxetòena-ò bexiweloromahãbenyke.

<sup>15</sup> Aõbo tahe awityhyre. Ruxetòena òraru-ki aõbo rekexiòarananyhỹke. Aõkõhyyre.

<sup>16</sup> Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunybenyõtyhyke òraruna bityhynybenykeny.

<sup>17</sup> Wowydyna Deuxu-ò kanakemy watxireri. Juhuu kaiboho òraruna deòdumy ahãtenyete. Tahe wiji inatyhyna erydỹỹna tetyhynytyhytenyete.

18 Wiji tahe kaiboho òbitina deòdumy atxitenyete. Tahe Deuxu deòdumy wiji toite, tii ixideewimy timybo adirenykre.

19 Iwese juhUU òrarunawidỹỹna-ò texiwahinymahãte wese, wiji bexiwahinybenyke Deuxu-ò, òbitiwidỹỹna-ò wahe. Òbitimy rarybemahãre, itỹnytyhy kaiboho dori òhõtitymy toite aiximynatyhyrenyõ òraru-ki.

20 Òraruna deòdumy atxitenyeteu, Deuxu tetyhynyõtenyete.

21 Kia aõmydỹỹnana wiji ixãruna adeereny rare. Aõbo tahe awimy juhUU tewinytenyete. Kia heka rubule riwahinymyhỹre.

22 Òraruna-ribi ixinamy atxitenyete. Kaiboho Deuxu-ò ibutumy texiwahinyete. Tai umytuedeõna tetatenyete.

23 Òraruna òwy heka rubu rare. Inyõ òraruna riwinykeki, tii ruruke, kia òraruna òwy rare. Deuxu wahidỹỹna tahe umytuedeõna rare, Jesuisi Inynyrỹ rurureki wahe. Idi tiile-wana tukre.

## 7

1 Waityhydỹỹdu seriòre, kaiboho bede ywinamy teerytenyete. Tai bieryke aõmybo ararybekre. Inyõ irulemy rariakekile, bede ywina tamy aõ rare.

2 Arawesenanykre. Hãwyy heka ihãbu-wana ihyymy ihỹre bede ywina myna. Hãbu rurukeki, tahe ixinamy ihỹre ijõ-wana roikremy. Hãbu ruruõkeki tahe, ixinamy aõkõ ihỹre, ijõ-wana roikremy.

3 Inyõ-wana roikeki, hãwyy wedenamy raninikre. Ihãbu rurukeki, tii ixinamy rarekre. Ijõ-wana roike.

4 Kia wese rare, waseriòreboho, ayreny-ki. Kaiboho bede ywina dee tarutenyete. Kaiboho dori ityhydỹỹdu mahãdu atximahãtenyete. Kaiboho Deuxu hõrõ mahãdu atximahãtenyete. Rubu-ribi ixixadu mahãdu atximahãtenyete, Deuxudeewina biwinybenykemy.

5 JuhUU ixideewile aõ tewinymyhỹtenyete, rubu aõmydỹỹnana wahe.

6 Wijile tahe bede ywina-ribi ixinamy inyboho roimyhỹrenyete. Iwese ihetxiu tyyriti bede ywina rityhynymy aõkõ ihỹreny, wiji Deuxu Tyytybytyhy aõmydỹỹnana inyboho rityhynyrenyete.

7 Timybo? Bede ywina aõbo ibinamy rare. Aõkõre. Ihoõkeki tahe òraruna jiarỹ arieryõtyhy. Bede ywina rarybere wasiõmy. Kiale reeryete aõbo wasimy rare, inyõ aõ arimykemy watzireriu, kia òraruna wasiweselemy rare.

8 Timyki, jiarỹ òraruna waerysõna bede ywina tuu rarybekõkeki. Bede ywina dori aõbina binamy riwabedeerynre.

9 Jiarỹ juhUU bede ywina reeryõre. Reeryete tahe aõmydỹỹnana binale wadee rarerenyete.

10 Deuxu heka bede ywina riwahinyete juhUU. Tamy ruru riwahinyete bede ywina wahe.

11 Tahe bede ywina òraru-ki heka òraruna riwahinymy. Tai tahe õnosõna riwarubunyete.

12 Kia bede ywina tahe awi rare, òbiti rare. Ònosõna awi rare.

13 Timybo rare. Òbitina aõbohe riwarubunyete. Aõkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyete.

14 Bede ywina heka Deuxu Tyytybytyhy aõmydỹỹnana rare. Jiarỹ heka inyle rare, òraruna heka wawedu rare.

15 Aõbo warayky dee ibinarele, kiale rewinywãhãre. Aõbo awimy warayky dee rare, kia rewinyõhyete. Aõherekibo? Reeryõre.

16 Rexierymyhỹre aõbo rewinyymyhỹre. Reeryete kaa bede ywina awi rare. Tai heka rabadewomy watziwãhãre. Jiarỹ dori bede ywina bede ywina riti reerymy watziwãhãre.



<sup>17</sup> Retxiõnymy watxiwãhãre. Waruruõhy heka watxiwãhãre. Aõwi ariwinykeò. Òraru heka iõhõmy waribi ratximyhÿre waruru ratyre ratximyhÿre waribi. Tai heka òraru rewinyamahãre.

<sup>18</sup> Waumy ehetyxina tahe ibinatyhy rare. Aõbo awi rare heka ariwinykemy rewisÿnywãhãre ta heka rewinyõhywãhãre. Aõwi rewinyõhyymahãre!

<sup>19</sup> Jiarÿ rarurunymahãre heka aõbina ariwinykõkemy. Tahe ihãrele heka rewinyamahãre.

<sup>20</sup> Reeryrehe aõhebo ratÿÿnymyhÿre. Jiarÿ ixiòrarudÿÿ waòraruna wadi raitxÿteitxÿtenymyhÿre.

<sup>21</sup> Deuxudeewimy heka ariwinykemy watxiwãhãre. Tahe araòrarunyhyymahãre.

<sup>22</sup> Waumytÿmyra rarurunythyymahãre Deuxudeewi widÿÿna ariwinyke. Awityhy rare wadee.

<sup>23</sup> Ijõ tahe waumywo-ki, waraykywo-ki, ratximyhÿre, waumyehetyxina waki ratximyhÿre. Wadi rarurunymyhÿre riwamymy ratximyhÿre. Aõbina widÿÿmy heka wadi rimymy ratximyhÿre. Reòludunyõhyymyhÿre waraykymy heka rahaÿnanymyhÿre. Aõwesele heka tuu rahaÿnanymyhÿre, riòludunyõmyhÿreki wahe. Raraykynymahãre warayky-ki, Deuxudeewimy watzikemy. Tule tahe reerymahãre òraruna deòduõ jiarÿ rare wahe. Waumytÿmyra tahe wadee rarybemyhÿre õbitimy aõmydÿÿnana ariwinykemy. Waumyehetyxina tahe kialemy wadee rarybemyhÿre –òraru ariwinykelemy.

<sup>24-25</sup> Tai heka urile warayky raleileinymyhÿ. Mobo riwatake waumyehetyxina bina bina aõmydÿÿnana-ribi? Deuxudeewina-ki, Jesuisi Kristu Inynryÿ heka iximynamy riwatakre. Tii riwateònymy wadi rarekre. Wowydyna tamy ariwahinykre.

## 8

<sup>1</sup> Tai heka Jesuisi Kristu tyhydÿÿdu mahãdu rubutyhy-ò heka raõtyhy. Deuxu heka tii ritarenyke tii-wana rarehyke.

<sup>2</sup> Deuxu-ò Tyytybytyhy dori warurutymyra-di riwarurudÿÿnytyhyre. Rubu-ribi dori Jesuisi Kristu riwatare ixinamy ararekemy.

<sup>3</sup> Inyboho heka Deuxu Bede Ywina rieryreny, Moisesi tyyritina wahe. Tii heka iny òraruna-ribi iny ixinamy ririradÿÿnymyhÿre. Jesuisi Kristule, aõbo, òraruna ruru rahumyhÿre. Aõma rakahurenyõtyhy heka iny rururenydi aõma òraruna igitawo-di. Rikityhynyrenyõtyhy heka aõma igitawo-di aõbo bede ywina Tahe Deuxu tariòre diteònyde iny umyrenywesemy wahe. Tiu heka iòrarunaõhyre. Tai heka rexiwahinyre iny òrarureny-ki.

<sup>4</sup> Tai rikityhynyrenyke aõma Deuxu bede ywina. Iny nohõtireny rosake aõbo umy ehetyxinareny indeeremy rarybemyhÿré. Ijohonarenyõmy ta, irybe-ò, Deuxu Tyytybytyhy rybeòle rokoholamyhÿreny.

<sup>5</sup> Aõbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhÿke. Ixideewimy widÿÿmy burubenykeki tahe, aõwaxina bohohabenyke umyehetyxina rybe-ò.

<sup>6</sup> Deuxu Tyytybytyhy rybe-ò ijohona heka iny umytÿmyra-ò ridymyhÿre, umytuedeõna-ò, ywina-ò. Umy ehetyxina rybe-ò iny rohola wana, tahe rubu-ò iny ridymyhÿre.

<sup>7</sup> Umy ehetyxina dori aõma rare, Deuxu òludu. Deuxudeewimy aõkõ heka riwinymy ihÿre tiu riwinyõtyhy.

<sup>8</sup> Inyõ ibutumy òraruna ixideewimy riwinykeki, tiu heka Deuxudeewina riwinyõtyhy.

<sup>9-11</sup> Kaiboho tahe kiawesemy aõkõ heka toite. Deuxu Tyytybytyhy heka aworeny-ki rasÿnymyhÿre. Tai heka umytÿmyraõ heka kaiboho ijõdirenyre. Deuxu Tyytybytyhy heka kaiboho ijõdirenyke. Inyõ Deuxu Tyytybytyhy ihoõkeki, tiu tii ityhydÿÿdu aõkõ

rare. Aumytyhy heka rurukre àòrarunaõ direki wahe. Atytyby tahe iruhyymy ratxikre, Kristu dori àòraruna riixãwididỹnyreki wahe, Deuxu araòbitidỹnyre wahe.

<sup>12</sup> Tai waityhydỹdu seriòreboho. Umy ehetzina rybe-ò uritere ijohonarenyõmy.

<sup>13</sup> Irybe deradỹna-ò beòbybenykeki, kaiboho heka burubenyke. Aõkõkeki arurenymy mariabenykre, Deuxu Tyytybytyhy-di wahe.

<sup>14</sup> Ibutumy Deuxu Tyytybytyhy rybe-ò roholamyhỹre mahãdu, tiiboho tahe Deuxu riòre roire.

<sup>15</sup> Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aõkõ wahe, buberubenyõtyhy. Waha-my tahe marybemyhỹbenykre heka. Deuxu Tyytybytyhydile wahe.

<sup>16</sup> Ijoiarenymy rakatxirenykre. Aõmybo Deuxu Tyytybytyhy-di inydeereny roimyhỹreki heka, tuu inatyhymy rakatximyhỹrenykre inyboho iriòre roiremy wahe.

<sup>17</sup> Ibutumy aõbo Jesuisi Kristu inydeereny riwahinymyhỹke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõkỹmy rokotỹnyrenykre.

<sup>18</sup> Aõhõkỹmy rokotỹnyrenykre tahe aõnihikỹmy aõkõ rare, urihimyòle wahe. Inydeereny dori wowydynaõ kidiwahinykre, sòwetyhymy.

<sup>19</sup> Ibutu bedede aõna aõna riraòmy roimyhỹre, aõma-ò, Deuxu Riòre mahãdu ibutumy rubu-ribi ixixana kiditynyrenykre, rexixamy ibutumy rỹirakre idi biu-ò rirahukre wahe.

<sup>20</sup> Kiatxu tahe ibutumy bedede raaõbinanyke. Iwese Deuxu juhoo riwinyre-ribi resere iny òraruna òraru-ki. Deuxu dori tuu bedede riywinyre txioinyhe tahe, raròsòna rỹire, riwitxiranyke.

<sup>21</sup> Rekeysarenykre heka Deuxu riòremy heka rakatxirenykre. Tii ibutumy bedede-ribi iny ritarenykre ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritỹmyranykre iwese tariòre itỹmyrare wese.

<sup>22</sup> Kaa wiji tahe ibutu aõna aõna aõhõkỹmy rotỹnyymy rỹira iròdu alòbòròna, ibutumy heka uladu ijira dese wese heka riijemy aõna aõna rỹira. Aõma, ixixanatxu dehemynykòlemy roimyhỹreki wahe.

<sup>23</sup> Tiibohole sohojile aõkõ, tule inyboho Deuxu Tyytybytyhyre hãre, kia delemy inydeereny rawahinyre hãre, aõhõkỹmy rotỹnyymyhỹrenyre idi tiu Deuxu tariòremy risỹnyrenykre riraòmyhỹre. Kia tahe inyboho riraòmyhỹrenyre.

<sup>24</sup> Inyboho dori tararòsòna-ki kawese awirenyre. Inyõ iraròsòna itỹnykeki, aõbo tahe riraòmyhỹke.

<sup>25</sup> Tai tahe Deuxu rikityhynyrenyke rikiraòrenymy aõma, inydeereny tuu raryberé, rikitarenykré. Rikiyrymy rikiraòmy rokorokomyhỹrenykre.

<sup>26</sup> Iwesele tahe Deuxu Tyytybytyhy heka iny riwiòhenanyrenykre. Inyymy aõmydỹnanareny heka aõhebo rotỹnyymyhỹre txuõ txuòlemy iny riwiòhenanyrenykre. Inyboho riwiòhenanyrenykre aõma inyboho rierykòreki ixitòedỹỹ. Deuxu Tyytybytyhy inydeereny dori rexitòenymyhỹre tii inyboho heka aõmy rybe inyboho rierykòmyhỹrenyre inydee risỹnyymy rarybemyhỹre tuu.

<sup>27</sup> Inytybyreny heka ibutumy inyraykyreny, inyworeny, rierymyhỹre. Tii heka rexitòenymyhỹre inydeereny iny òbitinarenymy-di, iny ywinarenymy-di iny riixitòedỹỹnyymyhỹrenyre.

<sup>28</sup> Ibutumy aõbo inydeereny rabadedỹnyananyymyhỹré heka inydeereny awire. Deuxu-deewina heka rikiwinyrenykre indireny ratximyhỹre Deuxu dori inyluurenymy. Tii dori iny ridyre tariòre wesemy. Tii dori kiamy juhoo ròhõtinyre.

<sup>29</sup> Juhudihikỹle Deuxu ròhõtinyre mobo tamy rakemy. Tahe tiu rierymyhỹre mobo aõma inyboho tamy kanakré. Tiu heka rierymyhỹre timybo widi rarekré, tariòre we-

semy idi rarekré. Iriòre heka sòwemy iseriòre relekre. Iriòre tahe juhuule ityhydỹỹdumy iuhe rỹire, iseriòre wesemy wahe.

<sup>30</sup> Tii heka inyboho rihitxinyrenyreny. Tii heka ryrymyhỹre tamy, kanakemy. Tii inyboho tamy ritehemynyreny, heka inyboho tamy ritehemynyrenyreny. Iny òraruna-ribi inyboho riixãwididỹỹnyny Deuxu, Jesuisi, Deuxu Tyytybytyhy ywina heka inydeereny riwahinyre.

<sup>31</sup> Ywimy rakatxirenykemy heka inydeereny ròhòtinyny ihỹre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikỹre. Deuxu heka inyworeny-ki ratximyhỹre. Tii heka inydinodurenyre. Inyòludurenyòhyyre ratxirenyke, sohojiò.

<sup>32</sup> Ibutumy inydeereny riwahinykre –inydeereny dori taRiòretyhy dori diwahinyde. Diwahinyde heka inydeereny rurukremy. Deuxu heka iny riixãwididỹỹnyrenyreny.

<sup>33</sup> Inyboho heka òbitimy ratximyhỹrenyreny tamy rakatxirenykemy. Tii dori iny riwinyrenyreny òbitimy. Inyò rarybeòtyhy iny òbitimy aòkò ihỹre.

<sup>34</sup> Inyò heka inymyreny rarybeòtyhy rukururenykemy. Jesuisi Kristu dori inydeereny rurure, iny òrarureny-ki. Tii ixityre rubu-ribi rexixare inydeereny. Katahe ronymyhỹre Jesuisi heka rexitòenyny ronymyhỹre inykireny. Deuxu-ò heka iny riix-itòedỹỹnyreny inydireny ronymyhỹre.

<sup>35</sup> Tiu heka rihitxinyòtyhy, aõma Jesuisi Kristu luureki wahe. Aõhòkỹmydỹỹnana dori rakatxireny. Tii heka iny rirubunyrenyke. Iny rama rirubunyrenyke inieruòmy. Bede brebuwo-ki rakatxirenyke. Inymyreny rarybemyhỹkre. iny rirubunyrenykre. Ta Deuxu inywanarenyhy ratximy ihỹre. Tiu heka Deuxu-ribi aõ iny rihitxinyrenyòtyhy.

<sup>36</sup> Inyboho heka rubu riraòhyky ratximyhỹrenyreny, rexiywinyhykyle. Kia rikiwinyrenykre aõma Deuxu luuna-di xiery –iwese budoeni tarubuna riraòmy rỹimyhỹre wese. Deuxu rybe inykoreny tuu relyymyhỹre.

<sup>37</sup> Taiki heka imahãduy-ribi rokotarenykre. Kia òlòna inyhòròreny rare. Kristu dori inydeereny rurure. Aõ heka iny rihitxinyrenyòtyhy Deuxuluuna-ribi. Rubu dori iny rihitxinyrenyòtyhy. Umy tiu iny-ribi rihitxinyòtyhy. Yju dori tiu iny rihitxinyòtyhy. Aõbinahakỹ heòty, rubu bina heòty dori tiu Deuxu luuna-ribi rihitxinyòtyhy.

<sup>38</sup> Aõ heka iny rihitxinyòtyhy Deuxuluu-ribi. Biu wenonana dori, beheỹ ratyre, tiu Deuxu luuna-ribi iny rihitxinyòtyhy. Wiji aõna aõna itòmo rahudi aõna aõna, aõtxi aõna aõna tiu iluuna-ribi rihitxinyòtyhy.

<sup>39</sup> Kia ibutumy wadee inatyhy rare. Jesuisi heka Deuxu inydeereny ritỹmynymyhỹre ibutumy iluuna iny òrarureny-ki rurureu.

## 9

<sup>1</sup> Kaiboho waijoi reny, waityhydỹỹdu seriòre mahãdu. Kristu hòrò jiarỹ rare, inytyhy rare. Deuxu Tyytybytyhy, Jesuisi Kristu-wanale rierymyhỹre kia inatyhy rare.

<sup>2</sup> Rabedewomy heka watxireri waijoi rityhynyòreki. Deuxu Tyytybytyhy kia rieryre. Txuò txuòlemy, ruò ruòlemy rabedewomy watxihãre. Txiole txiole aõmydỹỹnanamy adeereny ararybeke kaiboho tarasanaò boibekemy.

<sup>3</sup> Deuxu riwatxuhoke Kristu-ribi waijoi deròwmy, iwiòhedỹỹkeki. Jiarỹ heka ihyy arurukemy waijoi ityhydỹỹdukòdu mahãdu wahe ixi-di tamyreny rahòtinyny watxireri. Kia biu-ò hena ritarenykemy wahe. Tahe aòkòre heka.

<sup>4</sup> Deuxu heka tamyreny sòwemy diwahinyde. Ihãrele tiiboho ijohona deramy rekoamahãrenyreny. Aõma, rihitxinyrenyreny heka taijoi renyny. Ridyrenyreny heka beder-ahy-ò loosòna-ki biuwetykywo-ki. Tahe tamyreny rarybere tii iluurenyny. Tamyreny heka sòwemy aõ kidiwahinykemy idireny ratximyhỹre. Tule tabede ywina rybe tamy diwahinyde. Tai tahe Deuxudeewina reeryrenyreny.

<sup>5</sup> Tamy heka Deuxu wowydynaõ riwahinyrenykemy Deuxu teòduõ kanake tii tamy rarybere. Tybyreny dori ilahiboho dori rityhynyrenyre, tii Deuxu sòwemy rityhynyrenyre. Kristu tahe tule judeu mahãduõ ratximyhÿre, waijoi wahe.

<sup>6</sup> Deuxu rybe inatyhytyhy rare. Sòwemy iny judeu mahãdu wese roire. Ibutumy tahe judeu mahãdutyhy aõkõ roire.

<sup>7</sup> Ibutumy judeu Abraõ riòre riòre rÿira mahãdu aõkõ heka Deuxu riòremy rarekre. Deuxu heka Abraõ-ò rarybere: —Ijai riòrele ariòkòre rarekremy ijõ aõkõ. Ibutumy Abraõ riòre, Ijai riòre aõma ityhydÿÿdu aõkõ roire.

<sup>8</sup> Ijõ iriòrekõna mahãdu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahãdumy rÿira —judeu mahãdu tyhy wahe.

<sup>9</sup> Juhuu tahe Abraõ-ò Deuxu rarybere: —Ahãwyy Sara, iriòredikre ijõ beõrau wahe.

<sup>10-11</sup> Iu tahe Ijai iriòre hãwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriòredelamy reakre riywinyra. Ijõ tahe Ijaò ini rarekre. Kawese Deuxu rarybere uladu reakõule: —Jiarÿ heka Ijaòmy retamy rarybere Ijau aõkõ. Jiarÿ aõna aõna sòwemy tamy adiwahinykre. Deuxu kiamy rarybere Ijau reakõule. Tiu aõwiihikÿ aõbina bina riwinyke aõkõ. Myle roireri. Deuxu riteòsinyre ijõ tarasanamy reake-ribi tahe ijõle tuu reare. Aõ uladu tuu riwinyreriki aõkõ Deuxudeewimy tuu riwinyre.

<sup>12</sup> Juhuutyhy Rebeka-ò rarybere: —Idela taseriòre deòdumy rarekre.

<sup>13</sup> Iwese tyyriti-ki roire wese: —Ijaò iluure tahe Ijau aõkõre.

<sup>14</sup> Aõmybo tahõtinyteri? Deuxu aõbo adee ibinare kia riwinyreki? Aõkõre heka.

<sup>15</sup> Deuxu rarybere Moisesi-ò: —Jiarÿ heka awimy inyõdee ariwinykre, tahe tuu ariwinykre. Inyõdee ruxetòena ariwahinykeki, tamy ariwahinykre iixideewimy.

<sup>16</sup> Deuxu ruxetòenale heka rare, iny aõmysÿdÿÿ sòwehekÿmyreki aõkõ inydee tarasana riwahinykre.

<sup>17</sup> Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kÿny ariwahinyre ruruõ kai bonyke iòlòmy. Tai tahe ibutumy iny wani wiwihikÿ-ò roholakre.

<sup>18</sup> Ibutumy Deuxu ixideewimy tuu riwinyry rÿirakre. Ruxetòena riwahinyke tamywi tahe riwahinyra.

<sup>19</sup> Inyõ tahe wadee timy rarybeõtyhy: —Aõherekibo kawesemy Deuxu inyõ aõhe risÿnykre ada amobohe Deuxu aõwidÿÿna deramy reakre.

<sup>20-21</sup> Tiu moõ rarybeõtyhy Deuxumy ibinamy. Iu inyõ butxi riwinykreu, aõma sudeõ rimykreu, riwinykre heka butxiwihikÿõ tamywikeki. Ibinaõ riwinykeki tasÿ iwesele riwinyke ibinamy tuutyhymy. Bedenamy riwinyke noijaka tamy ridemyhÿkemy. Ijõ butxi tamy wikeki.

<sup>22</sup> Iwesele heka Deuxu rare. Rebureke heka inyõdee raykarananyke. Ijõ-ò tahe awike ta ruxetòena-di riwiòhenanyke iaõna aõna riijemy.

<sup>23</sup> Idi tahe ròkòhõtinyreny timybo Deuxu wina, Deuxu loosòna awiremy iruxetòena inydeereny riwahinyhyymyhÿre.

<sup>24</sup> Judeukõdu mahãdu Deuxu ritare. Judeu mahãdu yribi sohoji aõkõ. Inyboho.

<sup>25</sup> Osea tyyriti-ki rybeõ kiamy tai roire Deuxu rarybere wahe: —Ijõ mahãdumy sÿ aronykre wariòremy. Tahe waijoiy-ribi aõkõ waijoiõ mahãdu aõkõ waijoimy arininikre idi aritakre. Tuumy ararekre. Tiu heka luuna juhUU inyõ rewahinyõhyre.

<sup>26</sup> Deuxu rarybere tiu: —Kaiboho juhUU waijoi aõkõ toite, tuuõmyta kowa-ki wariòerenymy boibekre.

<sup>27</sup> Isaia tule rarybemyhÿre aõma judeu mahãdumy wahe. Sòwemy, sòwemy imahãduõ hãre tahe, ibutumy tarasanamy reakre.

<sup>28</sup> Deuxu ele elemy rotÿÿnykre timybo rarybere myna. Ijõ-ò ruxetòena riwahinykre ijõ-ò adehuna riwahinykre riixãwidinyrenykremy.



29 Ijõ Ritidỹỹna-ki Isaia rarybere: –Deuxu ibutu dinodu heka ruxetòena riwahinyòkeki, ibutumy judeu mahãdu riixãwididỹỹnykre iwese Sodoma hãwã Komora hãwã-wana riixãwidinyre wesemy wahe.

30-31 Timybo rakaryberenykre kia aõmydỹỹnanamy? Kialemy: –Judeukõdu mahãdu-ò Deuxu tarasana riwahinyre tiu Deuxu riijeõhyymyhỹre hãrele. Judeu mahãdu heka rityhynykemy idi ratximyhỹre ibede ywidỹỹna-di tahe tiu heka ritaõhyymyhỹrenyrene tarasana.

32 Bede ywina rybe riyrubunyekhãre awikehãre tiu tarasana ritaõtyhy. Rityhynytyhykekile heka tuuke. Tai tahe ritaõre tarasana, rityhynytyhyõrenyrene. Tai tahe iwere mana iny riatymyhỹre were rydỹỹnarenyrene.

33 Ijõti nihikỹ heka roimyhỹre. Tiu heka riõhõreõtyhy iweribi-ò. Deuxu rybe-ki kia wesemy roire: –Judeu mahãdury-ki mana nihikỹ wese retidimy doimyhỹde. Sõwemy heka iny rỹira tiu heka ityre-di rariaõtyhy biu-ò hena-ò dehemynydeki wahe. Kia iny rityhynymy Jesuisi Kristu rỹirale tahe ritakre tarasanaõ heka inatyhymy.

## 10

1 Waityhydỹỹdu seriõre, rexitòenymy wãhãre heka Deuxu-ò ibutumy judeu mahãdu biu-ò henamy rỹikemy. Kiamy tuu rarumahãre.

2 Reerymahãre tiiboho ibutumy rityhynymahãrenyremy Deuxu. Tiiboho ityhydỹỹnareny tahe õbitihyky aõkõre.

3 Tiiboho kiamy rõhõtynymahãrenyrene aõma judeu mahãdu heka bede ywina rybe rityhynyrenykekile rexiõbitinykemy heka rõhõtynymahãrenyrene Kristu-ò ta rexiwelòròkõlemy Kristu bede-ò rexihumyhỹre, tai Deuxu iny-di awimy rarekemy.

4 Bede ywina heka Deuxu aõmydỹỹna tarasana aõkõ heka rare. Kristu rityhynymahãrenyke. Kia weseleke heka tii rymyrenyrene rexiõbitinyrene.

5 Moisesi dori ròritidỹỹre tuu: –Inyõ tiu òraruna-txi reseõhy rarekeki, taile iny tarasanamy ratxike.

6 Kiamy heka ityhydỹỹna namyhỹde. Uritere inyõ Kristu biu-ribi kòdidykemy ixi-nohõtiddyõna Kristu kidiwykredi uritere nohõtirenyõmy, isiratyhyre wahe. Tuu aõkõ iny õbitidỹỹna-ki rahamyhỹre.

7 Uritere Kristu ixixana-di mohõtynynyõmyke isiratyhyre dori kia-ribi õbitidỹỹna kidi-takremy.

8 Tii heka inyboho ribedeerynanymyhỹre. Iõhõlemy heka iny-ribi ihỹre warybereny wahe.

9 Iny taykyrenyke rityhynymyhỹre inykile. Tai tahe rarybere inywitxira-ò aõma Kristu iny wedureny ihỹremy wahe. Inyworeny-ribi rikityhynymyhỹrenykeki. Aõma Kristu heka Deuxu riixixanyrene rubu-ribi.

10 Taiki tahe biu-ò hena rakatarenykre. Aworibityhy rikityhynymahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynymy ratximyhỹremy tai tahe tuu relemy ratxike.

11 Kiamy heka Ritina-ki roimyhỹre: –Inyõ rityhynytyhyhyke heka teysamy ratxike. Tiu heka anabedewoõtyhy tatyhyna-ki.

12 Judeu mahãdu dori judeukõdu mahãdu-wana wiwesele rare. Ibutumy heka so-hojihyyle iwedure, Inynyrỹ wahe. Ibutu heka inydee riwahinymyhỹre aõmybo iny rexitòenymyhỹre wahe.

13 Iny rexitòeny-wana Inynyrỹni-di tarasanamy, tai iny-ò riwahinymyhỹre.

14 Teerykõte heka timybo idi ratximyhỹre rexitòenymy. Timybo bieryke inyõ tuu re-lyykõhãre heka rityhynyke. Tamy heka roholaõtyhy inyõ tuu relyyòkeki tiu ityhydỹỹõna.

15 Inyõ heka raõtyhy, inyõ biteõnyòkeki wahe. Kiamy tahe Tyyriti rarybereri: –Kia Rybewihikỹmy rybedu heka awi heka rare, dehemynyna heka awire, deysana rybe dori



diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿ tamy riwymyhÿreki wahe.

<sup>16</sup> Ibutumy aõkõ tahe rityhynymyhÿre. Iwese Isaia Deuxu rybedu rarybere wese: –Inynyrÿ, Rybewihikÿmy tamyreny heka rarybemyhÿreny. Ihãrele tahe rityhynyõhyymyhÿreny.

<sup>17</sup> Ityhyna heka Rybewihikÿ-ò iny roholamymhÿreu, rityhydÿÿmyhÿre. Kristu ityhyna tamy kedehemynykre, rybe wihikÿ òraru-ki wahe.

<sup>18</sup> Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamymhÿre. Tyyritina-ki roire: –Deuxu rybe tÿmyra wihikÿ ibutumy riteònymyhÿre hãwã hãwãmy.

<sup>19</sup> Ijõ arÿÿraxikre: –Judeu mahãdu aõbo kia rieryõmyhÿre? Moisesi tyyriti-ki roire: –Deuxu biu-ò hena judeukõ mahãdu-ò ariwahinykre. Waijoi mahãdu ariwoxi-bronykemy.

<sup>20</sup> Isaia tahe idi tuu rarybere: –Iny wiwana mahãduõ heka Deuxu riijemyhÿre. Tii rexitÿnynyrene taòrysdu mahãdu-ò. Itxi reare.

<sup>21</sup> Isaia rarybere Judeu mahãdumy kia: –Ihãrele Deuxu iny ritobinyrerimy ihÿre iny, iny nohõtibinaki wahe.

## 11

<sup>1</sup> Kaiboho heka timybo tahõtinyinmahãtenyete Deuxumy? Tii aõbo taijoi-ribi nohõti rosaremy –judeu mahãdu-ribi? Aõkõre. Jiarÿle, Paulo, judeu mahãduõ rare. Jiarÿ heka Abraõ riokoreõ rare. Benjami ijoiõ heka jiarÿ rare.

<sup>2</sup> Deuxu taijoi-ribe nohõti rosaõtyhy. Tii juhoo ritare. Elia juhoo Deuxu-ò taijoimy rarybere. Ryberiti-ki kia roire:

<sup>3</sup> Tiiboho heka rybedu mahãdu rirubunyrene. Tule axiwena wahidÿÿna ribòhònnyrene. Jiarÿ sohojile aluure Deuxu. Tule ròrubudÿÿmy wadi ratxirenyreri.

<sup>4</sup> Timybo Deuxu heka Elia-ò dirawyònyde: –Aõkõre, kai ihewoludutyhy waluunadu aõkõ tate. Waluunadu 7000 inymy rÿire aribihiximy wahe. Tule Bali suritxoo tiu rityhynyrenyõhyymyhÿre.

<sup>5</sup> Katahe wijile iwesele rare. Iny ibutemy Deuxu hõrõ mahãdu rÿire. Tii taruxetòenadile ritarenyrene.

<sup>6</sup> Deuxu ruxetòena heka aõ iòwy-di aõkõ riòwynymyhÿre Deuxu riwahinymyhÿre. Aõwiwihikÿ diwinymyhÿdenydeki aõkõ heka tuu heka ratximyhÿrenyrene iòwydikeki tahe aõ ruxetòe aõkõ rare.

<sup>7</sup> Deuxu heka judeu mahãduõ rihitxinyrene tarasanamy rekré. Ijõ tahe iwety mahãdu wesemy ijõ rÿira. Deuxu tamy tarasana-ò rryreri tiiboho roholaõre.

<sup>8</sup> Tyyritina-ki rarybemyhÿre rõrõmy ratximyhÿrenyreny. Deuxu heka riruberenyrene ihãre ta tõhõtireny ratòbònyrenyrene. Taita rieryõhyrenyrene heka Deuxu Tyytybytyhymy rarybemyhÿrenyreny wahe. Iwesele heka wijina roimyhÿre.

<sup>9</sup> Ihetxiu Iòlò Davi iwesele rarybere: –Kia heka taworana bedehesina-ki, ramyrenykre, raborenykre, tabonahemy reserenykre idi aõhõkÿmy rotÿÿnykre.

<sup>10</sup> Iruere idymy releke tiu robiõkemy. Tiomy rarabunykre iaõbinabina-ki.

<sup>11</sup> Adeereny arÿÿraxikre kiamy: judeu mahãdu resereu ixãwire aõbo? Aõkõre. Urile tarasana nade judeukõdu mahãdu-ò tai. Judeu mahãdu ibinamy tai rõhõtinkykemy.

<sup>12</sup> Judeu mahãdu òraruna òraru-ki heka sòwemy iny-ò aõwiwihikÿ nade, judeukõdu mahãdu-ò wahe. Tahe awityhymy rarekre ibutumy judeu mahãdu ralokremy.

<sup>13</sup> Jiarÿ, Paulo wahe, rybe wahidÿÿdu heka jiarÿ rare. Judeukõdu mahãdu-ò tii heka jiarÿ rare. Uritere nohõti losarenyõmy kia waaõmysÿdÿÿna rare. Kia awi heka wadee rare.

<sup>14</sup> Deuxu heka adeereny aõ nihikỹ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisỹnykre. Kia wese òsana ijõ tarasanamy rimykyemy.

<sup>15</sup> Judeu mahãdu wiji rityhynyõreri. Tai Deuxu ijõ mahãdu-ò biu-ò hena riwahinyre, judeukõdu mahãdu-ò wahe. Iny sõwemy tai ritamy rỹimyhỹre òraruna-ribi. Iwese inyõ rubu-ribi riixixanyre wese kia rare iu judeu mahãdu ralòkreu wahe.

<sup>16</sup> Juhuu paõ ere awimy Deuxu-ò biwahinykeki, ibutumy paõ ihõrõ rare. Òwòru rutysõmo Deuxu-ò biwahinykeki, ibutumy òwòru ihõrõ rare.

<sup>17</sup> Òwòru ere judeu mahãdu wese rare. Tiiboho òwòru-ribi raòromy raremyhỹ. Kaiboho judeukõdu mahãdu teròwomy atximahãtenyete. Kia òwòruru wesemy òwòru-ò ralòmý atximahãtenyete, tai tahe arumy atximahãtenyete.

<sup>18</sup> Ixityhymy nohõtirenyõmy. Kaiboho dori iratyre awimy aõkõ atximahãtenyete. Òwòru rutysõmo aramyre judeu mahãdu tyby wese wahe. Aõkõkeki, kai bedesekre òwòru desede wese.

<sup>19</sup> Kaiboho òsana marybebenykre: Tiiboho òwòru-ribi ritamy raremyhỹ inyboho rikibynyrenykyemy.

<sup>20</sup> Inatyhy rare. Urile õhõti-ribi losarenyõmy tiiboho iribi ritamy raremyhỹ rityhynyõrenykeki. Tule kaiboho talòmý tatelyhỹ tetyhynymyhỹtenyete. Tai ixiwed-edỹõrenyure urile bexityhynymy.

<sup>21</sup> Judeu mahãdu heka òwòru rutyhy wese raremyhỹ. Ihãrele tahe Deuxu òwòru-ribi ritare. Timybo tahõtinytenyeteri —Deuxu aratarenyõtyhy. Tule aratarenyke timykeki.

<sup>22</sup> Deuxu dori ywimy rare ijõ-ò. Tule tii isirare ijõ-ò: —òraruna-txi besebenykeki, tii aratarenyke.

<sup>23</sup> Judeu mahãdu ixyby rityhynyrenykeki, ixyby Deuxu ritidikre iherina-ò. Deuxu irurudirare ixyby ritidikremy —isiraõre Deuxu-ò.

<sup>24</sup> Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirenyre wese. Judeu mahãdu dori òwòru ludu wesele rare.

<sup>25</sup> Waityhydỹỹdu seriòre, inatyhynaõmy adeereny arelyykre. Deuxu rieryre tiwesemybo judeukõdu mahãdu rityhynykre. Ikonana kaiboho bityhynybenykreu, judeu mahãdu ixybyle kanalokre.

<sup>26</sup> Tai tahe ibutumy judeu mahãdu ritakremy. Tyyritina-ki heka kiaweselemy roire: —Siaõ-ribi tarasaduõ kanakre. Ibutumy heka judeu mahãdu òraruna-ribi kòdòòsekre.

<sup>27</sup> Kia bedeu heka aritakre iòrarureny wahe iwese tuu rarybere wese juhuuhukỹle.

<sup>28</sup> Katahe rasõwemy roira aõma judeu mahãdu wahe. Tiiboho Rybewihikỹ òludu roire. Tamyreny heka awi aõkõ Rybewihikỹ. Kia heka adeereny awimy ròhònyre. Tetatenyta dori Deuxu-ribi aõma iwahidỹỹna aõna aõnawidỹỹnamy. Deuxu juhUU taluunamy wala-biereny-ò rarybere.

<sup>29</sup> Deuxu heka tiu riwitziranyõhyymyhỹre. Releke wana heka riwinymyhỹre tahõrõ mahãdu dee.

<sup>30</sup> Judeu mahãdu heka Deuxu rityhynyõmy roimyhỹre wahe. Tai heka Deuxu ruxetòena adeereny diwahinyde.

<sup>31</sup> Katahe judeu mahãdu heka wiji roire ityhydỹỹmy aõkõ. Aõutxu tahe Deuxu ruxetòena ixybyle rimykyemy rỹira. Deuxu heka iximymy iny riteònyrerimy ihỹre.

<sup>32</sup> Deuxu ibutumy òraruro-ò rityhere idi taruxetòena ritỹnykyemy.

<sup>33</sup> Iny Deuxureny aõwi dinodu heka rare. Ibedeerytyhytyhy rare. Inyõ ibedeywidỹỹna rieryõhyymyhỹre.

<sup>34</sup> Tiu rikieryrenyõtyhy irayky, tiu rikibedeeryrenyõtyhy.

<sup>35</sup> Inyõ tiu Deuxu tadiwidỹỹdumy isỹnyõna.

<sup>36</sup> Ibutumy dori Deuxu-ribi hikỹle nade ixidee. Ibutumy iruru namyhỹde. Tai tahe ibutumy wowydyna tamy rikiwahinyrenykyemy inyboho ratximyhỹreny.

## 12

<sup>1</sup> Tahe waityhydỹỹdu seriòreboho, aumyreny heka biwahinybenyke Deuxu-ò. Aramyrenykemy òbitihyylemy. Kia wowydynatyhy Deuxu-ò. Tii dori ibutumy aõma inydeereny riwinyre. Kia ibutele rarekre tamy. Tii dori sõwemy riwinyre inydeereny.

<sup>2</sup> Uritere riraõmy bedede ludu mahãdu wesemy. Iwitxiramy boibeke. Tai Deuxu dee awimy kia rarekre. Aumy tỹmyramy ibutumy biwinymahãke. Tai tahe Deuxu ribedeerynanykre aõbo awire.

<sup>3</sup> Jiarỹ heka Deuxumy rybeduõmy rare adeereny. Tai adeereny ararybekre bexi-ijebenyke. Òbitimy marybemy aumy-ribi. Deuxu-ribi ityhyna adeereny diwahinydekí heka aõhe botỹỹnykemy mohõtinyinmahãbenyke.

<sup>4</sup> Umy heka sõwemy txura txura roire, umy hitxi hitxinamy rỹire. Kristu ityhydỹỹdu mahãdu kia wese rare, Kristu woludu mahãdu wahe.

<sup>5</sup> Tule Kristu mahãdu sõwemy aõmysỹdỹỹna witxira rỹire. Sõwemy iny wiribi hitxi rỹire. Iwese umy sohoji wese Kristu wo mahãdu rỹire. Ibutumy wiribi hitximy raaõmysỹdỹỹmy iwidỹỹmy rỹimyhỹke. Inyboho heka ibutumy iaõmysỹdỹỹna Deuxu-ò rikiwinymyhỹrenyke.

<sup>6</sup> Deuxu heka aõwidỹỹna widỹỹna witxira iny sohoji sohoji-ò riwahinymyhỹre. Kai heka tỹnydỹỹna abrysikeki, awimy bexityhynyke awimy biwinykemy.

<sup>7</sup> Awimy wiòhedỹỹmy atximahãte wana, bõwiòhenanyke awimy. Rybedỹỹdumy atxiteri-wana awimy òbitimy bibedeerydỹỹmy.

<sup>8</sup> Deuxu rybemy rybedu atxiteri-wana marybeke inydee bexityhynomy. Deuxu sõwemy adee nieru riwahinyre-wana, bõwiòhenanyke inywitxira. Inydinodumy atxiteri-wana, òbitimy maaõmysỹdỹỹ ibutu dee. Kia dohodỹỹdukeki botohodỹỹkre inyõ aõ biwahinykeki awowi-di bowahike.

<sup>9</sup> Wiribi ihitxidỹỹõmy. Tuu luu-di tahe inywitxira hitximy. Uritere rybeõmy urirybele. Uritere rybe òbitikõmy rỹireò noõmy.

<sup>10</sup> Kaiboho ityhydỹỹdu seriòre atximahãtenyete. Tai wiluumy atxibenyke. Widee biwowydynybenyke, ixidee aõkõ.

<sup>11</sup> Aõmysỹdỹỹna-di boibenyke. Ibutumy Inynyrỹ-ò biwinybenyke eysareny-di.

<sup>12</sup> Beysamy atxibenyke ywina-di aõkõkỹmy dỹỹnana-ki. Bexitòenyhyymahãbenyke.

<sup>13</sup> Aityhydỹỹdu seriòrey-ki inyõ aõ ihoõkeki, tamy biwahinyke ahõrõ-ribi. Inyõ ihetoõkeki, bidybenyke aheto-ò.

<sup>14</sup> Inyõ ibinamy adeereny riwinykeki, tahe ibinamy aõkõ biòwynyke. Bexitòenyke Deuxu-ò tamy.

<sup>15</sup> Inyõ reysakeki, tii-wana beysake. Inyõ rahinykeki, robukeki, tii-wana mahinyke, bobuke.

<sup>16</sup> Ywimy ibutumy iny-wana boibebenyke. Ixityhy aõkõ nohõtĩõmy. Kai dori ibutumy aõkõ teeryte, tule aaõmysỹdỹỹ bina awimy bimybennyke.

<sup>17</sup> Inyõ adeereny ibinamy riwinykeki, ibina-di aõkõ biòwynybenyke aõma uritere ywihyylemy boike.

<sup>18</sup> Wiwesehyyle ywimy rỹimyhỹre.

<sup>19</sup> Inyõ umy aõma rarybekeki, uritere ixiòwydỹỹmy nohõtĩõmy. Deuxu-wana birimy. Tii heka riòwynykre iaõhõkỹmydỹỹnana-di. Kia tahe roire Tyyritina-ki.

<sup>20</sup> Aõma aòludu ramamy ruru wana, tamy rỹsỹna biwahiny, bemy tii ruru wana, tamy bee biwahiny. Tai tahe tii raixỹrure aõbo adee riwinyre lau.

<sup>21</sup> Aõbinahakỹ rỹira-wana, uritere iijiradỹỹõmy. Ibutumy aõwiwihikỹle aõ biwinymyhỹke. Tai tahe rexihuke aõbina bina.

## 13

<sup>1</sup> Bityhynyke bede dinodu. Deuxu dori risŷnyre bede dinodumy. Ibutumy dinodu heka Deuxule inydeereny riwahinyre.

<sup>2</sup> Inyõ bededinodu rityhynyõkeki, tii heka Deuxu rityhynyõmyhŷre. Iny òbitimy ratxikeki, tiu bede dinodu rimyõtyhy ròtena-ki aõhõkŷmy dŷŷnana rotŷŷnyõtyhy.

<sup>3</sup> Inyõ òbitimy ratxikeki heka tiu bede dinodu lau ruberuõtyhy aõhe risŷnyõtyhy. Urile iny aõtaòtalemy rotŷŷnyre tahe, tiile ruberumyhŷre bede dinodu lau.

<sup>4</sup> Bityhynybenyke ibutumy bede ywina aõbo dinodu mahãdu raryberé. Brebuõlemy botŷŷnybenyke. Deuxu diteõnyde heka bede dinodu iny riwiòhenanykemy. Kai aõhõkŷmy botŷŷnymyhyke aõtaòtamy tatŷŷnymahãte-wana. Bede dinodu dori tuu nade.

<sup>5</sup> Ibutumy bede dinodu bityhynyke. Tii heka biwinybenyke Deuxu dee kia awire. Tai heka aõhõkŷmy botŷŷnybenyõtyhy.

<sup>6</sup> Tule iõwy biòwynymahãbenyke. Ibutumy heka biòwynymahãbenyke aõma tuu dinodu rarybemahãre wesemy. Tai dori riòwynymyhyre iaõmysŷdŷŷdu. Tii heka anawiòhenanymyhyde.

<sup>7</sup> Biòwynymahãbenyke aõbo òbitire, ibutumy wahe. Aõma dinodu iòwydŷŷmy rariòwymahãre-wana biòwynyke ibutumy awedu mahãdu wahe. Bityhynyke ibutumy.

<sup>8</sup> Inydee tanadevenymahãte-wana, biòwynyke òbitihyulemy. Inywitzira luumy atximahãke ibutumy iny wahe. Tii dori Deuxu bedeywina-ki bede òtiidŷŷna xiery ratximyhŷre.

<sup>9</sup> Ibutumy Deuxudeewire heka kaa rare. Aeryna luumy iwese ixiluure wese, tahe tamy ibinaõre. Kai rubudŷŷõmy aõbo, ada wasimy iribi texiwonyte ada ihãwyy-wana maòtakemy aõbo, texinohòtidŷŷnyte. Uritere aõbina-di ixinohòtidŷŷõmy aeryna-ò. Uritere aõbina widŷŷõmy. Aerynaluumy mabeke iwese kai ixiluure wese wahe.

<sup>10</sup> Luuna inyõ-di rarekeki ibina inyõdee riwinyõtyhy rare. Ibutumy Deuxudeewina heka riwinymyhyre. Tii sohojile heka bede ywina-ki awityhyre.

<sup>11</sup> Tule heka òbitimy matximahãke. Bededŷŷnana dori iòhòmy resera. Bede ityre reakremy namyhŷde. Bexixabenyke wa, Inynyrŷ heka iòhòmy ratximyhŷre inonana-ò. Iòhòtyhymy relera juhu rityhynyrenyryre-ribi.

<sup>12</sup> Ruu heka ròhònymy rare. Txuu tule iòhòmy wahe. Uritere aõbinahakŷ bedeluruhukŷ aõmydŷŷnana widŷŷõmy. Diabo ijesu bitake aõwiihikŷ widŷŷ wahe.

<sup>13</sup> Òbitimy biwinymahãke iwese txu rojuxana iny ratximyhŷre wese. Tai ibutumy iny rarybemahãke kai iluumy atximahãtemy. Uritere abededŷŷnana huduõmy –itxŷteõmy, òtaõmy, adeburemy ijiraõmy, ihãruõmy.

<sup>14</sup> Bexitòenymyhyke Inynyrŷ Jesuisi Kristu-ò wahe anawiòhenanykemy. Tai tahe ibutumy òbitimy biwinymahãke. Uritere arayky aõmydŷŷnabinabina nohòtiõmy.

## 14

<sup>1</sup> Ijoiõ ityhydŷŷdu mahãduõ amahãdudŷŷmy rurukeki, ròtena ixinamy ralòke iityhyna ibuterehãre tii-wana aõna aõnamy widee rybetyhymy rybeõmyke. Aribi hitximy raraykynyke hãre, bidyke. Ihãrele biròtenybenyke.

<sup>2</sup> Ityhyna irurukõmy ratximyhŷre hãre biròtenybenyke. Tii òsana kiamy raraykynymyhyre: Iny rexiòwynyke iròdude riròmyhŷrenyremy ijõ ròhòtinyke. Kai tahe òsana mohòtinyke kiamy. Tuu ibinaõre. Ityhynareny urihimyòle rare. Brebunale sŷny roholamyhŷre.

<sup>3</sup> Inyõ tahe ibutumy riròmyhŷre. Awimy idi tahòtinymahãte-wana, wiribi hitximy aõkõ. Uritere iòhòresedŷŷrenyõmy. Deuxu dori ridymyhŷre iwesemy iweselemy.

<sup>4</sup> Deuxu deòdumy tii rare. Eòdumy aõkõ. Deuxu-ò tii rirawyònyre aõhebo rotŷŷnymyhyremy. Deuxu rarybeke aõbo òbitire, aõbo teòsare. Deuxu heka tii ritamadŷŷnymyhyre.



<sup>5</sup> Kiamy rakaraykywesenananyrenykre. Txuõ aõworana bedehesi heka judeu mahãdu riywinymy roimyhÿre. Kia txuule Deuxu-ò reàlànanymyhÿre rexinohõtĩdÿÿnymyhÿre. Tahe aõkõre. Ijõ ityhydÿÿdu mahãdu tahe aõkõre. Tii iwitxira rexinohõtĩnymyhÿre. Ibutu txuu tamy awire Deuxu àlãna riwahnymyhÿre. Ixideewimy iny sohoji sohoji raraykywydynanymyhÿre. Ixitawimy Deuxu riwowydnyre. Ibutumy iny òbitimy ixidee raraykynyke.

<sup>6</sup> Kaiboho atxu biywinymyhÿbenykeki, kia tahe awire. Xiwenade riròkeki, tii tule Deuxudeewire riwinyre. Inyõ aõkõ riwinyre. Tii tule awimy riwinymyhÿre Deuxudeewina wahe.

<sup>7</sup> Ixideewimy rikiywinyrenyõtyhy inynyrÿ-ò dori inyboho roire.

<sup>8</sup> Inynyrÿdeewimy rikiwinyrenyke. Ihõrõ rare, aruruhãrele, aõkõhãrele.

<sup>9</sup> Jesuisi Kristu rubu-ribi rexixare tai butu wedumy.

<sup>10</sup> Inyboho heka ihõrõ mahãdu roire. Tai uritere inyseriòre rybeõmy ixiradÿÿõmy. Inyboho dori sohoji sohoji Deuxuru-ò rexideòsinyrenykre. Iu tii ibutumy iny riywisinykre.

<sup>11</sup> Kiamy heka Ritidÿÿna-ki roimyhÿre. Inynyrÿ heka rarybere: —Inatyhymy, Ibutumy warue-ò tatiowotimy resekre. Rarybekre heka wamy Jiarÿ Deuxu raremy.

<sup>12</sup> Iny sohoji sohoji iximy relyykre Deuxuko-ò.

<sup>13</sup> Uritere inywitxira-ò ryberenyõmy tii ibinamy rare uritere aõwidÿÿõmy, iòraru-ki ixihydÿÿdu òraruna-txi resehemy.

<sup>14</sup> Jiarÿ tahe kiamy rahõtĩnyre. Kia aõmydÿÿnana aõ aõkõ rare Deuxu-ò. Xiwena rÿsÿna rirÿsÿkeki aõ aõkõ rare. Uritere kia nohõtĩdu dee ibinare. Tiiboho riròòke. Xiwena rÿsÿnarÿsÿ òraru-ki aijoiõ bibedewonyhenylau irÿsÿõmykre.

<sup>15</sup> Aityhydÿÿdu seriòreõ òbitiõmy ratxikeki tahe iru-ki arawidÿÿõmy atximahã. Tamy dorihe òbitimy aõkõ heka idi rõhõtĩnyke. Tii heka tule riwinykelemy ixidi rõhõtĩnyke. Timy aõki teòsamy rahaõhyymyhÿre aõma, xiwena rÿsÿna-ki. Kai aõki awimy aõma awityhy irÿsÿõmyke Deuxu Riòreõ dibinadÿÿnyke lau wahe, Kristu dori iòraru-ki rurure.

<sup>16</sup> Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryõmy aki rahake.

<sup>17</sup> Riroximyhÿrenyre, riõmyhÿrenyre —kia Deuxu Iòlòna dee aõ aõkõ rare. Aõmale tahe rõkõhõtĩnytyhymyhÿreny: wiòhedÿÿna, ywina eysana. Deuxu Tyytybytyhy inydeereny wahidÿÿna wahe.

<sup>18</sup> Kia wese iny rÿikeki heka Deuxu dee wina rare, inydee tule.

<sup>19</sup> Wii rikiwiòhenanymyhÿrenyke ibutumy wiwesehyyle ywina-di. Tai iny tyhynareny rikikyhnanyrenykemy.

<sup>20</sup> Rÿsÿna òraru-ki aõhe wisÿdÿÿ renyõmy, butumy dori Deuxu riwinyre. Kia inyõ iòraru-ki aõwitxiramy rõhõtĩnykeki tahe ibinare.

<sup>21</sup> Aõ dee rÿsÿ vÿi momo heka ibinare, tai tii rexiòrarunykeki aòraru-ki urile bexi-ijõnybenyke.

<sup>22</sup> Kaa biwinykeki timybo Deuxu dee òbiti relemyhÿre, urile ibutu-ò tuu rybeõmy iny bedeooby, kia ira-ki aõ ibinakõre.

<sup>23</sup> Ijõ urihimyo tatyhnymy ratximyhÿre heka iximy riatyke. Adee tahe òbiti heka rare. Aõbo riwinyre heka òraruna rare. Tai iwidÿÿõmy.

## 15

<sup>1-2</sup> Iny ixira-di heka rõkõhõtĩnyrenyke ibutumy aõbo iny riwinymyhÿredi. Idi rõkõhõtĩnymyhÿrenyke inywitxira aõlaubo ruberumyhÿré. Iny òbiti erykõ mahãdu-di.

<sup>3</sup> Kristu dori kaki raremyhÿu ixideewimy aõkõ tuu riwinymy raremyhÿ. Wiwana ritidÿÿdu wesemy riki riritinymyhÿre: nade aõhõkÿmydÿÿnana-ò tai heka bede-ò nade. Riòludunyre heka aõbo iòludu aõbinabinahãkÿ rarybere heka riwaòludunymy raremy.



<sup>4</sup> Tuheka roimyhÿre ihetxi Tyyritina-ki inywiòhedÿÿna reny. Iny heka ribedeery-dymyhÿreny ywina-di rakatxirenykemy rikiraòrenyke heka Deuxu aõmy bede dÿÿnana wahe. Rahykyu òraru rahykyu wahe rubu.

<sup>5</sup> Tii heka wadee awire wii biwiòhenanyke. Deuxu anawiòhenanykemy adireny watzireri. Iwese Jesuisi Kristu riwinyre wese.

<sup>6-7</sup> Iлуу ratxirenykemy irumy wiluomy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rÿike òbitimy. Tai tahe inyboho ywinale rekealàmÿhÿre Deuxu-ò, tii Jesuisi Kristu tybyreki wahe.

<sup>8</sup> Deuxu ihetxi mahãdu òraru-ki Jesuisi Kristu heka judeu mahãdu deòdurenymy iox-isÿnyre.

<sup>9</sup> Iwese rybetyyritityhy rarybere wese: —Idi judeukõdu mahãdu Deuxu riwowy-dynkemy. Tai adee ariwiunykre judeukõdu mahãduy-ki. Jesuisi Kristu heka nade inatyhy riteòsinykemy. Judeu mahãdu riwiòhenanykemy Jesuisi Kristu nade.

<sup>10</sup> Kiamy heka roire wiuna Ritidÿÿ-ki kia rarybere. Àlana adee ariwahinykre wiuna-ki judeukõdu mahãduy-ki ani-di arawiunykre. Ijõ-ki tulekre: —Tuheka wiuna-ki raritidÿÿ roimyhÿre judeukõdu mahãdu beysake wa judeu mahãdu-wana.

<sup>11</sup> Ijõ-ki kiamy roire: —Àlana heka biwahinykemy Inyryrÿ-ò idi watzireri, kaiboho tule judeukõdu mahãdu.

<sup>12</sup> Deuxu dee rybeduõ, Isaia tuu rarybere: —Rexiriòkòremy heka irybe roimyhÿre. Ijese riòkòre wahe. Tii judeukõdu mahãdu iòlòmy ronykre. Tiile heka riraòmy roimyhÿkre.

<sup>13</sup> Jiarÿ rexitòenyre, Paulo, kaiboho, Deuxu heka arateysanyrenykre sòwemy ywina-di, tyhydÿÿna-di. Kiamy heka adireny heka watzireri, waseriòreboho. Jiarÿ heka rexitòenyhy watzimyhÿré Deuxu arawiòhenanykemy adeeremy rexiterenymy watziwãhãre. Deuxu Tyytybytyhy ruruna-di raròsòna-di adeeremy kidiwahinykemy watzireri.

<sup>14</sup> Kaiboho òbitimy ahãtenyete waityhydÿÿdu seriòreboho. Sòwemy aõna aõna witxira teerytenyete. Inywitxira bibedeerynybenyke dori teerytenyete.

<sup>15</sup> Ihãrele taheka atxireny wanohòti reare inatyhymy tai warybe rewahiny Deuxu riwatyhynymy kawese riwasÿnyreki.

<sup>16</sup> Biwateònyke taheka judeukõdu mahãdu-ò. Jesuisi Kristu dori riwatate tadeòdumy idi judeukõ mahãdudikemy. Iu Deuxu rybe wihikÿmy rarybemyhÿreu, xiwena wahidÿÿdu wese rare. Kia tahe judeukõdu mahãdu Deuxu-ò awike.

<sup>17</sup> Tai tahe Jesuisi Kristu-wana rexibedesanymyhÿre Deuxu-ki waaõmysÿdÿÿna òraru-ki.

<sup>18</sup> Jesuisi Kristu Rybewihikÿ tÿmyra-di rareri. Rexitòenymy rare adeeremy. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watziwãhãre. Jesuisi Kristu adeeremy riwinyreki wahe. Jiarÿ reerykòre iwitxira mahãdu-di. Tahe aõma waaõmysÿdÿÿnana reeryre. Tiu dori biwawiòhenanyke judeukõdu mahãdu aritakemy. Deuxu mahãdu judeukõdu rarekemy. Òbitimy ikoreny-ki raremyhÿ.

<sup>19</sup> Rybe wihikÿmy rybe-di rarewãhã tamyreny. Aõna aõna wiihikÿ irureny-ò rewinywãhãre. Deuxu Tyytybytyhy-di Jerusalé hãwã-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikÿmy. Ibutumy waaõmysÿdÿÿna rewinyre, Deuxu wadee riwahinyre wahe.

<sup>20</sup> Ihãre tahe ararybekemy watzireri tiu iny roholakòmyhÿre mahãdu-ò. Ijõõ dohodÿÿna iny ritohodÿÿnymyhÿre. Tai ikomy ararybekemy ixidi watzireri.

<sup>21</sup> Isaia dori kia Tyyriti roire: —Tiu iny tamy roholakòmyhÿre tamy ijohonaõmy rarybere. Tai rierymyhÿre. Tai tahe roholakre tahe rityhynykre.

<sup>22</sup> Tai heka raraòlemy watziwãhãre —adeeremy.

<sup>23</sup> Katahe kaki rexihumy waaõmysÿdÿÿ ratxireri. Katahe arorarenymy arake watzireri beòrakòle arakemy ixidi watzireri.

<sup>24</sup> Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatximyhÿreu tahe tako-ò biwaixidÿÿnybenykre.

<sup>25</sup> Ikoki taheka wahidÿÿõ ariwykre Jerusalë-ò. Jerusalë hãwã mahãdu dori aõhõkÿmy rotÿÿnymy rÿiramyhÿ.

<sup>26</sup> Macedonia bede-ki Akaia bede-ki tamy nieruõ riwahinykremy ratxireri dohodÿÿna mahãduõ kia rama rahureri mahãdu wahe.

<sup>27</sup> Tiiboho riwiòhenanyre deysana-di. Kia òbiti rare. Iribi tahe Deuxu rybe aõmydÿÿnana, Judeu mahãdu-ribi nade. Tai tahe judeukõdu mahãdu, tule judeu mahãdu riwòhenanymyhÿke taaõwiwi-di.

<sup>28</sup> Kaa nieru-di arakreu, tahe aroramy arehemynykre. Iribi Espanha-ò arakre.

<sup>29</sup> Tuu awana watzikreu, tahe teysamy Inynyrÿ-di rakatxikre.

<sup>30</sup> Bexitòenyke wadee waõmysÿdÿÿna sõwemy watzireri ariwinykremy. Deuxu Tytybytyhy heka sõwemy wadee nade adeereny ariwahinykremy, luuna sõwemy adeereny ariwahinykre.

<sup>31</sup> Tule ityhydÿÿdukõdu mahãdu Judeia wadee aõbinahãkÿ wadi ratximyhÿre. Wadi bexitòenybenyke jiarÿ iribi arahenykre. Tule kaa nieru rewyreri waribi teysamy rimyrenykre.

<sup>32</sup> Tai tahe awanareny tahe wadeysamy arehemynykre Deuxudeewikeki.

<sup>33</sup> Deuxudeewikeki wii riki Deuxu ywina adeereny watzireri. Kie.

## 16

<sup>1-2</sup> Fibi hãwyy ityhydÿÿdu seriòreõ adee rakre. Tii heka Sekrea hãwã ludu dohodÿÿna mahãduõ rare. Tii heka dohodÿÿdu mahãdu riwiòhenanymyhÿre aõu aõu aityhydÿÿdu seriòre wesemy. Tii kaiboho biwiòhenanykre, tii dori sõwemy riwawiòhenanyre.

<sup>3</sup> Birybedÿÿnyke Prisila Akila-wana. Tii wawiòhenadÿÿdurenny.

<sup>4</sup> Tii wadee sõwemy riwinyre rubu lau ruberuõtyhy. Tai jiarÿ reàlàwãhãre tamy, tule tuu ibutuma Judeukõdu dohodÿÿna mahãdu. Iheto dohodÿÿna mahãduõ warybe wehityhyna biwahenyre.

<sup>5</sup> Epenetu-ò biwehityhyny. Tii ibutumy ityhydÿÿdu-ribi juhuule rityhynyre Asia bede-ki. Tii wabiòwa rare.

<sup>6</sup> Marie adeereny raaõmysÿdÿÿtyhyre. Biwehityhyna wanimy.

<sup>7</sup> Adroniko, Junia wana biwehityhynanykre. Tiiboho judeu mahãduõ roire. Ròtenawo-ki wawana roiremyhÿ. Dohodÿÿna mahãdu rierytyhyre. Deuxu deòdÿÿna mahãdu heka wakomy rityhynyre.

<sup>8</sup> Ijõ waityhydÿÿdu biòwa Ampliato inire. Tamy kanarybekre tule.

<sup>9</sup> Urbano, Estaki-wana tule Kristu dee wawiòhedÿÿdu tule rybe wehityhyna tamy biwahinykre.

<sup>10</sup> Apele heka ityhydÿÿdu tyhy rare. Biwehityhynanyke. Aristabulo-wana heto woludu mahãdu biwehityhynanykre warybe tamy.

<sup>11</sup> Tule biwehityhynanykre Herodiaõ –wajioiõ tii rare judeu mahãduõ wahe. Kristu dee dori kia iny òbiti rare. Narciso heto ludu ityhydÿÿduõ heka tule biwehityhynanykre warybe tamy.

<sup>12</sup> Tule Trifena, Trifosa, Peside-wana raaõmysÿdÿÿmy Inynyrÿreny-ò biwehityhynanykre wary tamy.

<sup>13</sup> Rufu tule Deuxu dee aõmysÿdÿÿdu rare ise tule. Tii dori nadi wesemy riwawisinyre.

<sup>14</sup> Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahãdu.

<sup>15</sup> Filologo, Julia-wana, Nereu taseriòre-wana, Olimpa, ityhydÿÿdu mahãdu tii-wana ratxireri ibutu-ò warybe wehityhyna.

<sup>16</sup> Ibutumy aseriòre debò bimyke biwehityhynanybenykre ibutumy. Ibutumy Kristu tyydÿÿdu mahãdu-ò arawawehityhynanykre. Tule kaki dohodÿÿna irybe wehityhynanyre adeereny riwahinyreri.

<sup>17</sup> Rybeõ roire kaa rybe tyyriti ixiydynako-ki. Ijõ aõhe dÿÿnana doimyhÿde kia hetowo hitxina-ki. Iwixiramy heka taerydÿÿna mahãdu –iwese inydeereny erydÿÿnamyhÿre wesemy aõkõ kia lau tahe bexiebenyke.

<sup>18</sup> Aõ Jesuisi dee aõkõ raaõmysÿdÿÿnyre. Ixidee tule heka raaõmysÿdÿÿmyhÿre aõ ixidee ritarenykemy rõhõtinyinmyhÿreny. Tiiboho heka rarybewihikÿmyhÿreny, aõma, ruikedÿÿmy timy bede erykõ tuu ratximyhÿreny.

<sup>19</sup> Jiarÿ wadeysamy watzireri kaiboho òbitimy ibutumy toiteki. Araerywãhã jiarÿboho aõbo òbitire uritere aõbina widyyõmy.

<sup>20</sup> Deuxu ywisidÿÿna wahidyyna dori Satanasi riixãwididÿÿnyke. Jesuisi Kristu Inynyrÿ wiðhedÿÿna adeereny riwahinykemy idi watzireri.

<sup>21</sup> Tximõtxi dori wawiðhedÿÿdu rare. Lucio, Ijasõ, Sosipatu, wajudeuijoi-wana tule adeereny irybe wehityhyna riwahinyre.

<sup>22</sup> Jiarÿ, heka Tercio, reritinyreri aõbo Paulo rarybere adeereny. Jiarÿ adeereny warybe wehityhyna rewahinyreri.

<sup>23</sup> Jiarÿ heka Kaio heto-ki watzireri, dohodÿÿna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyseriòrereny rare. Ibutumy heka kaa irybe weityhyna adeereny rewahinyreny.

<sup>24</sup> Inynyrÿ Jesuisi Kristu ruxetõena ibutumy adeereny kanakemy idi watzireri. Kie.

<sup>25</sup> Deuxu irurutyhy-di rare. Tii heka adi riyrubunykemy adi watzireri. Iwese rybeweityhyna rarybere wesemy, ruru adee riwahinykre.

<sup>26</sup> Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahãdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhynnykre.

<sup>27</sup> Deuxu-ò àlàna biwahinykeki tii dori bedeeryna ratximyhÿre Jesuisi Kristu òraru-ki wowodyna tamy biwahinybenykre aõu aõu. Kie, Paulo.

## 1 Oritxi Mahãdu-ò 1 Oritxi Hãwã Dohodỹna Mahãdu-ò

<sup>1</sup> Paulo jiarỹ Deuxudeewimy deòdumy wãhãre, Jesuisi Kristu deòdỹna-ki wahe. Jiarỹ waityhydỹdu seriòre Sòteni-wana adee warybereny adiwahinyde.

<sup>2</sup> Oritxi hãwã dohodỹna mahãdu-ò heka watyyriti adiwahinyde, Jesuisi Kristu òbitidỹna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydỹdu mahãdu-ò. Tii iny Iòlòrenymy heka ratximyhỹre.

<sup>3</sup> Ruxetòena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlò-ribi.

<sup>4</sup> Deuxumy reàlàmy watxiwãhãre, Jesuisi Kristu adeereny ruxetòena diwahinydeki.

<sup>5</sup> Ibutumy dori iribi tòerymy ahãte arybena-di, erysydỹna-di.

<sup>6</sup> Kristu dee rybena akireny roimyhỹre.

<sup>7</sup> Iribi awahidỹna rauhenyõreri, kaiboho dori Kristu deòsidỹnamy teraòmahãte.

<sup>8</sup> Jesuisi arawiòhenanyhy rarekre bededỹnana konana-ò, tatxuu òbitimy ixiko-ò, rexilamadỹnykemy.

<sup>9</sup> Deuxu òbitihyyra. Tii aratabinyra Tariòre Jesuisi Kristu-wana rarekremy, iny Iòlòrenymy.

<sup>10</sup> Jiarỹ adeereny rexitòenyneri Jesuisi Kristunimy iny Iòlòrenynimy wiwese wimy wimy bityhynymy marybebennykemy. Wade awiòre wiribi hitxi hitxidỹỹ. Wii bitotynnytyhymy boibekemy adireny watxiwãhãre, araykyreny-ki, aerysynareny-ki.

<sup>11</sup> Kaiboho waseriòre mahãdu, wimy taujõmotenyteri. Lòe hetowoludu mahãdu kia wako relyyra.

<sup>12</sup> Inyõ wadee rarybemyhỹre. Ijõ mahãdu heka Paulo rityhynymyhỹre ihõrõ mahãdu wahe, ijõ heka Apòlo rityhynymyhỹre ijõ tasỹ Pedro rityhynymyhỹre, ijõ tahe Kristu rityhynymyhỹre.

<sup>13</sup> Aõherewe, Kristu be iny rihitxihitxinymyhỹre. Paulo be itxeò nihikỹ tyre-ki rurure adeereny. Pauloni-di be rasebere.

<sup>14</sup> Inyõ he ròratisebenyõre. Krispu, Kaiowanale tahe resebenyre. Tai tahe wabedesamy watzireri.

<sup>15</sup> Kiamy ta heka inyõ rarybeke lau reijõnymahãre: —Jiarỹ Pauloni-di rexisebenyre.

<sup>16</sup> Tefana hetowoludu mahãdu adiratisebenyde. Inyõ reratisebenykeki wanohõti reaõhyre.

<sup>17</sup> Kristu dori aõsebedỹmy aõkõ diwateònyde Rybewihikỹmy rybemy. Bede erydỹna nihikỹmy rybemy aõkõ diwateònyde, Jesuisi itxeò-ki lamana ariwòkemy aõkõ, kia iny-deereny rurureki wahe.

<sup>18</sup> Kristu itxeò rubumy ijyy heka ityhydỹdukõdu dee itxỹtena rare. Biu-ò hedu mahãdu dee tahe, Deuxu ruru kia rare.

<sup>19</sup> Kiamy tahe iritidỹna roire: ierysydu mahãdu erysyna-di ariixãwidỹnyke. Bede erydu rayky-di adijõnykre.

<sup>20</sup> Titxibo tahe bede erydu rare. Tyyritimy erydu heka titxibo rare. Titxibo tahe wiji dỹraxidu rare. Kabede ludu bede erysyna heka Deuxu-ò itxỹtedỹna rare.

<sup>21</sup> Bede bede ludu mahãdu rõhõtinyre bedeerytyhymy. Tai tahe Deuxu iximy rierynanyõhyre. Kia tahe Deuxudeewire. Iny rybewihikỹmy rybe heka iny witzira-ò itxỹtere. Kia-di tahe Deuxu iny ritarereri iny rityhynyreki.

<sup>22</sup> Judeu mahãdu aõwiwi rỹikemy aõbo raremy ratzireri. Judeukõdu mahãdu bede erysydỹna-di rarekemy riijemyhỹre.

<sup>23</sup> Kristu itxeò-ki lamanamy iny rarybemyhÿrenyre. Kia tahe judeu mahãdu riojinyre, judeukõdu mahãdu dee itxÿtena kia rare.

<sup>24</sup> Tahe Deuxu rariròwysyna judeu tule judeukõ mahãdu-ò heka Kristu erydÿÿna tule ruruna rare ihedÿÿnarenymy.

<sup>25</sup> Deuxu itxÿtedÿÿnamy rybe hãbu bedeery ratyre rare. Deuxu iruruõkeki, tii hãbu ruru ratyre iruru rare.

<sup>26</sup> Waseriòre mahãdu arariròwysyna-di mohõtinyinbenybeke. Betehemy iny erysyna mahãdu-ribi sòweõre, Deuxu rariròwysyna mahãdu. Dinodu mahãdu sòweõre, iny Iòlòtyhy mahãdu-ribi sòweõre.

<sup>27-28</sup> Deuxu heka aõna aõna itxÿtena ritare bedeeryhykÿ mahãdu riixÿrudÿÿnykremy. Aõna aõna ruruõ Deuxu ritare aõna aõna ruru-di riixÿrudÿÿnykremy aõna aõna derare, aõ aõkõ rare Deuxu ritare aõ-di aõ aõkõ-ò riyjanykre.

<sup>29</sup> Tai dorihe inyõ rexityhynykõkemy Deuxuko-txi.

<sup>30</sup> Kaiboho dori Jesuisi Kristu hõrõ toite. Tii heka inydee ibutumy rare: erysynamy òbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny.

<sup>31</sup> Kia dori ritina rybe-ki roire: –Inyõ rexiwowydynykeki, Deuxu-ki rexiwowydynyke.

## 2

<sup>1</sup> Waseriòreboho aõ hãbu bede erynihikÿ wese aõkõ adeereny anade. Deuxu rybetyhydÿÿnanamy ararybekremy. Rybenihikÿmy heka rarybeõre.

<sup>2</sup> Tii sohojile reeryre akireny rarewãhãu, Kristu itxeò-ki lamanale wahe.

<sup>3</sup> Akireny rarewãhãu waruruõmy rarewãhã, ixÿru brebu tahe riwamytatadÿÿnyre.

<sup>4</sup> Wabedeerydÿÿna erytyhy rybesirahakÿ-di aõkõ rarybereri iny rityhynykemy. Urile tahe Deuxu Tyytyby ruru-di rarybewãhãre.

<sup>5</sup> Hãbu erytyhydÿÿna aõkõ bityhynykemy adi wãhãre Deuxu ruruna tahe atyhynarenymy heka idi toite.

<sup>6</sup> Ityhydÿÿdu umy-ò bede erydÿÿna-di rarybemahãre. Kabede aõmydÿÿnana bede ery aõkõ rare.

<sup>7</sup> Kia tahe Deuxu erydÿÿna tyhyre. Kia heka hãbu mahãdu lau riwòmymhÿre. Juhu inydeereny riywinyre.

<sup>8</sup> Kia bede erydÿÿna inyõ wiji Iòlòtyhy mahãdu rieryõre. Kia rierymyhÿkeki, Wanyrÿ wowydyna-ribi itxeò-ki ritamadÿÿnyõhyre inihe.

<sup>9</sup> Iwese Ritidÿÿna roireri wese rare: –Rue lobixiõhyymhÿre, nohõti heka roholaõhyymhÿre, inywo rieryõhyymhÿre, aõbo Deuxu riwinyre taluuna mahãdu dee, tamy riwahinykremy.

<sup>10</sup> Deuxu Tyytybytyhymy kia inyboho riteòwarixinyrenyre. Ityytyby ibutumy rieryre. Deuxu raykywo-ribi aõ ritÿnynymhÿre.

<sup>11</sup> Inyle heka iny ixirayky rierykre, kawese tule Deuxu tyytybydile aõna aõna rierykre.

<sup>12</sup> Bede aõmydÿÿnana aõkõ inydeereny wahisidÿÿdu rare. Deuxu Tyytyby tahe inydeereny wahisidÿÿdure.

<sup>13</sup> Kiadile Deuxu wahisidÿÿna iny reeryrenyre. Kia iny reerydÿÿnanymahãrenyre hãbu bede erydÿÿna-di aõkõ, Deuxu Tyytyby rybe-di tahe reerydÿÿnanywãhãre. Kia iny retÿnynymahãre iny Deuxu Tyytybytyhy-di mahãdu-ò.

<sup>14</sup> Iny Deuxu Tyytybytyhy-di rÿiõra mahãdu dee Deuxu Tyytybytyhy aõmydÿÿna dera. Tamy itxÿte rare. Rierykõre. Deuxu Tyytybytyhydile iny rierymyhÿre.

<sup>15</sup> Iny heka Deuxu Tyytybytyhydikeki ibutumy rierymyhÿre. Inyõ tahe tuu aõmy tuu irybeõna.



<sup>16</sup> Ryberiti-ki roire: –Mobo tahe rieryre Wanyrỹ rayky, mobo tamy aõ ritỹnynykre inyõ aõbo? Inyboho Kristu rayky ijõdire, iwesele raraykynymyhỹre.

### 3

<sup>1</sup> Waseriòreboho adeereny rarybeõhyyre hãbu Deuxu Tyytybytyhy-di rỹira wesemy. Hãbu òrarudu wesemy rỹirawesemy adeereny ararybeke. Uladu wesemy Kristutyhy-dỹỹ-ki rỹira wesemy adeereny rarybere.

<sup>2</sup> Huỹsy-di òedỹỹ araerynadỹỹnyrenyreu rỹsỹnatere wesemy aõkõ erydỹỹnasiramy aõkõ rybe. Kia rỹsỹna rỹsỹmy texiywinyõtenyete. Wiji tule texihumy aõkõ toitenyete.

<sup>3</sup> Òrarudu wesemy dori ahãtenyete. Ihãrumy, ijãmy atximyhỹtenyete. Tai tahe òrarudu mahãdu wesemy ahãte ityhydỹỹdukõdu mahãdu wesemy ahãtenyete.

<sup>4</sup> Inyõ rarybekeki: –Jiarỹ Paulo erydỹỹnay-ki rare. Ijõ rarybekeki: –Jiarỹ Apòlo erydỹỹnay-ki rare. Tiibohe ityhydỹỹdukõdu mahãdu wesemy ihỹrenyete.

<sup>5</sup> Aõbohe Apòlo, aõbohe Paulo. Deuxu deòdu heka inyboho roire. Inyribireny tetyhynymy teerymahãtenyete. Iwese Deuxu iny sohoji sohoji-ò aõmydỹỹna riwahinyete wese, tai tetyhynyete.

<sup>6</sup> Ta jiarỹle rybemy rarybere iny aõty ribòrònymyhỹre wese, Apòlo rybe ritỹnynyete iny alòbòròna ribenymyhỹre wese rituunyete. Deuxule tahe idimyhỹre iwese alòbòròna riumydỹỹnymyhỹre wese.

<sup>7</sup> Tai tahe tòbòròdỹỹdu aõ aõkõ rare; ituudỹỹdu tule aõ aõkõ rare. Deuxule aõwedu wedu heka rare. Tiile ityhydỹỹdu widỹỹdu nihikỹ rarekre.

<sup>8</sup> Tòbròdỹỹdu ituudỹỹdu-wana sohoji wesemy ihỹrenyete. Sohoji sohoji tauri wahisidỹỹ ritakremy, iwese sohoji sohoji raaõmysỹdỹỹmyhỹre wese. Wiwana dori Deuxu dee iny raaõmysỹdỹỹmyhỹre.

<sup>9</sup> Inyboho heka Deuxu wiòhedỹỹdu mahãdu roire. Kaibohe tahe Deuxu oworu wese toite. Iwese tahe Deuxu heto wese kaibohe toite.

<sup>10</sup> Heto widỹỹdu deyrewete wese retelenyete. Ibutumy Deuxu ruxetòenamy kia rewinyete. Juhumana retidire idi tahe itira ityete reòdònyra. Ywimy biwinybenyete. Awimy bitamadỹỹnykemy.

<sup>11</sup> Jesuisi Kristu juhumana wese heka rare, inyõ tiile tarasadu wahe ijõ manaõ teròwymy ritidiõtyhy.

<sup>12</sup> Ibutumy juhumanatyete-ki relereri. Ijõ womati tỹrỹrỹhỹkỹ, ijõ prata-di ijõ mantỹny-di, ijõ òwòru-di, ijõ òteti-di, ijõ horeru-di.

<sup>13</sup> Kia txuu Kristu txu wahe riteòsinyete aõdibo sohoji sohoji raaõmysỹdỹỹmyhỹre heòty dori riurihixinanyete. Aõhebo iny rotỹỹnymyhỹreki.

<sup>14</sup> Juhumanatyete-ki iny aõmydỹỹna rỹikeki, tii uri iwahisidỹỹnana ritakre.

<sup>15</sup> Iny aõmydỹỹna rasõkeki tii ròõnodỹỹkre. Ihãre tahe tarasana ritakre heòtyroobymy wahe.

<sup>16</sup> Kaibohe Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasỹnymyhỹre.

<sup>17</sup> Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaibohe toite Deuxu heto lytytyhy rare, ihòròtyhy wahe.

<sup>18</sup> Ixi itxenadỹỹõmy, inyõ bedeerymy xixi-di ròhòtinyekeki, raitxỹteke tai tahe bedeery inatyhy-ki rareke.

<sup>19</sup> Kabede bede eryna tahe Deuxu dee itxỹtena rare. Kia Ritidỹỹna-ki tahe roire: –Bede erynadu tyhy tabedeerydỹỹna-ki Deuxu-ò ròõnodỹỹre.

<sup>20</sup> Ijõ Ritidỹỹna-ki roire: –Wanyrỹ, bede erydu rayky rieryete. Kia raykywi aõ aõkõ rare, rybetyhy aõkõ.

<sup>21</sup> Iny aõmydỹỹnana-di ixiwowydydỹỹõmy, ibutu dori ahòrò rare.

<sup>22</sup> Paulo, Apòlo, Pedro, bede, umy, rubu, aõmydỹỹna wijina, aõmydỹỹna bede kanakre, ibutumy ahõrõ rare.

<sup>23</sup> Kaiboho Kristu hõrõ toite. Kristu Deuxu hõrõ rare.

#### 4

<sup>1</sup> Inyboho Deuxu deòdu roire, ibutumy idi mohõtinybenyke tii inykireny ihỹre. Inyboho dori Deuxu aõmydỹỹnana erykõdu tỹnydỹỹdu roire.

<sup>2</sup> Deuxu tỹnydỹỹdu òbitihyky rarekemy.

<sup>3</sup> Wadi rõhõtinykeki awimy aõbo ibinamy aõbo kia tahe wadee aõ aõkõ rare. Aõbo dohodỹỹ tỹnydỹỹdu mahãdu wadi rohõtinyke kia wadee aõkõhykyre. Jiarỹ tahe ixi-di dehummy rahõtinyõhyymahãre.

<sup>4</sup> Jiarỹ reeryõre inyõ aõbinamy wadee rexiwonyke warayky wadee òbiti rare. Tahe ihãrele òbitimy iko-ki rare. Wanyrỹ tahe wadi timy rõhõtinyke.

<sup>5</sup> Kia tahe wiji idi timy nohõtĩõmy. Jesuisi nonanako-ki. Tii tahe kanakreu, ibutumy wasimy aõ rỹira ritỹnynykyre, ibutumy iny raykymy rỹira ritỹnynykyre. Kia txule ibutumy iny tabedeòby ritakre Deuxu-ribi.

<sup>6</sup> Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykyre kia: ierysydỹỹrenyõmy aõbo iritidyỹỹnawo-ki ihoõre. Kia wese keki, ijõ tỹnydỹỹdu ijõ ratyre ryiõtyhy.

<sup>7</sup> Mobo iny wiribi iwitxiramy ihỹre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere.

<sup>8</sup> Kaiboho ibutumy aõ ijõdire. Tatyhytenyete, iòlò wesemy taditehemynyete iny arawiòhenanyrenyõre. Wadee awire kaiboho iòlòmy ahãtenyete. Tai jiarỹboho awana ariòlònykyre.

<sup>9</sup> Kiamyrye òsana. Deuxu dee heka inyboho deòdỹỹna mahãdu rurukrerke mahãdu roire ibutuko-txi, ýjuko-txi, hãbukò-txi.

<sup>10</sup> Kristu òraru-ki itxỹtewesemy jiarỹboho roire. Kaiboho Kristu erydure riki. Jiarỹboho warurukõrenyrye. Kaiboho orarudirenyrye jiarỹboho inyõ waluurenyõre. Kaiboho tahe ibutu luuna toite.

<sup>11</sup> Ihãre tahe wiji ramamy, bemomomy, tykyõmy rekoamyhỹre. Tule sỹywisidỹỹna rỹiõre. Tule jiarỹboho wahãwã òbiti ihokõre.

<sup>12</sup> Ihãre inyboho naaõmysỹdỹỹmyhỹde iny debò-di irukemy. Inyõ inydeereny aõbinamy rarybekeki, awilemy inyboho rirawyònymyhỹre. Inyõ aõsirahakỹle inydee riwinykeki, aõmy rybeõmyke.

<sup>13</sup> Rybebinamy inyboho dee reakeki, ihãrele Deuxumy tamy rarybemyhỹre. Rỹnysityby wese inydireny tiiboho retehemyhỹre, ijese ijese wesemy.

<sup>14</sup> Kia ròritidyỹỹreri aixỹrudỹỹrenyomy aõkõ, tahe wiòhedỹỹdumy retirỹreri binadyỹỹna lau, iwese inytybyõ tariõre rierynanyre wese.

<sup>15</sup> Tahe sõwemy Kristu-ki bede erydỹỹdu rỹire. Sõwemy aõkõ bobohomy rỹirenyrye. Kristumy heka jiarỹ sohojile borenymy rare. Rybewihikỹ erysyna-di dori borenymy rãire.

<sup>16</sup> Kia dori kaiboho wawesemy boibekemy adireny watxireri.

<sup>17</sup> Tai Tximòtxi reteònyre adeereny. Tii wariõre luu wesemy ratxire. Tii òbiti rare Wanyrỹ-ò. Tai watxi òhõtireny reake iwese Jesuisi Kristury wese rariamyhỹreki, tule iwese reerynanyre wese ibutu dohodỹỹna hetowo-ki.

<sup>18</sup> Inyõ ixiwowydymy ixidi rõhõtinyomyhỹ iwese arura-ò araõreki.

<sup>19</sup> Wanyrỹdeewikeki arakre wylemy arorareny-ò. Tai arierykyre ixiwowydymy nohõtidu irybe sohojile aõkõ arierykyre, aõhebo rotỹỹnyre tule arierykyre.

<sup>20</sup> Deuxu òlõna heka rybe sohojile aõkõ rare, rurutyhy heka rare.

<sup>21</sup> Aõbo tahe awityhyre òhòte-di adehemyny aõbo, ada luuna-di ywina-di adehemyny aõbo?

## 5

<sup>1</sup> Dohodỹỹna mahãduy-ki òrarutyhy-di riki toite kia tahe rare: hãbuõ heka ty-byhãwyytyby-wana roire. Kia òraru tahe ityhydỹỹdukõdu mahãdu riòludunyõhyymyhỹre.

<sup>2</sup> Kia hyyle ixi-di aõ aõkõ tõhõtinyinmyhỹte. Aõherekibo bedede teòtiinyõtenyete tahinyõmy idi textidenyõhyytenyete. Hãbu kia riwinyre, ityhydỹỹdu mahãduy-ribi biòlòdỹỹnyke.

<sup>3</sup> Jiarỹ akyreny-ki watxiõrerihãre, tahe warybetytyby awanareny ratxireri, iwese jiarỹ awana ratximyhỹre wesele. Tahe wadohodỹỹna ariwahinykre kahãbumy ibinamy riwinyremy. Tahe ityhydỹỹdu ributunykeu,

<sup>4</sup> warybetytyby akireny rỹireu, Jesuisi Kristu ruru akireny rỹireu, kahãbu Satanasi-ò biwahinybenyke.

<sup>5</sup> Tai kahãbu umy Satanasi-ò biwahinybenyke itytytyby tahe rahenykre Wanyrỹ Jesuisi kia nonanatxu-u.

<sup>6</sup> Arybe iximy wydy awi aõkõ rare. Taholaõtenyete aõbo kia rybe-ò; iuri ibutere paõ widỹỹna sõwemy rauridỹỹra uridỹỹna heka òraru wese heka rare.

<sup>7</sup> Idi behubenyke iuri hitxina-di, tahe paõ iuriõmy rỹirekre wese boibekemy òbitimy, Kristu tule budòeni xiwedỹỹna wesemy inydeereny rurure, iny Pascoareny worana bedehesi dorihe rarỹỹnyny rare.

<sup>8</sup> Tai tahe ixena roxina rikiwinyrenyke. Paõ iuri-di ryiõmy rakatximyhỹreny. Kia uri paõ òraruihetxina wese rare. Paõ tỹmyra, òbitire, inatyhyre, tii rikiyrenyke. Kia tahe rare òbiti widỹỹna wahe.

<sup>9</sup> Adeereny watyyriti rewahinyre òrarudu mahãdu roo-ki risiõmy, òtadu mahãdu-wana boiõkemy.

<sup>10</sup> Ibutumy òrarudu mahãdu-ò aõkõ adeereny rarybere. Iny ibina mahãdu, wasidu mahãdu, Deuxutyhy luukõdu mahãdu. Kia-wana noõrenynykeki, bedede-ribi ihyyle bexi-hitxinyke.

<sup>11</sup> Wiji watyyriti kia wese rewahinyre. Ityhydỹỹduy-txi ròtedu òrarudu rarehyykeki, kia roo-ki risiõmy tule iny ibina mahãdu, Deuxutyhy luukõdu, ujõmomy rybedu, wasidu, axaxa momodu, kia mahãdu-wana tahe byreõmy.

<sup>12</sup> Ityhydỹỹdukõdu mahãdu ywisidỹỹdu aõkõ jiarỹ rare.

<sup>13</sup> Deuxu dohodỹỹdukõdu mahãdu hitxidỹỹdu rarekre. Deuxu Ryberiti-ki roire: — Òrarudu ay-ribi biòlòdỹỹnyke.

## 6

<sup>1</sup> Iny ityhydỹỹduõ widee raurenanykeki, aõbohe awire? Erysydu-ò rikidy aõbo ada ityhydỹỹdu mahãdu-ò rybeke aõbo? Uritere ityhydỹỹduõle marybekre.

<sup>2</sup> Ityhydỹỹdu mahãdu bedede bedede mahãdu ierysydỹỹkre. Kia teerytenyõta aõbo. Ityhydỹỹdu mahãdu bedede bedede mahãdu ierysydỹỹkeki, aõna aõna iyja tahe teeryõtenyete timy rasỹdỹỹnykemy.

<sup>3</sup> Tahe inyboho ýju aõmydỹỹnana rikieryrenykre. Kiakeki iratyre kabede aõmydỹỹnana rakieryrenyhyyke.

<sup>4</sup> Erysydỹỹnana ijõdikeki, aõherekibo erysydu ityhydỹỹdukõdu-ò radymyhỹre. Ityhydỹỹdule aõtxi awire.

<sup>5</sup> Kia heka adeereny ixỹruna rare. Hãbu erysydu ityhydỹỹdu mahãduy-ki ratxiõre aõbo ierysydỹỹ-ki.

<sup>6</sup> Erysydu ijõdihãre ta ityhydỹỹdu seriõre wii ridyke aõbo ityhydỹỹdukõdu erysydu-ò, kia awiõre.

<sup>7</sup> Ityhydỹỹdu wii ridykeki, kia tahe iaõ bedede eryõmy rare. Inyõ adeereny aõmy rotỹỹnykeki, urile tahe aõhõkỹmy rotỹỹnykre. Kia heka Inynyrỹ-ò òbitire.

<sup>8</sup> Kaiboho ityhydỹỹdu hãre aõhõkỹmy wii tesỹnymahãtenyete.

<sup>9</sup> Òrarudu mahãdu-ò, Deuxu Iòlòna uri riwahiõtyhy. Kia teeryõtenyete, iny ywimyn-oduõ, Deuxutyhy luukõdu, wiriòrese-ò òtadu, hãbu hãwyy wese rexiwahinymyhyre ijõ hãbu-ò.

<sup>10</sup> wasidu, ixidee imynomy nohõtidu, axaxamomodu, jei jeimy rybedu, inywitxira aõmydỹnana wydydu, kia-ò Deuxu Iòlòna uri rawahiõtyhy.

<sup>11</sup> Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixãwidinyde anatade Deuxu Tyytybytyhy-di.

<sup>12</sup> Ibutumy ariwinyke ixidee wikeki ibutumy aõmydỹnana tahe iwidỹ awiõre. Ibutumy arotỹnyke ixidee wikeki, aõ aõkõ tahe waumy-di rarekemy raremyhỹ.

<sup>13</sup> Rỹsỹnaheka weryri-ò ralòmhyhỹ kia-ò heka ihỹmyhỹre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rỹire. Deuxu umydikemy dorihe riwinyre.

<sup>14</sup> Deuxu Inynyrỹ riixixanyre rubu-ribi. Tule iny kidiixixanykre taruru-di.

<sup>15</sup> Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe.

<sup>16</sup> Inyõ hãbu aderana-wana roikeki, sohoji umyhyyle wiwana roireke. Kia teerytenyõte aõbo? Kia Tyyriti Iritina-ki roimyhỹre, hãbu hãwyy-wana sohoji umyhyyle wiwana roireke.

<sup>17</sup> Moo Wanyrỹ-wana ributunyekeki, sohoji Deuxu Tyytybyle rareke.

<sup>18</sup> Òraru-ribi tèrehemy atximyhỹbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake.

<sup>19</sup> Aumy Deuxu Tyytybytyhysỹ rare. Kia aõbo teeryõte? Deuxu rexiwahinyre awo-ki rasỹnyhyomy rarekemy.

<sup>20</sup> Kaiboho aumy wedu aõkõ atxitenyteri. Jesuisi Kristu adee rurureki. Tii òwynihikỹ-di anadyde, Kia tahe aumyreny-ki Deuxu-ò bealãbenyke, òbitimy bexisỹnyke aumyreny-di.

## 7

<sup>1</sup> Atyyriti dỹrãxi rerawyònyreri. Kia rare: hãbu hãwyy-ò aderexiõhyykeki, kia heka awire.

<sup>2</sup> Hãbu tahãwyydihyye rareke, tule hãwyy tahãbudihyye rareke òta òta òraru dori sõwerekiki.

<sup>3</sup> Hãbu tahãwyy-ò umy wahisidỹna tamy riwahinyke. Hãwyy tahãbu-ò umy wahisidỹna riwahinyke.

<sup>4</sup> Hãwyy taumywedu aõkõ rare, ihãbu iwedure. Tule hãbu taumywedu aõkõ rare. Ihãwyy iwedure.

<sup>5</sup> Wiòmysadỹõmy. Urile rexitòenykemy aõutxu-ò wii riòmysanykre. Urile ixideewimy wiwana ratxike. Idi wiwana roikre Satanasi riixiranyheny bededỹnana riijerekiki.

<sup>6</sup> Kia warybe bede ywina aõkõ rare. Urile wadohodỹna rare. Adee awikeki, tuu bityhinybenykeki.

<sup>7</sup> Ibutumy hãbu wawese rỹirakeki, awire. Iny sohoji sohoji tahe, Deuxu bede ywisidỹna tamy riwahinyra ijõ wiribi lahixi ihỹre.

<sup>8</sup> Ixihy mahãdu-ò wytese mahãdu-ò wadohodỹna rewahinyre: wawese hyy rỹirakeki, awire.

<sup>9</sup> Ixiwedukoeki, tahe boikre, tii arasahyy mabekelau.

<sup>10-11</sup> Hãbu hãwyy my heridu-ò warybe rewahinyra, tahe warybe aõkõ rare, Wanyrỹ rybe. Kia rare: Hãwyy uritere tahãbu ririõhyyke. Hãwyyõ tahãbu-ribi rexihixinykeki, ijõ-wana roiõke ada tahãbuwanale ixiby roike. Tule hãbu uritere tahãwyy risiõmy.

<sup>12</sup> Ijõ-ò warybe rewahinyra Wanyrỹ rybemy aõkõ: Ityhydỹdu seriõre ihãwyy ityhydỹdukõdukeki, uritere iatysyõmy hãwyy tii-wana rarekemy ratximyhyreki.

<sup>13</sup> Hãwyy ityhydỹdu ihãbu ityhydỹdukõdukeki, tule uritere iatysyõmy tahãwyy-wana rarekemy ratximyhyreki.

<sup>14</sup> Hãwyy dori ta hãbu ityhydỹũdukõdu riòbitinymyhỹre rityhydỹũnymyhỹ tii-wana ratximyhỹreki. Hãwyy ityhydỹũdukõdu iwesele ta hãbu risỹnyre. Aõkõkeki ariòre ityhydỹũdukõdumy raremyhỹ. Ka tahe rityhynyreri.

<sup>15</sup> Ityhydỹũdukõdu resekeki ixinamy rake. Kia wesekeki, ityhydỹũdu ritaamy aõkõ ihỹre. Kaiboho ywina-di boibekemy Deuxu ratximyhỹre.

<sup>16</sup> Hãwyy, teeryte ta hãbu rityhynykre aõbo, ada aõkõre aõbo? Aõkõ, teeryõte.

<sup>17</sup> Iwese Deuxu iny sohoji sohoji rihitxihitxinyre wese, boibemahãke. Iwese atximahãtenyete wese Deuxu anatadenydeu kia wese boibeke. Kiamy heka reerynanymahãre ibutumy dohodỹũna-ki.

<sup>18</sup> Inyõ notyky resyna-di bityhynykeki, kaweselemy mabeke. Inyõ õtyky resyna-di aõkõ bityhynykeki, juhuu tatemahã wese mabeke, notyky resydỹũõmy.

<sup>19</sup> Notykyresy aõ aõkõ rare, ityky resykõ tule aõ aõkõ rare. Deuxu bede ywina ywidỹũna, kia heka aõ wihikỹ rare.

<sup>20-21</sup> Iwese Deuxu ibutumy iny ditade wese, juhu widỹũnalemy mabeke. Deòdumy aõbo tetyhynyte, tahe tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make.

<sup>22-23</sup> Deòduõ-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyõ mahãdu rityhynyrenykeki, tiiboho deòdu roire. Deuxu aradyra òwyhykỹ-di tai tahe hãbu deòdumy aõkõ boibeke.

<sup>24</sup> Ityhydỹũdu seriòre, iwese atximahãte wese adee tarasanamy Deuxu rarybereu, kia wesele boibeke.

<sup>25</sup> Ijadõma-ò bede ywinamy Wanyrỹ Deuxu tarybe diwahinyõde. Ihãrele wadohodỹũna adee ariwahinykre kialemy. Deuxu dori tatòenamy riwaòbitinyre.

<sup>26</sup> Aõhebo kowa rotỹũnyre, awi aõkõ rare. Kia tahe aratohonykre: Iwese iny ratximyhỹre wesehyy, boibeke. Tii tahe wadee awire.

<sup>27</sup> Kai aõbo hãwyymy heridu tate. Tahe ixihitxidỹũmy nohõtiõmy. Kai aõbo hãwyymy heridu aõkõ tate. Tahe hãwyymy herimy nohõtiõmy.

<sup>28</sup> Tahe hãwyy-wana boikeki. Tii òraruna aõkõ rare. Tule ijadõma roiikeki tule òraruna aõkõ rare. Ibutu iny heridu iaõmydỹũ-ki aõhõkỹmy rotỹũnyrenyke. Ilau jiarỹ adeereny rarybere inyõ aõhõkỹmy rotỹũnyheny.

<sup>29</sup> Bededỹũnana he iòhòre. Tai tahe adee rarybere waseriòreboho, inyõ heridu ixihyno wese ratxikemy.

<sup>30</sup> Iny bedewomy ratxirerí, ixibedewodỹũ-ribi tõhõti rosake. Iny deysamy ratxirerí, deysa-ribi nohõti rosake. Inyõ aõ riwymyhỹré, ihokõ wese rotỹũnyke.

<sup>31</sup> Kabede aõna aõna kai bierysynanykeki iwese ierysydỹũõmy bisỹnyke. Kia aõna aõna ibutumy ituekre. Bededỹũnanahe aõwesele rexihukre.

<sup>32</sup> Ixiraõmy ahãbenyke, kiamy tahe adee watxiwãhãre. Inyõ heridu aõkõ Deuxu aõmydỹũna riywinymyhỹke, iwese Deuxudeewimy ratximyhỹkemy.

<sup>33</sup> Iny heridu heka bede aõmydỹũna riywinymyhỹre, iwese tahãwydeewimy ratximyhỹkemy.

<sup>34</sup> Kiamy rihitxinyre. Hãwyy tule heridu aõkõ Deuxu aõmydỹũna riywinymyhỹre taumy Deuxu Tytybytyhy òbitidỹũmy. Hãwyy heridu tahe bede aõmydỹũna-di rõhõtinyinmyhỹre tahãbudeewimy riywinykemy.

<sup>35</sup> Kia aratohodỹũnyra adeerenywikremy. Kaiboho arataaõtyhy. Urile anawiòhenanymahãde Deuxu iòhòmyhỹreki. Iòkõramy ibutumy arahenyrenykeny watxiwãhãre.

<sup>36</sup> Ijadõma tibiedỹũdu tatibiena-ò òbitimy aõkõ risỹnymy rexinohõtinyinmyhỹre. Ijadõma tahãbumy herina bede-ò rehemynyre. Tahe tatibiedỹũna-di inyõ-wana roikemy idi ihỹre, ixinamy roiike. Kia òraruna aõkõ rare.



<sup>37</sup> Weryrybò heriòkemy raruronykeki, tii tahe awire. Tii dori irurudire iheridỹnyke heny. Tii ixiumy wedu rare.

<sup>38</sup> Tahe riheridỹnykeki, tii awire. Tule riheridỹnyòkeki, iratyretyhy awire.

<sup>39</sup> Hãwyy hãbu-wana rỹihyyke hãbu irumy. Rurukeu tahe hãwyy aòtxile roike. Urile Wanyrỹ Deuxudeewimy.

<sup>40</sup> Tahe wytesetyhymy ratxihyykeki, teysamy rỹikre. Tuheka jiarỹ rahòtinyreri. Deuxu Tytybytyhy wawo-ki ratxirerimy idi rahòtinyreri.

## 8

<sup>1</sup> Katahe adeeremy ararybekre: Suritxoo-ò rỹsỹna xiwedỹnyamy. Inyboho ibutumy bedeery roire. Bede ery iny aònityhymy rixinohòtinyre. Luuna tahe inywiòhedỹỹdure.

<sup>2</sup> Inyò aòerysydumy rexinohòtinykeki tii aòwihikỹ rieryòre.

<sup>3</sup> Inyò tahe Deuxu luukeki, Deuxu tii rierymyhỹre.

<sup>4</sup> Kaa rỹsỹna suritxoo-ò xiwemy rawahimyhỹre. Kia tahe aritỹnynykre. Inyboho rieryrenyre suritxoo aò aòkò rare. Sohojihyy heka Deuxu rare.

<sup>5</sup> Iny deuxu aò òta òtalemy rininimyhỹre biu-ki, bede-ki. Iwese deuxu sòwemy ihỹre wese wedu sòwe rare.

<sup>6</sup> Inydeeremy Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeeremy Wanyrỹ sohojile rare, Jesuisi Kristu. Tii ibutu widỹỹdure. Tii ratximyhỹre xiery inyboho ratximyhỹrenyre. Tamy inyboho roire.

<sup>7</sup> Tahe ibutumy kia iny rieryòre. Iny sòwemy suritxoo iny reòwarimy rỹira. Tii riki ixiwenadumy riroxikeki, tai òraruna tuu relemyhỹre.

<sup>8</sup> Rỹsỹna aòkò riwatyhenyrenyra Deuxu-ò. Tai roxiheny rỹire. Rikirỹsỹrenyòkeki, rikiònonyrenyòtyhy. Rikirỹsỹrenykeki, aò rikitarenyòtyhy.

<sup>9-10</sup> Bexiebenyke. Urile ityhydỹỹdu aokòdu ixihe-ki iatysyòmy, aurihixinahe-ki. Suritxoo hetowo-ki inyò umy robikeki teroxiterimy, tii tule ijò rỹsỹmy rexiwonyre, xiwe rỹsỹmy.

<sup>11</sup> Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure.

<sup>12</sup> Kiamy ityhydỹỹdu seriòre-ò taòrarunyteki, tule Kristu-ò texiòrarunyte.

<sup>13</sup> Tai rỹsỹna òraru-ki ityhydỹỹ-ki waseriòre òraruna-txi resekeki, jiarỹ kia rỹsỹna ariroxiòtyhy, waseriòre òraru-ki.

## 9

<sup>1</sup> Jiarỹ adeeremy rexihyymy watxiwãhãre. Jesuisi teòdỹnyamy jiarỹ watxiwãhãre. Jesuisimy, Inynyrỹrenymy rabiòremy tahòtinymahãtenyete aòkò, Jesuisimy rabire. Waòraru-ki kaiboho ityhydỹỹdumy toite. Deuxu dee waòmysỹdỹỹ òraru-ki ayreny-ki.

<sup>2</sup> Inywitziraò-ò òsana Deuxu deòdỹnyakòmy watxiwãhãre. Adeeremy tahe inatyhymy Deuxu teòdỹnyamy wãhãre kaiboho dori wateòdỹny urihixinamy ahãtenyete Deuxu dee.

<sup>3</sup> Kia tahe warawyòdỹny rare iny witziraò-ò:

<sup>4-5</sup> Jiarỹ ariroxikeki, ariòkeki, tai aòkòhe awilere. Ityhydỹỹdu hãwyyò-wana, wawana aridykekò aòbo awileke. Kawese ibutumy Deuxu teòdỹny mahãdu rotỹỹmyhỹre, tule Jesuisi seriòre, tule Pedro.

<sup>6</sup> Jiarỹ, Banabewanahyyle raaòmysỹdỹỹwãhãre iny aòreny tarasanamy. Kia rikirirenykeki, awikeki, aòbo.

<sup>7</sup> Inyò aòbina-ò rakeki, ta aò aòbo riòwinyke? Aòkòre. Inyò oworumy uva bederaty ri-brònyke-wana, bederatyò aòbo ritòleke. Inatyhymy inyò teòte asi-ò riyrubunymyhykeki, ihowỹsymy aòbo riòmyhỹke? Kohe, riòmyhỹke.

<sup>8</sup> Kabexe hãbu wese aòbo jiarỹ rarybereri? Tule tahe bede ywina tyyriti aòbo riritinymy rỹimyhỹre.

<sup>9</sup> Moisesi bede ywina ritidỹna-ki rỹimyhỹre: –Broreniry itaaõmyhỹ maixõmo tyre rariamy risymyhỹreu. Deuxu aõbo broreni riwotõenymyhỹre. Aõkõre.

<sup>10</sup> Tahe waõrarureny-ki aõbo kia rarybere. Kohe. Inyõ ròbròmymyhỹreu, iyremy ritakemy rõhõtinyinymyhỹre. Tule inyõ riòròmymyhỹreu, ijõõ ixidee ritakemy rõhõtinyinymyhỹre.

<sup>11</sup> Deuxu Tyytybytyhy aõmydỹnanamy adeeremy anaerynanykeki, idi aõna aõna aribireny aritaleke, aõbo? Kia aõnityhyre aõbo?

<sup>12</sup> Iny wixira aõ aribi ritake-wana, jiarỹboho iratyre iu arõtarenkemy arotỹnyrenyke. Tahe tiu ròtaõhyre. Deuxu Rybewihikỹ tỹnydỹna ariokòròõtyhy. Tai ibutumy aõ wixira wixira riòludunywãhãre.

<sup>13</sup> Dohodỹna heto deòdu irysyna ritamyhỹre dohodỹna heto-ribi. Xiwe dinodu aõ rỹsỹna ritamyhỹre xiwena-ribi.

<sup>14</sup> Kia wese Deuxu rarybere; inyõ Rybewihikỹ ritỹnynykeki, ibutumy aõmy reamyhỹre ritamyhỹre, Rybewihikỹ aõmysỹdỹbro-ribi.

<sup>15</sup> Tahe jiarỹ aõ aribi retaõhyre tule kia reritinyreri aõ aritakemy aõkõ aribireny. Warybe inyõ riõnonykemy aõkõ watxiwãhãre iko-ki tahe arurukre.

<sup>16</sup> Jiarỹ Rybewihikỹ retỹnynymahãre, rexierymahãre dori aritỹnydỹke. Kia heka aõhõkỹ aõkõ waloosõnadikemy rare. Rybe aritỹnynyõkeki, heka aõbinatyhyõ wadee kanake inyhe.

<sup>17</sup> Ixidee wimy Rybe aritỹnynymyhỹkeki, tai ki aritakre. Ixideewimy aõkõ aritỹnynyke-wana, ihãrele tahe itỹnydỹmy iwahisidỹna wadee roire.

<sup>18</sup> Kiake-wana, timybo wawahidỹna ihỹre. Kia heka rare. Rybewihikỹ tỹnydỹ-ò arexiòwynyõtyhy. Aõbo inatyhymy wahõrõre, retaõhywãhãre.

<sup>19</sup> Jiarỹ inydeòdumy aõkõ rarehywãhã. Tahe iximy rexideòdunyre sõwemy iny òraru-ribi aritakemy.

<sup>20</sup> Judeu mahãdu-ò judeu wesemy jiarỹ rexisỹnyre, judeu mahãduõ dori òraru-ribi aritakemy idi watxireri. Moisesi bede ywina yrubudỹdu mahãdu dee ixiwesemy rexisỹnyre iòraru-ribi dori aritakemy. Urile jiarỹ kia bede ywiny rubudỹna aõkõ rare.

<sup>21</sup> Bede ywina aõkõ mahãdu dee ixiwesemy rexisỹnyre. Urile Deuxu bede ywina dire jiarỹ Kristu bede ywina yrubudỹdu jiarỹ watxiwãhãre. Kia iòraru-ribi aritakemy jiarỹ rexisỹnyre.

<sup>22</sup> Irurukõdu mahãdu-ò waruru aõkõ wesemy rexisỹnyre, irurukõdu mahãduõ ritakemy. Ibutu iny deewesemy rexisỹnyny rarewãhã, aõtxile tiibohoõ aritakemy iòraruna-ribi.

<sup>23</sup> Ibutumy rewinyre, Rybewihikỹ dee iwiòhedỹdukemy ixi-di wãhãre.

<sup>24</sup> Ijarana ròhònykeu ijaramy ijaranadu sohojile ròhònyra. Tiile wahidỹna ritake. Kaiboho maijarenybenyke tii bitakemy.

<sup>25</sup> Ibutumy ijaradu ixidi rorenymyhỹre aõikõkõmy rexierynanymyhỹre. Kia riwinymyhỹ wahidỹna ritakemy. Kia wahidỹna retybykre. Inydee wahidỹna tahe retybyõtyhy.

<sup>26</sup> Jiarỹ kawesemy rajaranyre aõ aritakemy. Axiò ijesumy resuwãhãre yhyle rehetenyneri wese aõkõ.

<sup>27</sup> Waumy-di ròrenyhyywãhãre. Wadeòdu wesemy waumy resỹnyre. Tai dori resỹnyre. Jiarỹ inyõ-ò Rybewihikỹ aritỹnynykeki, ywimy dehudu wesemy aõkõ arareke, adehuky-ribi riwata lau.

## 10

<sup>1</sup> Boholabenyke weseriòre ityhydỹdu mahãdu. Inytybyreny kia biuwetyky nonoe rawo-di roimyhỹ. Tule ahobesòhõkỹ rawo-di reurõrenyre.

<sup>2</sup> Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynyrenyre.

<sup>3</sup> Deuxu Tytytyby rÿsÿna sohojile wiwese wesele ibutumy rirÿsÿre.

<sup>4-6</sup> Deuxu Tytytybytyhy mona sohojile ihÿre. Bee manay-ribi nade. Mana tahe Kristuweselemy ihÿmyhÿre. Inynyrÿ kiamy roiremyhÿu. Deuxudeewimy aõkõ riwinymy hÿre. Tai rurure bedero-ki. Kia tahe inydeereny bedeery urihixina erysydÿÿnamy ratxireri, inyboho-dori aõbina widÿÿna aõkõ rokohotinyreny kemy, iwese tii-boho riwinyre wese aõkõ.

<sup>7</sup> Inyboho suritxoo tyhydÿÿdukõmy rokoireke iwese ijõ mahãdu tuu rerinanymy hÿre wese kõkremy. Ritina-ki roimyhÿre: –Tiiboho ronymy hÿre riroxikemy, riõkemy. Tahe ritamanyreny re risinykremy.

<sup>8</sup> Tule òta òtamy rrokotÿÿnyreny òke iwese tii riwinyre wese –tai 23.000 iny rurure sohojitxu-u.

<sup>9</sup> Deuxu urihixireny òmyke, iwese tii riwinyre wese. Tai rururenyre hemylala jurutana-ki.

<sup>10</sup> Ibura òmyke iwese tii ribuarennyre wese. Tai rubudÿÿdu rirubunynyre, Rubu Ýju wahe.

<sup>11</sup> Kia tahe bede ery urihixidÿÿna erysyna inydeereny ratxireri. Riritinymy hÿre iny bede erynarenymy. Bededÿÿnana konana-ò iòhòmy inyboho roire.

<sup>12</sup> Tahe inyõ òbitimy rÿimy rõhõtynykeki, tii rexiijemy ratxike reseke lau.

<sup>13</sup> Ixirana isirare inydee rehemyny òtyhy riki òluduny òtyhy. Deuxu awi rare. Riatty òtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai riki òludunyreny ke.

<sup>14</sup> Waluuna mahãdu, kaiboho suritxoo luuna-ribi bexiebeny.

<sup>15</sup> Adeereny rarybere, kaboho dori abederyreny kai bedeery wesetyhymy toiteki. Mohõtynybenyke aõmybo rarybereridi.

<sup>16</sup> Deysanamona hyna aõbo ityhydÿÿdu mahãdu wowydyna rare Kristu hãlubu wesemy tuu riõreki? Iny paõ riyreyreny reu, Kristu umy wesemy aõbo rare? Inydee aõbo wowydyna rare?

<sup>17</sup> Inyboho sòwe roire. Urile tahe paõ sohojihyy rare. Sohoji butunahyymy rare, paõ sohojiribile yre yre rarÿsÿre, inyboho sohojilemy roire.

<sup>18</sup> judeu ijoi-ò betehebennyke. Kia xiwe rirÿsÿreny reki, xiweribile ritamy hÿre. Kia aõbo òbitire.

<sup>19</sup> Timybo jiarÿ rarybereri? Rÿsÿna aõbo xiwenamy diwahinydeki, kia aõbo aõ rare ada ritxoo aõ aõbo rare.

<sup>20</sup> Kiamy aõbohe jiarÿ rarybereri? Aõkõre, tuu aõkõ rarybereri. Urile, kia raxiwe-my hÿre, diabo tyytyby-ò rare. Deuxu-ò aõkõ raxiwemy hÿre. Kaiboho diabo tyytyby ò-ò tamy bexiijemy. Tii-wana uritere noõmy.

<sup>21</sup> Wanyrÿ monamy biõkeki, tai diabo monamy tule biõke. Wanyrÿ roxi-ki biroxi-ikreki, tule tai diabo rÿsÿna rÿsÿõmykre.

<sup>22</sup> Deuxu aõbo iny kidihãrudenykre. Inyboho aõbohe ityhyreny re iratyre?

<sup>23</sup> Aõwaxiny tuu botÿÿnyke. aõmydÿÿnana awire. Ihãre tahe awiõre. Aõmydÿÿnana ixidee wimy botÿÿnyke. Urile aõmydÿÿnana riwiòhenanay òhyre.

<sup>24</sup> Uritere aaõmydÿÿnana sohojidile nohõtìõmy; tule inywitxira aõmydÿÿna-txi òhõtì beake tai aõwihikÿmy tamy biwinykre.

<sup>25</sup> Biròmy hÿke ibutumy aõ rÿimyhÿre meriadu-ki, nohõtìõmy aõbo raremy hÿmy.

<sup>26</sup> Ibutu bede aõmydÿÿna Wanyrÿ wahidÿÿna rare inydeereny.

<sup>27</sup> Ityhydÿÿdukõdu mahãdu ò aratobinymy, kai makeki, biroxi-ki ibutumy aõbo adee kidekre. Dÿÿraxiõmy araykywydyna òraru-ki.

<sup>28</sup> Tahe adee rarybekeki; kia ritxoo xiwe rare. Irÿsÿõmy, kia hãbu raykywydyna òraru-ki tamy ibinare wahe.

<sup>29</sup> Araykywydyna òraru-ki aõkõ jiarÿ rarybere, tahe iwitxira òrariki. Ijõ hãbu witxira rayky-di aõkõ aritòhõtinyinmy hÿke. Kia òsana inyõ rarybekre.

<sup>30</sup> Dealànadile jiarỹ ariroxiwãhãkeki, timybo inyõ ibinamy wamy rarybeke. Deuxu-ò dori rexydeylydỹnyra.

<sup>31-32</sup> Tai tahe, biroxybenyke-wana, biõbenykeki, aõmy botỹnykeki, ibutumy Deuxu wowydyna-ò botỹnyke. Inyõ atyhyna-di iatysyõmy, judeu mahãdu-ò, judeukõdu mahãdu-ò, tule Deuxu tyhydỹdu-ò.

<sup>33</sup> Ibutu dee rarurunywãhãre tamywikemy. Waaõmydỹnana sohojile aõkõ rahõtinywãhãre ibutu iny aõmydỹna dee rahõtinywãhãre tarasadỹmy.

## 11

<sup>1</sup> Iwese jiarỹ Kristu wesemy watximyhỹre wese kaiboho wawesele boibekre.

<sup>2</sup> Ararybekre: –Kaiboho awirenyremy kaiboho dori iwese bede eryna araerynanyre wese ibutumy teyrubunymahãtenyte.

<sup>3</sup> Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyyrati ratyre rare. Tule Deuxu tahe Kristu ratiwi ratyre rare.

<sup>4</sup> Hãbu rexytõenyreu, ritỹnynykeu tarahety-di, Kristu rityhynyõre.

<sup>5</sup> Hãwyyõ tahe rexytõenykeu, ritỹnynykeki tarahety-di aõkõ, tii tahãbu rityhynyõre. Tii dori tarade rasymyhỹre wese ratximyhỹre.

<sup>6</sup> Hãwyyõ tarade rihetynyõkeki, tii tarade riorokre. Hãwyy tarasylau raixỹrukeki, tahe tara rihetynykre.

<sup>7-9</sup> Hãbu tara rihetynyõmyhỹkre dohodỹna heto-ki. Bera-ò tyytyby wesemy Deuxu dee hãbu rare. Deuxu dee hãbu rare. Hãwyy tahe hãbu dee-ki rare. Hãbu heka hãwyy-ribi aõkõ dori iwidỹ rare. Hãwyy tahe hãbu umy-ribi iwidỹ rare. Hãbu hãwyy dee aõkõ relere. Hãwyy tahe hãbu dee relere.

<sup>10</sup> Tai tahe hãwyy tara riwõmyhỹke. Iu tahe hãbu rityhynymyhỹre ýju òraru-ki.

<sup>11</sup> Deuxu ityhydỹduy-ki wiwesele wiweselemy ratximyhỹre. Hãbu hãwyy-di ratxikemy; hãwyy hãbu-di ratxikemy.

<sup>12</sup> Iwese hãwyy hãbu-ribi relereu wese, hãbu hãwyy-ribi reamy raumynymyhỹre. Deuxu ibutumy riwinyre.

<sup>13</sup> Kaiboho mohotinybenyke: Hãwyy rexytõenyreu, tarade rihetynyke, aõbo ada aõkõre aõbo?

<sup>14</sup> Hãbu iraderehemy rỹira, tarati rityhynyõmyhỹre tuu rỹira. Kiamy bede riwaerynanyreny.

<sup>15</sup> Hãwyy tahe irade rehemy rỹira ixiruxeradỹmy rỹira, hety wese tamy iò rarekremy wahe.

<sup>16</sup> Inyõ iwitxiramy rexynohõtinykeki, tamy ararybekre, kia wese: Inyyreny-ki kia bede ywina rare ibutumy dohodỹna heto-ki.

<sup>17</sup> Aõwesebo botỹnykremy adee ararybekre. Wade awiõre iwese ahãtenyte wese kaiboho tebutunytenteu, kia arawiõhenanyõhyre urile tahe arabinanytyhyreny.

<sup>18</sup> Juhuu ararybekre timybo raholaremy: kaiboho texihitxinytenyte dohodỹnaheto-ki, kia tahe retyhynyriõremy watxireri.

<sup>19</sup> Wiribi bexihitxinybenykeki, tai iny õbiti rỹira bierybenykemy.

<sup>20</sup> Bibutunymyhỹbenykeu, Inynyrỹ roxina aõkõ terỹsỹmahãtenyte.

<sup>21</sup> Ijõ detiteremy taroxina riwymyhỹre inywitxirako-ki. Ijõ aõ rimyõmyhỹreki rama risamyhỹre. Ijõ tahe sõwetyhymy riõmy raitxỹtemyhỹre.

<sup>22</sup> Kai aõbo ahetoõre, tai biroxyimyhỹkemy, biõmahãkemy? Kia wese-ki Deuxu dohodỹna heto aõbo tetyhynyõhyymahãte. Iaõkõ rỹira mahãdu tule teixỹrudỹnymyhỹtenyte. Aõmybo ararybekre. Arawowydydỹnyrenykre aõbo? Aõkõre. Tai arawowydydỹnyrenyõtyhy.

<sup>23</sup> Kia Inynyrỹ-ribi retare, tule aerynany adeereny rewahinyre. Kia wahisidỹnadyna txuu, Jesuisi Inynyrỹ orotxu rimyre.

<sup>24</sup> Rexytõenyredi, riòròre, idi tahe rarybera:

—Kia heka waumy rare. Adeereny wahidỹỹmy watzireri. Kia biwinymyhỹkre, watzixi òhõtireny reakemy.

<sup>25</sup> Tule riymyhỹre rahudi, tahe bemona hyna rima, idi tahe rarybera:

—Kia heka wadeewimy Deuxu, iny-wana ratximyhỹre. Wahãlubu òraru-ki kia riwinyre. Kia biõmahãbenykreu, aõu watzixi òhõtireny reakemy.

<sup>26</sup> Tiubo paõ biymahãbenykreu, bemona hyna-ribi biõmahãbenykreu, warubu rybe tetỹnynytenyteri idi adòòsekreu.

<sup>27</sup> Tai inyõ òhõtĩõmy riykeki-wana, riõkeki-wana, tii Jesuisi umymy hãlubumy òraru-ki ratxireri.

<sup>28</sup> Sohoji sohoji taaõmydỹỹnana-di rohõtinkyre, idi tahe riymyhỹre, riõmyhỹkre.

<sup>29</sup> Inyõ Jesuisi umy-di rõhõtinyõkeki, ixidee aõbinahakỹ kidiwinyke.

<sup>30</sup> Kia òraru-ki sõwemy binamy òhyyle toite, tule iny sõwemy rurumy rỹira.

<sup>31</sup> Iny ixi-di rohõtinkykeki, aõbinahakỹ rexierykemy, tahe iny rexiòbitinyke. Deuxu tai aõhõkỹmy rotỹỹnyõtyhy.

<sup>32</sup> Inynyrỹreny inyboho riòbitinymyhỹre. Kiamy heka bede mahãdu-wana aõkõkeki, aõhõkỹmy rotỹỹnyrenyke.

<sup>33</sup> Kiamy, waseriòreboho, roximy bibutunykrey, ijõ wii biraòbenyke.

<sup>34</sup> Inyõ rama risamy rỹikeki, taheto-ki riroxike tai rihuõmy rỹimyhỹkre Deuxu ywisidỹỹna-ki. Adee arehemynykrey, ijõ kia aõna aõnamy arðerynanyrenyke.

## 12

<sup>1</sup> Deuxu Tyytybytyhy bede eryna witzira witziramy adeereny ararybekre, araerynanyrenyke.

<sup>2</sup> Ityhydỹỹdukõdumy toitemahãu, aõõ aradyrenyke suritxoo rybeòhõkỹ-ò.

<sup>3</sup> Tai arabedeerynryeri: Inyõ Deuxu Tyytybymy rarybemyhỹkeki, tii rarybeõtyhy: Jesuisi ibina rare. Tule inyõ uri rarybeõtyhy: Jesuisi Wanyrỹ rare. Tii Deuxu Tyytybytyhydile tuu rarybekre.

<sup>4</sup> Deuxu Tyytyby bede eryna witzira witzira sõwemy rỹire. Deuxu sohojile tahe iwahidỹỹdu rare.

<sup>5</sup> Aõmysỹdỹỹwi-ribi lahixi rare, tahe Inynyrỹ sohojile rare tamy rakaaõmysỹdỹỹnyke.

<sup>6</sup> Aõmydỹỹna wiribi lahixi rare, tahe Deuxu sohojile ibutudỹỹdu rare. Tii iny-ò aõmysỹdỹỹna widỹỹna riwahinyre.

<sup>7</sup> Sohoji sohoji tabedeeryna witzira witzira Deuxu Tyytybytyhy-ribi ritamyhỹre ibutu iny wiòhedỹỹmy.

<sup>8-9</sup> Inyõ-ò bede eryhỹkỹ wahidỹỹmy ratxireri, Deuxu Tyytybytyhy iwahidỹỹdure. Ijõ-ò tahe rybe bedeerydỹỹ wahidỹỹmy ratxireri, iwahidỹỹdu tiile rare. Ijõ-ò tahe ityhydỹỹtyhy-ki rarekemy. Deuxu Tyytybytyhy iwahidỹỹdure. Ijõ-ò tahe, òhotibedumy rarekemy. Deuxu Tyytybytyhy risỹnyre rare.

<sup>10</sup> Ijõ-ò tahe, bedeòby widỹỹdumy rarekemy, ijõ-ò rybe-di tỹnydỹỹdumy, ijõ Tyytyby erydumy, ijõ rybewitziramy rarybekemy, ijõ rybe wiuròdỹỹdumy.

<sup>11</sup> Deuxu Tyytybytyhy sohojile tahe iwahidỹỹdu rare. Tii sohoji sohoji-ò riwahinymyhỹre ixideewimy.

<sup>12</sup> Iny umy sohojihyy rare. Urile iaõmydỹỹnana sõwere. Kia wese ityhydỹỹdu rỹira ityhydỹỹdu mahãduy-ki, Kristu-ki iny sohojihyyre.

<sup>13</sup> Sohoji sohoji mahãdu-ribi rabutura, ijõ judeu mahãdu-ribi, ijõ judeukõdu mahãdu-ribi, ijõ deòdu mahãdu-ribi, ijõ deòdukõdu mahãdu-ribi. Wiji tahe Deuxu Tyytybytyhy-di sohoji hõrõmy iny rỹire. Idi tahe inyboho tỹximy rỹire.

<sup>14</sup> Umy dori sohoji aõmydỹỹnana-di aõkõ rare, sõwere tahe.

<sup>15</sup> Inywa rarybekeki kia rarybekre òsana: jiarỹ umy aõmydỹỹnana aõkõ watzireri, debò aõkõ dori rare. Kia rarybekeki, ihãre ta umy aõmydỹỹnanaõlemy ratxireri.



16 Nohõti rarybekeki: rue aõkõ jiarỹ rare, tai dori umy aõmydỹỹna aõkõ rare, Kia rarybekeki, ihãre ta umy aõmydỹỹnanale ratxireri.

17 Ibutumy umy ruelemy ratxikeki, timybo rokoholarenkyre. Ibutumy nohõtiley ratxikeki, timybo rue rareke timybo robirenykre.

18 Deuxu ibutumy aõ ritidire, titxibo ixideewimy rõhõtinyre.

19 Ibutumy aõmydỹỹnana wiweselehekỹkeki, timybo raaõmysỹdỹỹnyke?

20 Inatyhymy aõmydỹỹnana sõwere. Umy tahe sohojilere.

21 Rue debò dee rarybeõtyhy: Kai aõ aõkõ tate. Tule ratiheka waò rybeõmy: Kaikõkeki wadee awike.

22 Kia kỹnyhe. Aõ aõmydỹỹnana inydeereny iruruõmy aõmy aõkõ rỹire wese, tii aõwityhy rỹire.

23 Tule aõbo inydee aõmy aõkõ rỹira tamyhe woreke rỹimyhỹre iruxeramy aõkõ rare, iny woreke rỹimyhỹre.

24 Aõbo inyummy-ki iruxeramy rare, kia uridyỹõmy. Deuxu tahe umy aõmydỹỹnana ibutumy ributumy. Tii aõ ibuturatyre rityhinyre.

25 Kiawese alòreõmy umy-ki ibutumy umy aõmydỹỹnana wiwana raaõmysỹdỹỹnymyhỹre wii riwiòhenanymyhỹre.

26 Sohoji aõmydỹỹnana txubererekeki, iuhe rubererenyke. Ijõ teysakeki inyõ riwowy-dynykeki iuhe reysake.

27 Boholabenyke, kaiboho Kristu umy mahãduõ toite. Ityhydỹỹdu sohoji sohoji heka umy aõmydỹỹnanaõ wese rare.

28 Deuxu ityhydỹỹdu mahãduykile iny rihitxinyre. Juhuu Jesuisi teòdỹỹdu mahãdu, ihewo-ribi Deuxu rybe tỹnydỹỹdu mahãdu, idi ierydỹỹdu, aõwiihikỹ widỹỹdu, òhotibedu mahãdu, wiòhedỹỹdu, dinoduwesedỹỹnadu, rybewitxira erysydumy.

29 Ibutumy deòdu aõbo roire? Ibutumy tỹnydỹỹdu aõbo roire? Ibutumy erydỹỹdure aõbo? Ibutumy aõwiihikỹ widỹỹdure aõbo? Aõkõre wii ihitxihitxire.

30 Ibutumy ywisidỹỹ rieryre aõbo? Ibutumy rybe witxira rybedu aõbo? Ibutumy rybewitxira wiuròdỹỹdure aõbo? Aõkõre.

31 Tahe, eryna wiwihikỹmy mynyny, atximyhỹbenyke. Tahe ariteòsynkyre tibo ryy.

## 13

1 Ibutumy iny rybe witxira witxira arierykeki, ýju rybe adierkykeki, kia tahe luuna-di aõkõkeki, jiarỹ aõwodỹỹna widỹỹna wesemy ararekre.

2 Jiarỹ ibutumy Deuxu rybewahidỹỹ eryna ijõdikeki, ibutumy bedeery ijõdikeki, hãwãlò iherina-ribi aritake watyhydỹỹna kiadikeki, tahe luuna-di aõkõkeki, aõ aõkõ watxireri.

3 Ibutumy waaõmydỹỹna iny aõkõ mahãdu-ò ariwahinykeki. Waummy Kristu Rybewihikỹ dee òraru-ki wòsikemy ariwahinykeki, tahe luuna ijoõkeki, kia heka aõkõweseleke.

4 Inyõ luunadikeki, ywimy rarekre, awimy rarekre, ihãrukõmy rarekre, luunadikeki, ixityhydỹỹdukõmy rarekre.

5 Inyõ luunadikeki ihỹkỹhỹkỹmy aõkõ rarekre. Ixisohojidile aõkõ rõhõtinykre.

6 Òbitiõna-di deysaõmy, inatyhyle kedeysakre.

7 Moõ iluunadireki ibutumy aõhebo rotỹỹnykre, ibutumy rityhinykre, ibutumy ri-raòkre, ibutumy riòludunykre.

8 Luuna tiu itueõtyhy, tahe rybe tỹnydỹỹna aõutumy ituekre, rybewitxiramy rybe ituekre, bede eryna erysynamy tule ituekre.

9 Inyboho iyrelemy rieryrenyre. Tule iyrelemy ritỹnynyre.

10 Aõutumy tahe kia iyre rexihukre, ibutumy kanaerykre, kia hãbu òbiti tyhy kedehe-mynykeu, Kristu wahe.

11 Uladumy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe, wauladumy nona rerire.

<sup>12</sup> Wiji tahe inyboho robirenyre, iwese itxerenatỹnykowese-ki, kiatrixuu tahe, wiòsanamy rokobirenykre. Katahe iny rieryrenyre txuraõ, kiatrixu tahe, iwese tii inyboho dierydenyde wese rikieryrenykre.

<sup>13</sup> Tahe inataõ aõmydỹỹna rỹire: ityhydỹỹna, iraròsòna, luuna. Ijõ ratyre tahe luuna rare.

## 14

<sup>1</sup> Luuna-di boibeke ibutu ijõ ratyre. Tyytybytyhy erysyna biijebenyke. Iratyre biijebenyke Deuxu rybe tỹnydỹỹna erydỹỹna.

<sup>2</sup> Inyõheka rybe wixiramy rarybekeki, hãbu-ò aõkõ rarybereri. Deuxu-ò sohojile rarybere. Inyõ irybe rieryõre. Deuxu Tyytybytyhy rybe tii erydure.

<sup>3</sup> Inyõ Deuxu rybemy rarybemyhỹreu, iny-ò rarybereri. Tai riwiòhenanymhỹre, riòbitinymhỹre, riteysanymhỹre.

<sup>4</sup> Inyõ rybe wixiramy rarybereu, tiilehyy rexiwiòhenanymhỹre. Inyõ tahe rybe ritỹnyky wana, dohodỹỹna mahãdu riwiòhenanyre.

<sup>5</sup> Ibutumy rybe wixiramy rarybekeki, tii tahe wadee awire. Tahe ibutumy Deuxu Rybewihikỹmy rierynanykeki, kia iratyretyhy wadee awire. Deuxu rybe tỹnydỹỹna tahe, rybe wixiramy rybedu ratyre rare. Wiuròsòdỹỹdudile rybe wixiramy rarybeke dohodỹỹdu mahãdu wiòhedỹỹmy rarekemy.

<sup>6</sup> Jiarỹ adeereny ararybekeki, rybewixira-di. Tiwesebo arãwiòhenanyrenyke. Urile bedede erytỹmyra-di, erynatyhyhyky-di, inatyhyeryna-di araerynanykeki, kia-di tahe arãwiòhenanykre.

<sup>7</sup> Ka tahe wiudỹỹna rare. Wyhyhykỹ jurònawesena ada rerotisõmo wiudỹỹna kidiwiunykkeki, tahe awimy riwiunyõke, timykibo iny rieryke aõbo riwiunyreri.

<sup>8</sup> Tule juròna òbitimy ritxurònyõkeki, timykibo aõbinadu mahãdu rierykre aõbina-ò nomy rexiywinykemy.

<sup>9</sup> Kaiboho tule kiawesere. Inyõ arybe rieryõkeki, tiwesebo rieryke aõmybo tarybetenyteri. Kiawese dori yhydeele tarybetenyteri wese.

<sup>10</sup> Inatyhymy sõwemy rybe wixira rỹire bedeki, ibutumy tahe aõna aõnamy rybedu rarybere.

<sup>11</sup> Aõmybo rarybere arierykõkeki, rybedu dee jiarỹ iny wixira, rybewixiraõ tamy rare, tule tii wadee rare.

<sup>12</sup> Kaiboho Deuxu Tyytybytyhy eryna teijetenyteri. Tai dohodỹỹna mahãdu wiòhedỹỹmy marurunybenyke.

<sup>13</sup> Inyõ rybe wixiramy rarybekeki, iòbitidỹỹnamy rexitòenyke.

<sup>14</sup> Rybe wixiramy arexitòenykeki, watyytybyle rexitòenyteri waraykywydyna-ò ralòõtyhy.

<sup>15</sup> Tai tahe aõhebo arotỹỹnykre? Watyytyby-di, warayky-di arexitòenykre. Idi watyytyby-di warayky-di arawiunykre.

<sup>16</sup> Kai atyytybyle-di textòenymhỹteu, timykibo inyõ rierykemy? Idi rarybeke aixitòedỹỹna rexihukeu. Tii dori arybe rieryõre.

<sup>17</sup> Kai tahe inatyhymy awimy textòenyte, tai tahe iny aõ rieryõhyre, idi riwiòhenanyõtyhy.

<sup>18</sup> Deuxumy reàlàwãhãre. Jiarỹ dori aratyreny rybe wixiramy rarybemahãre.

<sup>19</sup> Tahe dohodỹỹna mahãdu-ò iruyre rybe eremy ierysynamy ararybeke ada sõwemy rybe eremy iwixira rybemy anarybekeki. Juhule wadee awityhyre ijõ ratyre-ki iny kiawese inatyhymy reerynanyre.

<sup>20</sup> Waityhydỹỹdu seriòre uladu raykywesemy aõkõ bexiraykynymhỹbenyke. Inyery bederyhykỹ wese maraykynybenyke. Aõibina erysynale uladu aõeryõ wesemy boibeke.

<sup>21</sup> Bede Ywina tyyriti-ki kia rÿire: –Kia inydee, hãbu rybe witzira-di anarybekre. Ihãre ta warybe dee tiiboho roholarenyõkre. –Kiamy tahe Wanyrÿ rarybere.

<sup>22</sup> Inatyhymy tahe iwitzira rybe rybemy ityhydÿÿdu mahãdu dee deòsina aõkõ rare. Kia ityhydÿÿdukõdu mahãdu dee deòsina rare. Tule Deuxu rybe tÿnydÿÿna ityhydÿÿdu mahãdu-ò rare.

<sup>23</sup> Dohodÿÿna mahãdu wii ributunykeu, rybewitziramy rarybemyhÿreki. Ityhydÿÿdukõdu mahãdu ralòkeki, iny ierykõdu ralòkeki, timybo tii rõhõtinyke. taitxÿtetenyterilemy idi rõhõtinyke.

<sup>24</sup> Tahe ixityre ityhydÿÿdukõdu mahãdu ralòkeki, tahe Deuxu rybemy rarybereriò, ralòkeu, tii rexierykre òrarudumy rare, ibutumy aõwõmy roholare tarayky riixixanyke.

<sup>25</sup> Aõbo tawo-ki riwõmy rÿimyhÿredi rexierymy ixi-di rõhõtinykre. Tai resekre tatiowomy Deuxu deàlànamy reàlàkremy. Tule rarybekre: –Inatyhymy Deuxu ayreny-ki ratxireri.

<sup>26</sup> Aõhebo dohodÿÿna-ki rokotÿÿnyrenykre waseriòreboho wii rikibutunyrenykreu. Kia heka rare: Inyõ wiuõmy kanawiunykre, ijõ tasÿ Deuxu rybe bede erydÿÿna kedeerynanykre, ijõ itÿnydÿÿnamy kanarybekre, ijõ rybewitziramy rybena kanarybekre, ijõ iwiuròsòdÿÿnamy kanarybekre. Aõhebo botÿÿnybenyke ityhydÿÿdu wiòhedÿÿnamy rarekemy.

<sup>27</sup> Inyõ rybewitziramy rybemy ratxire riki, inatxi inataõlemy rarybeke, wihewomy, tule iwiuròsòdÿÿdulemy rarybekre.

<sup>28</sup> Wiuròsòna ihoõkeki, rybeõlemy ronyke dohodÿÿna heto-ki. Ixiwanale Deuxu-di rõhõtinyre, rexitõenymy.

<sup>29</sup> Urile inatxi, inataõlemy rybe tÿnydÿÿdumy rarybekre wana, ijohonadu mahãdu tahe irybe-di rõhõtinytyhyke timybo.

<sup>30</sup> Ijõhonadu-ò itÿnydÿÿna rybemy ratxikeki, rybedu rexihudi rarybekre.

<sup>31</sup> Ibutu dori Deuxu rybemy rarybekre, sohoji sohojimy. Tai ibutumy rierykre, reysakre.

<sup>32</sup> Rybe tÿnydÿÿdu mahãdu rayky, tiile rexierymyhÿkre.

<sup>33</sup> Deuxu tahe wimy uriuridÿÿdu aõkõ rare; tii tahe òbitina widÿÿdu rare. Ibutu ijõ dohodÿÿna heto-ki kia wesemy rare.

<sup>34</sup> Hãwyy tahe dohodÿÿna-ki roholamy rÿimyhÿre rybeõhykymy tai aõwedumy aõkõ. Ywilemy rÿirake iwese judeu bedeywidÿÿna roimyhÿre wese.

<sup>35</sup> Tÿÿraxinadikeki taheto-ki tahãbu-ò rÿÿraxike. Hãwyy dohodÿÿna-ki rarybemyhÿre heka ixÿruna rare.

<sup>36</sup> Timywese tahõtinytenyte. Deuxu rybe aõbo aykyreny-ki rònõnyre ada kaiboho sohojile aõbo ijõdire.

<sup>37</sup> Inyõ rybe tÿnydÿÿdumy ixi-di rõhõtinykeki ada Deuxu Tyytybytyhy-ò wiòhedÿÿnamy rarekeki. Timybo rarybekre. Kia waryberiti heka Deuxu bede ywidÿÿna rierykre.

<sup>38</sup> Inyõ kia rityhynyõkeki, tii wile ratyhyõdÿÿõkre.

<sup>39</sup> Iribi tahe waseriòre tÿnydÿÿdumy boibekemy atxibenyke. Ixinamy rybewitziramy iny rarybemyhÿke.

<sup>40</sup> Ibutumy aõhebo botÿÿnybenyke. Òbitilemy, ywilemy.

## 15

<sup>1</sup> Aõtxi õhõtireny araijaradÿÿnykre. Kia tahe rare. Rybewihikÿ iwese adeereny retÿnynyre wese, tetyhynytenyte wese, tule tetyhynyhy ahãtenyte.

<sup>2</sup> Tai tahe tarasanawo-ki ahãtenyte rybe teeryhy ahãtenyteki iwese retÿnydÿÿnyre wese. Aõkõkeki arõtenareny aõtyhy aõkõ adeereny ihÿre.

<sup>3</sup> Juhuutyhy adeereny retÿnynyre iwese raholare wesemy. Kia rare: Kristu iny òrarureny dee rurure. Kiamy heka ritidÿÿna roire.

<sup>4</sup>Tule mana wabede-ò rahãluure. Inataõ txu idi rỹidi tahe, rubu-ribi rexixare, ritidỹỹna rarybere wese.

<sup>5</sup>Rexideòsinyre Pedro dee, idi tahe waòinatxi mahãdu dee.

<sup>6</sup>Idi tahe 500 iny ratyre tuu robire. Kia iny ityhydỹỹdu seriòre mahãdu ibutumy rexibutunymyhỹre Jesusimy robire. Ijõ rurure kia butudỹỹnay-ribi, tahe ijõ irulemy ihỹmyhỹre.

<sup>7</sup>Iribi tahe Txiau tuu robire, idi tahe ierydu mahãdu ibutumy tuu robire.

<sup>8</sup>Ihewo-ribi tahe jiarỹ tuu rabire. Iwese uladu ibededỹỹnanakõmy reare wese tuu rabire.

<sup>9-11</sup>Jiarỹ ierydu hewo ludu rare. Uritere erydumy wanidỹỹõmy watxiwãhãre, raixỹrure wahe. Jiarỹ dori juhuu ityhydỹỹdu mahãdu aõhõkỹmydỹỹdu rare. Deuxu ruxetòenale dori aõmy watxiwãhãre. Iruketòena aõnihikỹmy waki riwinyre. Jiarỹ dori ibuturatyre aõmysỹdỹỹna rewinyre. Tahe jiarỹ aõkõ wãhãre. Deuxu ruxetòenamy wahãre jiarỹ aõbo ada tiiboho aõbo adeereny relyyrenyre, idi kaiboho tetyhynyletenyte.

<sup>12</sup>Kristu rubumy roira-ribi rexixara, kiamy heka rarybemahãrenyre. Aõherekibo inyõ rarybereri rurumyhỹre-ribi inyõ rexixaõkremy.

<sup>13</sup>Inyõ tiu rubu-ribi rexixaõkeki, Kristu tahe rexixaõre tarubu-ribi.

<sup>14</sup>Kristu rubu-ribi rexixaõre wana, jiarỹboho aõmy waryberenyõna idi aõ atyhydỹỹnaõna.

<sup>15</sup>Kristu inatyhymy rexixaõkeki, inyboho Deuxumy ruimy rybedu mahãdumy roire. Kristu ixixana rybemy dori jiarỹboho rarybemyhỹrenyre. Kiata bohe Deuxu, Kristu riixixanyõlere.

<sup>16</sup>Rubumy roimyhỹre mahãdu rexixaõkeki, taita Kristu rexixaõre.

<sup>17</sup>Kristu rexixaõkeki, ainatyhynareny aõ aõkõ rare. Aõrarudile ahãtenyte.

<sup>18</sup>Tule, ityhydỹỹ-di rurure mahãdu, biu-ò ròiõtyhy.

<sup>19</sup>Kabede-ki sohojile inyboho Kristu riraõmyhỹreki, inyboho bedewotyhytyhymy roire.

<sup>20</sup>Inatyhymy taheka Kristu rubumy roire-ribi rexixare. Tii juhuuludu rubu bede-ribi dòòsede mahãdumy roirekemy, tai iny tule rerexixarenkre.

<sup>21</sup>Iwese hãbu sohojiõ rubu diwyde wese, tule hãbu sohojiõ rubu-ribi ixixana diwyde.

<sup>22</sup>Iwese Adaõ-ki ibutumy iny rurukemy rỹimyhỹkemy tule Kristu-ki ibutumy ixixana kiditakre.

<sup>23</sup>Kristu bededỹỹnana kedehemyhỹkreu, rubu-ribi ixyby ixixana kòdòhònykre. Kristu juhuu rexixare, ihewomy tahe taeryna mahãdu kidiixixanykre.

<sup>24</sup>Tai tahe bede konanakre. Jesusi ibutu wedu mahãdu, bede dinodu mahãdu, Iòlò mahãdu kanahukre. Tahe ibutumy tyby Deuxu-ò òlòna kidiõkre.

<sup>25</sup>Jesuisi tahe ibutu ratyre Iòlòmmy ratxikemy rarehyykre. Iòludu mahãdu ibutumy iwarawo-ki rỹikre.

<sup>26</sup>Iòludu konana heka, rubu rare. Tii tule riixãwididỹỹnykre.

<sup>27</sup>Ryberiti kiawese roire: —Deuxu tahe ibutumy iwarawo-ki ritidireri. Iximy ritidiõtyhy tii dori tidisidu rare.

<sup>28</sup>Rexihudi tahe tule iRiòre ritidikre. Tai tahe Deuxu ibutu iòlòmmy rarekre.

<sup>29</sup>Rubumy rỹira ixyby kedexixaõkeki aõherekibo iny deròwy teratisebenyteri, rubumy roira mahãdu hãrehekỹle wahe.

<sup>30</sup>Aõherekibo berebunatyhyhykỹ-txi inyboho iòhãrumy ratximahãrenyre txuõ txuõlemy.

<sup>31</sup>Ibututxu rubu reijemyhỹre. Adeereny wawowydynatyhymy watxireri. Jesusi Kristu Inynyrỹ òraru-ki. Tai heka kia lau rarybemahãre.

<sup>32</sup>Hãbu mahãdu-ò Efesu hãwã-ki iròdu debure-ò aõbina wese resumahãreki aõtyhybo aritakre? Inatyhymy aõbo? Rubu rexixaõkeki, rikiroxiryrenyke, rikiõrenyke, biurasòmmy

dori rukururenykre. Aõ aõkõ inytyhydỹna. Kia riki ityhydỹdukõdu mahãdu tuu rexirybenyke, abiõwa mahãdukeki.

<sup>33</sup> Ixi itxenadỹõmy: kia biõwa bina dori iny ixihemy riatymyhỹre.

<sup>34</sup> Ywityhylemy boibeke, õbitilemy òrarurenyõmy, sõwemy iny Deuxu rieryõre. Kia heka iny ixỹrudỹnareny rare, tai rarybewãhãre.

<sup>35</sup> Tahe inyõ kanarybemyhỹkre: –Timybo rubu kedexixakre. Aõumywesemykre iumy?

<sup>36</sup> –Itxỹte, juhuhu alõborõna rabrõõkeki tiu txuhuõna.

<sup>37</sup> Telõho iny ribõrõnyõtyhy, ityle iny ribõrõnyke. Iwese maixõmoty ribõrõnyke ada oworuty wese.

<sup>38</sup> Ibututy-ò Deuxu iraty umy riwahinymyhỹre ixideewireki. Deuxu ixideewimy alõbõrõna ritxuhudỹnymyhỹre timybo?

<sup>39</sup> Dee ibutumy wiwese wese aõkõ rare. Inyde, irõdude, nawiide, uturade ibutumy tahe wiribi hitxi hitxire.

<sup>40</sup> Biumy rỹira mahãdu tule lahixire, aõwitxira witxira bedemy rỹira kia wowy-dynareny wiribi hitxire. Tii-wana wimy rahixirananyre.

<sup>41</sup> Txuu ahãdu, taina, iloosõnareny wiribi hitxire. Taina ijõ taina-ribi iruxeratyhyre.

<sup>42</sup> Tai tahe kia wese rubu-ribi ixixana rỹimyhỹre. Umy rubu su-ò rahãloodỹmyhỹre rarõnyhe txu. Idi tahe irulemy kòdõhõnykre, alõbõrõna ruhunymyhỹre wese tahe umy tuedeõnaõ. Bede luruhukỹ-ki rahãloodỹmyhỹre, tahe loosõnatyhy-ki kòdõhõnykre.

<sup>43</sup> Iruruõ-di umy heka rahãloodỹnymyhỹre ibinare, tahe iruxeramy tarurutyhy-di kòdõhõnykre.

<sup>44</sup> Iny umy wesemy rahãloodỹmyhỹre, tahe tyytyby wese kia umy-di kòdõhõnykre, biuludu mahãdu wahe.

<sup>45</sup> Kiamy heka ritidỹna-ki roire. Iny umy riuhemyhỹreki, tule tyytyby umy riuhemyhỹremy rỹire: Juhuu inyiru Deuxu riwinyre Adaõ heka rare.

<sup>46</sup> Juhu tahe inyumyreny tayry-di riwinyre idi tahe ritytybynyre.

<sup>47</sup> Juhuu ludu hãbu suribi ije rare. Ihewo-ribi Hãbu biu-ribi ihỹre Kristu wahe.

<sup>48</sup> Juhuu hãbuwesemy ibutumy iny bede ludu ihỹre juhuhu inytyhy wese wahe. Hãbu biuludu wesemy ibutumy biu ludu mahãdu ihỹre.

<sup>49</sup> Tai tahe kabede hãbu wesemy inyboho rỹimyhỹrenyke wesereki, tule biu ludu Hãbu wesemy rỹkỹirenyke.

<sup>50</sup> Waityhydỹdu Kia heka rarybemahãhyreri, iwese inyboho ihỹmyhỹrenyke wesemy tiu Deuxu Òlõna-ò ralõõtyhy. Iny umy heka ruruhyy umy rare, tai tahe Deuxu Òlõna ritaõtyhy, kowa-ò dori iny umy ruruõtyhy.

<sup>51-52</sup> Tahe aõbo teeryõte adee aritỹnykyre: Ibutumy iny ruruõkre. Ibutumy ityhydỹdu iny ruruõle iumy riwitxiratỹmyranykre, aõwesele reakre, iny tarue riberenymyhỹre wese reakre, ikonana jurõna ritxurõnykre. Jurõna ritxurõnykre idi ibutumy ityhydỹdu rubumy rỹira riumywitxiratỹmyranykre umytuedeõna-di. Inyboho ityhydỹdu mahãdu tulekre.

<sup>53</sup> Tahe rekexiwiurõnyrenyke, iny bede umy dori rurumyhỹre. Rakaumynykre umy witxira-di taita rukururenyõtyhy.

<sup>54</sup> Iny umy witxiradikre, tahe kia rybe rexihumy rỹikre: Ryberitina rarybere: –Rubu ijesu rikitarenykre:

<sup>55</sup> –Aõherekibo rubu, aijesuna wawana tetaõta? Aõherekibo tiwamytxitidỹnyõte?

<sup>56</sup> Òraru rubumytxitidỹdu rare. Bedeywidỹ òraru ruruõỹna rare.

<sup>57</sup> Deuxu umymy rekealãmyhỹkre, tii dori ijesu inybohoreny ritakemy riwiõhenanymyhỹre. Jesuisi Kristu Inynyrỹ-di diwiõhenanymyhỹde.

<sup>58</sup> Tahe weseriõre luu mahãdu, bityhynhybenyke, ywihyyumy ahãbenyke, Wanyrỹ aõmysỹdỹna-ò hyy tiemy ahãbenyke. Aaõmysỹdỹna Wanyrỹ dee, idi inydee awimy rarootinymyhỹre.



## 16

<sup>1</sup> Nierumy ararybekre. Kia bibutunykemy kowa tyhydÿÿdu mahãdu-ò, Judeia mahãdu wahe. Iwese Alatxia mahãdu-ò ròerynanyre wese, kaiboho tule ijõ dee bitabenyeke.

<sup>2</sup> Semana juhu ludu txuu, iny sohoji sohoji tiwesebo tòtatenyte jura birarenymahãbenyeke rawahikremy.

<sup>3</sup> Tai adehemynykreu kia nieru rexihumy rÿikre myiõtyhy tahe ijõ rarasamy. Tahe mobo kai tyyriti-di bidadakre, tii-wana nieru iny ariteònykre Jerusalẽ-ò.

<sup>4</sup> Tahe jiarÿ arakewana iny dee wikeki, tuu wawana kodoikre.

<sup>5</sup> Macedonia bede-ò arakre rahudi arehemynykremy adeeremy watzireri. Macedonia-di delemy arakre.

<sup>6</sup> Araroorehenykre òsana biubede taile arahukre awanarenhyhyle. Tai ele elemy biwatÿidÿÿnykre titxibo arakemy.

<sup>7</sup> Deuxudeewikeki urihimyò aõkõ akireny bede arieke bededÿÿnana arahukre akireny.

<sup>8</sup> Efesu hãwã-ki Pentecoste woranabedehesi konana-ò ariijekre. Idi tahe arakre.

<sup>9</sup> Ijõtòbònahakÿ wese irayhyky rÿimyhÿre waaõmysÿdÿÿ. Tai waaõmysÿdÿÿna irutaõre, ihãre ta wamy òludu sòwewe. Namy sòwehyymy taheka òludu rÿire.

<sup>10</sup> Tahe, Tximòtxi rakeki, iixÿru lau biijemy tii dori Deuxu aõmysÿdÿÿna diwinymyhÿde wawese.

<sup>11</sup> Inyõ Tximòtxi-di aõmy aõkõ ihÿkeki heka wadee awiõre. Wadee itÿina-ò biwiòhenanybenyeke ywina-di. Reraòmahãre dori ityhydÿÿdu seriòreboho wana kanakemy.

<sup>12</sup> Inyseriòre Apòlo-ò sòwemy rarybewãhãre arorarenymy rakemy ijõ iny seriòreboho-wana. Tahe tii heka Deuxudeewimy aõkõ idi ròhòtinymyhÿre. Idi tahe rakre ixideewimy tiu txumybo.

<sup>13</sup> Aõu aõu bexiywinylemy borukubeke. Inatyhymy òbitimy myibenyeke, hãbu rurutere wesemy bexirurudÿÿnyke.

<sup>14</sup> Aõhebo botÿÿnybenykemy ywina-di luuna-di botÿÿnymy boibemahãke.

<sup>15</sup> Tefana, tasÿ mahãdu-wana Akaia bede ludu-ki ityhydÿÿdumy juhuru rare. Kia teerytenyte. Tiiboho ityhydÿÿdu mahãdu wiòhedÿÿduhyymy ihÿrenyre.

<sup>16</sup> Tamy boholabenyeke, ibutumy tamy wityhymy biwinybenyeke. Tule kia wese wiòhedÿÿdu biwiòhenanybenyeke.

<sup>17</sup> Tefana, Fortunatu, Akaio kaò ditehemynydenyde. Taita wadeysamy watzireri. Tiiboho riwawiòhenanyrenyre kaiboho kaki aõkõ atximahãtenyteki.

<sup>18</sup> Tiiboho wawo-ribi riwateysadÿÿnyre, araykyreny òsÿny tule wahe. Kia mahãdu heka ratyhydÿÿmyhÿke.

<sup>19</sup> Kaki Asia bede-ki ibutumy dohodÿÿna mahãdu tarybe wehityhyna adeeremy riwahinyreri. Akila, Prisila-wana taluuna Wanyrÿnimy rybe adee riwahinyrenyreri taheto-ki dohodÿÿnarenre mahãdu tule wahe.

<sup>20</sup> Ibutu seriòre mahãdu rybe wehityhyna adeeremy riwahinyreri. Birybenybenykreu wii bimibenyeke wiwetya-ki seriòrewesemy tamy luòsòna òbitityhyna-di buòbenyeke.

<sup>21</sup> Iroo tahe jiarÿ ariritinykre wadebò-di wahe. Jiarÿ Paulo warybe wehityhyna rewahinyre.

<sup>22</sup> Inyõ Inynyrÿ luuõkeki, aõbinahakÿbo tamy kanake, kiamy rexirybenyre: ‘Maranata’ kia heka Jesuisi wymy kanake rare.

<sup>23</sup> Deuxu luuna adeeremy kanakemy idi watxiwãhãre.

<sup>24</sup> Ibutu-ò waluuna Jesuisi Kristumy. Kie.

## 2 Oritxi Mahãdu-ò 2 Oritxi Hãwã Dohodỹỹna Mahãdu-ò

<sup>1</sup> Jiarỹ, Paulo, Deuxu deòduõ watzireri Deuxudeewireki. Tahe katyyriti re-wahinyrenyre Oritxi hãwã dohodỹỹna mahãdu-ò. Iny seriòereny Tximòtxi wawana ihỹre. Tule re-wahinyrenyre ibutu ityhydỹỹdu mahãdu roholakemy Akaia bedeki.

<sup>2</sup> Ruxetòena, ywina-wana adeereny kanakemy idi watzireri Deuxu inytybyreny-ribi Jesuisi Kristu Inynyrỹ-ribi.

<sup>3-4</sup> Deuxu heka Jesuisi Kristu tyby rare. Iny wiòhedỹỹdu ihỹre. Ruxetòena sòwemy inydeereny riwahnymyhỹre. Ibutumy aòmydỹỹna-di riwiòhenanymyhỹre. Tai tahe iny witzira rikiwiòhenanyrenykre Deuxu wiòhedỹỹna-di.

<sup>5</sup> Iwese Kristu aòhòkỹmy dỹỹnana kaiboho teerytenyete wese, Kristu wiòhedỹỹna bitamy bierybenyke.

<sup>6</sup> Jiarỹboho aòhòkỹmy arotỹỹnyrenykreu, awiòhenadỹỹrenykre my tuukre. Tai tahe tarasana iribi bitake. Deuxu-ribi wiòhedỹỹna arimynyrenykeki, kia biu-ò hena iribi bimyyke arawiòhenanyrenykre my. Tai tahe kaiboho arururenydikre aòhòkỹmy botỹỹnybenykreu.

<sup>7</sup> Tahe wararòsòna sòwemy ihỹre akireny. Tiubo aòhòkỹmy dỹỹnanamy botỹỹnybenykreu tule wiòhedỹỹna bitabenyke iwese aritarenykre wese.

<sup>8</sup> Waityhydỹỹdu seriòre, Asia bedeki jiarỹboho sòwemy aòhòkỹmy ratỹỹnymy roiremahã. Wadeereny heka isiratyhyre ibedeki. Tai heka raberumy roiremahã arururenyke lau.

<sup>9</sup> Rahòtinyrenyre tai wakananareny sana. Kiamy heka wadeereny ditỹnynyde bedeerynamy: ixi-di inyõ nohòtiõmy, Deuxudihyye wahe. Tii dori rubu-ribi ixixadu rare.

<sup>10</sup> Inatyhymy tii riwatarenyre kia brebuna-ribi. Ibutu aõna aõna-ribi riwatarenykre ixityre.

<sup>11</sup> Kaiboho dori wadeereny Deuxu-ò texitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu ritealànanykre.

<sup>12</sup> Ibutumy jiarỹboho heka kia Deuxudeewimy rewinyymyhỹrenyre. Tai heka wadeysarenyre jiarỹboho. Awanareny heka tule rarybemahãrenyre: òbitinamy, Deuxu rurunamy. Iny raykywydyna-di aòkõ wahe, Deuxu raykywydyna-di.

<sup>13-14</sup> Idi mariakele, biritinykele, bierykele, kia reritinyrenyre adeereny. Wiji urihimyyòle teerymy toite. Jesuisi txu tahe ibutumy bierybenyke. Jiarỹboho areysarenykre bierybenykeki wahe. Tule kaiboho beysabenykre.

<sup>15-16</sup> Juhuu rahòtinyre kiawesemy: arakemy ixi-di rahòtinyre. Juhuu heka Macedonia hãwã bedeki arakemy ixi-di rahòtinyre. Iule tahe aroramy arakemy heka ixi-di watziwãhã. Òkeseu tasỹ tule, aroramy adehemynykre. Tai wiòhena inatximy bitake. Jiarỹ ayrenymy areakre, Judeia bedeki arakemy kaiboho biwawiòhenanybenykemy.

<sup>17-18</sup> Reòsamy watzirerimy aòbohe wadi tahòtinytenyteri? Ixiòrarukile aòbohe tuuremy adee araỹraxikre? Tuu aòbo iximy rarybere kohe, myỹ, iule. Aòkõre, myy rarybere, iule wahe. Inatyhymy aòbohe rarybereri. Aòkõre rarybeõre. Jesuisi Kristu heka warybe rieryre. Kohe, myy, iule.

<sup>19</sup> Tai heka raryberenyre: –Inatyhy rare. Myỹ wahe, Deuxudeewinamy. Sila Tximòtxi-wana kia Deuxu rybe-di adeereny ritỹnynyre, Jesuisi Kristu iriòremy, jiarỹ tule adeereny kia retỹnynyre.

<sup>20</sup> Inyboho ratximyhỹre Jesuisi Kristu-ò. Kristu heka Deuxu widỹỹdu ratzireri. Inyummyreny ratximyhỹre. Deuxu heka tuu iny rierynanymyhỹrenyre, tii inatyhy.

21-22 Tii heka iny ritamyhÿrenyrene; rihitximyhÿrenyrene; tahõrõ mahãdumy riwinyrene. Inydeereny riwahinyrene Deuxu Tyytybytyhy inyworeny-ò risÿnyrene. Tai heka inyboho rõhõtinyrenyrene inydeereny ibutumy riwahinykremy.

23 Deuxu heka warayky rieryrene. Tai heka rarybemahãre, inatyhy raõre Oritxi hãwã-ò. Tai heka adiride ixinamy.

24 Araryberenyõtyhy jiarÿboho aõbo bityhynybenykemy, marybebenykemy. Kaiboho dorihe inatyhyna tetyhynytenyte. Urile tahe arawiõhenanyrenykre deysana-di Deuxu Tyytybytyhy dee deysana-di.

## 2

1 Tai wawo rerahõrera. Arakemy aõkõ abedeõtidiidÿÿrenymy ixityrene.

2 Arabedeõtidiidÿÿnyrenykeki tahe mobo riwateysanykre. Kaibohole toite.

3 Tai adeereny reritinyrene. Anaõtyhy heka abedeõtidiidÿÿrenymy. Kaiboho dori deysana-di biwasÿnybenyke. Iu wadeysamy watxireriu, kaiboho tule beysabenykre. Kia heka reerywiwire jiarÿ.

4 Adeereny reritinyrene bedewona-di ranywãhãu; warube rytynymahã. Bedeõtidiidÿÿna-di arasÿnyrenykeny aõkõ kÿny. Tahe timybo aluurenyremy kaiboho bierybenykemy adeereny reritinyrene.

5 Bedewonamy relyykeki, tiu inyõ wii ribedewonyreu, riwabedewonyõtyhy. Aõtxi arabedewonyrenyrene. Waryberiti isirare aõkõ ihÿrene.

6 Aõhõkÿmy dÿÿnanamy yla aõkõ rotÿÿnyrene. Tai ixinamy rarekre wiji.

7 Wiji tahe iwitxira aõmydÿÿnana biwinyke: biwiõhenanyke iixãwididÿÿnadikemy. Tai tahe bedewona-di sõwetyhymy riatyõtyhy bedewona-ribi wahe.

8 Tii luunatyhy-di bierynanybenyke.

9 Tai heka adeereny õnosõna rewahinyrene. Tai juhoo waritidÿÿna adeereny rewahinyrene. Jiarÿ heka kaiboho rexiywinymy aõbo atxitenyterí ityhydÿÿna-ò. Kiamy adireny watxireri.

10 Kai biixãwididÿÿnykeki heka, jiarÿ tule ariixãwididÿÿnyke. Kia adeereny rikiwinyrenyke Kristu õraru-ki.

11 Tahe Satanasi tiu iny riatyrenyõtyhy. Inyboho rieryrenyrene tii kia riwinykemy riwisÿnymyhÿré.

12 Jiarÿ heka ròirenyrene Troaji-ò Rybewihikÿ tÿnydÿÿmy Kristuni-di. Tamy retehemynyreu, isiraõlemy tai Rybewihikÿ dohodÿÿmy, Inynyrÿ riwawiõhenanyrene wahe.

13 Tahe wabedewomy watxiwãhã inyseriõreony Txitu-ki rahaõrekí. Tai tahe kia iny mahãdu reteõwarinyrene arakremy Macedonia hãwã-ò rare.

14 Tahe Deuxu deysana! Deuxu-wana watxiwãhãrenyrene. Tahe kia ijesu tai ritake. Kristu heka ridykre ijesu tarasadu mahãdu. Rokoirenykre heka ihe-ki.

15 Iwese aderõna lÿnyrehekÿ ibutumy idi riãlãnymyhÿrene wese heka, kia wese inyboho roire. Ibutumy iny rierykemy heka ityhydÿÿdu mahãdu rÿirerimy ihÿrene. Lÿnyrena wihikÿ Kristu ritoonyrene wese Deuxu-ò inyboho roire. Iny lÿnyrena wese heka rare. Ityhydÿÿdu, ityhydÿÿdukõdu mahãdu-ò ramyhÿrene.

16 Kia rityhynyõmyhÿrene mahãdu tahe, tÿnyrene rirubunyrene. Rityhynymyhÿrene mahãdu tahe tÿnyrene iruweselemy rare. Kia aõmysÿdÿÿna biwinybenyke. Isirare heka iaõmysÿdÿÿ.

17 Inyboho heka sõwemy inywese aõkõ iny roire. Iwese iny riwymyhÿrene aõðwyriõre idi ijohomy, kia wese karybe rare. Kia Deuxu deõdu mahãdu heka iõwydimy aõkõ rybe riwymyhÿrene. Tahe inyboho heka inatyhymy rarybemyhÿrenyrene. Deuxu dori inydeereny rarybere õbitinamy. Riwateõnyrenyrene õbitina-di araryberenykemy.

### 3

<sup>1</sup> Timyre heka tyyriti ritididỹĩnamy raruõhyymahãrenyre jiarỹboho awirenyremy. Tahe waribireny tule aribireny kia Ritidỹĩna arihurenyõtyhy.

<sup>2</sup> Kaiboho heka Kristu tyyriti wese aõma toite. Riritinymy heka roimyhỹre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehenyke. Tai tahe rierymy idi rariake ixideele. Idi rariake hãre tahe idi rexibedeerynye.

<sup>3</sup> Kaiboho heka Kristu tyyriti wese heka toite. Inydeereny iwahidỹĩmy heka tii rare. Kia tyyriti witxiramy rare. Aõ ritidỹĩna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidỹĩreri inyraykyreny-ki, inyworeny-ki ròritidỹĩmyhỹre.

<sup>4</sup> Deuxu heka retyhynymahãre, Kristu òraru-ki wahe. Tai tahe tuu raryberenymahãre kiawesemy.

<sup>5</sup> Jiarỹboho heka warururenyõhyyre kaa aõmysỹdỹĩna widỹĩna-ò. Iny ruruna heka Deuxu-ribi sohojile nade. Tii iny wiõhedỹĩdu, aõ iny rikiwinymyhỹrenyke-ò wahe.

<sup>6-8</sup> Irybe tỹmyra dohodỹĩdumy heka inyboho roire. Ihetxiu bede ywina wesemy aõko heka ròritidỹĩre Deuxu Tyytybytyhy ihỹre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidỹĩre. Deuxu loosõna tule ròhõnyre, riwahinyreu wahe. Moisesi òsỹny-ribi sõwemy loosõna ròhõnyre. Idi tahe riixãwididỹĩnyre. Tahe judeu mahãdu reteheõhyymyhỹre iòsỹny-ò, iòsỹny loosõnadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosõna wiwihikỹ-di bede ywina tỹmyra tahe iratyre awi rare.

<sup>9</sup> Tii heka iny-di ixãwikemy ratxireri.

<sup>10</sup> Tahe iratyre rybe tỹmyra rare. Iny òraruna-di ixãwikemy ratxireri.

<sup>11</sup> Kia urihimyo rỹire awi rare. Iratyre tahe umytedeõna rare.

<sup>12</sup> Iny rarõsõna sõwemy ratximyhỹrenyre. Tai tahe inyboho ruberuõhyymyhỹrenyre.

<sup>13</sup> Moisesi wesemy aõkõ rakatximyhỹrenyke. Imahãdu raykytxymy dori rỹirenyre.

<sup>14-15</sup> Imahãdutyxymy dori rỹirenyre. Moisesi bedeywina-di rariakeki, irayky ritòbõnyke. Kia rieryõrenyre iraykyreny ratxynymyhỹrenyremy.

<sup>16</sup> Kristu rityhynyre xiery, irayky raraymyhỹre. Iwese Moisesi òsỹny-tòbõna iòsỹny-ribi resere wese kia rare.

<sup>17</sup> Kia Tyyriti-ki Inynyrỹreny heka Deuxu Tyytybytyhy rare. Tikibo Deuxu Tyytybytyhy rỹikeki kowa ibutumy iny ixinamy rỹike.

<sup>18</sup> Tahe ibutumy inyboho heka Deuxu wowydyna iny òsỹnyreny-ki ijõdire. Iwese iny òsỹnyreny itxena-ki iny retehemyhỹ wese, Deuxu wowydyna ibutumy robimyhỹke iny òsỹnyreny-ki. Inynyrỹ he Deuxu Tyytybytyhy rare. Iribi tahe wowydyna nade. Kia wese inyboho heka Inynyrỹ wesemy relemyhỹrenyre. Inihikỹmy delemyhỹdenyde. Tii dori iny woreny-ki raaõõtaõtamyhỹre.

### 4

<sup>1</sup> Deuxu taruxetõena-di heka kia aõmysỹdỹĩna inydeereny diwahinyde. Tai heka ikonanakõdumy idi rakatximyhỹrenyke.

<sup>2-3</sup> Ibutumy heka rikiwinymyhỹrenyke aõbo òbiti rare. Aõbina binahakỹ widỹĩ-ò heka rekexiijerenyke aõbo òbitirele heka rikiwinyrenyke; rikiwiurõnyrenyõtyhy heka Deuxu rarybereriki, tuu. Deuxuruõhyyle rikiwinyrenyke. Inatyhyna loosõna-ki heka rakatxirenyke. Ibutumy heka rikiwinyrenyke ibutu itxerena òbitimy wahe. Inyboho ritỹnynymyhỹre Rybe tymyra wihikỹ. Inyõ-ribi riwòmomy roimyhỹkeki tahe kia rityhynyõmyhỹrele tuu ritidimy roiike.

<sup>4</sup> Kiakeki tahe Satanasi iitxeredỹỹ-ò riijõnyreri loosònamy robike lau. Deuxu binadỹỹna rare. Ibinadỹỹdu wesemy ratxireri. Kaa loosòna-ò iny riitxeredỹỹnyhyymhỹre aõma Rybewihikỹ tỹmyra-ò. Rarybemyhỹre dori Kristu heka Deuxu yrubule rare.

<sup>5</sup> Iximy aõkõ rarybemahãrenyre. Inynyrỹ Jesuisi Kristulemy heka rarybemahãrenyre. Inyboho heka deòdumy inyboho ratximyhỹrenyre adeereny. Jesuisi òraru-ki kia rewinyamahãrenyre.

<sup>6</sup> Juhuu Deuxu rarybere: –Bedeluru-ribi heka loosòna doosòmhyhỹde. Tii heka loosòna-di inyraykyreny ritoosònanyhỹre. Tai heka iny Deuxu erysydỹỹna inyboho rieryrenyre. Kristu òsỹny-ki sohojile tuu rokobirenyke.

<sup>7</sup> Kia heka aõna aõna wiwi inydeereny heka rare. Ihyna òwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aõko irurudire.

<sup>8</sup> Ihãrele heka aõbo iny riwinyke rieryõhyymhỹre timybo aõ iny riwinyke heka.

<sup>9</sup> Aõhõkỹmy dỹỹnana heka inydeereny rehemynymhỹre tai inyboho ikyhynamy riemyhỹrenyre. Inyboho heka bedewodihyy ratximyhỹrenyre, tahe tiemy iny raròsònarenydihyy inyboho ratximyhỹrenyre.

<sup>10</sup> Inyboho heka itxi tõhõti reahyy inyboho ratximyhỹrenyre, Jesuisi rubuna-txi wahe. Kaki tahe iwese Jesuisi raremyhỹ wese heka rakatxirenyke. Tai iny witxira heka tuu robikre kiamy, Jesuisi rirudỹỹnanamy.

<sup>11</sup> Jesuisi òraru-ki heka brebunahakỹ-ki inyboho roire. Kia wese-ki heka iny Jesuisi runamy robikre inykireny.

<sup>12</sup> Kia-ki heka iny rubukonanareny inykireny rare. Tahe iruna akireny tule ratximyhỹre.

<sup>13</sup> Kiamy heka Ritidỹỹna roire: –Jiarỹ retyhynyre. Taita rarybere: –Kia weselemy roire. Retyhynyrenyreri tai heka jiarỹboho tule raryberenyre.

<sup>14</sup> Jesuisi ixixadỹỹdu heka rare. Kaa tule inyboho tule riixixanyrenykre. Rikirònykre heka Deuxuko-txi. Kaiboho tule boibenyke wawanareny.

<sup>15</sup> Jiarỹ wawanareny kia adeereny relere. Tamy Deuxu ruxetòena sõwetyhymy ramyhỹre-wana heka riwahinymhỹre iratyre sõwetyhymy tamy deàlana riwahinymhỹre. Kia heka Deuxu wowydyna-ò tuu ratximyhỹre. Bedewoõmy.

<sup>16</sup> Iny bedewonaõhyyre heka. Iny umyreny retybynyre. Txuõ txuõlemy heka ratỹmyranyke inywo-ki. Tiie heka aõbo rierynyre inatyhy wahe.

<sup>17</sup> Iny bededỹỹnanareny heka urihimyoõle roimyhỹre. Iny wowydynarenyko-ki heka aõhõkỹmy dỹỹnana inyboho ritarenyke inydireny retehemyhỹre. Retyhenyrenyre wowydyna-ò awityhyremy inyboho idi retehemyhỹre iny idi retehõmyhỹredi.

<sup>18</sup> Aõbo iny tuu robimyhỹre bede bedemy tuu iny robimyhỹre ibutumy idi reamy. Aõbo iny tuu robiõmyhỹre heka tiu itueõtyhy. Kia-di tahe inyboho rõhõtinyinmyhỹre.

## 5

<sup>1-2</sup> Inyummy tỹmyrahakỹ heka inydeereny kidiwahinykre Deuxu, iwitxira biu bede-ki wahe. Aõ hãbu wahisidỹỹna-ki aõkõ Deuxu-di wahisidỹỹna-ki heka tuukre kia umy tỹmyra wahe. Tiu heka itueõtyhy. Rakabedeworenykre heka bede-ki iny telesõreny-ki rasỹnyreki inywo-ki wahe.

<sup>3</sup> Inyboho heka biubede-ki inysỹreny inyummytỹmyra-ki røkõhõtinyinmyhỹrenyke. Kaa iny umyreny wahe. Rabedewomyhỹrenyre. Umy tỹmyraõ heka rikitarenykemy inyboho ratximyhỹreny.

<sup>4</sup> Aõherekibo inyboho wiji rabedeworenyre? Inyboho heka Deuxu bedewihikỹ-ò aròirenykekõ aõbo? Inyreny rikitarenykemy aõkõ wiji. Kaki aõhõkỹmy dỹỹnana riwawobededỹỹnyra. Kia aõbo umy tỹmyra tyre tahe rikirutyrenyke ijõ wahe. Ijõ rikitarenykre umytuèdeõnaõ. Tiu itueõtyhy. Kia riwinyre inydeereny kia wahe.



<sup>5</sup> Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde.

<sup>6</sup> Kia iwese juhoo rarybere wese heka tuu rotỹnykre. Tai heka inyboho teysamy ratximyhỹreny. Kabede-ki inyboho ratximyhỹre heka inyумыreny ratximyhỹre heka aõ Inynyrỹ-wana aõkõ ratximyhỹre.

<sup>7</sup> Tiu heka rokobirenyõtyhy rikityhynyrenykekile ka idi rakatxirenykre. Inyboho rieryreny timybo rarekre wahe.

<sup>8</sup> Jiarỹ wadee awire kabede-ribi arexitake Deuxu-wana arasỹnyke wahe.

<sup>9</sup> Aõma tamydeewimy heka tuu iny riwinyke wahe iny-wana rasỹnyke. Kaki iny ratximyhỹre tahe aõbo awire heka tamy awire.

<sup>10</sup> Inydireny retehemyhỹre. Aõbo inyboho riwinymyhỹreny. Aõbina bina riki-winyrenyke heka aõhõkỹmy dỹnana inydeereny riwahinykre. Aõwihikỹ riki riki-winyrenykre wana tasỹ. Aõbo awityhy inydereny kidiwahinykre.

<sup>11</sup> Inynyrỹ heka inyboho rityhynymyhỹre. Tai inyboho iny wixira-ò tuu sõwemy relymyhỹreny. Ibutumy heka Deuxu iny rierymyhỹreny. Kaiboho heka tule tiwaerymahãtenyete.

<sup>12</sup> Kia heka reraõmy watximyhỹreny biwaerybenyke. Ararybeõtyhy heka adeereny jiarỹ awiremy. Tahe wadee ka awire kaiboho waluurenyke. Hãbu iumyle awimy rỹirerimy ihỹremy idi rõhõtinyinmyhỹre. Tii heka õbiti aõkõ rare. Kia biwyõnybenykemy adireny watxireri.

<sup>13</sup> Juhoo iny rieryremy itelesõ. Inymyreny rarybekeki itxỹtemy inyboho roiremy. Rakaryberenyke heka aõbo inyboho dori Deuxu dee. Aõmysỹdỹrenymyhỹreki inydireny rõhõtinyinmyhỹre. Inymyreny rarybekeki inyboho awilerenyremy. Iõrarureny-ki tuu rakatxirenyke.

<sup>14</sup> Kristu luuna heka kiamy iny riraykydỹnynmyhỹre. Tii heka rurure iny ibutudee. Tii rurureu, ibutumy inyderõwrenymy rurure.

<sup>15</sup> Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi.

<sup>16</sup> Rakaraykynyrenyke timybo hãbu awiré, ibinaré. Kaimy heka rakaraykynyrenyke. Aõ iwese iny wixira raraykynymyhỹre wese aõkõ raraykynyrenyke. Aõma inyboho aõbo Jesuisi Kristu-di raraykynymyhỹre heka. Ixityre aõbo tuukre.

<sup>17</sup> Tii heka umy tỹmyra tuedeõna-di ratximyhỹre iwixira ratximyhỹre. Juhu iaõmydỹnana iribi ixãwira. Tahe wiji raraykywydynanyre iwixiramy. Ibutumy iaõna aõna ihetxiu heka rawixiranyre, awi-ò.

<sup>18</sup> Deuxu heka ibutumy kia riwinyre tamy. Inyboho heka iõludu roire, juhoo wahe. Wiji tahe iliinamy ijoi ratximyhỹre. Iny wixira heka iliinamy rarekemy idi watxiwãhãre.

<sup>19</sup> Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitxiranydenyke. Kia Kristu õraru-ki tuu ratximyhỹre.

<sup>20</sup> Jiarỹboho Deuxu deõdu roire. Tai Kristu derõwmy adeereny rarybereri: Iluuna ixidee ixiby bimybennyke. Wii biwowixinybenyke.

<sup>21</sup> Deuxu heka iny õraruna ritidire Kristu tyre-ò. Kristu inyõrarunareny riwyyre. Wiji tahe Deuxu õbitina inydeereny riwahinymyhỹre.

## 6

<sup>1</sup> Jiarỹboho tahe raaõmysỹdỹnyrenyke Deuxu dee. Deuxu ruxetõena dori tetatenyete, tai idi mohõtinyinbenyke, õhõtireny-ribi losaõmykemy.

<sup>2</sup> Boholabenyke aõmybo Deuxu rarybereriò. Jiarỹ heka aluurenyre iurenana tahe ka arybe-ò raholareri. Arawiòhenarennyre iu wadee textitòenyteu, wadee taryteu. Boholake wiji heka bitabenyke Deuxu ruxetòena. Wiji heka biu-ò hena txumy bede rỹire.

<sup>3</sup> Inyõ iny aõmysỹdỹñnarenny ibinamy rarybekeki, uritere ijõ iny bedeworenyõmy, jiarỹboho òraru-ki.

<sup>4-5</sup> Jiarỹboho dori Deuxu deòdutyhy roire. Tai rikiteòsinyrennyke ibutumy aõbo iny-boho dori Deuxu deòdu roire. Tai riteòsinyke ibutumy aõbo iny riwinymyhỹke. Aõna aõna rikiteòsinyrennyke. Òhòte wakireny rỹimyhỹre. Ròtenawo-ò ralòmyhỹrennyre. Bedeweweky-ki aõhòkỹmy ratỹñnymyhỹre. Sõwemy heka reòludunnyre aõnana bina binahakỹ reòludunnyre. Aõ òta òta reòludunnyre. Sõwemy heka raaõmysỹdỹñnynihikỹrennyre. Sõwemy heka aõmysỹdỹñnadikre; tỹikõ bede reijereny; byreõmy bede reijereny;

<sup>6</sup> òbitimy heka rewinyrennyre. Aõma, ywiny-di ròwidỹñrennyre bedeeryna-di. Ka roirewãhã iny iwitxira rewiohenannyre. Ibutumy kia rewiohenanny roirewãhã. Deuxu Tyytybytyhy heka wawanahyy roiremyhỹ. Luuna heka inydee reteòsinyrennyre Inatyhyna rybe heka retỹnynmahãrennyre. Sõwe heka ritỹnynny, jiarỹboho Deuxu deòdu roire wahe.

<sup>7</sup> Òbitina dori wadebònarenny wese rare Satanasi itxemy. Jiarỹboho heka re-mymahãrennyre aritarennykemy. Tule iny rexiijemyhỹre òbitina-di.

<sup>8</sup> Ijõ heka waluurenyre inyõ tasỹ aõbina binahakỹle wadee riwinymyhỹre. Ijõ heka Rybewihikỹmy wadee raryberemyhỹre. Ijõ tasỹ rybe binamy wamyre, raujõmo. Inatyhyna rarybemyhỹre. Tai wamy ruidu riwaninimyhỹrennyre.

<sup>9</sup> Ibutumy heka iny riwayrenny. Tahe rieryõhyymy heka inatyhy rare. Watxiwãhãrennyre rubu wese ihãre tahe warumy watxiwãhãrennyre. Tiiboho heka rubu wesemy inydirenny ratximyhỹrennyre. Aõhòkỹmy ratỹñnyrennyre hãre raruõhyylemy watximyhỹrennyre.

<sup>10</sup> Aõna aõna heka bedewonihikỹmy ròhònyre. Tiiemy wadeysahyy watxiwãhãrennyre. Jiarỹboho heka urimynodule watxiwãhãrennyre. Ibutumy inyboho rityhydỹñnyrennyre. Aõhomy aõkõ inyboho ratximyhyrenny tahe ibutumy inydire roimyhỹrennyre.

<sup>11-12</sup> Tahe kaiboho ityhydỹñdu seriòre mahãdu Oritxi hãwã-ki. Jiarỹboho heka kaa òbiti-my aõna aõnamy rarybemyhỹre. Kaiboho heka ijohona derarennyre aõmybo rarybemyhỹrennyre. Jiarỹboho heka aluurenyre.

<sup>13</sup> Kai wariòre wesemy adee rarybereri. Umy iwese jiarỹ aluure wese, kai waluurenyre.

<sup>14</sup> Boholabenyke warybereny-ò ityhydỹñdukõdu mahãdu-wana aõmysỹdỹñrennyõke. Timybo òbitinaõ heka aõbinaõ-wana raaõmysỹdỹñke. Timybo heka loosòna bedeluru-wana ratxike? Aõkõre! Tiu wiwana rauriõtyhy.

<sup>15</sup> Satanasi heka Kristu-wana raaõmysỹdỹñnanyõtyhy. Itydyñdu mahãdu wiwesehyyle raraykynykemy rỹira. Ityhydỹñdukõdu mahãdu-wana tahe wiraykyweseke aõkõre.

<sup>16</sup> Deuxu aõmysỹdỹñna heka iwitxi rare, suritxoo aõmydỹñnana-ribi, wahe. Kaiboho heka Deuxu dohodỹñna ijoimy toite Deuxu oworeny-ki ratximyhỹre. Deuxule heka kawesemy rarybere: —Jiarỹ heka wasỹ ariwinnykre ayrenny-ki. Jiarỹ iDeuxumy aronykre tiiboho waijoimy. Rorokurennykre. Tai tahe Inynyrỹ rarybere wiribi bihitxinyke. Inybina-ribi bexihitxinybenyke.

<sup>17</sup> Bexiebenyke òbitikõre-ribi wahe. Uritere tamy adi rexihumy, ixierya aramyrennykre ixidee wariòre wese.

<sup>18</sup> Warurutyhymy adee rarybere. Boomy heka adireny ararekre, jiarỹle wahe. Deuxu rurutere rare Jiarỹ.

## 7

<sup>1-2</sup> Deuxu ibutumy tuu rarybere: —Kai ityhydỹñdu waseriòre mahãdu. Tai tahe rikexiòbitinyke ibutu aõmydỹñnana-ribi. Iny umyrenny-ki rokobirenyke inyumyrenny-ki.

Òbitimy heka rakatzirenyke iko-ò, Deuxuko-ò. Aõma waluumy heka atximahãbenykemy rahõtinywãhãreny. Iny-ò aõ bina bina rewinyõhywãhãreny.

<sup>3</sup> Tuhe kaa rarybere tahe ixityre anarybekre. Aluurenyre jiarỹboho ibutuhyye ratximyhỹre iny rummy ratximyhỹre hãre tasỹ rukururenkyre tulekre.

<sup>4</sup> Wadee heka awire ibutummy kaiboho ratximyhỹreny. Kai aõwitxira witxira wadeereny rỹira umy retyhynyreki. Isirare heka wadee kia ratximyhỹhãrele WadeSATYHymy heka watxiwãhãre, wiòhedỹỹtyhy òraru-ki, ijyy òraru-ki.

<sup>5</sup> Jiarỹboho retehemynyre Macedonia bede. Taita tule elehynaõhyre wadereny. Ibutummy heka aõna aõna, òta òta witxira witxira; bede bede ihyyemy aõkõre rỹire tai. Aõma bedewonihikỹ heka watelesõreny-ò ralore.

<sup>6-7</sup> Deuxu riwawiòhenanyreny; Txitu diteònyde wadeereny. Tii rybereny heka awiremy kaiboho. Tai tahe reysarennyre jiarỹboho. Kaiboho tabedewomy atxitenyteri waòraru-ki. Katahe wadeysa nihikỹmy watxireri.

<sup>8</sup> Adeereny warybetyyriti rewahinyreki tabedewomy atxiteny. Tai tahe reysamy watxireri. Ihãrele heka tyyriti adeereny arawahinykre. Kaiboho heka tabedewotenyte iribi tahe aõmydỹỹna kaiboho tewitxiranyteny teòbitinytenyte ibutummy.

<sup>9</sup> Tai tahe jiarỹ reysamy watxireri. Aõbinare dori rewinykõre arawiòhenanyreny heka.

<sup>10-11</sup> Deuxu heka iny ribedeòtiidỹỹnymyhỹre iny ywimy riraykydỹỹnykemy. Kia kidiwymyhỹke inydee tarasana wahe. Tii heka awire. Ijõ bedeòtiidỹỹ tahe bede ludu bede òtiidỹỹ. Kia tahe rubu diwymyhỹde. Kaiboho heka tabedeòtiidỹỹnymyhỹteny. Deuxu heka kia riwinyre awiòhedỹỹnamy aõma kaiboho awireny. Aõ witxira witxira sõwemy akireny rỹireri, aõ òta òtarenny. Kiadile tahe aõma òbitihyyemy òhò ayrenny-ribi kaiboho heka taykarananyteny. Kaiboho heka waluudummy teleteny. Kaiboho biwinybenykemy aõbo òbitimy ratximyhỹre iwidỹỹmy taroteny. Ibutummy heka òbitihyyemy rarekemy idi teteheteny.

<sup>12</sup> Tai kia tyyriti adeereny rewahinyre. Aõ kia rewinyre heka aõ iny iòrarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe.

<sup>13</sup> Tai heka wadeysamy watxiwãhãre. Aõ inyboho sohojile aõkõre teysa ratximyhỹreny. Txitu tule teysamy ihỹmyhỹre, kaiboho tawiòhenanyteki

<sup>14</sup> Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahãrenny, inatyhynamy. Tule mobo rarybere Txitxu-ò. Ka tahe inatyhy rarybemy ratximyhỹre.

<sup>15</sup> Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahãte-txi. Kaiboho tedytenyteki. Ihãrele urihimyo ruberummy ratximyhỹ.

<sup>16</sup> Reerymahãre jiarỹ kaiboho òbitimy boibekre. Tai wadeysamy watxireri.

## 8

<sup>1</sup> Deuxu ruxetòena-ki heka sõwemy riwinyre Macedonia dohodỹỹna mahãduy-ki wahe. Jiarỹ tuu arelyykemy idi watxireri waseriòreboho.

<sup>2</sup> Sõwemy heka iaõna aõnarenny iaõòtaòtarenny teiibo. Aõhõkỹmy rotỹỹnyreri teiibo. Ihãrele ka deysamy heka relereny. Reysarenny heka. Teiibo heka iaõkõrenny. Aõhohomy aõkõ heka roiremyhỹ. Kiahãrele heka sõwemy riwahinyre tamahãdu wiòhedỹỹmy.

<sup>3-5</sup> Riwahinyre heka sõwemy ixideewimy. Sõwemy riwahinykelemy wadee rarybere. Teiibo heka sõwemy wiòhedỹỹmy rurummy roiremyhỹ. Tai inyboho ribedeòtiinyre sõwerek. Kia judea bede, dohodỹỹna mahãdu, kia wiòhedỹỹmy. Juhu heka teiibo rexiwahinyrenny Inynrỹrenny-ò. Tule Deuxu deewina inydee riwahinyre. Iny wiòhedỹỹnarenny rexiwahinyre.

<sup>6</sup> Tai tahe jiarỹ rarybereri Txitu-ò: —Kai biwiòhenanykemy iaõmydỹỹnarenny-ò.

<sup>7</sup> Kaiboho heka sōwemy tetyhynyteri. Kaiboho heka Deuxumy awimy tarybemyhỹtenyete. Kaiboho heka teerytenyete Deuxu aōmydỹnana. Kiaboho heka waluureny waluuurenymy boibeke wawiòhedỹdurenymy. Biwawiòhenanybenyke. Tai heka sōwemy bexiòlòdỹnybenyke adireny watxireri.

<sup>8</sup> Aō bede ywinaō heka adeereny rewahinyōhyreri. Arierykemy heka idi watxireri timybo aluuna ratximyhỹremy. Tii riteòsiny heka timybo ijō dowiòhedỹmyhỹdemy. Tai tahe iwese tii rotỹnyre wese kaiboho tule botỹnykre.

<sup>9</sup> Deuxu ruxetòena teerytenyete, Jesuisi Kristu ruxetòena wahe. Tii heka ityhy rare. Tii rikòdỹnyre heka aōrarurenymy-ki.

<sup>10</sup> Taihyky tetyhynytenyete Deuxu aōmydỹnana-di. Kiamy heka raraykynyneri. Arawiòhenanykemy heka adireny rahõtynyre kanau bedeu. Tewiòhenanytenyete inatyhymy. Tai tahe bikonananybenyke kia kanau bedeu tewinytenyete heka bikonananybenyke.

<sup>11</sup> Aōma ireiōno, uriōno biwahinybenykeki, Deuxu heka rimyke. Kia-di rōhõtynyke.

<sup>12</sup> Kia uriōnomy idi teywinymy atxiteri-di rōhõtynyke. Tamy wahidỹmy aōkōhykeki tahe Deuxu aōma raraykynyōtyhy.

<sup>13-14</sup> Jiarỹ heka isiramy adee ariwinyōtyhy aō. Kaiboho heka sōwemy kaa wiji toite, Tai tawowi-di inyō ròōkeki, taaōnasōwe myna Deuxu-ò riwahinykre. Iaōkōkeki tai ibinamy Deuxu rahaōtyhy. Tai biwawiòhenanybenyke heka ihoōmy rỹira mahādu. Jiarỹ heka aō retòenyneri aōkō rare, biwahinybenykemy. Kai ihoōmy atxikeki tahe, tule inywitxira anawiòhenanykre. Taita wiwanale wiwesehyyle rōhònykre.

<sup>15</sup> Kiamy heka Tyyriti-ki Ritidỹna roire: —Hābuō heka sōwemy ributunymy. Tahe aōhe rauhenyōhyre tamy kia ibutuna-ribi wahe. Ijō tahe ibutelemy ributunymy hābuō wahe. Tiile heka aō tamy rasiranyōhyre.

<sup>16</sup> Txitu awiòhedỹrenymy rurumyhỹre iwese awiòhedỹrenymy rurumyhāre wesele wahe. Deuxumy reālāre tai, Deuxu dori tuu rotỹnyre.

<sup>17</sup> Taita ixinamy arorarenymy rehemynykre.

<sup>18</sup> Riwiòhenanyrenyneri iwitxira seriòreō. Ibutumy dohodỹna mahādu-ribi tii rityhynymyhỹre aōma Rybewihikỹ-di ritỹnynymyhỹre awimy.

<sup>19</sup> Dohodỹna mahādu rihitxinyre wawana kanakemy. Ibutumy Inynyryỹ loosòna heka tuu ratximyhỹre. Tule riteòsinymyhỹre ibutumy iny rikiwiòhenanymyhỹrenykemy. Tai heka inyseriòreny reteònyrenyneri ityhydỹdu mahādu.

<sup>20</sup> Tai inyō kia nierumy inyō rarybeōtyhy.

<sup>21</sup> Òbityhylemy rikiwinyrenyke ibuturu-ò.

<sup>22</sup> Ijō tii-wana rake. Reurihirenyre heka tii wiòhedỹmy rakeò, tai heka tii wiòhedỹmy ratxireri.

<sup>23</sup> Txitu heka waliina rare; wawana raaōmysỹdỹnymyhỹre heka rare. Jiarỹboho heka awiòhedỹrenymy rarumahāreny. Ijō seriòrenyō nade dohodỹna-ò wiòhedỹmy. Tai kaiboho wowydyna tamy biwahinybenyke.

<sup>24</sup> Tai tahe dohodỹna mahādu kaki rierykre. Tai rityhynyrenykre aōmybo umyreny rarybere. Tule wiluumy atxiteri.

## 9

<sup>1</sup> Reerywāhāre jiarỹ wiòhedỹmy tarumahātenyete Judeia bede-ki. Tahe kiamy aō aōkō ariritinykre.

<sup>2</sup> Reerywāhāre timybo akireny rare. Jiarỹboho heka awimy raryberenyre umyreny Macedonia hāwā mahādu-ò. Myheka rarybere: —Akaia bede seriòre mahādu wiòhedỹmy rexiywinymy ratximahārenyre kau beòrau. Tai tiiboho rexideysananyreny.



<sup>3</sup> Tai heka kaa seriòre mahādu reteònyreri. Tai heka awikre biwiòhenanybenykre dori. Kiamy iwese rarybereri heka inatyhy rare.

<sup>4</sup> Araixỹrukre heka jiarỹ aõma bexiywinybenyõlemy wiòhedỹỹna-ò atxibenykre-wana. Tule kaiboho maixỹrubenyke.

<sup>5</sup> Tai heka inyseriòreony reteònyre akorenymy. Tahe iu arehemynykreu, bexiywinybenyke. Biwahinybenyke wiòhedỹỹmy atxitenyteri ixideewimy. Aõ jiarỹ adeereny rexitòenyre aõkõ wiòhedỹỹmy.

<sup>6</sup> Kia hābu ibutemy ròbòromyhỹre heka ibutelemy tamy aõna aõna ruhunykre. Kia hābu sòwemy ribrònymyhỹre tahe tamy sỹ sòwemy aõna aõna ruhunymyhỹre tamy riwahinykre bederaty aõmydỹỹnana.

<sup>7</sup> Tai heka iny sohoji sohoji ixideewimy tiwesebo riwahinymyhỹke. Riwahinyõke tahe aõ tuu rurukòreri urenana tuu ratxike. Deuxu dee riwahinymyhỹke mahādu deysana-di riwahinymyhỹre kia iny mahādu Deuxu tuure.

<sup>8</sup> Deuxu heka riwahinymyhỹre sòwemy aõmybo tarumahāte kia inydeereny iratyre. Ibutumy aõmybo tarumahāte heka tule iny wixira biwiòhenanybenyke.

<sup>9</sup> Kiamy Ritidỹỹna-ki roire: –Tii tawowi-di iaõkõ mahādu-ò. Ròwahimyhỹre. Kia tahe iinydee wobrona tiemy rosaõmy rarekre. Deuxu heka riwahinymyhỹre tibo alòbòròdu-ò.

<sup>10</sup> Inydee riwahinymyhỹre paõ iny rirỹsỹke. Tahe tule sohoji sohoji òwòrutymy rurumyhỹre heka tamy riwahinymyhỹre. Kia ribòrònymyhỹre tahe Deuxule ritxuhudỹỹmyhỹre. Tahe sòwemy bitakre Deuxu-ribi.

<sup>11</sup> Kia rimymyhỹre mahādu tahe Deuxumy reàlòmymhỹre. Kia tewinymahāte heka Deuxudeewimy tewiòhenanymahāte. Deuxu heka sòwemy rimymyhỹre eàlànareny iòraru-ki.

<sup>12</sup> Kaiboho heka Deuxu mahādu teriwiòhenanytenyete. Kia sohojile aõkõ. Tule aòraru-ki tiiboho Deuxu-ò wowydyna sòwemy riwahinyrenyke.

<sup>13</sup> Kaiboho Rybewihikỹ tỹmyra tetyhynytenyteri, Kia ibutumy rierymyhỹre kaiboho dori uriõno tewiòhenanytenyete, tai iny wowydyna Deuxu-ò riwahinykre.

<sup>14</sup> Ade rexitòenykre aluumy heka relekre Deuxu adee ruxetòena riwahinyreki.

<sup>15</sup> Deuxu-ò wowydyna iny-ribi kanakemy heka idi watzireri. Wahidỹỹna wihikỹ dori Deuxu inydeereny riwawahinyre.

## 10

<sup>1</sup> Jiarỹ Paulo heka aõmybo adeereny arexitòenykre. Aõherekibo tamy tarabemahātenyete awanareny watxiwāhāu urihimyoòle watyhyna watzirerimy wamy tarybemahātenyete. Jiarỹ heka awana rybetere-di rarybeõmahāre awanareny watzireri wana. Tiu rareu, taheka ròritidỹỹre rybetere-di wahe.

<sup>2</sup> Ròhòtinywāhāre. Rexitòenyre. Awi heka rare. Ywina-di iny risỹnymyhỹre. Inyõ wamyreny ibinamy rarybekeki tahe tule ararybeke heka.

<sup>3</sup> Inatyhymy kabede-ki inyboho rasỹnymyhỹreny. Rakaaõbinanykeki, inyumyreny aõbinana wesemy rare. Tebònadirenyre.

<sup>4</sup> Tebònadirenyre. Aõ kabedemy iny rỹira kia debòna wese aõkõ kỹny. Deuxu debòna heka rỹira irurule heka rare.

<sup>5</sup> Inyõ aõbinamy Deuxumy rarybemyhỹkeki, tai tahe kia wadebònareny remymy re-sewāhārenyre kia ixāwididỹỹnamy wahe. Ibutumy Deuxu òludumy ratximyhỹre heka remywāhārenyre Deuxu rierykemy Kristu rityhynykemy wahe. Kaiboho heka ibutumy tetyhynymahātenyete.

<sup>6</sup> Kaiboho biatybenykeki, tahe, rexihuhyymy rỹimyhỹre aõhòkỹmy dỹỹnana-ò.

<sup>7</sup> Kaiboho heka tetehemahātenyete aõna aõna-ò ahana-ribi wesele wahe. Inyõraraykynykeki ratximyhỹreny ixinamy tuu raraykynyke. Jiarỹboho heka tule Kristu mahādu hõõ iny ratxirenyre.



8-9 Deuxu heka ruruõ wadee diwahinyde arawiõhenanykemy tai raixruõmyhÿre. Tai heka abrebudÿÿrenymy aõbo kariti rewinyre. Urile tahe aumydÿÿreny adireny rewisÿnywãhãre aõ bede arãatyremy aõkõ.

10-11 Ityyriti rybetere heka ribrebudÿÿ tahe rehemynyreu heka tii aõkõ rybetere-di rarybemyhÿre. Awityhymy aõkõ rarybemyhÿre riritinyreu. Iwese ròritidÿÿre wesemy aõkõ rarybere. Iu adehemynykreu tahe, iwese ròritidÿÿre wesele heka anarybekre.

12 Iny tai ratximyhÿre heka sõwemy ixidi rõhõtinyinmyhÿre tii awiremy. Kia tahe watximyhÿreny kia raryberenyõtyhy. Tii dori raitxÿtemy ratximyhÿ.

13 Aõmy iximy rarybemyhÿre dori tii awimy iximy rarybemyhÿre heka urile tuu raraykynymyhÿ. Timybo Deuxu inydee raryberele rikiraõmyhÿke. Kiawesele inydeereny awire.

14 Iaõmysÿdÿÿna heka timybo rikiwinyrenykele iny riijemyhÿreny. Juhu heka Rybe tÿmyra wihikÿ heka adeereny adiwykemy idi watxiwãhãre. Rewyreny heka juhUU Rybe tÿmyra wihikÿ adeereny rewyre. Tai heka tuu raryberenyõhyymahãreny timybo iny wixira aõmysÿdÿÿna riwinymyhÿreny.

15 Kaiboho heka aityhydÿÿnareny raumynykre. Tii heka wadeereny awire. Jiarÿboho heka aõmysÿdÿÿna wihikÿ sõwemy ariwinyrenykele watxirenyreri ayreny-ki, Deuxu-deewireki.

16 Idi tahe arõirenykre rybe-di aritÿnynyrenykre iyõbede-ò, Rybe tÿmyra wihikÿ-di wahe. Aõmy ararybeõtyhy aaõmysÿdÿÿnareny iwixira rewinyremy. Kiamy heka Ritidÿÿna-ki roire:

17 –Urile tuu rybe rÿike Inynyrÿ timybo riwinyrelemy.

18 Iny ixidi rõhõtinyinmyhÿre tii awireny. Tahe awi aõkõ rare Deuxu-ò. Deuxu tahe awimy tai rahamyhÿre tii idile rõhõtinyinmyhÿreki.

## 11

1 Jiarÿ òsana urihimyo raitxÿtemahãremy kaiboho wawana tòiterimy ixi-di atxitenyteri. Ihãrele taheka urihimyo reòludunymahãre. Jiarÿ heka okorenyre iwese Deuxu ratximyhÿre wesele.

2 Ywimy atximahãbeny adireny watxireri. Kaiboho iwese ijadõma hãbumy roikre wese toite. Hãbu heka Kristu rare.

3 Jiarÿboho raberuwãhãreny kaiboho Kristu-wana atximahãbenyke lau wahe. Iwese Eva hemylala riitxenanyre wese wahe.

4 Inyõ kanakeki rõhãletedÿÿmy Jesuisi wixiramy. Tahe kaiboho bityhynybenykekile jiarÿ heka raberumahãre.

5 Ijõ dori ritÿnynymyhÿre iwese inyboho ritÿnynymyhÿrenyre wese aõkõ iwixiramy.

6 Kaiboho heka tahõtinyinmahãteny te tÿnydÿÿdu wihikÿmy inkireny ratximyhÿre. Tahe awiremy idi tahõtinyinmahãteny te. Tai iwesele inyboho roire awi heka roire.

7 Tahe iwese tii awityhymy rarybemyhÿre wesemy aõkõ inyboho rarybemyhÿreny. Tahe iny rierymyhÿreny inyraykyreny-ki. Sõwemy heka tuu adeereny rarybemahãreny. Iu jiarÿ rybe ritÿnynymy akireny rarewãhãu, kiau heka adeereny rexitõenyõhyre iõwydÿÿmy. Iyjamy heka ixidee reijenynyreny kaiboho bexiòlõnybenykele. Teòsare òsana iwese rewinyre wese.

8 Ijõ dohodÿÿna mahãduõ heka riwaòwynyre adeereny aritÿnynyrenykele. Iwese iribi rawasinyre wesemy heka rahõtinyre.

9 Iu akireny rybe-di tÿnydÿÿmy rarewãhãu tiu rexitõenyõhyre adeereny biwawiõhenanykemy. Macedonia hãwã-ribo dori ityhydÿÿdu, mahãdu seriõreõ aõmybo raruwãhãre wadee diwyde. Tiu heka aõ aribireny aritaõtyhy. Tuu rarehy wese heka wiji rarekre.

10 Kristu inatyhynamy wadee rarybereri kia wese tule ararybekre ibutumy Akaia hãwã hãwã-ki.

11 Jiarỹ heka aluunihikỹrenyre. Taile heka tuu rarybewãhãre Deuxule rieryre.

12 Kia rybe tỹnydỹdu heka iwese rewinywãhãrenyre wesele ròwidỹmyhỹre. Kia heka rewinywãhãrenyre heka kia rarybereri heka aõ wiribi lahixi aõkõmy rarybereri.

13 Kahãbu heka inatyhy Deuxu deòdỹna aõkõ ratximyhỹre. Ruile heka iaõmysỹdỹna-ki ròhònymyhỹre. Rexitỹnykemy Kristu deòdỹna mahãdu-ò.

14 Tahe aõkõre heka Satanasi tule rexiwixiranymyhỹre. Ýju wesemy tii rexideòsinymyhỹre. Kia hãbu teòdu rare. Tai heka irehemy iribi rexiijaranyre òbiti deòdu mahãdu ratxireriki wahe.

15 Urile tuu iny idi ròhòtinykelemy heka tuu ratxirerimy ihỹre. Tahe aõkõre. Ikonanau tahe aõhòkỹmy dỹnana ritarenkre aõbo riwinymyhỹre òraru-ki.

16 Ixityre tuu ararybekre. Inyõ raykykõmy jiarỹ itxỹte raremy. Ararybekre heka waaõmydỹnanarenymy.

17 Teramy ijirarenyõmyke aõmybo ararybekre. Deuxu dori tuu arybedỹ-ò riwajjõnymy, tai heka rarybere itxỹte wesele watximahãremy.

18 Kaiboho heka taholamahãtenyte itxỹte mahãdu-ò. Katahe bodoholabedenkre aõmybo ararybekre.

19 Inyõ kedehemynykeki kaa biwinybenkre. Tahe tewinymahãtenyte aõna aõnamy aõkõ wahe.

20 Inyõ araitxenanyrenykeki uritere aõmydỹrenyõmy tamy. Jiarỹ heka ariwinyõtyhy tuu, wadee awiõre.

21 Ijõ rarybemyhỹre inyõ. Tule jiarỹ ararybekre. Itxỹte wesemy ratximyhỹremy.

22 Tii heka Hebreu mahãdumy tii rexininire. Jiarỹ tule kia tuu rare. Ijaõ mahãdumy heka tiiboho rexininirenyre. Jiarỹ tule. Abraõ riokoremy rarybemyhỹre. Jiarỹ tuleri.

23 Kristu deòdumy heka tii rexininimyhỹre. Rarybemahãre itxỹte wesemy. Jiarỹ heka iratyre deòduwimy watxiwãhãre. Jiarỹ raaõmysỹdỹ nihikỹre. Ròtenawo-ò riwarutyrenyre iratyre. Riwayatenyrenyre iratyre. Arurure inihe iratyre.

24 Judeu mahãdu heka 39 hetenamy wamy raòhòtere iruyre sõwemy wahe.

25 Roma mahãdu tasỹ inataõmy riwayatenyre. Sohoji ta mana-di watyre rihure. Ijõtxu heka hãwoninihikỹ heka riorore. Aõtxu heka bera-ki rãire ruu ibutumy txuu tule ibutumy rehure.

26 Ibutumy reamy rarewãhã aõma wasidu bedede aõmydỹnanamy bera-ki tule arurure inihe. Judeu mahãdu warubudỹmy wadi riwisỹnyre. Tule judeukõdu mahãdu tulere. Hãwãhãkỹ-ki brebunatyhymy watxiwãhã, bedede rahy-ki tule, ahohokỹ-ki tule. Waliinaõ inatyhy aõkõ tai ihỹmyhỹ. Tai heka riwaitxenanyrenyre.

27 Aõmysỹdỹ nihikỹ tai. Tỹkõhyky heka bedede reijemy rarewãhã. Rama riwasare; bemy rarowãhãre. Timy heka tỹnatykyõ ihoõhykyre sõwemy wahe.

28 Tai tahe rahòtinyre ibutu dohodỹna mahãdu-di.

29 Urihimyòle taruru-di ratxireri wana jiarỹ tule iheki waruruhohomy aõkõ relemahãre.

30 Inyõ raòrarunymyhỹre wana jiarỹ rabadewowãhãre iòraru-ki. Jiarỹ rexideòsinwãhãre waaõkõre urityhywãhãre.

31 Deuxu Jesuisi Kristu tyby dori riwaerymyhỹre aõu aõu heka iny rakanihikỹnykre.

32 Iu Damasu hãwã-ki rarewãhãu, Iòlò Areta bedede dinodu heka riwamymy riwateònyre. riwamykemy hãwãhakỹry ijò-ò.

33 Weriri nihikỹwomy riwawòmy riwatidire, Walina mahãdu. Tahe heto raro-ribi riwaatyre hãwã ahana-ò. Tai tahe rahenyre iribi.

## 12

1 Jiarỹ heka ararybekemy watxireri. Aõ aõkõ rarehãrele heka ararybekemy watxireri. Wiòhedỹna aõkõ heka rare. Wanyrỹ wadee riwahinyre aõna aõnamy heka rabire rasina wese jiarỹ sohojile wahe. Kiamy heka arelykcre wiji.

2-3 Tahe 14 beòramy heka Deuxu ityhydÿÿduõ ridyre biu-ò tasÿ-ò wahe. Deuxule rierymyÿre inatyhy aõbo rare ada aõkõre aõbo.

4 Kahãbu Deuxu-ribi heka rybeõkemy roholare. Tahe rarybeõtyhy.

5 Iximy tahe ararybeõkre kia wadeysarehãre. Waaõhõkÿmy dÿÿnanadile areysakre.

6 Urile ararybekre timybo releremy. Taile tahe iny tuu rarybekre. Tuheka rabire sõwemy aõwiwihikÿmy. Jiarÿ awiremy iny wamy raraykynyheny.

7 Tahe Satanasi aõbinana wixirahakÿbo wadee riwahinyre. Ixidi arõhõtinyõkre. Jiarÿ aõwiwihikÿ jiarÿ raremy wahe. Araraykynyõkemy.

8 Inataõmy heka Inynyrÿ-ò rexitõenyre kiamy waribi ritakemy.

9 Tii wadee rarybere: –Waruxetõenale heka adee awire. Aõbo kai taaõkõteu heka waruru adee rewahinyre. –Tai tahe jiarÿ reysare, waaõkõreu wahe.

10 Tahe awire, waõkõna, warurukõna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukõkreu, warurudikre.

11 Rarybere heka hãbu itxÿte wesele heka rarybereri. Kaiboho iòrarureny-ki heka kia wesemy rarybereri. Inatyhymy heka jiarÿ kia rybe tÿnydÿÿdu mahãdu bina ratyre watxiwãhãre. Ayreny-ki rarewãhãu heka teerytenyte.

12 Aõna aõna wiwihikÿ, deytana wihikÿ, bedeòtiidÿÿna ayreny-ki rewinyre kia Kristu deòdumy watximyÿreki wahe.

13 Rybe tÿnydÿÿ òwyõ heka aribireny retaõhyre.

14 Ihewoludu txu tahe aroramy arakemy ixidi watxireri. Inataõmy reywinyra aro-ramy arakremy wahe. Aribi nieruõ aritaõtyhy. Urile arawiòhenanyrenykremy adireny watxireri. Uladu riki heka tyby riyrubunyõtyhy. Tyby tahe uladu riyrubunymyÿre.

15 Ibutumy idi watxireri heka arahukre arawiòhenanyrenykremy. Adeereny wylemy arihukre. Jiarÿ heka aluurenyre. Kaiboho aõbo tule waluurenykre?

16 Waòraru-ki heka adee isiraõkre heka. Ihãrele tahe inybina wamy rarybemyÿre: –Tii itxenadÿÿdu rare.

17 Wamahãdu tule aribireny ritaõtyhy ijõ.

18 Txitu reteònyraijõ ityhydÿÿdu seriòreõ-wana. Tii aõbo aõ aribireny ritare? Aõkõre. Txitu wawesele heka tii rare.

19 Taõmysÿdÿÿna heka awiòhedÿÿnarenymy rare. Aõ wadi jiarÿ awiremy nohõtirenyõmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedÿÿrenymy.

20 Raberumahãre heka arehemynykreu, iwitxiramy atxibenybeke lau. Tule wadi iwitxiramy betehebentyke ixiweserenymy aõkõ. Ihãru, adebure. Aõkemy watxireri. Iny aõbina binamy wimy rarybemyÿre. Iny ixidile rõhõtinerimy ihÿre mahãdu. Kia aroholakeki tahe wadee awiõre. Riyrubunymyÿre. Riyrubunyõhyymyÿre.

21 Raberuwãhãre heka arahinykre heka akotxireny iõhãru òraru-ki. Aõna aõna wixira wixira òta òtamy rõhõtinyÿre, raraykynymyÿre. Sõwemy heka riwinyre ta ixi-txi tõhõti reaõhyymyÿre kia riwinyretxi.

## 13

1 Tahe ikonana txu roraludu heka jiarÿ rare. Inyõ aõbina binamy wimy rarybemyÿreki waribi ihitxihitximy heka tuu rarybemyÿre. Iny rimymyÿre heka tuu robimyÿre; tuu rarybemyÿre. Wiweselemy heka tuu rarybekre.

2 Iny iòrarudimy rÿikre-wana, ibutumy heka aõhõkÿmy rotÿÿnykre arehemynykreu.

3 Aõmy Kristu rybemy heka rarybekre. Tai bierybenykre. Aõmy warurudÿÿdure heka bierybenykre Kristu wahe.

4 Kristu heka itxeò-ki rurure irururenyõ wahe. Jiarÿ warurunarenkõ òraru-ki. Tahe Deuxu ratximyÿre, iruruna-di. Tii-wana heka inyboho heka ratximyÿrenyire iruruõmy. Tai awanarenyle watxireri, tahe tii-wana Deuxu ruruna-wana watxireri.

<sup>5</sup> Ixi-di heka betehebentyke. Bexiurihibentyke tyhyna-di atxitenyterimy. Jesuisi Kristu awo-ki ratxireri.

<sup>6</sup> Kia terytenytemy, inatyhy. Tahe jiarỹboho inatyhymy aõna aõna riijerenyre. Kia aõbo teerytenyfe.

<sup>7</sup> Jiarỹboho rexitòenyrenywãhãrenyre. Òraruna widỹrenyõmykemy. Kaiboho aõwiwi biwinybentyke. Kia òbitimy watximyhỹrenyreki aõkõ, kiemy òbitimy boibenykemy.

<sup>8</sup> Aõbo heka inatyhyna wiòhedỹñnale rikiwinyrenyke.

<sup>9</sup> Kaiboho arurudimy atxitenyteri-wana heka, jiarỹboho warurudimy watxiwãhãrenyre, kia wadeereny awi rare. Rexitòenymahãrenyre kaiboho òbitimy matxibenybekemy, ywimy ahãbenykemy.

<sup>10</sup> Tai heka adeereny ratyryritinyreri kiamy. Aribireny irehemy watxiwãhãre taheka arawiòhenanyrenyke. Arehemynykreu tahe timy heka aõhõkỹmydỹñnanamy arõhõtinyõtyhy, kia waaõmysỹdỹñna rare. Inynyrỹ dori iny wiòhedỹñnarenymy nade. Iny aõhõkỹmy dỹñnanamy aõkõ.

<sup>11</sup> Arakre tahe waseriòreboho. Idi biwisỹnybentyke ibutumy òbitimy biwinybentykemy. Warybe-ò heka boholabentyke. Wiwese weselemy maraykywydynanybentyke wiribihitximy aõkõ. Ywina-di matximahãbentyke. Deuxuluuna heka tule akireny ratxikre.

<sup>12</sup> Wii birybenymyhỹbentyke ityhydỹñdu seriòre mahãduõ tai wiluumy atximahãbentyke.

<sup>13</sup> Ibutumy Deuxu ijoj mahãdu heka adee rybe riwehityhynanyreri.

<sup>14</sup> Jesuisi Kristu Inynyrỹ ruxetòena heka akirenykemy watxireri. Deuxu luuna aki rỹikre. Deuxu Tytybytyhy awana rỹikre.

## Alatxia Paulo Tyyriti, Alatxia Mahãdu-ò

<sup>1</sup> Jiarỹ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inytyby, Kristu ixixadỹỹdu-wana riwateõnyre.

<sup>2</sup> Jiarỹ ityhydỹỹdu seriõre-wana. Kaa watyyritireny rewahinyreri Alatxia bedeludu mahãdu-ò, ibutummy dohodỹỹna mahãdu-ò, ityhydỹỹdu mahãdu-ò wahe.

<sup>3</sup> Ruxetõena ywina-wana adeereny kanakemy idi watzireri Jesuisi Kristu-ribi, Deuxu inytybyreny-ribi.

<sup>4</sup> Jesuisi rexiwahinyre iny òrarureny-ribi iny ritarenykemy. Wiji bede aõmydỹỹnabina-ribi iny ritarenykemy. Kia dori Deuxu-ò inytybydeewimy rare.

<sup>5</sup> Tamy àlàna aõu aõu kanawahimyhỹke.

<sup>6-7</sup> Jiarỹ bede reòtiinyra, rybe witziraõ eleelemy tetyhynymahãteki. Rybewihikỹ witzira ihoõre. Juhuu Kristu taruxetõena-di bedebina-ribi aratareny. Inyõ adee rare. Idi Deuxu Rybewihikỹ riwitziranykemy. Tai tahe atyhydỹỹna ribinadỹỹnyra. Tai tahe kiamy adee rarybera.

<sup>8</sup> Inyõ aõbo, jiarỹ aõbo, ada biuludu ýju aõbo, adee Rybewihikỹ witziraõ rarybekeki, Deuxu kyarana tamy kedesekeki idi watzireri. Rybewihikỹ-ò juhu waribi taholateny. Kia sohojile inatyhyre.

<sup>9</sup> Iwese rarybere wese ixityre ararybekre. Inyõ Rybewihikỹ riwitziranykeki, aõmybo juhuu taholateny-ribi, Deuxu kyanamy resekre.

<sup>10</sup> Deuxudeewimy taheka watzireri hãbudeewimy aõkõ. Jiarỹ hãbudeewimy aratx-imyhỹkeki Kristu deõdu aõkõ jiarỹ rare.

<sup>11</sup> Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke.

<sup>12</sup> Kia tihãbuõ-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynanyre.

<sup>13</sup> Kaiboho taholateny, iwese jiarỹ judeu mahãduy-ki raremahãu Iu Deuxu ityhydỹỹdu mahãdu aõbinamy rewinydỹỹnanyhỹre. Idi ariixãwididỹỹnykemy rarewãhã.

<sup>14</sup> Wamahãduy-ki sõwemy iratyre raremahã judeu mahãdu bede ywina ywidỹỹ-ki. Idi retyhynyhyymahãre wahona mahãdu ratyre, byrena erỹdỹỹna-ki.

<sup>15</sup> Iribi tahe Deuxu riwamyre taruxetõena-ki. Ratohouãnyõlemy rareò juhu riwahitxinyre.

<sup>16</sup> Wadee Deuxu tariõre riteõsinykemy ratximyhỹ judeukõdu mahãdu-ò tuu ararybekemy wadi ratximyhỹ. Iu inyõ dee aõmy rarybeõhyyre Jerusalẽ hãwã-ò raõhyyre.

<sup>17</sup> Rõtỹhydỹỹõmy raremahãu. Deuxu deõdỹỹna mahãdule rỹiramyhỹ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adòõsede Damasu-ò.

<sup>18</sup> Inataõ beõramy heka kowa-ki reijere. Idi tahe rare Jerusalẽ-ò Pedro roramy. Tahe bede reijere waiyre txummy tai.

<sup>19</sup> Ijõmy heka rabiõhyyre deõdỹỹna mahãduõmy. Txiaulemy heka rabire, Kristu seriõremy.

<sup>20</sup> Ka heka watyyriti inatyhy rare. Deuxuko-txi inatyhy rare.

<sup>21</sup> Idi Siria bedeõ-ò rare, tule Silisia bede-ò.

<sup>22</sup> Judeia bede-ki Kristu dohodỹỹdu mahãdu wamy lobixidu aõkõ rỹira.

<sup>23</sup> Uritỹỹna roholamyhỹre: —Kia juhu inyhudurenymy inydireny raremyhỹ, wiji tahe tyhyna-di dobedeerydỹỹnanyhỹde. Juhu tahe tii tyhyna rahukemy riwisỹnyre.

<sup>24</sup> Kia ibutu òraru-ki tahe Deuxu-ò deàlàmyhỹde wamy, Paulo wahe.



## 2

<sup>1</sup> Waòinaubiòwa reurò beòra-di rexihureu, ixyby Jerusalè-ò ròòsere. Banabe, Txitu-wana redyre.

<sup>2</sup> Rawāhāre heka rasi wese-ki aōmybo rabireki. Retŷnynyre iny-ò iwese inywitzira-ò rarybemyhŷremy. Dohodŷŷdu mahādu ratyre retare tamy rihitxinyre rarybekemy. Tuu arierykemy watzireri ywimy watxiwāhāremy.

<sup>3</sup> Txitu wawana ihŷre, tii judeukōdu mahāduō hārele tahe itōtyky resymy rarybeōhyyrenyre. Tiiboho waki ibinamy rahaōhyyrenyre.

<sup>4</sup> Idile rōhōtinymy hŷre ityhydŷŷdukōdu mahādu. Tiiboho nalòdenyde waixāwididŷŷnaren-ò retehekremy, iny Kristu-ki ijōdiwāhāre-ò. Tiiboho ixiwesemy iny-di risŷnykemy ratxirenyreri. Tiiboho ityhydŷŷdu wesemy rexisŷnynymy hŷre.

<sup>5</sup> Tamy jiarŷboho raholarenyōhymahāre inatyhymy Rybewihikŷ aribireny ritaōhyykemy.

<sup>6-9</sup> Dohodŷŷdu mahādu ratyre mahādu heka Joaō, Txiau, Pedro-wana rare. Tiiboho ibutu erysyna ratyre rŷiraki, kia aō aōkō wadee rare. Tiiboho aō tŷmyra riwabe-deerynyōre. Deuxu-ò tahe ibutumy iny wiwesehyy rare. Deuxu riwateōnyrenyre judeukōdu mahādu-ò Rybewihikŷ wahisidŷŷmy. Kia Joaōboho wiwesehyylemy widi rōhōtinyre riwawehitynanyra jiarŷ Banabe-wana. Tai tahe iwese Pedro judeukōdu mahādu-ò rare. Tiiboho tahe ritŷŷnynymy hŷke judeu mahāduōle wahe.

<sup>10</sup> Urile riwatyhenyra iny aōkōdu mahādu ariwiōhenanymahākemy. Kia juhūu ariwinykemy watxiwāhāre.

<sup>11-12</sup> Atxiōkia-ò Pedro rehemymhŷreu jiarŷ tuu rarybere timybo ibinamy riwinymy ihŷremy rexiitxenanyymhŷreki. Hābuō Txiau-ribi rehemynyōrau, tii judeokōdu mahādu-wana riroxire. Irahudi tahe dehemynydenydeu, riroxiōhyylemy rexitare. Judeu mahādu rybe lau ruberure.

<sup>13</sup> Ijō judeu iwesele rotŷŷnyre. Ihewoludu Banabe tulere.

<sup>14</sup> Tuu rabireu, òbitimy aōkō Rybewihikŷ inatyhy wesemy aōkō rotŷŷnynmy raremyhŷ tahe rarybere ibuturu-ò, Pedro-ò. Kai judeu mabekeki, tahe judeokōdu mahādu wesemy tanabededŷŷnanamy ahāte. Uritere judeukō mahādu judeu mahādu wesemy isŷdŷŷōmy.

<sup>15</sup> Jiarŷboho tahe judeu mahādumy reamahārenyre. Judeukō mahādumy aōkō watxiwāhārenyre.

<sup>16</sup> Iny bede ywidŷŷna aōkō iny ritamy roire. Kia Kristu iny rityhynymy hŷrele iny ritamy roire. Bede ywina ywityhydŷŷna iny ritaōtyhy.

<sup>17</sup> Iny Kristu-ki tarasana ritamy ratxikeki, tahe òrarudu tyhymy ronykeki, Kristu aōbo òraruna widŷŷna rare? Aōkōre.

<sup>18</sup> Jiarŷ bede ywiny ywidŷŷna-ò aròòsekeki, òrarudumy ararekre. Kia jiarŷ idi ariatymy rŷimyhŷre ixityre ariwinykeki òrarudumy arareke.

<sup>19</sup> Jiarŷ bede ywina rarumy rāire wese, Kristu-ò warumy ararekremy. Kristu-wana jiarŷ raitxeòkirubudŷŷnanymahāre.

<sup>20</sup> Jiarŷ ixidee warumy aōkō wahāre. Kristu tahe wawo-ki riwarudŷŷnanymy ihŷre. Warumy watzireriwana Deuxu iriòretyhydŷŷna òrarukile warumy wāhāre. Tii waluumy ratximyhŷre. Tahe wadee rexiwahinyra.

<sup>21</sup> Deuxu ruxetòedŷŷna aribinykemy aōkō watzireri. Bede ywina tyhydŷŷna òraru-ki ywityhydŷŷna tahe inyō ritakemy ratxireri. Kia-di inatyhymy inyō rexitakeki tahe, Kristu uriòle rurure.

## 3

<sup>1</sup> Alaxia mahādu timybo tahōtinyteri kaiboho òhōtibede-di rierykōrenyre. Kia-di òsana tahōtinyre. Moòwòru ijeranamy ahātenyete. Jesuisi Kristu itxeò-ki rururedi taholatentytyhyta. Òhōti-ribi aōbo kia rosare.

<sup>2</sup> Kiale arierykemy watzireri timybo tahõtinytenyteri: Deuxu Tyytybytyhy temytenyta bede ywina widyŷŷnamy aõbo ada inatyhyna tyhydŷŷnamy aõbo.

<sup>3</sup> Juhu urile tetyhynytenyete idi ixiumykile tadexityhynomy ahãtenyete, bede ywina ywisidŷŷna wahe.

<sup>4</sup> Kaiboho òbitimy tahõtinyõtenyete. Kia aõbo aõhõkŷmy tatŷŷnytenyete uriòhyyòle?

<sup>5-6</sup> Aõkõre, uriòkele aõkõre òsana tahõtinyteri. Deuxu Tatytybytyhy adeeremy diwahinyde. Kia aõbo riwinyre bede ywina ywisidŷŷ kaiboho tamahãtenyete? Aõkõre, tetyhynymahãteki kia riwinyre. Deuxu aõna aõna wiwihikŷ akoreny-ki riwinyre. Kia sohojile iny ritake. Abraõ Deuxu rityhynyre. Tai tahe tamy òbitimy rare Deuxu-ò, iòraru iribi riixãwididŷŷnyraki.

<sup>7</sup> Tai ibutumy rityhynymyhyre mahãdu Abraõ riòremy rŷira.

<sup>8</sup> Tyyriti-ki roimyhŷre kia: –Deuxu heka judeu mahãdu sohojile aõkõ riòbitinykre. Ibutumy iny riòbitinykre ityhydŷŷ erysydŷŷna òraru-ki. Rybewihikŷ erysyna Abraõ-ò juhuhu dehemynde. Kia wese Tyyriti doide: –Aòraru-ki ibutumy iny-ò deysana kanakre.

<sup>9</sup> Tahe ityhydŷŷdu mahãdu Abraõ wesemy teysare. Abraõ dori ityhydŷŷdu rare.

<sup>10</sup> Inyõ bede ywina rityhynyõkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidŷŷna dori roire: –Inyõ ibutumy bede ywina riywinyõkeki, tamy Deuxu txuhòbina kedealeke.

<sup>11</sup> Òbiti mahãdu rityhynomy ronykre. Kia riki Ritidŷŷna roire. Tahe bede ywina heka inyboho aõkõ riòbitidŷŷnyre.

<sup>12</sup> Bede ywina heka iwitxi rare ityhyna-ribi. Tahe inyõ bede ywina rityhynomy ratxikeki, tii ibutumy rityhynomy rarehyyke.

<sup>13</sup> Inyboho Deuxu bede ywina rikiywinyrenyõkeki, Deuxu txuhòbina inydeeremy kedeakre. Kristu tahe kia-ribi iny ritare. Tule inyòwòruna òraru-ki rexilamadŷŷnyre iny-dee iòwydŷŷna-ki. Beteheke Tyyritidŷŷna roire: –Inyõ òwòru itxeò-ki ritamadŷŷnykeki, tamy txuhòbina kedealekre.

<sup>14</sup> Deuxu narybede heka Tatytybytyhy iny-ò riwahinykemy. Wiji tahe inyõ rityhynykeki, Deuxu Tyytybytyhy ritakre. Tai Abraõ deysana inydeeremy rehemynyre Jesuisi Kristu òraru-ki.

<sup>15</sup> Waseriòreboho, jiarŷ hãbu wesemy ararybekre. Iny inatxi jurasadŷŷna ritina riwinykeki, inireny ritidikeki, inyõ riwitziranyòtyhy. Tai ijõ wixira riritinyòtyhy.

<sup>16</sup> Boholabenyke, Deuxu juhuhu Abraõ dee narybede: –Abraõ riòre hewoluduõ Kristumy. Abraõ riòre sòwe dee rarybeõre. Sohojideele rarybere. Tahe tariòre-ò Kristumy rarybere.

<sup>17</sup> Tuheka rarybereri: –Deuxu juradŷŷna wese juhuhu rarybere, 430 beòra bede rŷire idi tahe bede ywina nade. Kia Deuxu juradŷŷna riixãwidinyòtyhy.

<sup>18</sup> Tarasany bede ywinawidŷŷna òraru-ki kidiwahinykeki, wahisidŷŷna aõkõ heka rare. Tai Deuxu heka Abraõ-ò jurasadŷŷna riwahinyre. Iòwydimy aõkõ juhuhu dori rarybere tii kidiwahinykemy.

<sup>19</sup> Aõherekibo heka nade? Kia nade òraruna òraru-ki Kristu nadeule kŷny juhu ludu wese aõkõ roire. Kristu heka Deuxu deòdŷŷna rare. Iwese Deuxu rarybere wese riwahinyre. Tii Abraõ riòre riòre-ribihyy reare. ŷjummy bede ywina nade. Iny itya ludu debò-ki rehemynyra. Moisesi iwahidŷŷdure.

<sup>20</sup> Boholake, Moisesi sohojile aõkõ itya ludu ratxireri bede ywina riwahinyreu. Deuxu tahe sohojile rare irybe riwahinyreu.

<sup>21</sup> Bede ywina aõbo Deuxu jurasadŷŷna riixãwidinyke? Aõkõre. Bede ywina umy ituedeõna riwahinykeki, òbitidŷŷna inatyhymy bede ywina nade. Tahe aõkõre.

<sup>22</sup> Deuxu Tyyriti rarybere: ibutumy iny òraruna-di ratxireri. Kristu iny rityhynykeki, Deuxu jurasadŷŷna tamy riwahinyke.

<sup>23</sup> Ityhydÿÿna rehemynymynykoki bede ywina iny rityhynymyhÿre ròtenawo-ki iny-boho roire wese. Kia-ò iny riraòhyymy rÿimyhÿre inatyhydÿÿna kedehemynykemy.

<sup>24</sup> Uladu bedeerydÿÿdu wese bede ywina rare inydeereny. Kristu rehemynykôu, iny-boho bede ywina rityhynyreny. Tai Kristu-ò inyboho òbitimy ronykremy ityhydÿÿna òraru-ki.

<sup>25</sup> Ityhydÿÿna-ò iny rehemynyreu, uladu bede erydÿÿdu-ribi ixãwimyhÿre.

<sup>26</sup> Kristu-ki ibutumy Deuxu riòre atximahãtenyete ityhydÿÿna-ki.

<sup>27</sup> Ibutu dori Kristu-ò taratisebenyeteu, Kristu wesemy tatÿÿnyete.

<sup>28</sup> Kristu tÿnydÿÿna-ki wiribi hitximy aõkõ boibe, judeukõdu mahãdu, iny-wana, deòdu deòdu aõkõ-wana, ijoi hãwyy-wana ibutumy wiwese wesele Kristu-ki rÿike.

<sup>29</sup> Kristu-ki mabekeki, Abraõ riòre riòrelemy mabekre. Jurasadÿÿna rareasadÿÿdumy atximahãtenyete.

## 4

<sup>1</sup> Ijyyõ arelyykre –rareasadÿÿduõ deòdu wesemy raremyhÿ tii uladumy rareu, ibutu wedu rare hãre wahe.

<sup>2</sup> Urile tyby rarybere raumynykõule, tii tatibiedÿÿdu rybe rityhynymyhÿre.

<sup>3</sup> Kia wese iny rare. Uladu wesemy bede aõmydÿÿnana rityhynymyhÿre juhUU.

<sup>4-5</sup> Iribi tahe bededÿÿnana he rehemynyra. Deuxu tahe Tariòre diteònyde ijadõma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahãdu tarasamy kia tyhyna-ribi ritakemy tariòre wesemy ritibienykemy.

<sup>6</sup> Deuxu Riòre wesemy iny ihÿreki iny-ki ratximyhÿreki, Tatytytybytyhy inywo-ò risÿnyre. Tai inywo-ribi rarybemyhÿre: –Waha, Waha.

<sup>7</sup> Wiji tahe deòdu wese aõkõ atxiteri, Deuxu riòretyhy wese atxiteri. Tule Deuxu rareasadÿÿduõle tate.

<sup>8</sup> JuhUU Deuxu teeryòtenyete. Kaiboho deuxu wixira wese tetyhynytenyete –deuxu inatyhy aõkõ tetyhynytenyete.

<sup>9</sup> Ka tahe Deuxu teerymy ahãtenyete tetyhynmahãte. Deuxu anaerynymyhÿdenyde. Ixyby bede aõmydÿÿnana-ò òòsedÿÿõmy, arawiòhenyõreki. Deòdumy aõkõ ixyby rÿimy boibeke.

<sup>10</sup> Txu yrubudÿÿõmy, ahãdu yrubudÿÿõmy, beòra yrubudÿÿõmy.

<sup>11</sup> Inatyhymy ada aõkõre aõbo waaõmysÿdÿÿna adeereny reõnonyra?

<sup>12</sup> Wawesehyymy boibeke. Jiarÿ dori tatemahã wese raremahã, waseriòreboho. Kaiboho wadee aõbina tewinyõmahãtenyete.

<sup>13</sup> Kia teeryte. Jiarÿ juhUU adeereny Deuxu rybemy rarybereu, jiarÿ iu wabinawãhãu.

<sup>14</sup> Wabinana heka isirare adeereny, ihãre tahe waderaõre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyete, iwese taheka Jesuisi Kristule jiarÿ rare wese wadi tewisÿnytenyete.

<sup>15</sup> Titxibo rare eysanareny juhUU adi toite wahe. Kaiboho aruereny wii tesÿnymy toitemyhÿ kaiboho wakyyrenyreki.

<sup>16</sup> Jiarÿ aõbohe aòludumy relera, inatyhy rybe adeereny rarybereki? Aõkõhyre.

<sup>17</sup> Hãbuõ arãitxenanyimyhÿreny. Aluu wese heka ratxirerimy ihÿre. Aòlõnamy dori rarunyeri. Tiiboho wabiòwana-ribi atarasamy adi ihÿreny.

<sup>18</sup> Aõwihikÿ erysmy marurunya. Tii tahe awire, awanale watxireriki aõkõ.

<sup>19</sup> Wariòre wese, adeereny aõhõkÿmy ratÿÿnyre, hãwyy reamyhÿre mytxitxi wese jiarÿ rare adeereny Kristu awo-ki rexilamadÿÿnyhykemy.

<sup>20</sup> Awanareny ararekemy watxireri. Tai tahe warybe wixira-di kia anarybekemy watxireri. Aõhebo adeereny heka arasÿnyre arawiòhenanykemy watxiwãhãre. Timybo reerykõre dori.

<sup>21</sup> Inyõ bede ywina tyhydÿÿdumy ratxikeki, wadee manarybeke kiamy: aõmybo bede ywina raryberamy teeryteri?

<sup>22</sup> Kia Tyyritidÿÿna-ki roire Abraõ riõre inatxire. Juhuu ludu teòdu-ribi, Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deòdu-ribi aõkõ.

<sup>23</sup> Deòdu riõre ibutu dee wese nade. Abraõ hãwyy riõre aõkõre Deuxu rybewahisidÿÿna xiery reare.

<sup>24</sup> Kia ijyy-di rawesenanyreri. Inatxi hãwyy inatxi jurasadÿÿna wese heka rare.

<sup>25</sup> Ijõ Haari inire, deòduni. Iriõre deòdumy rarekemy reare. Sinai Hãwãlò wese tii rare. Kowa tyre-ki bede ywina inydee riwahinyre. Jerusalẽ wesemy roimyhÿre kia mahãdu deòdumy dori rÿira, tariõre-wana.

<sup>26</sup> Jerusalẽ tyhydÿÿna mahãdu, biu ludu tahe deòdu wese aõkõ rare, ixinamy inyboho roire. Abraõ hãwyytyhy riõre wese inyboho roire.

<sup>27</sup> Tyyritidÿÿnaõ dori roire: –Hãwyy ariõreõ beysakre. Birajuakre ariõrekõhãrele beysamy ariõredikire heka. Hãwyy risina riõre sõwetyhyre, hãwyy ihãbu-di ratyre.

<sup>28</sup> Waseriõreboho, kaiboho rybe ywisidÿÿna riõre wesemy ahãtenyete, Ijai wesemy.

<sup>29</sup> Iwese ibutu ludu wesemy reareõ aõbina riwidÿÿnanymyhÿre. Deuxu Tyytybytyhymy reareõ. Wiji, tahe kia weselemyhÿre.

<sup>30</sup> Tyyritidÿÿ rarybera: –Biteõnyke deòdu tariõre-wana. Rareasadÿÿdu ibutumy rimykre. Hãwyy deòdu aõ aõkõ rimykre tariõre-wana.

<sup>31</sup> Waseriõreboho, deòdu riõre wese aõkõ inyboho roire. Hãwyytyhy riõre tahe iny roire.

## 5

<sup>1</sup> Kristu inyboho ritare ixinamy inyweduduõlemy roirekemy. Kawese rokoirekemy. Deòdu wese ixyby rukunynyõkre.

<sup>2</sup> Jiarÿ, Paulo, adeereny rarybereri: inyõ notykyresyna-ò ròõsekeki, Kristu ri-wiõhenanyõhyymyhÿre.

<sup>3</sup> Ixityre ararybeke. Inyõ rinotykyresynanykeki, bede ywina ibutumy tii riyrubunyhyyke.

<sup>4</sup> Inyõ bede ywina rexiõbitinymy ratxikeki, Kristu-ribi rexihitxidÿÿnymyhÿre, rux-etòena tyhyna-ribi rexitare.

<sup>5</sup> Deuxu riwaõbitinyrenyre Tatytybytyhy òraru-ki kia retyhynyrenyre. Kia reraõrenyre.

<sup>6</sup> Jesuisi Kristu-ò notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare.

<sup>7</sup> Juhuu awimy tuu tatyynmahãte, inatyhyna-ki ijera wihikÿmy teamyhÿte, moõ inatyhyna-ribi anaixãwididÿÿnyde.

<sup>8</sup> Deuxu aõkõ atarasadu juhUU ixãwididÿÿnyde.

<sup>9</sup> Inyõ paõ riwinykeu, ibutenode ritxiwikeki ibutumy ratarinyke. Inyõ ibinamy urihimyò arabedeerynykeki sõwemy ribinadÿÿnyke.

<sup>10</sup> Jiarÿ Wanyrÿ retyhynyre, kaiboho wawesemy mohõtinybenykemy adireny watzireri.

<sup>11</sup> Waseriõreboho jiarÿ waòludu dire. Kia tahe riteòsinyre notyky resynamy rarybeõre ijõ wamy raryberẽhãre. Kia ararybekeki sõwemy wahemy kanakre. Itxeò tÿnydÿÿna rybe rityhynykremy.

<sup>12</sup> Kowa mahãdu òte rexihukemy idi watzireri. Adeereny aõbina diwinymyhÿdenyde.

<sup>13</sup> Kaiboho Deuxu arateõnyrenyre, urile òraruõmy boibeke kaiboho bede ywina-ribi ixinamy boibeke. Wii biwiõhenanyymyhÿbenyke, wiluurenkemy.

<sup>14</sup> Bede ywina ibutumy rexibutunyre rybe-ki kia tahe rare: –Inyluuke ixiluure wese.

<sup>15</sup> Wiwana bõrenybenykeki, kaiboho widi buruakeki, bexihãrubeny ibutumy wii mahubenyheny.

<sup>16</sup> Tai jiarỹ rarybere, Deuxu Tyytybytyhy deewimy boibekemy deòbiredỹña iwidỹỹomy boibeke.

<sup>17</sup> Deòbiredỹña dori Deuxu Tyytybytyhy òluduna-ki ramyhỹre. Wimỹ òludurenyre. Tai aõbo adeereny awire iwidỹỹ adeereny isirare.

<sup>18</sup> Tahe, Deuxu Tyytybytyhy arateòsinyrenykeki, bede ywina ywidỹỹna aõkõ bityhynyke.

<sup>19</sup> Deòbiredỹña aõna aõnamỹ dỹỹnana-ki kia roire: aderanadino, aõbinade, raykyõmy, òta òta,

<sup>20</sup> suritxoomỹ àlàdỹỹna, òwòruna wii, òlududỹỹna, aõbinaluu, ihãru, kyara, wobiredỹỹna, wiribihitxina,

<sup>21</sup> ibutu aõmydỹỹna ixixiburedỹỹ, axaxaluu, rỹsỹnaluu byrehekỹ, tule ijõ aõna aõnà sõwemy kawesere. Inyõ kia aõna aõnawidỹỹ rierykeki, Deuxu òlona rareasadỹỹdu aõkõ roikre. Tuu rarybere juhuule.

<sup>22</sup> Ka heka Deuxu Tyytybytyhy aõmydỹỹnanamỹ rybena roire: iwahidỹỹna kia rỹire, tii dori inywomy rỹira. Wiluuna, deysana, ywina, ruxetòena, wina, òbitidỹỹnana,

<sup>23</sup> ibutu-ò awina, ixidee inytyhyna, ixirydyỹna, tai bede ywina ihoõhyre kia-ò.

<sup>24</sup> Kristu hõrõ mahãdu kia itxe-ki ritidirenyre: deòbiredỹỹna, aõmydỹỹnana bina-ribi, deòsana aõmydỹỹnana-ribi

<sup>25</sup> Inyboho Deuxu Tyytybytyhy-di rokoirekeki Deuxu Tyytybytyhyry-ki rakari-arenykre

<sup>26</sup> Ixi deàlànararòsò luukemy aõkõ rakatximyhỹrenyke. Tai tahe ixixiburedỹỹna-di aõkõ, rakatxirenyke. Wiòbiredỹỹna-di rakatxirenyõke.

## 6

<sup>1</sup> Waseriòreboho. Inyõ òraruna-txi resekeki, kaiboho ywina-di biòbitinybenyke. Bex-ihãrumahãbenyke kia òraruna-txi ixeyõmy boibekõkemy. Kaiboho dori, Deuxu mahãdu toite wahe.

<sup>2</sup> Wiitxykywydywesemy wii biwiòhenanybenyke ibutu aõmydỹỹnana-ki. Iwesekeki, Kristu bede ywina tetyhynmahãtenyte.

<sup>3</sup> Inyõ ixidee aõlemỹ rõhõtinykeki, tahe tii aõhy aõkõ rare, tii rexiitxenanyhỹre.

<sup>4</sup> Ixinamỹ iny sohoji sohoji taaõmydỹỹna-ò retehemyhỹke, aõhebo rotỹỹnanyhỹremỹ wahe. Idi tahe ixi aõmydỹỹnale-di kedexityhynanyhỹkre, tabireludu aõmydỹỹna-di aõkõ.

<sup>5</sup> Iny sohoji sohoji dori taitxyky riwymyhỹke.

<sup>6</sup> Inyõ Deuxurybe erydỹỹna ijòdikewana tabedeerydỹỹna mahãdu-ò ibutumỹ erysyna wiwihikỹle-di rirareamahãke. Tule bedeery mahãdu heka tohodỹỹna mahãdu-ò aõna aõna wihikỹ riwahinymyhỹre.

<sup>7</sup> Ixiitxenadỹỹõmy. Inyõ heka Deuxu itxenadỹỹõmy alòbòròna-ò iny ribòrònykeki, tiile tahe raumynyhyymyhỹre.

<sup>8</sup> Inyõ òraruna ribòrònykeki, rubule taumỹ-ki ritake. Inyõ Deuxu Tyytybytyhy deewimy tuu rotỹỹnykeki umytuedeõna ritake.

<sup>9</sup> Aõwihikỹ widỹỹhyymỹ boibeke. Kia-ki elemỹ ruburenyõmy. Aõwihikỹ widỹỹhy boibekeki, adeereny aõwihikỹ wahidỹỹna wese kanake.

<sup>10</sup> Ibutumỹ inydeereny aõwihikỹ widỹỹ-ki inyboho abededỹỹnanawikeki ibutumỹ iny rikiwiòhenanyrenymỹ, rỹkỹirenyke, ityhydỹỹdu mahãduõ bexiywinyhy ahãbenykemy iwiòhedỹỹ-ò.

<sup>11</sup> Tuhe, jiarỹle ariritinykre, Paulo wahe. Betehebeny inihe ritidỹỹna nihikỹ reritinyra wadeb-ò-di.

<sup>12</sup> Inyõ ayreny-ki wohyna ixidee rymykemy ratxireri, kia adeereny õtyky resynamỹ adi ratxirerihyymyhỹre. Kristu itxeõmy tiibohe ritỹnynyrenykeu aõhõkỹmỹ rotỹỹnyõmykemy rõhõtinyinymyhỹre.



<sup>13</sup> Notyky resyna mahãdu bedè ywina rityhynyõre. Tiile rexityhynymyhẽre. Kaiboho irybe-ò boholakemy atxiteri.

<sup>14</sup> Jiarỹ arexiwowydynanyõhyymahãkre, Wanyrỹ Jesuisi Kristu itxeò-di areysakre, biu-ò hena òraru-ki wahe. Bedè aõmydỹnana waki rỹimyhẽre, itxeò-ki retamadỹnyra waribi ixãwira.

<sup>15</sup> Notyky resynadỹ aõ aõkõ rare. Notyky resynadỹkõ tule aõ aõkõ rare. Urile biu-ò hena-di boibekele tahe aõ rare.

<sup>16</sup> Kia bedè ywina bityhynybenymy boibekeki, Deuxu-ribi ywina, ruxetòena, adeereny kanakemy idi watzireri. Tule Deuxu mahãdu ibutu-ò, judeu mahãdu wese dori ratxireri.

<sup>17</sup> Karibi tako-ò tahe inyõ waixiradỹõmy ararekre. Beydỹna dori waumy-ki roimyhẽre, Jesuisi rybe rybemy rybedu òraru-ki.

<sup>18</sup> Waseriòreboho, Jesuisi Kristu ruxetòena akireny rỹikemy watzireri. Kie.

## Efesu Paulo Tyyriti, Efesu Hãwã-ò

<sup>1</sup> Paulo, Jesuisi Kristu deòdỹỹna jiarỹ rare. Deuxudeewimy tahe kia rare. Efesu hãwã ityhydỹỹdu mahãdu –ò kalemy warybe rewahinyreri. Kaiboho ywimynodu mahãdumy toimahãte.

<sup>2</sup> Ruxetòena adeereny kidiatykemy Deuxu-ribi idi watzireri tule Jesuisi Kristu Innyrỹ-ribi.

<sup>3</sup> Deuxu, Innyrỹ tybyreny, inyboho tuu reàlãmhyỹreny. Tii dori inydeereny wihikỹ inywo ywinamy diwahinyde Jesuisi òraru-ki biukihikỹle wahe.

<sup>4</sup> Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aõkõu tii rihitxinymy ritakremy rỹimyhỹre, inyboho wahe. Kristu-ki iny rihitxinymy rỹire. Iny òbitimy rỹirakemy rihitxinymy, ywimy nodumy wahe. Kiamy heka rokoirekre Kristuko-txi luuna-di.

<sup>5</sup> Ihetxiu tamywimy Deuxu rihitxinymy ritare, inyboho wahe. Iriòreny wesemy rokoirekemy.

<sup>6</sup> Kiamy heka Deuxu riwinyre àlàna, wohyna-wana tamy rikiwahinyreny tii dori inyluurekí wahe. Kristu hãlubu òrarukile biu-ò henareny iny nade. Iny òrarureny riòwinyre taruxetòena wihikỹ òraru-ki.

<sup>7-10</sup> Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kiditynynykemy idi ratzireri. Tamywimy tahe inydeereny riteòsinyre. Iwese tii rõhõtinyre wese. Bededỹỹnana rexi-hukreu. Kristu-ki ibutumy aõna aõna biu-ki bede-ki rỹikremy ihỹre. Kiamy tahe Deuxu rõhõtinyre.

<sup>11-12</sup> Kristu òraru-ki Deuxu juhoo iny mahãduy-ribi inyboho rihitxinymy. Tii diwahinyde inydeereny uriònojura jurana. Tii dori ixideewilemy ibutumy aõhebo rotỹỹnymyhỹre Deuxu kia hitxidỹỹna mahãdu ixidile wowydyna mahãduõ rỹirakemy rỹimyhỹre. Inyboho juhoo rityhynyreny Kristu-ò.

<sup>13</sup> Kaiboho kiaõ toimahãte. Juhoo rybe inatyhy-ò taholatentyteu, tetyhynymyhỹtenyete tarasa Rybewihikỹ-ò wahe. Tai tahe Deuxu Tyytybytyhy-di ratidỹỹna wesemy iny dee ritidimyhỹre. Deuxu Tyytybytyhy dori tii kidiwahinykemy rarybere, ihetxiu wahe.

<sup>14</sup> Uriòno jura jurana Deuxu Tyytybytyhy rare inydeereny. Deuxu tahõrõ mahãdu ritakreu, tuu reàlarenkre tuu, inyboho dori kia mahãduõ roire.

<sup>15</sup> Tahe jiarỹ, Paulo, tule umy raholamahãre Jesuisi Kristu atyhydỹỹna-ò, tule aluuna ityhydỹỹdu-ò. Tai tahe Deuxu-ò àlàna-di araixitòedỹỹnyrenymahãre. Wanohõti aribireny rosaõhyymyhỹre.

<sup>16-17</sup> Deuxu tahe Jesuisi Kristu biu loosòna tyby rare. Tii araykyreny-ò bedeeryna kidiwahinykemy watzireri, awolyrana kidiwahinykemy watzireri.

<sup>18</sup> Tai tahe araykyrawoni ritỹnynykemy watzireri. Tai kaiboho bierybenykre Deuxu iryna. Tule ityhyna biu loosòna-di bierybenyky watzireri.

<sup>19</sup> Deuxu taruruna sòwemy diwahinymyhỹde ityhydỹỹdu mahãdu-ò. Iruruna tahe aõni rare inydeereny uriòno jura jurana. Kia tule bierybenyky watzireri.

<sup>20-21</sup> Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disỹnydeu, biukihikỹle wahe. Kristu tahe ibutu ruruna witxira witxira ratyre rare, ibutu wedu ratyre, ibutu dinodu ratyre, ibutu deòdỹỹdu ratyre. Ibutuni ratyre tii rare. Wijinani ratyre, tule kanakremy ihỹreni ratyre rare.

<sup>22</sup> Deuxu tahe ibutu aõna aõna witxira witxira Kristuwarawo-ò ritidire tai tii ibutuwe-dukremy. Tii ibaturati wesemy rare. Kia tii ihỹre dohodỹỹdu mahãdu-ò, iwedu wahe.

<sup>23</sup> Dohodỹỹdu mahãdu tahe Kristumy wese rare. Kristu dori ibutu aõna aõna ritỹxinymyhỹre.

## 2

<sup>1</sup> Juhuu kaiboho rubumy tãimahãte òraruna òraru-ki.

<sup>2</sup> Juhuu kaiboho bedeaõmydỹỹnana bede-ki toitemahã juhUU Satanasi deòdỹỹna tetyhynymy toitemahã. Tii bedeyhy ruruna dinodu rare. Ityhydỹỹdukõdu mahãdu wiji dori rityhynymy rỹira, itxiòdỹỹdu mahãdu wahe.

<sup>3</sup> Ityhydỹỹdukõdu mahãduy-ki juhUU tule inyboho roiremahã –ibutumy ixideerenywimy inyboho riwinyrenyre; inyraykyreny wydyna-deewimy tule inyboho riwinyrenyre. Ehehewidỹỹdu inyboho roiremyhỹ, tuu ratybienymy rarehyy dori tuu rare. Iwese ijõ roiremyhỹ wese.

<sup>4</sup> Deuxu tahe sõwetyhymy ruxetòena diwahinymyhỹde, inyluurenyreki.

<sup>5-6</sup> Deuxu inyboho rurudỹỹnyre Kristu-wana rubu-ribi riixixanyrenyre. Kristusỹ-ki biu-ki tii inyboho risỹnyre tai rokonyrenykemy. Iruxetòena òrarukile abiu-ò henareny dire.

<sup>7</sup> Iruxetòena kiditeòsinykre bededỹỹnana robehe my roireki wahe. Iwese sõwehymy iruxetòena diwahinyde wesemy.

<sup>8</sup> Tarasana Deuxu ruxetòenaribile nade aityhydỹỹnareny òraru-ki tuu rare. Iny-ribi aõkõ nade. Deuxu wahidỹỹna rare.

<sup>9</sup> Iny-ribi rarybekre inyõ ixityhydỹỹmy tahe aõkõre Deuxu ruxetòenakile tuu rare.

<sup>10</sup> Tii tahe ibutumy iny riwinyrenyre. Òbiti aõmydỹỹnana widỹỹdukemy iny riwinyre Jesuisi Kristu òraru-ki. Deuxule juhUU rõhõtinyre òbiti widỹỹdumy aõbo rokoirekemy.

<sup>11</sup> Tahe kaiboho uritere nohõti losaõmy kaiboho judeukõdu mahãdu toite juhUU mahã. Kiamy judeu mahãdu arãninimyhỹrenyre, notykyresykõdu mahãdu wahe. Tii dori notyky resydu mahãdu roire, iyresynadireki wahe.

<sup>12</sup> Juhuu tahe aruta wesele toite Kristu-ki aõkõ. Judeu mahãdu-ribi rihitxinymy nyimyhỹde. Deuxu rybe ywisidỹỹna ludu aõkõ toite. Araròsòna renyõhyyre. Adeuxu-renyõhyyre bede bedemy.

<sup>13</sup> Juhu irehemy Deuxu-ribi toite mahã. Tahe wiji Jesuisi Kristu hãlubu òraru-ki araòhòdỹỹnymy toite.

<sup>14</sup> Jesuisi Kristu tahe iny ywidỹỹna rare. Kyarana tahe òtity wese itya-ki rỹimyhỹre judeu mahãdu aribi kia rihitxinyre. Tahe kia òtity ritxiwire tahe sohoji mahãdulemy riwinyre.

<sup>15</sup> Tahe Kristu rurureu tahe ixãwire kia bede ywina. Tahe inatxi wimy òludu mahãdu sohoji iny tỹmyrahylemy riwinyre. Tahe ywina ròhònyre wiwana ributunyra tahe Deuxu taluuna tamy riwahinyra.

<sup>16</sup> Jesuisi taitxeò-ki rurureki, ywina rieryrenyre. Tahe kyarana-ribi riixãwididỹỹnyre.

<sup>17</sup> Jesuisi tahe ywinamy rarybere iòhò ludu kaiboho wahe tule irehe ludu, judeukõdu mahãdu wahe.

<sup>18</sup> Tahe kaiboho jiarỹboho-wana sohoji Deuxu Tyytybytyhy òrarukile Deuxu-ò rekex-itòenyrenyke.

<sup>19</sup> Kawese tahe kaiboho ityhydỹỹdu mahãdu-ò talote. Iny-ribi lahixi aõkõ toite, Deuxusỹ mahãduõle heka toite.

<sup>20</sup> Deuxu rybedu, tadeòdu-wana hetoõ wesemy kaiboho boibekre. Jesuisi Kristule iko ludu mana wese rare.

<sup>21</sup> Jesuisi Kristu òraru-ki wiwesehyyle heto awimy rỹire. Tai Inynyrỹ hetotyhy relemy rexihumyhỹre.

<sup>22</sup> Kaiboho tule matybienybenykre Deuxu Tyytybytyhy hetoõ wese wahe.

### 3

<sup>1</sup> Tai jiarỹ, Paulo, rotena-ki nodu wesemy rare Jesuisi Kristu òraru-ki. Judeukõdu mahãdu dee kiamy heka watxiwãhãre, adeereny wahe.

<sup>2</sup> Deuxu ruxetõena wadee riwahinyre. Kaiboho aõbo tuu taholatenyõmahãte.

<sup>3</sup> Deuxu dori tawõtena diteòsinyde wadee.

<sup>4-5</sup> Jiarỹ kiamy juhoo reritinyriòrere katyyritikile wahe. Idi mariabenykeu bierybenykemy idi watxireri, timybo Kristu wõtena rybe reeryremy wahe. Kristu wõtena tahe ihetxiu ibutu inyõ riteòsinyõhyre. Wiji tahe riteòsinyomy ihỹre Deuxu Tyytybytyhyle tahe deòdu-ò, rybedu-ò ritỹnynomy ihỹre.

<sup>6-7</sup> Kiamy heka rare: kaiboho, judeukõdu mahãdu, wii ributunyre inyboho-wana judeu mahãdu wahe. Uriõnowi jurawi juramy idi rokoirekre, sohoji mahãdulemy wahe. Kristu Rybewihikỹ òraru-ki ityhydỹỹdu mahãdu-ò rirònyrenyre. Kia rybe-di rybedumy diwateònyde, ruxetõena wahidỹỹnaõ wadee nade Deuxu ruruna sõwe-ribi. Ityhydỹỹdu mahãduy-ribi jiarỹ aõ aõkõmy watxiwãhãre retyhynytyhymy aõkõ watxiwãhãre.

<sup>8</sup> Ihãrele Rybewihikỹ rybedumy ararekre Kristu aõmydỹỹnana heka iny raykywydyna ratyre awimy ihỹre. Kiamy judeukõdu mahãdu-ò arelyykemy riwahitxinyre.

<sup>9</sup> Ibutu inyõ rybe wõtena aritỹnynykemy watxiwãhãre juhoo Deuxu Jesuisi-wana ibutumy aõna aõna riwinyre kiau rybewõtena riwòmý roimyhỹre Deuxu-ki.

<sup>10</sup> Wijina tahe riteòsinykemy ihỹre dohodỹỹna-ki. Tai tahe ibutumy biu-ribi rurunadu, bedeerydỹỹdu rierykemy timykibo Deuxu bede erysyna-di raremyhỹ ibutumy aõna aõna erysyna-di.

<sup>11</sup> Iwese Deuxu ibutumy aõhebo rotỹỹnykemy ratximyhỹre wese iny rierykre, Inynyrỹ Jesuisi Kristu òrarukile wahe.

<sup>12</sup> Tai tahe iny rexideòsinymyhỹre brebuõlemy Deuxu ixitòenadỹỹna-di Kristu dori inyboho rityhynymyhỹre.

<sup>13</sup> Tai kaiboho ixijodỹỹrenyõmy ahãke, jiarỹ aõhõkỹmy ratỹỹnyreki kia dori awowydyna rare, waaõhõkỹmy dỹỹnana wahe.

<sup>14</sup> Tai tahe umyreny Deuxu-ò rexitòenyre Inynyrỹ Jesuisi Kristu tyhy-ò wahe. Ibutu sỹ mahãdu tyby Deuxu rare.

<sup>15</sup> Ruruna adeereny kidiwahinykemy idi watxireri, tawowydyna sõwe-ribi wahe.

<sup>16</sup> Deuxu Tyytybytyhy rurutyhy araykywo-ò kidiwahinykemy watxireri.

<sup>17</sup> Tai Kristu aworeny-ki kanasỹnymyhỹkemy rahõtinyinmahãre atyhyna direki kaiboho heka wiluutyhymy boibekemy watxireri.

<sup>18</sup> Tai ibutu ityhydỹỹdu mahãdu-wana Kristu luuna bierybenyke. Inyõ Kristu luuna awire rieryõtyhy. Ihãrele tahe bierybenyke iwese rare wesemy.

<sup>19</sup> Tai Deuxu-di bexilỹxinykemy idi watxireri.

<sup>20</sup> Deuxu iruruna dire. Tai iny ixitòena ratyre inydeereny kidiwahinykemy idi ihỹre. Iny irurudireki wahe.

<sup>21</sup> Dohodỹỹdu mahãdu wowydyna riwahinykemy tamy watxireri, aõu aõu wahe. Bededỹỹnana konana-ò wahe. Kie.

### 4

<sup>1</sup> Inynyrỹ deòdu arixidu jiarỹ rare. Arexitòenykre inihe adeereny. Yrubuna-di aõhebo botỹỹnybenykemy adireny watxireri. Tai tahe Deuxudeewimy boibekre.

<sup>2-3</sup> Tii dori juhoo adeereny irydu rare òbitimy boibekemy xiwedeõmy boibeke, ele eleõmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwiòhenanymyhỹde.

<sup>4</sup> Sohoji mahādule rare, sohoji Deuxu Tyytybytyhydile. Umy sohoji wese, ityytyby sohojilemy wese rare. Kaiboho tule araròsònareny sohojile rare, kaiboho ityhydỹdỹdumy terònyteki wahe.

<sup>5</sup> Inynyrỹ sohojile rare inytyhynareny sohojile rare. Tule iny ratisebena sohojile rare.

<sup>6</sup> Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aõhebo rotỹnykemy iny-di riwisỹnyreri tawowina-di.

<sup>7</sup> Kristu tahe iny sòwemy rareki sohoji ruxetòena sòwemy sohoji-ò riwahinyre.

<sup>8</sup> Kiamy heka ritina-ki roire: —Iu Jesuisi raòwònyreu biu-ò ròtena ludu mahādu ridyre idi wahidỹna inydeereny diwahinyde.

<sup>9</sup> Betehebenyke rybeweereò-ò raòwònyremy. Aõmybohe kia rarybereri. Tahe juhoo dori surawo-txi robehere kiakékile tahe idi raòwònyke.

<sup>10</sup> Kia robeherele taheka raòwònyre biuratyremy ibutu aõna aõna-di rexilỹxinykemy.

<sup>11</sup> Inyò-ò deòdỹna mahādumy rarekemy diwahinyde aõwihikỹ widỹna wahidỹna wahe. Ijò-ò Deuxu rybedumy mahādu rarekemy diwahinyde. Ijò-ò Rybewihikỹmy rybedu mahādumy rarekemy diwahinyde. Ijò ityhydỹdỹdu mahādu yrubudỹdỹdu mahādumy rarekemy. Ijò bedeerydỹdỹdumy mahādu rarekemy.

<sup>12</sup> Ibutumy kia mahādu ityhydỹdỹdu riwiòhenanykemy idi ratxireri. Tai ityhydỹdỹdu iaõmysỹdỹna riwinykre. Kristu umy wesemy ritibiedỹnykemy. Ibutu dee diwahinyde.

<sup>13</sup> Ikonanau tahe ibutumy wiwese wesemy ròkòhòtinyrenyke, iny tyhynareny wahe. Deuxu Riòre rikierityhyrenyke, iny òbitimy rokoireke, Kristu òbiti wesemy rokoireke.

<sup>14</sup> Tohouā wesemy aõkò rokoireke inytyhynareny-ki. Uritere witxiradỹnyrenyõmy ibutu bedeeryna witxira witxira-di. Iwese yhy tiò tiò aõ riwymyhỹre wese kia bedeerydỹdỹdu rare. Iwitxira tyhydỹna-ò kia ityhydỹdỹdu mahādu ridykemy ratximyhỹre. Ijò inatyhy rybe weselemy rarybere. Tahe aõkòre. Kia-ò ijohonarenyõmy.

<sup>15</sup> Tahe luuna-di inatyhymy marybebenyke. Kristu aõmydỹnana-di bexilỹxinybenyke idi maumynybenyke. Tii dori iny wedureny rare.

<sup>16</sup> Ityhydỹdỹdu mahādu heka Kristu umy wese rare. Ityhydỹdỹdu sohoji sohoji wijura jura weselemy rỹira. Kristu ibutumy riwiòhenanymyhỹre iwese umy hona umy wese. Umyjura kia ibutumy iaõmysỹdỹna dire. Wiweselemy tahe raaõmysỹdỹnykeki tai tahe umy awimy rariamyhỹke. Ijò widerakeki tahe, Kristu umy raumynyòtyhy.

<sup>17</sup> Katahe Inynyrỹniny adeereny kiamy rarybemyhỹre. Ityhydỹdỹdukòdu mahādu wesemy aõkò boibenybeke.

<sup>18</sup> Iraykyreny bedeluru-ki ihỹreny. Iehehereny, rieryõreny. Tai tahe Deuxu biu-ò hena umy tuedeõna rieryõreny.

<sup>19</sup> Ixārūna ihoòhyre. Urile ibutumy òraruna-txi rexiwahinyreny.

<sup>20</sup> Kia Jesuisimy aõkò teeryteny inyribireny wahe.

<sup>21-22</sup> Jesuisi inatyhyna teerytenyteki, ibutumy aõbina bina ixi-ribi bihitxinyke.

<sup>23</sup> Ibutumy awo arayky-wana bexitỹmyranyke.

<sup>24</sup> Deuxu umy tỹmyra wesena-di bexityhynybenyke. Kia heka òbiti rare; inatyhy rare.

<sup>25</sup> Tai tahe ruienyõmy wahe. Inatyhymy iny witxira-ò marybemahābeny. Wiwese hyylemy widi rakatximyhỹrenyke.

<sup>26</sup> Makyaranany mahā-wana tahe urile òraru-txi ixeyõmy. Ixi-di txu iròtedỹdỹõmy awobinana-di

<sup>27</sup> Tule Satanasi deradỹna-ò nokõmy.

<sup>28</sup> Inyò juhoo wasidureki, ixityre tii wasiõmy. Tii wiji raaõmysỹdỹnykre aõna aõna wiwihikỹ tebò-di riwinykemy wahe. Tai tahe iaõdikre iny aõkõmy rỹira riwiòhenanyke.

<sup>29</sup> Kai uritere rybebinaõ ary-ribi iòlòdỹõmy Rybewiwihikỹlemy marybemahā. Kia rybe-di ijohodu riwiòhenanymyhỹrele kynyhetuukre.

<sup>30</sup> Bibedeòtiidỹõmy Deuxu Tyytybytyhy. Tii dori arayrubunymyhỹre tarasanatxu-ò.



<sup>31</sup> Òbina rybemy widi nokõmy, wimy ujõmoõmy, adebure ijà ijàõmy, aõbinamy inymy ijyyõmy, rybebina-di iny ihetedỹõmy.

<sup>32</sup> Tahe ibutu dee ywimy boibekre, awimy wahe ainytyhymy iny-di boibekre. Aõbinamy iny adee rarybe-wana tahe iribi bexinohõtilosanymy biixãwididỹnyemy Deuxu dori inyòraru riixãwididỹnyreki wahe.

## 5

<sup>1</sup> Deuxu inytybytyhyreny rare. Tai tahe iwese uladu tyby wesemy rotỹnyemyhỹre wese, kaiboho Deuxu wesemy matximahãbenyke Deuxu riõre luunadu wesemy matximahãbenyke. Wiluurenyke, Kristu dori aluurenyke.

<sup>2</sup> Tule rexiwahinyre xiwe wesemy iny ritarenykemy. Tai tahe Deuxu dee kia lỹnyrena wiwihikỹ wese rare.

<sup>3</sup> Tahe òta òtarenyõmy. Ibutumy aõna aõna bina bina widỹnyemy. Kaiboho dori ityhydỹdu mahãdu toite.

<sup>4</sup> Rybebinamy uriteretere rybeõmy. Ixideòsidỹõmy. Kia widỹna tahe ibinare. Tahe aõwihikỹõ biwinyke, Deuxu deàlanamy.

<sup>5</sup> Òta òtadu tahe Deuxu òlõna wahidỹna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia.

<sup>6</sup> Itxenadỹ rybe-ò ijohonarenyõmy. Ityhydỹdukõdu mahãdu Deuxu rybe riywinyõmyhỹre. Tai tahe Deuxu reburemyhỹre tamyreny.

<sup>7</sup> Tiiboho-wana ratxiõhyymyhỹrenyre iaõmydỹnana binareki.

<sup>8</sup> Hỹnau kaiboho bedeluru-ki toitemahã. Tahe wiji Inynyrỹ loosõna-ki toite. Loosõnadỹdu riõre weselemy boibeke.

<sup>9</sup> Aõbo loosõna-ribi nade tahe awire, òbitire, inatyhyre.

<sup>10</sup> Tai aõbo Inynyrỹdewi kia riteòsinyre.

<sup>11-12</sup> Iwese bedelurubina widỹdu aõhebo rotỹnyre wese uritere iwidỹnyemy tahe teòsaremy tamy marybebenyke. Aõbo tiiboho wasimy aõhebo rotỹnyemyhỹre ixỹruna adee rare tuu maryhemahãkeki.

<sup>13</sup> Ibutumy aõna aõna loosõna ritỹnyre. Tai tahe iny aõmydỹnana loosõna ritỹnyrekeki, iny rierykre itỹnydỹna dori loosõna rare.

<sup>14</sup> Tyyritiõ kia wesemy rỹire: –Inyõ rõrõmy rỹikeki, rexixake rubuy-ribi rỹike. Kristu tahe araloosõnanykre.

<sup>15</sup> Aõhebo botỹnybenykeò bexiijebenyke. Itxỹte widỹdu mahãdu wesemy aõkõ ahabenyke, bedeerydu mahãdu wesemy ahãbenyke.

<sup>16</sup> Iõnodỹõmy abededỹnana. Wiji txu bededỹnana tahe ibinatyhymy rare.

<sup>17</sup> Tai tahe itxỹteõmy ahãke. Bierybenyke aõbo Deuxu dee wire.

<sup>18</sup> Vĩ mona-di axaxa rubudỹna wesemy aõkõ matxibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralõmy boibeke.

<sup>19</sup> Mawinymy bexirybenyke awo-ki. Bexirybenybenyke Inynyrỹ-ò awi-ribi bitxienyumy mawiunyke. Rybewiumy marybeke.

<sup>20</sup> Deuxu inytybyreny-ò ibutumy beàlamahãbenyke Jesuisi Kristu Inynyrỹni òraru-ki tahe bexitõenyke.

<sup>21</sup> Kaiboho ibutumy widee bexiywinyhyymy ahãbenykre.

<sup>22-24</sup> Iwese dohodỹna mahãdu Kristu rybe rityhynymyhỹre wese, hãwyy tahãbu rybe riywinyke, ibutu aõmydỹnana-ki wahe. Hãbu dori tahãwyy dinodu wese rare.

<sup>25</sup> Ibutumy hãbu tahãwyy luukemy. Kristu dori dohodỹna mahãdu luureki ture. Tamy tii rexiwahinyre rurukemy.

<sup>26</sup> Tai tahe kia òbitidỹnany rurure. Iwese bee aõ rasuhõmyhỹre wese, tarybe risuhõmyhỹre.

<sup>27</sup> Iòraru-ki tahe Jesuisi dohodỹna mahãdu wiwihikỹõ ixidee rimykre. Òbiti mahãdulemy rarekre, aõbina binaõ heka tai rỹiõhyymyhỹre. Awi mahãdu widỹỹdumy rarekre.

<sup>28</sup> Kiamy heka hãbu tahãwyy-di rỹirake. Iwese hãbu taumy luure wese tahãwyy luumy rỹirake. Iny tahãwyy luukeki, kia-di ixiluuke.

<sup>29</sup> Iny taumyderamy rỹiõhyymyhỹre. Tahe aõkõre tule rexiòwenymyhỹre rexiwese-nanymyhỹre. Iwese Kristu dohodỹna mahãdu riwisininymyhỹre wese.

<sup>30</sup> Inyboho dori Kristu mahãduõ roire.

<sup>31</sup> Kiamy heka Ritina roire: –Tai heka hãbuõ tybyboho heto ririmyhỹre tahãwyy-wana wii ributunymy roirekemy. Inatxi umy ribi sohoji umyhyymy ròhònymyhỹre.

<sup>32</sup> Kia aõmydỹnana heka ierysysirare. Tahe Kristu tohodỹna mahãdu-wana rary-bereri.

<sup>33</sup> Ihãrele tahe hãbu tahãwyy luumy rỹira iwese ixiluumy rỹira wese. Tule hãwyy tahãbu rityhnyke.

## 6

<sup>1</sup> Uladu mahãdu tybyboho rybe rityhynymyhỹre Inynyrỹ òraru-ki. Kia tahe òbiti rare.

<sup>2</sup> Boo adi-wana bityhnybenyke. Kia tahe bede ywina rybe juhoo rare. Tule Deuxu raròsòna kia bede ywina rybe-wana rare.

<sup>3</sup> Kia biywinybenykeki, awimy mabeke, abededỹnana irehemy mabeke kabede-ki.

<sup>4</sup> Uladu tyby, uladuse, ariòrereny adeburehyymy idi iwisỹdỹrenyõmy. Tahe aõki reòsakeki tii riòbitinykemy tamy marybebenyke. Inynyrỹ deòsidỹna-di tamy mary-bebenyke.

<sup>5</sup> Deòdu mahãdu kabede-ki awedureny bityhnybenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahãte wesemy.

<sup>6</sup> Aõ tabiteriki aõkõ biywinyke. Iwese Kristu deòdu wesemy mabeke. Deuxu dee wina awo-ribi biwinyke.

<sup>7</sup> Deysana-di ibutumy òbitimy bisỹdỹnyke.

<sup>8</sup> Ibutumy deòdu ada deòdukõdu Inynyrỹ-ribi aõna aõna rimyke. Tamy aõwihikỹ riwinykeki.

<sup>9</sup> Tahe wedu mahãdu, kaiboho eòdu mahãdu-ò kia weselemy mabeke. Brebudỹ rybe-di eòdureny-ò rybeõmy. Awedu dori eòdureny wedu tule biu-ki ratximyhỹre. Tamy dori ibutumy wiwese wesele rare.

<sup>10</sup> Ibutu-ò tahe ikonanamy ararybekre. Inynyrỹ ruruna-di bexirurudỹnyke. Iruru tahe aõni rare. Tahe ixidee bimyke.

<sup>11</sup> Bexityynyke aõbinanatyy-di, debòna aõmydỹnana bimyke. Tai tahe Diabo rybemy nodu biòludunyke.

<sup>12</sup> Iny ijesunareny dori moo iny-wana aõkõ rare. Iwitzira Satanasi ruruna-di rare. Dinodu ruru-di rare, kabede luruhukỹ wedu-di wahe. Tyytybybina ruru-di rare, biukihikỹle.

<sup>13</sup> Tai tahe ibutumy Deuxu debòna aõna aõna bimyke. Idi txubina-ki biòlòdỹnyke. Aijesu bitakeu tahe, òraru rỹike.

<sup>14</sup> Inatyhyna-di awareysana birarutxynyke. Òbitina-di abreti bitòbònyke.

<sup>15</sup> Bexiywinyke ywina Rybewihikỹ rybena-ò. Tii heka adikre.

<sup>16</sup> Ityhyna tahe awyhyitzxenamy ihỹre, idi eorutà bitỹtenyke. Idi tahe Satanasi heòty wyhy biturinyke.

<sup>17</sup> Tarasana tahe arataana wese rare. Deuxu Tyytybytyhy mayrehe heka Deuxu rybe rare.

<sup>18</sup> Deuxu Tyytybytyhy-ki ibutumy ixitòedỹhyymy atximahãbenyke. Kia-di tahe biri-ranymy, boibeke. Ityhydỹdu mahãdu ibutumy bexitòenyhyymy boibeke.

<sup>19</sup> Tule wadee, bexitòenybenyke. Deuxu wadee rybe kidiwahinykemy wahe. Tai brebukõlemy Rybewihikỹ aritỹnynykre, ierysy siramy wahe.

<sup>20</sup> Jiarỹ Rybewihikỹ deòsidỹỹdu rare wawomati rerotidire hãrele wahe. Kristumy arelyykemy watzireri. Tii heka wawidỹỹnare.

<sup>21-22</sup> Txitxiò tahe ityhydỹỹdu seriòreõ rare, waluunaduõ rare. Inynyrỹ rybe-di òbiti aõmysỹdỹỹdu rare. Tai tahe tii adeereny reteònyre waaõmydỹỹnana adee ritỹnynykeny. Awo riteysadỹỹnykremy.

<sup>23</sup> Ywina ibutumy ityhydỹỹdu mahãdu seriòreõ kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrỹ-ribi wahe.

<sup>24</sup> Ruxetòena kanakemy watzireri Jesuisi inatyhymy luunadu mahãdu-ò wahe. Tii Kristu rare, Inynyrỹreny wahe.

## Filiposi

### Paulo Tyyriti, Filiposi Hãwã-ò

<sup>1</sup> Paulo, Tximòtxi-wana Jesuisi Kristu deòdureny roire. Ka tyyriti tahe rewahinyrenyleri Filiposi hãwã-ki ityhydỹỹdu mahãdu-ò. Ityhydỹỹdu yrubudỹỹdu mahãdu-ò tule rewahinyrenyra dohodỹỹna wiòhedỹỹna mahãdu-wana.

<sup>2</sup> Ruxetòena, ywina-wana Deuxu-ribi adeereny kanakemy watzireri tule Jesuisi Kristu Inynyrỹreny-ribi.

<sup>3</sup> Rexitòenyreu, tiu aribireny wanohòti rosaòhyymyhỹre. Deuxumy reàlãwãhãre umyreny.

<sup>4-5</sup> Wadeysamy watxiwãhãre Rybe tymyra wihikỹ tewiòhenanyamahãtenyteki, juhuu, wiji tule ahãtenyete.

<sup>6</sup> Deuxu iaòmỹsỹdỹỹna wihikỹ inyworeny-ki rexideleny. Tahe Jesuisi Kristu bededỹỹnana txuu heka rexihumy kia rỹikre. Kia tahe reerytyhyre.

<sup>7</sup> Kaiboho wawana Deuxu ruxetòena luuna-wana widee inyboho riubỹtỹnyre. Ròtena-ki rarewãhãu, tule ròtenaribiòlòmy rarewãhã. Tule Rybewihikỹ retỹnynomy rarewãhã kiamy heka rahòtinymahãre, wawo-ki adireny rahòtinyhyymahãre.

<sup>8</sup> Sòwemy arawehityynanyreri. Deuxule kia rierymyhỹre. Jesuisi Kristu ruxetòena uludumy iny widi roire.

<sup>9</sup> Kia ixitòedỹỹna tule Deuxu-ò rewahinyre umyreny. Aluunareny sòwemy rỹikemy rexitòenyre. Tule araykywydynareny riixidorudỹỹnomyhỹke.

<sup>10</sup> Tibo awityhymy rỹira kaiboho biije benykemy rexitòenymahãre. Tule inatyhywidỹỹdumy rarekremy tamy rexitòenymahãre òbitihyylemy rarekemy Jesuisi Kristu bededỹỹnanatxu-ò.

<sup>11</sup> Òbitidỹỹna bederaty wesele rare. Kaiboho oworu taraty-di rỹimyhỹre wese tỹxihikỹlemy òbitidỹỹna-di matxibenykemy rexitòenymahãre.

<sup>12</sup> Jiarỹ ròtena-ki rãireu, kia tahe Rybewihikỹmy rybe riwiòhenanyra.

<sup>13</sup> Kowa dori ibutumy yrubudỹỹdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere.

<sup>14</sup> Jesuisi Kristu òraru-ki tahe ròtena-ki rãimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydỹỹdu mahãdu Inynyrỹ aòmỹdỹỹnadile ròhòtinyre, tule Deuxu rybe rarybemyhỹre ruberuòhyylemy ixitòedỹỹna-di.

<sup>15</sup> Ijõ heka ixityhydỹỹmy Rybewihikỹmy rarybemyhỹre. Ijõ tahe inatyhymy Rybewihikỹmy rarybemyhỹre.

<sup>16-17</sup> Rierymyhỹre waròtena Rybewihikỹ òraru-ki rare. Ixityhydỹỹna mahãdu tahe inatyhy òbiti aòkò rare. Aòhòkỹmy adotỹỹnykemy wadi ihỹre Rybewihikỹ-di.

<sup>18</sup> Aòhebohe arotỹỹnykre? Arabedewomy aòbo ada areysakre aòbo. Areysahyymy ararekre. Kristu rybe dori rarybemy rarehyymy iny inatyhynadiremy ada aòkòremy.

<sup>19</sup> Jiarỹ areysatyhykre ròtenawo-ribi dori aròhònykre. Aixitòedỹỹna, Jesuisi Kristu Tyytybytyhy riwawiòhenanykreki. Kia tahe reeryre.

<sup>20</sup> Deuxu aòmỹdỹỹnana ariwiòhenanykemy watzireri waumy-di. Jiarỹ arurukeki ada aòkòkeki aòbo. Jiarỹ araixỹruòtyhykemy watzireri aòhebo arotỹỹnykreki.

<sup>21</sup> Kristu dee warumy ararekre. Tahe arurukeki kia tule wadee awire.

<sup>22</sup> Tahe ararekeki Kristu dee araaòmỹsỹdỹỹmy arareke iny-ò Rybewihikỹmy ararybekre. Tibo awityhyre reerykòre.

<sup>23</sup> Tahe ixityre aròhòtiwydynanykeki kiamy heka rahòtinyreri. Arakre Kristuòhyyle heka Kristu-ò arakele awire. Tii heka awityhyre.

24-25 Atòdenarenykile tahe warumy ararekre. Tai tahe kabede-ki ararikre aityhydỹna-di beysakemy maumynykemy. Tai tahe kaki ararekre.

26 Iu ayreny-ki aralokreu, Deuxumy bealàbenykemy watzireri, ayreny-ki ixityre watzireriki wahe.

27 Biyrybenykemy adireny watzireri iwese Kristu tyhydỹdu mahādu rỹira weskemy adireny watzireri. Ayreny-ò arakeki aōbo ada araōkeki aōbo ijyy wihikỹ-ò adoholamyhỹkemy watzireri. Kaiboho wiwana wanale inatyhyna rybe-di tarybemahātenyte.

28 Uritere brebuōmy aòludu lau Rybewihikỹ òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade.

29 Aō Kristu tetyhynytemy sohojile aōkō tahe tamy aōhōkỹmy tatỹnytenyte tule.

30 Inyboho dori ibutumy wiwana aōhōkỹmy rotỹnykre. Jiarỹ sōwemy aōhōkỹmy adotỹnymahāde. Kia-ò tahe taholatenyte wamy.

## 2

1-3 Kaa aōbohe rỹire wiòhedỹna luuna-wana Kristu-ki, biòwana aōbo Deuxu Tyytybytyhy-ki. Kohe, kia ibutumy Jesuisi Kristu kilehekỹ rỹire. Ibutumy tahe wiluumy boibeke, wiwesehyyle mohõtynybenyke, wii bitòrabutenybenyke. Tai tahe areysakre aòrarureny-ki.

4 Iximy xiwederenyōmy. Tahe wiribi lahiximy boibeke, aōkōmy ixi-di marāykynybenyke. Iny sohoji sohoji aōna aōnadirenyremy ixi-di nohõtirenyōmy. Tahe hitxihiximy bōwidỹke iny sohoji sohoji iny witzira aōmydỹnana yrubudỹmy marākywydynanyke.

5 Iwese Jesuisi Kristu inywitzira aōmydỹnana-di rōhõtinyinmyhỹre wesele, kaiboho mohõtynybenyke.

6 Jesuisi Kristu juhuhyy raremyhỹ, Deuxule rarehāre. Deuxururu tahe rimyōhyre.

7 Tahe iribi ritare kaò idi kodobehekemy deòdu weselemy. Tahe inyumyō rimyre kaki inylemy rarekemy.

8 Tamy tahe ibinatyhymy nade itxeò-ki rurukemy wahe. Ibutu aōbo kaki riwinyke heka, riwinyre. Tai tahe ibutu ratyre Deuxu Jesuisi risỹnyre. Ibutuni ratyre ini rare.

9-11 Kiani-ò tahe ibutumy tatiowomy resekemy rỹire, biu mahādu, bedeludu mahādu, suwomy rỹira mahādu. Tahe ibutu rybe witzira witziramy iny rarybemyhỹre: —Jesuisi Kristu ibutu wedu rare. Deuxu inytybymy ibutumy realāmyhỹre. Kiamy waseriòre waluuduboho. Awana watzireriki tule iwitzira bede-ki aratxikre hārele. Deuxukihyyle atximahābenyke. Warybe bityhinyke.

12 Aityhydỹna-di òraru-ribi bexitabenyke, bexiebenyke òraru-txi ixelau.

13 Deuxu heka adeewina riwahinymy hỹre òbiti widỹna. Tiile riwiòhenanymy hỹre òbitina widỹna.

14 Uritere rybe binamy rybeōmy. Adeburemy iny iijeōmy.

15-16 Tai tahe inyō rybe binamy umy rarybeōtyhy. Òbitityhymy boibeke kaiboho dori Deuxu riòremy toite. Kristu kodobehekreu, aòrarureny-ki areysakre. Retare dori aōmydỹnana wihikỹō ayreny-ki.

17 Arurukewana ayreny-ki rybe wihikỹmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe.

18 Kaiboho tahe wadi beysahyymy boibekre ixideewimy tahe adeereny arurukremy wāhāre.

19 Aōwesele Tximòtxi ayreny-ò ariteònykemy idi watziwāhāre. Jesuisi Inynyrỹ dee wikeki. Tai tahe arierykre timybo kaiboho toite wahe. Tai heka areysakre.

20 Tximòtxi tahe arawiòhenanyrenykre iny witzira witzira ratyre wahe.

21 Ijō dori ixidile rōhõtinyinmy hỹre Jesuisi Kristu aōmydỹnana-di aōkō.

22 Tximòtxi tahe teerytenyte iwese riwawiòhenanyre wese Rybewihikỹmy rybe-ki. Iwese tyby iriòre riwiòhenanymy hỹre wese Tximòtxi riwawiòhenanyre.



<sup>23</sup> Aõbo wadee ròhònyke arierykreu, tai wylemy ayreny-ò aditeònykremy idi watzireri.

<sup>24</sup> Jiarỹ òsana tule wylemy Deuxu riwateònykemy wadi ratzireri ayreny-ò.

<sup>25-26</sup> Ijõ hàbuõ iteòdỹỹmy raruwãhãre ayreny-ò, Epafrodu wahe. Tii wawana noduõ rare. Kaiboho juhoo wadee teteònytenyte wawiòhedỹỹdumy rarekemy. Tii heka awehityyrenymy rurumyhỹre. Tai tahe reòkesedỹỹnyreri kaiboho iwebinaduna-ò taho-latenyte. Tai heka òkesemy riwisỹnyre.

<sup>27</sup> Inatyhy rare rurure inihe. Tahe Deuxu riruxetòenyreki riteytenyre. Jiarỹ tule Deuxu wadi raruxetòere. Tai rabadewoòhyre aõwitzira witziramy ratỹỹnymahãreki.

<sup>28</sup> Tahe aõwesele ariteònykemy watzireri. Kaiboho beysabenykre kia araerymahãrenyre. Jiarỹ tahe urihimy-ò arexielehynykre wanohõti yrena-ribi.

<sup>29</sup> Tii kedehemynykre, tahe bididybedenykre biwowydnybenykre. Rexiòhãrunymy rare Kristu òraru-ki riwawiòhenanykremy.

<sup>30</sup> Tahe tii inihe heka rurure iòraru-ki. Arokoreny-ki tii riwawiòhenanyre.

### 3

<sup>1</sup> Ikonanamy tahe ararybekre: –Beysabenyke, Inynyryỹ deysanamy. Jiarỹ heka riwaixiranyòhyymyhỹre heka tuu rybe. Awire tahe bohohabenykeki.

<sup>2</sup> Bexiije benyke iny ijòròsa wesena-lau tii iixỹruterere aõbinawidỹỹdu mahãdu tahe tii rare. Bexiije benyke notykyresydu mahãdu lau.

<sup>3</sup> Inyboho dori notyky resydu mahãdu òbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aõwihikỹwidỹỹ-ò rikityhynyrenyòke.

<sup>4</sup> Jiarỹ, Paulo ariòludunyleke aõbo ixi-wana ariwinyke. Jiarỹ ijõ hàbu ratyre waaõmydỹỹnana diremy arexityhynyke. Jiarỹ dori judeu mahãdu ijoi tyhy-ki tybie rare noty resyna ijoi tyhy rare. Debò inataõ reurotxu-di reareu.

<sup>5</sup> Bejami mahãduõ jiarỹ rare. Judeu mahãdu tyhy wãhãboho roire. Iriòremy jiarỹ rare. Fariseuõ jiarỹ rare.

<sup>6</sup> Tai tahe bede ywina rybe retyhynyre. Jiarỹ heka iijaramy raeleemy reamahãre ityhydỹỹdu mahãdu aõhòkỹmy arisỹnykre-ò.

<sup>7</sup> Wabede ywinareny òbitimy rare sana raholamahãre, ibutumy retyhynymy rarewãhã. Ibutumy wahe aõmydỹỹnana reatyra Kristu luuna òraru-ki.

<sup>8</sup> Inatyhymy Kristu wabiu-ò hedu reeryre, ibutu aõmydỹỹnana-ribi wanohõti rosare. Ibutumy retxiwire iòraru-ki, kia ibutumy aõ aõkõ rare, Kristu wabiu-ò hedale arimykre wabiu-ò hedukremy rare.

<sup>9</sup> Waòbitina tahe aõ wawidỹỹna aõkõ rare. Jesuisi retyhynyre urenana tahe tii riwaòbitinyre.

<sup>10</sup> Kristu arierykemy idi watxiwãhãre. Rubu-ribi ixixana arierykremy, aõhòkỹmy arotỹỹnykre iòrarukile, iwese tii rurure wesemy wahe jiarỹ heka arexiwinykremy watzireri.

<sup>11</sup> Tai rubu-ribi ixixana mahãdu-wana arexixakre.

<sup>12</sup> Jiarỹ òbitityhy aõkõ rare ada ibutumy òbitina wadee riwahinyõre. Jesuisi riwamyre aõmysỹdỹỹnaõ ariwinykemy. Tai tahe wako-ò rawãhãre araòbitinykemy watzireri. Tamy tahe araaõmysỹdỹỹnykemy watxiwãhãre.

<sup>13</sup> Òbitityhy aõkõ jiarỹ rare. Kia sohojile tahe ariwinykre.

<sup>14</sup> Tahe arehemynykremy watzireri titxibo Kristu diwateònyde. Kowa bede wihikỹkile uriòno aritakre.

<sup>15</sup> Tahe ityhydỹỹdu iumy kia-di mohòtinybenyke. Inyõ aõ rieryòkeki Deuxu tamy kia ritỹỹnykremy.

<sup>16</sup> Uritere biije benyke inatyhyna bityhynybenykemy wiwese weselemy ròkõhòtinyrenyke.

<sup>17</sup> Ityhydỹdu seriòre, iwese rewinomy rarewãhã wese biwinomy boibeke. Tule ijõ-ò betehebennyke wawese dori riwinomyhỹre.

<sup>18</sup> Sõwemy dori iny òbiti aõkõ rỹira, Kristu òludumy wahe, itxeò aõmydỹnana òludu wahe.

<sup>19</sup> Kia iny tahe Deuxu rahukre. Rỹsỹnale ta ideuxure. Tiiboho tahe aõbina binaòle awirenyre. Bede aõmydỹnanadile rõhõtinyre.

<sup>20</sup> Iny bedereny tahe biu-ki roimyhỹre. Kowa-ribi reraòrenyleri iny tarasadu dehemynyna-ki. Inynyrỹ Jesuisi Kristu wahe.

<sup>21</sup> Tii inyumyreny riwitxiranykre. Tii taumywelese iny ritxienykre, taumy wihikỹtyhy wesemy. Tii ruru dire. Tahe ibutu aõna aõna wedumy ronykre irurudireki.

## 4

<sup>1</sup> Waluunadu, waseriòreboho, kaiboho wadeysana warataana wesemy toite. Ywi-hyylemy boibekre, waluunaduboho.

<sup>2</sup> Warybe rewahinyre inatxi hãwyy-ò Eòdia, Sintxiki-wana. Kialemy wahe Inynyrỹ tyhydỹna-di wiwesehyylemy maraykynyke.

<sup>3</sup> Adee tule wawiòhedỹdu tyhy waryhe rewahinyre. Kai biwiòhenanykre hãwyy Rybewihikỹ wiòhedỹdu mahãdu wahe. Tule Lemetxi riwawiòhenanyre ijõ-wana wahe. Ibutumy inireny heka Tyyritina rubuonanakõdu-ki rỹire.

<sup>4</sup> Inynyrỹ-wana beysahyybenyke. Tahe ixityremy ararybekre. Beysabenyke.

<sup>5</sup> Ywina-di bisỹnyke ibutu iny-ò. Inynyrỹ dehemynyna dori iòhòmỹ ihỹre.

<sup>6</sup> Ibutumy aõmydỹnana heka biyrydỹnybenyke. Ibutumy bexitòenyke Deuxu-ò, àlàna-wana bexitòenyke.

<sup>7</sup> Deuxu ywina awo-ò bitidikre arayky ibutumy riyrubunyke. Deuxu ywina dori inyraykyreny rieryòtyhy timyrekibo awityhyre.

<sup>8</sup> Ikonanau tahe ibutumy aõmybo ararybekre maraykynybenyke ibutu inatyhyna, ibutu aõeryhykỹ, ibutu òbiti, ibutu tiihyyle, ibutu iluuna, ibutu tyhyna awimỹ tahe roirekeki àlàna-wana rỹikeki, tahe kia-di ibutumy maraykynybenyke.

<sup>9</sup> Araerynanyreny, kaiboho teerytenyete, raryberè tahe taholatenyeta. Timybo watxireri wese kaiboho wamy tabitenyeta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

<sup>10</sup> Jiarỹ heka reysare Wanyrỹ dee. Kaiboho heka ixityre watxi òhõtireny reare. Tiu waribi òhõtireny rosaòhyre urile kaiboho wawiòhedỹmy tarutenyete tahe isirare.

<sup>11</sup> Kaa tuu rarybereri heka aõmy raruòhyreri.

<sup>12</sup> Jiarỹ dori reeryre aõbo wamy rỹira idi reysamy watxiwãhãre. Ibutumy waki rỹimyhỹre-wana tule awilemy rahõtinyinmahãre.

<sup>13</sup> Reeryre dori awimyno tule ramamy rubu reeryre. Xiwersyna wese reeryre tule aõhõkỹmydỹ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre.

<sup>14</sup> Tule umy areàlakemy watxireri tiwawiòhenanyteki.

<sup>15</sup> Filiposi hãwã dohodỹna mahãdu, kaiboho sohojile nieruò wadee tewahinytenyete, juhuu Macedonia hãwã-ribi rareu wahe.

<sup>16</sup> Tesalonia hãwã-ò wadee nieru tewahinymahãtenyete, inatxi nonanamy taditeònytenyete. Tahe riwamyre wadee rasiranymy idi rewyré.

<sup>17</sup> Aõ rexitòenyleri aõkõ nierumy. Sohojile aõmydỹnanamy aribi aritakemy watxireri. Deuxu aõmydỹnanale aritakemy rarumahãre. Umyreny Deuxu wehityhynamy aro-bikemy.

<sup>18</sup> Remyre awahidỹna. Epafroditu aribi riwawahinyre. Tai tahe sõwemy waki rỹireri. Iwese lỹnyrena sõwemy watxi reamyhyre wese awahidỹna wadee rare. Iwese Deuxu-ò xiwenaõ awire wese wadee ihỹre.

<sup>19</sup> Aõhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aõbo adeereny rasiranyreri.

<sup>20</sup> Deuxu kidiwahinykemy adeereny watzireri. Kia tahe inyDeuxureny-ò loosòna kidiwahinykemy watzireri tiemy heka rarehykre. Kie.

<sup>21</sup> Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydỹỹdu mahãdu tarybe wehityyna adeereny diwahinyde.

<sup>22</sup> Ibutumy ityhydỹỹdu arãrybeweityhynanyre. Iòlò heto ityhydỹỹdu mahãdu yribihyyle adeereny diwahinyde.

<sup>23</sup> Inynyrỹ Jesuisi Kristu ruxetòena adeereny kanakemy watzireri.

## Òlòsò Paulo Tyyriti, Òlòsò Hãwã-ò

<sup>1</sup> Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹdu seriòre-ò Òlòsò hãwã-ki.

<sup>2</sup> Wiòhedỹna, ywina, Deuxu inytyby-ribi adeereny kanakemy watzireri.

<sup>3</sup> Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòenyhyymahãre.

<sup>4</sup> Kaiboho Jesuisi Kristu tetyhynymahãtenyete. Tule kowa ityhydỹdu mahãdu wilu-urenyre.

<sup>5</sup> Rybewihikỹ inatyhyõ juhoo taholatenyete. Idi tahe araròsòna tetatenyete. Tai tahe biu-ribi kia ibutumy kanakre.

<sup>6</sup> Iwese Rybewihikỹ bede bedelemy rariamyhỹre wese adeereny tule dehemynyde. Rybewihikỹ aõwihikỹ adireny riwahinyre. Iwese òwòru taraty riwahinyhyỹre wese, kaiboho inywitzira-ò aõwihikỹbo tewahinytenyete.

<sup>7</sup> Epafa jiarỹ wiwana Deuxu deòdurenyre. Kia iribi tadoholamahãte. Tii Kristu rybemy rybedu òbiti rare.

<sup>8</sup> Tule wadee relyyre Deuxu Tyytybytyhyòraru-ki wiluuna-di ahãtenyete.

<sup>9</sup> Kia inyboho roholarenyre, adeereny rexitòenyhy watziwãhãrenyre. Rexitòenymhỹ Deuxu dee wityhymy kaiboho bedierybedenyke. Deuxu Tyytybyerynatyhy-di boibekemy, bedeerydỹna-di.

<sup>10</sup> Deuxudeewihymy kaiboho atximahãtenyete maratynyke wesemy aõwihikỹmybo. Biubỹtỹnymy boibeke Deuxumy bierybenytyhykre.

<sup>11</sup> Ibutumy ruruna-di boibeke Deuxu ruruna wityhy-di texihymy tadonymahãte ibutumy aõhòkỹmy bodotỹnykre deysana-di.

<sup>12</sup> Deuxu inytybyreny-ò àlàna biwahinybenyke. Tii iny riywidỹnyrenyra inyjura juramy ritakemy. Kia jura jura ityhydỹdu mahãdu hõrõ rare Deuxu loosònawo-ki ratximyhỹrenyeki.

<sup>13</sup> Tii bedeluru òlòna-ribi diwatade tahe diwadyde taRiòre luuna òlòna-ò.

<sup>14</sup> Kristu heka iny ritare. Tii iny òrarunareny riòwynyre. Ibutumy òraruna riixãwidinare.

<sup>15</sup> Jesuisi heka Deuxu lobixidỹna rare. Deuxu tahe alobixina aõkõ rare. Ibutumy widỹna-ribi tii juhoo rãire.

<sup>16</sup> Tii tahe ibutumy bededỹnana widỹdure. Ibutumy biu-ki bede-ki lobixina lobixiõna-wana riwinyre. Iòlòna wedu tyhydỹna ruruna. Dinodu widỹna. Ibutumy tii riwinyre ixidee.

<sup>17</sup> Tii ibutu aõna aõna-ribi juhoo rỹire. Ibutumy aõna aõna taruru rimireri tai.

<sup>18</sup> Iwese umyriti umy wedu rare kia wese Jesuisi ityhydỹdu mahãdu riti rare. Tii juhuna rare. Iwedu rare. Tii rubu-ribi ixixana juhoo ludu rare ibuturatyre dori Deuxu risỹnyre juhuuludumy ratxikemy.

<sup>19</sup> Jesuisi-ki ibutu wiwihikỹ rarekemy. Kia tahe Deuxu dee wire.

<sup>20</sup> Deuxu ywina diwahinyde Jesuisi hãlubu-di itxeò-ki. Jesuisi hãlubu xiery ibutumy Deuxu riwaaxidỹnyre biu-ki bede-ki.

<sup>21</sup> Kaiboho Deuxu ery aõkõ juhoo toite. Iòludu toite, arayky-ki aõbinahakỹ widỹny tadexinohòtinytenyete.

<sup>22</sup> Jesuisi umy-di Deuxu arainytyhydỹnyre Jesuisi rurureki. Tai Deuxu tako-ò akanatamadỹnykre taòbitidỹnyteki aòraru lyrana-di, aòraru tuedena-di inyõ umy ibi-namy rarybeõtyhy.

<sup>23</sup> Urile tyhydỹna-ki boibebenyhyyke araròsòna-ribi ixihitxidỹõmy. Araròsòna dori Rybewihikỹ-ribi nodu rare. Tii-ò tahe taholatenyta. Ibutumy iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

<sup>24</sup> Wijile reysamy watzireri adee aõhòkỹmy ratỹnyreriki, aõ aõhòkỹmy dỹnanabo Kristu-ò rauhenyre. Tai jiarỹ aõhòkỹmy arotỹnykre waumy-ki hyymy. Kristu-ò rỹira mahãdu dee kiamy ratỹnyre, dòhòdỹna mahãdu dee.

<sup>25</sup> Iribi jiarỹ Rybe wihikỹmy rybedu ròhònyre. Kiamy Deuxu dee wimy diwateònyde tarybemy rybedumy.

<sup>26</sup> Tii ihetxiu rybe inatyhy ibutu lau rexiwore. Wiji tahe rexitỹnyre ityhydỹdu mahãdu dee.

<sup>27</sup> Kia-ò Deuxu rexitỹnykemy ratxireri iwese aõwihikỹ, taloosòna ratxireri, ibutu iny witzira dee. Kristu inywo-ki, kia tahe iny iraròsòna rare.

<sup>28</sup> Kia Rybewihikỹmy relymahãrenyre ibutumy iny-ki reerydỹnanamahãre bederysyna-di. Kia wesele ibutumy ityhydỹdu mahãdu òbiti Kristu-ò ariteòsinykre.

<sup>29</sup> Kiaòle tahe rexirurudỹnyhyamahãre, Kristu rurudile waki rỹimyhỹre.

## 2

<sup>1-2</sup> Warayky-ribi ijesu nihikỹmy resumahãre awo umyreny rahõtieremahãre reysakemy Òlòsò hãwã-ki. Laodisia mahãdu tule wamy robiõmyhỹre mahãdu tule wiluutyhyrenykeny kaiboho ibutumy Deuxu bedeerysynatyhy bierybenykeny adireny watzireri. Kristu-ki tahe bede erysynatyhy-di atxiteri idi watzireri.

<sup>3</sup> Kristuwo-ki ibutumy bedeerydỹna bede erysynatyhy ityhyna wesemy riyrubunmy rỹire.

<sup>4</sup> Kawese rarybera inyõ arãitxenanyõmyhỹkemy rybe rayky-ribi ije-di.

<sup>5</sup> Waumy awanareny ratxiòreri, watytyby tahe awanareny ratxireri, riwadeysanyreri, aõwityhy òbiti-di riwaerynanyreri Kristu-ki aityhydỹna-di riwaerynanyre.

<sup>6</sup> Iwese Jesuisi Kristu heka Inynyrỹhyny tetyetynte wese. Tai tii-wana mabehybenyke.

<sup>7</sup> Iwese oworu irarutiõ rimymyhỹre wese myike. Anaerynadỹnymahãde wese maumynyke àlàdỹnamy.

<sup>8</sup> Bexihãrubenyke, inyõ anaitxenadỹnyke lau. Tarayky-ribi ije rybe-di lahirybe-di anaitxenanykeny ihỹre rybe uritere ije ije-di. Kia rybe iny aõmydỹnana-ki rỹire bedetytyby aõmydỹnana-ki. Kia Kristu aõmydỹnana aõkõhyymy rỹirake.

<sup>9</sup> Kristu umy-ki tahe ibutumy Deuxu ixitỹnydỹna rỹire.

<sup>10</sup> Tule Kristu-ki kaiboho tyhynamy toite, texihutenynte. Tii heka ibutumy hãbu rurudỹna ratyre rare, iòlòdỹna ratyre rare.

<sup>11</sup> Iwese uladunotyky riòròre wese Kristu àòraru urarina aribi diorode. Notyy resyna inatyhy aõkõ rare. Kristu iwesenalemy riwinyre.

<sup>12</sup> Taratisebenytenynte, Kristu rubu wesemy tewesenatenynte deledede. Tule beribi tadòhònytenynte irubu-ribi ixixanamy tewesenanytenynte. Deuxu tyhydỹna-di rubu-ribi texixatenynte.

<sup>13</sup> Kaiboho àòraruna-ki tòimyhỹteu rubu wesemy notyynaresy aõkõ-di toimyhỹteu, adeereny runa Deuxu diwahinyde, àòrarureny diixãwidinyde.

<sup>14</sup> Kristu iny òraruna widỹnareny-ribi tõiòti rosara. Kia tyyritina-di riixãwididỹnyre taitxeò-ò rareu.

<sup>15</sup> Rurudỹna mahãdu ruru dinodu mahãdu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

<sup>16</sup> Kaiboho tahe uritere iny rybemy deòbyrenykomy roxina bemomo, ada ahãdu herinau ixenamy, ada sabado bededỹnanamy.



<sup>17</sup> Kaiboho dori aõ kanakre wesemy rare. Kristu tahe ibre tuu rare. Kia aõmydỹỹnana aõ aõkõ.

<sup>18</sup> Inyõ adeereny rarybekeki: bexitxiõnyke ýju biteàlánykemy, rasina-ki ierysomy mohõtynykemy. Tamy ijohonarenyõmy urile erydỹỹdumy rohõtynyra. Tii tahe Kristu rityhynyõhyymyhỹre.

<sup>19</sup> Inyummy wese inyboho ihỹrenyre. Kristu tahe umy ratiwesere. Umybutule-ribi ibutummy iukỹna wiwana reare. Ibutummy òhòna tusina-wana umy rabutumyhỹre. Deuxu umyna-di umy raumymyhỹre.

<sup>20-22</sup> Kai Kristu-wana taruta-wana bede aõmydỹỹnana-ribi, aõherekibo wiji bede aõmydỹỹnana-wana arummy ahâte. Aõherekibo bede ywina witxira witxira tetyhynomy ahâte: imyny wedeydỹỹòmy. Tamy ade rexiõmy, roxina urihixiõmy. Kia wese hãbu bede ywina tetyhynymahãtenyete. Kia aõmydỹỹdỹỹkeki, rexihuke.

<sup>23</sup> Bede erydỹỹna wese ratxireri. Kia dori ixideele rexityhydỹỹnyre iyrubu wesemy rawesenanyreri, taummy ixidee aõhõkỹmy rexisynyre. Ibutummy kia tahe ri-wiòhenanyõhyymyhỹre umy òraluna lau.

### 3

<sup>1</sup> Kaiboho Kristu-wana texixatenyteri wana, biu ludu aõmydỹỹnana-di mohõtinybenyke, tai Kristu Deuxu ruruna weribi rasỹnomy rononymhỹreki.

<sup>2</sup> Biu ludu aõmydỹỹnana-di mohõtinybenyke, kabede ludu aõmydỹỹnana-di aõkõ.

<sup>3</sup> Rubu wesemy dori ahãtenyete, aummy tuedeõna runa Kristu-wana rare —Deuxu-ki riyrubunomy ratximyhỹre.

<sup>4</sup> Kristu rehemynyreu, tule tii-wana rakatxirenyke.

<sup>5</sup> Tai òhõti bitosanyke bede ludu aõmydỹỹnana aki rỹire: uri uri rỹira mahãduhemy ijara, òbitiõna, deòsana hemy nodu, iòbi retỹnyre òbiti-di aõkõ rare. Inyõ rỹire-di òtena kia ritxoo àlàdỹỹna wese rare.

<sup>6</sup> Kia aõna aõna Deuxuwo binana rare, kia-ò Deuxu ykarana kanakre kia òrarudu mahãdu-ò.

<sup>7</sup> Kaiboho kia tewinytenyete aòrarunareny òrarudumy toiteu.

<sup>8</sup> Wiji tahe ibutummy kia aõmydỹỹnana aribi rexihukemy idi watxireri —wobinana, ujõmo, rybe ije ije.

<sup>9</sup> Iny witxira-ò ruiõmy, araybidinatyby dori aribi dexihude, iwidỹỹnabina-di.

<sup>10</sup> Araybidina tỹmyra-di tahe texiumydỹỹnyete tii araijõnyre bedeerysynahakỹ-di, Kristu raybidina wesemy araybidina rarekre òbitimy araijõnykre.

<sup>11</sup> Kowa-ki wii rikinirenyõkre: judeu mahãdumy, judeukõdu mahãdumy, notyky resydumy, bedeeryõ mahãdumy, txiebese wese mahãdumy, deòdu mahãdumy, deòdu aõkõ mahãdumy ibutummy Kristu dee wiwese weselemy rỹire. Kristule tahe ibutummy ihỹre inydeereny. Tii ibutu inywo-di ratximyhỹre.

<sup>12</sup> Kaiboho Deuxu ijesemy anadymyhỹde tahõrõ luunana mahãdukremy. Tai rux-etòena-di boibekre ixãwidina-di, inytyhyna-di, ywina-di.

<sup>13</sup> Wii riwiòhenanomy rỹike. Wii riixãwididỹỹnomy rỹike. Inyõ adee aõmy rotyynykeki ixirawomy biijeranyke. Iwese Inynyrỹ araxãwidinyre wese iny biixãwidinyke.

<sup>14</sup> Ibuturatyre wiluurenykemy kiadile kaiboho wiwana ibutummy boibeke iweselemy mohotinybenyke.

<sup>15</sup> Kristu ywina heka umy-ki itxeredumy rarekre. Kristu hõrõ mahãdu sohojilemy mabeke. Tai tahe àlana tamy biwahinybenyke.

<sup>16</sup> Kristu rybe-di awo-ki mabehyummy mabekre idi watxireri. Wii biernadỹỹnomy bitohonymahãbenyke bede erysyna-di. Deuxu-ò àlana biwahinymahãke wiurybe-di, wiu-di Deuxu Tyytybytyhy wina-di. Mawinyke àlana-di aworeny-ribi.

<sup>17</sup> Ibutumy tuu marybekremy, ibutumy tuu botỹỹnykremy Wanyrỹni-ò, tuu botỹỹnykre Jesuisi Kristuni-ò. Inytyby dee àlàna biwahinykre, Deuxu-ò wahe.

<sup>18</sup> Hãwyy! Kai ahãbu bityhynyke, Deuxu erylỹỹna-di.

<sup>19</sup> Hãbu! Kai ahãwyy luuke, idi tudòrenyõmy.

<sup>20</sup> Uladu! Borybe, adirybe-wana bityhynyke. Kia tahe Inynyrỹdeewire.

<sup>21</sup> Uladuse, uladutyby! Kai ariòre ikyaradỹỹõmy, bedede wona-di aõkõ ratxikemy.

<sup>22</sup> Deòdu mahãdu! Kai kabede-ki awedurybe-di ibutumy bityhynyke aõ idi retehererikile aõkõ, awedudeewi sohojilemy aõkõ, awo-ribi tyhy Inynyrỹdeewimy tuu botỹỹnyke.

<sup>23</sup> Aõbo botỹỹnymahãke ibutu Deuxudeewimy botỹỹnyke. Hãbudeewimy aõkõ.

<sup>24</sup> Deuxu-ribi aõwydỹỹna kanakre. Kristu-ò dori taaõmysỹdỹỹnymahãte. Adeereny rahetoõ riyrubunymy roimyhỹre.

<sup>25</sup> Inyõ tahe aõbina riwinymyhỹkeki, ihewomy aõbinale ritake. Deuxu dori ibutu dee wiwese weselemy idi rotỹỹnymahãre.

## 4

<sup>1</sup> Wedu mahãdu, kai eòdureny dee òbitimy idi ahãbenyke. Kai tahe tule awedu dire biu-ki. Kia nohõti losaõmy.

<sup>2</sup> Bexitòenyhyymahãbenyke. Betehehybenyke. Bealàhyymahãbenyke.

<sup>3</sup> Inydeereny kia bedexitòenykre. Deuxu rybe wihikỹ-ò iny dee hãwã wixira-ò kidiraynykre, Kristu inatyhynamy arelyyrenykre. Iòraru-ki womati reroti nihikỹ-di watxiwãhãre.

<sup>4</sup> Kia ritynynykremy idi watxiwãhãre. Waaõmysỹdỹỹna kiemy dori ihỹre.

<sup>5</sup> Biu ludu bederydỹỹna-di boibeke ityhydỹỹdukõdu mahãduy-ki. Aõwihikỹrybe bexitỹnykeki, turybelemy idi beake.

<sup>6</sup> Arybe aõwi weselemy biyrubunyke, iwese rỹsỹna juwyrã-wana raurinymyhỹrewi wesemy. Tai arawyòna ijòdikre tỹỹraxina-ò.

<sup>7</sup> Txitxiò ibutumy waaõmydỹỹnana adeereny relyykre. Tii waityhydỹỹdu seriòre waluumy rare. Tii rybedu òbiti iny-wana ratxireri.

<sup>8</sup> Adeereny reteònyreri waaõmydỹỹnanareny erydỹỹnamy awo deysadỹỹmy.

<sup>9</sup> Onesimo heka tii-wana ariteònykre. Tii tule òbiti ityhydỹỹdu seriòre ratxireri. Ahãwãreny yluduõ rare. Tiiboho kedelyydenykre ibutumy timybo wãhãremy.

<sup>10</sup> Aristarku wawana ròtenawo-ki wãhãre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemynykeki, bidiwiòhenanyke.

<sup>11</sup> Josue-Justu ibutumy eryna rare. Jesuisi inityhy rare. Kaiboho sohojile tahe judeu mahãdu-ribi iny-wana raaõmysỹdỹỹreri Deuxu òlòna òraru-ki. Tiiboho riwawiòhenanyhyymyhỹrenyre.

<sup>12</sup> Epafa tule aeryrenyõ rare tarybe adeereny diòde. Tii adeereny rexitòenytyhyhyymyhỹre kaiboho Deuxudeewimy boibehyykemy.

<sup>13</sup> Jiarỹ reeryre tii adeereny tòemy ratximyhỹre, tule Laodisia mahãdu dee tule Ieryopoli mahãdu dee.

<sup>14</sup> Luka, tarybe diwahinyde. Tii ityhydỹỹ òhotibedu rare. Dema tule tarybe diòde.

<sup>15</sup> Warybe wehityhyna biõke Laodisia ityhydỹỹdu seriòre. Ninfa-ò tule wehityhyna biwahinyke dohodỹỹna mahãdu taheto-ki rỹireriwana.

<sup>16</sup> Watyyriti-di dohodỹỹnaheto-ki rariakreu, idi tule Laodisia mahãdu-ò biõkre tako-ò rariakemy. Tule watyyriti kowa-ò rewahinyre, wimyke amahãduko-ò rariarenykremy.

<sup>17</sup> Arikipu-ò warybemy marybeke. Tii aõmysỹdỹỹnaõ ritare Deuxu-ribi. Kia-di tii ratxihykykemyidi watxireri.

<sup>18</sup> Kia tyyriti wadebò ritidỹ̃na tyhy rare. Womati reroti-di rataataamy nadoimyhỹderibi òhõtireny lusarenyõmy. Deuxu wohyna adee kanakemy idi watxiwãhãre. Paulo.

## 1 Tesalonia Mahãdu-ò Juhuu Tyyriti Tesalonia Dohodỹỹna Mahãdu-ò

<sup>1</sup> Jiarỹboho, Paulo, Sila, Tximòtxi-wana heka Tesalonia hãwã ityhydỹỹdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

<sup>2</sup> Aõu aõu Deuxu deàlànamy adeereny rexitòenymahãre.

<sup>3</sup> Atyhyna tiu inynohõti-ribi rosaõtyhy. Aluunareki dori Deuxu dee taaõmysỹdỹỹmahãte, Jesuisi Kristu iny Iòlò dehemynyna teraòteri.

<sup>4</sup> Kaiboho, Deuxu luuna mahãdu, Deuxu iyrenymy araijere.

<sup>5</sup> Rybewihikỹ adee retỹnynynymahãre. Kia heka rybe sohojile aõkõ rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹỹnyreny wese, kaiboho teerytenyta. Aluureki dori kawesemy ratỹỹnyreny. Tai tahe iwese inyboho ratỹỹnyre wese tule kaiboho tatỹỹnytenyte. Tule Inynyrỹ-wesemy tatỹỹnytenyte.

<sup>6</sup> Aõhõkỹmydỹỹnana hãrele heka kaiboho rybe-ò taholatenyte. Tii aradeysarenynre, aõhõkỹmy dỹỹnana-ki hãrele. Eysanarenyn dori Deuxu Tyytybytyhyribile namyhỹde.

<sup>7</sup> Kaiboho tahe ityhydỹỹdu mahãdu wihikỹ toite. Ibutumy ityhydỹỹdu mahãdu heka aweserenymy roirekemy ratxirenyreri Macedonia bedeki, Akaia hãwãdỹỹna-ki tule.

<sup>8</sup> Aeryna ibutumy hãwã hãwã rieryra Deuxu tetyhynyteki, Macedonia bedeki tahe tule Grecia bedeki. Tahe kia-ò ixiby boholabenykekõ dori rare.

<sup>9</sup> Iny arora-ribi dehemynydeu inyko relyymyhỹre. Kaiboho asuritxoo deuxu-di tehutenyte tahe inatyhy Deuxu tetyhynytenyte, Deuxu iru wahe.

<sup>10</sup> Iriõre biu-ribi kanakremy teraõmahãtenyte. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarenykre. Deuxu dori òraruna òraru-ki sõwemy rakyaranynihikỹmyhỹre. Tule kia umy inydee relyymyhỹreny.

## 2

<sup>1</sup> Kaiboho teerytenyte arora-ò roirenyreu, jiarỹboho Deuxu aõmysỹdỹỹna sõwemy rewinyreny.

<sup>2</sup> Jiarỹboho aõhõkỹmy ratỹỹnyreny Filiposi hãwã-ki. Tai tahe adee rehemynre Tesalonia hãwã-ò wahe. Deuxu taruru diwahinyde. Tai heka jiarỹboho adeereny roirenyre Deuxu ijyywihikỹmy arelyyreny. Sõwemy inydeereny òbinadu rỹire.

<sup>3</sup> Iny rybe-di tỹnydỹỹnarenyn inatyhymy rare. Inyboho òbitimy rõhõtynyreny. Jiarỹboho anaitxenanyrenyõtyhy.

<sup>4</sup> Iwese Deuxu inydeereny riwateònyre wese kialemy heka rarybeke. Aõbo in-ysõwehekỹ deewimy aõkõ raryberenyre, tahe Deuxudeewimy. Tiile rieryre aõbo in-ywo-ki ratximyhỹ.

<sup>5-6</sup> Tii rieryre iwese inyboho adeereny rarybemahãreny wese. Nieru tarasakemy aõkõ inyboho watzirenyn rui-di raryberenyremy rybewihikỹ adee rewahinyõhyymy. Awowydyna, arybe wihikỹ heka inydee aõkõhyymy idi watzirenyn. Ijõ iny-ribi tule aõkõ kia rybe idi watzirenyn.

<sup>7</sup> Jiarỹ tiu ararybeõmahãrenyn idi anierurenyn aritakemy. Kia ariwinyrenykeki tahe, tule awire. Inyboho dori Jesuisi Kristu deòdỹỹna inyboho ratxirenyreri. Tahe iu jiarỹ ayrenyn-ki raremahãu, aluurenyn. Iwese hãwyyõ tariõre riyrubunyn wese adireny watzimahãre.

<sup>8</sup> Deuxu Rybewihikỹ sohojile aõkõ adeerenyn ariwahinykemy aõkõ, tule wabedỹỹnana tule adeerenyn ariwahinykemy watzireri, aruruke adeerenyn, jiarỹboho sõwetyhymy aluurenynreki wahe.

<sup>9</sup> Sõwetyhymy jiarỹboho raaõmysỹdỹỹnymahãre ayreny-ki raremahãu, tai tahe òwyõ aõkõ teòwynymahãtenynte. Rummy raaõmysỹdỹỹmahãrenyre, txumy tule. Tai ixiaõmysỹdỹỹnadile inyboho rỹimahãrenyre.

<sup>10</sup> Jiarỹboho ayreny-ki òbitimy roiremahã. Aõhe inatyhy, waityhydỹỹdu seriòreboho. Kia teerytenynte. Deuxu tule riwaeryre.

<sup>11</sup> Iwese tybyõ tariòre riywinyre wese, jiarỹ araywinyra, wariòre wesemy.

<sup>12</sup> Arãwiòhenanykemy adi watzireri arateysadỹỹkemy. Warybe dohodỹỹna-ò boholabenyke. Tai tahe kaiboho Deuxudeewina-ki atxibenyke. Tule tii-wana masỹnybenyke taòlòna-ki, toosòna-ki.

<sup>13</sup> Tai tahe àlàna sõwemy Deuxu-ò rewahinyrenyre. Ayreny-ki raremahãu, Deuxu rybe tỹnydỹỹmy, kaiboho tetyhynytyhymahãtenynte. Deuxurybele taholatenynte. Tii heka inatyhy kia rare, Deuxu ijyytyhy wahe. Waityhydỹỹdu seriòre, Deuxu ayreny-ki ratximyhỹre.

<sup>14</sup> Waseriòreboho, iwese Judeia ityhydỹỹdu mahãdu heka aõhõkỹmy rotỹỹnyre wese, kaiboho iwesele aõhõkỹmy tatỹỹnytenynte. Kaiboho aõwitzira witxira aõbina bina teòludunymahãte aõhõkỹmy dỹỹnana-ki. Abede ludu mahãdu tuu riwinyre. Iwese Judeia mahãdu heka judeu mahãdu debò-ki aõhõkỹmy rotỹỹnyre wese, kaiboho tule aõhõkỹmy tatỹỹnytenynte.

<sup>15</sup> Judeu mahãdu heka juhoo Deuxu rybedu mahãdu rirubunyrenyre. Jesuisi tule rirubunyre. Inyboho tule ribinadỹỹnykemy ratxireri. Deuxumy dòdu tiiboho roire. Ibutumy inymy òludu ratxireri.

<sup>16</sup> Tiiboho iny ribinadỹỹnykemy ratximyhỹre, iny dori rybe tỹnydỹỹdumy inyboho ratxireri judeukõdu mahãdu-ò. Kia-di heka ijõ òraruna tiiboho ributunyre. Deuxu tahe wiji tiiboho ribinadỹỹnykre. Ityrereny-ò Deuxu kyarana bededỹỹnana kedesekre.

<sup>17-18</sup> Waityhydỹỹdu seriòre, aribi irehemy watzireriu, awehityhyna sõwemy wadi ratxireri. Sõwemy adi aretehekemy watzireri ixityrele. Tiubo aroramy arake, Satanasi riwabinadỹỹnyra. Tahe aõkõre. Araõke.

<sup>19-20</sup> Kaiboho dori iny raròsònatyhy, inydeysana, iny biu-ò hena Inynyrỹ Jesuisi òraru-ki atxitenynte. Tii dori kanake. Kaiboho ixityhydỹỹnaõ heka toimahãte.

### 3

<sup>1</sup> Ikonanau tahe reòludunynyrenyõtyhy. Tai tahe ixisohojile Atena hãwã-ki rỹikremy watzireri.

<sup>2</sup> Tai Tximòtxi adee reteònyre, inyseriòre wahe. Tii heka wawanareny Deuxu aõmysỹdỹỹna-ki riwiòhenanyre Kristu Rybewihikỹ tỹnydỹỹmy. Adeereny dori reteònyre aityhydỹỹna wiòhedỹỹmy.

<sup>3</sup> Tai tahe bede jei jei òraru-ki, kaiboho ahewo-ò booseõtyhy. Kia ibutumy Deuxudeewina inydeereny rare.

<sup>4</sup> Iu ayreny-ki rarewãhãu, kiamy rarybewãhãre aõma adeereny aõhõkỹmy dỹỹnana kanake. Kiale tahe inatyhymy nade.

<sup>5</sup> Tai tahe Tximòtxi reteònyre, omy arierykemy timybo aityhydỹỹna-ki tatỹỹnytenynte. Satanasi òsana waaõmysỹdỹỹna ayreny-ki ribinadỹỹnyre. Aõkõre, tii Deuxu aõmydỹỹnana ribinadỹỹnyõtyhy.

<sup>6</sup> Tximòtxi heka Tesalonia hãwã-ribi ròðsera. Ijyy Wiwihikỹ tahe raholara. Aityhydỹỹna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriòreboho, aòraru-ki.

<sup>7</sup> Waaõhõkỹmy dỹỹnana hãrele heka wadeysamy watzireri, aityhydỹỹna awireki wahe.

<sup>8</sup> Kaiboho awimy matxibenykeki, awimy jiarỹ watzimahãre, warumy watzimahãre.

<sup>9</sup> Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri.



<sup>10</sup> Rummy txu-wana adeereny arexitòenykre arora-ò arake, aityhydỹna wiòhedỹmy wahe.

<sup>11</sup> Deuxu Inytyby, Jesuisi Kristu Inynyrỹ-wana riwawiòhenanykemy idi watzireri arora-ò arake.

<sup>12</sup> Wiluummy ibutumy ityhydỹdu mahãdu luummy idi watzireri. Iwese aluure wese wiluuke.

<sup>13</sup> Tii inydeereny ruruna riwahinykemy idi watzireri. Òbitimy tahe rakatxirenyke Deuxuko-ò, Inytybyko-ò. Inynyrỹ Jesuisi kedehemynykreu, tamahãdu-wana, tai iny imahãdule rakatxirenykre.

## 4

<sup>1</sup> Waityhydỹdu seriòre, timybo òbitimy ahãbenykemy rebedeerynyre Deuxudeewina wahe. Iratyre tahe arexitòenykre Inynyrỹ Jesuisi òraru-ki, òbitityhymy boibenybekemy. Kia tahe teerytenyte.

<sup>2</sup> Jesuisi bede erydỹna heka adeereny rewahinyrenyre. Kia teerytenyte.

<sup>3-4</sup> Kia tahe rare. Òbitityhymy ahãbenyke, òta òtarenymy. Iny sohoji sohoji òbitimy ahãwyy-wana matxibenyke.

<sup>5</sup> Iwese ityhydỹdukõdu mahãdu riwinyre wese aõkõ idi ahãke. Tii dori Deuxu rierykõrenyre.

<sup>6</sup> Tuleke kia aõmydỹnana-ki iny sohoji sohoji aityhydỹdu seriòre ibinadỹõmykemy. Iwese rarybere wese ixityre ararybekre. Inyõ kia aõmydỹnana riwinykeki, debure bededỹnana tii ralòke.

<sup>7</sup> Òta òta aõmydỹnana aõkõ Deuxudeewire, òbitina aõmydỹna tamywire.

<sup>8</sup> Inyõ kia bede erydỹna rityhynyõkeki, Deuxule heka tii rityhynyõre, hãbu bede erydỹna aõkõ. Deuxule Tatytybytyhy inydee riwahinyre.

<sup>9</sup> Kaiboho aityhydỹdu seriòre mahãdu luurenyre. Tai ixiby kia adeereny ariritinyõtyhy. Deuxu dori araerynanyrenyre timybo wiluummy boibekemy.

<sup>10</sup> Kia luuna-di tahe ibutumy Macedonia hãwã hãwã mahãdu luummy. Ihãrele tahe waseriòreboho iratyre wiluummy.

<sup>11-12</sup> Ywina-di wi-ò wi-ò boibeke. Aaõmysỹdỹna-di iximynamy boibeke. Tai ibutumy ityhydỹdukõdu mahãdu umyreny robikre anatyhynyrenyre. Tai tahe ijõ iny aaõmydỹnana ixi-di nokõmy. Ixisohojilemyta ixi-di maaõmysỹdỹnyke.

<sup>13</sup> Waseriòreboho araerynanykre rubu mahãdu aõmydỹnanamy. Tai ijõ inywese mahinybenyõke, bobubenyõke. Tii dori raròsòna-di aõkõ ratxirenyre

<sup>14</sup> Kristu heka rubummy roire ribile rexixare. Kia tahe retyhynyrenyre. Kiawesele tii-wana heka Deuxu taityhydỹdu mahãdu kididyke, rityhynymy rurure mahãdu tule.

<sup>15</sup> Inynyrỹ riwabedeerynyrenyre kiamy: inyboho irummy ratxikeki kiadxuu juhuummy timy inorenykõna. Rubu mahãdu tuukre.

<sup>16</sup> Tahe yju wedu juhuu rarybekre. Deuxu juròna-di ritxurònykre. Idi Inynyrỹ kodobehekre biu-ribi. Juhuu ibutumy ityhydỹdu rubummy rỹira riumynykre, riumy-witziratỹmyranykre, riixixanyrenyre.

<sup>17</sup> Tahe ibutumy inyboho irummy rỹira mahãdu heka Inynyrỹ-wana ributunyrenyre biu-ki. Tai tiiwanahy roirenyre

<sup>18</sup> Kia rybe-di wii beysabenyke.

## 5

<sup>1</sup> Ityhydỹdu seriòre, tiubo kia ibutumy aõhebo rotỹnykre. Kiamy adeereny ariritinyõtyhy.

<sup>2</sup> Rummy wasidu wesemy kia txu kanakre. Kia teerytenyte. Ibededỹnana iny rieryõtyhy.

<sup>3</sup> Inyõ rarybekeki: –Ibutumy awire. Ibutumy ywina-di ratxireri. Kiatxuu kedexihukre. Inyõ rahenyõtyhy. Iwese hãwyy txuberere wese, uladu ijera iòhòreu kia rare.

<sup>4</sup> Kaiboho, waseriòreboho, tetyhynytenyte tai kiatxu adeereny bede òtiidỹỹ aõkõ rarekre. Kaiboho dori kia teerytenyte, wasidu wesemy kanakemy wahe.

<sup>5</sup> Inyboho ibutumy txuu mahãdu atxitenyte, loosòna mahãdu wahe. Bedeluruhukỹ mahãdu aõkõ inyboho ratxireri.

<sup>6</sup> Tai tahe røkõrõnyõtyhy. Bexixabenyke. Ijõ iny wese aõkõ atxibenyke. Betehebennyke.

<sup>7</sup> Rummy ibutumy iny rõrõmyhỹre. Tule kiau ibutumy riõmyhỹre, axaxaluudu mahãdu wahe.

<sup>8</sup> Inyboho tahe iximy rekexiòbitidỹỹnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratiywina wesena rare, tarasana raròsòna wahe.

<sup>9</sup> Debure bededỹỹnana-ò aõkõ inyboho ralòõtyhy. Deuxu aõhõkỹmy dỹỹnana kia Deuxudeewina aõkõ rare inydeereny. Biu-ò hena-ò tahe inyboho ralòrenykre Jesuisi Kristu Inynyrỹ òraru-ki.

<sup>10</sup> Tii dori inydeereny rurure. Tai tahe tii-wana rarehyummy rỹikre irummy ada rubummy iny ratxirehãre.

<sup>11-13</sup> Kiarybe-di widee beysadỹỹnymahãbenyke. Deuxu rybe tỹnydỹỹdu mahãdu biwìhenanybenyke, bityhynybenyke. Kia tahe wadee awire. Tii dori awiòhedỹỹdu ratxireri Inynyrỹ òraru-ki. Ibutumy widee òbitimy atxibenyke, tii Deuxu deòdu rareki.

<sup>14</sup> Tule adeereny ijõ dohodỹỹnaõ aratohodỹỹnykre. Iehehe mahãdu biòbitinybenyke. Ityhyna kyhynakõ mahãdu bikyhynanybenyke. Ibutumy widi atximyhỹbenyke.

<sup>15</sup> Inyõ aõbinamy adee rakeki, ixiòwydỹỹõmy. Ywina-di tamy bisỹnyke.

<sup>16</sup> Beysahyybenyke.

<sup>17</sup> Ixitòedỹỹhyummy boibehyybenyke.

<sup>18</sup> Ibutumy bealàmahãbenyke. Kaiboho dori Kristu ijoi atxitenyte. Kia adeereny Deuxudeewinare.

<sup>19</sup> Deuxu Tyytybytyhy-ò boholake, awo-ki arayky-ki tii ratxire.

<sup>20</sup> Deuxu dee rybedu mahãdu awire irybe awire. Ibinamy aõkõ tai marybebenyõtyhy.

<sup>21</sup> Ibutumy biurihibenyke. Aõbo awirele tahe idi bimyke.

<sup>22</sup> Ibutumy òraruna-ribi irehemy atximahãbenyke.

<sup>23</sup> Deuxu heka ywina rare. Tii araòbitidỹỹnytyhyke. Adeereny rexitòenyre. Araykywydyna, òhõtìwydyna, aummy-wana ibutumy raywidỹỹmy ratxike idi watxireri. Jesuisi dori eleleemy kodobehekre.

<sup>24</sup> Tii kia ibutumy juhoo rarybere wese, tii adeereny riwinyhykre.

<sup>25</sup> Waityhydỹỹdu seriòre, inydeereny bexitòenybenyke.

<sup>26</sup> Deuxu deysana òlusò-di wii birybebenyke.

<sup>27</sup> Wadee boholake Inynyrỹ òraru-ki. Kia watyyriti heka ibutumy ityhydỹỹdu seriòre roholakemy watxireri. Idi mariake.

<sup>28</sup> Jesuisi Kristu Inynyrỹ ruxetòena heka adeereny ratximyhỹkemy idi watxireri. Kie.

## 2 Tesalonia Mahãdu-ò 2 Paulo Ryberiti Tesalonia Hãwã-ò

<sup>1</sup> Paulo, Sila, Tximòtxiboho-wana tyyriti rewahinyrenyre Tesalonia dohodỹna mahãdu-ò. Deuxu Inytyby, Jesuisi Kristu Inynyrỹ ijoi toiteò.

<sup>2</sup> Wiòhedỹna, ywina-wana adeereny kanakemy watzireri Deuxu Inytybyreny-ribi, Jesuisi Kristu Inynyrỹreny-ribi.

<sup>3</sup> Inyseriòreny, Deuxu-ò adee reàlamahãrenyre. Kia tahe awi rare. Kaiboho aõu aõu textyhydỹnytyhymy atximahãtenyteki, ityhydỹdu seriòre wiluuna-di iluutyhymy teletenyteri.

<sup>4</sup> Tai heka ijõ Deuxu dohodỹna heto-ki aõwihikỹmy umy rarybemahãre. Kaiboho dori aõwitxira witzira aõbina bina teòludunymyhỹtenyte, aõhõkỹmy dỹnana-ki ixiwesehyymy toitemahã ire tetyhynytyhymahãtenyte.

<sup>5</sup> Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlòna-ò malòbenykre, aõhõkỹmy tatỹnytenyteriki wahe.

<sup>6</sup> Deuxu, tiiboho aõbina bina-di riòwynyrenykre, aõhõkỹmy dỹnana dori adeereny riwahinyreki. Kia tii òbitimy rõhõtynyre.

<sup>7</sup> Biu-ribi Inynyrỹ Jesuisi tarurunareny ýju-di kodobehekrey, aõhõkỹmy dỹnana-ribi elehyna adeereny, tule inydeereny Deuxu kidiwahinykre.

<sup>8</sup> Heòtyloona-di tii kanakre riòwynykre Deuxu rieryõmy rýira mahãdu dee, tule Inynyrỹ Jesuisi Rybewihikỹ riywinyõmy rýira mahãdu dee.

<sup>9</sup> Kia mahãdu aõu aõu aõhõkỹmy rotỹnykre Inynyrỹ òsýnỹ-ribi iteòdỹna-ki taruru-loosõna-ribi.

<sup>10</sup> Tii kanakre tahe ibutumy ijoi mahãdu tamy làhàna riwahinykre. Ribedeòtiidỹnyrenykre ibutumy taijoi dee aõmydỹnana riwinyreki. Tetyhynymahãtenyte, Deuxu rybe dori jiarýboho adeereny rewahinymahãreki.

<sup>11</sup> Kaiboho iwese Deuxudeewimy rarekemy boibeke. Tai tahe adeereny rex-itèhyymahãrenyre. Deuxu ruruna-di atyhydỹna-di sõwemy aõwihikỹ riwinykemy idi watzimahãre.

<sup>12</sup> Tai tahe ibutumy Inynyrỹ Jesuisi Kristu nimy sõwemy beàlamyhỹkemy. Tii loosõna adeereny riwahinykemy watzireri. Kia Deuxu dee, Inynyrỹ Jesuisi dee awi rare. Wiòhedỹna iribi bitabenyke.

## 2

<sup>1</sup> Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyõ rarybekeki Inynyrỹ òkesena txumy rehemynymy rýire, kia rybe-di iòtiidỹõmy.

<sup>2</sup> Inyõ rarasinykeki, Deuxu-ribi ijyy ritakeki, urile ityhydỹrenyõmy. Inyõ waribi tyyriti itarasamy rarybekeki, ityhydỹrenyõmy.

<sup>3</sup> Inyõ aitenadỹõmy boibeke. Ityhydỹdu atysyna nihikỹ juhoo kanakre, idi tahe kia txu kanakre. Juhoo hãbu ibinatyhy kedexideòsinykre. Heòtybedeluduõ tii rare.

<sup>4</sup> Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlàna aõmydỹnana riatykre. Deuxu dohodỹna hetowo-ò ralore tahe Deuxu weselemy ronykre. Iximy rarybekre tii Deuxu raremy.

<sup>5</sup> Tuu heka adeereny rarybere, akireny raremahãu, õhõtireny aõbo itxi rearenyõra?

<sup>6</sup> Ibededỹnana raòbitikre xiery, kanakre. Deuxu ruru dori rimymyhỹre. Kia tule teerytenyte.

<sup>7</sup> Iaõbinahakỹ aõmydỹnana inyy-ki ratzireri. Tii tyhy wiji kanaõkre. Imynydu iribi rexitare xiery, tahe tii kanakre.

<sup>8</sup> Taile tahe hãbu ibinatyhy kedexideòsinykre. Inynyrÿ Jesuisi kanakreu, tii tuu kidirubunykre taryeledile.

<sup>9</sup> Juhuu tahe kia hãbu Satanasi deòdu tahe iruru-di kedehemynykre. Aõna aõna wiwihikÿ widÿÿmy ròitxenadÿÿreri.

<sup>10</sup> Inyõ sõwemy riitxenanykremy bededeòbydÿÿ wesemy. Ityhydÿÿdukõdu mahãdu tii riitxenanytyhykre. Tiiboho dori inatyhyna rybe rityhynyõmyhÿre, tuuõmyhÿre, tai rexirutaõrenygre.

<sup>11-12</sup> Deuxu dori rilawere tuu rityhynyrenykre ibinare hãrele. Kia ruina rityhynyrenykre, tai Deuxu rihitxidÿÿnykre inatyhyna rityhynyõreki, taòrarudÿÿna luureki.

<sup>13</sup> Deuxu tahe juhuutyhylemy aratarenygre, waseriòreboho. Biu-ò hena adeereny riwahinyremy inatyhyna tetyhynytenyteki. Deuxu Tyytybytyhy aralyradÿÿnyrenygre. Tai, Inynyrÿ luuna mahãdu, Deuxu mahãdurenymy belebenykemy atximahãtenyte.

<sup>14</sup> Deuxu adeereny Rybewihikÿ diteònyde. Inyboho tahe ijyjdumy roire. Iny òrarureny-ki tahe Inynyrÿ Jesuisi Kristu loosõna bitabenykremy idi toite.

<sup>15</sup> Kia ibutumy, waseriòreboho, itxi õhõtireny reake. Aõmybo araerynanymahãre kowa-ki raremahãu, tule watyryiti-di rebedeerydÿÿnymahãrenygre, idi mohõtinytyhybenyke, òbitimy idi boibeke.

<sup>16-17</sup> Inynyrÿ Jesuisi Kristu Deuxu Inytyby, luuna luuna, wiòhedÿÿna, raròsõna sõwemy inydeereny diwahinyde. Inyboho aõhyemy aõkõ roire. Iribireny raybidina adeereny kanakemy watzireri. Tule umy kanawiòhenanykemy watzireri ibutumy aõhe botynyke, marybemahãbenyke.

### 3

<sup>1</sup> Watyryiti-di konanamy tahe adeereny ararybekre. Waseriòreboho, inydeereny bexitòenyke. Inynyrÿ rybemy araryberenykemy, inywitzira-ko arelyyrenykemy, tule Inynyrÿ rybe-di iwese rybe ayreny-ki aõwiwihikÿmy raremyhÿ wese.

<sup>2</sup> Tule bexitòenyke kia iny iehehe-ribi arexitarenykemy. Ibutu iny dori inatyhyna rityhynyõreri.

<sup>3-4</sup> Tahe Inynyrÿ òbiti rare tii arawiòhenanykre. Tii ararurudÿÿnykre kia reerygre. Satanasi-ribi arayrubunyrenykre. Tahe, aõmybo reerynadÿÿnygre wese kaiboho aõhebo tatÿÿnytenyterimy heka adireny watzimahãre tule kia wesehyyle rakatxirenyke.

<sup>5</sup> Inynyrÿ-ribi Deuxu luuna, Kristu itxõmotxina bede erynahakÿ adeereny kanakemy watzimahãre.

<sup>6</sup> Kia Jesuisi Kristu Inynyrÿ bede ywina wese rare adeereny ararybekremy. Waseriòreboho bexiweresynyke iny deoruxere-ribi, ibutumy iny waerysydÿÿna roholaõre mahãdu-ribi, tii ityhydÿÿdu mahãdu hãrele.

<sup>7</sup> Ayreny-ki roiremahãu, raaõmysÿdÿÿhyemy roiremyhÿ. Tai kaiboho teerytenyte iwese mabekemy.

<sup>8</sup> Tiu iny witzira rÿsÿna rerÿsÿrenyõhygre, iòwyõmy. Txuu ruwana raaõmysÿdÿÿre waaõna aõna òwydÿÿmy. Tai tahe adeereny isiramy aõkõ ayreny-ki jiarÿ raremyhÿ.

<sup>9</sup> Inyõ-ribi rÿsÿnaõ arirÿsÿmahãkeki, kia tahe ibinamy aõkõ rare, jiarÿ Deuxu rybemy rybedu-ki wahe. Tahe aõkõre urile rexideòsinykemy rerÿsÿõmahãrenygre. Iwese aõmysÿdÿÿna awirewesele umy reerynanyrenygre.

<sup>10</sup> Tai rarewãhãu kia bede ywina rewahinygre: —Iny raaõmysÿdÿÿõmyhÿre riroxiõtityhy.

<sup>11</sup> Jiarÿ raholawãhãre iny deoruxeretyhy-ò ayreny-ki ratximyhÿrenygre, tiiboho aõmysÿdÿÿ derarenygre, urile raujõmomyhÿrenygre.

<sup>12</sup> Jesuisi Kristu Inynyrÿni-di tamyreny ararybekre rayruburenkemy, raaõmysÿdÿÿrenykemy ixideereny.

<sup>13</sup> Tahe adeereny, waseriòreboho, ararybekre. Aõwiwihikÿ widÿÿ-ò ixirarenyõmy.

<sup>14</sup> Inyõ ka waryberiti riywinyõkeki, mobo tii rare bierybenyke tahe kie-ribi irehemy biijeke, tai tii raixỹrukemy.

<sup>15</sup> Urile tii aõludumy aõkõ ratxireri. Aseriõre wesemy tamy marybeke. Biijemy idi ahãke.

<sup>16</sup> Inynyrỹ ywina wedu rare. Tii adeereny ywina ibutumy aõmydỹỹnana-ki kidi-wahinykemy idi watzireri. Inynyrỹ awanareny ratxikemy idi watzireri.

<sup>17</sup> Kia konana warybewehityyna jiarỹle ariritinykre wadebò-di. Ibutumy waryberiti-ki rỹire wese kawesele wani retidire. Paulo.

<sup>18</sup> Jesuisi Kristu Inynyrỹ wiõhena ibutumy adeereny ratximyhỹkemy idi watzireri.



## 1 Tximòtxi-ò Paulo Juhuu Tyyriti Tximòtxi-ò

<sup>1</sup> Jiarỹ Paulo watxiwãhãre. Jesuisi Kristu deòdỹỹna watxiwãhãre. Deuxu iny tarasad-umy riwateònyre, tule Jesuisi Kristu Inynyrỹ riwateònyre. Tii tahe inyararòsònareny rare.

<sup>2</sup> Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

<sup>3</sup> Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti witxiramy ròerydỹỹnanyre riki.

<sup>4</sup> Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹỹõmy. Kia ityhydỹỹnadile kanakre.

<sup>5</sup> Kia wiluuna tahe inywolyrahakỹwo-ribi ròhònymyhỹre, iny raykylyrahakỹ wo-ribi, iny ityhydỹỹnatyhy-ribi.

<sup>6</sup> Kia aõna aõna wihikỹ-ribi iny rexixãwididỹỹnyre. Tai tahe aõmybo rarybemyhỹre heka rieryòhyymyhỹre. Aõtyhymy aõkõ widee rarybemyhỹrenyre.

<sup>7</sup> Bede ywina tyyriti erysydỹỹdu wesekey rexinohòtinymyhỹre, tahe rieryòhyymyhỹre aõmybo raremy. Aõmy rierynanymyhỹrenyre tahe timybo ihỹremy rieryòlemyhỹrenyre.

<sup>8</sup> Katahe inyboho rieryrenyre. Inyò bede ywina tyyriti òbitimy rityhynykeki, Bede ywina tyyriti heka awi rare.

<sup>9</sup> Inywihikỹ-ò heka tiu bede ywina tyyriti riwahinyòhyymyhỹre. Inybina binaòle iwahidỹỹna rare, iny òrarudu-ò, iny ityhydỹỹdukõdu mahãdu-ò, iny aleerydu-ò, iny tadi tyby-wana rirubunymyhỹre mahãdu-ò.

<sup>10-11</sup> Kia iny-ò bede ywina tyyriti rỹimyhỹre. Ibutumy bina bina widỹỹdu-ò. Bede ywina tyyriti rỹimyhỹre ka mahãdu-ò: inydỹỹwe mahãdu dee, taòtaòta witxiramy òtadu mahãdu-ò, inywasidỹỹdu-ò, ruidu mahãdu-ò. Deuxu ijyy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyyriti roimyhỹre. Deuxu bedeerydỹỹna òbiti aõkòreki, Deuxu wiihikỹ loosònadewimy aõkòreki kia erysydỹỹnadu jiarỹ rare.

<sup>12</sup> Jesuisi Kristu, iny wedu waruruixiòlòdỹỹdu rare. Jiarỹ tamy wawimy raremyhỹ. Tai tarybe-di wiòhedỹỹdumy riwatare. Kia-ò Jesuisi Kristu heka jiarỹ rewowydynyre.

<sup>13</sup> Juhuu jiarỹ tuu rarybere. Ityhydỹỹdu mahãdu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyrenyre. Tahe ibutumy kia reerykòlemy rewinyumy raremyhỹ, retyhynyòlemy rewinyumy raremyhỹki.

<sup>14</sup> Inywedu sòwemy wadee raruxetòere. Tii riwasỹny ixiluuwehikỹkemy, rikityhynymyhỹrenykemy.

<sup>15</sup> Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare.

<sup>16</sup> Iurenanamy tahe tii riwaruxetòenyre. Tiu heka waki rexiraõre. Tii riwateòsinyre juhuu ityhydỹỹdu wesemy. Ityhydỹỹdu mahãdu-ò itxerenamy, iwese tii mahãdu kidityhynykemy. Tai umy tuedekõdu mahãdu-ò ralòkemy.

<sup>17</sup> Bealàmahãbenyke Deuxu-ò. Tii heka bededỹỹnana tuedeõdu hukỹ Iòlò rare. Tii lobixina aõkõ rare. Tii sohojile rare. Bealàmahãbenyke aõu aõu, wowodyna tamy biwahinyke. Kie.

<sup>18</sup> Ka inatyhymy rybemy adee ararybekre Tximòtxi –kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikỹke. Besuke arurutyhymy aõbo òbitimy ratximyhỹre wihikỹ-ò.

<sup>19</sup> Aõhewe õhõtitydynawimy mabekre. Bityhynomy mabekre. Inyõ heka idi rõhõtityrenyõra, tai reserenyra ityhydỹri-bi.

<sup>20</sup> Ijõ Imineu inire, Alexỹdre ijõre. Jiarỹ rewahinyre Satanasi-ò, Satanasi bedeburana tamyreny riwahinykre. Tiibohe rybebinamy tii Deuxu-ò rarybeõtyhy.

## 2

<sup>1</sup> Delemy kamy ararybeke: Àlana sõwemy idi rawahinyke, ibutумы iny-ki bexitõenykre.

<sup>2</sup> Iòlò dee, ibutумы dinodu dee tule bexitõenykre. Tamyreny biixitõedỹnanomy Deuxu-ò, tule Deuxумы beõbykemy, tai ibutумы iny iworana bedehesimy rỹikre. Deuxумы iny rõkõhõtityrenykemy idi õbitimy tamy rokoirekemy.

<sup>3</sup> Kia wese awire Deuxu dee.

<sup>4</sup> Deuxudeewimy ibutумы iny ritakemy raerykemy tibo inatyhy raremy.

<sup>5</sup> Deuxu sohojile rare iny-ki rybedu tule sohojile rare, Deuxu-ò iny mahãdu tii sohojile kia riwinyre. Tii hãbutyhyhykỹ rare. Tai tahe tii tiò tiò rare, Deuxu, iny mahãdu-wana widee ributonykemy, Jesuisi Kristu wahe.

<sup>6</sup> Jesuisi rexiwahinyre ibutумы iny õraruna õwydỹmy. Tii heka riõwinyre sohoji-hyylemy. Kia heka tiiehyomy deõsidỹmy rarekemy. Tiu iny mahãdu rahenykemy Deuxu rexinohõtityre.

<sup>7</sup> Jiarỹ heka imynynamy riwamyre kia rybe-di arelyykremy. Tule jiarỹ rybe-di dohodỹdukremy riwamyre iny witxira bedeerydỹmy judeukõdu mahãdu wahe. Kia raerykemy tibo inatyhy raremy. Kia dori inatyhy rare.

<sup>8</sup> Ibutумы dohodỹna hetowo-ki ibutумы rexitõenyre rexitihynomy. Ujõmomomy rõhõtitynomy aõkõ.

<sup>9</sup> Hãwyy uritere ixidi nohõtityhyõmy ixiaõmydỹnadỹmy urile ywilemy ixidi rõhõtitynkemy. Hãwyy ityhydỹdu ixiywidỹna tahe tyywihikỹ aõkõ, iradesihodỹtyhy aõkõ, deorutylududike aõkõ.

<sup>10</sup> Urile tahe iyrubukemy Deuxu-di rõhõtitynke tamy aõwihikỹ riwinykre.

<sup>11</sup> Hãwyy ityhydỹdu mahãdu rõeryrenykre yrubu-ki.

<sup>12</sup> Jiarỹle heka hãwyy ariwahinyõtyhy hãbumy hỹnakemy, hãbu erydỹdukemy tule tuu areõnyke aõkõre, hãwyy heka urile iyrubumy rỹike.

<sup>13</sup> Adaõ heka Deuxu juhule riwinyre idi Eva riwinyre.

<sup>14</sup> Tule tahe Satanasi Eva juhuu riitxenanyre, Adaõ aõkõ tai raõrarunyre.

<sup>15</sup> Hãwyy uladu reakeule rexitake. Idi rõtyhydỹmy. Inyluumy idi rexitihynykreki.

## 3

<sup>1</sup> Kia rybe inatyhy rybe rare: —Inyõ dohodỹdu dinodumy rarekeki. Kia heka rexiburemyhỹre aõwihikỹmy ratximyhỹre.

<sup>2</sup> Tahe rybe-di dohodỹ aõmysỹdỹdumy ralõkeki, tii heka õbitimy rareke, tahãwyy sohojidile, rexitihynomy rarekemy, iny inatyhy, iny aõraru rarekemy, erynadỹdutyhymy rarekemy.

<sup>3</sup> Tii heka iaxaxa luuõre aõbina lumy aõkõ rare tule iyrubure. Tahe tule iaõmy nohõtidu aõkõre.

<sup>4</sup> Tii heka taijoimy reõnymyhỹre, tariõre rierynanywihikỹmyhỹre ixirybe rityhinykemy.

<sup>5</sup> Inyõ tahe taijoi reõnyõkeki, Deuxu aõmydỹna-di õbitimy raaõmysỹdỹõtyhy.

<sup>6</sup> Tii ityhydỹdu tỹmyra aõkõmy rarekemy. Raxiwedenomy rarekeki tahe urile Satanasi alõsena-txi tii reseke.

<sup>7</sup> Ihãrele tahe ityhydỹdu mahãdu aõkõ rare ihỹre, awimy tuu rarybemyhỹre. Tuu heka raujõmorenyõtyhy tule tii Satanasi ireitidisi-txi reseõtyhy.

<sup>8</sup> Tule dohodỹỹdu wiòhedỹỹdu mahãdu, kiawesele rarekemy. Tii tule òbitimy rarekemy irybe òkese òkese aõkõ, iaxaxaluu aõkõ rare, tule aõna aõna sõwemy nohõtidu aõkõ rare.

<sup>9</sup> Iny inatyhydỹỹnareny òbitimy tuu rotohodỹỹnananyhỹrenyke, tarayky òbiti-di.

<sup>10</sup> Tule kia wesele raurihikre. Iribi òbitimy ròhònykeki, tai dohodỹỹdu wiòhedỹỹdu mahãdu-ò ralokre.

<sup>11</sup> Ihãwyy tule òbitimy rarekre. Ujõmodumy aõkõ rarekre, iyrubukemy, urileta rexytyhynymy rarekemy.

<sup>12</sup> Tule dohodỹỹdu wiòhedỹỹdu mahãduõ ihãwyy sohojidilemy rarekre. Tariòre, tai-joi-wana reònymyhỹkre.

<sup>13</sup> Kia mahãduõ Deuxu aõmysỹdỹỹna òbitimy riwinymyhỹreki, inatyhymy tii iny rityhynykre. Tai Deuxu aõmydỹỹna tii riòbitinykre ibutumy inydee.

<sup>14-15</sup> Aroramy jiarỹ wylemy arakemy watzireri. Aõkõkeki urile warybe ritina adee rewahinyreri. Kia warybe-di bierynanybenyke aõhebo ityhydỹỹdu mahãdu warybe-di rotỹỹnykemy. Ityhydỹỹdu mahãdu Deuxu ijiõ rare. Inatyhy rybe yrubudỹỹdu rare.

<sup>16</sup> Iny tyhydỹỹnareny awi tyhytyhy rare. Kia wese rare: –Jesuisi heka hãbu wese nade. Tii Deuxu Tyytyby-di òbitimy rityhynyreu, ýjurenny tuu robirenyre. Taaõmydỹỹnanarenymy ibutu bede bedemy relyyrenyke. Sõwemy iny rityhynyrenyke. Roosere biu botorahakỹ-ò.

## 4

<sup>1</sup> Deuxu Tyytyby rarybera: –Ihewoladu bededỹỹnana txuu hãbu tyytybybina rybe-ò roholakre. Tai iny tyhydỹỹnanareny ririkre.

<sup>2-3</sup> Tahe ruina rybe rityhynyre, hãbu aõmy nohõti erykõ rybe-ò. Kia heka hãbu raerynadỹỹmyhỹre uritere hãwyy my heriõmykremy, ijõ rỹsỹna aõtxi irỹsỹõkremy. Kia rỹsỹna iny rirỹsỹke Deuxu riwahinyre. Juhuu àlana Deuxu-ò rawahikre.

<sup>4</sup> Kia heka ibutumy Deuxu riwinyre awire. Aõ aõkõ heka awiõre. Deuxumy beòbyke, kia tahe ibutumy awike.

<sup>5</sup> Ixitòedỹỹna Deuxu rybe kia ibutumy awimyy risỹnykre.

<sup>6</sup> Kai heka ityhydỹỹdu mahãdu bierynanykeki, kai heka Jesuisi Kristu aõmysỹdỹỹdu mahãduwihikỹõ tate. Kia inytyhydỹỹnareny erydumy mabekre.

<sup>7</sup> Kai ihetxiu nohõtividỹỹna ijyy bityhynyõtyhy. Marurunymy mabeke Deuxu aõmysỹdỹỹnana-ò.

<sup>8</sup> Aumyruru urihimyyõmy idi mohõtinykre, atyytybywi-di tahe kia idi sõwemy mohõtinykre kai kabede-ki adeewikre tule tiu bede-ki awikre.

<sup>9</sup> Kia rybe heka òbiti rare. Ibutumy iny rityhynyke.

<sup>10</sup> Inyboho raaõmysỹdỹỹnymyhỹre inatyhymy. Deuxu dori iny rityhynyre. Tii ibutumy iny tarasadu ratximyhỹre, ityhydỹỹdule tarasadure.

<sup>11</sup> Kia warybemy bierynanybenyke.

<sup>12</sup> Iny aratyhynyõkeki kai matuari aõkõ tateki, tai ityhydỹỹdu wihikỹ mabekremy bexityhynyke. Tai tahe arybe-ò aratyhynykre aityhydỹỹna, aluuna, òbitina òraru-ki wahe.

<sup>13</sup> Adehemynykre kotyre, Deuxu rybe-di mariakre dohodỹỹna heto-ki, idi belyykemy mabekemy tule bierynanykemy.

<sup>14</sup> Uritere nohõti lusaõmy kai erydỹỹdu wihikỹ tatemyhỹ. Dohodỹỹna matuari mahãdu debõtìdina-di arateònyrenyreu, wahisidỹỹna weseõ tetate rybe-di tỹnydỹỹna òraru-ki.

<sup>15</sup> Kia aõmydỹỹnanamy mohõtinywityhymyhỹ. Ixidile bexiywinytyhymyhỹke bede erydỹỹnana-di tule bexiywinytyhymyhỹke.

<sup>16</sup> Tai kai òraru-ribi bexitake tule aijohonana-di òraru-ribi bitakre.

## 5

<sup>1</sup> Matuari ityhydỹ̃du mahãdu-ò ywimy aõki tamy marybemyhỹke, bowese idi atx-imahãke Weryrybò mahãdu, aseriòre wesemy bitohodỹ̃nyke.

<sup>2</sup> Senadu mahãdu adi wesele bierynanykre. Ijadòma mahãdu aseriòre wesere ibutумы òbitilemy biywinykre.

<sup>3</sup> Inatyhytyhy wytese mahãdu kai bityhynykre iòsỹnỹ biywinykre.

<sup>4</sup> Iriòredikeki, iriòkòredikeki, juhUU iriòre bierynanyke imahãdule òbitimy biwiòhenanyke idi watxireri. Kia dori Deuxu dee awire.

<sup>5</sup> Wytese mahãdu ixisohojilemy rasỹnymyhỹre iriòrekòkeki, Deuxu-ribi aõna aõna ri-raòmyhỹre. Deuxu dee sòwemy rexitòenymyhỹkemy.

<sup>6</sup> Kia tahe wyteseò òraruna luukeki kia tahe irulemy ratximyhỹre hãre rubu rare.

<sup>7</sup> Tximòtxi, kia bede ywina tahe rewahinyreri urile wytese mahãdu òwe òweòmykremy bibedeerynanykre.

<sup>8</sup> Inyò juhUU tasỹreny dee idi aõna aõna taijoi dee kanawyòkeki, tii ityhydỹ̃dukòdu mahãdu ratyre rabinare. Tii ityhydỹ̃du mahãdu wese aõkò dotỹ̃nymyhỹde.

<sup>9</sup> Wytese tỹmyrani tyyriti-ki iritidỹ̃õmykre 60 ibeòraòkeki. Tule tii sohojihyyle roire hãbumy.

<sup>10</sup> Tule tii aõna aõna wihikỹ riwinymyhỹre, tariòre ritybienyrene, taroraludu-ò awimy raremyhỹ, ityhydỹ̃du mahãduwa risuhòmy raremyhỹ, aõhòkỹtyhytyhymy rotỹ̃nymy rare mahãdu riwiòhenanymy raremyhỹ. Aõu aõu heka iny witxira riwiòhenanymy raremyhỹ taworana bedehesi-di.

<sup>11</sup> Wytese tỹmyrani heka tyyriti-ki iritidỹ̃õmykre. Hãbumy herimy ròhòtinymyhỹre wana, tai Kristu-ribi tòhòti rosamyhỹre.

<sup>12</sup> Tarybe ywidỹ̃na riywinyòlemyhỹre, tai iurenana tahe tuudỹ̃dumy Deuxu-ò ratximyhỹre.

<sup>13</sup> Hetomy rawerywerynymyhỹre kia urenana urile raujòmomyhỹre aõna aõnalemy. Aõ heka riwinyòlemyhỹre. Kia ratyre bina tahe tuu rybenanamy aõkò rybebinamy rarybemyhỹre.

<sup>14</sup> Kia heka wadee awire wytese tỹmyra hãbumy roikre, rariòrerenykemy, tule taheto riywinykemy. Kia wese iòludu inydeereny aõna aõnabinamy rarybeòhỹkỹkre.

<sup>15</sup> Wyteseò dori Satanasi hemy roire.

<sup>16</sup> Wyteseò ityhydỹ̃dusỹ-ki rarekeki, tii heka riwiòhenadỹ̃ rỹikre. Kiawese dohodỹ̃du mahãdu nieru tamy ritakre. Kia nieru rayrubunykre. Tahe rawahikre ixisohojile ratximyhỹre-ò.

<sup>17</sup> Matuari ityhydỹ̃du mahãdu iny rityhytyhynykre. Dohodỹ̃na mahãdu aõmydỹ̃nana òbitimy retehemy ratximyhỹkeki, ratyhytyhynykre. Inatyhytyhywityhymy kowa òbitimy relyymyhỹre tule rybe wihikỹ rierynanamahãre kia heka raòwywikre.

<sup>18</sup> Tai tahe raritidỹ̃my roimyhỹre: —Broreni maixòmotyre iwysydỹ̃my rariamyhỹu, iry ratòbònyòtyhy ibyre lau. Tule ròritidỹ̃my roimyhỹre:

—Mobo raaòmysỹdỹ̃myhỹre, tii heka iny riòwynymyhỹre.

<sup>19</sup> Matuari mahãduò iny tuu raujòmokeki, tuu arityhynyòtyhyke. Tuu lobixidu inatxi ada inataòkekile, aratyhydỹ̃kre.

<sup>20</sup> Tii inatyhymy òraruna-txi resereu, kai tamy marybeke iòrarumy ibutумы inyko-txi. Iurenana tahe ijò iny ruberumy rỹimyhỹkremy.

<sup>21</sup> Adee ararybekre. Deuxu, ÿjuren, Jesuisi Kristu-wana ibutумы warybe-ò roholareri. Kai warybe biywinykre. Myheka wiratyre widi ròhòtinyòtyhy. Tiiemy wiwese weselekemy rỹikemy.

<sup>22</sup> Uritere rybe-di tỹnydỹ̃du tỹmyra juhu biurihike idi tahe debòtidina-di biteònyke rybe tỹnydỹ̃my. Kawese aõkòkeki heka hãbu òrarunamy tuudỹ̃dukremy òsana mabekre. Aõmydỹ̃nana tiiemy òbitimy biywinyhỹ.

<sup>23</sup> Bee sohojilemy aõkõ biõkre urihimyoemy vĩĩmy biõkre. Kai dori awo ibinareriki tiemy tuu abinareri.

<sup>24</sup> Ijõ òraru aõwesele iny kanatỹnykre, bedeluura aõwesele kòdòhònykre. Ijõ òraru taheka idile kanatỹnykre.

<sup>25</sup> Ruxetòenawihikỹ iwesele rare. Ele tii raeryõtyhy idi tahe iny rierymyhỹre.

## 6

<sup>1</sup> Ibutumy wetxuõ tawedu rityhynykre. Tawedu rityhynyõkeki heka Deuxu nibinanybemy iny rarybekre. Tule ityhydỹỹdu eryna binamy rarybekre.

<sup>2</sup> Weduõ ityhydỹỹdukeki, kia heka ire ratyhydỹỹmyhỹke tule aõnityhymy tamy aõmysỹdỹỹkre. Tii dori ityhydỹỹdu seriòre wese rare. Kia dori taaõmysỹdỹỹnyteri ityhydỹỹdu widee. Kaiboho ixideerenyle wiluukemy. Kia tule bierydỹỹnykre.

<sup>3</sup> Inyõ erydỹỹna wixira ròerynanykeki kia òbitimy aõkõ Jesuisi Kristu Rybewihikỹ wese aõkõ ratxikeki,

<sup>4</sup> kia hãbu ixiwede rare, aõ rieryõlere. Kia hãbu urile dỹỹraxidỹỹ luure. Kia dỹỹraxidỹỹ-ribi ibutumy rybe jei jei ròhònymyhỹre. Iribi tahe tule rexinaanymyhỹre, raujòmomyhỹre, rexiwodohonanyhỹre.

<sup>5</sup> Raruimyhỹre. Kia ibutumy rotỹỹnyrerí, hãbu tõiõtina òweòwere. Inatyhyna-ribi kia hãbu tõiõti rosare. Ityhydỹỹdureki tii ròtakemy ixidi ratximyhỹre. Kiamy heka ròhòtinymyhỹre.

<sup>6</sup> Inatyhymy ibutumy heka tai iny aõtyhydỹỹdu-ki taaõ-di teysakreki.

<sup>7</sup> Aõ kabede-ò iny ixihemy diwyõhydenyde inatyhymy heka rukururenykreu tule aõ ixihemy kabede-ribi rikiwyõtyhyrenykre.

<sup>8</sup> Iny tydirenykeki, iny rỹsỹnadirenykeki, urile reysarenykre.

<sup>9</sup> Tahe inyõ ityhymy ixidikeki, tii òraruna-txi resekre. Kia heka iny rexiburemy, rexibinanymyhỹre, tule rexiraykyitxỹtenymyhỹre.

<sup>10</sup> Inyõ nieru luukeki, tii aõ òta òta òraruna-txi resekre. Kia-di heka iny sòwemy ityhydỹỹdu mahãdu-ribi ròhònyra aõhòkỹmy rotỹỹnyrenyre.

<sup>11</sup> Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohòtiõmy tahe awimy mabekremy mohòtynykre. Deuxu wiwese, ityhydỹỹdutyhy wese, Deuxuluu wesemy. Tiemy heka òbitimy atximahãke, ywimy ainytyhymy atximahãke.

<sup>12</sup> Aõu aõu òbitimy atximyhỹkemy marurunya, umy tuedekõnahakỹ bitakemy, kai tule inatyhy rybemy tarybete insòweko-ò, Deuxu dori adee rarybere juhuu.

<sup>13</sup> Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi.

<sup>14</sup> Kaheka warybe rare: Kai heka bede ywina bityhynyke aõ bede ywina tyriti òraru-ki aõhe botỹỹnyõtyhy. Biraòke Inyweddu Jesuisi Kristu dehemynyna txuu.

<sup>15</sup> Tiutxukremybo Deuxule kedexitỹnykre, tii deysana wedu rare. Tii sohojile heka Iòlòmy rare. Ibutumy Iòlòweddu rare. Ibutu wedu wedumy rare.

<sup>16</sup> Tii sohojile heka tiu ruruõhy rarekre. Tii irehetyhymy loosònawo-ki rasỹnymyhỹre. Tiemy heka inyõ tuu robiõtyhyre. Inyõ tiu iòhòmy tamy rehemynyõtyhy. Tamy rikiwodeysanyrenykre. Tiòhe aõu aõu taruru-di ratximyhỹ.

<sup>17</sup> Kai marybekre iaõdi mahãdu-ò uritere ta aõna aõna-di rexiwowydynyõtyhy, iaõna aõna dori rỹiõhykre. Tahe Deuxule rityhynykre. Tii dori ibutumy aõna aõna wiwihikỹ inydeereny riwahinyre.

<sup>18</sup> Tii aõna aõna wihikỹ inydeereny riwahinymyhỹre. Iaõdi mahãdu uritere aõwihikỹ-di ijõ-ò rawiòhedỹỹnykre. Aõu aõu ròwirareamyhỹke iny-ò.

<sup>19</sup> Kia wese tiiboho ributunyrenykre. Aõna aõna wihikỹ biu-ki awimy idi rarekre. Tule umytuedekõnahakỹ tiiboho ritarenykre.



<sup>20</sup> Kai Tximòtxi, aõbo adee rawahidỹỹre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydỹỹ kia heka inatyhy aõkõ rare.

<sup>21</sup> Inyõ kia aõ erydumy ixi-di nohõti-ki, rexitara ityhydỹỹdu mahãdu-ribi. Deuxu deysanamy adee ratximyhỹkemy idi watzireri.

## 2 Tximòtxi-ò Paulo Inatxina Tyyriti Tximòtxi-ò

<sup>1</sup> Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxudeewireki wahe. Jesuisi Kristu juhoo rarybere, umy tỹmyra tuedeõna inydeereny kidiwahinykremy. Tii kia wedu rare.

<sup>2</sup> Kai Tximòtxi, wariòre waluunadu wesemy atximahãte. Kia tyyriti adee ariwahinykre. Wiòhedỹña, ruxetòena, ywina, Deuxu Inytyby-ribi, Jesuisi Kristu Innyrỹ-ribi adee kedehemynykemy watzireri.

<sup>3</sup> Deuxumy reàlàreri iwese wahabohomy reàlàre wese. Wanohõti Deuxu-ò ywile jiarỹ rare. Aõu aõu adee, Tximòtxi, rexitòenymahãre. Txuõ txuõlemy, ruwana Deuxu-ò rexitòenymahãre.

<sup>4</sup> Iu rareu, arube-ribi wanohõti rosaõhyymyhỹre. Arora-ò arakemy watzimahãre, wadeysatyhymy ararekemy.

<sup>5</sup> Atyhydỹña-ribi wanohõti rosaõtyhy. Alahi, Lòide, juhoo rityhynymyhỹre. Idi adi, Eunisi, tule rityhynymyhỹre. Kai tule wiji tetyhynymyhỹte inihe.

<sup>6</sup> Kia dorihe itxi õhõti reijaranyreri. Wadebò tahe aratityre retidireu, arayky-ò Deuxu aõ riwahinyre awahisidỹña wesekremy. Wiji kia arayky woludu rõrõra wana biixixanyke. Kia dori Deuxu wahisidỹña rare.

<sup>7</sup> Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bedeerydỹña riwahinyra.

<sup>8</sup> Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹña-ò aõhõkỹmy rokotỹnykre. Deuxu dori inydee ruru riwahinymyhỹre.

<sup>9</sup> Tii heka iny ritarenyre biu-ò hena riwahinyre wahe. Tai taaõmysỹdỹña inydee diwahinyde. Iny awirerimy rareki aõkõ inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde.

<sup>10</sup> Kia ruxetòena wijile rehemynyra inydee. Jesuisi Kristu inyтарасadu kia diwyde. Tii rubunale riixãwididỹnyre. Biu-ò hena Rybewihikỹmy kia ritỹnynomy diwyde.

<sup>11</sup> Riwatate tarybemy rybedumy. Rybedumy riwateònyre, tule bedeerydỹnydukemy riwateònyre.

<sup>12</sup> Tai judeukõdu mahãdu òraru-ki aõhõkỹmy ratỹnyymahãre. Ihãrele tahe raixỹruõlemahãre. Rexieryre dori tii retyhynymahãre. Reeryre dori tii ruru dire waaõmydỹñana tamy retidire iyubudỹnymy kiatxu-ò.

<sup>13</sup> Waòbiti rybe biywinyke juhoo kia wamy taholate, ityhydỹña-di. Biywinyke luuna-wana. Jesuisi-ki tahe luuna tyhy rare.

<sup>14</sup> Timybo Deuxu adee diwahinyde, biyubunyke. Deuxu Tyytybytyhy dori inywo-ki ratxireri.

<sup>15</sup> Ibutumy kabede ludu Asia ludu riwarira. Fikelu ijõnre. Erimojini tahe ijõre. Kia tahe kai teeryte.

<sup>16</sup> Innyrỹ ruxetòena kidiwahinykemy watzireri Onisiru sỹmahãdu-ò. Tii dori aõu aõu riwawiòhenanyre areysakemy. Tiu riixỹrudỹnyõtyhyre wawomati reroti-di jiarỹ ranyreriki.

<sup>17</sup> Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare.

<sup>18</sup> Iny Iòlò ruxetòena tamy kidiwahinykemy watzireri kia txuu. Efesu hãwã-ki dori Onisiru riwawiòhenanytyhyre. Kia teeryte waratyremy.

## 2

<sup>1</sup> Kai tahe wariòre wese Tate. Jesuisi Kristu làhàna-ribi ruruna bitake.

<sup>2</sup> Aõbo wary-ribi taholatemy iny sõweko-ò relyyreu, kia ijõ iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywixira ribedeerynyrenykre.

<sup>3</sup> Waaõhõkỹmydỹñana wawana tuu botỹñnykre. Jesuisi Kristu soldadowihikỹ-wesemy kai mabeke.

<sup>4</sup> Soldadoõ tadinodu aõmydỹñanale rityhynymyhỹre. Tii ixideewimy rarutaaõtyhy.

<sup>5</sup> Ijesudu ijesu ritake òbitimy resukekile.

<sup>6</sup> Oworuwidỹñdule juhoo suribi bederaty ritamyhỹ.

<sup>7</sup> Aõmybo wiji raryberadi mohotinyke, raweseranyreki. Inyiòlò ibutumy araerynanykre.

<sup>8</sup> Jesuisi Kristu rubu-ribi ixixadu-txi õhõti reake. Ihetxiu Davi Jesuisi labiemy raremyhỹ, iwese inyrybewihikỹ rarybere wese.

<sup>9</sup> Rybe wihikỹmy relyyreu dori womati reroti-di rataamy aõhõkỹmy ratỹñnyreri, aõbina widỹñdu wesemy. Deuxu rybe tahe, inyõ ritaaõtyhy.

<sup>10</sup> Ibutumy reòludunymahãre ityhydỹñdu mahãdu dee, Deuxuhõrõ dee. Kiaboho Jesuisi Kristu tarasanamy ritakemy idi watzireri. Tarasana, làhàna aõu aõu ritakemy idi watzireri.

<sup>11</sup> Rybe inatyhy rare. Jesuisi Kristu-wana iny rurukeki, irumy tii-wana aroireke.

<sup>12</sup> Inyboho rikityhynyhyrenykeki, tii-wana riòlõnyrenyke. Inyboho Jesuisi rikixiõnyrenykeki. Tii tule iny ritxiõnykre.

<sup>13</sup> Iny rikityhynyõrenykeki, ihãrele tii ityhyhyymy rarekre. Tii rexitxiõnyõtyhy.

<sup>14</sup> Iny nohõti kia-txi reakemy biwisỹnyke. Tamy marybeke ujõmohyyõmy rarekemy. Ujõmo tahe wiðhedỹña aõkõ rare. Ujõmo-ò ijohonadu urile ujõmodumy relekre.

<sup>15</sup> Kai tahe maruronyke Deuxudeewimy belekemy. Kai Deuxu deòdu Tate. Kia rybe inatyhy-di òbitimy maraykynyke, idi tahe, bierynanyke. Tahe bexiixỹrudỹñnyõtyhy.

<sup>16</sup> Rybe òweòwemy rybedu-ribi irehemy bexieke, rybebina-ribi tule. Kia rybedu urile raòrarunynihikỹmyhỹke.

<sup>17</sup> Kia erydỹña reurõmyhỹre yyy wese. Imineu, Filetu-wana kia wese rierydỹñnyre. Kia rybe inatyhy-ribi rexihixinyre.

<sup>18</sup> Tii rarybemyhỹre: –Iny ixixana dorihe reara. Kia rybe-di ityhydỹñduõ wimy uriurile rityhynyreri.

<sup>19</sup> Deuxu hõrõ tahe inatyhymy rỹirakre. Kia tahe urihixina rare:

–Deuxu tahõrõ mahãdu rierymyhỹre.

Ijõ tahe:

Inynyrỹ ijoimy iximy rybedu, òraruna heka riatykre.

<sup>20</sup> Ityhy mahãdu hetonihikỹwo-ki womati tỹrỹrỹhỹkỹhyna, pratahyna sohojile aõkõ rỹire. Òwòruhyna, suhyna tule rỹire. Hynaõ tahe rỹsỹnawihikỹ hyna rare. Ijõ tahe rỹnysi-di dehuna rare.

<sup>21</sup> Kia hyna wese iny rỹira. Ijõ rỹnysihyna wese rỹikeki, idi rexisuhokeki, rỹsỹnalyralyra wesemy reurõke. Tawedu-ò awimy rỹike, tawedudeewimy. Tai tahe aõ wihikỹhynamy rexiywinymy rỹire. Kai tahe iwesele mabeke.

<sup>22</sup> Kai ijoi tỹmyra Tate, amahãdu òraruna-ribi bexiekemy; ixi-ribi aõ-di rõhõtinyreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitõenyke òbiti mahãdu-wana.

<sup>23</sup> Erysydỹña itxỹtemy wiribi rybeõmyke. Kiaribile ujõmo ròhònymyhỹre.

<sup>24</sup> Deuxu deòdu raujõmonyõtyhy. Tii tahe iny ibutu dee ywimy risỹnymyhỹre, erydỹñnamy rexihumy ihỹmyhỹre.

<sup>25</sup> Ywina-di riòbitinyreri iny ixixiõdỹña mahãdu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy.

26 Tule itxÿte-ribi ròòsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

### 3

1-2 Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ix-ideewimy riwinykemy ixi-di ratxikre. Nieru tarasalemy ixi-di rexinohòtidÿÿnymyhyke. Rybetyhyhykÿlemy iximy rarybekemy ratxikre. Ixidee awihikÿlemy ròhòtinykemy ratxikre. Rybebinalemy rarybemyhykre. Tyby ise-wana riywinyòhyymyhykre. Inyò-ò aomy reàlàòhyymyhykre. Òbitiry rityhynyòhyymyhykre.

3 Iny-ò tuuna ihoòhyre. Inyò ibiòwamy rareòtyhy. Aòbina binalemy iny re-lyymyhykre. Rexiywinyòhyymyhykre. Reburehekÿ rariamyhykre. Òbitimyno ibinahyymy rarekre.

4 Iny deòsadÿÿdumy rarekre. Ixiluunadumy rarekre. Ywimy aòkò rarekre. Iwisÿdÿÿna luuhyymy rarekre. Deuxu tahe tuuòkre.

5 Òbitimy risÿnymyhyre wese tahe òbitiruru ritxiònymyhyke. Kai, Tximòtxi, kia iny-ribi irehemy mabeke.

6 Kia hãbu tahe hetoò-ò ralòmyhyre. Hãwyy uri uri rÿira xiwedeò-ò òrarulÿxina-di ralòmyhyre. Kia tawisÿdÿÿna-di rierynanymyhyre tarybewiwidile, tahe hãwyy rity-hynymyhyre.

7 Kia hãwyy aòu aòu ròerykemy ixidi ròhòtinymyhyre, urile tahe inatyhyna tiu rieryòtyhy.

8 Iwese ihetxiu Ijãni, Ijãbri-wana Moisesi òludumy rÿire wese. Wiji tule kia hãbu inatyhyna òludumy rare. Irayky rawerynyre. Ityhydÿÿna-di deòsanamy rÿimymyhyre.

9 Tiu tako-ò raòtyhy, iitxÿtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese.

10 Kai, tahe waerydÿÿna-ò taholahyymahãte. Iwese raremahã wese tiwaheludun-mahãte. Watyhyna teerymahãte, wadeybina, waywina, waluuna, waixiòlòdÿÿna.

11 Aòu aòu inybinahakÿ wadi riwisÿnyreri, tule aòhòkÿmy ratÿÿnyreri. Kia ibutumy teerymahãte. Kia wade rotÿÿnymy rÿire Atxiòkia hãwã-ki, Ionio hãwã-ki, tule Listra hãwã-ki. Aòwitxira witxiramy aòhòkÿmy ratÿÿnymahãre. Wanyrÿ tahe ibutu-ribi ri-watare.

12 Inyò òbitimy ratxikeki Jesuisi Kristu-ò, tii aòhòkÿmy rotÿÿnykre iòraru-ki.

13 Hãbu bina bina rabinahykymy rarekre, tule hãbu inatyhy aòkò rabinahykymy rarekre. Inyò tiiboho riitxenanykre, tule tiiboho inyò kidiitxenanykre.

14 Kai tahe aòbo teeryte, kia-di mohòtinyke aòbo tetyhynmahãte-di. Tahe tiribibo teeryte, òhòtikile idi mabekre.

15 Uladuribile teeryte Deuxu Tyyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhynykekile kÿnyhe.

16 Ibutumy Tyyritityhy Deuxu elewesenamy nade. Bedeerysyna urenana heka rare. Òrarudu òbitidÿÿna heka rare, ibutumy riòbitinykemy. Tule aòbo awihikÿmy raremy rierynanykre.

17 Deuxu deòdu dori òbitile rÿirakemy. Aòwiihikÿ widÿÿna aòbo dori rexihulemy rÿirakemy.

### 4

1 Deuxu, Jesuisi Kristu kiaru-ki arãteònykre. Jesuisi Kristu dori rubu mahãdu iru mahãdu-wana wiribi rihitxinykre, tii taòlòna kaò kidiwykreu.

2 Belyyke Deuxu rybemy, inydee awikeki, tule inydee awiòkeki. Ywina-di iny biòbitinyke. Iny biwiòhenanyke.

<sup>3</sup> Bededỹnanabina kanakre. Kia txuu erydỹdu òbiti-ò roholaõhyyre. Erydỹdu ributunykre tamydeewimy. Iwese iny tōhōti nohōtijuty-ò rotỹnymyhỹre wese tamy wimy aõna aõnaðle roholamyhỹkre.

<sup>4</sup> Inatyhyerydỹna-ò roholaõhyymyhỹre. Urile ihetxiu ijyyòle roholakemy ixidi ihỹre.

<sup>5</sup> Kai tahe ywimy maraykynyke. Ibutumy aõhōkỹmy botỹnyke. Deuxu Rybewihikỹmy belyyke kia tahe aõmysỹdỹnare Deuxu adee riwahinyre. Idi hyylemy mabekre.

<sup>6</sup> Iny riwahinyke xiwena wesemy rubu-ò. Waixituededỹnana heka rehemynreri.

<sup>7</sup> Ijesu wihikỹwesemy tahe rexiijesudỹnyre wese. Rekonananyra heka waumy ijera. Retyhynyhyra tahe ityhyna.

<sup>8</sup> Òbitiwidỹna raheto wese wadee rexihumy roire. Wanyrỹ, ywisidỹdu òbiti, riwahinykre kiatxuu. Jiarỹ sohojiòle aõkõ. Tahe tule iraròsòdu mahādu-ò. Jesuisi dehemynyna luumy kia mahādu roimyhỹre. Tamy tule rataanaõ raheto wese riwahinykremy.

<sup>9</sup> Wylemy inihe waroramy manake.

<sup>10</sup> Dema riwarira Tesalonia hāwā-ò rara. Tii bede aõmydỹnana luure. Kalatxia bede-ò Kresetxi rara. Dalimasia bede-ò Txitu rara.

<sup>11</sup> Luka-wanale watzireri. Tahe kai Marku bididykre, wawiòhedỹdu wihikỹmy rarekemy.

<sup>12</sup> Txitxiò heka Efesu-ò reteònyre.

<sup>13</sup> Kai tahe manakreu warahana bidiwykre. Troaji hāwā-ki Karpu heto-ki tahe warahana rerire. Watyriti tule bidiwyke tyriti welỹte tule nohōti losaõtyhymy.

<sup>14</sup> Alexỹdre womati loresedỹdure warybe dibinanymyhỹde. Wanyrỹ iòwydỹna tamy kidilidikre riwabinanyreki.

<sup>15</sup> Kai bexiekre kowa-ribi, inyrybe dori rityhynyõhyymyhỹre.

<sup>16</sup> Juhuu dinodu-ò rewyònyreu inyõ riwawiòhenanyõhyyre. Ibutumy rirahure waribi. Aõbo wabinamy riwinyre-ribi Deuxu tōhōti rosamy watzireri.

<sup>17</sup> Wanyrỹ tahe, riwawiòhenanyra Deuxu rybemy rybe-ki. Iny witzira dori, judeukõdu mahādu roholamyhỹre. Leaõry-ò, wadi rehukõra.

<sup>18</sup> Wanyrỹ tule riwatakre ibutumy aõmydỹnana bina bina-ribi. Kowa bede wihikỹ-ò riwadykre. Tuu rekealàkre aõu aõu bededỹnana roobymy. Kie.

<sup>19</sup> Warybe wehityyna Prisila-ò, Akila-ò biõkre tule Onisiru sỹ mahādu-ò.

<sup>20</sup> Erasto, Oritxi hāwā-ki rarire. Trofimo, Miletu hāwā-ki binamy resere. Taile heka rarira ibinamyhỹreki.

<sup>21</sup> Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijõre. Tule ibutumy ityhydỹduseriòre rybe wehityyna adee riwahinyreri.

<sup>22</sup> Wanyrỹ awana ratxikemy watxiwāhāre. Tule làhàna umy-wana ratxikemy watximahāre. Kie. Paulo



## Txitu-ò Paulo Tyyriti Txitu-ò

<sup>1</sup> Jiarỹ Paulo rare. Deuxu deòdu rare. Jesuisi Kristu riwamyre inatyhyna ar-ityhnykemy. Kia tyhydỹna, Deuxu tarasana mahãdu hõrõ rare. Kia ityhydỹna dee inyõ rierykeki, rityhnykeki, Deuxu deewimy tii rarekre.

<sup>2</sup> Umytuedeõnahakỹ iny riraõmyhỹre. Deuxu dori tuu rarybere ihetxi bedeu. Deuxu heka tiu raruiõtyhy.

<sup>3</sup> Ibededỹnana õbiti dehemynydeu, Deuxu aõmydỹnana rarybekemy rotỹnyre. Kia aõmysỹdỹna wadee Deuxu riwahinyre, iny tarasadurenymy rybe-ò.

<sup>4</sup> Txitu-ò kia warybe rewahinyra. Kai iny-wana Deuxu tetyhnyteri, kia dori inatyhymy wariõre wesemy Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watzireri.

<sup>5</sup> Inyaõmydỹnana biõbitinykemy dori adee adiride. Kreta bede-ribi rõhõnyreu, dori waaõmysỹdỹna rehuõre. Kia-ki dori kowa-di anaride. Ibutumy hãwã hãwã-ki ityhydỹdu mahãduy-ribi kai matuari mahãduõ bimyke. Iwese jiarỹ rarybere wese kai bimyke.

<sup>6</sup> Matuari õbiti bimykre. Matuari ihãwyy sohojiõ rỹira bimyke. Inyõ ityhydỹdumy riõrenadule bimyke. Iriõre iõraruluukeki, iehehekeki, kia hãbu bimyõke.

<sup>7</sup> Ityhydỹdu mahãdu yrubudỹdu õbitilemy dori ihỹkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysỹdỹkre. Ixidile nohõtidu mynyõmy. Hãbukyara rybebyby, mynyõmy, vïi luudu aõkõ, hãbu aõbinaluudu aõkõ, hãbu ityhymy nohõtidu aõkõre. Kia mynyõmy.

<sup>8</sup> Iny inatyhyle, õbiti luunadule, taroraludu-ò awire mahãdu, iny aõwityhy luunadule, ixiwedule, Deuxu rybe tyhydỹdu, kiale bimykre.

<sup>9</sup> Deuxu rybe-di kia hãbu õbitimy rõhõtinykre, õbitityhylemy rierynanykemy. Inyõ ierysydỹna rityhynyõkeki, erydỹdu irayky riywinykre tai ihewo-ribi rieryke, rityhnykemy. Tule iny iwitxira erydỹna-di rarybemyhỹreki, tii riõbitidỹnyke.

<sup>10</sup> Iny sõwemy inatyhymy rityhynyõreri. Tii dori aõna aõnalemy rarybemyhỹre, ityhydỹdu mahãdu riitxenanyhỹkemy. Kia mahãdu-ribi, judeu mahãdu ibutu ratyre kia aõna aõnany rotỹnymyhỹre.

<sup>11</sup> Inyõ kowa mahãdury riyrykemy tamy rarybeke. Iny sõwemy heka riitxenanyhỹre. Òbitimy aõkõ heka iny rierynanyhỹre. Nieruõle heka iny rierynadỹnymyhỹre.

<sup>12</sup> Kowa mahãduõ, ierydỹduõ rarybera:

—Inyboho, Kreta bedeludu mahãdu, ibutumy ruidu roire. Irõdu brebuna wese iny roire.

Inyboho heka teoruxere roire. Byrelemy inyboho rõhõtinymyhỹrenyre.

<sup>13-14</sup> Aõmybo kahãbu rarybera heka inatyhy rare. Urenana tahe arurumy rityhnykemy. Judeu mahãdu ihetxiu ijyy-ribi tõhõtireny rosakemy kai marybeke. Hãbu mahãdu bede ywina rityhynyõkemy. Kia hãbu dori inatyhyna aõkõ rityhnyre.

<sup>15</sup> Òbiti mahãdu dee ibutu õbitire. Ityhydỹdukõdu mahãdu-ò aõ aõkõ õbitire. Tõhõtinareny dori aõbina binalemy rõhõtinymyhỹre. Aõu tii rexyryre aõbinahakỹ riwinykemy. Deuxu-ribi tõhõti rosare.

<sup>16</sup> Tiibohe rarybemyhỹrenyre: —Deuxu inyboho reeryrenyre. Tiibohe tahe Deuxu erydu wesemy aõkõ aõna aõnany rotỹnymyhỹrenyre. Tiibohe iny riojinyrenyre rybemy reõbyõlemyhỹrenyre. Aõwihikỹ widỹrieryõrenyre.

## 2

<sup>1</sup> Kai, Txitu, aõernawihikỹdibo bierynanyhỹke.

<sup>2</sup> Matuari mahãdu kai bierynanyke hãbu ixiwedu mahãdulemy roirelemy, ywimy nohõti wydynadu mahãdu roirekemy, òbitilemy rityhynykemy, ibutu òbiti luukemy, iixiraterekemy.

<sup>3</sup> Senadu mahãdu tule bierynanyke iyrubumy rỹikemy iujõmoõmy rỹikemy, tule vỹi luuõmykemy. Aõernawihikỹdibo bierynanybenykemy.

<sup>4</sup> Hãwyy tỹmyra hãbumy heridu tỹmyra tahãbu luukemy, tariõre luukemy, kia senadu mahãdu rierynanykre.

<sup>5</sup> Tuu iyrubumy rỹikemy, òbitimy raraykynymy rỹikemy, taheto riywinymy rỹikemy, awimy rỹikemy, tahãbu rybe riywinymy rỹikemy. Kia wesekeki, Deuxu rybemy inyõ ibinamy rarybeõtyhy.

<sup>6</sup> Weryrybõ mahãdu tule bierynanyke iyrubumy rỹikemy.

<sup>7</sup> Kai, Txitu, aõna aõna wiwihikỹmy botỹỹnykre, tai tahe ityhydỹỹdu mahãdu awesele aõna aõnamy rotỹỹnykre. Kai bierynanykeu, òbitilemy inatyhymy bierynanykre.

<sup>8</sup> Arybe òbitityhydile bierynanykre. Tai tahe aõludu raixỹrukre aõmy dori umy rarybeõtyhy.

<sup>9</sup> Kai bierynanyke urideõdu mahãdu tawedu rityhynykemy. Tamy awimy raaõmysỹdỹỹnykemy. Tamy heka ròrawyòdỹỹõtyhykemy.

<sup>10</sup> Rawasinyke aõkõre, ibutumy òbitilemy riwinykemy. Kiawesekeki, ibutumy Deuxu iny tarasadu deewimy riwinykemy.

<sup>11</sup> Deuxu taerydỹỹna-di taluuna ibutumy iny-ò rexideõsinyre. Taluuna tahe iny tarasana-ò rehemynymy raremyhỹ.

<sup>12</sup> Kia heka iny tuu robikeu, awimy erydỹỹna rahake. Riwaerynanymyhỹ aõbina bina widỹỹmy tule òbitina-di yrubudỹỹna-di iny rariakemy kabede-ki.

<sup>13</sup> Tule iny riraõmyhỹrenykemy iny Deuxu wihikỹ iny tarasadu Jesuisi Kristu loosõnatyhywo-ki kedehemynykre.

<sup>14</sup> Iny òwymy dexiwahinyde iny òraru òwydỹỹrenymy. Kiawese heka iny riwyre idi riratisebenyre iny ijoi lyrahakỹ ixidee rimyre. Kia ijoi iluure.

<sup>15</sup> Kai, Txitu kia aõna aõna inyko belyyke. Tai Deuxudeewimy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matxibenyke.

## 3

<sup>1</sup> Kai ityhydỹỹdu mahãdu ixi bitõhõtijeranyke ibutumy hãwã dinodu, bedede dinodu rityhynykemy, tabede ywina rityhynykemy. Tule aõmysỹdỹỹnana wihikỹ riywinykemy.

<sup>2</sup> Modee heka ibinamy rarybeõtyhy, raaõbinanyõtyhy ywimy rarekemy, moheka iehehemy riywinyõmyhỹre.

<sup>3</sup> Inyboho heka tule iehehe roiremyhỹ, iitxỹtemy roiremyhỹ, òraruluunamy iny riitxenanymy roiremyhỹ, òtaluumy roiremyhỹ. Aõbina bina luumy iny witxira aõna aõna-di wii risỹnymy roiremyhỹ, wideramy roiremyhỹ.

<sup>4</sup> Tahe Deuxu iny tarasadu luuna, ruxetõena-wana inydeereny dehemynydeu, tii kia-ribi iny ritarenyre.

<sup>5</sup> Kia aõna aõna wihikỹ iny riwinyrenyreki aõki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatỹmyranyre Tatyytybytyhy-di. Umytỹmyra riwahinyrenyre, riwasuhõrenyra.

<sup>6</sup> Tatyytyby inydee riwahinyre Jesuisi Kristu iny biu-ò hedureki.

<sup>7</sup> Kiawese iny riwaòbitinyrenyre taluuna-di. Katahe inyboho umy tuedeõna ijõdire.

<sup>8</sup> Kia heka inatyhy rare. Ka aõna aõna bierynanytyhykeu, tahe wadee awikre. Kia wese Deuxu ityhydỹỹdu mahãdu aõwihikỹlemy rõhõtinyinmyhỹke tule rewinyinyhỹkemy. Kia heka awire. Kia iny riwiòhenanymyhỹre.

<sup>9</sup> Ýraxina itxỹte kai rỹỹraxidỹỹõmy, iwyòdỹỹõmy, rybe jei jei-ribi irehemy mabekre, tule lahi òraru rybe-ribi. Kia rybe aõ aõkõ rare. Awi aõkõ rare, iny riwiòhenanyõtyhy.

<sup>10</sup> Hãbuõ rybe òwe òwe-di ityhydỹỹdu rierynanykeki, aruru rybemy tamy marybeke. Kai inatxi rybemy marybekeki, tii rexiòbitinyõkeki, tahe uritere aõna aõnamy tamy-dỹỹõmy. Tii òrarudu dori ratximyhỹre. Hãbu òbiti aõkõ.

<sup>11</sup> Tiile rieryre tuudỹỹdumy ratximyhỹre.

<sup>12</sup> Jiarỹ, Txitxiò, Atema-wana aòrysomy ariteònykreu. Niòpòli hãwã-ò wadee manakre. Kowa arasỹnykre ibutumy biu bedeu.

<sup>13</sup> Zena, bede ywina erydỹỹdu, Apòlo-wana kai itỹinareny-ò biteònylebenyke aõmybo tamy biwahinyinyhỹke.

<sup>14</sup> Bierynanyke iny aõmysỹdỹỹ wihikỹkemy rotỹỹninyhỹkemy. Kia wese aõbo rauhenyreri tamyreny ijõdikre. Tai riwiòhenanykre.

<sup>15</sup> Ibutumy kaki jiarỹ-wana iny rybe weityhyna adee rewahinyrenyreri. Warybe biwahinyke ibutumy inyluudu ityhydỹỹdu mahãdu-ò ibutumy adeereny Deuxu deysanamykre. Kie.

## Filemo-ò Paulo Tyyriti Filemo-ò

1-2 Jiarỹ Paulo rare. Jesuisi Kristu òraru-ki ròtena-ki wãhãre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoiõ rare. Tule ityhydỹỹdu mahãdu-ò rewahinyreri, aheto dohodỹỹna ijoi-ò wahe.

3 Ruxetòena ywina-wana Deuxu iny tyby-ribi, Jesuisi Kristu iny iòlò ribi adeeremy kanakemy watrixeri.

4 Deuxu-ò rexitòenyreu, atxi, Filemo, wanohõti reamyhỹre. Tai umy rarybera.

5 Kai dori Jesuisi tetyhynyte, inyiòlò luumy, ityhydỹỹdu mahãdu luumy atximahãte. Kia-ò raholamyhỹre.

6 Tule rexitòenymahãreu kiamy jiarỹ rarybemahãre. Kai iny witxira-ò Deuxu aõmydỹỹnanamy belyykeu, Kristudeewimy bierynanyke. Kia inydeeremy rexitòenyre Deuxu-ò.

7 Jiarỹ wadeysatyhyreri, kai dori aluuna iny witxira dee ratximyhỹre. Kia heka deysana nihikỹ ityhydỹỹdu mahãdu-ò rare, tii riwawowesenymyhỹre.

8 Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriòre rare.

9 Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki.

10 Wariòre wese dee rexitòenyneri. Onesimo wariòre wesemy redyreri Kristu tyhydỹỹna-ò waribi umy wese kaki ròtenawo-ki rare.

11 Tiu heka adee riwahinyõmyhỹre tii dori juhoo awiòhedỹỹdutyhy aõkõ rare. Wijile tahe iny diwiòhenanymyhỹde adee wadee tule.

12 Tii adee reteònyneri. Ixyby araòkesedỹỹnyneri. Kai ixi-ki bimyyke wawesemy, wadee dori tii awityhy rare.

13 Jiarỹ dori ixideele remyõre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire.

14 Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aõkõ.

15 Onesimo heka aribi irehemy rexiijere ijõ bededỹỹnana witxirau, tahe wijile tiemy abrysimykre.

16 Juhoo wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire.

17 Kai wabiòwakeki, tii birybenyke iwese tiwarybenymyhỹte wese.

18 Aõ adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwynykre.

19 Kai waòraru-ki ityhydỹỹdumy atximahãte. Kia tahe adee tuu ararybeõthy.

20-21 Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyre biwinykre.

22 Ijõmy adee arexitòenykre: wasỹ waherina aheto-ki biwinykre. Deuxu-ò bexitòenykreki, tai jiarỹ aõhe-wana adeeremy aròòsekre.

23 Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki),

24 tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

<sup>25</sup> Jesuisi Kristu làhàna awo-ki ratximyhĩre.



## Hebreu-ò Tyyriti judeu ityhydỹdu mahãdu-ò

<sup>1</sup> Juhuu Deuxu inytybyreny-ò rarybemy raremyhỹ. Deuxu rybe-ò ijohonadu-di tamy rarybere. Tule sówemy aõna aõna wixira wixira rarybere tamy.

<sup>2</sup> Tahe ikonana wiji txuu inydeereny tariòre diteònykemy rarybera. Tii rarybere tybyderòwmy. Iriòre tahe ibutumy aõna aõna wedu rare. Deuxu iriòre kia rarekemy rarybere. Tii tule juhoo bede widỹdu rare.

<sup>3</sup> Tii Deuxu loosõna tỹnydỹdumy ratxireri. Deuxu wesehyymy ihỹmyhỹre. Iriòre, taryberuru-di, ibutumy aõna aõna rimymy roimyhỹre. Iny òrarunareny riixãwididỹnymy rahudi, biu-ki Iòlò Deuxu ruruna weribi ronyre.

<sup>4</sup> Iriòre ranire niwihikỹmy. Tii dori ýjuratyre awityhyre.

<sup>5</sup> Tiu heka ýjuõ-ò rarybeõhyymyhỹre: –Kai wariòre tate. Bohyymy wiji wãhãre. Ijõ ritidỹmy rỹire, kawesemy: –Jiarỹ tybymy ararekre. Tii wariòremy rarekre. (Kia tahe ýju-ò tii rarybeõhyymyhỹre.)

<sup>6</sup> Iriòredela kabede-ki reareu ixityre ijõmy rarybere: –Ibutumy Deuxu ýju tuu realækemy.

<sup>7</sup> Ýjumy tahe kawesemy Deuxu rarybere: –Jiarỹ ýjuboho tahe yhy ele elewesemy retxienyre, wadeòduboho heòtyloosòwesemy retxienyre.

<sup>8</sup> Tahe tariòremy kawese rarybere: –Wariòre, Deuxulemy atxiteri. Kai ibutumy inyiòlòhyymy rare. Aruru tuedeõna debõna dire. Wiwesemy nonana-di ibutu-ò atx-imahãte, òbitimy.

<sup>9</sup> Òbitinaluumy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana.

<sup>10</sup> Ijõmy Deuxu rarybere tariòremy: –Kai Wanyrỹ juhoo bede widỹdu tate. Bede ibutumy tewinyte. Tule biuludu aõmydỹnana tewinyte.

<sup>11</sup> Kia bede aõmydỹnana ludu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke.

<sup>12</sup> Tule wesirahana rawerasemy roimyhỹre wese ibutu tyy retybymyhỹre, rawitxi-radỹmyhỹre. Kai tahe ixiwesehy ahãte. Abede dỹnana tahe tiu itueòtyhy.

<sup>13</sup> Ýjuõ-ò Deuxu tiu rarybeõmyhỹre: –Bodonyke waruruna weribi. Aòludu mahãdu ako-txi resemyhỹkemy. Eòdumy rarekemy. Kiamy tahe tariòre-ò rarybere.

<sup>14</sup> Ibutumy ýju mahãdu Deuxu deòdu rare tyytyby wesemy rare. Deuxu diteõnyde ityhydỹdu mahãdu wiòhedỹmy tule ibutumy biu-ò hedu mahãdu wiòhedỹmy.

## 2

<sup>1</sup> Tai tahe, waseriòreboho, ityhyna rybe-ò rokoholarenyreki, tamy tahe rikimyrenykre rikityhynyrenykre. Tai tahe iribi tiu ròkòirenyòtyhy.

<sup>2</sup> Ibutumy ýju rybe inatyhymy raremyhỹ. Ibutu òrarudu rimyre aõhõkỹmydỹnana-ò irybe riywinyòreki.

<sup>3</sup> Kia inatyhy rare. Tarasana rybe wityhy-ò rokoholarenyòreki, timybo inyboho rikiòlònyrenyke. Kia rybe wityhy Wanyrỹ Jesusile juhoo inydeereny relyyre. Idi tahe, ijohonadu mahãdu tuu rarybere tule.

<sup>4</sup> Deuxu irybe myna rotỹnyre, ròbedeòbydỹnyre tai ròbedeòtidỹnyrenymy tai Deuxu ruru ritỹnyre. Tule Deuxu Tattytybytyhy iaõwidỹnymy ixideewimy inymy ri-ubỹtỹnyre.

<sup>5</sup> Ýju-dee aõkõ bede riwahinyre-kia iòlòmý rarekemy. Jesusi-ò kia riwahinyre.

<sup>6</sup> Juhuu inyõ rybe txiõdỹnany rarybere: –Ritina-ki kia rybe roimyhỹre: –Aõbo heka hãbu tyhy riõre rare? Tii aõ aõkõ rare.

<sup>7</sup> Ijõ bededỹnanaõ Deuxu riõre ýju-ribi tyhymy aõkõ ihỹre.

<sup>8</sup> Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihõrõ aõkõ òsana rare. Ibutu rurudu wese aõkõ iny ruereny-ki rỹire.

<sup>9</sup> Tahe inyboho Jesusimy robirenyre. Tiile tuu ihỹre. Urihimyò bede aõmydỹnana bedeu ýju-ribi tyhymy aõkõ Deuxu tii relere aõhõkỹmy dỹnana rimumy. Tahe rurure. Rubu riurhire inyderõwrenymy. Tai tahe rataana raheto wesena Deuxu tamy riwahinyre deàlana-wana.

<sup>10</sup> Deuxu riwinyre ibutu aõna aõna ixidee. Tii kõkeki, bede ihoõhyymy roike. Tii ityhydỹdu mahãdu ridymyhỹre taloosònasy-ò, taijoimy. Tai tahe Jesusi aõhõkỹmy rotỹnyre Deuxudeewireki. Tarasana wydydumy heka wityhymy Deuxu deledede aõhõkỹmy rotỹnyreki, tai awityhymy ròhònykemy tarasadudikemy.

<sup>11</sup> Òbiti widỹdu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixỹruõlemy Jesusi seriõremy rininire.

<sup>12</sup> Ritina-ki rarybere: –Ani aritỹnykyre waseriõreboho-ò. Dohodỹna heto-ki àlanawiu-di adee ariwiunykre.

<sup>13</sup> Ijõ Ritidỹna-ki rarybere: Tii arityhynyhykyre. Ijõ: Kakile wahe watzireri, tule roire wariõre Deuxu diwawahinyde.

<sup>14</sup> Iwese ibutumy inyummy wiwesele roire wese, tule Jesusi umyõ rimyre, inyummy wesele, tai inywesemy rurukremy. Tai tahe rubu dinodumy rahaananyre, Diabo wahe.

<sup>15</sup> Kia rubu mahãdu lau ruberumyhỹre mahãdu, ibrebu iribi ritare. Kia mahãdu dori rububrebu deòduhyymy ihỹrenyre.

<sup>16</sup> Ýju aõkõ ritakemy namyhỹde, Abraõ riõre riõre ritakemy namyhỹde. Tahe wiji tule ihỹre.

<sup>17</sup> Iseriõre wese hyymy roirekemy ihỹrenyre. Tii dori Deuxu Xiwena widỹdumy rarekemy inydeereny tai ruxetòena wahidỹdu òbiti tii ihỹre. Ibutumy iny òraru òwydỹnany rỹimyhỹkemy.

<sup>18</sup> Ibutumy ixiradỹna mahãdu tii riwiòhenanymymyhỹre, ibutumy ixirana-di aõhõkỹmy rotỹnymyhỹreki.

### 3

<sup>1</sup> Tai tahe, waityhydỹdu seriõreboho, bohولاتyhyke Jesusi rybe-ò: –Kaiboho dori tule bimybennykemy biu bede aõmysỹdỹna. Jesusi iny ityhydỹna Xiwena wahidỹdu wedu tyhy rare tule inatyhyna deòdỹna tyhy tii rare.

<sup>2</sup> Deuxu tii riwinyre Xiwena wahidỹdu wedumy. Tai tahe tii òbitimy riywinyre Moisesi riywinyre wese Deuxu sỹmahãduy-ki raaõmysỹdỹnymyhỹre.

<sup>3</sup> Jesusi-ò tahe sõwemy wowydyna rawahikremy. Moisesi wowydyna ratyre rawowydynanykemy. Hetowidỹdu iny riwowydynymyhỹre, hetoratyremy.

<sup>4</sup> Ibutuheto iwidỹdu dire. Ibutu widyydu tahe Deuxu rare.

<sup>5</sup> Moisesi Deuxu heto-ki òbitimy rybe riywinymyhỹre teòdu aõmysỹdỹnanamy. Tai tahe teòsidỹna ririre ijesenareki. Deuxu rybe tỹnydỹdu tahe Moisesi rare.

<sup>6</sup> Kristu tahe Deuxu sỹmahãdu wedu rare Deuxu riõre rareki. Inyboho Inynyrỹreny-ò ròkòtyhydỹrenykeki tuu rokoirekre. Tai iny brebutererenymy iny raròsònareny inatyhymy rakatximyhỹrenykeki tahe Deuxu ijoi inyboho roire.

<sup>7</sup> Kiawesemy tahe Deuxu Tyytybytyhymy narybede: –Wiji tahe tamy bohobanyke aworeny iòlududỹrenyõmy.

<sup>8</sup> Judeu mahãdu wesemy aõkõ boibeke, tybyboho wesemy aõkõ wahe boibeke. Tiiboho dori tamy raujòmomyhỹre bedero-ki Deuxu riurhirenyre.

<sup>9</sup> Deuxu rarybere: —Aõbede wiwihikỹ rewinyre hãre, alabiereny riwaitxenanyrenyre tamyreny watxireri iny inatxiwaitue beòramy aõbedewiwihikỹ riraòmyhỹre.

<sup>10</sup> Tahe Deuxu rarybere: —Waky reamy tamy wãhãre. Tiu heka wawana ratxiõhyymyhỹre ryòbiti tamy retỹnynyre hãrele. Tawo-ki teòsahyymy ratximyhỹre.

<sup>11</sup> Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòòtyhy.

<sup>12</sup> Bexiijebenymy waseriòreboho uritere awo-ò ròtedỹỹõmy raykyitxỹtena. Kia òraru-ki aDeuxutyhy-ribi irehemy bexilòhòrarienyheny aDeuxu tyhy dori irumy ratximyhỹre. Tii inatyhy rare.

<sup>13</sup> Txuõ txuõlemy wii biòbitinybenyke. Òraruna dori itxenadỹỹdu nihikỹ rare. Tai tahe wiji kiamy botỹỹnybenyke.

<sup>14</sup> Deuxu rikityhynyrenyhyymy rakatxirenyke. Irybe rikiywinyrenykemy rakatxirenyke iwese juhu rityhynyrenyra wese. Kia wesekeki, Kristu leinamy rakatximyhỹrenyke.

<sup>15</sup> Kiawesemy tahe Deuxu Tyytybytyhymy narybede: —Wiji tahe tamy boholabenyke aworeny iòlududỹỹrenyõmy. Iwese ihetxiu mahãdu riwinyre wese aõkõ boibebenyke.

<sup>16</sup> Timahãdubohe roholare Deuxu rybe-ò iribi tahe wimy raòludure. Kowa Egito bede-ribi doimyhỹde mahãdu roire. Moisesi tamahãdu-wana doimyhỹde.

<sup>17</sup> Mobohe Deuxu kyaradỹỹdure 40 wyra sõwe. Kia mahãdule bederahykile rexihure raòrarunyreki.

<sup>18</sup> Moòbo Deuxu rarybere taelehyna bede-ò ralòòtyhymy? Rybe ywisidỹỹdukõdu mahãdu-ò rarybere.

<sup>19</sup> Inyboho tuu rieryrenyre. Rirònyrenyõremy rityhynyõrenykeki.

## 4

<sup>1</sup> Deuxu juhuyu rarybere: —Inyõ taelehynabede-ò ralokremy. Inatyhymy heka aõmybo rarybere rỹire. Inyõ òsana kaibohoõ tamy rehemynyõtyhy rityhynyõmyhỹrenykeki. Tai tahe bexityhynymyhỹbenyke kia-ò.

<sup>2</sup> Inydeereny tahe Rybewihikỹ tỹmyra ròhònymy roimyhỹre, iwese Moisesi mahãdu-ò ròhònyre wese. Tamyreny tahe awityhymy aõkõ tamy ròhòtinymyhỹre rityhynyõhyymyhỹreki.

<sup>3</sup> Deuxu tyhydỹỹdu mahãdu ralòke taelehyna bede-ò. Deuxu dori rarybere: —Jiarỹ inatyhymy anarybede. Iny rityhynymyhỹrele tamy ralokre. Deuxu kiamy rarybere: —Taelehynabede tamy rewinyre xiery juhuyu bededỹỹnana rewinyroireu.

<sup>4</sup> Inyboho rierymyhỹrenyre tii riraòmyhỹremy Ritidỹỹna roireki: —Deuxu taelehyna-ki ele rihinyre debòinatxixu bededỹỹnanamy. Taaõmysỹdỹỹna ibutumy rahure aõbo riwinykemy idi raremyhỹ riwinyre.

<sup>5</sup> Ijõ rybe tule kia-wana roire: —Tiu ralòòtyhy waelehyna bede-ò.

<sup>6</sup> Tuu heka Deuxu rarybere inatyhy raremy. Ijõ mahãduõ ralòmyhỹre Ijõ mahãduõ ralòrenykre. Moisesi mahãdu tahe ralòõre Deuxu rybe riywinyõreki.

<sup>7</sup> Wiji bededỹỹnanamy heka Deuxu rarybereri. Kia rybe rare iwese Davi rarybere wese: —Wiji tamy boholabenykeu, aworeny iòlududỹỹrenyõmy.

<sup>8</sup> Josue ridyre Moisesi mahãdu Suwitxiraõ-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihỹre. Wijina ròtena bededỹỹnanamy Deuxu rarybemyhỹre.

<sup>9</sup> Tai tahe Deuxu mahãdu dee elehynasu bede roimyhỹre. Deuxu elehynatxu wese heka rare, iwese Deuxu debò inatxixu-di rexielehynyre wese.

<sup>10</sup> Iwese Deuxu raelehynanyre wese raelehynanyre inyboho taaõmysỹdỹỹna-ribi, inyboho rukururenykreu.

<sup>11</sup> Awityhymy rokoireke tamy rikirònyrenykeny tule. Rekeixijerenyke. Deuxu rybe rikiywinyõrenykeki iwese judeu mahãdu wese rikirònyrenyõtyhy.

<sup>12</sup> Ibutumy Deuxu inydeereny rarybere iruru dire. Iwese mayrehe wiòtxureemy rÿrira wese Deuxu rybe rare. Inyrayky wydyna riòròmhyhÿre, õhõti wydyna-wana. Mayrehe rayky riraynymyhyhÿre aõmybo inyrayky Deuxu ibutumy rierykeny.

<sup>13</sup> Ibutumy Deuxu rierymyhyhÿre inyraykyreny. Iny Deuxureny irumy ihÿre. Ibutumy aõna aõna tamy itÿnyhÿkÿle rare. Aõ heka iwasi aõkõ tamy rare. Ikonanau ilau ibutumy aõhebo iny rotÿÿnymyhyhÿreny re rikitÿnyrenykeny.

<sup>14</sup> Jesuisi Deuxu riòre iny xiwenadÿÿdu tyhy rare. Tii rare biu-ò iny wiòhedÿÿmy. Tai tii rikityhynyrenyhyymyhyhÿke.

<sup>15</sup> Tii iny aõkõnarenny rierymyhyhÿre; ixiradÿÿna rierymyhyhÿre tai iny riruxetòenyre. Tii kabede-ki tiu heka raòrarunyõhyre, ixiradÿÿna hãrele.

<sup>16</sup> Tai tahe rekexiterenymy rekexitòenyrenyke iny iòlòreny rynana-ò. Tai tahe ruxetòena sòwemy inydeereny kidiwahinykre. Bedeòbyna kidiòkre tuu rokorurenkykre.

## 5

<sup>1</sup> Hãbuõ Deuxu rimyre xiwena widÿÿdu mahãdu wedumy rarekeny. Tii ibutu iny deròwumy Deuxu-ò rybedumy raremyhÿ. Tii iny uriònosõna Deuxu-ò riwahinyre. Tule òraruna brò-ki xiwena tamy riwahinyre.

<sup>2</sup> Tii dori hãbu rare tamahãdurenny-ò dori ywina-di ixi-ki ratxireri iòrarurenny rierymyhyhÿreki. Imahãduõ ibedeeryõre ijõ tahe reòsamyhyhÿre tiemy aõna aõna bina riwinyhyymyhyhÿre.

<sup>3</sup> Tai tahe xiwena riwahinyhyymyhyhÿre tamahãdu òraru-ki tule ixiòraru-ki.

<sup>4</sup> Inyõ ixideewimy aõkõ xiwenawidÿÿdumy raremyhÿ Deuxudeewi xiery tahe tuu rareke. Deuxu tamy rarybemyhyhÿrekile tahe tuu rÿike. Iwese Araõ-ò Deuxu rarybere tuu rarekeny.

<sup>5</sup> Tahe Kristu tule reximyõhyre xiwena widÿÿdu wedumy rarekremy Deuxu tuu rimymy rarybere: –Kai wariòre tate wijile kai inihe anatara.

<sup>6</sup> Ijõ ritina-ki ijõ rÿire: –Kai xiwena wahidÿÿdu atximahãte urenana. Xideki xiwena wahidÿÿdu wesemy atximahãte.

<sup>7</sup> Jesuisi kaki raremyhÿu hãbu wesemy iruberytynymy rexitòenymy realàmhyhÿre. Rahinymy riauamy Deuxu-ò rarybere. Tii heka Deuxu rityhynyre tai tamy roholare.

<sup>8</sup> Deuxu riòre heka tii rarehãrele tahe aõhòkÿmy rotÿÿnymyhyhÿre. Tai tahe ròeryre rybe ywidÿÿmy.

<sup>9</sup> Tii heka raòbitinytyhyre. Tai tarasana widÿÿdu rÿimiyhyhÿre iywidÿÿdu ityhydÿÿdu mahãdu dee.

<sup>10</sup> Deuxu dori tii rimyre xiwena wahidÿÿdu wedu rÿirakremy Xideki wesemy.

<sup>11</sup> Sòwemy tuu adee ararybekemy watzireri. Urile adee isirare ierysyna, teeryõhyymy taholamahãte.

<sup>12</sup> Kaiboho ihetxiu tetyhynytenyete. Tahe inyõ bibedeerynybenyke. Ihãre tahe teerynanyõhyymahãte. Ihyymy textiòkesedÿÿnyta tai tahe inyõ anaerynanykeny adi ratxireri timybo ityhydÿÿdu-ki tatemahãmy. Juhuu erydÿÿna wahe.

<sup>13</sup> Tohouã howÿtòdu weselemy atximahãtenyete, ityhydÿÿdu aõmydÿÿnana teerytyhyõmahãtenyete, rybeerysydu òbiti aõkõ atximahãtenyete. Kaiboho taumynyõmahãtenyete iwese ityhydÿÿdu mahãdu rÿirawesekemy.

<sup>14</sup> Deuxu erysynatyhy inyumy rÿsÿna wesemy roire. Aõbinahakÿ aõwihikÿ erysyduòle kia rÿsÿna roire, tiiboho dori rierymyhyhÿre aõbo awire aõbo ibinare, tuu rotÿÿnyreny re aõbo awireki.

## 6

<sup>1</sup> Tikiemy juhoo Kristu rybetyhynamy araerynanyamahãre. Rekekitõmonyrenyke. Iwixira erysyna rikeryrenykeny. Tai tahe rakaumynyrenyke ityhydÿÿdu tyhymy ityhydÿÿdu rurudÿÿna-di. Inyõ rarybemyhÿre. Iny raòbitinymy ratxike xiery iny ratakemy ihÿre. Kia aõmydÿÿnana reerydÿÿnanyõkre tahe. Iny rityhynymyhÿkekile iny ratake.

<sup>2</sup> Ratischebenamy heka anaerynanyõkre, tule debòlidisinamy, tule rubu-ribi ixixanamy, tule bede konana ritxuakre txumy ibutumy heka tuu ararybeõkre. Tii heka juhoo erydÿÿna rare. Kaiboho dori teerytenyte.

<sup>3</sup> Wanyrÿ dee wikeki tahe iwixira erysyna heka ariwiurononykre.

<sup>4-6</sup> Inyõ biu-ribi loosõna wãhidÿÿna riurihimy ritakeki. Deuxu Tyytybytyhy aõmydÿÿnamy ijõ ritake wana, Deuxu rybe riurihike wana, kowa bede wihikÿ ruru rieryke wana. Tii ibutukeki tahe Deuxu-ribi tahewo-ò dòòsede inatyhyna ririre. Isiratyhyhyre ixityre rôte taòraruna Deuxu-ò relyyõtyhy. Tii dori Deuxu riõre ixityre itxeònihikÿ-ki ritidire, inyru-ò ritidire ibinamy rarybemyhÿre.

<sup>7</sup> Biu heka suõ risebenymyhÿre. Òwòrutu iribi ritxuhudÿÿnymyhÿre tòbòròdÿÿdu-ò. Aõratybo raratynykeki tahe Deuxu bedeòbydÿÿna kia rare.

<sup>8</sup> Tahe edeweweju kidiwahinykeki, awiõre heka inydee kia sumy ibinamy rarybere. Urile roomyhÿre. Kia suu tahe iny ityhyna ririre mahãdu wese rare.

<sup>9</sup> Kiawese jiarÿ urile rarybereri. Ihãrele tuu aõkõ umyreny rahõtinyreri. Inatyhymy rahotinyreri kaiboho aõ òbiti tewinymahãtenytemy. Iwese tarasana mahãdu wese kemy kaiboho ahãtenyte.

<sup>10</sup> Deuxu dori òbitityhy rare. Kaiboho tamy taaõmysÿdÿÿnihikÿmahãtenyte tai aribireny tòhõti rosaõtyhy. Iwese Deuxu-ò aluunareny teteòsinyta wese ityhydÿÿdu seriõre tewiòhenanytenyteki ihãre tadiwiòhenanyamahãte.

<sup>11</sup> Wiluu hyymy boibeke bede dÿÿnana konana-ò. Tuu raruhyymahãre. Tule iny raròsònareny-di mohõtinybenyke.

<sup>12</sup> Tai tahe ityhydÿÿdu aõmydÿÿna irisirenyõmy boibeke. Òbiti widÿÿdu iele ele aõkõ rare. Rityhinyreri Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahãdu wesemy ahãbenyke.

<sup>13</sup> Deuxu Abraõ-ò rarybereu, inatyhymy ixideele rarybere. Inyõ dori Deuxu ratyremy ratxiõmyhÿre.

<sup>14</sup> Kawesemy rarybere. Deuxu tiemy ixirybe riwinyhyymyhÿre Inatyhymy anabe-deòbynykre, idi anaixijuradÿÿnykremy tai ariokoreõ rasòwekremy.

<sup>15</sup> Tahe Abraõ riraòmyhÿre, raeleeleõmy. Idi Deuxu tarybe myna rotÿÿnyre.

<sup>16</sup> Inatyhymy aõmy inyõ rexirybenykreu aõmy rarybekre. Kai tahe aõ ijyy ri-ixãwididÿÿnymyhÿre.

<sup>17</sup> Deuxu tule ixidee rexirybedÿÿnyre inatyhy rybe-di. Tai rybe tarasadu mahãdu rierymyhÿre Deuxu rawitxiranyõtyhy.

<sup>18</sup> Inatxi aõmydÿÿnana iny rieryreny. Deuxu rarybere-wana tiu raruiõtyhy. Tai tahe inyboho inyaròsònareny rimymyhÿre. Iny ixiwòtena-ò ralòmyhÿre tarasana-ò ralòmyhÿre wese.

<sup>19</sup> Inywo-ki inyrayky wiòhedÿÿdu ijòdire hãwòjurasana rimymyhÿre wese iny roire Jesuisi koludu wesemy inydeereny ralòmyhÿre wesirahana webòrò-ribi, Deuxusÿ wahe.

<sup>20</sup> Jesuisi juhoo ralore tai. Tai tahe Jesuisi Xiwena wahidÿÿdu wedu rÿihyykemy Jesuisi tahe Xideki axi weseõ xiwena wahidÿÿdure.

## 7

<sup>1</sup> Xideki tahe Salẽ hãwã iòlò rare. Deuxu Tyhydÿÿdu Xiwe wedu rare. Abraõ heka aõbina ritara. Xideki ròhònnyre itxi reakemy, tahe ribedeòbyrybedÿÿnyre.



<sup>2</sup> Tai Abraõ tamy riwahinyre ibutu aõbina aõmydỹna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salẽ hãwã Iòlò tahe ywina nodu rare iwitxira rybe-ki.

<sup>3</sup> Tybyõre, iseõre, isỹõre. Tii heka itxu ròhònyõhyre tule bedekonanaõhyre. Tii heka Deuxu riòre weselemy ihỹre. Tii Xiwena wahidỹdu urenana ratxihyymhỹre.

<sup>4</sup> Kaiboho mohõtinybenyke timybo tii aõnityhymy raremyhỹdi. Abraõ inytybyreny tamy diwahinyde: debòwiò aõmydỹna-ribi sohoji tamy riõre. Iòlò taòludu aõbina aõbina aõmydỹna-ribi tamy riõre.

<sup>5</sup> Xiwena wahidỹdu mahãdu Levi sỹriòre mahãdu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sỹjioiluduõ tule roire.

<sup>6</sup> Xideki tahe Levi sỹjioiludu aõkõ rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedỹnyre. Abraõ juhoo ityhydỹdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy?

<sup>7</sup> Bedeòbymy rybedỹdu aõnityhy rare. Moòbo rarybemyhỹre ratyre aõnityhy rare. Ibutumy kia rierymyhỹre.

<sup>8</sup> Levi xiwedỹdu mahãdu hãbumy ituerenyre. Xideki tahe ruruõhy ihỹre. Kia ritina-ki roimyhỹre.

<sup>9</sup> Levi debòwiò-ribi sohojina tarasadu rare. Ihãrele tahe Abraõ teròwymy debòwiò-ribi sohojina riwahinyre.

<sup>10</sup> Levi dori natibienyõde, ihãre Abraõ-ki ratximyhỹ iu witxi Xideki-wana witxi reareu.

<sup>11</sup> Bede ywina rybe xiwedỹdu mahãdu-wana iny rataõtyhy. Tai tahe iwitxira xiwe wahidỹdu inyboho riijemãhãrenyre. Araõ ijoi ribi aõkõ nade, Xideki nade wese tahe Kristu nade.

<sup>12</sup> Xiwena aõmydỹnana rawitxirakeki, tule rybe bede ywina rawitxirake.

<sup>13-14</sup> Inynyrỹ tahe Levi xiwewahidỹdu mahãdu-ribi aõkõ nade. Tii Juda mahãdu-ribi nade. Tiiboho heka tiu xiwewahidỹdu mahãdu-ki riwiòhedỹõhyymhỹre. Moisesi dori tamy kia aõmysỹdỹna riwahinyõre.

<sup>15</sup> Kristu iwitxira xiwewahidỹduõ ròhònyre Xideki wesemy raremyhỹ. Tuu heka teertyente.

<sup>16</sup> Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeõna-di nade. Kia ruru òraru-ki nade.

<sup>17</sup> Rybe riti-ki rỹire, Kristumy rarybereu: Kai xiwewahidỹdu mahãduõ tate Xideki wesenamy ahãte.

<sup>18</sup> Aõmydỹna tyby rawitxiradỹre awimy aõkõ dori rare. Irurudimy aõkõre dori rỹire tarasana wiòhedỹmy aõkõ.

<sup>19</sup> Kia iny riòbitidỹnyre aõkõ. Wiji tahe raròsòna wihikỹ ròhònyre inydeereny Kristu dori Deuxu-ò inatyhymy iny ridymyhỹre.

<sup>20-21</sup> Deuxu rexirybedỹnyre inatyhymy Kristu xiwena wahidỹdumy rarekemy. Tahe iwitxira xiwenadỹdumy aõkõ kiawese narybede. Kristu-ò tahe Deuxu rarybere: — Deuxu rexirybedỹnyre. Tiu rawitxiranyõtyhy arybe. Kai xiwena wahidỹdu atximahãte urenana.

<sup>22</sup> Tai tahe Jesuisi riòludunyre wijina aõmydỹnana tỹmyra.

<sup>23</sup> Xiweddu sòwekemy idi ròhòtinymyhỹre, ijõ rurumyhỹreki. Ijõ tahe teròwymy ralòmymhỹre.

<sup>24</sup> Jesuisi tahe xiwena wahidỹdu mahãduy-ribi ròhònyõtyhy. Kristu tahe aõu aõu ratxihyymy rarekre. Tai ixiwe òlòdỹnamy aõu aõu iweselemy rarekre. Ijõ-ò tiu raõtyhy.

<sup>25</sup> Tai tahe moõ Deuxu-ò Kristu-di kanakeki, tii tahe Jesuisi ritalekemy ratximyhỹre. Tii dori Deuxu-ò inydeereny rexitòenyhyymhỹre.

<sup>26</sup> Tii dori iny deròwomy rarehyomy rareke Deuxu s̄ydee. Jesuisi biu-ki rononymh̄yre Deuxu-wana. S̄ywhik̄y worana bedehesina-ki rononymh̄yre urenana. Tai tahe tii xiwenad̄ȳdu wedumy inyboho rurumyhyreny. Tii òbiti rare, tyrare, iòraruna-ki aòk̄ò, òrarudu mah̄adu-ribi hitximy.

<sup>27</sup> Xiwena wedu txuõ txuõlemy xiwena diwinymyhyde juhuu taòraru hetyd̄ȳnamy riwinymyhyre idi tahe ibutumy inyòraru hetyd̄ȳnamy riwinyre. Jesuisi kia Xiwena wedu wesemy aòk̄ò ih̄yre. Tii xiwena wahid̄ȳdu mah̄adu-ribi lahitxi rare. Sohojihyy dori xiwenamy rexiwahinyre rubu-ò ikonana xiwena wahe. Tii txuõ txuõlemy aò rubu xiwe wesemy riwahinyõre, iwese iwitxira xiwed̄ȳdu riwahinyre wese. Juhuu taòraruna òraru-ki raxiwenyire idi iny òraruna òraru-ki raxiwenyire.

<sup>28</sup> Bede ywina h̄abule ritidire xiwena wedukremy. H̄abu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riòrele tuu ris̄nyre, tii òbitityhyreki.

## 8

<sup>1-2</sup> Kiamy heka jiar̄y rarybere. Kia awese iny xiwena wedu ijõdire. Iòlò tarynana-ki rononymh̄yre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxus̄yle iyrubud̄ȳdu rare. Kia h̄abu aòk̄ò riwinyre Deuxule riwinyre.

<sup>3</sup> Kristu iheto raroowo-ki Deuxu deewina riwinymyhyre.

<sup>4</sup> Kristu kabede-ki ratxikeki tii xiwena wahid̄ȳduõmy aòk̄ò ratximyhyke. Kabede ludu dori bede ywina rybe riritinymyhyre wesemy riwinymyhyre.

<sup>5</sup> Tiiboho biu aõmyd̄ȳnana wesemy urihimyõlemy aõna aõnamy rotyynymyhyreny. (Deuxu Moisesi-ò riteòsinyre aõwesemybo tealàna heto-ki raremyh̄y. Tai tahe Moisesi riwinykemy timybo riteòsinyre wesemy h̄awâlò raty-ki riteòsinyre.)

<sup>6</sup> Kristu tahe iwitxira aõmys̄d̄ȳna iaõmys̄d̄ȳnare. Bede òtiid̄ȳna urenana heka Kristu aõmyd̄ȳnana ròimyh̄yre bede ywina wid̄ȳdu aõmyd̄ȳnana ratyremy ih̄yre. Kristu tahe bede ywid̄ȳna t̄myra riwinyre Deuxu iny-wana heka widee rilorore. Deuxule rarybere tahe juhuu-ribi awityhyre irybe.

<sup>7</sup> Juhuu bede ywid̄ȳna awi aòk̄ò rare. Awikeki tahe ijõ t̄myraõ ròhònyõtyhy.

<sup>8</sup> Deuxu dori ihetxina-ki tamy awimy aòk̄ò ih̄yre. Kawesemy dori rarybere: —Txuõ kanakreu tahe, bede ywid̄ȳna t̄myra aritobinykremy Juda s̄mah̄adu-wana judeu s̄mah̄adu-wana.

<sup>9</sup> Bede ywid̄ȳna t̄myra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywid̄ȳna t̄myra-ò rieryõre. Tai riywinyõre bede ywid̄ȳna.

<sup>10</sup> Kiawese bede ywid̄ȳna t̄myra rarekre, Wanyr̄y Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiar̄y iDeuxumy ararekre, tule tiiboho was̄y ijoimy roirekre.

<sup>11</sup> Kia txuõ rahukredi tahe ibutumy riwaerykre tasõmo-wana, tanihik̄y-wana. Tiu wii rierynanyõtyhy Wanyr̄y Deuxumy.

<sup>12</sup> Ruxetòena tamy ariwahinykre taòrarutedenamy. Iòrarureny ibutumy wanohõti iribi rosakre.

<sup>13</sup> Bede ywid̄ȳna t̄myramy Deuxu rarybereu, ihetxina retybyra raseruserunya. Taita awiõra heka.

## 9

<sup>1</sup> Juhuu bede ywid̄ȳna-ki bede rybe ritina r̄myhyre Deuxu-ò dealàna timybo rawahinykemy. Tule r̄my raremyh̄y tykyheto bederahy-ki.

<sup>2</sup> Iwo-ki inatxi rareamy r̄myhyre. Juhuu irareasana-ki Deuxu iòhònas̄y heka inire iwo-ki tahe ad̄ȳ loosòna r̄myhyre. Tule tii paõ brebuna deòtena òwòrubesetyre-ki r̄myhyre.

<sup>3</sup> Tyky ijòtòbòna hewo ludu rareasa tahe Deuxu syle inire. Òkòsy nihikỹ rihitxinyre ijò-ribi. Tule tahe òwòruwodỹỹ ò rỹire womati tỹrỹrỹỹhỹkỹle ihetyre. Iwo-ki tahe xiwena deòtena. Tai riwosinyrnyhỹre tỹnyre reakemy.

<sup>4</sup> Òwòrudỹỹrawo-ki tahe womati tỹrỹrỹỹhỹkỹ butxi riòre ibòbese-di rỹire, iro-ki ihina rỹire mana ta irybereny-ki inire. Tule Araõ hoju rỹimyhỹre tai ruhunyny raremyhỹ. Tule bede ywidỹỹna riti mana tyre-ki tai roimyhỹre.

<sup>5</sup> Tule iratyty tyre-ki rỹimyhỹ ỹju ritxoo inatximy. Teubrorodile tahe riwòmnyhỹre. Òwòru wodỹỹ ratòbòna tikibo Deuxu iny òraruna riixãwidỹỹnynyhỹre wahe. Tahe tuu rỹbeònyrenykre kia aòmydỹỹnana tai rỹiremy.

<sup>6</sup> Kia ibutumy rexihureu xiwena wahidỹỹdu mahãdu ralòmnyhỹre juhoo rareasanawo-ki taaòmysỹdỹỹna tyhy widyymy.

<sup>7</sup> Ihewoludu rareasana-ò iwedule ralòmnyhỹre. Beòra bededỹỹnana sohojimy sohojile tamy ralòmnyhỹre. Iròdu riwymyhỹre ihãlubu ritxiwikemy xiwenamy. Taòraru-ò iny wixira òraru-ò tule. Inyòraru-ki tii mahãdu aõna aõnany rotỹỹnyrenyre rexierenyòhyylemy, kiabro-ki.

<sup>8</sup> Deuxu Tyytybytyhy kia ijyy-di iny ribedeernynyhỹre. Juhoo tyky heto rỹireu, inybohoò heka Deuxu iòlònasỹ-ò ralòòmnyhỹre.

<sup>9</sup> Kia heka wijina bedeernyare. Juhoo dori xiwena wixira wixira wahidỹỹna wixira wixira uriòno rare. Kia urile iwahidỹỹdu iwo irayky-wana riòbitinyòhyyre.

<sup>10</sup> Juhoo ludu aòmydỹỹnana bede ywinale rare. Rawixirakekile tahe ròhònyke. Tii tahe rỹsỹna bede ywinamy rare, monatyhy bede ywinamy, aõna aõna surona bede ywinamy. Iny kia bede ywina ibutumy rityhynykemy rỹimyhỹre.

<sup>11</sup> Kristu dehemynydeu, iu tahe rawixiradỹỹre. Kristu Xiwena wahidỹỹdumy ratximyhỹre. Tai tahe ibutumy rawixiradỹỹmy roimyhỹre. Tii ralòmnyhỹre tyyheto tỹmyra-ò. Itỹmyra tahe biu-ki rare. Kabede-ki aòkò ihỹre; hãbu iwidỹỹdu aòkò rare.

<sup>12</sup> Kristu ralore Deuxu Tyytyby sỹnawo-ò tahãlubu òrarukile ralore. Sohojihyyle ralore iny tarasanarenymy inydeereny riwahinykemy. Iròdu hãlubu-di aòkò ralore, broreni riòre-di aòkò, budoeni hãlubu aòkò wahe tahãlubudile. Tai iny tarasanareny rimyhyyre.

<sup>13-14</sup> Juhoo budòe broreni Oriòre hãlubu-di raxiwenanyreny. Broreni bryby riubỹtỹnyre iny tyre-ki iaòsusu-ribi rahòkemy. Juhoo xiwena iny taòraru-ribi risuhòkeki, iratyre tyhy Kristu hãlubu iny risuhòke. Tai iny raykybina bina ritamyhỹre tule inywo aõ aòkò rare, ritamyhỹre. Idi tahe iny Deuxu irumy ratximyhỹre dee wimyri kiwinyrenykre. Tii òbitimy ihỹre iny dee rurureki.

<sup>15</sup> Kristu tahe bede ywidỹỹna tỹmyra wedu rare. Tai tahe ibutumy bede ywidỹỹna tỹmyra mahãdu namyhỹde ibutumy aòmybo rarybere ritakemy. Tii dori rurure iny òrarureny dire-ki ihetxiu bede ywina aòmydỹỹnana rỹimyhỹre, tii rubu-ò rexiwahinyre. Tai inyboho òraruna-ribi rexitarenyre.

<sup>16</sup> Inyò rurumyhỹre-wana tii iny dee ritinaò ririmyhỹre kia ritina rarybere: —Moòbo taaõna aõna riwahinymy ririkre. Iny rururemyhỹre xiery tahe, ritina awi rare.

<sup>17</sup> Kia ritina aõ aòkò rare iwidỹỹdu tyhy irumy ratxikeki, rubumy roimyhỹrele ritina aõ rare.

<sup>18</sup> Tai tahe juhoo bede ywidỹỹna ijò hãlubu txiwixina dire.

<sup>19</sup> Moisesi Deuxu bede ywina wahidỹỹ rahudi, tii bede ywina tyre ritxiwire, iny ratytyre riubỹtỹnyre budoeni hãlubu-di broreni riòre hãlubu-di bewana riurinymy riubỹtỹnyre. Tule budòe siratykysò-di riubỹtỹnyre.

<sup>20</sup> Iu tahe tuu rarybere: —Kia bede ywidỹỹna tỹmyra hãlubu rare. Deuxu wadee rarybere kaiboho bityhynykemy.

<sup>21</sup> Tule tykyheto-ki hãlubu riubỹtỹnyre deàlana aòmydỹỹnana-ki

<sup>22</sup> Bede ywina rybe ditỹnynde ibutumy hãlubu-di risebeny, hãlubu txiwixina ihoòkeki òraruna rexihuòtyhy.

<sup>23</sup> Kabede aõmydỹnana biu aõmydỹnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihỹre.

<sup>24</sup> Kristu heka templo hãbu widỹna-ò ralòõre. Kia tahe inatyhy heto aõkõ rare. Biu-ò Kristu ralore Deuxuko-ki kia tahe isỹtyhy rare.

<sup>25-26</sup> Tii sohojihyyle heka rare iny òrarureny riixãwididỹnykemy rubu-ò rexiwahinyre. Xiwena wedu wesemy aõkõ ralòre. Kia xiwena wedu aõu aõu beòralemy hãlubu-di rara xiwemyhỹre. Kristu tahe sohoji hyyle rubu-ò rexiwahinyre.

<sup>27-28</sup> Iny rurumyhỹre sohojihyylemy idi tahe Deuxu ywisidỹna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyò tamy retehemy riraòmyhỹre wana, tamy ixityre kanakre òraru ixãwididỹnyamy iny tarasanarenymy.

## 10

<sup>1</sup> Juhu bede ywina rybe urihimyòle iny ribedeerynyre Kristu aõmydỹnyamy. Bede ywina itỹnytyhymy aõkõ iny dee roire aõmybo Kristu inydeeremy riwinykre. Ubòròròna wesemy inydeeremy dobehede bede ywina. Tai tahe tiu iny riòbitinyòtyhy xiwena-di reamyhỹre beòra ihyymy aõkõ.

<sup>2</sup> Aõkòkeki beòra beòrau idi reaòtyhy. Aõkòkeki sohojihyylemy xiwena riwinykre. Sohoji bede dỹnanadile iòrarureny rexihuke. Tahe aõkòre beòra ihyymy aõkõ xiwena-di reamyhỹre.

<sup>3</sup> Tai tiemy òraru-di hyy heka ròhòtinymyhỹre.

<sup>4</sup> Broreni hãlubu, budoeni hãlubu òraruna rahuòtyhy.

<sup>5</sup> Tai Kristu kabede-ò dehemynydeu, rarybere: —Deuxu, broreni hãlubu budòe hãlubu adee awimy aõkõ ihỹre. Tai tahe waumy teywinymy ahãte axiwenamy aroikremy.

<sup>6</sup> Kai heka awimy tai tahaòhyte iròdu hãlubu xiwena-ki òraru tuedenamy.

<sup>7</sup> Tahe jiarỹ rarybere: —Betehe inihe waumy rubu-ò rewahinyraò iwese ritidỹna rybe roimyhỹre wesemy, adeewina ibutumy arityhynykre wahe.

<sup>8</sup> Tai Kristu juhuru rarybere: —Deuxu, broreni hãlubu budòe hãlubu adee awimy aõkõ ihỹre. Tai tahe waumy teywinymy ahãte axiwenamy aroikremy. Kai heka awimy tai tahaòhyte iròdu hãlubu xiwena-ki òraru tuedenamy. Kia rarybere bedeywina rybe hãrele.

<sup>9</sup> Tahe ixityre rarybere: —Deuxu kakile watxireri adeewimy ariwinykemy. Juhuru bitake xiwena ihewoludu ritidikemy, Kristu xiwena wahe.

<sup>10</sup> Kristu rurure iny òraru-ki. Ixiwena sohojilemy rỹire tuhyy ramyhỹre Deuxu deewina wahe. Kabede ywidỹna tahe itỹmyra ihỹre. Tai tahe iny riòbitidỹny hyy rarekre.

<sup>11</sup> Xiwedỹdu txuò txuòlemy rixiwenanymyhỹre. Tii tahe tiu inyòraruna ritaòtyhy.

<sup>12</sup> Jesuisi tahe sohojihyylemy òraru xiwena riwinyre. Iny òrarunareny riixãwidinymy rahudi Deuxu rurunawe-ribi ronyre, riwowydynymyhỹreki.

<sup>13</sup> Tahe Kristu riraòmy ronymyhỹre. Taòludu ruru iribi ritakemy tawarawo-ò Deuxu ritidikemy.

<sup>14</sup> Jesuisi dori sohoji xiwehyy-di, iny riòbitidỹnyhyymyhỹre.

<sup>15</sup> Deuxu Tyytybytyhy tule kiamy rarybere. Kiawese ritidỹna roire:

<sup>16</sup> —Kiawese bede ywidỹna tỹmyra rarekre. Wanyrỹ Deuxu ijõmy rarybere: —Wabede ywina irayky wydyna-ki ariritynykre, aritidikre wabedeywina iwo-ò wahe.

<sup>17</sup> —Idi ixityre rarybere: Ruxetòena tamy ariwahinykre iòrarutuedenamy. Iòrarureny ibutumy wanohòti-ribi rosakre.

<sup>18</sup> Òraru wanohòti-ribi rosareu, idi rehureu, tiu xiwena rỹiòtyhy tuu rahukemy.

<sup>19</sup> Katahe, waseriòre, rekexiuwaresemy rikirònyrenykre Deuxusỹ-ò. Tamy rekex-itànyrenykeny Jesuisi hãlubu dejuxuna òraru-ki sohojile rikirònyrenykre.



<sup>20</sup> Jesuisi dori rytỹmyra riraynyre Deuxu-ò wesirahana yra-di ralòkemy. (Iwese xiwedỹỹdu wedu ralòmyhỹre wese, inyboho wiji ralorenyke.)

<sup>21</sup> Tule iny xiwe wahidỹỹdu nihikỹ ijòdirenny Deuxu heto-ki.

<sup>22</sup> Tai rikitehemynyrenykre inyraykytyhy ywinakemy inatyhynatyhymy òbitinatyhymy nohòtyny, rati betyhy ixãwina-di sebena-di inyummyreny.

<sup>23</sup> Inatyhyna rikiyrubunyrenyke inyararòsònareny wahe. Aõbo Deuxu inydeereny riwahinykemy rikiraòrenyke. Tii dori inatyhy rare.

<sup>24</sup> Tule widi ròkòhòtynyrenyke wiluurenymy rakatxirenykemy wiwiòhedỹỹmy rakatxirenyke.

<sup>25</sup> Uritere ixihitxidỹỹòmy tamy beahyy rakatximahãrenyke. Ijõ dori dohodỹỹna-ò noderamny reamyhỹre kia awi aõkò rare. Inyõ ryribi rexidòrarienyomyhỹkeki, tamy rakarybemyhỹrenyke kòdòòsekemy ixyby. Inynyrỹtxu dori iòhòmy resera. Tai tahe sòwemy ròkòteòsidỹỹnymyhyke.

<sup>26</sup> Iribi inyboho inatyhyna ibutummy rieryrenymy rahudi, tahe kia hãrele heka òraruna-di rariamyhỹkeki, òraruna xiwena roiòmyhỹre inydeereny iny òraruna tarasana wahe.

<sup>27</sup> Kia-ribi tule brebu rỹimyhỹre Deuxu ywisidỹỹnatxu lau. Deuxu heòty ratyradyỹỹdu lau ruberumyhyre. Kia Deuxu òludu rahukemy rỹimyhỹre.

<sup>28</sup> Ruxetòena-di aõkò inyõ rurure Moisesi bede ywina riywinyòreki. Itxeredu inatxi ada inataõ-di aõbo raryberenykemy. Tai rirubunyre.

<sup>29</sup> Kia-di dori mohòtynybenyke. Inyõ Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aõhòkỹmy rotỹỹnykre ibutu ratyre. Inyõ Deuxu Tyytybytyhy ruxetòena aõ aõkòmy idi ròhòtynyre ibinamy tuu rarybemyhỹre. Jesuisi hãlubu aõ aõkòmy idi ròhòtynyre ibinamy tuu rarybemyhỹre.

<sup>30</sup> Deuxu kia rarybere: –Txiòhe iny òwydỹỹdu jiarỹ rare. Inymy jiarỹle arexiòwynykre. Inyboho rierymyhỹrenyre kiamy rarybemyhỹre. Tii kiawese rare. Tule ijõmy rarybere: –Inynyrỹle taijoi-di ywisidỹỹna-di riywisidỹỹnykre.

<sup>31</sup> Deuxu irummy rare. Tii brebuna-di tyhy rareke. Iu iny tamy ibinakeki, tii dori idi rehuke.

<sup>32</sup> Juhuu Kristummy teerytenyete, awimy heka ahãtenyete. Kia-ribi òhòti losarenyòmy. Kristu òraru-ki aõhòkỹmy tatỹỹnytenyete. Ihãrele tahe Kristu-wana hyy toitemahã.

<sup>33</sup> Inyõ umyreny robireu, tai akireny rutzuenyete, tule akireny òhòte itamadỹỹnyre. Ityhydỹỹdu seriòre mahãdu inyõ aõhòkỹmy risỹnyre, kaiboho tewotòenytenyete.

<sup>34</sup> Inyõ ròtenawo-ò ridykeki tai tewotòenymahãtenyete. Inyõ ahòrò-di rawasinyre, urile teysate. Ahòrò dori iratyre sòwemy rỹimyhỹre biubede-ki. Tai aõna aõna tiu rabinaòtyhy. Kia teerymahãtenyete.

<sup>35</sup> Uritere araròsòna-ribi awo xierysyòmy. Kai dori uriòno nihikỹ bitakre.

<sup>36</sup> Ywinihikỹ-di heka rokoireke Deuxudeewimy rikiwinyrenykykemy. Tai aõwihikỹmybo Deuxu rarybere, rikitarenykre.

<sup>37</sup> Ritinamy tahe rỹire: –Txiokre inihe. Urihimyò biraòke. Kia kanakre inatyhymy. Tii raroorehenyòtyhy.

<sup>38</sup> Waityhydỹỹdu mahãdu òbiti iruhyummy rỹirake, riwatyhynyreki. Inyõ tahe ròòsekeki tamy wadeysaòtyhy.

<sup>39</sup> Inyboho heka tahewo-ò òkòsedu aõkò roire. Ityhydỹỹdu dori roire, iruhyummy nodu, biu-ò hena mahãdu wahe.

## 11

<sup>1</sup> Aõbohe ityhyna rare. Aõna aõnaõ iny inatyhymy riraòmyhỹre, kia tahe ityhyna rare. Inatyhymy dori kanakre iny rierymyhỹre, iny tuu robiòlemy.

<sup>2</sup> Ihetxina mahãdu Deuxudeewimy tuu ihỹre, rityhynymyhyreki.



<sup>3</sup> Juhuu Deuxu aõna aõna bede bedemy riwinyre. Iny inatyhy hynale kia rerymahãrenyrene. Deuxu lobixiõna-di ibutumy aõna aõna riwinyre. Idi tahe lobixinamy rõhõnyre iny itxerenarenymy. Deuxu rarybere. Tai tahe aõna aõna ritxienyrene.

<sup>4</sup> Taityhydỹna òraru-ki Abeli Xiweõ riwahinyre Deuxu-ò. Kaĩ xiwedỹna ratyre tamy riwahinyre. Abeli rityhynyrekile riwahinyre, tai tahe Deuxu reysare, òbitimy rareki. Tai ixiwedỹna Deuxu riwyre. Abeli tahe rurure. Ihãrele, iwese tii ityhyna-di raremyhỹ wese rokoireke.

<sup>5</sup> Enoi tatyhydỹna òraru-ki tiu ruruõhyre. Enoi Deuxudeewimy riwinyre tuu Deuxu juhuru rarybere. Aõwesele iõmy reare. Deuxu ridymy reare.

<sup>6</sup> Inyõ ityhynaõkeki, tiu Deuxudeewimy aõ iwidỹõna. Inyõ Deuxudee iòhõmy ratxikeki, tii rityhynymyhỹke inatyhymy Deuxu-wana ihỹre. Deuxu dori tamy rexideòsinykemy ratxireri.

<sup>7</sup> Noe tule ityhyna dire. Tii hãwò nihikỹtyhy riwinyre. Aõhebo rotỹnykremy robiõhyre. Ihãrele tahe Deuxu rybe rityhynyre. Tai tahe tasỹ mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidỹnyre, ityhyna òraru-ki.

<sup>8</sup> Abraõ tule Deuxu rityhynyre. Deuxu ijõ bede-ò diteònydeu, Abraõ irybe riywinyre, rare taijoi-wana. Deuxu tamy rarybere suõ tamy rihitxinykemy isỹmy. Tai Abraõ rexitare, rare ihãwã bede ierykõna-ò.

<sup>9</sup> Ityhyna-di rasỹnyre kia bede-ki. Tyky heto-ki rahetonymyhỹre iwese ijõ bedeludu witxira mahãdu rahetonymyhỹre wese. Ibede rarehãrele tahe ihõrõmy aõkõ rõhõtymyre idi tuu aõkõ rexinohõtinyre. Tariòre Ijai, Ijaò-wana rasỹnyre. Tamy tule Deuxu rarybere iwese tyby-ò narybede wesemy.

<sup>10</sup> Abraõ tahe hãwãõ riraòmyhỹre. Deuxu widỹna hãwã biu ludu-ki. Kia hãwã Deuxu nohõti-ribi nyide. Kia hãwã dori tiu rabinamy rejuxunyõtyhy ihetotira kyhyna direki.

<sup>11</sup> Sara ityhyna dire. Tai ruru dire uladusemy ronykemy ibeòra sõwere hãrele. Tii tahe rityhynyre tuu raryberemy.

<sup>12</sup> Sara iòhõmy irubu roire rasenadunyreki. Ihãrele tahe sõwemy rariòreriòrenyrene. Iwese taina rudera wese, ãnyra sõwewese.

<sup>13</sup> Kia heka ibutumy rityhynymyhỹre. Idi tahe ituerenyre aõ heka rimyõre Deuxu rybe lidisinaõ. Ireheribile tuu robirenyre; reysarenyre. Tiibohe rarybemyhỹrenyre kabede ludu mahãdu aõkõ raremy, isỹreny mahãdu aõkõ raremy.

<sup>14</sup> Tii heka rarunymyhỹre sỹwihikỹmy tai raerymyhỹre tuu rarybereki.

<sup>15</sup> Tamy wikeki riòkeserenyra inihe tahe aõkõre, noderare.

<sup>16</sup> Wiji tahe tii sỹwihikỹmy biu-ki rarunymyhỹre. Tii dori ijõ ratyre rare. Deuxu isỹ wihikỹ riwinyre tai tahe inyõ iDeuxurenymy rarybekeki, tai Deuxu tiu raixỹruõtyhy.

<sup>17</sup> Deuxu Abraõ urihixina-di reareu riwahinyre Ijai xiwenamy. Tariòre sohoji riywinymy rỹire xiwenamy rurukremy. Tii Deuxu rybena-ki iriòre rarehãre.

<sup>18</sup> Deuxu dori juhuru rarybere: –Ariòre Ijai ariokoretybymy rarekre.

<sup>19</sup> Abraõ riereyrene Deuxu iruru dire rubu-ribi riixixadỹnyke, tii Deuxu rityhynyreki. Abraõ dori rõhõtinyre rawasenanyre. Ijai juhuru rubu-ribi ixixa wesemy reare, raumynyre.

<sup>20</sup> Iribi tahe Ijai tyhyna-di rarybere Ijaò dee, Ijau dee aõbo kabede-ò kanakremy aõwihikỹ wahe.

<sup>21</sup> Iribi tahe tule Ijaò rarybere Jyje riòre dee, tariokoreboho-ò. Ityhyna-di rarybere. Ijaò iòhõmy rubu-ò ihỹre, òwòru-ò reximymy rariamyhỹre. Tahe òwòru-di rexilamadỹnynyre rỹire rexitòenykemy Deuxu-ò, riwowydynyremy wahe.

<sup>22</sup> Iribi tahe tule Jyje iòhõmy rubu-ò ihỹre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rỹikremy.

<sup>23</sup> Iribi tahe Moisesi reareu, tybyboho iseboho riwòrenyre inataõ ahãdumy tatyhynarenyre-di ihỹrenyreki. Moisesi itohouã ruxerare. Iòlò rubudỹỹ bede ywina rybemy

rarybere. Moisesi tyby-wana kia bede ywina rybe lau ruberuõhyyre.

<sup>24</sup> Moisesi raumynyreu, Faraò riorerioresy noderare tii tatyhydỹna òraru-ki.

<sup>25</sup> Tii heka tamywire Deuxu erydu mahãdu-wana aõhõkỹmy rotỹnykre. Urihimyò òrarumy reòwarike derare heka rare.

<sup>26</sup> Moisesi, Egito bede-ki aõna aõna wiwihikỹ rỹiramyhỹ derare. Iny tamy aõmy rarybehinamyhỹre. Tahe ibinamy rõhõtinyõmyhỹre. Kristu dori riraòmyhỹre, biu-ki uriõno idi rõhõtinyõmyhỹre.

<sup>27</sup> Moisesi Egito bede-ribi ròhònyre, ityhyna direki wahe. Ruberuõhyyomyhỹre heka tii iòlò deburehekỹ lau. Iwese Deuxumy lobixiõnadu iko-txi robire wesemy, ròhònyre. Tii tahewo-ò ròdseõhyyre.

<sup>28</sup> Moisesi heka Deuxu rityhynyre. Tai tahe pascoa worana bedehesi riywinykemy beòra beòramy rarybere. Hãlubu ijò-ò ritxiwire. Tai yju heka iny riòre delareny rirubunyõre. Egito riòre delareny rurure tai.

<sup>29</sup> Iwese surubu tyre-di reurore wesele judeu mahãdu Ahobesò rawo-di reurore beõlemy. Iu Egito mahãdu reuròkemy rareu, urile bee idi raratòbòre. Kia riwinyrenyry ityhydỹnadireki.

<sup>30</sup> Ijeriò hãwã mana òtity nihikỹ resere judeu mahãdu rityhynyreki. Debò inatxi reurò txuumy hãwã rora-ki rariare tahe resere.

<sup>31</sup> Raabe heka hãwyy uriuri ixidinodu rare, wedena wahe. Tahe Deuxu tyhydỹdukõdu mahãdu rexihureu, Raabe ruruõre tatyhydỹna-ki. Bede-di itxeredu riwòreki.

<sup>32</sup> Timybohe ijõmy ararybekre? Wasirare heka ibutumy tuu ararybekre, sòwerek. Kideõ ijo, Barake, Sansaõ, Ijete, Davi, Samueli, tule Deuxu rybemy rybedu mahãdu sòwere.

<sup>33</sup> Kaheka ibutumy riwinyre tyhyna-di. Ijõ iòlòhãwã-di rahỹnanyre. Òbitina riwinyrenyry. Ritarenyre aõmybo Deuxu rarybere. Leaõry dori rirarytxinyre.

<sup>34</sup> Rirònyre heòtywo-txi ihãrele ruruõrenyry. Mayrehe rubudỹna-ribi rexitarenyry. Bina-ribi ixyby rarurunyrenyry. Ijõ aõbina-ki irurudityhymy ratximyhỹre. Tai sòwemy aõbinadu iribi rahenyry.

<sup>35</sup> Tasỹõ rubu-ribi riixixanyre hãwyyõ rityhynyreki. Ijõ mahãduõ aõhõkỹmy dỹnana-ki tamy reare. Ixitarasamy rõhõtinyõhyyre aõhõkỹmy dỹnana-ribi. Tii dori umytuedeõna wihikỹ-di rubu-ribi rexixakredi rõhõtinyõmyhỹre.

<sup>36</sup> Ijõ ityhydỹduõ idi rybe jei jeina-ki ratximyhỹre. Tule tai òhòte rỹire reruti òhòte-di. Tule ijõ womati reroti-di rataataare, ihymy idi rehure ròtenawo-ò.

<sup>37</sup> Ijõ mana-di riwere. Ijõ sehòtxi-di riwetyaòròre, wiere riatyre. Ijõ mayrehe-di rirubunyry. Ijõ ityhydỹdu-ò budoenity-di watxinityy-di idi rexitanyry, rama risarenyry, aõhõkỹmy risỹnyny inyõ tõtxi ririõhyyre. Ijõ heka aõbinalemy tamy reare.

<sup>38</sup> Kia ityhydỹdu mahãduõ ibutu iny ratyre Deuxu dee wire. Kabeledudu ityhydỹdukõdu mahãdu wese aõkõ tiiboho roire. Hãwãlòm, bederahymy, hãloomy, kia ibutumy bede-di rariamyhỹre iwese iny isỹkõmy rỹire wese.

<sup>39</sup> Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidỹna ritaõmyhỹrenyry.

<sup>40</sup> Deuxu dori iny-ò riraòmyhỹre Kristu dehemynyna wahe. Ihewo-ribi tahe kia inydeereny riwahinykre, wiwanahyye. Tai tahe idi awityhymy iny ibutumy ròhònykemy.

## 12

<sup>1</sup> Sòwere inydireny itxeredu. Iny robirenylemy rỹirerimy ihỹre. Tai tahe tako-ò rekekoamyhỹrenykre. Deuxu dori inydeereny riwahinyry. Òraru iutxiere inykireny rỹire. Tai tahe rikiatyrenyke òraru ibutumy inyboho dori rimymyhỹrenyry.

<sup>2</sup> Jesuisi-ò sohojile reketehemynyke. Tii dori inatyhydỹna deledỹdu rare tule inatyhydỹna konanadỹdu rare. Jesuisi deysana kanakredile rõhõtinyõmyhỹrenyry. Tai

tahe rahõtinyrnyhÿre. Tai tahe aõhõkÿmy rotÿÿnyre, itxeò nihikÿ-ki rurure. Tai tahe ixÿru tany reaõhÿy rurureu. Wiji tii ronymÿhÿre Deuxu ryna ruruweribi-ki.

<sup>3</sup> Jesuisi dee hãbu binahakÿ aõbinamy reare. Tahe rawobinarybenyõhÿre. Tai tahe idi rõkõhõtinyrenyke iwese rakatxirenykemy. Uritere bede worenÿõmy bede õtiidÿÿrenÿõmy.

<sup>4</sup> Boholabenyke, òraru ijesu òraru-ki inyõ aribireny ruruõhÿmy ihÿre.

<sup>5</sup> Deuxu tariòre dee rybe wesele adeereny rarybemyhÿre. Kia-ribi aõbohe õhõtireny rosara. Kia wese Deuxu rarybera: —Wariòre, araõbitidÿÿnyreu, uritere adebureõmy, alisina aõkõ dori rare. Deòsana rybemy adee ararybekeki, uritere bedewoõmy.

<sup>6</sup> Deuxu dori aluurekile araõbitidÿÿnykre. Deuxu tariòre wesemy inyõ rinykeki, aõhõkÿmy risÿnymÿhÿre iõbitidÿÿmy.

<sup>7</sup> Tybydiõ aõbohe uri tariòre-di uri aõbohe tyby idi rÿira tariòre riõbitinyõmy? Aõkõre.

<sup>8</sup> Ibutumy iny õbitidÿÿmy Deuxu rurumÿhÿre. Inyõ õbitidÿÿnadiõkeki tii iriòre inatyhy wesemy aõkõ rare.

<sup>9</sup> Tule inytybyreny inydeereny retehemÿhÿre inyboho riõbitidÿÿnymÿhÿrenÿre. Tai tahe iny riywinymÿhÿrenÿre. Deuxu tahe inytybyreny rare. Inytybyreny ratyre tahe tuu rikiywinyrenyke, tahe irumy rokoireke iurenana.

<sup>10</sup> Iny tybyreny urihimÿò bededÿÿnana-di riõbitidÿÿnyre iwese tanywimÿ rõhõtinyre wese. Deuxu tahe iny riõbitidÿÿnyre rekexiywinyrenyke. Iwese õbitimÿ tii raremÿhÿ wese rokoirekemy.

<sup>11</sup> Inyõ õbitidÿÿnamy deramy reakeki, tii deysamy aõkõ rareke. Òbitidÿÿna bedewona-di rare. Rexihuredi, tahe wiõhedÿÿnamy reamÿhÿre modeebo reamÿhÿreò, irumy ywina-di rarehÿyke.

<sup>12-13</sup> Kai bedewokeki, aumy-di, arayky-di iruruõra, ihãrele tahe birurudÿÿnymÿ bimÿyke. Ati tule iruruõre ihãrele tahe, myike õbitimÿ. Betehemy, biywinymÿ ryõbiti-di mariake. Tai tahe ijõ iny reyterenykre, raòwenÿõtyhy.

<sup>14</sup> Ainytyhÿmy inydee ibutumy ahãbenyke tule bexiõbitidÿÿnymÿ ahãbenyke. Iny õbitimÿ rÿiõkeki, tiu Deuxumy robiõtyhy.

<sup>15</sup> Inyõ tahewo-ò Deuxu ruxetòena-ribi ròðseke lau kaiboho bexiebenyke. Tule amahãdurenÿy-ki alòbòrònahÿre wesemy inyõ ihÿke lau kaiboho bexiebenyke. Kiakeki, sòwemy iny rahÿrenyke òraruna uri wesemy.

<sup>16</sup> Tule bexiebenyke inyõ òta òta òraru-txi reseke lau ada Deuxu tõhõtì ribi rosake lau. Ijau tahe Deuxu-di rõhõtinyõre. Tyby rurukreu aõ tarasana-di tii rohonyre byrena sohoji õwylemy tahelÿÿna-ò rohonyre.

<sup>17</sup> Iribi tahe õhõtireny losarenÿõmy. Tii dori rõhõtinyre taaõwi-di ixÿby imynymÿ reare. Tahe aõkõhÿre rahinyrehãrele. Rabedewomÿ ronyre Ijau dori rÿsÿna deròwimÿ taaõwi riwahinyre taexi-ò. Inyboho tahe rekexiywinymahãrenyke itxÿte lau.

<sup>18</sup> Deuxu tabede ywina rybe heka judeu mahãdu-ò riwahinyreu, tiiboho Sinai hãwãlò heòtyko-txi rÿire. Sòwemy heòty bedeluru yhynihikÿ tai reare. Tiiboho rubuerurenÿre. Kaiboho tiu breburenÿõmy ahãbenyke iweserenÿy.

<sup>19</sup> Txurònaõ rurònyre nihikÿmy. Tule rybeõ rarybere. Iny ibinamy tai rõhõtinyre. Tai tahe riixãwidinykemy Deuxu dee rarybere.

<sup>20</sup> Iròduõ hãwãlò-di tawa ritidikeki, iny mana-di tany rehuke irubudÿÿmy Deuxu rybemynamy.

<sup>21</sup> Tai tahe iny tahewo-ò rexihejire brebumy. Moisesi tule, rexiõhãrunÿre tuu robireu. Ramytatamy brebumy.

<sup>22-23</sup> Kaiboho dori iwitxira hãwãlò-ò tetehemÿnyta, Siaõ hãwãlò-ò, Deuxu hãwã-ò. Kia biu-ki Jerusalẽ rare. Sòwetyhÿmy tai ÿju mahãdu rÿire bede hesina-ò. Ibutu butuna rare. Deuxu riòre sohojile butuna-ò tehemynte, dohodÿÿna mahãdu wahe. Ibutumy ityyriti-ki ini roimÿhÿre tany rehemÿnyre. Deuxu-ò tehemynte ibutumy erydumÿ ratximÿhÿreò. Inyÿkÿna mahãdu õbitimÿ rÿira mahãdu-ò tehemynta.

<sup>24</sup> Tule Jesuisi-ò tehemynte. Tii iny lobitỹmyradỹỹdu rare. Ihãlubu-ò tehemynte. Abeli hãlubu ratyre awimy ihỹre. Jesuisi hãlubu dori inydee aõwiwihikỹ rare iny òrarureny òraru-ki dori ritxiwire iny riòbitidỹỹnykremy.

<sup>25</sup> Boholabenyke Deuxu rarybemyhỹreu, boholabenyke. Kia Deuxu roholaõmyhỹre mahãdu, rexihumyhyre kabede-ki. Tii biu-ribi narybedeò, rokoholaõrenykeki, tule inyboho rekehurenyke. Inydeereny aõnityhykre.

<sup>26</sup> Iu rarybereu, bede ramytatatyhyre. Tahe tii rarybere: –Sohojimy ixityre bede biумы arimytatadỹỹnykre.

<sup>27</sup> Kiamy heka rarybereri. Aõbo relemy, urile ixãwikre aõbo ixãwidikõnalemy rỹirakre.

<sup>28</sup> Tai tahe Deuxumy rikiàlàrenyke. Inyboho dori Iòlõnasỹõ rokoirenykre kia rỹihyummy rarekre. Iwese Deuxudeewire wese rikiàlàrenyke ityhyna-di òhãruna-di.

<sup>29</sup> Deuxu ykarana dori heòty riworumyhyre wese rare.

## 13

<sup>1</sup> Ityhydỹỹdu seriòre wiluumy ahãbenyke.

<sup>2</sup> Aõtxile aroraluduõ bimyyhyummy ahãbenyke. Inyõ kawese risỹnykeu, ýju dori ri-wiòhenanyre, rieryòhyyre mobo rare.

<sup>3</sup> Ròtenawo-ki rỹire mahãdu-ribi nohòti losarenyõmy. Iwese kai tii-wana atximahã wesele, aõhòkỹmy botỹỹnykre. Aõbinahakỹlemy tamy reamyhyre mahãdu-ribi nohòtilosaõmy. Iwese inyõ adeereny aõbinahakỹ riwinymyhyre weselemy idi mohòtinybenyke.

<sup>4</sup> Ibutumy bityhynybenyke ahãwyyummy herina, hãbu tahãwyy-wana sohojile roike. Deuxu dori aõhòkỹmy risỹnykre òta òtana nodu tule òbitimy raòdònyõre mahãdu ixi-di ròtemy aõkõ boibeki.

<sup>5</sup> Aõnihikỹ nieru tarasamy ixinohòtidỹỹrenyõmy. Aõbo akireny rỹiredile, beysabenyke. Deuxu dori rarybere: –Tiu kaiboho wanohòti aribi rosaõtyhy. Tiu heka araatyrenyòtyhy.

<sup>6</sup> Tai tahe rikityhynummy rakaryberenyke: Inynyrỹ iny wiòhedỹỹdurenre. Tai tahe tiu rukuberurennyòtyhy. Inyõ wadee aõbina riwinyòtyhy.

<sup>7</sup> Aerydỹỹdurenre-ribi nohòti losarenyõmy, tii adeereny Deuxu rybe rotohodỹỹmyhỹreki. Aõbo iruna konana-ò riwinymyhyredi, mohòtinybenyke. Iwese inatyhyna-di rỹimyyhyre wese kaiboho inatyhyna-di atximahãbenyke.

<sup>8</sup> Kanau, wiji, Jesuisi Kristu wiwesele ratxireri. Tiiemy iwesele rarehyykre.

<sup>9</sup> Deuxu ruxetòena ixinamy arayky rirurudỹỹnyke. Roxina bede ywina wiòhena aõkõ ratxireri. Kia heka moo tiu riwiòhenanyòhyyre.

<sup>10</sup> Inyboho ixiwena wixiradirenre. Iribi tyby hetowo xiwena widỹỹdu mahãdu riroxiòtyhy.

<sup>11</sup> Iròduõ didyde tykyhetoworanora-ki hãlubu ritxiwikemy. Xiwena widỹỹdu mahãdu wedu tuu ritxiwire òraruna tuedenamy. Uritere iròdu umy hãwã òtity webrò-ribi riwòsinyre.

<sup>12</sup> Tai tahe Jesuisi tule hãwãhãkỹ ijò webòrò-ribi aõhòkỹmy rotỹỹnyre, iu tahãlubu ritxiwireu inydeereny tòemy, iny riòbitidỹỹnykemy.

<sup>13</sup> Rokoirenyke tahe tamy hãwã webòrò-ribi rikimyyrenykeny iixỹrunayreõ.

<sup>14</sup> Inatyhummy inydeereny tiiemy hãwã kabede-ki ihoõre. Tahe inyboho riraõmyhỹrenre biu-ki ijòdikre.

<sup>15</sup> Jesuisi òraru-ki tahe Deuxu rikiwowydynyrenyke. Kia iny xiwena wahidỹỹreny rare tamy. Tii iny rityhynyrenymyhyre, tai tuu rekeàlàrenyke.

<sup>16</sup> Tiu rikiwinyrenyke aõwiwidỹỹ. Tii Deuxudeewire. Tule wii rikiwiòhenanyrenyke.

<sup>17</sup> Aerydỹỹna mahãdu biwinybenyke. Bityhynybenyke. Tiibocho dori aijesedurenre ratximyyhỹrenre. Tii idi Deuxu-ò rirawyonymyhyre. Kaiboho bityhynybenykeki, tii teysamy raaõmysỹdỹỹkre. Aõkòkeki bedewomy ratxikre. Tai arawiwòhenanyòtyhy.

<sup>18</sup> Wakireny bexitòenyhyymahãbenyke. Jiarỹboho wodeysanale-di rahõtinyinmahãre, òbitina widỹỹdu-di rahõtinyinmahãreki.

<sup>19</sup> Tule Deuxu-ò bexitòenyhyyke jiarỹ ele elemy adeeremy aròòserenykemy.

<sup>20</sup> Inynyrỹ Jesuisi Kristu heka Deuxu rubu-ribi riixixadỹỹnyre. Tii iny-di itxeredureny nihikỹ rare. Budoeni-di itxeredu weselemy inydireny retehemyhỹre. Tii tahãlubu ritxiwire iny-wana bedede ywina iixihudunakõna riwinykemy.

<sup>21</sup> Deuxu adeeremy ibutumy riwahinyke tamy wimy kaiboho biwinybenykemy. Kia heka wadeewire. Jesuisi Kristu-ò wowydyna ibutumy rarehyykemy watximahãre. Kie.

<sup>22</sup> Waseriòreboho, kia watyyriti nihiỹmy aõkõ rewinyre. Tai tahe ywinamy idi boholabenyke rybe wiðhedỹỹna rybe tahe rare.

<sup>23</sup> Iny seriòreremy Tximòtxi heka ròtena-ribi riteònyreny. Ele elemy kanakeki, rakre wawana arorarenymy.

<sup>24</sup> Wawehityyna rybe ibutu dohodỹỹna mahãdu-ò biwahinykre, aerydỹỹdu mahãdu-ò tule. Italia bedede ludu mahãdu irybe wehityhyna adeeremy diwahinyde.

<sup>25</sup> Deuxu ruxetòena akireny ratxikemy watximahãre.



## Txiau Txiau Ryberiti

<sup>1</sup> Jiarÿ Txiau rare. Deuxu Jesuisi Kristu Inynyrÿ-wana deòdu rare. Ròritidÿÿreri Deuxu mahãdu inatyhy-ò. Ubÿtÿmy iny rÿira mahãdu-ò. Warybe weityhyna adeeremy rewahinyreri.

<sup>2</sup> Waityhydÿÿdu aõna aõnasira seriòre, araurihixinanykeki adeeremy kanamyhÿkeki, beysamahãbenyke.

<sup>3</sup> Kia-di tahe ityhydÿÿdu tyhymy beleke.

<sup>4</sup> Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidÿÿnykre adee aõ rasiranyòtyhy.

<sup>5</sup> Inyò bedeery ihoòkeki, rexitòenykre Deuxu dee, tii dori ibutu dee riwahinymyhÿre. Inyò lau dori ritòenyòhyymyhÿre.

<sup>6</sup> Urile tii iseòdÿÿòmy bexityhynomy tamy bexitòenykre. Riseònykeki yhy òbò-di tiò rehumyhÿre wese rare.

<sup>7-8</sup> Kia hãbu iòreki, awimy aòkò aõhebo rotÿÿnymyhÿre ywiòreki, tii Deuxu-ribi aõ ritaòtyhy, irybe inatxire.

<sup>9</sup> Iny aõ ijòkòmy rÿimyhÿre, teysamy rÿirake, aõ ijòdikreki Kristu dori rityhynyre. Kia iaòdimy ityhymy rÿira, tule teysamy rÿike ityhydÿÿdumy. Rÿiraki aõ ijòòkre hãre.

<sup>10</sup> Ityhyna heka iny-ribi wylemy ituemyhÿre kie iwese noijese ramoròmyhÿre wese. Tahe ityhydÿÿdu mahãdu dee kia aõ aòkò rare.

<sup>11</sup> Txutòteetyhy ròhònymyhÿre dori alòbòròna rimoròdÿÿnymyhÿre. Tahe noijese re-juxunymyhÿre. Tahe iruxerana riixãwidinymyhÿre. Kia wesele hãbu ityhymy rÿire rexihumyhÿre. Aõhebo rotÿÿnymyhÿre wetyatxile.

<sup>12</sup> Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeòna heka Deuxu-ribi ritakre. Deuxu dori kia wahidÿÿnamy rarybere taluunadu mahãdu dee.

<sup>13</sup> Inyò aòbina bina ixirana-di rexirakeki. Tii rarybeòtyhyke Deuxu riixiranymyhÿremy. Inyò dori Deuxu tiu riurihiòtyhy. Tule Deuxu riixiranyòtyhy aòbina bina widÿÿ-di. Ixiradÿÿdu aòkò tii rare.

<sup>14</sup> Kiawese iny ixiribile rexirake, aõ-di sòwemy ròhòtinykeki, tii arabònyre, araitxenyre.

<sup>15</sup> Kia urari-ribi tahe òraruna ròhònymyhÿre. Iribi tahe òraruwidÿÿna-ribi rubu rÿimyhÿre.

<sup>16</sup> Ixitxenadÿÿòmy waluuna mahãdu, waseriòre mahãdu.

<sup>17</sup> Wahidÿÿna ibutumy bedeerydÿÿnatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aõu aõu iweselere.

<sup>18</sup> Tii iny ixityre riwinymyhÿre ritÿmyranymyhÿre tatyhyna rybe-di. Tai ibutumy iwidÿÿna-ribi inyboho juhuurenyre, awirenyre.

<sup>19-20</sup> Idi mohòtinybenyke waluu waseriòre mahãdu. Ibutumy bexiywinymahãbenyke iny-ò boholamyhÿbenyke, tahe aõwimy aòkò marybeke lau, wymy adebureòmy. Hãbu debure-ribi Deuxu òbitina rahenyòtyhy.

<sup>21</sup> Abinamy aõhebo tutÿÿnymyhÿte ixi-ribi bitake idi biatyke. Tahe Deuxu rybe-ò boholake, kia dori iruruna dire atytyby kanatakemy.

<sup>22</sup> Kaiboho bede ywina widÿÿdumy, bede ywina tyhydÿÿdumy boibeke. Aõ ijohonadu mahãdulemy aòkò boibeke. Kiawesekeki bexiixxenanyke.

<sup>23-24</sup> Inyõ ijohonadule ronykeki, rybemynamy nodu aõkõ rare. Tii hãbu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aõwesele ixi-ribi tõhõti rosare timybo tii rare wahe.

<sup>25</sup> Inyõ tahe bede ywina òbiti-ò retehemyhÿreki, rityhynymyhÿreki tii tahe teysamy ratxikremy ibutumy aõhebo rotÿÿnykremy. Tii dori ijohonamy nohõti losadu aõkõ rare. Bede ywina rybe widÿÿdu rare, ityhydÿÿna wahe.

<sup>26</sup> Inyõ bede ywina rybe widÿÿduõmy rõhõtinykeki, tahe tõrõtò riyrubunyõhyymyhÿkeki, tabedeywidÿÿna aõ aõkõ rare. Tii tawokile rexiitxenanymyhÿre.

<sup>27</sup> Iny Deuxu, Inytyby-ò kia bede ywina widÿÿna òbiti rare. Uladuwyte, wytese-wana riwiòhenanykem. Tule aõbina bina aõmydÿÿnana widÿÿõmy.

## 2

<sup>1</sup> Waseriõre mahãdu, kaiboho Inynyrÿ Jesuisi Kristu, tetyhynytenyte loosõna wedu tii rare. Tai iny wiribi lahixiõmy, wiweseweselemy iny-di atximahãbenyke.

<sup>2</sup> Kie inyõ tahe dohodÿÿnawo-ò kanalõkeki, womati debo tÿrÿrÿ-di tywihikÿ-di kanalõkeki, tahe tule iny aõkõdu mahãduõ kanalõkeki.

<sup>3</sup> Kai tywihikÿ dinodu-ò marybekeki: Kaò bodonyke rynawihikÿ-ò. Tahe marybekeki iaõkõ-ò: Kiakile myike lamalemy ada bede-txi aõbo bonyke.

<sup>4</sup> Kia wese wiribi hitxidÿÿ-ki tatÿÿnymyhÿtenyte, araykyreny rabinamy kia wese tumahãre.

<sup>5</sup> Boholake, waseriõreboho, kaiboho juhoo iny aõkõ mahãdu wese toite. Iribi ityhy ityhydÿÿdukõdu mahãdu iaõrarumy roirekemy, kaiboho Deuxu weselemy tadeletenyte atyhyna òraru-ki. Aratamyhÿrenyre inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: –Waluudu mahãdu tuu arisÿnykre.

<sup>6</sup> Kiawese, kaiboho urimynodu derarenyre aõhebo tatÿÿnyteri. Ityhy mahãdu tahe ararutÿkÿnymyhÿre tule aradyrenymyhÿre soldadu dohodÿÿna heto-ò.

<sup>7</sup> Tiiboho tule Kristunimy aõbinamy rarybemyhÿrenyre. Kaiboho ini-di texinin-imyhÿtenyte.

<sup>8</sup> Kia bede ywina rybe-ki roire: iwese ixiluure wese, aerykõdu mahãdu luuke, wiery mahãdu wahe, abireludu wahe. Kia bede ywina biywinykeki, awimy botÿÿnymy mabeke.

<sup>9</sup> Tahe iny wiribi lahixinykeki, taõrarunyeri, teywinyõteri. Bede ywina aõkõ atximahãte.

<sup>10</sup> Inyõ tahe bede ywina rybe ibutumy riywinykeki, tahe sohoji aõmydÿÿna riywinyõreki, tai tahe bede ywina rybe ywidÿÿdu aõkõ ratxireri.

<sup>11</sup> Deuxu tarybe ririre. Kia rarybera: –Òta òta widÿÿõmy. Tule rarybera: –Rubudÿÿõmy. Tai òta òta biwinyõkeki tahe inyõ terubunyteki, kai bede ywina rybe yrubudÿÿdu aõkõ atxiteri. Òrarudumy tate.

<sup>12</sup> Iwese iny bede ywina rybe-di tÿmyra ahãbenyke. Deuxu dori bede ywina-di arararutxÿnyrenykre. Taita òbitimy botÿÿnybenyke, marybebenyke.

<sup>13</sup> Inyõ riwotõenyõmyhÿkeki, tule tamy riwotõenyõleke tawiribihixinatxu-u. Wotõedÿÿna wiribihixina ratyre rare.

<sup>14</sup> Waseriõre mahãdu, inyõ rarybekeki: –Jiarÿ watyhyna ijõdire. Tahe iaõmydÿÿna wihikÿ-di aõkõ rare. Kia tahe aõ aõkõhyky heka rare tamy. Ityhynale kahãbu ritakekõ aõbo. Tahe reruinyreri.

<sup>15-16</sup> Inyseriõreõ tyy, rÿsÿna ihoõke-wana. Tahe inyõ tamy rarybekeki, ywina-di bõhõnyke, aheto-ki biroxikemy. Tahe aõ riwahinyõra tyy, rÿsÿna-wana. Aõbohe irybe rare. Aõkõhykyre irybe.

<sup>17</sup> Kiawese taheka kia hãbu inatyhyna rare, iaõywidÿÿna ihoõkeki kia ityhyna ihoõke wese rare.

18 Inyõ rarybeke-wana: –Kai atyhyna dire. Jiarỹ waõwidỹyna ijõdire. Biteòsinyke wadee atyhyna sohojile tamyreny wina-di aõkõ. Tahe jiarỹ tamyreny waywina-di adee ariteòsinykre kia òraru-ki bobike jiarỹ Kristumy retyhynyrimy. Watyhyna iny idiõre waõwidỹyna ijõõre-wana.

19 Kai bityhynyke Deuxu sohojile raremy. Kia tahe awire urile diabo tyytybybina tule Deuxu rityhynyre. Tai ilau ruberumyhỹre.

20 Inatyhyna iaõmy widỹynana ihoõkeki, aõ aõkõ wese rare. Kia tetyhynyõlemahãte aõbo, hãbu itxỹtere.

21 Inylabiereny Abraõ tariõre-di Ijai rixiwenykemy idi ratximyhỹu, kia-ki Deuxu riòbitinyre.

22 Tabimahãte aõbo. Abraõ tatyhyna iwidỹyna-wana aõna aõna riwinyre. Ityhyna riwiòhenanyre.

23 Tahe iwese ritidỹynamy roire wesemy tuu rotỹỹnyre aõmybo heka rarybera Abraõmy: –Boholake, Abraõ heka Deuxu rityhynyre. Tai Deuxu tii riòbitidỹynanyre. Tule, Deuxu tabiòwamy rininire.

24 Betehebeny ini. Inyõ iòbitidỹỹmy ronyke-wana inatyhyna sohojidile aõkõ tii ihỹke, tahe iwidỹyna-di tule wahe.

25 Ijõre tahe: Raabe, aderanamy raremyhỹ. Iribi tii Deuxu rybedeòdu mahãdu riyrubunyra rubu lau, tahe riteònyre rywasi wixira-di. Kia widỹyna Deuxu Raabe riòbitidỹỹnyre.

26 Iwese umy tyytyby-di aõkõ rubumy rỹimyhỹre wese, tule inatyhyna sohojile aõ aõkõ rare tamywina-di aõkõreki heka rubu wese rare.

### 3

1 Uritere, waseriòreboho, bedeerydỹỹdu mahãdumy aõkõ ixi-di norenykõmyke. Ibede õnana hitxina txuu dorihe aõnihikỹkre bede erydỹỹdu mahãdu dee.

2 Inyboho ibutumy sõwemy òraruna-txi aõu aõu resemehỹreny. Inyõ tarybe-ki raòrarunyõkeki, tii iny òbiti rare.

3 Iwese awaru iny riraòmyhỹre wese taumy ibutumy riraòmyhỹre. Awaruru-ki juraròsòna rirutymyhỹreu, tii iraròsòna-di rare. Tai tahe awaru iny riywinymyhỹre iumy ibutumy iny riraòmyhỹre.

4 Betehebenyke iny heòty lawò nihikỹ-ò iraròsòna iyjatyhyre tahe iraròsòdỹỹdu idile riraòmyhỹre titxibo inonana-ò yhy nihikỹ iwetxi kedekreki, ihãrele iraròsòna riraòmyhỹre.

5-6 Iwesele iny dòròtò rare. Iyjatyhyre ihãrele aõnihikỹmy rarybemyhỹre. Betehebenyke iny heòty helỹỹresi iyjare, ihãrele òtiranihikỹ ritoonymyhỹre. Dòròtò tahe heòty wese rare. Sõwemy heka òraru riwinymyhỹre. Dòròtò bede aõmydỹỹnanabina dinodu wese rare, inyumy susudỹỹdu dòròtò rare. Sõna bede tòtee-ribi diabo mahãdu-ribi heka nade.

7 Ibutumy iròdu brebuna, nawii wixira wixira, iròdu beraludu, utura, riinytyhydỹỹnymyhỹre. Iny mahãdu iratyre irurudỹỹna dire.

8 Inydòròtò inyõ tahe riinytyhydỹỹnyõtyhy. Ibinatyhy rare. Rubudỹỹna uri-di ratxireri.

9 Inydòròtò-di Deuxu inytybimy iny realàmehỹre tule idi inumy raujòmomyhỹre. Deuxu ixiwesemy iny riwinyre, ihãrele iny wimy raujòmomyhỹre.

10 Inyõ tary-di Deuxu rirowòydynmahãre tule idi ujòmomy reamyhỹre. Waseriòreboho, kiamy aõkõ idi boibeke.

11 Beijirana-ribi ibree ihỹre-wana wiule heka ròhònyõtyhy.

12 Òwòru inatxi wiribi lahitzire. Ijõ aõbo wiraty-di raratynyke aõkõre? (Figueira azetonamy raratynyõtyhy) Videira figomy raratynyõtyhy. Juwyrabe hãloo-ribi bebreke ròhònyõtyhy.

13 Inyõ bederykeki ibedeerynadikeki, tii ywimy ratximyhÿke. Ibutumy òbitimy ratxirerimy aõ riwinymyhÿremy rexityhynymy ixidi ròhòtinyõtyhy tyhymy rabekemy.

14 Kaiboho awo-ki ixiburena ijõdikeki, inywitxira hãrosu ijõdikeki tai tii deysamy atxiõke tai tuu marybeõke. Kai ruiwidÿÿõmy.

15 Kia bedeeryna biu-ribi aõkõ nade, bederibile, iny hãrosu diaboribile nade.

16 Inywitxira hãrosu ijõdike-wana, tai jei jeina rare. Ibutumy aõbina bina.

17 Bedeerydÿÿna biu ludu juhule òbiti rare, idi ywina rare, rutaõna rare, wityhyna rare, ruxetõena rare. Awihyymy nodu widÿÿna rare.

18 Òbitina aõu aõu kanakre ywinawidÿÿdu-ò. Iwese aloborodu rehumyhÿre wese, tiiboho ywinamy rekoamyhÿrenyre.

## 4

1 Aõherekibo ayreny-ki jei jei rÿimyhÿre. Awo-ribi namyhÿde araykywydyna ribi.

2 Kai sòwemy aõdikemy tahòtinamahãte aõhebo aõkõ tetate. Tahe terubunymahãte. Inywxira aõmydÿÿna-di òbire, tahe aõkõre. Tai aõbina tetelenymyhÿte ijei jei-di. Aõ ijõõre textiðenyõma hãteki.

3 Textiðenytteki, tetaõmahãtenyte. Teòsamy dori textiðenymahãtenyte. Ixidee sohoji dehunalemy tahòtinamahãtenyte aumydeewimy behukelemy.

4 Bede aõmydÿÿnana luudu mahãdu heka Deuxu òludumy ihÿre. Kia aõbo teeryõtenyte, òbitiõna, mahãdu. Inyõ bede aõmydÿÿnana bina biòwamy ratxikeki, Deuxu òludumy rare.

5 Aõ aõkõ aõbohe rybe riti kawese roire: Aõhe rare. Deuxu taTyytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhymy ratximyhÿre. Aõbo heka kia rare?

6 Tii tahe iny rirurteredÿÿnymyhÿre. Kawesemy ritina rarybere: –lixiwedu mahãdu heka Deuxu ixi-ribi rirehedÿÿnymyhÿre. Tahe ruxetõena sòwemy ixiwedekõ mahãdu-ò riwahinymyhÿre.

7 Deuxudeewi biwinymahãke. Diabo ixi-ribi birehedÿÿnykeki, tahe tii aribi rahenyke.

8 Deuxu-ò bexiòhòdÿÿnykeki. Deuxu adee rexiòhòdÿÿnkre. Òrarudu mahãdu, ebòm y bexilyraranyke aòraru-ribi bexitake, rybe inatxi mahãdu, araykyworeny biòbitinybenyke.

9 Mabedewoke, bobuke, mahinyke aòraruna òraru-ki. Ajuedena-ribi arube rytynykre, eysa-ribi mabedewomy atxikemy.

10 Ayrubumy Inynyrÿko-txi boibekeki, tii aratamadÿÿnykre; tii ixideewimy riwinykemy.

11 Waseriòreboho, uritere aõmy wimy ryberenyõmy. Inyõ taityhydÿÿduseriòremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdÿÿnyreri. Inyõ bede ywina rybe riaõkõnykeki, tii bede ywina ywidÿÿdu aõkõ rare. Tii bede ywina rybe hitxidÿÿdu rare.

12 Deuxu sohojile dori bede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu rare ihãre irubudÿÿdule rare. Mobohe kai atxiteri; abireludu hitxidÿÿmy aõbo texinohòtidÿÿnyteri? Aõkõre.

13 Boholabenyke, tuu tarybetenyteri: wijile aõbo ada biurasòm y aõbo rokoirenykre hãwãõ-ò. Tai bededÿÿnana sohojimy rikierenykre. Tai nieru tarasamy rakaòmÿsÿdÿÿrenyke.

14 Txìõhe rare. Kaiboho dori teeryòlemahãtenyte aõhebo bede rotÿÿnykre. Timybo mabekre? Iwese biuwetyy yja aõwesele rexihymyhÿre wese heka timybo mabekre? Kiawesemy aõkõ marybeke.

<sup>15</sup> Kamy heka marybeke: –Inynyrỹdeewikeki iny rummy rokoireke, tai tahe kia ada kowa aõbo rikiwinyrenyke.

<sup>16</sup> Iwese wiji ratximyhỹre wese. Biurasou aõnihikỹ widỹỹmy marybekeki, kia tahe awi aõkõ rare.

<sup>17</sup> Inyõ aõwiwidỹỹ rierykeki, tahe riwinyõmyhỹ-wana kia rexiõrarunanyhỹre.

## 5

<sup>1</sup> Boholabenyke warybe-ò ityhy mahãdu. Mahinybenyke, bobubenyke aõhõkỹmy botỹỹnybenykreki.

<sup>2</sup> Aõmydỹỹnana wiwihikỹ rabinamy rỹire. Atywityhy isibrey tysini rirõre.

<sup>3</sup> Aorotỹrỹreny awomatiurareny raruxinyra tabededỹỹnana riõnonyrerimy. Anieru susudỹỹna awobiredỹỹnany kiditynynykre. Iwese dee heðty risõmyhỹre wese, kia sudỹỹ anasõmyhỹkre. Aõna aõna sõwemy ixidee tebutunymahãte kia atxukonana-ò.

<sup>4</sup> Abaderõwysydỹỹdu õwydỹỹdu aõkõ dori kai tate. Kai ixideele tebutunymahãte iribireny tawasinymahãte. Tiiboho rahinymy rirajuamyhỹreny tahe kia wysydỹỹdu mahãdu hina-ò Deuxu roholare. Tii ruru mahãdu wedu rare.

<sup>5</sup> Kaiboho abeõrareny teõnonytenyteri isikile. Ixideehyyle texideysadỹỹnanyhỹte. Ibutumy aõbo adeereny wiwi ixidee temytenynte, iwese rubutxudỹỹnatxu broreni riõwenymyhỹre wese. Kai ahãte. Deuxu akanarubunykre.

<sup>6</sup> Òbiti mahãdu teteõnymahãte terubunymahãte. Tii tiu adee rexiõwynyõtyhy.

<sup>7</sup> Ixieleledỹỹõmy tahe waseriõrebobo. Inynyrỹ kanakreu. Betehe inihe. Òworudu heka taaõwi riraõmyhỹre biu bedeu.

<sup>8</sup> Kia wese kaiboho tule eleeemy aõkõ biraõmyhỹke aworeny-ki beximymyhỹbenyke, Inynyrỹ nonana dori iõhõrehe.

<sup>9</sup> Waseriõrebobo uritere wimy ibinamy ryberenyõmy Deuxu dori arahitxinyreny. Ihtxidỹỹdu nonana tahe iõhõre ijõkiwesele riijemy rỹimyhỹre.

<sup>10-11</sup> Waseriõrebobo ihetxiu Deuxu rybemy rybedu mahãdu iyrubumy rỹiramyhỹ. Iwese tiiboho rỹiramyhỹwese boibeke aõhõkỹmy dỹỹnana-ki rare. Kia aõhõ kỹmydỹỹnana-ki õbitimy rotỹỹnanyhỹre. Iwese Jòò iyrubumy raremyhỹre taholamahãtenynte. Tule iwese ionanau Deuxu riwiõhenanyre wesemy teerytenynte. Inynyrỹ dori ruxetõenatyhy-di rare làhãnatyhy-di.

<sup>12</sup> Ibutu ratyre waseriõrebobo inatyhymy sohojilemy marybeke ijõ rybemy rybeõmyke Deuxu arybe ritxiõnyõtyhy. Aõna aõnamydỹỹnanaribike aõkõ iximyhỹle marybeke. Kohemy marybekeu kohelemy marybeke. Aõkõmy marybekeu, aõkõlemy marybeke. Kawese-ki inyõ aratxiõnyõkre.

<sup>13</sup> Inyõ aõbo ayreny-ki aõhõkỹmy rotỹỹnyreri. Tahe tai bexitõenykre. Inyõ aõbo ayreny-ki teysamy ratxireri. Àlãnawi-di tii wana mawiunykre.

<sup>14</sup> Inyõ aõbo ayreny-ki webinadumy roireri wana. Tahe dohodỹỹna rybedu mahãdu-ò tany bididybedenyke tany rexitõenyrenykemy. Adỹỹ ityre ritxiwikemy Inynyrỹni õraru-ki.

<sup>15</sup> Ixitõedỹỹna tyhynale webinadu riteytenykre. Inynyrỹle ritamahỹỹnykre. Tii õraru-ò raõrarunymyhỹke-wana Deuxu iõraru riixãwidinyke.

<sup>16</sup> Iny wiõ wiõmy aõna aõnarenymy belyybenyke. Wiõ wiõmy wii biixitõedỹỹnybenyke, ibutu-ribi beytebenykemy. Inyõbiti ixitõedỹỹna irurudire, aõna aõna sõwemy riwinymyhỹke.

<sup>17</sup> Eliasi heka inywesereny rare. Tii rexitõenyhỹmyhỹre biu rãõtyhykremy bede-ò. Tahe inataõ beõra-di biu rãõhỹre.

<sup>18</sup> Tahe ixityre rexitõenyre. Tai biu rãõre. Tahe oworu-ki ixityre aõwi ruhunyre.



<sup>19-20</sup> Waseriòreboho, inyõ ay-ki inatyhyna-ribi rònònykeki. Inywitxira tuu rarybekeki, teòsary-ribi ridykeki, tahe ityytyby ritara, rubu konana ixãwina lau sõwemy araru-di riixãwidinyre. Kie.

## 1 Pedro 1 Pedro Tyyriti

<sup>1</sup> Jiarỹ, Pedro warybe ritina rewahinyreri ubỹtỹ deòdỹỹna jiarỹ rare. Ibutumy judeu mahãdu-ò rewahinyreri Ponto-ò, Alaxia-ò, Apadosia-ò, Asia-ò, Bitinia-ò.

<sup>2</sup> Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahãlubu-di arasebenyrenykemy. Wiòhedỹỹna sòwemy ywina-wana adeereny kanakemy watzireri.

<sup>3</sup> Ibutumy àlàna Deuxu Inynyrỹ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhỹrenyre ratybienyrenykemy Deuxu sỹ mahãdu wo-ki. Inyboho wijile iraròsònareny dire, Kristu rubu-ribi rexixareki.

<sup>4</sup> Tii wiòhedỹỹna wiwihikỹ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerahakỹlemy lyrahakỹlemy roire.

<sup>5</sup> Deuxu tarurusòwe-di arayrubunyrenykre kia wiòhedỹỹna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre.

<sup>6</sup> Tai tahe beysabenyke. Bededỹỹnana tòbò reakreu, mabedewobenykre òsana aòmydỹỹnana sira òraru-ki.

<sup>7</sup> Tii tahe kawese-ki atyhydỹỹnareny ityhymy ròhònykre. Atyhydỹỹnareny womati tỹrỹrỹhỹkỹ òwy ratyre iòwy dire. Tiu rabinaòtyhy. Heòtyru-ribi womati tỹrỹrỹhỹkỹ ròhònyre wese atyhynareny kòdòhònykre àlàna, wowydyna, luuna Jesuisi Kristu-ò, tii kedehemynykre.

<sup>8</sup> Kaiboho tuu tabitenyòte ihãrele tuure. Tetyhynytenyteri, tai tahe tỹxihikỹlemy deysatyhy-di ahãtenyete.

<sup>9</sup> Tai atarasadỹỹna-di teteheteri, tetyhynytenyteki.

<sup>10</sup> Juhuu Deuxu rybedu mahãdu ritỹỹraxinyra kia tarasanamy. Tule wiòhenadỹỹmy rarybere adeereny kanakemy.

<sup>11-12</sup> Idi tahe dierydenyde ibededỹỹnanau kanaòkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. Ýju mahãdu dori tamywimy tuu rieryrenykemy ihỹrenyre. Jesuisi Kristu aòhòkỹmy dỹỹnanamy tule toosònadỹỹnamy rarybemyhỹrenyre, tiubedemybo kia kanakemy riijemyhỹrenyre.

<sup>13</sup> Arayky-ki birarutxynybenyke wereysana rara rotỹỹnymyhỹre wese. Òbitimy maraykynybenyke wiòhedỹỹna-di bidimybedenykre-ki Kristu kedehemynykre.

<sup>14</sup> Wijile kaiboho ywimy nodu riòre wesemy boibeke. Iwese juhu aykaraòtamy tatỹỹnymy tatemahã wese noòmy, abedeerykòmy tatemahãu.

<sup>15</sup> Iweseòmy. Uritere adee rybedu òbitimy raremyhỹwesemy kaiboho ibutumy tuu botỹỹnybenyke kia-ki òbitimy boibeke.

<sup>16</sup> Raritinymy dori rỹire: —Òbitityhymy boibeke, jiarỹ dori òbitityhymy raremahã.

<sup>17</sup> Deuxu iny wiribi rihitxihitxinyre aòbina bina widỹỹ òraru-ki. Deuxu wiwese wesele iny luure tuu rarawetyynyòhyymyhỹre. Iwese bodee textitòenmahãte wese tamy bedeerykò rira wese boibeke.

<sup>18-19</sup> Kia teerymahãtenyete tuu ararybekre. Ixinamy rexihumyhỹredi aòkò iwese womati tỹrỹrỹhỹkỹ iurahakỹ-di aòkò atarasanareny riòwinyre. Tahe Kristu hãlubu-di aòhebo ibina botỹỹnybenyke-ribi textitatenyta aòwidỹỹnabo booreny-ribi teerytenyaki. Kristu tahe budoeni òbiti lyrahakỹ wesemy rare.

<sup>20</sup> Tii juhu bededỹỹnanau taumy rubu-ò riwahinykremy rexierhyymy raremyhỹ, wijile kaò nade rurukremy aluunareny òraru-ki.

<sup>21</sup> Tule Deuxu tetyhynymahãtenyete Kristu òraru-ki, Deuxu rubu-ribi riixixadỹỹnyre tahe tamy loosòna riwahinyre, tai araròsònareny aityhydỹỹna Deuxu-ki roimyhỹre.

<sup>22</sup> Kaiboho atyutyby tesurònanytenyete inatyhyna dori teywinytenyeta. Tai tahe wiluu-luutyhymy rakatxirenyke. Wiluumy wesenađyřrenyõmy atximahãtenyete.

<sup>23</sup> Wiji umyđyřna juhu wese aõkõ iny bõtòđyřna raumyđyřre wiji tahe Deuxu Rybe aumyđyřnamy ihyre. Kia tahe ituerenyõtyhy. Umytuedeõna diwahinyde.

<sup>24</sup> Iwese ryberiti rarybere wese:

—Ibutu iny asi wese rare. Inyloosõna asi noijesa wese rare. Asi ramoenymyhỹreu tõjjesa rejuxunymyhỹre.

<sup>25</sup> Deuxu Rybe tahe aõu aõuhyy rỹira. Rexihuõtyhy rỹira. Kia rybemy tahe adeereny rarybemyhỹre, Rybewihikỹ wahe.

## 2

<sup>1</sup> Ibutumy idi behuke ixi-ribi, aõbinatyhyna-di, rui-di, inywitxira aõmyđyřna xibure-di aõ ikõkõmy ujõmo-di ibutumy.

<sup>2</sup> Tahe iwese tohouã howỹsy luure wese rybe-ò bexiborenanyke. Atyutyby howỹsyna wese rare. Idi maumynykemy tarasana inatyhy-ò.

<sup>3</sup> Wanyrỹ dori wihikỹ rare. Kia teerytenyete.

<sup>4</sup> Tamy bodoibedenyke. Tii dori manairuhykỹ wese rare. Heto tira widỹřdu kia mana-di rehura. Tahe Deuxu dee kia ixitarasanamy rare. Awimy heka tai rahare.

<sup>5</sup> Kaiboho tule mana iruhukỹ wesemy tòmahãte heto òbiti wesemy aijõreny-di kanai-jedỹřnydenykemy. Xiwena wedu mahãdu òbitimy boibeke, Deuxu dee wina xiwedỹřna òbiti biwinybenykemy Jesuisi Kristu wowydynamy.

<sup>6</sup> Kawese dori Ryberitina-ki rỹire: —Betehebenty inihe Siaõ bede-ki iny mana heto tiramy iwidỹř wesemy ritidire. Tii aõwihikỹtyhy wadee rare. Kia iny rityhynymyhỹkeki, tiu raixỹruõtyhy bede òtiidỹř ribedewonyõtyhy.

<sup>7</sup> Kaiboho ityhydỹřdu mahãdu, adeereny tii aõwihikỹ rare. Ityhydỹřdukõdu mahãdu dee tahe kawese tii rare: —Hetotirawidỹřdu kia mana-di rehura. Kia mana tahe wiji juhuludu mana ritidimy roire.

<sup>8</sup> Tule ijõ kiamy rare: —Mana idireny kedese denykre. Kia mana awi aõkõ tamyreny rare. Reserenykre rybe ritxiõnymyhỹrenykeki Deuxu heka rierymyhỹre reserenykre.

<sup>9</sup> Kaiboho tahe iny iitxese itxesemy aratarenyke, xiwena wedu mahãdu òbiti boibe benykemy, inyijoi òbiti boibeke, Deuxu hõrõ mahãdule, iruxeranamy mary-bebenykemy adee dori bededorohokỹ-ribi anadydenyde taloosõna wiwihikỹ-ò.

<sup>10</sup> Kaiboho juhoo inyijoi aõkõ toitemahã tahe wiji Deuxu taijoimy aratara. Juhoo ruxetõna tuu inyõ riwahinyõhyre adeereny, wiji tahe tii riwahinyra adeereny.

<sup>11</sup> Waluuna mahãdu adeereny ararybekre. Kaiboho iwitxira bedeludu mahãdu wese atximahãtenyete. Uritere òtaõtarenyõmy atyutyby òludu dori kia rare. Atyutyby aõbina dỹřnana adeereny diwahinyde.

<sup>12</sup> Ahotiludu mahãduy-ki òbitimy boibeke. Tai omy ibinamy rarybekeki, tiiboho aumytedeõnamy robimyhỹkemy tahe Deuxumy kiditoosòđyřnadenykre Deuxu hitx-idỹřna txuu.

<sup>13-14</sup> Bede dinodu bede ywina rybe biywinymahãbenyke Wanyrỹ òraru-ki Iòlòrybe, aõbo kai deòdu rybewydydu aõbo ibutumy birarenybenyke. Iòlò deòdu mynyduhykỹ doidenyde aõbinahakỹ widỹřdu aõhõkỹmy risỹnomy rimomy risỹđyřnykemy ritamadỹřnykemy tule aõwihikỹ widỹřdu ritealadỹřnykemy.

<sup>15</sup> Aõwi wihikỹ widỹřna-di kaiboho hãbu bina biyryđyřnybenyke. Kia Deuxudeewi rare.

<sup>16</sup> Kaiboho hãbu ixihyyludumy ahãtenyete urile aõbina bina widỹřõmy boibekre. Deuxu deòduweselemy boibeke.

<sup>17</sup> Iny ibutumy iõsana biywinyke. Ityhydỹřdu seriõre luumy boibeke. Deuxu biwowy-dynybenyke. Iòlò bede dinodu biwowydydybenyke.

<sup>18</sup> Deòdu mahãdu, awedu bityhynybenyke awedu wiwihikỹle-ò sohojile aõkõ ibina bina-wana dori bityhybenyke uritere bededõiidỹmy rỹiõmy.

<sup>19</sup> Aõbina riwinyõhyymyhỹre deòdu tawedu-ò. Tahe wedu teòdu-ò aõhõkỹmy risỹnyre. Deòdu riòludunymyhỹre aõmy rarybeõhyymyhỹre, Deuxu rityhynymyhỹreki. Kia wese tahe Deuxudeewina rare.

<sup>20</sup> Iny raòrarunymyhỹkeki, tai tahe òhòtenamy inyboho ratximyhỹrenykeki, aõloosõna widỹyna bohe kia rare. Inyboho riòludunymyhỹreki. Aõwiwihikỹ widỹyna-di inyboho ywina-di òhòtenamy riòludunymyhỹrenykeki, kia Deuxudeewina rare.

<sup>21</sup> Kaiboho biòludunymyhỹbenykemy tai iitxemy aratarenyra. Kristu tule dori òrarureny-ki aõhõkỹmy rotỹnyre. Iwese timybo tii riwinyre wese kaiboho biwinybenyke.

<sup>22</sup> Kristu dori tiu raòrarunyõtyhy, tule aõbinahakỹmy rarybeõtyhy, raruiõtyhy.

<sup>23</sup> Tamy adebure irãmy ryryreu wobinamy aõkõ dirawyònyde. Rihetenyre, aõma aõkõ dirawyònyde. Urile tii rexiwahinyre Deuxu dee. Deuxu dori òbitina-di rihitxidỹnyre.

<sup>24</sup> Inyòrarureny dori riwyre itxeò nihikỹ tyre-ki. Tai tahe òraruna dee rakarurunyenkre, tahe òbiti widỹyna-ò rakatximyhỹrenkre. Kristu wotõmomy iny riteytenymyhỹre.

<sup>25</sup> Iwese budoeni reòsamyhỹre wese kaiboho toite. Wijile tahe kaiboho tòõsemy atxitenyte aitxeredu-ò atytyby wiòhedỹdu-ò.

### 3

<sup>1-2</sup> Hãwyyreny, ahãbureny rybe bityhynybenyke. Tai inyõ ihãbu ityhydỹdu aõkõkeki, tii kidityhynkre tahãwyyhe-ki, aõrybebo aõkõ roholareki ihe-ki robireki.

<sup>3-4</sup> Hãwyy ruxerana heka ixidee itidisirenyõmy atximahãbenyke aõ taumy-ki ritidimyhỹre aõkõ hãwyy ruxerana rare. Aõ iwo-ribi teysare, Deuxu Tyytybytyhy widỹyna inytyhyna tii tahe hãwyy ruxerana rare. Rade sihodỹtyhy ibutu ratyre aõkõ rare. Womati tỹrỹrỹ noho tule aõkõre, tyy wiwihikỹ-di rariamyhỹre tule aõkõre. Kia tahe Deuxu dee aõwiwihikỹtyhy aõkõ rare.

<sup>5</sup> Tule ihetxiu hãwyy òbiti tuu rotỹnyre, tahãbu riywinyre, Deuxu rityhynyre.

<sup>6</sup> Sara, Abraõ riòrese, tahãbu riywinyre. Itxi õhõtireny beake tawedumy tamy rarybere. Kiaboho hãwyyreny iriòre riòre atximahãtenyte. Tai aõwiwihikỹ widỹynamy botỹnybenyke. Bededỹnana jei jei lau brebuõmy.

<sup>7</sup> Hãbu mahãdu, kaiboho tule asỹreny-ki abedeeryna biyrubunyenkyke. Ahãwyyreny biywinybenyke hõraõmy idi ahãbenyke, tiiboho dori itxõmotxirenyre iruruõrenyre. Iõsỹny bityhynybenyke. Wiwana Deuxu ruxetõena tarasadỹdu atximahãtenyte. Tai aixitõedỹnamy òbitimy bexitõenybenyke.

<sup>8</sup> Tahe kaiboho ibutumy widi mohõtinybenyke wiwesewesele. Ityhydỹdu seriòre dee tõena luuna-wana biwahinyke. Ruxetõena-di boibeke iny-ò ixityhydỹ aõkõ.

<sup>9</sup> Inyõ aõbinamy adee rakeki, ixidõydỹõmy. Inyõ rybe-ki aõbinamy adee rakeki, irawyòdỹõmy. Wityhymy tamy marybeke. Kia-ò tahe Deuxu aõwiwihikỹ adee riwahinykre, tai ijõtxu Deuxu wityhynamy adee riwahinykre.

<sup>10</sup> Tai inyõ tabededỹnanaluomy ratxike-wana, tatxuu teysamy ratxikeki, tahe dõròtò rexitaake rybe bina lau iry riyryke wobina rybe lau.

<sup>11</sup> Aõbina bina-ribi bihenybenyke aõwiwihikỹlemy botỹnymahãbenyke. Ywina biijemahãbenyke ywina-di ahãbenyke.

<sup>12</sup> Deuxurue tahe òbiti mahãdu-di retehemyhỹre. Tanohõti tahe ixitõena-ò riijohonanyronymyhỹre. Aõbina widỹynadu-ò tamyreny rayaranany idi retehemyhỹre.

<sup>13</sup> Kai aõwiwihikỹ widỹylemy tiu matxibekeki aõhe iny adee rotỹnyõtyhy.

<sup>14</sup> Kai òbitiwidỹ òraru-ki aõhebo bõtỹnykeki, deysamy atximahãke. Breburenyõmy iwese ilaureny ixihãrudỹrenyõmy.

15 Urile Kristu awedurenywesemy bisšnybenyke aworeny-ribi. Inyõ adeeremy aratyšraxinyke-wana aõherekibo Kristu tetyhynymyhštemy, kai bexiywinyhytamy ix-idee rybena bydššna biywinyhytamy idi ahãke. Arawyõdššna ywina-di tamy marybeke iõššny bityhynymy arayky õbiti-di marybemahãke.

16 Tai tahe biixšrudššnyke umy ibinamy rarybekeki, tai dori õbitilemy Kristuko-txi tariamahãte.

17 Tahe Deuxu dee wikeki, aõwiihikšwidšš õraru-ki inyõ aõhõkšmy rotššnykeki, kia tahe Deuxu dee awi rare. Aõbinahakšwidšš õraru-ki aõhõkšmy rotššnykeki, kia tahe Deuxu dee awi rare.

18 Kristu tahe sohojihyyle rurure iny õraruna õraru-ki. Õbitiwidššdu tahe rurure õbitiwidššdu aõkõ õraru-ki, kaiboho ruruweselemy atximahãtenyte. Deuxu Tyytybytyhy direki kaiboho iruweselemy atximahãtenyte.

19 Kristu Tyytyby rara rotenawo-õ, tyytyby-õ ritššnynymy rarybeke.

20 Noe hãwõ nihikš riwinyreu, Deuxu riraõmy raremyhšyu urile hãbu mahãdu rityhynyõmyhšyre. Debõ inataõ reurõ inymy rohonyre rubu-ribi bera-õ rabõrõrõre.

21 Wiji, kia sebedššna ijyy wese heka rare. Tahe aõsebedššna aõkõ iny tarasanare. Sebedššna-ki Kristu rubu-ribi ixixana inyboho riteõsinyreri iny Deuxu-õ retehemyhšyre tarasana ritakemy. Bee tahe hãlubu surõdu aõkõ rare. Rexitõenymyhšyreki inywo rityranymyhšyre risuhõnymyhšyre.

22 Kristu tahe wijile biu bede ronyre Deuxu rurunawe-ribi tii šjuboho, dinoduboho, rurunaduboho wedu Kristu rare.

## 4

1 Tahe Kristu taumy-wana aõhõkõmy rotššnyre. Tai tahe iwesemy mohõtinybenyke. Inyõ dori aõhõkšmy rotššnyre. Tai tahe õraruna-ribi ixixãwididššmy rõhõtinyreri.

2 Tai kabede-ki iny bededššnanareny uhe hãbu õta õtawidšš nohõtina wesemy aõkõ rakatximyhšrenyke. Deuxu deewina widššna-õ rakatximyhšrenyke.

3 Juhuu kaiboho sõwemy taõrarunytente, iwese ityhydššdukõdu mahãdu wiji ršira wese.

4 Aõraru-õ biõwa mahãdu wiji bederiõtiinyre kai tii-wana taõrarunykõmahãteki iwese tiiboho naõrarunymyhšdenyde wese. Tai adee ibinamy rarybemyhšrenyke.

5 Tule tiiboho ywisidššdu Deuxu-õ rirawyõnykre. Idi dori õbiti ywisidššna-di rihitxidššnykre iru mahãdu, rubumahãdu wana.

6 Tai tahe inyõ ituekre mahãdu-õ Rybewihikšmy rarybemyhšyre iumy dori rihitxidššnykre ibutu hãbu wesemy. Tahe ityytyby Deuxumy irumy rarekre.

7 Boholabeny inyhe, bededššnana konana iõhõra. Tai tahe inatyhymy mohõtinyke Deuxu-õ õbitimy bexitõenykemy.

8 Ibutu ratyre wiluutyhymy atximahãbenyke. Kaiboho dori aluunadirenykeki wiõraruna-di itxerekõmy ahãbenyke. Inyõ dori iluunadikeki, wiõraruna-di itxerekõmy ihške.

9 Iny witxira dee awimy ršira, roraludu isšõmy ršira aheto-õ bisšdššnyke. Bitšhidššnyke roraludu luumy atximahã.

10 Wii biwiõhenanymy ahãbeny iwese bede teerytente wese biwiõhenanybenyke. Deuxu wiõhedššdu wiitxura wahidššdu wiwihikšmy boibeke.

11 Inyõ rarybekeu, Deuxu rybedile kana rybeke. Inyõ reõbykeu. Deuxu ruudile kedeõbyke. Tai tahe Deuxule loosõna kia-ribi kanatake Jesuisi Kristu õraru-ki ibutumy aõna aõna-di. Aõu aõu ibutumy ruruna, loosõna Jesuisi Kristu hõrõ rare. Kie.

12 Waluuna mahãdu, ixibedeõtiidššõmy bede aõmydššnana sira adee kanakreu. Kia tahe aõ bredudššna aõkõ rare aõhebo adee kodotššnykeki.

13 Tšxihikšlemy deysa-di atximahãke kia aõhõkšmy dššnana dori Kristu aõhõkšmy dššnana-õ biõwa atximahãte. Idi tahe tule kedeysakre Kristu loosõna õraru-ki.



<sup>14</sup> Inyõ adee ibinamy Kristuni òraru-ki rarybekeki beysake. Kiau Deuxu Tyytyby heka loosòna sòwe-di atyre-ki kanakre.

<sup>15</sup> Kaibohoõ rubudỹrenyõmy, wasirenyõmy, aõna aõna bina widỹỹõmy, inywitzira aõwysyna-txi ròte. Kiake-wana idowydỹỹnamy aõhõkỹmy botỹỹnybenykre. Tii dori wadee awiõre.

<sup>16</sup> Inyõ tahe aõhõkỹmy rotỹỹnykeki, ityhydỹỹdumy rare òraru-ki tai ixyrũõmy mabeke. Urile Kristunimy riwowydnykemy idi rare. Bededỹỹnanahe rehemynomy roire ityhydỹỹdu mahãdu-di rihitxidỹỹnananomy riteranykemy.

<sup>17</sup> Tahe inydee ywisidỹỹna ritelenykeki, timybohe Deuxu Rybewihikỹ ityhydỹỹdukõdu mahãdu-ò kòdòhõnykre.

<sup>18</sup> Ryberiti-ki roimyhỹre kia: —Òbiti mahãdu dee tarasana isirakeki, timybohe òrarudu mahãdu ròhõnyke.

<sup>19</sup> Tahe inyõ Deuxudeewi òraru-ki aõhõkỹmy rotỹỹnykeki, Tatyytyby Deuxu-ò rawahike tahe aõwihikỹ widỹỹmy rareke. Deuxu dori aõu aõu iny widỹỹdureny rare; iny wiõhedỹỹdureny rare.

## 5

<sup>1</sup> Ityhydỹỹdu-ò itxeredu mahãdu-ò aritohonykre ararybekre. Jiarỹ tule itxeredu-ò rare. Kristu aõhõkỹmy rotỹỹnyreu, jiarỹ tuu rabire. Taloosòna kiditeòsinykre jiarỹ awana watzire tewebromy rikitarenykremy.

<sup>2-3</sup> Biwisinanyke aityhydỹỹdu butuna iwese itxeredu budoeni-di retehemyhỹre wese idi beteheke. Ixideewimy kia biwinyke. Inywitzira deewimy aõkõ. Aõ nieru tarasa sohojilemy aõkõ, ityhydỹỹdu wiõhedỹỹmy. Aõ ityhydỹỹdu wedu wesemy aõkõ bisỹnybenyke, urile bexideòsinyke iwese ityhydỹỹdu òbiti rỹira wesemy.

<sup>4</sup> Tahe itxeredu mahãdu wedutyhy kedehemynykeu, tii adee kidiwahinykre loosòna araheto. Tii tiu toosò ixãwiõtyhy.

<sup>5</sup> Itxeredu mahãdu tỹmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rarawetyynymyhỹre. Ixiwede aõkõ mahãdu-ò tahe ruxetòena riwahinyke.

<sup>6</sup> Ywimy ahãke Deuxuru-ò iximy xiwedeõmy. Tii dori bede òbiti kanakeu akanaloosònykre.

<sup>7</sup> Aõmydỹỹna witzira witzira biwahinybenyke Deuxu-ò tii dori arawisinaymyhỹreny. Anawiõhenanykre.

<sup>8</sup> Bexihãrubenyke aòludureny Satanasi-ò. Òbitimy mohõtinybenyke. Tii dori leaõ reburemyhỹre wese rare. Tii rariarerimy ihỹre tibo riròkemy.

<sup>9</sup> Atyhynatyhy-di idi bexiumynyke. Aityhydỹỹdu seriòre-dori awana aõhõkỹmy rotỹỹnyreri kia ixiradỹỹduhukỹle-wana.

<sup>10-11</sup> Iny Deuxu ruxetòenatyhy rỹire. Kaiboho urihimyò aõhõkỹmy botỹỹnybenykeu akanawiõhenanykre, akanarurudỹỹnykre, akanaòbitidỹỹnykre, anaijohonadỹỹnykre. Ibutumy ruruna ihõrõmy aõu aõu rarekehymy idi watzimahãre.

<sup>12</sup> Kia waryberatiyla Sila-wana adeeremy riritinyre. Tii iny seriòrereny òbitityhy rare. Jiarỹ rarybereri kia Deuxu wiõhedỹỹna inatyhy rare. Kaiboho idi tyhy mohõtinybenyke.

<sup>13</sup> Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-ò. Tule wariòre Marku arãrybeweityhynanyreny.

<sup>14</sup> Widee buòbenyke narybewehityhynanyde. Ywina adeeremy kanakemy watzireri Kristu tetyhynmahãtenyteki.

## 2 Pedro 2 Pedro Tyyriti

<sup>1</sup> Jiarỹ, Simaõ Pedro, Jesuisi Kristu deòdu rare. Jesuisi Kristu rybemy rybedu rare. Warybe ritina rewahinyre ityhydỹdu mahãdu-ò, Deuxu ywisidỹna mahãdu-ò, Jesuisi Kristu inyтарasadu òbitina òraru-ki, inatyhyna inyboho ijòdirenhyreki.

<sup>2</sup> Ruxetòena wiòhedỹna-wana adeereny kanakemy watzireri Deuxu erydỹna-ki, Inynyrỹ Jesuisi erydỹna-ki.

<sup>3</sup> Tahe Deuxu rurutyhy-ribi inydeereny aõna aõna sòwemy riwahinymyhỹre òbitimy inyboho rokoirekemy iny bededỹnanarenhyre-ki. Tii inyboho ridyrenhyre taloosòna òbitiwo-ò, tii inyboho rieryrenhyreki.

<sup>4</sup> Tai inydeereny tuu rarybere, sòwemy aõna aõna kanakemy awityhymy inydeereny kia rybe rare.

<sup>5</sup> Kia rybe bityhynybenykeki, bede aõmydỹnana bina-ribi bexitabenyke, òta òta widỹna-ribi bexiebenyke. Tule Deuxu rayky wesena-di urihimyo boibeke.

<sup>6</sup> Tai tahe ibutumy aruru-di marurunyke aityhydỹna-ò òbiti widỹna bibutunyke, kia-ò bedeerydỹna bibutunyke, kia-ò ixiwedudỹna bibutunyke, kia-ò widỹnahyyna, kia-ò òbitimy nonana.

<sup>7</sup> Kia-ò ityhydỹdu seriòre luuna, kia-ò wiluuna bibutunyke.

<sup>8</sup> Kia aõna aõna dori awo-ki ratximyhỹkeki, rexiòlònykeki, arawiòhenanykre Jesuisi Kristu Inynyrỹ bierybenykeki. Tai ityhydỹdu wihikỹmy boibekemy. Iny witxira biwiòhenanybenyke.

<sup>9</sup> Kia aõna aõna inywo-ki ratxiòmyhỹkeki, tii heka iruetàlemy ihỹre. Aõbo iòhòmy ratxirerilemy robimyhỹre. Juhu òraruna iribi risuhoremy idi tòhòti rosare.

<sup>10</sup> Tai waseriòreboho marurunybenyke atyhymy boibekemy, aityhydỹna tyyhydỹmy boibekemy. Tai tiu òraruna-txi aixeõna.

<sup>11</sup> Kia wesekeki tahe deysana-di birònybenykre Jesuisi Kristu inyтарasadu òlòna bede-ò.

<sup>12</sup> Kia aõna aõna teerytenyte. Inatyhyna tetyhynyhy atximahãtenyte. Ihãrele tahe itxi aròhòtijiрадỹnyhyrenhyre.

<sup>13</sup> Tule warumy mahãreu, awimy idi rahòtinymahãre kia inatyhyna-di akanaixix-adỹnydenykre.

<sup>14</sup> Waumy dori kaki ele elelemy aririkre reeryre. Inynyrỹ Jesuisi Kristu dori kia wadee diteòsinyde.

<sup>15</sup> Aõu aõu tahe ararurunythyymy ararekre kaiboho kia ibutumy òhòti-ribi rosaòtyhykemy. Tule warubuhewo-ribi kia-di mohòtinyhy boibekre.

<sup>16</sup> Tahe adeereny Jesuisi Kristu themynynamy rarybere, aõ uritere tere ijyymy aõkò heka relyreri hãbu ijyyna-ribi aõkò ijyityhymy. Inyboho dori iny iòlòreny loosònatyhymy robimyhỹrenhyre.

<sup>17</sup> Tii dori Deuxu inytyby-ribi loosòna wowydyna-wana ritare. Tuu Deuxu loosònawo-ribi narybede: Kai heka Wariòre waluu tate. Jiarỹ reysamy watzireri adee.

<sup>18</sup> Kia rybe-ò jiarỹboho raholarenhyre tii-wana hãwãlò ratyy tyre-ki roiremyhỹu.

<sup>19</sup> Iwese juhu rybemy rybedu mahãdu rarybere wese, kiamy heka wiji inydeereny ritỹnynymy roimyhỹre. Kaiboho tule kia-ò boholahãbenyke bityhynmahãbenyke. Iwese iny loosòna-di bedeluru-ki, retehemyhỹre wese. Idi tahe Kristu kòdòhònykre, iwese tainahakỹ ròhònyre wese. Tahe aworeny-ki kanasỹnykreki ratxikre.

<sup>20</sup> Kia heka juhuu bierykre: Tyyritirybeò tiu ixiwanaale ritỹnydỹnyòtyhy.

<sup>21</sup> Deuxu rybe dori hãbudeewimy aõkò heka nade juhu Deuxu Tyytybythy hãbu dee rybe ritỹnyrenhyre aõmybo rarybekemy.

## 2

<sup>1</sup> Iwese juhuu inyy-ki rybedu inatyhyõna rarybere wese, tule ayreny-ki rybedu inatyhyõna kidierydỹnykremy. Tiiboho kedeerynanykre aõbinabinahãkỹmy. Tiiboho kidiitxenanydenykre. Tule Inynyrỹ kidiseõnykre. Tai tahe aõwesele rexihukre.

<sup>2</sup> Sõwemy iny iõta òta erydỹnyra rityhynykre. Tai iny witxira inatyhyõna ery dee ibinamy rarybekre.

<sup>3</sup> Kia rybedu inatyhyõna adyna-di ratxihyymy roireke tai adeereny raruimyhỹke. Anieru tarasanareny-ò.

<sup>4</sup> Iatysyna heka iõhõmy namahãde tule idi dehuna inatyhymy kòdòhònykremy ihỹre. Ỹju mahãdu raðrarunyreu Deuxu tõtxi ririõlemy reare tahe idi rehulemy reare bedebina heðty-ò.

<sup>5</sup> Iu bee-di Deuxu suu ritỹmynyreu, òrarudu mahãdu ituere Deuxu tõtxi ririõre. Noe, òbitina rybedule, ritare debò inatxi reurò iny-wana.

<sup>6</sup> Sodoma hãwã Omora hãwã-wana aõwesele Deuxu ritoonyre, raðrarunyreki. Brybymy relere. Tai heka iny ribedeerynymyhỹre òraru lau.

<sup>7</sup> Kia hãwã-ribi heka Lòjoi sohojile ritare. Lòò òbiti rare. Tii heka terare òrarudu mahãdureki. Tõtxi ririõhyre.

<sup>8</sup> Imahãdu-ki Lòò rasỹnyreu, txuõ txuõlemy iwo rabadewotyhyymyhỹre, aõbinawidỹmybo robire idi roholareki.

<sup>9</sup> Tahe òbiti widỹdu urihixina-ribi Inynyrỹ ridykemy rierymyhỹre. Tule ibinamy widỹdu mahãdu aõhõkỹmy dỹnana riraðmyhỹre. Ywisidỹnatxu kedehemynykreò.

<sup>10</sup> Ibutu ratyre urari òta òta widỹdu mahãdu aõhõkỹmy rotỹnykre. Tiiboho Deuxu ruru riseõnyrenymyhỹre. Ixi-di xiwededu wesemy rỹirenyre, ixiluudu wesemy rỹirenyre.

<sup>11</sup> Aõbinahakỹlemy biuludu mahãdumy rarybemyhỹreny. Tahe ỹju mahãdu iruruna ratyre-di hãre tamy ibinamy rarybeõmyhỹre, Deuxuko-txi.

<sup>12</sup> Tahe kia iykaraluu mahãdu iròdu deborehekỹ wesemy ratximyhỹre. Iròdu debore tahe bedehuduna widỹmy rare ada ròtenawo-ò rakelemy. Kia hãbu mahãdu aõmybo ròeryõhyymyhỹre dee ibinamy rarybemyhỹ.

<sup>13</sup> Tiiboho ixi-di dehuna-di ixi dee kedexiixãwinykre. Tiiboho òraru luumyhỹre tx-umy dori raðrarunyrenymyhỹre. Awanareny dori riroximahãre, aõbinahakỹtyhy wesemy ayreny-ki ratximyhỹ iðrarunarenymy rybe luureki.

<sup>14</sup> Tiiemy iru hãwydyhy retehemy ihỹre tamy òta òtalemy rõhõtynymyhỹre. Kia hãbu hãwydyhỹweduna rierymyhỹre. Hãwy urihimyo tỹwekeki kia hãbu idyna rybe-di rierymyhỹre hãwy-di aõbo tai riurarinymy taðbirenareny rihydỹnymyhỹre aõbo tai riurarinymy idi ratximyhỹre. Tiiboho tuedena nihikỹ-di ituerenykre.

<sup>15</sup> Òbitiry ririmyhỹreny. Reðsamyhỹreny. Balaaõry dori riheludunymyhỹreny Balaaõ, Beoro riòre òrarudwydỹnyamy ritakemy ratxireri iòraru luureki.

<sup>16</sup> Aõbinahakỹ riwinyreki rexiðwinyre. Kiamyre heka. Jumenta wesena rybeteremy tamy rarybere inyrybe wesemy iitxỹtena-ribi riixãwidinykemy.

<sup>17</sup> Tiiboho bedidehuna wese roire bee ihoõreki. Yhy biuwetty tiò ridymyhỹre wese kia hãbu mahãdu roire. Tamy bede luruhukỹ bede riyrubunymy rỹire.

<sup>18</sup> Tiiemy taðrarumy rarybehymy raremyhỹ inyõ aõta òta rybe-di ridykemy. Inyõ deòsary-ribi ròhònykeki, tii ridylemyhỹre ixbyle òraruna-ò.

<sup>19</sup> Tamyreny rarybemyhỹre ixideewimy boibekemy. Urile irybedureny òrarunawidỹna deòdumy ihỹreny.

<sup>20</sup> Iwese inyõ ijesuna-ribi riatymyhỹkeki, iatysydỹdu deòdumy rarekre wesemy. Ki-awesele tahe òraruna rare. Inyõ bede aõmydỹnana òraru-ribi ròhònykeki, tahe ixbyle ròðsekeki, teleu raremyhỹ ratyre ikonana ratỹnykre. Inynyrỹ Jesuisi Kristu dori tii rierymyhỹre juhuu tahe idi rexideyresanyre kia aõmydỹnana òraru-ò.

<sup>21</sup> Tiiboho ryòbiti rierymyhÿrenyre. Tahe bede ywina òbiti-ribi rexiòlòdÿÿnyre. Rieryòhyykeki tamy wimy tuu raremyhÿ, rytÿmyra ersy-ribi rohonyrenyreki.

<sup>22</sup> Tiiboho kia rybedÿÿna hitxina wesemy ihÿrenyre: –Ijòròsa tahylòina-ò ròòsere. Tule ijò rybedÿÿna wesemy: –Ixÿni bedi risuhòkeki, tii tasu burena-di ixbylye rexisunyke.

### 3

<sup>1</sup> Kia, waluuna mahādu warybe ritidÿÿna juhuludu aòkò rare ihewoludu rare. Warybe riti wiwanadile anohòti ijjradÿÿmy watxireri anohòti riraixixanykemy.

<sup>2</sup> Deuxu rybemy rybedu òbitimy rarybemyhÿre òhòti-ribi rosaòkre, tule Inynyrÿ iny tarasadu bede ywina nohòti losaòmy iwese tarybe deòdu adeereny rierynanyre wese.

<sup>3</sup> Ibutu ratyre, kia-ribi nohòti losaòmy. Ikonana txuu hābu binahakÿ rybe binatyhy-di kòdòidenykre. Kia hābu òta òta widÿÿlemy ròhòtinymyhÿre.

<sup>4</sup> Kiamy hābu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naòhyymyhÿde. Ibutumy heka juhu bedeu ixì wese hyylemy bede roimyhÿre.

<sup>5</sup> Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure.

<sup>6</sup> Bedi juhūu bede ibutumy rexihura.

<sup>7</sup> Tule wiji irybedile bede rÿimyhÿre. Tahe ixbylye kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hābu tòhòti rosare.

<sup>8</sup> Tahe aòsohojibo, waseriòreboho, nohòti-ribi loosarennyòmy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aò aòkò rare.

<sup>9</sup> Inynyrÿ tarybewesele aòna aònamy kodotÿÿnykre. Aò raroorehenymyhÿre aòkò rare urile tahe hābu riraòhyymy rÿimyhÿre hābu taòraru-txi tòhòti reakemy. Ibutumy tarasana-ki rÿikemy dori idi ratxireri.

<sup>10</sup> Wasidu namyhÿde wasimy Inynyrÿ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre.

<sup>11</sup> Òbitimy rakatxirenyke. Kia ibutumy ròhònyreki.

<sup>12-13</sup> Inyboho heka riraòmyhÿrenyre biuwetyy tÿmyra sutÿmyra-wana. Inynyrÿ dori rarybere kia kidiwahinykremy.

<sup>14</sup> Tai heka waseriòre waluuboho, òbitimy atximahābenyke kia-ò dori teraòmahātenyete. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy.

<sup>15</sup> Rexiroorehenymyhÿre ibutumy iny tarasanarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre.

<sup>16</sup> Kiamy tule aòna aònamy tii ròritidÿÿre. Tahe iritina-ki aòbo isiratyhyre ierykònatyhymy roire òbiti mahādu aòkò kia rybe-di aòwitxiramybo rierynanymyhÿre. Iwese ijò Ryberiti-di riwinyre wese. Tai heka tiiboho ituerenyre.

<sup>17</sup> Kaiboho tahe waityhydÿÿdu seriòre bexihārubenyke ilau teòsana-di aradyrennyheny. Tai kaiboho beòsabenyke.

<sup>18</sup> Inynyrÿ Jesuisi Kristu wiòhedÿÿna-di ibedeerydÿÿna-di maumynybenyke. Wowydyna ibutumy tamy kanakemy idi wāhāre wiji tyhymy rareke. Kie.

## 1 JuaŌ

### 1 JoaŌ Tyyriti

<sup>1</sup> Jiarỹboho akoreny retỹnyreri, Jesusimy. Tii Rybe rininirenyra. Tii juhubedeu raremyhỹ. Jiarỹboho rabirenyra, tarybemy aholarenyra, tamy reteherenyre, aŏbo riwinyreŏ, tule tamy iny rerimyhỹre. Tii inydeereny umytỹmyra riwahinyreri.

<sup>2</sup> Umytỹmyra tuedeŏna Deuxu inytyby-ribi rehemynyra. Kia umytỹmyra tuedeŏna Jesuisi-di rare. Jiarỹboho tuu rabirenyre. Tii rexideŏsinyre inyrenyko-ŏ. Kia tahe adeereny relyreri iwese raremyhỹ wese.

<sup>3</sup> Aŏbo iny roholare wese, tuu rabire wese, kia tahe tuu relyreri inyboho wilu-urenykemy winohŏtiwesele rŏkŏhŏtinyrenykeny. Inyboho rahŏtinyrenyri iwese Deuxu inytybyreny, Jesuisi Kristu Deuxu Riŏre-wana wiwese rŏhŏtinyre wese.

<sup>4</sup> Kia tahe waryberiti adee rewahinyreri adeesamy rakatximahãrenykeny.

<sup>5</sup> Kiamy tahe Jesuisi inydeereny relyreri: —Deuxu txuloosŏna wese ratximyhỹre. Deuxu-ŏ bedeluru aŏmydỹnana rehemynyŏtyhy kiamy adeereny relyreri.

<sup>6</sup> Inyŏ rarybekeki: —Jiarỹ Deuxu-wana winohŏtiwesele rahŏtinymahãre. Kia iny bedeluru aŏmydỹna-di ratxireriki, kia iny raruimyhỹre.

<sup>7</sup> Tahe inyboho loosŏna waŏmydỹna riwinymyhỹrenykeki iwese, Deuxu loosŏnawo-ki ratximyhỹre wese, tai inyboho wiwesele rŏhŏtinymyhỹke. Tahe Jesuisi, Deuxu Riŏre hãlubu ibutumy iny ŏraru-ribi iny risuhŏmyhỹke.

<sup>8</sup> Inyŏ rarybekeki: —Jiarỹ raŏrarunyŏhywãhãre, kia rybe-di tii ixidee riitxenanymyhỹre. Tii raruire rityhynyŏre.

<sup>9</sup> Iny taŏrarurenymy relyrenykeki, Deuxu tiemy ŏbiti rare, tii iny ŏrarurenny iny-ribi riixãwididỹnykre. Aŏbo iny iwo-ki isuisumy ihỹre tii rityranyke.

<sup>10</sup> Inyŏ ŏrarudikemy aŏkŏ raryberenykeki, inyboho Deuxu ruidumy rarybemahãreny. Kia iny Deuxu rybe rieryŏhyymyhỹre.

## 2

<sup>1</sup> Kaiboho wariŏre wese atximahãtenynte. Adeereny waryberiti rewahinyreri, kaiboho ŏrarurennyŏmykeny. Iny ŏraruna-txi resekeki, iny wiŏhedỹdurenny dire. Tii Jesuisi Kristu rare. Őbiti rare ŏraru ijyydumy rarekeny Waha Deuxuko iny wiŏhedỹny.

<sup>2</sup> Tii dori itxeŏnihikỹ-ki rurura iny ŏraruŏwydỹ-ki. Inysohojile ŏraru aŏkŏ rurura tahe ibutumy iny ŏraruŏwydỹ-ki.

<sup>3</sup> Tiwesebo inyŏ rexierykre Jesuisi rieryrenykeny rityhynymyhỹkeki karybe bede ywina wese rierykre tii rexierykre Jesuisi rityhinyreri wana.

<sup>4</sup> Inyŏ rarybekeki: —Jiarỹ Jesuisi reeryre. Irybe bede ywina riywinyŏkeki, iny ruidu rare. Inatyhyna rityhynyŏre.

<sup>5</sup> Inyŏ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireri-wana.

<sup>6</sup> Inyŏ rarybekeki: —Jiarỹ Jesuisi mahãduwo-ki watxireri. Tamy kia wese rỹikeki. Aŏmybo Jesuisi rotỹnyre wese, tii tule rotỹnyke.

<sup>7</sup> Ityhydỹduseriŏre, adee bede ywina tỹmyra aŏkŏ rewahinyreri. Bede ywina tyby kia rare. Kia juhuu teerytenynte. Inyboho wiluurenykeny, kia bede ywina tyby rare, juhuu taholatenynte.

<sup>8</sup> Kia rybe bede ywina itỹmyra rare. Jiarỹ adee rewahinyreri. Kristu dee inatyhy rare tule adee inatyhy rare. Bedeluru rŏhŏnyra, loosŏna inatyhy bede-ŏ ralŏmyhỹre.

<sup>9</sup> Inyŏ rarybekeki: —Jiarỹ loosŏnawo-ki watxireri. Kia iny taityhydỹdu seriŏre luuŏkeki, bedeluru-ki ratximyhỹre.



<sup>10</sup> Inyõ taityhydÿÿdu seriõre luukeki, kia sohojile loosõnawo-ki ratxireri. Aõ aõkõ tii riatydÿÿnyra.

<sup>11</sup> Inyõ taityhydÿÿdu seriõre rexihitxinykeki, bedeluru-ki rariamyhÿre. Titxibo rakre rieryõhyymyÿre. Bedeluru dori ruetàna rare.

<sup>12</sup> Adeereny warybe rewahinyreri wariõre wese aõraru dori, tii riixãwididÿÿnyre Jesuisi õraru-ki.

<sup>13</sup> Iumy mahãdu-ò warybe riti rewahinyre adiwahinyde, kaiboho dori tuu teerytenynte. Tii hykyle dori juhoo raremyhÿ. Ijoityhy-ò waryberiti rewahinyre, Satanasimy tahaÿnanytenynte.

<sup>14</sup> Wariõre, inytyby Deuxu teerytenynte. Iumy mahãdu, adeereny aratyyritinykre, kaiboho dori tuu teerytenynte. Tii hykyle dori juhoo raremyhÿ. Ijoityhy, adeereny aratyyritinykre, Deuxu rybe dori õhõtireny-ki ratxireri, arurudireny dori. Satanasimy tahaÿnanytenynte.

<sup>15</sup> Bede aõmydÿÿnana luurenykõmy boibeke. Inyõ bede aõmydÿÿnana luukeki, Deuxu inytyby luuna rieryõke.

<sup>16</sup> Kia bede aõmydÿÿna rare: õraru luuna, aõmy robira-wana tuure, aõna aõnamy ixityhydÿÿna. Kia Deuxu-ribi aõkõ nade. Kia bede aõmydÿÿna-ribi nade. Kia bede aõmydÿÿna-ribi nade.

<sup>17</sup> Kabede ixãwikre taaõmydÿÿna òta òta-wana. Deuxudeewimy widÿÿdu tiu ixãwiõtyhy. Tii awimy rÿirakre.

<sup>18</sup> Wariõre wese. Ikonana bededÿÿnana iõhõmy roire. Adeereny narybede Kristu òludu kanakemy. Betehe inihe, Kristu òludu sõwemy dehemynde. Kiawese inyboho rieryrenyre ikonana bededÿÿnana iõhõmy roire.

<sup>19</sup> Kia Kristu-ò òludu iny mahãdu wotya-ribi rõhõnyrenyra. Tii ityhydÿÿdutyhymy aõkõ ratximyhÿre. Ityhydÿÿdu mahãdu tiu rõhõnyõtyhy. Rõhõnyrenyreu, ibutumy rieryre, kia iny mahãdu aõkõ ratximyhÿre.

<sup>20</sup> Kaiboho aõmydÿÿnana ibutumy teerytenynte Deuxu Tyytybytyhy direki.

<sup>21</sup> Kia rybe adee aratyyritinyke, kaiboho dori Deuxu rybe inatyhyna teerytenynte. Tiu rui Deuxu inatyhyna-ribi rõhõnyõhyymyÿre. Kia tahe teerytenynte.

<sup>22</sup> Moheka ruidu rare. Inyõ rityhynyõkeki Jesuisi Deuxu deòdÿÿna raremy, tii tahe ruidu rare. Inyõ Kristu Deuxu-wana ritxiõnykeki, tii Kristu òludu rare.

<sup>23</sup> Inyõ Deuxu Riõre ritxiõnykeki, tii Deuxu-wana aõkõ ratxieri. Inyõ rarybekeki: – Deuxu Riõre retyhinyre, tii Deuxu-wana ratxireri.

<sup>24</sup> Juhoo aõõbo roholare taholamy toitemyhÿ idi mohõtinybenyke. Idi mohõtinyinmahãbenykeki, Deuxu, Iriõre-wana aõu sõu matxibenyke.

<sup>25</sup> Jesuisi Kristule juhoo inydeereny narybede, umy ituedeõna inydeereny kidiwahinykemy.

<sup>26</sup> Kia waritina jiarÿ wiji rehura. Aitxenadÿÿdu lau adee reritinyra.

<sup>27</sup> Abedeerydÿÿna Kristu tatyytyby adeereny riwahinyre. Tii tahe awanale ratxireri. Aerydÿÿdu aõkõ adeereny rauhenyrenyeri. Tii tahe inatyhy bedeerydÿÿna ibutumy araerynanyeri. Rui aõkõ rare. Iwese tii araerynanyreri wese, ibutumy biyrubunmahãbenyke. Kia tahe Kristu-ki hykyle bexiemyhÿbenyke.

<sup>28</sup> Wiji, wariõre wese aõu aõu boibekemy Deuxu mahãduy-ki. Tai Jesuisi kaò kedehe-mynykeu, buberuõtyhy ada maixÿruõtyhy ilau.

<sup>29</sup> Deuxu õbitityhyhy ratximyhÿre. Kia teerytenynte. Inyõ õbitimy rarekeki, Deuxu riõremy rareke. Kia tule teerytenynte.

### 3

<sup>1</sup> Boholake, inytyby Deuxu taluuna nihikÿ inydeereny riwahinyre. Inyboho dori tii rininirenyre Deuxu Riõremy. Inatyhymy inyboho Deuxu Riõremy roire. Kia tahe

ityhydỹđukõdu mahãdu rieryõre. Tiiboho dori Deuxu inytyby rieryõhyymyhỹre.

<sup>2</sup> Waluuna mahãdu, inyboho Deuxu Riõremy roire. Rierykõrenykre timybo iny rokoirekremy. Kia inyboho rieryrenyre: Jesuisi kodobehekrey, inyummy taummy wese risỹnykre. Inyboho dori kodobidenykre iwese rarybemyhỹ wese.

<sup>3</sup> Inyõ Jesuisi wesemy rarekemy ratxikeki, iwese Jesuisi õbitimy raremyhỹ wese tii rareke.

<sup>4</sup> Inyõ Deuxu bedede ywina rybe rityhynykeki, tii rexiõrarunyke. Kia heka õraruna rare.

<sup>5</sup> Jesuisi dobehede õraru tarasadummy rarekemy. Kia teerytenyete. Jesuisi inatyhummy raõrarunyõhy raremyhỹ.

<sup>6</sup> Inyõ Jesuisirykihiyy rarialeke, tii õraruõmy rareõtyhy. Inyõ õrarummy rarehyykeki, tii Deuxu rieryõhyummy rareke tuu robiõhyummy rareke.

<sup>7</sup> Wariõre wese, itxenadỹđdu lau bexiyrubunyke iny aõmydỹđnana õbitimy riwinykeki, iny õbitilemy rareke, iwese Jesuisi õbitimy raremyhỹ wese.

<sup>8</sup> Inyõ õrarunadityhy raretyhykeki, tii Diabo mahãdu-di rareke, Diabo heka õrarauna-ki hyy nodure. Tai kaõ Deuxu riõre nade Diabo aõmydỹđnana ixãwikemy.

<sup>9</sup> Inyõ Deuxusỹ riõrekeki tii õraruna-txi reseõlemy ratximyhỹre Deuxu dori iwo ritymyranyre. Tii reseõhyky rareke. Deuxusỹ dori rare.

<sup>10</sup> Kia wese iny rieryrenykre inyboho iriõre Deuxu riõremy roire ada Diabo riõremy aõbo, inyõ Deuxu deewimy riwinyõkeki, tii Deuxu Riõre aõkõ rare. Inyõ taityhydỹđdu seriõre luuõkeki, tule Deuxu Riõre aõkõ rare.

<sup>11</sup> Kia bedede ywina rybe juhoo taholamy tatemyhỹ ihãre tadoholamahãte. Kia heka rare: iny wiluukemy.

<sup>12</sup> Iwese Kai taserõre rirubunyre wese aõkõ rikiwinykre. Tii dori Satanasi mahãdu rare. Aõherekibo tasewriõre rirubunyre. Iaõmydỹđna Deuxu dee awiõre Iserõre aõmydỹđna Deuxu dee õbitire tai tahe rirubunyre.

<sup>13</sup> Waseriõreboho, ityhydỹđukõdu mahãdu eramy ratximyhỹ. Kia-di bededeõtiidỹđomyke.

<sup>14</sup> Inyõ ityhydỹđdu seriõre luukeki, tii rubummy rỹire wese mahãdu-ribi rõhõnyre. Kia reerymyhỹrenyre. Tahe umytuedõna-ki rahara. Inyõ luuõkeki, tii rubummy rỹirawese mahãdu-ki ihỹmyhỹke.

<sup>15</sup> Inyõ taseriõre derakeki, tii rubudỹđdu wese rare. Boholake, kia teerytenyete. Rubudỹđdu umytuedeõna-ki rahaõtyhy.

<sup>16</sup> Kiawese luuna rikieryrenke dori Kristu rubu-õ rexiwahinyre inydeereny tõemy. Tai tahe inyõ taseriõre dee rurukeki iluuna sõwerekiki. Tii tahe awire.

<sup>17</sup> Inyõ ityhydỹđdu seriõre aõhokỹmy rotỹnykeki, rama rahukeki, tuu robike aõ ijõdikeki, tahe iny riwiõhenanyõkeki, tii Deuxu luuna-di aõkõ ratximyhỹre.

<sup>18</sup> Wariõre wese, luuna urile tuu rybena aõkõ rare. Aõhebo rotỹnykemy ihỹre. Kia tahe aluuna inatyhummy biteõsinyke.

<sup>19-20</sup> Kiawese iny reeryrenyre inatyhyna mahãduwo-ki ratximyhỹre. Jiarỹ arahõtinykeki. Jiarỹ aõkobo ityhydỹđdumy watximahãre. Deuxu warayky riwiõhenanymy ratxireri. Deuxu warayky ratyre raraykywydynanymyhỹre. Tii ibutumy aõ rieryre.

<sup>21</sup> Waluuna mahãdu, ruberuõhyymyhỹre tahe iny ityhydỹđdu mahãdu-ki ratximyhỹre wana rieryreki Deuxu iny rityhynyre.

<sup>22</sup> Tahe aõmy iny rexitõdenykeki tii inydee kidiwahinyke. Iny dori ibede ywina rybe rityhynymyhỹre. Deuxu deewimy iny riwinymyhỹre.

<sup>23</sup> Kia heka Deuxu bedede ywina rare. Jesuisi Kristu, iriõrenimy rikityhynykemy. Tule iny wiluuna wiluukemy. Iwese tabede ywina rybe diwahinyde wese rarekemy.

<sup>24</sup> Inyõ Deuxu bedede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytytybytyhy dori inydee riwahinyre.

## 4

1 Waluuna mahãdu, ibutumy rybe bityhynybenyõke inihe ityhydÿÿrenyõmy. Tai biurihike iny rybe Deuxu-ribi inatyhy aõbo ada aõkõre aõbo. Sõwemy rybedu mahãdu rõhõnymyhÿre. Tahe inatyhymy Deuxu rybemy rybedu aõkõ rare.

2 Kiamy Deuxumy rybedu mahãdu inatyhymy bierykre, inyõ rarybekeki: Jesuisi Kristu hãbu wesemy nade, tii inatyhy Deuxu mahaduõ ihÿre.

3 Inyõ kiamy rarybeõkeki, tii Deuxu mahãdu aõkõ ratximyhÿre. Kia Kristu òluduõ rare. Tamy taholamahãte kanakreò, tahe, kia ratximyhÿre.

4 Wariõre wese, kaiboho Deuxu mahãdumy toite. Rybedu inatyhy aõkõ rare, kia ruru tetatenyte. Deuxu dori aworeny-ki ratximyhÿre Deuxururu, Diabo ruru ratyre rare.

5 Inatyhymy rybedu aõkõ aõmydÿÿnana binamy relyymyhÿre. Tii dori ka bede aõmydÿÿnana bina mahãdu rare. Tahe ityhydÿÿdukõdu mahãdu tamy roholamyhÿre.

6 Inyboho Deuxu mahãdu roire. Inyõ Deuxu rierykeki, inydeereny roholamyhÿre. Inyõ Deuxu rieryõkeki, inydeereny roholaõtyhy. Kiamy rikierymyhÿrenyke inatyhyna mahãdu inatyhyna aõkõ mahãdu.

7 Waluuna mahãdu, wiluomy rakatximyhÿreny. Luuna dori Deuxu-ribi nade. Inyõ luukeki, Deuxu-ribi tibie rare. Iny Deuxu rieryre.

8 Inyõ luuõkeki Deuxu rieryõre. Deuxu dori luuna rare.

9 Kia wese inyboho rieryreny Deuxu inyluuremy ratxire. Deuxu Tariõre sohojile diteõnyde bede-ò inyboho Iriõre-ki umy tÿmyra-ki rahakemy.

10 Kia heka luuna rare. Juhuu Deuxu iny tuu aõkõ rare. Tii tahe inyluure. Tule tariõre diteõnyde inyõraru òwy òwydÿÿnanykremy.

11 Waluuna mahãdu, Deuxu inyluurenytyhyreki, tai tahe inyboho wiluomy rokoireke.

12 Tiu Deuxumy inyõ robiõhykyre. Inyboho wiluomy rÿikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhÿre.

13 Deuxu iny-ò Tatytyby riwahinyre. Kiamy tahe inyboho rieryrenyre tamahãdu-ki ratximyhÿre. Tule rierymyhÿreny tii iny-wana ratximyhÿreny.

14 Deuxu Riõremy inyboho robirenyra Tulobixidumy inyboho roire. Tuu adeereny relyreri. Deuxu Tariõre diteõnyde iny tarasadumy rarekemy.

15 Inyõ rityhynykeki idi rarybekeki: Jesuisi Deuxu Riõre rare, tii Deuxu-di tawo-ki ratxireri. Tii Deuxu-wana ratxireri.

16 Inyboho rieryreny Deuxu inyluurenyre. Kia iny rityhynyreny. Duexu heka luuna rare. Inyõ luuna-ki ratxihyykeki Deuxu tii-wana ratxihyyke. Tii Deuxu-wana ratxihyymyhÿke.

17 Iny luunareny Deuxu-ò rauhenyõreri. Tai tahe Deuxu wiribi ritxuakre kia txuu inyboho kiatxulau ruberuõtyhy. Iwese tii ratximyhÿre wese inyboho kabede-ki ratximyhÿreny.

18 Inyõ luuna-di ratxityhykeki, tii ruberuõtyhy. Luunatyhy brebuna-di rehumyhÿre. Aõhõkÿmydÿÿnana brebuna kidiwahinyleke. Inyõ brebuna-di ratxikeki, tamy aõhÿkÿmy dÿÿnana kanakre.

19 Juhuu Deuxu inyluurenyre, tai tahe inyboho iluurenyre.

20 Inyõ rarybekeki: —Jiarÿ Deuxuluure. Tai tahe tii ityhydÿÿdu seriõre luuõkeki, tii ruidu rare. Inyõ taityhydÿÿduseriõre luuõkeki, timykibo Deuxu luumy rarekemy iximy rõhõtynyke Deuxu dori tiu tuu robiõhyymyhÿre, taseriõremy tahe robihyky ihÿre.

21 Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydÿÿdu seriõre luumy ratxikre.

## 5

1 Jesuisi inatyhymy Kristu rare, Deuxu deòdÿÿna rare, inyõ rityhynykeki, tii inatyhymy Deuxusÿ mahãduwo-ki ratximyhÿre. Inyõ Deuxu luukeki, tule iriõre luukre.

<sup>2</sup> Inyboho Deuxuluukeki tarybe ywina rikiywinykeki, tai Deuxu tibiedỹna mahādu luumy rikiryrenyke.

<sup>3</sup> Deuxu rybe ywina rikityhynykre, irybe ywina dori isiraõre. Tai inyboho Deuxu luuna riteõsinykre.

<sup>4</sup> Deuxusỹ mahādu bede aõmydỹnanana bina bina ruru ritamyhỹre iny Deuxu rityhynyrenyke, kia bede bina bina ruru ritarereri.

<sup>5</sup> Mo tahe kia ijesu tarasadure. Inyõ Jesuisi Deuxu Riõre raremy rityhynykeki, tii bedebina bina ijesu tarasadu rare.

<sup>6</sup> Jesuisi Kristu nade. Inyõ tii riratisebenyre idi rare rurukremy tahālubu ritxiwikremy. Rexiratisebenykemy sohojile aõkõ nade, tule tahālubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare.

<sup>7</sup> Inataõ aõmydỹnanamy inydeereny rarybere: Deuxu Tyytybytyhy ijõre, Jesuisi ixirati sebedỹna ijõre, Jesuisi rubudỹna ijõre.

<sup>8</sup> Kia inataõ aõmydỹnanamy wiwese wiweselemy rarybereri.

<sup>9</sup> Hābu rybe iny rityhynymyhỹre. Deuxu rybe hābu rybe ratyre rikityhynymy rakatximyhỹrenykre. Kiamy Deuxu Tariõremy rarybereri.

<sup>10</sup> Inyõ Deuxu Riõre rityhynykeki, aõbo inatyhy ixidee rieryre. Inyõ rityhynyõkeki, tii Deuxu-di ruidumy rōhõtinyreri. Tii dori rityhynyõreri timybo Deuxu tariõremy rarybere.

<sup>11</sup> Kia rybe rare: Deuxu inydeereny umytuedeõna riwahinyre. Tii tiu umy ituedeõna iriõre-ki inyboho rakaharenyke.

<sup>12</sup> Inyõ Deuxu Riõredikeki, tii umytỹmyra tuedeõna-ki rahake. Inyõ Deuxu Riõre-di aõkõkeki, tii umytỹmyra tuedeõna-ki tahasaõna.

<sup>13</sup> Kia aõna aõna adeereny retyyritinyre kaiboho umytuedeõna-di atxitenyteri bierybenykemy. Deuxu Riõre tetyhynytenyke.

<sup>14</sup> Inyboho Deuxudeewimy rexitõenymyhỹrenyre, Deuxu iny-ò roholamymyhỹre. Kia tahe inatyhymy rybena rare.

<sup>15</sup> Inyboho rierykeki tii inydeereny roholamymyhỹre, tai rierymymyhỹrenyre tii inydeereny riwahinyke aõmybo iny tamy rexitõenynereri.

<sup>16</sup> Iny ityhydỹdu seriõre rubu-ò aõkõ òraruna-txi resekeki, tamy Deuxu-ò rexitõenyrenyke, Deuxu kia riwiõhenanykemy ixyby Deuxu-ò ròðsekemy. Tii rubu-ò òraruna-txi resekeki, jiarỹ adee ararybeõkre tamy bexitõenykemy.

<sup>17</sup> Ibutumy òbiti aõkõkeki, òraruna rare. Òraruõ rubudỹnahyky kidiwahinyõkre.

<sup>18</sup> Inyõ Deuxu-ribi tybiekeki, òrarunahyy-ki rareõtyhy. Kia inyboho reeryrenyre. Deuxu Riõre ryrubunymyhỹre. Diabo iribi ròtaõtyhy.

<sup>19</sup> Deuxuhõrõ inyboho roire. Kia inyboho rieryrenyre. Kabede bina mahādu taaõmydỹna-wana Diabo hõrõ rare.

<sup>20</sup> Tule inyboho rieryrenyre: Deuxu Riõre inatyhymy kaò nade. Tii rierynanyre mobo Deuxu inatyhy raremy. Deuxu-wana inyboho ratximymyhỹrenyre, inyboho-dori Jesuisi Kristu Deuxu Riõre-wana ratximymyhỹrenyre. Kia heka inatyhymy Deuxu rare. Kia inatyhymy umytuedeõnamy rare.

<sup>21</sup> Wariõre wese, bexihāruke ibutu bedeòraruna lau.

## 2 Juaõ

### 2 Juaõ Ryberiti

<sup>1</sup> Jiarỹ dohodỹna matuari mahãduõ warybe rare. Watyyriti rewahinyreri Deuxu ywisidỹna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre.

<sup>2</sup> Inatyhyna dori inyworeny-ki ratxireri. Ratxityhyhyymy ratxike.

<sup>3</sup> Kia dori inatyhy inydeereny tate luuna-di. Deuxu deysana, ruxetòena, ywina adeereny kanakemy watximahãre Deuxu Waha-ribi, Jesuisi Kristu, Iriòre-ribi.

<sup>4</sup> Ariòre mahãduy-ribi inatyhymy ijõ ityhydỹdumy ralore. Kia reeryreu, jiarỹ wadeysatyhyre ariòre Deuxu bede ywina rityhynyrieriki.

<sup>5</sup> Adee arexitòenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹnyreri. Kia heka rare: iny wiluukemy rakatximyhỹrenykemy.

<sup>6</sup> Bede ywina rybe rikityhynyhyykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke.

<sup>7</sup> Sõwemy hãbu itxenadỹdu tyhy kabede-ò dòhònyde. Tiiboho Jesuisi hãbuwesemy nade rityhynyõlemyhỹre. Kia itxenadỹdutyhy tule Kristu òludutyhymy roire.

<sup>8</sup> Tamyreny bexiebeny, inyaõmydỹnana aõmysỹdỹnatyhy-di ritaremy iõkõkemy, Deuxu wahidỹnaðwy ibutumy ritakemy.

<sup>9</sup> Inyõ Kristu erydỹnana-ribi ròhònykeki tule iwitxira erysyna rierynanykeki, tii heka Deuxu hòrõ aõkõ rare. Inyõ Kristu erydỹnana-ribi ròhònyõkeki, tii Deuxu dire iriòre dire.

<sup>10</sup> Tai tahe itxenadỹdu Kristu erydỹnana erydỹdu aõkõ aheto-ò rehemynykeki, uritere iròtedỹõmy, irybedỹõmy.

<sup>11</sup> Inyõ rirybenykeki, iaõmydỹnanabina-ò riwiòhenanyreri.

<sup>12</sup> Jiarỹ warybe sõwemy adibutunywãhãde. Urile tyyriti-di ariritinyõkre. Arorarenymy dori arakemy watxireri. Kiamy rybe sõwemy ròhònykre inysõwemy reysakremy.

<sup>13</sup> Aseriòre Deuxu ywisidỹna mahãdu senadu, kia riòre tarybe wehityhyna adee riwahinyreri. Kie.



## 3 Juaõ

### 3 Juaõ Ryberiti

<sup>1</sup> Jiarỹ, dohodỹna matuari mahãduõ rare. Wabiõwa-ò, Kaio-ò watyriti rewahinyreri. Inatyhymy aluummy watzimahãre.

<sup>2</sup> Waliina, juhuutyhy Deuxu-ò arãixitòedỹnyra aaõmydỹna tule aummy wihikỹhykymy mabekemy, iwese atyytyby awire wesele ratxireri.

<sup>3</sup> Inyseriõre wese aribi rehemynyrenyreu, wako relyyrenyre umy iwese kai òbitimy tate wese tule inatyhyna-ki tateri wese. Tai wawo reysamy watzimahãre.

<sup>4</sup> Jiarỹ raholamahãreu wariõre wese Deuxu inatyhyna rityhynyrreriki, kia ibutu ratyre wawo riteysadỹnytyhyre.

<sup>5</sup> Kai tahe, Kaio, kowa inyseriõre tule iwitxira ludu seriõre teeryõteki, tewiõhenanyteu aõmydỹnana wihikỹ tewinymahãte.

<sup>6</sup> Inyboho wirotyra-wana, kia hãbu iny seriõre aluunamy rarybera. Ibedetỹnana-ò biwiõhenanykeki, aõwihikỹ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysỹdỹnykre.

<sup>7</sup> Kia dori kianimy rõhõnyre. Ityhydỹdu mahãdu-ribi aõ ritaõhykyre.

<sup>8</sup> Kia wese tahe tuu rikiwiõhenanymyhỹke. Tai tahe Deuxu aõmydỹnana tỹnydỹna riwiõhenanymyhỹre.

<sup>9</sup> Ratyritinymahãre kowa ityhydỹdu mahãdu-ò. Inyõ tahe warybe-ò roholaõmyhỹre. Tiiboho dori juhuludukemy ratxireri. Diõtesi inire.

<sup>10</sup> Aõu arehemynykreu, ararybekre aõmybo tii rotỹnyre tule aõbinamybo rarybere inymy. Aõ tiihykyle aõkõ, iny ityhydỹdu seriõre hãwãwitxira ludu ixidee tarora-ò rinyõtyhy. Inyõ kia seriõreõ rinykeki, tii riixãwidinyre idy-ribi tii seriõredyna-õ dohodỹdu mahãdu-ribi hitximy riteõnyre.

<sup>11</sup> Waleina, kai Kaio, òrarudu mahãdu aõhebo rotỹnyre wese aõ kai tate. Iny wihikỹ wese kai tate. Inyõ aõwihikỹ riwinykeki, Deuxu hõrõ tii rare. Aõkõkeki Deuxu rieryõre.

<sup>12</sup> Ibutumy Dimitiu dee inatyhyna-di aõwihikỹmy rarybere. Inyboho tule. Kaile teeryte inyboho inatyhy rarybere.

<sup>13</sup> Sõwemy rybe adee ariwahinykemy watzireri. Tahe aõkõre tyyriti ritina-ki.

<sup>14</sup> Eleelemy arakemy dori watzireri aroramy tai tahe widee rakarybekre.

<sup>15</sup> Deuxu awo-ki riyrykemy idi watzireri. Abiõwaboho kaki awehityhy risareri. Wabiõwaboho sohoji sohoji kowa-ò warybe wehityhyna biwahinykre.

## Judas Judas Tyyriti

<sup>1</sup> Jiarỹ Juda rare. Jesuisi Kristu deòdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahãbenyke Kristu nonana-ò. Watyyriti adee rewahinyre.

<sup>2</sup> Ruxetòena adee kanakemy watzireri Deuxu-ribi. Ywina sówemy aworeny-ki atx-ibenykemy adireny watzireri. Wiluuna sówemy akireny ihỹke, Deuxu-ribi.

<sup>3</sup> Jiarỹ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahõtinyra. Inyboho heka ibutumy Deuxu sỹ mahãdu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahãduõ adee nade iny inythyyna riwitziradỹnykemy adireny ratxireri. Iny heka inatyhyna biyrubunybennyke òbitimy rarehyke.

<sup>4</sup> Kia òbitikõ mahãdu ayreny-ò ralòra. Tiiboho Deuxu rityhynyõre. Deuxu inydeereny awi heka rare òraru-ribi iny ritarenyreki. Kia òbitikõ mahãdu tahe kia wese rarybere: –Òraru-di atxikeki, kia aõ aõkõ rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: –Deuxu bityhynybenyõke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehetõybina-ò riteònyke.

<sup>5</sup> Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahãdu heka Deuxu ritare Egito bede-ribi. Idi tahe imahãduõ rityhynyõre. Tai tahe imahãdu rahurenyre. Kia teerytenyte. Itxi õhõtireny reakre.

<sup>6</sup> Ýju mahãduõ tule juhuru Deuxu deòdumy ihỹre. Idi tahe taaõmysỹdỹyna ririre. Tai Deuxu ròtena bedeò-ò riteònyre. Bedelorohokỹ ihỹre. Kabederawo-ki roire. Tiu heka iribi riòlòdỹnyõtyhy. Deuxu bededỹynana riywinymy roimyhỹre aõhõkỹmy isỹdỹynana-ò. Tai tahe ýju wesemy kia òbitikõ mahãdu rỹike, Deuxu itỹnydỹydumy rỹikre.

<sup>7</sup> Ijõ ijyy teeryte. Inatxi hãwã ihetxiu ibinatyhy rare: Sodoma, Omora-wana. Ijõ hãwã tule ibinatyhy rare. Kia hãwã yludu mahãdu ibutumy heka òta òtanale riwinymyhỹre. Hãbuõ dori wiwana rexiòrarunymyhỹre, hãwyy tule wiwana wahe. Tai tahe Deuxu ihãwã rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aõhõkỹmy dỹynana riwahinyre.

<sup>8</sup> Kia tule òbitikõ mahãdu-ò riwahinyre. Tiiboho dori ibinamy riwinymyhỹre. Aõbinalemy raraykynymyhỹreny, taumyreny risurisunymyhỹreny òraruna-di. Deuxu rityhynyõre tule ýju ruruna-di risinymyhỹreny.

<sup>9</sup> Tiiboho Mieli wesemy aõkõ riwinyre Mieli heka Deuxu ýju dinoduõ rare. Tii Satanasi-wana wiribi òtummy rarybemyhỹreny, Moisesi umy òraru-ki. Mieli heka ritirỹmyhỹre iummy ridyke lau. Iu Mieli Satanasi-ò rarybereu urihimyo rityhynymy rarybere, ixinohõtidle ritehiõtyhy. Urile rarybere: –Deuxule aratehikre.

<sup>10</sup> Kia òbitikõ erydu mahãdu aõbina riwinymyhỹreny. Aõbinalemy tyytyby bede aõmydỹynanamy rarybere kia rieryõmahã hãrele. Kabede aõmydỹynanale rierymyhỹre iwese ibutu iròdu mahãdu rierymyhỹre wese. Tiiboho heka iròdu aõna aõna nohõtjuranadile aõna aõnany rotỹnynymyhỹre. Tai rexihurenyre.

<sup>11</sup> Deuxu heka kia mahãdu kiditynynyke, Kaĩ reòsamy raremyhỹ wese dori reòsareki. Aõbo Kaĩ ixidi riwinykemy rõtõtynymyhỹre heka riwinymyhỹre. Kia mahãdu tule Balaaõ wesemy riwinymyhỹre. Balaaõ nieru sówemy ritakemy ixidi ihỹmyhỹ. Tai tahe Deuxudeewimy riwinyõre. Tule kia mahãdu Kore wesemy riwinymyhỹre. Deuxu òludumy rexisỹnyre. Tai rexihurenykre iwese Kore mahãdu rexihure wesemy.

<sup>12</sup> Kaiboho wiluuna roxina-ò tebutunyteu, kia mahãdu tule ayreny-ò ralòra. Aworana bedehesi tiiboho ribinadỹnymyhỹre òbitimyno rieryõreki. Urile rexihydynymyhỹre, inywitzira-txi tõhõti reaõhyymyhỹre. Iwese yhy debure wese tiiboho roire. Urile yhy biu ridyõtyhy. Ròãtyhy. Sõwemy taheka relemyhỹre, ihãrele aõhomy aõkõ namyhỹde. Òwòru bederaty wahidỹỹdu wese tiiboho roire. Iratydikemy ratxireriu, ihãrele aõkõlere. Òwòru rubu wese roire tiiboho. Raòromyhỹre, rurumyhỹre. Kia wese heka kia mahãdu rare.

<sup>13</sup> Kia òbitikõ erydu mahãdu tiu ele risaõhyymyhỹre. Ahohokỹ aõwetari òbòhòkỹ idi rehummyhỹre wesemy tiiboho inyrenyrene. Iwese òbòbexi-di ròhònymyhỹre wese. Iòraruna òraru-ki aõbina bina iribi ròhònymyhỹre. Tiiboho dori Deuxu inatyhyna ririrenyre. Iwese taina resemyhỹre wese tiiboho iribi resemyhỹrenyrene. Deuxu kia mahãdu-di ritỹnyyny riteònyke bede luruhukỹ-ò. Iribi ròhònyõtyhy.

<sup>14</sup> Enoi heka Adaõ dee yreõ rare. Adaõ juhuru hãbu rare. Debòinatxi riòreky-ribi Enoi rare. Enoi Adaõ riòre roko rare. Ihetxiu Enoi rarybere wijinabòdu mahãdumy. Iwese òbitikõ erydu mahãdumy roirekre. Enoi rarybere Kristu nonanamy: –Tii kanakre tamahãdu sõwe-wana.

<sup>15</sup> Idi ibutumy iny ritỹnynykemy. Inyõ tii taaõhòkỹmyna aõhòkỹmy rotỹnynykre òraruna òraru-ki. Ibutumy òrarudu mahãdu rehukremy Deuxu-my ralahatxinanyemyhỹreki.

<sup>16</sup> Tiiboho rexirahemyhỹre, tiu reysaõhyymyhỹre, aõdibo tamywimy rabinadỹnymyhỹreki ratxikelemy. Rarybenihikỹmyhỹre. Riwiòhenanyemyhỹre aõ ritamyhỹre xiery.

<sup>17</sup> Waluuna mahãdu, õhõtireny reake aõmybo Wanyrỹ Jesuisi Kristu teòdỹỹna mahãdu juhuru raryberé.

<sup>18</sup> Tiiboho adeereny rarybere: –Bedeỹỹnana roomy tahe ijesu kòdòhònykre, ixidee wilemy tuu rotỹnynymyhỹre.

<sup>19</sup> Kia hãbu iny wiribihiximy risỹnykemy, bede aõmydỹỹnana luudu mahãdu. Deuxu Tyytybytyhy-di aõkõ ratximyhỹre.

<sup>20</sup> Kaiboho waluuna mahãdu aityhydỹỹna-di arurumy bitỹnynyke, Deuxu Tyytybytyhyna-di bexitòenyberihyy. Deuxu luunay-ki iximy boibeke.

<sup>21</sup> Wanyrỹ Jesuisi Kristu ruxetòena biraòbenyke. Tii heka umytuedeõna kidiwahinykre.

<sup>22</sup> Biwiòhenanyemyhỹke ka ritxiònymy rỹira mahãdu.

<sup>23</sup> Kia mahãdu iworonawe-ribi wese bitake. Ijõ-ò ywina-di brebuna-di bisỹnykemy taòraruna deramy bekowabenyke. Iòraruna aõna aõna-ò akyreny reake.

<sup>24</sup> Òraruna lau taruru-di Deuxu arayrubunymy ratximyhỹre. Tii arateòsinykre yramy, tako-ò wowydyna-wana.

<sup>25</sup> Wowydyna, àlàdỹỹna, ruruna, Iòlòtyhydỹỹna, iny Deuxu sohoji-ò kanakemy watzireri tule Inynyryỹ Jesuisi Kristu iny tarasadu-ò. Kata juhuuna-ribi, wiji aõu aõu-ò rahyykre. Kie.

## Apocalipse Deuxu heka Joaõ-ò bedè ritỹnynyre

<sup>1</sup> Katyyriti-ki tahe bedè aõmydỹỹnana roire. Kia heka Deuxu Jesuisi-ò ritỹnynyre. Idi Kristu Joaõ-ò ritỹnynyre. Aõhebo ele elemu rotỹỹnykre heka inydeereny riteòsinyreri, teòdu mahãdu wahe. Ýjuõ heka Kristu riteònyre Joaõ-ò ibutumu relyykemy, ritỹnynykemy.

<sup>2</sup> Iribi tahe Joaõ ibutumu relyyre. Kaki heka riritinyre. Kia heka ijyy rare. Jesuisi Kristu inatyhyna rare.

<sup>3</sup> Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededỹỹnana dori iòhòmy ratxireri. Kia ibutumu rotỹỹnyke.

<sup>4</sup> Jiarỹ heka, Joaõ wahe, dohodỹỹna mahãdu-ò watyyriti rewahinyreri. Debò inatxi reurò mahãdu Asia bedè-ki watyyriti rewahinyreri. Ruxetòena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule irynana tyytyby riwahinyke, debò inatxi reurò mahãdu wahe.

<sup>5</sup> Jesuisi Kristu tule adee kia riwahinykre. Tii tahe inatyhyna ijyydu rare. Tii juhUU rubu-ribi ixixadu rare. Tii ibutu iòlò dinodu heka tii rare. Tii inyluure. InyòrarU iny-ribi tii riwatarenyre tahãlubu òraru-ki.

<sup>6</sup> Tii Xiwe wahidỹỹdu mahãduõ ixidee riwinyre, inyboho wahe. Ibutumu ityhydỹỹdu heka xiwe wahidỹỹdu mahãdu wese rare, iòlò mahãdu wese wahe. Deuxu rekealãmehỹke. Ibutumu wowydyna, ruru-wana heka Jesuisi Kristu-ò rawahidỹỹmy rarekre ihyy hyymy. Kie

<sup>7</sup> Beteheke, tii biuwetykywo-ki naderi. Ibutumu iny tuu robikre. Irubudỹỹdu tule tuu robikre. Ibutumu iny rahinykre, robukre iòraru-ki. Inatyhy rare. Kie.

<sup>8</sup> Jiarỹ AA rare YY rare. JuhUU ludu rare, tule ikonana ludu rare. Deuxu jiarỹ rare ibutu ruru wahõrõ rare. Aõu aõu jiarỹ watxiwãhãre.

<sup>9</sup> Jiarỹ Joaõ rare, aityhydỹỹdu seriòre wahe. Jiarỹ tule awese aõhebo ratỹỹnyre. Jesuisi Iòlòna òraru-ki. Patmos bedebute-ki jiarỹ ratxire, ròtena wese heka tai ratxire. Jesuisi inatyhyna dori retỹnynyre.

<sup>10</sup> NobiuTxuõ heka jiarỹ aõma Deuxu Tyytybytyhy wadee dobehede. Iu tahe rybeõ-ò raholare, juròna wodỹỹ wese heka rare.

<sup>11</sup> Tahe wadee rarybere: –Biritinyke aõma ibutumu aõbo kai bobikre. Ibutumu dohodỹỹna mahãdu-ò kia tyyriti biwahinyke. Ka tyyriti tahe biteònyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò.

<sup>12</sup> Retehera wahewo-ò mobo wadee rarybereò. Tahe debò inatxi reurò loosòna mynynalemy rabira, womati tỹrỹrỹỹle wahe.

<sup>13</sup> Itya-ki tahe hãbuõ wese rare. Ityky urarehe heka ratxire. Iwereysana heka womati tỹrỹrỹỹ heka rare wyò wòtena-ki roire.

<sup>14</sup> Irade iurahakỹ ratximyhỹre. Irue heka heòty wese rare.

<sup>15</sup> Iwa tahe bronze womati wese rare. Irybe wodỹỹ heka bee ijiranahakỹ wese heka rare.

<sup>16</sup> Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymyhỹre. Iòsỹny tahe txu tòtee wese heka rare, itỹnytyhyre.

<sup>17</sup> Kia ibutumu rabireu, jiarỹ resera bedè-ò rubu wesemy. Tii ruruwe-ribi debò watyre-ki ritidire, rarybere: –Buberuòtyhy! Jiarỹ juhuludu rare, ihewoludu rare.

<sup>18</sup> Jiarỹ rurure, iribi tahe rexixare rubu-ribi, aõu aõu tahe jiarỹ watzireri. Tiu aruruõtyhy. Rububede dinodu heka jiarỹ watzireri, ityre waruru rare.

<sup>19</sup> Biritinyke ibutumy tuu tabita wiji. Tule aõbo idi kanakemy biritinyke.

<sup>20</sup> Adee aritỹnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodỹỹna mahãdu ýju wese rare. Loosõna mynyna heka dohodỹỹna mahãdu wese rare.

## 2

<sup>1</sup> Kia heka biritinyke Efesu dohodỹỹna ýju-ò: —Kaa heka inyõ rybe rare. Tii taina debò inatxi reurò rimymy idi rỹimyhỹ iruruwe-ribi debò wahe. Tii loosõna mynyna yky-ki rariareri. Kia womati tỹrỹrỹhỹkỹ-di relere wahe.

<sup>2</sup> Aaõmysỹdỹỹna wiwihikỹ reeryre, awoxieresytere tule. Hãbu bina tiu aitxerenaõna toite. Inyõ Deuxu deòdumy iximy uritere rybedu, teurihitenyte. Kia iruirybe teerytenyte.

<sup>3</sup> Kaiboho tawoxiererytenytenyte. Tule aõhõkỹmy tatỹỹnytenyte waòraru-ki, wijile tule wahe.

<sup>4</sup> Kiaremy tahe sohojile wadee ibinare. Iwese juhoo waluu wesemy aõkõ wiji ahãtenyte.

<sup>5</sup> Kaiboho heka atyhyna-ribi ahewo-ò tadòòsetenyte. Kiaremy ta idi bexinohõtinyinymy bexirãhĩbenyke. Iwese juhoo atximahãte wese, ixityre boibekemy. Kiamy aõkõkeki, aloosõna mynyna ay-ribi aritakre.

<sup>6</sup> Kiaremy ta akireny sohojile awire wadee. Kaiboho heka Nikolaita mahãdu iaõaõna widỹỹ derarenyre wawesemy.

<sup>7</sup> Iny rybeõ ijohona mahãdu boholabenyke Deuxu Tyytybytyhy rybe-ò timybo Ityhydỹỹdu mahãdu-ò rarybemyhỹre: —Inyõ òraruna ijesu ritakeki, tamy jiarỹ umytuedeõna ariwahinykre. Kia tahe Deuxu bederaty ritokre, Deuxu oworu-ki rỹimyhỹre wahe. Kia bederaraty inyru wahidỹỹdu rare.

<sup>8</sup> Kia heka biritinyke Esmirna dohodỹỹna ýju-ò: —Kia heka Juhuuludu rybe rare, Ihewoludu rybe rare. Tii rururibile rexixare.

<sup>9</sup> Aõhõkỹmy dỹỹnana reerymyhỹre. Uriterenodu wesemy toite. Ihãre tahe aõna aõnawiwi ahõrõreny rare. Aòludu mahãdu umy rarybereri ibinamy. Tiiboho Satanasi mahãdu roire. Judeu mahãdu aõkõ roire tiiboho tuu rarybrehãre.

<sup>10</sup> Buberuõtyhy kaiboho! Aõhõkỹmy dỹỹnanaõ kanakre debò wiò txumy wahe. Tahe buberuõtyhyke. Ròtenawo-ki boibenykre. Burubenyke hãrele heka òbitimy biwatyhynybenyke. Iribi tahe irudỹỹna rataana adee ariwahinykre.

<sup>11</sup> Kaiboho nohõti-di mahãdu, boholake timybo Deuxu Tyytybytyhy heka ityhydỹỹdu mahãdu-ò rarybemyhỹre.

<sup>12</sup> Kia heka biritinyke Pergamo dohodỹỹna ýju-ò: —Kia inyõ rybe rare. Tii mayrehe wiòtxuree dire:

<sup>13</sup> —Jiarỹ reeryre asỹ, ahãwã wahe. Kaiboho Satanasisỹ-ki tasỹnyteri, irynana rareri wahe. Tahe Kaiboho aityhydỹỹna teriõtenyte. Tai tiiboho warybedu Antipasì òbiti rirubunyhãrele.

<sup>14</sup> Ihãre tahe akireny sohojile wadee ibinare. Ayreny-ki inyõ Balaaõ erydỹỹna rityhynyre. Tii ihetxiu Balake òraruna-txi aatysydỹỹmy ribedeerydỹỹnyre resedỹỹkemy. Tii Israeli mahãdu-ò rarybere:

—Xiwena aõma ide tahe biròbenyke tule òta tahe urihimyo tahe ibinare.

<sup>15</sup> Tule ayreny-ki tahe Niolaita tohodỹỹna ijõreny rityhynyre, timybo rexiòrarunanykemy. Kia ibinare wadee.

<sup>16</sup> Tai marybeke tiiboho rexirahĩkemy idi iribi rexixãwidỹỹnykemy. Tukõkeki, anakre warymayrehe wiòtxuree-di iòludumy areakre wou-ki.



17 Iny nohōti-di mahādu, boholake Deuxu Tyytybytyhy rybe-ò timybo Ityhydỹdu mahādu-ò rarybemyhỹre: —Inyō òraruna ijesu ritakeki, tamy biu-ribi rỹsỹna rỹikre. Manauratyre-ki heka nii tỹmyra raritimy roire. Ōmo nii rieryōre. Tunidukrele rieryre.

18 Kia heka biritinyke Txiatira dohodỹna ŷju-ò: —Kaa heka Deuxu Riòre Rybe rare. Iruue heka heòty wese rare. Iwa bronze womati wese rare.

19 Aaōmysỹdỹna reeryreri, luuna, ywina, tyhydỹna, juhuu ratyre wiji aaōmysỹdỹna.

20 Kiaremy tahe sohojile wadee ibinare: Kaiboho heka Jezabel teijemahātenyte. Kia hāwyy dori Deuxumy rybedu ixi-di rare. Ihāre tahe òtaòtamy, xiwe rỹsỹmy rotohodỹmyhỹre, ritxoo hōrō wahe.

21 Jiarỹ tule txiò reijere òtaòta-ribi ixāwikemy. Tahe tuuōhyyre.

22 Idi herina-ò arilidikre ihābu mahādu-wana. Tai aōhōkỹmy rotỹnyrenykre. Tiiboho kia rexirāhĩnyōrenykeki, tuu ele elemy ariwinykre.

23 Iriòre bina arirubunykre. Tai ibutumy aōwidỹnamyna ityhydỹdu mahādu riwaerykremy. Jiarỹ heka inywo erydu dori rare. Kiaremyta iny sohoji sohoji ariòwinykre.

24 Ayreny-ki tahe inyō rỹire. Tiiboho bedeeryna bina rityhynyrenyōre. Tiiboho bedeeryna bina rieryōhyyre. Txioinihe, bedede ywina sira aōkō adeereny ariwahinykre.

25 Iwese kaiboho tetyhynyte wese wiji bityhynybenyhyyke. Ele ele dori arehemynykre.

26-28 Kaiboho heka òraruna ijesu bitakeki, adeereny ruru ariwahinykre. Kaiboho ihyyemy wadeewimy biwinybenykeki, bedede dinodu mahādumy boibebenyke, iwese ruru Waha-ribi remyrya wese wahe. Tamywikreki womati òhòte-di bedede mahādu rihukre, iwese butxi ribòhònyre wese wahe. Tule adeereny ariwahinykre aōma biurasò taina wahe.

29 Iny nohōti-di mahādu, boholake Deuxu Tyytybytyhy rybe-ò, timybo tii ityhydỹdu mahādu-ò rarybemyhỹre.

### 3

1 Kia heka biritinyke Sardesi dohodỹna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: —Aōhebo tatỹnymahātenyte reerymyhỹre. Arumy anireny ratỹnymhỹre ihāre tahe tarumy ahātenyte.

2 Bexirawahatebenyke ainatyhydỹna-ki, urikō-ribi kiemy ixāwiheny. Deuxuko-ki awityhymy aōkō ixi-di textiemyhỹtenyte. Kia reerymyhỹre aōmysỹdỹnareny tewinymahāte.

3 Inatyhyna juhu taholatenytedi, bexinohòtinybenyke. Idi bityhynybenyke aōnanabina-ribi bexirāhĩke. Tukōkreki wasidu wese ierykōmy adeereny anakre.

4 Ihāre tahe Sardesi hāwā-ki inyō reximymy òbitimy rarekremy ihỹre. Tiiboho wahe-ki tyky lyra urahakỹ-di kanariarenykre kiemy dori òbitimy reximyrenyre.

5 Mobo ròtarenykre, tyurahakỹ-di rexitynyrenykre. Inireny Rutyryiti-ribi aritaòtyhy. Idi Wahakō-ò wahòròrenymy aritỹnykre tule iŷjuko-ki.

6 Kaiboho nohōti-di mahādu, boholake timybo Deuxu Tyytybytyhy heka, ityhydỹdu mahādu-ò rarybemyhỹre.

7 Kia heka Filadelfia dohodỹna ŷju-ò biritinyke: —Kaheka inatyhymy Deuxu deòdỹna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyō riratòbònyòtyhy. Tii riratòbònykeki tiu iny riraynyòtyhy.

8 Aōhebo tatỹnymahātenyte reeryre. Akyhynakōmy atximahātenytemy rieryre warybe dori tetyhynymhỹtenyte. Tai ijò adeereny reraynyra. Tii inyō riratòbònyòtyhy.

9 Bodoholabenykre. Satanasi mahādu heka Judeumy rexininimyhỹre tukōdu hārele. Idi adidydenykre akoreny-ò tatiowotimy kedeseke. Iu aluurenymy riwaeryrenykre.

10 Aōhōkỹmy dỹnana kanake ibutumy iny urihidỹmy. Kaiboho warybe tetyhynyta, ywina-di tetyhynyta. Tai ilau arayrubunyrenyke.

11 Ele elemy dori adehemynykre. Ahõrõreny biyrubunyke inyõ aribi rawasinyheny arudỹna rataana wahe.

12 Oraruna ijesu inyõ ritakeki. Tii ixyby rubumy ruruõkre. Tii Deuxu heto-ki rasỹnyihyykre. Deuxuni ityre raritinykre tule Kristuni tỹmyra wahe. Jerusalëni tỹmyra tule ityre raritidỹmy rỹikre, biu-ribe dobehede wahe.

13 –Iny nohõti-di mahãdu, boholake Deuxu Tyytybytyhy rybe-ò timybo ityhydỹdu mahãdu-ò rarybemyhỹre.

14 Laodisia hãwã dohodỹna mahãdu ýju-ò heka biritinyke: –Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhỹ.

15 Aõhebo tatỹnymyhỹtenyete ibutumy reeryre. Ainatyhyna-ki inatyhymy aõkõ, txiõlemy aõkõ toite tule.

16 Tai tahe iõraru-ki ixi-ribe aratarenykremy rexinohõtinyre.

17 Kaiboho tarybetenyte: –Waaõwiwi-di roire. Awityhymy watzirenyreri. Wadeereny aõ rasiranyõhyreri. Idi urile texibõnytenyteri. Kaiboho dori abina, iaõkõ mahãdu, adehekỹ, aruety toite.

18 Kia aratohonykre: –Waribi womati tỹrỹrỹhỹkỹ aworibityhy biõbranykre, aityhynamy wiwihikỹ. Tasỹse tyyurahakỹ tule, ade wõtenamy. Tasỹse rueluahina tule, arue ywinamy.

19 Waluuna mahãdu òhòte-di aribedeernymyhỹre warybemy tule. Tahe eryrewemy aõsusu-ribe bexitabenykre wadee.

20 Bodoholabenyke. Ijò-ki rarymy watzireri. Inyõ roholakeki ihetowo-ò aralokre. Tai tii-wana ariroxikre.

21 Òraruna ijesu inyõ ritakeki, tii wawana waryna-txi ronykre iwese jiarỹ waha-wana nadonymyhỹde wese. Rõtare dori wawouna-ki.

22 Iny nohõti-di mahãdu, boholake Deuxu Tyytybytyhy rybe-ò, timybo tii ityhydỹdu mahãdu-ò rarybemyhỹre.

## 4

1 Iribi tahe biu-ki ijòmny rabira rasina wese. Rybeõ raholare, jurònajurò wesemy. Iwese wadee rarybere wese. Kiamy narybede: –Mana òwònyke, aõhebo itxõmo rahudi rotỹnykre ini ariteòsinykre.

2 Iule tahe Deuxu Tyytybytyhy riwamyre. Iu, inyõ rynanamy rabira biu-ki.

3 Iòsỹny heka roosònymyhỹre womatiwihikỹ rỹsỹ wese, Jaspe wesena, Sadonio wese. Uwajiõ wixira tỹre heka rare istryna rirurawonyre.

4 Tahe 24 ryna istryna rirurawonyre. Ityre tahe 24my wedu mahãdu ronyre tyyurahakỹ-di. Irati-ki womati tỹrỹrỹhỹkỹ-di rarataanany.

5 Biudelaa, biumyta, istrynana-ribe dohonyde. Heòtyloo heka debo inatxi reuròmny sõwe iko-ki rỹire. Kia heka Deuxu Tyytybytyhy tuu sõwedu rare.

6 Tule iko-ki mana aho roire iuramy raurananyre. Irurawona-ki wiòwiò-ki aõni inaubiòwa rãire, irue sõwe ihewo-ki, iko-ki.

7 Aõni delena heka hãlòdehekỹ wese rare. Ijõ heka karõtihikỹ wese rare. Ijõ tahe hãbu òsỹny wese rare. Ikonanareny tahe nawiihikỹ dowòmny nade wese rare.

8 Ibutumy tiiboho debò sohoji reuròmny tesõwereny. Ta tiiboho tetya wirawyò rawyò irue dire. Tahe tiiboho rexielehynyõhyylemy txumy rummy rawiunymyhỹ: –Òbitityhy tate, Òbitityhy tate Inynyrỹ Deuxu rurutere. Kai tate, tule kai mabekre.

9 Kia heka inaubiòwa boho rawiunyre: –Wowydyna, àlàna-wana rynana-ki rỹdu-ò, iki kiemy nodu-ò wahe.

10 Iu tahe 24 wedu mahãdu heka tatiowotimy taòsỹny sutxi ritidimy riwowydynymyhỹreny resemy iko-ò. Tamy tarataana-di rehumy raryberenyre.

11 –Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aõna aõna tewinyte. Adeewimy rỹimyhỹre idi rariamyhỹrenyre.

## 5

1 Ryna-ki rỹdu ruruna debò-ki heka tyyriti werywery wesemy rabira. Tyyriti tahe wirawyo rawyo-ki iriti dire, tii debò inatxi reurò iratòbòna sòwe.

2 Ÿju ruru ruruhukỹ-my ryrymy dỹrxi-di: –Mobo ityhykre tyyriti ratòbòna aresy-dỹdukre iraydỹ-ki tule.

3 Tai tahe inyõ ijõhyre: –Biu-ki, bede-ki, surawo-ki ijoõhyre.

4 Inyõ ityhyõre iraydỹ-ki tamy itxere-ki. Iòraru-ki ta urile jiarỹ rahinymyhỹre.

5 Iule tahe matuariõ wadee narybede: –Hiõmyke, betehe ta inihe Juda mahãdu hãlòhehekỹ-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare.

6 Kiamy tahe rabira, Budoeni Riòre wahe. Tii rynana ubey-ki rỹimyhỹ. Aõni inaubiòwa ijõre. Tiiboho-wana tahe matuari mahãdu rỹre. Budoeni rurure wesemy rỹre. Iò tahe debò inatxi reurò rare. Irue tahe tule. Kia rare Deuxu Tyytybyõ rare, tii bede bedemy nodu mahãdu.

7 Budoeni riòre tahe rynana-ki rỹdu ruru debò-ribi ditade, aõma tyyriti wahe.

8 Iule ta aõni inaubiòwa, 24 matuari boho-wana tatiowotimy rejujure buddeni riòreko-ò. Tii sohoji sohoji wiuna-di, womati tỹrỹrỹhỹkỹ hyna-di ratximyhỹrenyre. Sohoji sohoji-ki tahe òwòrusõ wydysilỹnywi-di wese rare. Kia Deuxu tyhydỹdu mahãdu ixitòedỹna violão wese tule ratximyhỹrenyre.

9 Tiiboho wiutỹmyramy rawiunymyhỹrenyre kamy wahe:

–Kai atyhy tate Tyyriti raydỹ-ò, iratòbòna eresydu tule. Arubumy heka Deuxu-ò Ixỹju ixỹju teõbranyte. Irybe wixira wixira, ibede wixira wixira iixỹjuna tule.

10 Iòlòmý tewasynytenyete Deuxu dee tule xiwena wahidỹny mahãdu wahe. Idi hãwã hãwã ariwedunyrenykremy.

11 Ÿju sòwetyhmy rabira rynana werora-ki, aõniboho matuariboho tule. Miliaõ hõkỹmy rasõwerenyre.

12 Tiiboho rirajuahakỹmy rawiunymyhỹrenyre: –Wowydyna, ruruna, deysana, àlàna, loosòna tamy sohojile rawahinyrenyke buddeni riòre-ò. Tii dori rurure ityhmy

13 Tai tahe ibutumy biu iròdu iròdu, suityre iròdu, bera iròdu iròdu ibutumy aõna tule rawiunymyhỹrenyre rynana-ki rỹdu-ò. Budoeni riòre-ò tule kia rawiunymyhỹre. Rarehykyle, rarehykyle heka rarekre. Kie.

14 Aõni inaubiòwa rirawyonyre: –Kie, Matuari 24 tahe reserenyre iko, kiemy noduko-ò.

## 6

1 Tahe Budoeni riòre heka tyyriti ratòbònaõ riòròre. Kiamy rabire. Tule aõni inaubiòwa mahãdu-ò narybede rybenihikỹmy biumyta wodỹ wese. Mana ini itxeremy.

2 Tai retehere awaru urahakỹmy rabire. Tairỹdu iwaxiwahate dire. Tamy irudỹna rataana riwahinyrenyre. Tahe rare wou ròtakremy.

3 Tahe ijõ ratòbòna riorore. Ijõ aõni tahe narybede inatxina wahe: –Mana ini itxeremy.

4 Idi awaru sòhòkỹ ròhònyre. Inyõ ityre rỹdu-ò ruruna riwahinyre, wou ritelenykemy bede bedemy. Tai hãbu mahãdu wii rahukremy. Tule inyõ mayrehe ityre rỹdu-ò riwahinyre.

5 Tahe inataõna ratòbòna riraynyre. Ixyby inataõna aõni rybe-ò raholare: –Mana ini itxeremy. Tai retehere. Awaru lybmy rabire, ityre rỹdu urihina-di tebò-ki.

6 Tahe aõniy-ribi rybeõ-ò raholare: –Womati nieru sohoji-di heka urihina sohojile heka trigo rawykre, txusohoji aõmysdỹna òwy wahe. Tule inataõ urihina sevada rawykre, txusohoji aõmysdỹna òwy. Uritere ta uva-ò, adỹ-ò aõhe isỹdỹõmykre.

7 Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy.

8 Tai retehere. Awaru bisamadòbòlõre wesemy rabire. Ityre-ki rýdu heka Rubu inire, heòty bede rubunana iheludumy. Inyõ ityre rýdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

9 Tahe iruyrena ratòbòna riraynyre. Tahe Xiwena wahedýõna rawo-ki iny mahãdu rabire Deuxu rybe òraru-ki, tatyhydýõna òraru-ki rururenyre mahãdu wahe.

10 Tiiboho rirajuamyhýre: —Deuxu Inynyrýhýký, kai tyhy tate, òbiti tule. Tiu wexi waòwyreny bilidikre, warubudýõdureny-ò?

11 Tahe iximynamynamy tyyurahaký-di rexitynyrenyrene. Tahe tamyreny rarybere urihimyò rexielhynyrenykre. Ijioireny iwesereny rurukreu riraòrenykre. Isõwereny rexihureu wahe.

12 Tahe debò sohoji reuròna ratòbòna riraynyre. Kiata idi suu ramytypare inihikýmy. Txuu urile rurunyre, ahãdu isòmý relere, halubusò wese.

13 Taina tahe sutxi dejujude iwese bederaty yhydebore ritxiwimyhýre wese.

14 Biu titxibo ikõre, iwese tyyriti rarasemyhýre wese. Ibutumy hãwãlò bedebute tule taherina-ribi ratare.

15 Iu tahe ibutumy iny rexiwore hãloohokýwo-ò, manahaký hewo-ò tule. Tii roire Iòlò mahãdu, bededinodu mahãdu, soldado dinodu mahãdu, ityhy mahãdu irurutere mahãdu, ibutumy ijõ mahãdu rexiwore.

16 Tahe taixiwotena-ribi rirajuamyhýrenyrene: —Watxireny mana heka bedesede ryanana-ki rýdu lau rekexiwòrenykeny. Budoeni riòre debure lau tule.

17 Deburena txu, kyarana txu heka reare tamy, mobo riijekre.

## 7

1 Idi tahe inaubiòwa ýjumy heka tuu rabire. Tiiboho heka inaubiòwa bedehitxihitxi bedemy rýre. Tahe rimyrenyrene yhyhyký tebò-ki heka rimyrenyrene. Tiu heka òwòru radeõ raykýhyky roire. Bede-ki aõkõ, aho-ki aõkõ rebònyra?

2-3 Tule ijõmy rabire ýjuõmy ibryra-ribi rarerimy. Deuxu irumy nonadu hãletena nihiký widýõna heka diwymy idi nade. Iribi tahe inaubiòwa ýju-ò tii ryryre: —Txioke inihe. Iwotõmodýõmyke wa suu, bee, òwòru. (Kia ýju mahãdu dori, bede, bero, wotõmodýõdu mahãdu ihýre.) Biraòriòreke heka Deuxu hãletena deòdu òru-ò aritidikre.

4-8 Tiwesebo kia ritidýõna rimymy idi rare. Tahe raholare heka jiarý tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaõ ijoi-ribi, Levi ijoi-ribi, Issacar ijoi-ribi, Zebulõ ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

9 Iribi tahe sõwemy inymy rabire. Timy heka idi wariramahãduòkre. Ibutu 12.000 hãwã hãwã-ribi wirotyre. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyrenyrene. Budoeniko-txi ryanako-txi wirotyre. Ibutumy tiiboho ityyurahakýlemy roiremy. Horeni iru-di heka roiremyhý.

10 Tahe ryryrenyrene —irariemy ryryrenyrene: —Biu-ò hena waDeuxu-ribi nade ryanana nihiký-ki ronyrerí. Tule Budoeni-ribi nade.

11-12 Tahe ýju ibutumy heka widotyde ryanawerora-ò, tule matuari mahãdu tule iwo-ki. Inaubiòwa aõni ibutumy reserenyrene ryanana nihikýko-txi resere taòsana sutxi ritidimý Deuxu kia wowydynamy relere. Kie, myheka rarybere: —Wowydyna, Bedeery-dýõna, deàlana, loosòna, aruru, aixiòlòdýõna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie.

13 Tahe wawiò inaubiòwa matuari mahãduõ wadee rýõraxire: —Kai aõbo teerymahãte kia tykyurahaký-di ratxirenyrerí, tule tiribibo ròirerí?

<sup>14</sup> Tahe rarybere: –Aõkõre wanyrỹ, reerykõre. Bedelyyke wako. Tahe wako tuu delyyde. Kia heka dòhònyde heka aõhõkymy dỹñnana-ribi dòhònyde rare. Ityky rityranyre heka Budoeni riòre hãlubu-di.

<sup>15</sup> Taiki heka rynana nihikỹko-ki ratxirenyreri Deuxuko-ki. Kaheka ruu, txuu-wana heka rãähimỹ ratximyhỹrenyre taheto bededỹñnana-ki. Kia rynana-ki rỹdu tahe riyrubunyrenykre.

<sup>16</sup> Tiu rama rirubudỹñrenyõmy heka bemomo boho. Tiu txutòteehekỹ-wana wirisỹnyõtyhy ybòtò boho-wana, txutye boho-wana.

<sup>17</sup> Budoeni riòre dori rynana nihikỹko-ki ratximyhỹre. Tii heka aryỹna adee riwahinymyhỹkre. Tii heka adi itxeredukre heka aradykre heka Umyituedeõna ube-ò. Deuxu irube rirubudỹñnykre.

## 8

<sup>1</sup> Budoeni riòre debò inatxi reurò hãletenamy ribòhònyreu, aõdee biu-ki roholaõhyyre heka byy, myle roire: aõwodỹñ wodỹñhomy aõkõ. Wadee meia hora txumy bedemy bede rewyre.

<sup>2</sup> Debò inatxi reurò ÿjummy tuu rabire Deuxuko-ki nyidemỹ. Tahe inyõ tamy riõremỹ idi retehere debò inatxi reurò ajurònamỹ.

<sup>3-4</sup> Tahe iwitxira ÿju nade. Tii womati tỹrỹrỹhỹkỹ atara nihikỹ. Tahe xiwenatyre orarade rỹny wihikỹ ritoonyre. Inyõ riwahinyre ÿju-dee sõwemy. Riurinykemy Deuxu ijoi ixitòedỹñna-wana xiwenatyre-ò risõkemy aderõna rỹnyrehekỹ heka womati tỹrỹrỹ xiwenatyre-ki ritxiwire Deuxu ryanako-txi. ÿju iribi tahe kia ibutumy raòwònyre Deuxu-ò.

<sup>5</sup> Tahe heòty-di heka ÿju atara ritỹxinyra idi heòty-di rehure biu-ribi bede-ò. Tai tahe biumytxi ramytxynihikỹnyre heka suu biu tawe rihetenyre rybe wese wodỹñ ramytatare.

<sup>6</sup> Tahe debò inatxi reurò ÿjummy heka rexiywinymy rỹire ajuròna-di jurònykremỹ.

<sup>7</sup> Juhu ÿju heka rurònyre. Iribi tahe bedejutytyhykỹ heòty hãlubu-wana raurinymy bede-ò rejuxunyre. Bedejura tahe roomyhỹ asirade, bedero-wana inataõ-ribi, sohoji roomyhỹ.

<sup>8-9</sup> Iribi ihewoludu txuròna-di rurònyre. Tahe berahakỹ-ò resere hãwãlò nihikỹ wesemy. Tai ibutumy heòtylawò txuramy ituere. Iyre bee tahe hãlubuhukỹlemỹ relere. Iyre utura tahe ituere.

<sup>10</sup> Tahe ihewoluduhe txuròna-di rurònyre. Iribi tahe tainahakỹõ berohokỹyre-txi resere berayre-txi tule.

<sup>11</sup> Tainahakỹ heka ihyre inire. Tahe sõwemy iny ituere ihyre bee riurinyreki.

<sup>12</sup> Tahe ihewotyhy tyaludu txuròna-di rurònyre. Tahe aõwesele txutyemy txuu roosòõhyyre. Tahe ahãdu tawekremỹ turutyhy inihe relere taina tule. Tahe bederurun-tytyhyre heka.

<sup>13</sup> Tahe idi retehemỹ jiarỹ rãiwãhã. Tahe tuu rabire nawii nihikỹõ ruòmỹ ratxireriõ. Tii iryru-di heka rarybemyhỹ: –Bede heka rabinakre. Bede heka rabinakre. Suludu bede iny-ò rryrmyhỹ: –Txioinihe sõwemy aõbina binahakỹ rexiõtỹmyranykre. Tahe hewotyhyludu ÿju txuròna-di kudurònykreu heka bede rabinatyhykre.

## 9

<sup>1</sup> Ijõ ÿju tajuròna rurònyre. Tii heka iruyre hewoludu rare. Tahe ijõ inymy rabire. Biu-ribi suò taina resere wese tii resere. Tamy ijõ raynaõ diwahinyde, hãloo nihikỹ ratòbòna rayna wahe. Hãloo nihikỹ heka irehehekỹ rare.

<sup>2</sup> Tahe riraynyre. Wàdasi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdasi lybyhykỹ òraru-ki.



<sup>3</sup> Tahe seihikỹlyby wese heka wàdày-ribi dòhònyde tahe desede suò. Seihe heka itytibòròhòkỹ wese heka ihe rare.

<sup>4</sup> Asi rubudỹỹòmykre bederaradeõ tule, òwòru tule. Inyõ Deuxu kia ritidỹỹna iòru-ki rỹiòkeki, tahe tule tamy ijira rỹikre.

<sup>5</sup> Iny rubudỹỹmy aòkõre. Tahe iny aòhòkỹmy rotỹỹnykemyre heka iruyre ahådumy. Aòhòkỹmy rotỹỹnymyhỹre kia ihe juberereri riijererimy ihỹre.

<sup>6</sup> Kia txuu tahe ixirubudỹỹmy reamyhỹre. Tahe aòkõre heka timyhe ixirubudỹỹkõmy tamyhe rubu dehemyynyòhyymyhỹde. Tukemy heka riwisỹnymyhỹre. Tahe aòkõre rubu iribi rahenymyhỹre.

<sup>7</sup> Seihikỹ heka awaru wese rare. Iwese awaru rexiywinymy wou-ki ralòkremy rỹimyhỹre wese heka rare. Irati-ki rỹire womati tỹrỹỹhỹkỹle irataana wahe. Iòsana heka iny òsana wese rare.

<sup>8</sup> Irade irehehekỹre hãwyy radehekỹ wesele. Txuu tahe leaõ juhukỹ wesele rare.

<sup>9</sup> Wyhy itxena ibreti-ki roimyhỹre. Womatile ibreti rare. Bede heka urile ra-wodỹỹnyhỹkỹmyhỹre. Iwese tewe awaru-di nodu sòwe iwodỹỹ rare. Iwese aòbina-ò rajaramyhỹre wodỹỹ wese wahe.

<sup>10</sup> Seihikỹ heka bòròhywe nihikỹ wese heka rare. Tahe iruru-di rare. Iny ri-wotòmonymyhỹkemy iruyre ahådumyhỹmy. Iherona ramytxytxyre iruyre ahådumyhỹmy.

<sup>11</sup> Iiòlò heka hãloo rahejihikỹ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukỹ rare.

<sup>12</sup> Juhuu bedebinahakỹ ituera ròhònyra. Katahe ijõ iwitxira kòdòhònykre inatx-imyhỹmy wahe.

<sup>13</sup> Ijõ ýju tajuròna-di rurònyre. Tii heka debò sohoji hewoludu rare. Raholare heka rybeò-ò. Womati xiwena-ò-ribi ròhònyre. Xiwena-ò heka inaubiòwa sòwe. Kia womati tỹrỹrỹ xiwena heka Deuxu ryanako rỹire.

<sup>14</sup> Kia ýju-ò heka rarybere ijuròna dinodu wahe: —Inaubiòwa ýju besedỹỹnyke ixinamy ròhònyke. Tii heka Bero nihikỹ ròtena-ki, bero Eufratesi-ki.

<sup>15</sup> Tii heka ròtena-ki ratximyhỹre kia bededỹỹnanau, kia txuu, kia ahãduu kia beòrau. Iribi tahe riòlòdỹỹnyrenyrene. Iribi tahe ihewoludu iny ibutumy rahure. Iyreyre inataõ hãwã jurajuramy heka rahure. Inataõ jura-ribi sohoji sohoji rirubunyrene.

<sup>16</sup> Tahe jiarỹ raholare tiweserebo aòbinadumy rỹire. Iny 200.000.000 inymy rỹire.

<sup>17</sup> Tahe aòbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rỹire. Ibutumy rabire. Womatihikỹle, heòtyhykỹwesele heka rare. Ijõ heka tỹreura rare safira wese. Ijõ tahe tỹre raramadòbò wesele. Awaru rati heka leaõ ratihikỹ wesele rare. Heòtyle iry-ribi ròhònyreri wàdàsi enxofre-wana wahe.

<sup>18</sup> Kia heòty heka inataõ jura-ribi sohoji jura iny rahure.

<sup>19</sup> Tule awaru nohewòru heka iruru dire. Iryribile tahe iheòty ròhònyre. Taile iruru rare. Hemylala rati wese dire ruròmý heka inatxi hemylala juwesele.

<sup>20</sup> Iny ituere sỹtybymy tahe rarònyrene. Deuxu deàlana dee heka reòbyòhyyre. Diabo mahãdu luulemy ratximyhỹrenyrene. Aòma rityhynyrenyrene womati tỹrỹrỹhỹkỹ ritxoo, òwòru ritxoo suritxoo, mana ritxoo. Kia ritxoo heka aòki robiòhyymyhỹre, aò roho-laòhyymyhỹre. Rariaòhyymyhỹre.

<sup>21</sup> Iòraru-ribi roxirãhiòtyhy iribi tahe rahòtinyrenyrene aò òtaòtamy, rubudỹỹnamy, wasi-namy, òwòrumy. Kiale ròhòtinyrenyrene.

## 10

<sup>1</sup> Tahe iwitxira ýjuhukỹ rabira biu-ribi suò robehererimy. Biuwetykywesehekỹle iweroramy rỹireri. Tahe owaji wese iratikile roireri. Iòsỹny tahe txuwewehekỹle, iwaube tasỹ heòtyhykỹwesele roosòmý.

<sup>2</sup> Tii heka tyyritinadile debò ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityti-ò ridemy idi rÿire.

<sup>3</sup> Tii ryryre heka tarurumy. Leaõ iràhàkÿwesele ryryre. Iu tii rarybereu, debò inatxi reuròmÿ heka ramytxynymy dirawyònyde.

<sup>4</sup> Tahe riritinyre heka aõmybo timykira raryberenyre wahe. Tahe rybeõ-ò raholare: –Kia widÿÿòmÿ. Kia rybe hewa ierysyna aõkò rare ixinamy tahe tuu roike. Biritinyõke aõmybo ramytxyna rarybere?

<sup>5</sup> Tahe ÿju suki ratxireri, beki ratxireri ruru ludu debò biu-ò riteòsinyre:

<sup>6</sup> –Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rÿira bede-ki rÿira-wana. Tai heka warybe inatyhymy rare. Ararybekre heka raroorehenyòtyhy kaki.

<sup>7</sup> Debò inatxi reuròna ÿju tajuròna ritxurònykreu heka, Deuxu ibutumy relemy rÿikre iwese rarybere wese.

<sup>8</sup> Iribi tahe rybe biu-ribi wadee nade. Wadee rarybere: –Biòryke hewa tyyritina ÿjudebò-ki naderí suki bera-ki kia rÿireri.

<sup>9</sup> Tai tahe tamy rehemynyreri iòhòmÿ tyyriti tamy rexitòenyre. Tahe wadee rarybere: –Biwyke. Birÿsÿke. Juhuu tahe bidi wesemy ary-ò bidekre. Birÿsÿkreu tahe ibutumy rahyrenykre awo-ki.

<sup>10</sup> Iribi rewyrá rerÿsÿra. Iwese tii juhUU rarybera wese rare. Ibreere juhUU. Iribi rerÿsÿreu tahe, wawe rubererenyre.

<sup>11</sup> Tahe wadee rarybere: –Kai heka dohodÿÿmy makre ixityre ibutumy inywitxiramy heka botohodÿÿkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmÿ botohodÿÿkre.

## 11

<sup>1</sup> Iribi tahe inyõ wadee diwahinyde urihixinaõ. Wadee rarybere: –Biurihikesÿ titxibo Deususÿ rÿimyhÿré. Iwo tule xiwena wahidÿÿna biurihike. Idi mariake tiwesebo iny iwo-ki rÿirémÿ.

<sup>2</sup> Tahe ahana-ki iube idi riraõmyke. Tii dori ityhydÿÿdukõdu mahãdu dee wahisidÿÿna rare. Tiiboho dori 42 ahãdumy idi rariakre.

<sup>3</sup> Jiarÿ dori inatxi rybedu idi watxiwãhãre. Tamy ruru ariwahinykre. Tii heka saumytykyle rariakre. Tii heka rybe ritÿnynykre beòra inataõ weeremy.

<sup>4</sup> Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rÿire wese heka rare.

<sup>5</sup> Inyõ idi ibinamy riwisÿnykeki, tahe ixirubudÿÿmy rorukumyhÿre. Heòty iryribihikÿle ròhònyke heka iny rirubunyke.

<sup>6</sup> Tii heka irurudire biu dejuxu lau riekemy. Tahe tiu biu reseòtyhy heka inataõ beòra weeremy wahe tii Deuxu rybemy rarybereriu wahe. Ihãre tahe tii rexirahòreke bero nihikÿmy aho nihikÿmy hãlubumy rexirahòreke. Ihãre tahe ibutudee bina riwahinyke, rubuna riwahinyke tiiboho awimy tai raharenykeki.

<sup>7</sup> Kia heka inataõ beòra weere rikonananykeu, rybe tÿnydÿÿdu inatxi rikonananykeu, hãloo rehe nihikÿwo-ribi aõni kòdòhònykreu, tahe aõbina nihikÿ-ki heka iu rÿikre. Tahe inatxi rybedu rirubunyke.

<sup>8</sup> Iumy rubu tahe hãwãry-ki roikre, tibo inyrÿ rirubunyrele. Rawesenanyre, kia hãwã arininikre Sòdòma ada Egito wese.

<sup>9</sup> Inataõ txuu weere riwydi hãwã ube-ki iumy rubu roikre. Inyõ heka tiu rituunyòtyhy. Ibutu iny hãwã hãwã-ribi ibutu rybe witxira-ribi heka tamy itxeremy rehemynykre.

<sup>10</sup> Ibutumy heka iny teysamy rÿikre urile iny widee aõna aõnamy riwahinymyhÿkre. Tiiemy inyõ raaõmysÿdÿÿõtyhy kiatrixuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka rÿikre, worana bedehesi.

<sup>11</sup> Kia txu inataõ txuweere-di, iumyreny iruna kòdòðsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikÿmy rÿikre heka.

<sup>12</sup> Inatxi rybedu-ò heka rybetereõ biu-ribi nade: –Kaiboho bòdòðbedenyke kaò. Tahe biuwetyky raòwònyrenykre kia iòludu mahãdu idi retehemy rÿireri yrubule.

<sup>13</sup> Kiaule tahe bedede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikÿmy rÿikre. Tahe wowydyna riwahinykre Deuxu biu-ki ratximyhÿreò.

<sup>14</sup> Inatxina bedede dÿÿnana bina tahe ròhònyre. Tahe ijõ kanakre.

<sup>15</sup> Debò inatxi reurò ÿjumy heka juròna rurònyre. Tahe sòwemyhe iny rarybemy rÿimyhÿ, ryrymy rÿimyhÿ: –Kia bedede dÿÿnana, iòlòna, inynyrÿ hõrõ rare. Kristu hõrõ rare. Aõu aõu tii ibutu ibutu iòlòmý ronykre.

<sup>16</sup> Wawiò inaubiòwa matuari tahe, rynana-ki ronyrenyreri Deuxuko-txi. Tahe Deuxuko-txi resereny. Wowydyna tamy riwahinyreny:

<sup>17</sup> –Kai Deuxu, tuu tate ihyymy, ibutururu ratyre aruru rare. Aruruteremy bonykre bedede dinodumy. Umy reàlàmy kia-ò.

<sup>18</sup> Iny heka ibutumy alau ruberumyhÿre ibutumy òludumy rÿire, adee deburemy rÿimyhÿre. Rubu hitxidÿÿna heka bedede reamy heka roire. Eòdurenyle heka riòwynykre, aijoi riòwynykre, rybedu mahãdu wahe. Ibutumy ani rityhynymy rÿira, nihikÿ iyja-wana, kia bedede huduhukÿ rare. Ibededÿÿnana reamy heka roire.

<sup>19</sup> Biuwetyy riraynyre Deuxu heto. Ibutumy heka lobidÿÿna tyyriti hyna iwo-ò iny robimy rÿire. Iu tahe biumytxi, biudelaa ibutu yhynihikÿ, ibutumy bedede ramytatamy rÿire, berahakÿ tule resere.

## 12

<sup>1</sup> Iribi tahe ròhònyre warasina-ki aõbo. Aõhebo bedede ritÿÿnykremy, biuwetyy-ribi hãwyyõmy rabire. Txuu wese tahe itykyra. Tii lamamy rÿire ahãdu tyre. Tarati tyre-ki tahe tainahakÿ rataana idi rÿire, waòinatxi taina wahe.

<sup>2</sup> Tii heka bòtòmý ihÿmyhÿ. Ryrymy heka txubrere riijemy tabededÿÿnana-ò resera uladu reakremy.

<sup>3</sup> Iribi tahe aõna aõna biu-ki rexisÿnymy, aõni hemylalasò nihikÿ wese wahe. Irati tahe debò inatxi reurò sòwe iratimy. Debòwiò sòwe heka iòmý. Irataana heka iratimyna myna rÿimyhÿre.

<sup>4</sup> Tii tahe tõhewòru-di taina ributunymy ridyre. Bedede tyre-ki idi rehure, taina juràò. Tii hãwyyko-txi rÿire. Uladu reakreule tahe uladu riròkremy.

<sup>5</sup> Tahe tohouã reare, hãbumy heka reare. Tii iòlòmý heka ronykre, ibutu bedede iòlòteremy wahe. Ihãre tahe Deuxu ridyre. Raòwònyre heka Deuxu rynana-ò.

<sup>6</sup> Hãwyy tahe rahenyre bederahy-ò. Tii 1260 txumy heka tii bederahy-ki bedede riekremy. Deuxule heka tii riywinyre.

<sup>7</sup> Biu-ki heka aõbina nihikÿ rÿire. Mieli, ÿju dinodu heka, tajjoi-wana raaõbinanyre aõni-wana tajjoi-wana.

<sup>8</sup> Aõni tahe resera tajjoi-wana. Ròtara. Biu-ribi ròhònykemy tahe idi ratxireri.

<sup>9</sup> Riteònyre biu-ribi, aõni nihikÿ heka ròhònyra. Tii heka hemylala nihikÿ wese rare. Satanasi inire, Diabo wahe. Itxenadÿÿdu heka rare ibutumy iny. Suki resera, tajjoi-wana.

<sup>10</sup> Raholare tahe biu-ribi rybeò-ò: –Deuxu tarasana heka rehemynyre. Tii taruru riteòsinyre iòlòtyhy raremy. Kristu taruru riteòsinyre. Aõbina bina rybedu tahe Deuxu-ò rarybehyymy ratxireri, txu-wana, ruwana. Tii tahe ròhònyra biu-ribi.

11 Waityhydỹỹdu seriòre mahãdu heka ròtara Budoeni hãlubu-di, inatyhyina hãletena-wana. Rurukemy ratxireri tiiboho tamydeewikeki.

12 Beysabenyke biu mahãdu. Koityhyxe tahe ahohokỹ, bede-wana. Diabo dori adee rehemynyre. Tii reburere, ibededỹỹnana dori iòhòmy reare.

13 Iu hemylala aõni heka bedekile ratxirerimy rieryreu, tahe hãwyy tohouã-wana kia-ò aõhòkỹmy rotỹỹnykemy risỹnykemy idi ratxireri.

14 Tahe hãwyy heka nawiihikỹ-ribi idei rihuòtera, tahe idi ruòra bederahy-ò, tasỹ-ò.

15 Hemylala aõni tahe bee sòwemy tary-ribi rarybexinyre hãwyy ribòròbòròdỹỹkemy.

16 Tahe aõkõre. Suu tary riraynyre tahe ibutumy bee riõre.

17 Hemylala aõni tahe reburemy reare hãwyy dee. Ibutumy hãwyy ijoi mahãdu rirubunykemy idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritỹnyre wese.

18 Tai hemylala aõni ÿnyrakile rỹire.

## 13

1 Iribi tahe aõnimy rabire berawo-ribi ròhònyre warasina-ki. Tii heka debò inatxi reurò iratimy tahe debò wiò iòmy ijòdire. Rataanaõ tahe sohoji sohoji iò-ki rỹire. Irati-ki tahe nibinamy heka rỹire.

2 Tii heka hãlòe wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy ruru sòwemy riwahinyre, irynana wahe.

3 Iribi heka rabire iratiõ, sohoji heka wotõmonahakỹ dire. Tahe reytereri. Ibutumy iny riòtiinyre. Aõni riheludunyre.

4 Aõni hemylala heka taruru riwahinyre aõni-ò. Tai tahe ibutmy iny heka aõni riwowydunyre. Iny rarybere: –Mobo heka aõni wese rare? Mobo ijesedukre?

5 Aõni heka aõbina bina rarybere. Inyõ ribyrenyõtyhy. Ahãdu 42 tii heka kiawesemy rỹikre.

6 Tii Deuxu dee heka aõbinamy rarybere, Deuxusỹ dee, ibutumy biuludu mahãdu tule rybebina-di ribinabinadỹỹnyre.

7 Inyõ tamy ruru sòwemy riwahinyre Deuxu ijoi mahãdu-wana raaõbinadỹỹkemy. Tuu rahañnanykemy heka ibutumy iny wixira wixira, ibutumy rybe wixira mahãdu, ibutumy bede bede mahãdu.

8 Ibutumy iny ityhydỹỹdukõdu mahãdu tamy wowydyna riwahinyke. Budoeni Riòre ijoi mahãdu tahe aõkõre, kia dori ini rỹirenyre tyyriti-ki. Juhu bededỹỹnana inireny iwo-ki roire.

9 Tahe inyõ roholakeki heka, boholake.

10 Inyõ ridyke. Riròtenyke ròtenawo-ki. Ijõ tahe rirubunyke. Deuxu ijoi mahãdu tahe rexityhynykre idi òbitimy roirenyrekremy. Kie.

11 Tahe ijõ aõnimy rabira. Tii ròtuòreri bede-ribi. Iò heka inatxire. Budoeni wese heka rare. Ihãre tahe aõni wesele rarybere.

12 Tii juhu aõni wese rare, iruru. Rarybere: –Juhuludu aõni biwowydunyke. Kia ratiwotomona-di.

13 Budoeni aõni heka aõna aõna wiwihikỹmy riwinyre. Tii heòty biu-ribi resekemy tii rotỹỹnyre. Ibutumy iny tuu robire.

14 Tii ibutumy iny riitxenanyre kia aõna aõna wiwihikỹ òraruki. Iny ibutu-ò rarybere: –Suritxooõ nihikỹ biwinyke aõni dee. Tii mayrehe-di rawotõmore hãrele ruruõre.

15 Tahe iheweludu aõni heka rabunyra suritxoo-ò tahe irumy rỹire. Idi suritxoo rarybere. Inyõ tamy wowydyna riwahinykeki, tii tahe rirubunyre.

16 Tii rarybera ibutumy iny-ò: –Kaiboho waritina bitidike aòru-txi, eboreny-txi, ruruweludu wahe.

17 Aõkõkeki tahe aõhoho aõkõ riwyke. Iny kia ritina ijòdiòkeki aõhoho aõkõ rohonykre.

<sup>18</sup> Kai erydÿÿna sōwekekile, aōhebo tatÿÿnytemy kaiboho bierybenykre. Kai erydÿÿnadikeki, aōni heka rieryke. Ini heka iritina rarōsōna wese rare 666 ihÿre.

## 14

<sup>1</sup> Idi tahe budoenimy rabire lamamy nyidemy Jerusalē hāwā-ki. Aōma Siaō hāwālòkile rÿiremy. Tii-wana heka rÿire 144.000 kia inymy heka tii-wana rÿire. Ibutumy tiiboho heka tybynimy, inymy heka ibutumy iòru-ki raritinymy rÿire ibutu òru-ki. Tahe tuu rabire rasinaōmy.

<sup>2</sup> Biuwodÿÿ nihikÿmy raholare, tule biuwodÿÿhÿkÿ ada benihikÿ lesetere wese iwodÿÿ rare. Tahe sōwemy iny rawiunymy rare violaō-wana, kia wodÿÿ wesehekÿle wahe.

<sup>3</sup> Kia heka wiu tÿmyra riryrymy ròirenyre kia iny tÿmyra rirahura mahādu. Kia Deuxu rynana nihikÿko-txi heka rotÿmynyrenyra. Kia inaubiòwa aōnityhy heka waitue inaubiòwa matuarimy tahe ijōmy rÿire. Tahe 144.000 kia inyle heka rawiunykeki, awimy rÿike. Tii dori aōma tarasadumy ratximyhÿrenyre.

<sup>4</sup> Tiiboho heka tyra roire, tiiboho heka òbiti roire iwese ijadōma ratxirerimy ihÿre wese òtadu mahādu aōkōhÿre. Tahe budoeni riòrehemy heka rare titxibo tii rare hemy. Tii dori wydynamy rare. Kia hābuy-ribi. Bede ywisidÿÿna juradÿÿna kia dinodumy heka rare. Deuxu heka Budoeni Riòre-wana wahidÿÿnamy heka roiremy.

<sup>5</sup> Tiiboho heka raryberenyōtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

<sup>6</sup> Tasÿ ijōmy rabire ÿjuōmy aōma biuwetyky kiako-txi raramy ruòmy rabirerimy. Tii heka Rybewihikÿ tÿmyra rimymy idi rara aō inywitxira-ò ritÿnynykremy. Ibutu bede bede inywitxira-ò ritÿnynykremy. Ibutu rybe-di ritÿnynykremy, Rybewihikÿ tÿmyra wahe.

<sup>7</sup> Kiamy heka ryryre: —Deuxu bityhnyke. Marybebenyke tii awi raremy nihikÿ raremy. Bededÿÿnana rehemynymy roire ihitxidÿÿdu bede-ò. Bityhnybenyke tii dori bede ibutumy riwinyre bee, biu ibutumy riwinyre.

<sup>8</sup> Tahe ÿjuō heka ihewomy ruòmy ratximyhÿre. Babilonia hāwā nihikÿ rexihura. Ibutu iny dori òraruna-txi resera. Kia hāwā mahādu dori ibutumy iòrarudÿÿnyra.

<sup>9</sup> Iribi tasÿ iwitxira ÿjusÿ tamy nade iheto-ò. Tii tahe ryrymy nade: —Inyō aōnimy ada iritxoomy rityhnykeki, iribi riwykeki iwotōmona iòru-ribi tebò-ribi riwykeki iritidÿÿna, tii tahe Deuxu ykarana heka iribi riwykre.

<sup>10-11</sup> Tiiboho heka aōhōkÿmy rotÿÿnyrenykre ÿjuko-txi. Budoeni Riòreko-txi aōhōkÿmy rotÿÿnyrenykre. Heòty kia bede dÿÿnana tyhy tiemy raòwònyhy rarakre. Tiiboho dori tiemy aōnityhy nihikÿle, iritxoo-wana rityhynymyhÿrenykeki, tiiboho heka iritidÿÿnale ixi-ki riwymyhÿrenyre.

<sup>12</sup> Tai tahe ibutumy iDeuxuhe ywina-di heka iwitxira iny ronykemy heka ratximyhÿre. Ibutu aō òta ibina bina biòludunybenykeny, tiiboho dori aijoi òbitihy boibekemy iko-nana-ò. Jesuisi bityhnykemy.

<sup>13</sup> Iribi tasÿ ixityre ijō rybe-ò raholare watyre-ki. Rarybere: —Kiahe biritinyke: Aō roorehemy aōkō heka dehemynymy deade. Kia Jesuisi-ò rurure heka uriōno heka tamy dehemynymy deade. Iribi tahe tule rarybere: atyytyby reysamy ratxireri. Myle. Tahe rexielehynymy heka rorukumyhÿrenyre aōhōkÿmy dÿÿnana-ribi. Tii dori aōwihikÿle riwinyrerimy ihÿre. Reeryre heka.

<sup>14</sup> Idi tahe iwitxiramy aōmybo rabire wiribi hitxiramy. Nonoe wetyky urahakÿle wese heka rare. Inyō ityre-ki ronymyhÿ. Hābuō wesehekÿlemy heka rare. Irataanadihikÿlemy ronymy heka tarati-ki heka idi ronymyhÿ. Womati tÿrÿrÿhÿkÿle wesehekÿle irataana rare. Tahe ijō heka itieresynaō-di heka tebòkihikÿle heka rÿire.

<sup>15</sup> Ijō heka Deuxusÿ-ribi nade, ÿjuō. Tamyhe ryryre: —Bexitÿmyranyke, itieresyna-di tasÿ bexitÿmyranykre. Bededÿÿnana rehemynymy roire adee aō biòròròkemy.



<sup>16</sup> Tahe kia nonoe wetyky tyre-ki ronyreri tahe rexidelenyre riòròrerihe. Riwyrehe ibutumyhe aõna aõna riwyre tahe ributumyhe.

<sup>17</sup> Kia ijõ Deususy-ki ratxireri tasỹ tule debõnadimy ratximyhỹ kia tieresynadile ratxireri.

<sup>18-19</sup> Kia yju aõma heòty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bedede bedede kia biorobeke. Ceifale dori biorobeke. Rubumy dori rỹire hitxidỹyna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò.

<sup>20</sup> Tai tahe bederatyhe risorunyrenyre hãwã-ribi hitximy. Sõwemy hãlubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awarulomy heka rabeheõmy roire ibero.

## 15

<sup>1</sup> Ijõ aõna aõnamy rabire biu-ki ihewo-ribi riteòsinyreri. Debò inatxi reuròmy yjummy heka rymyra kaa aõmysydyỹna. Kidiwydenykre heka debò inatxi reurò aõhòkỹmy dỹỹnanamy. Idi tahe Deuxu ykaranamy rexikonanamyhe roikre.

<sup>2</sup> Iribi tahe bero nihikỹmy rabire wako-txi aõma heòty wese, womati tỹrỹrỹ wese. Sõwemy heka inymy rabire kia sutyre-ki nyidemy bero iòhòmy. Ibutumy heka aõni debure deburehekỹ kia rubu-ribi ritamy nyide. Iu heka aõni tai roiòhykyre heka, aritidỹỹna roiòhykyre heka. Tahe aõma aõniny rahaỹnanyrenymy ratximyhỹre iritxoomy tule violaõ oworuwodỹkyhe tai rỹire, Deuxu rawiunyrenyreri riryryreri.

<sup>3</sup> Moisesi Inynyrỹ deòdu wiu riryrynyreri. Tule Budoeni Riòre wiu riryrynyrenyreri. Kiamy heka rare: –Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary òbiti rare. Awi heka rare. Kai heka ibutu iòlò tate.

<sup>4</sup> Iòlòhyky tanamahãte. Tiiemy heka rityhynymy hyky hyky tanamahãte Inynyrỹbohomy. Wowydyna heka adee riwahinymahãke. Kai sohojile heka òbitityhymy atximahãte. Ibutu bedede bedede ludu heka anatyhynykremy kedea kedekre. Ibutumy aõbo tewinyte. Ibutumy bedede òbitidỹỹnymahãte heka rieryre.

<sup>5</sup> Kia bedeõ heka Deuxu hetomy roimyhỹre ierykõnamy roimyhỹre. Iwòte ierykõna. Tii heka riraynyrenyre heka kia bedede.

<sup>6</sup> Kia debò inatxi reurò kia yjuhe ròhònyre Deuxu heto-ribi. Diwydehe debò inatxi reurò aõhòkỹmy dỹỹnana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare.

<sup>7</sup> Sohoji aõniõ aõma Deuxu ykarana hyna sohoji sohoji-ò tamy diwahinyde.

<sup>8</sup> Deuxu hetowo heka aõma wadãhãkỹlemy reare. Loosõna dori iruru dori sõwemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyõ heka iròteõna. Debò inatxi reurò yjummy. Kia ritxiwimy rexihudile tahe iny ralòke.

## 16

<sup>1</sup> Deuxu hetowo-ribi ijõmy raholare rybetereõ-ò. Rarybereri yju mahãdu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe yjummy dòhònymy deade tahyna-di dõtxiwide bedede-ò.

<sup>2</sup> Iribi tahe rexidelenymy reare aõma juhoo yju ihyna ritxiwire bedede-ò. Yju binahakỹmy ròhònyre ibutu inymyhe robỹtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahãdule heka yjy yjy ròhònyre.

<sup>3</sup> Tahe ihewoludu heka tahyna-di dòhònymy deade. Betyre ritxiwire. Bee hãlubu hukỹlemy reare. Ibutumy bera-ki raremyhỹre ituere.

<sup>4</sup> Juhu ludu hewoludu tahe ritxiwire berohokỹ tyre heka ritxiwire. Bee ibutumy bewydysyna rihòrõnyre. Ibutumy hãlubu hukỹlemy relere.

<sup>5</sup> Tahe ŷju rybe raholare aõhebo bera-ki rotŷŷnyreriò: –Kai Deuxu, Kai awi tate. Kai òbiti tate. Tuhyy ahãte ihãre tahe tuhyy ahãte.

<sup>6</sup> Rybe tŷnydŷŷdu mahãdu heka ituere, rurure. Deuxu ijoi hãlubu ritxiwire suò. Katahe rubudŷŷdu kaihe iòwydŷŷdukre. Hãlubu tetxiwiteriki tule iòwydŷŷdukre.

<sup>7</sup> Tahe raholare ijõ ŷju rarybereri-ò, Xiwena-ribi heka ròhònymy: –Kia InyDeuxu heka ibutumy ruru dire. Ibutumy tewinyte òbitimy awimy.

<sup>8</sup> Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikŷmy relere. Sõwemy heka iny risòre bedetòtee.

<sup>9</sup> Tai tahe rirajuamyhŷre Deuxu nibinahakŷmy rirajuarerimy ihŷre Deuxu dori diteònyde heka bededŷŷnana binahakŷ. Tahe inyò heka tõhòti rawitxiranyòhyre irayky-wydyna. Kiamy ixiwesehyy ròhòtinyrenyre. Kia iny heka aõhe rotŷŷnyòhyre wowydyna loosònabo.

<sup>10</sup> Iwitxira ŷju tahe aõma ritxiwire tahyna aõni ryna tyre. Kia heka aõni beludu rare. Tarynana tyre ronomyhŷ. Tahe ibutu irynanareny torohokŷlemy reare. Ibutu iòlòna torohokŷlemy reare. Tahe tòròtò-ki ruruare taaòhŷkŷhŷkŷnareny-dì.

<sup>11</sup> Tiiboho heka Deuxu nibinahakŷmy rryre webinadumy roireki taaòhŷkŷhŷkŷnareny-dì. Timy heka rexinohòtilosanyòhyymy hŷre aõbina binahakŷ riwinymy roiremyhŷ-ribi.

<sup>12</sup> Tahe iwitxira ŷju tahyna ditxiwide. Eufratesi berohokŷ tyre ritxiwire. Tahe ibutumy heka ruŷre. Oriente iòlò mahãdu dee tahe ryy kia riraynyre.

<sup>13</sup> Tuu rabire heka inataò tyytyby binahakŷ. Rexitykynyre òrò tykyhykŷ wese rexitykynyre. Aõni heka hemylala aõni inire tahe iry-ribi rexiòlòdŷŷnyrenyre. Tule aõnibina witxirary-ribi, tule aõni rybedubina-ribi.

<sup>14</sup> Iribi heka aõni bina tyytyby kia tyytyby ibutumy heka bede dinodu iòlò ributunyre. Raaõbinanykemy heka dirahude Deuxu kia mahãdu-ò. Deuxu ihitxidŷŷnatxumy rŷikemy heka anade tii dori ibutu ratyre aõna aõna-ki.

<sup>15</sup> Kristu rarybere: –Tahe boholabenyke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahãdu teysamy rŷikre. Atyky heka biywinymahãbenyke tai timyki maixŷrubenyòtyhy adehemynykreu.

<sup>16</sup> Kristu rarybere: –Ibutumy heka widotyde aõbinakedu Mikidu hãwã-ki wahe. Hebreu rybe-ki tahe Armagedom inire.

<sup>17</sup> Tai tahe ikonatyhy ŷju tahyna ritxiwire yhykile. Tahe raholare biumytxihikŷ raholare Deususŷ-ki. Deuxu rynana-ribi dòhònyde: –Ibutumyhe rakonanamy roire.

<sup>18</sup> Tahe biumytxihikŷle ibutumy rawodŷŷnyre. Tule biu relaanyra. Biu ramy-tataòmyhŷre idi tahe ramytatare. Tii heka lahityhy rare.

<sup>19</sup> Tai tahe Babilonia hãwã rabòhòre inataò jura juramyhŷmy. Ibutumy hãwã nihikŷ-ribi hetohokŷ rejuxunyre. Tai tahe kia Babilonia kia òraru-txi tahe Deuxu tõhòti reare. Tai tahe aõhòkŷmy risŷnymy hŷ ibutumy aõbede binahakŷ tamy riwahinyre.

<sup>20</sup> Bedebute ibutumy rexiwore. Iribi tahe hãwãlò tytyhykŷlemy reare bedero wesehekŷle.

<sup>21</sup> Idi inytyre resemyhŷre bera ere erewesele resererimy ihŷre. Ijõ iutxie tahe 40 quilo bede heka iutxie rare. Kia tahe iny sumy rŷire nibinahakŷmy Deuxumy rarybemy.

## 17

<sup>1</sup> Tahe ŷju monahyna-ki wadee rybemy nade: –Adee aritŷnynykre aõbo Hãwã Bero sõwe aõhebo rotŷŷnykré heka. Kia hãwã adee ariteòsinykre timybo rare. Wedena wese aõhòkŷmy rotŷŷnykremy. Deuxu heka aõhòkŷmy dŷŷnana riwahinyke kia hãwã-ò.

<sup>2</sup> Bede iòlò dinodu tamyhe iòraruna tamy rexiòrarunyre. Tule iny bedemy rŷira mahãdu ralòre tamy òtaòtamy.

<sup>3</sup> Tai ta kia ŷju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hāwyy my aōma iròdutyre-ki ronyrerimy. Iròdu heka isòhòkỹlemy roire. Debò inatxi reurò irati rỹire, tahe iò debò ituemy sōwe. Iritina heka aōkōre rarỹỹnomyhỹre. Deuxudee heka aōbina binahakỹlemy tai iritidỹỹna rỹimyhỹre.

<sup>4</sup> Hāwyy heka isòhòkỹ ityky rare, iwihikỹ rare. Ityky tyre heka womati tỹrỹhỹkỹ roire. Mana rỹsỹ wiwihikỹ, woumana-wana. Bemona debò-ki idi rare. Iwo-ki tahe bemonawo-ki tahe aōna bina nibina tai roire.

<sup>5</sup> Tai tasỹ iòru-ki tule rỹire iniò. Aōbo rare tahe iny rieryōtyhy. Babilonia Nihikỹ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki.

<sup>6</sup> Iribi tahe rabire hāwyy ixityre. Tii iny hālubu riòre. Ityhydỹỹdu mahādu hālubu-di rexiòdewārinomy heka rare. Tiiboho rurure, òbitimy Jesusimy rityhynyreki wahe. Kia hāwyy my tahe rabireu, rexiòtiidỹỹnyre.

<sup>7</sup> Tai tahe ŷju wadee rarybera: –Aōherekibo bede teòtiinomy tỹite. Adee arelyykre aōbo rare –kia hāwyy iròdu-wana, aritỹnynykre tiiboho aōbo raré.

<sup>8</sup> Iròdu tuu tabita, irumy rare tahe rurukre ele elemy. Tii hāloorehehekỹ-ribi kòdòhònykre. Iribi tahe rexihukre. Tii rurure idi ixiby dòòsede. Bede iny mahādu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoōre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aōkōre. Idi tii irumy kanankre ixybyle.

<sup>9</sup> Kia ibutumy adee aritỹnynykre: Debò inataō rati tahe iròdule rare. Kia hāwyy ityre ronyre kia hāwālò wesere. Iròdu rati tule iòlò mahāduō rare, debò inatxi reurò sōwe.

<sup>10</sup> Iruyre iòlòō tahe reserenyre. Sohoji iòlò tahe ratximyhỹre. Ihewotyhy ikonanaludu tahe, kanakre wijina. Tai ibededỹỹnana iòhòlere.

<sup>11</sup> Iòlò debòinataō ludu tahe iròdu rare –kia irumy juhūu rare tahe wiji rurumy rare wahe –tii juhūuu iòlò mahāduō rare. Tii tule ituekre.

<sup>12</sup> Debò itue òmy tuu tabitamy wahe tule iòlò mahādu rare. Tiiboho kanakre iòlòwesemy. Iròdu-wana tiiboho hāwā wedumy ronyrenykre iròdu aōni-wana sohoji horamy. Tii tyytyby bina rare.

<sup>13</sup> Tyyritiō riwinykre idi tahe ibutumy ruruna iròdu bina-ò riwahinykre.

<sup>14</sup> Raaōbinanyrenykre my heka Budoeni Riòre-wana. Tahe Budoeni Riòre aōbina-ki haỹnadukre. Tahe ŷju wadee rarybere: –Tii dori butu iòlò, ibutu iòlòna ratximyhỹre. Ibutu inynyrỹ ratximyhỹre. Ijoi heka kia ywimy tii-wana roire itarasaō-ki. Kia rityhynykre my rỹirerimy ihỹre.

<sup>15</sup> Tahe kia ahohokỹ, berohokỹ tai kia hāwyy ronymyhỹré. Tiiboho iny rare ibutu rybe-ribi, bede-ribi wahe.

<sup>16</sup> Debòwiò òmy tuu tabita iròdu-wana heka hāwyy derarenyre. Tii irurawonykre. Tii heka heòty-ò risōmy, riròrenykre wiò wiò. Ityky iribi ritara idi.

<sup>17</sup> Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aōbo ixideewimy riwinykre my. Tai tahe aōwaxiny aō tamywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemy na bede rỹidi.

<sup>18</sup> Hāwāhākỹ nihikỹ tabite heka wedena wesemy roire. Kia Hāwāhākỹ heka ibutu wedu iòlò rare.

## 18

<sup>1</sup> Tai tahe ijōmy rabire ŷjumy rabire biu-ribi ròhònyreri. Tii sōwemy iruru rare. Tii sōwemy iloosòna rare. Ibutumy bede ritoosònyre.

<sup>2-3</sup> Ta rryyre tarurumy tii rryyre: –Babilonia nihikỹ resera! Resera! Katahe aōma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta

boho boho. Nawii wixira wixira ibinahakỹ tai rasỹnymyhỹre, tyytybybina-wana. Ijohodu mahādu idi nieru sōwemy ributunyre. Idi rexityhynyre.

<sup>4</sup> Iribi tahe raholare ixityre rybeō biu-ribi rarerí. Manake hewa, Bòdòhònyke wa kia hāwyy-ribi. Kai heka waijoi toite. Tii-wana bexiòrarunyenkeny aōkō! Bexiòrarunyenkeny tii-wana, tai tii-wana aōhōkỹmy botỹnykre.

<sup>5</sup> Tii heka iòraru sōwe nihikỹmy ratximyhỹre. Deuxu heka aōhōkỹmy dỹñana tamy riywinymy ratximyhỹre iòraru-ki.

<sup>6</sup> Biwinymyhỹre heka iwese tii riwinymyhỹre wese. Aō ibinamy ibinatyhymy tamy relekre.

<sup>7</sup> Aō ibinamy ròhònyke inatxi bededỹñanamy tamy ròhònykre. Ibutumy aōbo tamywimy idi raremyhỹ heka riwinymyhỹ ixideewimy. Katahe iwese aōhōkỹmy rotỹnykre tahe rabadewokre. Hāwyy tahe ixidee rarybere: —Jikarỹ ikòlò rare. Wytese anokō jikarỹ rare. Tiku heka rabadewokōtyhy anohōkỹmy ratykỹnykōtyhy.

<sup>8</sup> Tai taheka aōwesele heka tamy bedetiidỹñdu kedehemynymy bedekre: rubu, aōdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehuđu ratximyhỹre. Tii ruru-di ratximyhỹre.

<sup>9</sup> Kia bede dinodu mahādu rahinykre itòenamy. Tii-wana dori òta òta riwinyrenyra. Tiiboho robikre wàdà iribi ròhònyrerìò wahe.

<sup>10</sup> Irehemy iribi rỹire. Ruberureri iaōhōkỹmy dỹñana lau. Tahe raryberenyre: —Babilonia hāwā, kai hāwā nihikỹ rare. Tahe wiji ituera atximahāte. Kobelàhàxe.

<sup>11</sup> Ibutumy aōna-ribi ijohodu rahinykre itòenamy. Inyō dorihe iaō tamy riwydyōmy tamy ijohonamy aōkō.

<sup>12</sup> Juhuu heka raaōbradỹmy aōma iny mahādu ratyre. Womati tỹrỹrỹ riōbranyōre. Tule woumana riwyrerimy ihỹre juhuu. Tykyisòwihikỹ wixira wixira heka riwyrerimy ihỹre. Tule òwòrulỹnyre, iròdu nohōmy riwinyrerimy ihỹre. Bede ritxoo ibutumy aōna iòwyhykỹre. Womati òta òta wiwihikỹ riwyrerimy ihỹre.

<sup>13</sup> Aōma rỹsỹna uri wiwihikỹ tule aderòna wiwihikỹ, tule vīi riwyre, paō widỹña, adỹñ-wana riwyrerimy ihỹre. Tule maixōmo, broreni, budoeni, awaru, tewe, ityti heòty, tule iny deòdu iòwydimy.

<sup>14</sup> Tahe ijohodu mahādu rarybere hāwā-ò: —Ibutumy aōna aōna wiwihikỹ ituera, kia kaiboho riwyrerimy ihỹre. Tiu ixityre aōna aōna riwyòtyhy, ixāwira.

<sup>15</sup> Tahe aōna-di ijohodu mahādu rabadewokre, rahinykre tiiboho dori iòraru-ki raityhynyrenyre. Irehe-ribi retehere. Ruberurenyre. Ryrereri:

<sup>16</sup> —Kobelàhàxe hāwā wihikỹ. Ibutumy atykysò ituera, awomati wiwihikỹ ituera, woumana, manawiwihikỹ ibutumy ixāwire.

<sup>17</sup> Sohoji òraule ibutumy iaōna aōna ixāwira. Ibutumy hāwòhòkỹ dinodu urile, iwiòhenadỹñdu mahādu tule suludu mahādu retehereri irehe-ribi. Tii dori nieru ritamyhỹre iaōna-di.

<sup>18</sup> Iu hāwā wàdāsìmy robirenyreu tahe, rryre: —Kia hāwā wihikỹ rare. Ijō hāwā iwese ihoōhyre.

<sup>19</sup> Tahe brybysi ityreneny rehurerimy ihỹre. Rahinyrereri, rryrereri: —Bobrekỹ, bobrekỹ hāwā wihikỹ. Aōwesele heka ixāwira. Ibutumy ityhy mahādu, iaōna rexihura.

<sup>20</sup> Tahe kaiboho beysabenyke biu ludu mahādu. Hāwā nihikỹ dori ituera. Deuxu hōrō mahādu, Deuxu deòdỹña mahādu, Deuxu dee rybedu mahādu ibutumy beysabenyke. Deuxu dori iaōhōkỹmy dỹñana tamy riwahinyre aòrauru-ki.

<sup>21</sup> Tahe ÿju nihikỹ heka manaō rimyre, mana nihikỹō, iwese maixōmosyna mana wese wahe. Idi rehure ahobero-ki rehure. Tahe rryre: Kiawese heka Babilonia hāwā-di arehukemy watrixereri waruru-di. Ixāwikre.



<sup>22</sup> Tahe wiu wodÿÿ kia hãwã-ki roholaõtyhyke, harpa wodÿÿ aõkõ, flauta wodÿÿ aõkõ, jurõna wodÿÿ aõkõ. Aaõmysÿdÿÿdu aõkõ kia hãwã-ki raaõmysÿdÿÿõtyhy. Mai rÿÿna, manasyana iny heka iwodÿÿ roholaõtyhy.

<sup>23</sup> Loosõna ay-ki ritoosõnyõtyhy. Herina mahãdu rybe ay-ki iny roholaõtyhy. Iaõna ijohodu mahãdu ibutu hãwã-ribi ityhy rare. Tule ibutummy iny riitxenanyre aõtaõta-di, bede bede iny wahe.

<sup>24</sup> Babilonia hãwã heka aõhõkÿmy dÿÿnana rotÿÿnyre. Deuxu rybedu mahãdu hãlubu dori kai tetata tule Deuxu hõrõ mahãdu. Rirubunyre mahãdu wahe.

## 19

<sup>1</sup> Iribi tahe ijoi nihikÿmy roholare. Ryrymy heka rÿimyhÿ sõwemy iny rÿimyhÿ biu-ki. Deuxu deysanamy heka ryryreri: –Wowydynamy Inynyrÿ-ò. Tarasana dori inyDeuxu-ribi rare. Wowydyna, ruruna ibutummy ihõrõle rare. Aõbo tii riwinyré, òbiti rare.

<sup>2</sup> Aõhõkÿmy dÿÿnana òbiti rare. Aõhõkÿmy rotÿÿnyre heka kia aderana-ki heka rare. Tii aõhõkÿmy dÿÿnana ritare. Bede iny heka riõrarudÿÿnyre. Tahe Deuxu riõwinyre teòdu rubudÿÿna heka riõwinyre.

<sup>3</sup> Ixityre ijoi ryrynyre, rawiunyre: –Wowydyna Inynyrÿ-ò. Wàdà raòwònyreri tai rawòsi-ribi. Ihyomy raòwònykre, hãwã nihikÿ-ribi wahe.

<sup>4</sup> Tahe ibutummy rejuxunyre Deuxu luukemy. Wawiò inaubiòwa matuari rare. Tule inaubiòwa aõni rare. Deuxu tahe rynana nihikÿ-ki ronyre. Tamy rirajuare: –Kia, Kia, wowydyna deysana Deuxu-ò.

<sup>5</sup> Iribi heka ròhònyre Deuxu rynana nihikÿ-ribi heka rybeunimy ròhònyre: –Biwowydynybenyke Deuxu-ò ibutummy deòdu mahãdu, ibutummy iny rityhynymyhÿre mahãdu, iyja ta nihikÿ-wana.

<sup>6</sup> Tahe ixityre ijoi-ò raholare. Ryrymy rÿimyhÿre. Tahe benihikÿlesetere wese heka iwodÿÿ rÿireri, biumytxi wesehekÿle heka iwodÿÿ rÿireri: –Wowydyna Inynyrÿ-ò biwahinyke. Tii iruru dire. Tii heka iòlò rare.

<sup>7</sup> Ibutummy iny rekeysarenyke. Tamy wowydyna rikiwahinyrenykre. Tii dori inihikÿre. Iòhõra dori kia Budoeni Riõre kia hãwyyomy herina kia bededÿÿnana-ò. Worana bedehesi kÿnyikre. Ihãwyy heka rexiywinymy ratxireri.

<sup>8</sup> Tyyurahakÿle-di rexityynykre. Awityhymy ityy doimyhÿde wahe. Deuxu dee awihikÿ widÿÿna wese heka kia ratxireri.

<sup>9</sup> Kiamy heka ÿju wadee rarybere: –Kia biritinyke. Ibutummy lobidÿÿna mahãdu reysamy ratxireri. ÿju wadee rarybere ijõ: –Kia heka Deuxule tuu rarybere. Inatyhy rare!

<sup>10</sup> Tahe jiarÿ resere ÿjukõ-txi ariwowydynykemy. Tahe tii wadee rarybere: –Kia widÿÿõmyke hewa. Jiarÿ tule Deuxu deòdule heka jiarÿ rare, awesele wahe. Aityhydÿÿdu seriõre tule awesele rare. Rarybemyhÿre dori Jesuisi tyhydÿÿnamy. Deuxule biwowydynyke! Ibutummy Jesuisi relyyre heka tuu rybedu mahãdu ritÿÿnyre.

<sup>11</sup> Iribi tahe tuu rabire awaruurahakÿõ biuwetyky-ki. Inyõ ityre-ki rononymhÿ. Ini heka Òbiti rare, Inatyhy rare. Tii heka aõbinanymyhÿle rare.

<sup>12</sup> Irue heka heòty wesele rare. Irati heka sõwemy raheto rÿire. Iò-ribi heka nii roire, ini wahe. Urile inyõ rieryõtyhy mobo ini rare, tyyriti witxira dori tiile heka rieryre.

<sup>13</sup> Ihety heka hãlubuhukÿle-di ityre rare. Deuxu Rybe heka inire, hãbu wahe.

<sup>14</sup> Sõwemy iny heka awarutyre-ki rÿire, biu-ribi dòidenyde Deuxu Rybe hewomy, soldado wese wahe. Iny ibutummy ityyura-di rexityynyre, ityratyhy wahe.

<sup>15</sup> Tii heka mayrehe rabuhukÿle iry-ribi ròhònyrerimy ihÿre. Idi tii heka iny rirubunykemy ibutu bede bede-ò. Iribi tahe tii ròhònyre iòlòtyhy tii rare. Aõhõkÿmy dÿÿnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe.



<sup>16</sup> Ihety-ki heka iti-ki rÿire iniõ: Iòlò iòlò wedu tii rare, ibutu wedu wahe.

<sup>17</sup> Iribi tahe ÿjumy rabire, txu-ki rÿire. Nawii ibutu-ò ryrmyhÿ: —Bòdòibedenyke heka, Deuxu worana bedehesina-ò bòdòike rÿsÿna birÿsÿbenykemy.

<sup>18</sup> Aõmade biròbenyke, iòlòde, soldadu wedude, iawarude, ibutumy inyde biròbenyke, ixihy mahãdu, deòdu mahãdu, nihikÿ iyja-wana.

<sup>19</sup> Iribi heka tuu rabire aõni binahakÿ, iòlò mahãdu, tasoldado mahãdu wana. Wii ributunyre aõbinamy. Awaru tyre-ki ronyrerimy kia mahãdu-wana tiiboho raaõbinanykremy.

<sup>20</sup> Tahe aõni bina rymyrenyre, rybedu bina-wana. Teròwmy tii aõna aõna witxirawi riwinyre. Iribi ridyrenyre heka heòtyaho-txi idi rehurenkremy, enxofre-di riworonyre wahe.

<sup>21</sup> Ibutumy isoldado heka ituemy rÿimyhÿre rurumy. Mayrehe-di rurumyhÿre, kia awaru ura tyre-ki ratxireri kia ryrribi ròhònyreri kia-di rurure. Tahe rararesa deadeade ide riròkremy.

## 20

<sup>1</sup> Iribi tahe ÿju nademy biu-ribi. Irayna heka debò-ki idi rÿire. Hãloonihikÿ rayna wahe. Tule womati rerotihikÿle iruty-ki roire.

<sup>2</sup> Kia aõni rymyre, Diabo wahe, Satanasi wahe. Inyõ tule hemylala raninire. Tahe 1000 beòra riekre ritaataare womati reroti-di.

<sup>3</sup> Idi heka rehure hãloo nihikÿ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexihumy iròtena. Urihimyò bededÿÿnana bede riijekre, ixihyyle tai ixybyle ròbòdÿÿkre.

<sup>4</sup> Iribi tahe rynana sòwemy rabire. Iny ityre ronyreri mahãdu ywisidÿÿdu mahãdu heka rare. Iribi heka tuu rabire Jesuisi dee rurure mahãdu. Inatyhyna rybe tÿnydÿÿ òraru-ki heka rurure. Aõni rityhynyòre, iritxoo rityhynyòre, iritina òraru iòru-ki ritidiòtyhy, deboreny-ki ritidiòtyhy. Rubu-ribi tiiboho rexixarenyre. Kristu-wana ratxireri 1000 beòramy.

<sup>5</sup> Kia heka juhuludu ixixana heka rare. Ijõ rubu mahãdu heka wiji rexixaõkre. Tahe 1000 beòramy reareu, tahe rexixarenykre.

<sup>6</sup> Juhuludu ixixana mahãdu heka reysatyhymy rarekre. Ixyby rubunamy heka ruruõkre, inatxina rubunamy wahe. Deuxu dee, Kristu dee heka tiiboho Xiwena wahidÿÿdumy roirekre. Tii-wana 1000 beòramy riwyrenykre, iòlò mahãdu wesemy heka ratxirenykre.

<sup>7</sup> Kia 1000 beòra reareu heka Satanasi ixihyymy ròhònykre bede-ki.

<sup>8</sup> Tii itxenadÿÿdumy ròhònykre ibutu iny riitxenanykremy. Kia Kòke bede, tule Makòke bede rare. Satanasi heka sòwemy iny ributunykre raaõbinanykremy. Tiiboho sòwemy ihÿre ÿnyra sòwe wese.

<sup>9</sup> Tiiboho tahe ibutu bede-ò rariarenykre ityhydÿÿdu hãwã rirurawonyrenyre kia Deuxu hãwã Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahãdu òludu wahe.

<sup>10</sup> Tahe diabo iitxenadÿÿdureny heka Deuxu rehure heòty aho-ò. Tai aõnibina, ruimy rybedu-wana juhu delemy tamy reserenyre. Tai txumy rummy aõ rotÿÿnyrenyhyykre.

<sup>11</sup> Iribi tahe ryanaurahòkÿmy rabire ityre rÿdu-wana. Suu biu-wana iribi rexitare, titxibo iòrenyre.

<sup>12</sup> Tahe iny rubumy rabire, iny ibutumy iko-ki rÿirenyre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo risÿnykre.

<sup>13</sup> Ahohokÿ-ribi tahe rubu mahãdu dòhònyde. Rubunahakÿ bede-ribi iludu mahãdu dòhònyde. Idi iaõna aõnamyna Deuxu timybo rexinohòtinykremy idi rare.

<sup>14</sup> Idi rubunahakÿ, rubuna-wana heòtyaho-txi idi adehu rÿikre. Kia ixyby rubu rare.

<sup>15</sup> Iru ityyriti-ki inyiniõ roiòkeki, tii tule heòtyaho-txi adehu rÿikre.

## 21

<sup>1</sup> Idi biu tÿmyra sutÿmyramy rabire. Juhusu juhubiutitxibo ikõrenyrene, ahohokÿ tule.

<sup>2</sup> Deuxu hãwã wihikÿ tÿmyra desemy nade biu-ribi. Iwese ijadõma tÿmyrawesemy ramyhÿre wese kia hãwã nade. Deuxu-ribi nade.

<sup>3</sup> Tahe rybehekÿ biurnana rÿdu-ribi nade-ò roholare kiamy: —Kahe Deuxu sÿ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre.

<sup>4</sup> Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura.

<sup>5</sup> Idi rynana-ki rÿdu narybede: —Wiji itÿmyramy ibutumy aõna aõna ariwinykre. Wadee tule narybede: —Kia bityrytinyke. Kaa rybe dori rybetyhy rare, ibutumy iny ratyhykremy.

<sup>6</sup> Kia ixyby narybede: —Ibutumy relera. Jiarÿ dori AA rare YY rare Juhuludu rare ikonanaludu rare. Inyõ bemomo risakeki, tamy iõwykõlemy ariõkre, beðlõnaberu-ribi wahe.

<sup>7</sup> Inyõ tarasadu heka ibutumy waribi rinykre. Jiarÿ iDeuxukre. Tii wariõkre.

<sup>8</sup> Idi kamahãdu heòty aõho enxofre-ò rekoarennyre kamahãdu wahe: —Iny brebu, watyhydÿÿkõdu, òrarudu, maleerudu mahãdu, òta òta mahãdu, iny rubudÿÿdu mahãdu, hàri mahãdu, ritxoo tyhydÿÿdu, ruidu mahãdu. Kaboho rubunatyhy-ò rururennykre. Kia tahe inatxina rubuna rare.

<sup>9</sup> Tahe ÿjuõ wadee nade, debò inatxi reurò mahãdu-ò. Tii hyna-di ryireri. Hynawo-ki tahe aõna aõnabina debò inatxi mahãdu-di. Kiamy narybede: —Mana ini, Budoeni hãwyy ini adee ariteòsinykre, hãwyy wese wahe.

<sup>10</sup> Deuxu Tyytybytyhy wamy reare. ÿju tahe riwadyre hãwãlõnora-ò. Jerusalë hãwã tÿmyra awityhy wadee riteòsinyre. Tii biu-ribi desemy nade.

<sup>11</sup> Deuxu loosõna-di yla aõkõ. Tii tahe manawiwihikÿ wese rarÿÿnymyhÿre. Jaspe wese, womati wese mana wihikÿ wese rare.

<sup>12</sup> Tii ijõtòbõna irariere, waòinatxi reuròmy ijõtòbõna, iitxedu ÿju tule. Ijò-ki tahe waòinatxi reuròmy Judeusÿ mahãduni wahe.

<sup>13</sup> Inataõ ijõtòbõna sõwe, iraro-ò, ibòò, biura-ò, beà-ò.

<sup>14</sup> Hãwã rurawona tahe waòinatxi reurò mana tyre-ki rÿimyhÿ. Mana sohoji sohoji-ki budoeni deòdu mahãduni rÿire.

<sup>15</sup> ÿju wadee rybedu tebò-ki womati tÿrÿrÿhÿkÿ deòho-di nade idi hãwã, hãwã ijò, hãwã rurawona iurihinamy.

<sup>16</sup> Hãwã tahe iurihina wiwesele rare. Tahe 2.200 iurihixina rinyre teòho-di tuu riwinyre.

<sup>17</sup> Rurawona raru tahe ÿju taurihixinamy riurihixinanyre idi 64my rinyre.

<sup>18</sup> Rurawona tahe jaspe mana-di relere. Hãwã tahe womati tÿrÿrÿhÿkÿ-di relere.

<sup>19</sup> Rurawo òraru heka mana wihikÿ-di juhuma heka jaspe rare. Inatxina safira rare. Inataõna, agata rare. Inaubiò-wana esmeralda rare.

<sup>20</sup> Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare.

<sup>21</sup> Woumanahakÿ sohoji-di heka ijò sohoji sohoji relera, 12my ijò wahe. Ryy heka womati tÿrÿrÿhÿkÿhyky-di relera.

<sup>22</sup> Tohodÿÿna heto tahe ihoõhyre. Deuxule dori tuu rare, Budoeni-wana. Tai ihoõre.

<sup>23</sup> Txuu ahãdu-wana tai ijõõre Deuxu loosõna, budoeni loosõna dori itxu-uxaranarennyre.

<sup>24</sup> Bede bede mahãdu iloosõna-di rÿikre. Bede bede mahãdu heka taaõna aõna wiwi-di tamy kidirahukre.

<sup>25</sup> Tahe ijò raratòbòõhykre, tai dori ruu ihoõhyre.

<sup>26</sup> Bede bede iòlò mahãdu heka wowydyna-di tamy kidirahukre.

<sup>27</sup> Inybina bina, iny òrarudu mahãdu tamy ralòõtyhy, ruidu mahãdu tule. Inyni heka Budoeni tyyriti irumy rÿimyhÿre mahãdu sohojile wahe.

## 22

<sup>1</sup> Idi ÿju wadee riteòsinyre, iru wahidÿÿna berohokÿ. Ibelyramy Deuxu rynana, Budoeni rynana-ribi òlòdu wahe.

<sup>2</sup> Ryrohokÿ tya-di kaa bera namyhÿde iwyoòwyò-ki iruwahidÿÿna bederarade rÿimyhÿ. Tii bederarade waò inatxi reuròmÿ raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare.

<sup>3</sup> Kia hãwã-ki ihetxi txuhòbina tai ijòõkre, Deuxu aõ ritxuhònyõra tai. Deuxu rynana-hakÿ itya-ki rÿikre. Kia teòdu mahãdu riwowydynykre.

<sup>4</sup> Tiiboho iòsÿnymy robikre inireny iòru-ki rÿikre.

<sup>5</sup> Tai ruu ijòõkre. Tai txuloosòna ijòõkre. Deuxu dori itxurenykre. Tiiboho tai ihyummy rÿikre iwese iòlò mahãduõ.

<sup>6-7</sup> Kia tahe ÿju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adhemynylekre heka. Deuxu heka taÿju deòdu adee kanarybekre. Kaheka wylemy ibededÿÿnana kedeakre. Deuxu rarybehyy ratximyhÿre tÿnydÿÿdu mahãdu-ò, aõhebo bede rotÿÿnymyhÿkremy roimyhÿré. Ibutumy kia tyhydÿÿdu mahãdu heka reysamy rÿikremy rÿira.

<sup>8</sup> Jiarÿ tahe Joaõ rare. Rabirahe, ibutumy kia raholare. Rabimy rexihurau tahe, jiarÿ watiowotimy resere ÿjuko-txi.

<sup>9</sup> Ixityre wadee rarybere: —Iwidÿÿõmy hewa, Jiarÿ heka Jesuisi deòdu tÿnydÿÿduõle jiarÿ watxireri. Ibutumy Deuxu tyyriti ityhydÿÿdu biòwa jiarÿ rare. Deuxule bityhynyke.

<sup>10</sup> Tahe ÿju ijõmy wadee rarybere: —Aõbo teritidÿÿnyteri ibutumy iny-ò rybe bitÿnynyke. Kia bededÿÿnana iòhòlemy ratxireri.

<sup>11</sup> Kia bededÿÿnana kedehemynykreu, aõbina bina widÿÿdu heka aõbinale riwinykre. Iny binabina heka, ibinamy rÿikre iu. Inywiwihikÿ tasÿ awimy rÿikre iu. Kia òbitimy rÿira tahe, awityhymy relekre, òbitityhymy rÿira.

<sup>12</sup> Boholake warybe-ò, aõwesele heka anakre. Uriõno heka adiwymy wadi anawãhãde. Aõbo wadee aõ riwinymyhÿre wahe iwese aõbo riwinymy raremyhÿwesemy heka araòwynykre.

<sup>13</sup> Jiarÿ heka AA jiarÿ rare. YY tule jiarÿ rare. Tyyriti juhuru rare. Tyyriti konana rare. Jiarÿ heka juhuludu rare. Ihewoludu tule jiarÿ rare, ibutumy wahe.

<sup>14</sup> Ibutumy tatytyramy rÿira —teysamy rÿira. Tiiemy teysahyyhy rare. Iru òwòru wahidÿÿna bederaty heka ritokre. Tule rarònyrenykre kia hãwãhãkÿ-ò.

<sup>15</sup> Ibutumy òrarudu mahãdu tule òwòru widÿÿdu tahe irehemy Deuxu hãwã-ribi nyimyhÿde. Tule iny rirubunymyhÿre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãkÿ-ribi roimyhÿre.

<sup>16</sup> Jesuisi heka jiarÿ rare. Waÿju reteònyre adeeremy kia aõnaaõna bededÿÿnana relyyky. Kaiboho heka dohodÿÿna heto mahãdu-ò relyyrenyke. Jiarÿ iòlò Davi juhu rare, tule Davi riokore rare. Biurasò taina Jiarÿ rare, loosòna rare.

<sup>17</sup> Deuxu Tyytybytyhy rarybere: —Manake! Tule hãwyymy hãbumy heridu tule rarybere: —Manke! Ibutumy ijohodu tule marybeke: Jiarÿ, Juaõ, tule rarybere: —Manake! Ibutumy iny bemy rurumyhÿre mahãdu tule manake irube biõke. Iòwy-di aõkõ heka rare.

<sup>18</sup> Jiarÿ, Juaõ, rarybere ibutumy iny katyyriti rariamyhÿre mahãdu-ò.

<sup>19</sup> Iny ributunykeki aõmybo kaki ritydỹỹna roiré, Deuxu tamy bededỹỹna binahakỹõ riwahinykre karitidỹỹna roireki. Inyõ karitidỹỹna-ribi ritakeki, Deuxu òwòru runa ijuraõ wahe heka iribi ritakre tule Hãwãhãkỹtyhy-ribi nadedi wahe. Tai rỹire tyryiti-ki.

<sup>20</sup> Tule aõmybo narybede inatyhymy tule rarybekre (Jesuisi wahe): –Analekre hewa idi. Araroorehenyõtyhy. Juaõ, tule rarybere: –Kie, Manake Wanyrỹ Jesuisi.

<sup>21</sup> Deuxu deysana, Inynyrỹ Jesuisi Kristu kia deysana ibutumy adee kanakremy watxiwahãre.